

* 31. K. 30.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

* 31. K. 30



NOVA
ACTA
ERUDITORUM
ANNO
MDCCXXXIX
publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud MAURIT. GEORG. WEIDEMANNUM, B. LANCKISII Hæredes,
& CASP. FRITSCHIUM.

Venduntur etiam Romæ apud PAGLIARINOS, Venetiis apud
JO. BAPT. ALBRIZZIIUM & SEBAST. COLETI, Parisiis
apud BRIASSONUM, Ultrajecti apud JO. BROEDELET,
& Amstelodami in WAESBERGIORUM
& WETSTENII officinis.

MDCCXXXIX.



Lectori Salutem!

Nunquam in manus tuas integrum absolutumque Actorum Volumen tradimus, quin, Deo ita providente fieri, ut nec fatalis casus ullus, nec annorum longa series, nec invidorum pessima consilia, nec si quid aliud aut literis aut harum studiosis interitum parare solet, bonos & salutare rectioribus studiis conatus nostros interverterit ad hunc diem, & antiquo suo loco deturbaverit Musas nostras, effusissime gaudeamus. Scimus, & quotidie videmus, tristes lamentabilesque rerum etiam florentissimarum vicissitudines, quibus magna illa ac pene infinita mortalium consiliorum moles volvitur, & tanquam in orbem gyrat, quicquid humanis ingeniis curarum prodire & cogitationum solet. Nec ab hac, si qua est, calamitate ipsæ literæ immunes sunt, quarum & ætates variae, & varia fortuna, & progressus successusque omni tempore varii fuerunt, adeo quidem, ut vere dici possit, alia tempora alias scientias, aut harum saltem formas, gignere. Et, ut de his, quæ proxime nos tangunt, præcipue commemoremus, ejus generis librorum, quibus recentissime gestorum inter eruditos historia continetur, & nobilium ingeniorum gloria ad posteros transmittitur, nemo nescit, quam numerosum a Seculi inde spatio non exteræ tantum regiones, & in his Gallia maxime finitimumque Belgium, sed ipsa etiam Germania nostra, pertinax satis, etsi non semper felix adeo, exterorum æmula, proventum tulerint; & quam pauci horum ad ætatem justam, nedum ad eam, quam assecuti sunt Annales nostri, maturitatem, pervenerint. Id igitur divinæ primum providentiæ, sapientissimæ rerum humanarum omnium moderatrici, postea Augustissimi Patris patriæ, ut civium suorum, ita Musarum etiam, Tutelaris Dei, incomparabili clem-

X

men-

mentiae, denique eorum, qui labores nostros inde a tot annis consilio partim, partim approbatione, secundarunt, honestissimo nostri studio, tribuimus, quod a longissima annorum serie ad praesens usque tempus robur integrum servaverint, & veterem adhuc sedem, forsitan etiam dignitatem suam, inter otia placidissima, teneant Musae nostrae. Quam qui magnam esse ac in praestantissimis bonis habendam felicitatem intelligunt, iidem, dandam nobis operam, iudicabunt, ne ea deinde excidamus, sed ut recto gradu magnum illum virtutis, & si qua nobis ex virtute parta est, famae, cursum prosequamur, et sera posteritas eundem, quem cives & aequales nostri, ex laboribus nostris fructum referat. Nec sane, ut ad bene merendum de iis literis, quibus feræ hominum mentes ad mansuetudinem inflectuntur, nullo tempore ardor nobis studiumque defuit, nunc etiam animi viresque nos deficiunt; sed, tanquam fieri non posset, ut eadem, quæ res humanas omnes, mortalitas nos consequatur, longissime Annalium nostrorum florem prospicimus, & in ipso senectutis limine iam constituti, eos imitari senes videmur, qui, quo propius abesse se a fatali illo die sentiunt, hoc magis eum fugiunt, & adversus levissimos morborum insultus debile & infractum corpus suum fortissimis remediis obfirmant. Bonum vides, & vix ulli reprehendendum, sed, si Deorum ope destituatur, vanum tamen irritumque, consilium. Sint igitur eidem præpotenti Numini, cuius gratiæ debemus, quod in hanc ætatem viximus, in futurum etiam tempus res nostræ omnes commendatæ, & ad huius unice gloriam curæ nostræ deinde & labores redeant. Hoc enim si consiliorum nostrorum certo & constanti præsidio utamur; prosperrimis semper illorum successibus gaudebimus, nec dulcem illum recte actorum fructum, plausum & suffragia bonorum, frustra expectabimus.



No. I.

NOVA ACTA ERUDITORUM,

publicata Lipsiæ

Calendis Januarii Anno MDCCXXXIX.

MUSEUM ETRUSCUM, EXHIBENS IN-
signia veterum Etruscorum Monumenta, æreis Ta-
bulis CC, nunc primum edita & illustrata observationi-
bus ANTONII FRANC. GORII, Publ.

Prof. Histor.

Volumina II.

Florentiæ, in ædibus Autoris, excudit Cajetan. Albizinius, 1737, fol.

Vol. I plag. 17, Tab. æn. 200, Vol. II Alph. 4

plag. 14.

Duodecim anni sunt, cum Ill. *Thomas Coke*, inter Procere
Britannos *Löwal* dictus, Florentiæ suis impensis edendam
curavit *Demsteri Etruriam regalem*, curam Operis suscipiente
Viro Cl. *Phil. Bonarrotio*, Senatore Florentino. Hoc Opere
edito, ut alios, ita Cel. *Gorium*, incessit rerum antiquarum Etru-
riæ cognoscendarum cupiditas. Itaque, cum A. 1726 Vola-
terris complura Tuscorum veterum sepulchra subterranea in-
venta cum urnis, anaglypho opere sculptis, essent, ejusque rei
fama ad *Gorium* esset perlata, eo se ipse contulit, & adhibito
pictore Volaterrano, *Dominico Tempestio*, urnas omnes opere
anaglypho & emblemate insignes accurate delineavit. Sepulchri
dominus erat *Petr. Franchesinus*, a quo urnæ istæ, autore
Gorio, ad Senatum Volaterranum donationis jure transferunt.
Postea aliæ Volaterris urnæ Etruscæ inventæ sunt, quarum de-
lineationes ad *Gorium* pervenere; atque his rebus ita est illius

A

incen-

incensa cupiditas, ut omnem Etruriam comite pictore & chalcographo peragrandam fusciperet, &, quicquid ad res Etruscas veteres pertineret, neque vulgatum jam esset, studiose colligeret. Ex eo itinere redux capit consilium edendarum antiquitatum Etruriæ, si antea Florentina Musea perlustrasset. Quod cum fecisset, & ita magnum hujus generis rerum numerum coegisset, exequi consilium, de quo diximus, cœpit. Uti volebat opera consilioque *Philippi Bonarrotii*; sed, cum is A. 1733 mortuus esset, contulit se ad *Ludov. Burgetium*, Etruscæ & Pelasgæ linguæ peritissimum, a quo multarum Inscriptionum interpretationes accepit. Ceterum, cum A. 1735 prodromum hujus Operis edidisset, & hac ratione de consilio Viri Cel. innotuisset, multæ sunt undique ad ipsum Etruscæ reliquiæ missæ, imprimisque ex thesauro Vaticano. Ex omni hac copia delegit Vir doctissimus, quæ his ducentis Tabulis nunc, necessariis observationibus illustratæ, exhibentur. Sed, cum in antiquitatibus Tuscis imprimis celebrentur Eugubinæ Tabulæ, non alienum ab hujus Operis consilio visum est Cel. *Gorio*, vel unius interpretandæ illustrandæque periculum facere, redactis in ordinem quindecim Etruscis literis. *Quindecim* diximus; nam sic putabat, donec pæne absoluto Opere decimam sextam litteram reperit, de quo postea dicitur. Itaque non mirum est, in ea Tabula Alphabeti Etrusci, quæ est *Vol. II p. 417*, quindecim literas exhiberi, in altera *Vol. I p. 49* sedecim, quod ea absoluto reliquo Opere accessit. Hanc interpretationem suam adjecit cum observationibus, & simul Lexici Etrusci & Pelasgici edendi spem fecit. Jam, quod ad observationes *Gorianas* attinet, quæ *Volumine II* continentur, omnes Tabulæ *Demsteriani* Operis hic rursus eduntur, & multis locis fusius illustrantur. Neque enim omnia a *Bonarrotio* præstita sunt, & multa adhuc accuratius explicanda etiam post *Gorium* restant. Ceterum ex his monumentis patere Vir Cel. putat, Tuscos perspectam habuisse belli Trojani historiam, creditque autori *Straboni*, Etruriam ab *Homero* perlustratam dicenti, & multa in *Iliade* & *Odyssæa* commemorata *Homerum* ab Etruscis didicisse suspicatur.

Mens. Jan. pag. 3.
 ruscum. Latinae
 Litterae.

A . A . A .	• A .
Э . З . Е . Е . Э .	E .
	H .
Ө .	TH . T .
	I .
. d . 9 .	K .
. 1 . L . L . A . •	L .
I . H .	M .
	N .
	P .
q . p . b . p .	R .
2 . 2 . 3 . 3 .	S .
+ . + . + .	T .
. f . r . f . ^ . y . f .	V .
I . 8 . φ .	PH . F .

tur. Plerasque autem fabulas cum Græcis Romanisque communes habuisse Etruscos, etiam ex monumentis perspicitur, quæ *Demsteri Etruria regali Tom. I Lib. I Cap. 17* inserta sunt. Sed, ut ad ipsum Opus veniamus, primum locum occupat Tabulæ Eugubinæ interpretatio & illustratio; de qua, non alienum erit, quædam commemorare. Et historiam quidem harum Tabularum hic scribere non est necesse; quando & nota est doctis hominibus, & non uno loco ab eruditis hominibus traditur. Ex scriptæ videntur *Gorio* ducentis ante bellum Trojanum annis. Sed ab A. 1444, quo hæc Tabulæ Eugubii, Umbriorum urbe, inventæ sunt, in Etrusca lingua veteri illustranda laborari cœptum est, multa Alphabeta facta, quorum nonnulla adhuc in Bibliothecis latent, aliis aliunde eam derivantibus. Dedit hujus laboris historiam *Cel. Fontaninus* in *Antiqu. Hortæ Lib. II Cap. 7*; ubi tria Alphabeta proponit, primum *Gabrielis & Baldii*, alterum *Pauli Merulæ & Gruteri*, tertium *Cosmæ de Arena*. *Philippus Bonarrotius*, qui has Tabulas *Etruria regali* accurate descriptas inseruit, *Tom. I Lib. I Cap. 20 pag. 91*, etsi primus omnium verum vidit in *Addendis ad Demster. §. XLI*, tamen non omnes difficultates de medio sustulit. Felicius successit res *Cl. Burgetio*, qui quatuor & viginti literas fecit. Horum vestigiis insistens, suam symbolam conferre voluit *Gorius* noster. Is sedecim tantum literas facit, duodecim simplices, & quatuor duplices. Nam, cum videret primo, Etruscas literas parum atque adeo nihil discrepare a literis Phœniciis sive Cadmeis (conf. *Vol. II p. 418*), deinde ipsum scribendi modum eundem esse cum primævo scribendi genere cum Orientalium, tum Græcorum, nempe a dextro sinistrorsum, probabile visum est Viro doctissimo, cum figura literarum scribendique modo etiam numerum literarum esse servatum. Age vero, ipsam Tabulam literarum Etruscarum ex mente Viri *Cel.* exhibeamus. Ceterum de singulis his literis, earum figura, usu, potestate, ex instituto agit *Class. V Diss. I Vol. II pag. 405 seq.* & multa non indigna cognitu tradit, quæ huc omnia, per singulas literas eundo, transferre non possumus. Ea autem cuique literæ potestate, quam ipse sumit, tributa, & ita literis ordinatis,

Pag. 403.

TAB. I.

omnes Etruscas Inscriptiones interpretari se posse putat, idque se, uti supra dictum est, facturum promittit, si hoc specimen doctis hominibus probaverit. Ignorabat *Gorius* potestatem literæ Ψ & Φ . Sed, cum jam pæne absolutum Opus esset, adeoque hæc literæ essent *Vol. II p. 417* inter eas relatæ, quarum potestatem ignoraret, mira felicitate incidit in gemmam, quæ *Tab. 298 n. 4* exhibetur, in qua circa imagines Heroum, quos *Achillem* & *Ulyxem* esse apparebat, & ceteræ literæ declarabant, sculptæ essent, quibus adjutus, priorem illam *cb*, alteram autem *x*, esse intelligebat. Hoc tam luculento exemplo destitutus *Burgetius* cum esset, non est mirum, si eas literas cum aliis confundebat. Neque tamen vel sic omnium figurarum vim se tenere putat, quando ipse præter illas duas quasdam literarum figuras proponit, quas quo referat, negat se habere. Sed, ut ad Eugubinæ Tabulæ secundæ, quæ incipit: *Esumu*, interpretationem redeamus, ei inscriptionem hanc fecit: *Ortbium carmen lamentabile*; quia sic nuncupatur in tabula Pelasgica, quam interpretatus est *Burgetius v. 26, 36, 46*. Interpretatio autem, quam, quia gratum fecisse *Bibliotheca Italica* Genevensis Autores doctis hominibus intelleximus, cum interpretationes hujus generis *Burgetianas* Bibliothecæ suæ inseruissent, nos quoque adjiciendam censuimus, hæc est: 1 *Estote filii percussi simul*, 2 *incendite nunc impostas* 3 *urnas odoramentorum, remedium, fuga exitii late diffusi*. 4 *Pandite guttur viri, qui adestis*. 5 *A fratre ostensus ignis* 6 *Fratribus, sparsus fuit*. 7 *Pueri pandite guttur valide*; 8 *Puera, adstantes sacris, clamate gutture*. 9 *Matres omnes ter cantu majore ululate in sacris*. 10 *Clamate viræ omnes, Fratrum inauspicata*. 11 *Ululate filia, dissipata clamantes arva, eversa*. 12 *Desolatum far nimia ariditate, uredine sacrum, clamate*; 13 *Speciosi proventus desiderati in arvis: speciosa* 14 *camporum vastata sunt: fætus speciosi duplo* 15 *extremo exitio subversi sunt: clamate gutturibus, eversi sunt*. 16 *Clamate, astu optima subversa sunt: proventus* 17 *subversi sunt arbores feraces subversa sunt plus* 18 *annis tribus: exustione extincti proventus, alterati jam tribus* 19 *annis: extinctæ arbores feraces, fumantes*

Pag. 66.

res per annos 20 extinctæ: ululate, fugate sunt: extemplo
 21 abiire fructus annui pingues: persiccata sunt dona, fugit
 far: 22 ararum eversa sunt sacra tua necessaria, summe Jovis
 Pater, 23 exitium depelle: dexter tua serva: per Fratres
 24 Sacerdotes, per Patres apparentes sacris, totam per Juven-
 tam, 25 alumnâ per Juventam produc tua necessaria ali-
 menta: 26 ululate, clamate, tua necessaria, summe Pastor
 27 publice, depulsor: produc tuam necessariam nardum.
 28 Heu dispersum officium vide per Fratres 29 Sacerdotes,
 per Patres apparentes sacris, totam per 30 Juventam, alum-
 nam per Juventam sacram. 31 Vivifica armentorum sætus,
 desolatos arborum sætus: clamate. 32 Adspira, matura sæ-
 tus, consolida: tuos pauperes 33 penuria laborantes intueri:
 solida, profer frumenti copiam: 34 Sirium subtrahere a sætibus:
 epulas offeremus tremantes: omnes tuos pauperes 35 intueri;
 averte, averte lucem, Pastor publice. Monumentorum Etru-
 scorum apparatus in quinque Classes descriptus est. Prima
 continet CXIX Tabulas, quibus simulacra Deorum exhiben-
 tur, in quibus multi sunt, quorum Livius inprimis aliique
 mentionem faciunt, tanquam Ancharia, Valentia, Voltumna,
 & Voltumnus, Tages, divinationis ille autor, Voltumnus, Futur-
 na, Vacuna, Juno Feronia &c. Classi huic præmittitur Dissertatio
 erudita de Tyrrhenorum origine, in Italiam adventu, &
 idololatria. Singulæ autem Tabulæ Deorumque simulacra
 egregiis observationibus ex priscis Autoribus illustrantur; de
 quibus singulis dicere neque necesse est, neque locus patitur.
 Classi secundæ præponitur Dissertatio de Mythologia Etruscorum;
 ipsa autem quadraginta Tabulas complectitur, quibus varix e
 Græcis quoque Autoribus notæ fabulæ exhibentur. In tertiam
 Classem conjecta sunt monumenta ea, quæ sacra Etruscorum
 veterum exhibent, ut sacra Cabiria, Mithriaca, Acherontica,
 h. e. sacra Anchariæ, sive Belloniæ, sive Furinæ, & alia. Hæc
 Classis septem & viginti Tabulas habet, Dissertationemque de
 Physiologia Etruscorum in capite præfert. In quartam Clas-
 sem redactæ sunt reliquæ, ad mores Etruscorum publicos illu-
 strandos pertinentes. Hic scædera exhibentur, triumphus, ludus,

eorumque apparatus cum histrionibus, mimis, &c. saltationes, nuptiæ, triclinia, & multa vasorum genera, quæ omnia cum suis Dissertationibus, tum communi aliqua *de moribus Etruscorum priscis*, explicantur & illustrantur. In quinta Classe quinque tantum *Tabulae* conspiciuntur, quarum in tres priores monetæ Etruscæ descriptæ sunt, in reliquas duas autem gemmæ cælatæ. Huic præfixa est ea, quam supra commemoravimus, *de prisca Etruscorum scriptura* Dissertatio, quæ etiam de artibus & inventis Etruscorum exponit. Age vero, quoniam supra est, cum de literis Etruscorum commemoraremus, hujus Dissertationis mentio facta, qua de his, quas diximus, literis agit, nunc eam ejus partem, quæ de numis agit, in compendium mittamus. Etruscorum moneta dubio procul est ipsa Roma antiquior, quod non, ut Romana, percussa est, sed ex ære fusso conflata, ut facile adspectus docet. Conf. *Bonarrot. ad Demst. §. 38.* Non minor est antiquitate raritas, eaque nostris temporibus cum antiquissimis communis, quandoquidem, incredibile dictu, nemo veterum ejus aut mentionem facit, aut explanationem tradit. In his autem Etruscis numis reperiuntur *Saturni* & *Jani* capita, navis item, ut in Romanis, quorum signorum ratio e *Macrobii Saturn. I, 7*, doctis hominibus cognita est. Inprimis autem memorandum æs grave *Tab. CXCVI n. 6*, quod cum rate præfert caput Dææ galeatum, simulacro Romæ simillimum, quod in numis Consularibus occurrit. Galeæ adjecta est mitella, quæ cum etiam in simulacro Valentis *Tab. VII* cernatur, non improbable videtur Viro doctissimo, hanc esse Valentis effigiem. De hac effigie avide dicit se expectare doctorum hominum judicium, quando alii *Rheam Saturni*, alii *Jani* uxorem, esse putent. Nobis quidem, ut fateamur, multo verosimilior fit *Cel. Gorii* de Valentia sententia, neque solum propter miram similitudinem, sed etiam propterea, quod hæc effigies eadem est, ut Vir *Cel.* monuit, cum effigie urbis Romæ in Consularibus numis. Constat auctore *Plinio Hist. Nat. III, 5*, & *Solino Cap. 1*, vetustissimam fuisse opinionem, Romæ nomen ab Græcis esse, cum ante Valentia dicta esset, ab *Æsculapii* filia. Vid. *Salmas. ad Solin. l. c.*

pag. 5, *Rutgerfium Var. Lect. Lib. I Cap. 20*, *Meibom. ad Jusjurand. Hippocrat. pag. 54.* Quod si est, mirumne, si Valentia effigies in Romanis numis cernitur? Ceterum hoc insigne pondus ex ære exstat in Museo Capponio Romæ, & ad librari Romanam pendit uncias quadraginta. Cum autem libra Romana hodierna veterem excedat, facile creditur, antiquitus hunc numum duabus æris libris constituisse. Inter Etruscas monetas autem antiquissimæ procul dubio sunt, quæ vel ab usitata forma recedunt, ut quæ est *Tab. CXCVII num. 2*, ovalis illa figuræ, vel pro Deorum imaginibus notas quasdam & emblemata præferunt. Sic in nonnullis cernitur delphinus seu tyrsos, delphino congener piscis, qui cum Tyrrhenorum nomine congruit, quos primo Tyrsenos vocatos scimus, ut docet *Bochartus Geogr. sacr. Lib. I Cap. 33. Conf. Bonarrot. ad Demst. Monum. §. 38*, & ipse *Demster. Etr. reg. Tom. I Lib. I Cap. 3.* Hujus piscis hanc vim volebat *Spanhem. de usu & præst. numism. T. I Diff. 2 pag. 112*, ut in urbe maritima cufos numos ostenderet. In quibusdam etiam numis, ut *Tab. CXCVI n. 5*, tali expressi sunt, quos Vir Cel. originis Tyrrhenorum a Lydis symbolum esse putat, a quibus talos aliosque ludos inventos tradunt. Occurrunt præterea in his numis musca, apis, seu potius cicada & tridens, bipennis, rota, ancora, gallus, &c. Cl. *Bonarrotius* caput bifrons in his numis putabat esse signum regiminis earum urbium, quæ a duobus præsidibus regerentur. Quæ conjectura, quanquam non absurda Cel. *Gorio* videtur, tamen aliquid difficultatis ei videtur habere. Ea hæc est, quod antiquissimis temporibus apud Etruscos, uti apud Græcos, Romanos, aliosque populos, nulla alia nisi Deorum capita heroumque in numis exprimebantur, eaque aut ipsa, aut per symbola. Itaque magis placeat ei, *Herculis & Mercurii* bifrontis imagines in his numis expressas esse. Nam Etrusci *Herculem* ponderibus præfecerunt, & eorum exemplo alii. Vid. *Fabretti Inscr. p. 527 seq.* quod eum justitiæ amantissimum putabant. Idem muneris sustinuisse *Mercurium* scimus, adjecto altero, ut, quod inter omnes constet, mercaturæ, divitiisque, præesset. Gemini autem fin-

guntur, ut æquas in negotiatoribus partes respicere credantur. Venit etiam Autori in mentem, hoc duplex caput posse ad *Vertumnum* referri, aut ad *Vertumnum Janumque* simul, quas Etrusci tanquam Mercaturæ præsidēs venerati sunt. Eorum etiam Romæ in vico Tusco aliisque locis erant simulacra, ubi negotiari homines solebant; quam in ceteris etiam Italiæ civitatibus consuetudinem fuisse, *Acro* ad *Horatii* illum versum commemorat:

Vertumnum Janumque liber spectare videris.

Sed totum hoc, quicquid est, eruditis dijudicandum relinquitur. Nomina, quæ in numis Etruscis occurrunt, sunt urbium, a quibus cusi sunt numi, eaque aut integra, aut eorum saltem initia. Sic in uno numo reperitur antiquum *Velitrensum* nomen, in altero *Tudertum*, & in aliis alia. Sed, de his qui cognoscere cupiunt, quia literæ Etruscæ hic commode exprimi non possunt, ad ipsum *Gorium* & ad *Bonarrotii Addenda ad Monumenta Demsteriana* remittimus.

HERMANNUS HUGO, S. J. DE PRIMA
scribendi origine, & universa rei literariæ antiquitate; cui Notas, Opusculum de Scribis, Apologiam pro
WÆCHTLERO, Præfationem, & Indices, ad-
jecit C. H. TROTZ,

Ætus.

Trajecti ad Rhenum, apud Herin. Besselingium, 1738. 8.
 Alph. 2.

Quodsi communi eruditorum consensione refert plurimum, primas artium ac scientiarum origines, earundemque per tot Seculorum decursum ad nostram usque tempestatem conservationem ac progressus perspectos habere; id de illa omnino arte est dicendum, per quam propitio Numine id consequimur, ut primos quarumcunque disciplinarum natales, fata,

fata, modo prospera, modo adversa, & per quos illæ studiosius excultæ fuerint, ex remota antiquitate cognoscere, & docere alios, queamus. Sine literis ac scriptione esset, omnis hominis memoria brevioris ævi cancellis circumscriberetur, de illis, quæ fando ad nos transmittuntur, dubitandum nobis esset, num fraude hominum, aliorum credulitati insidiantium, an labilis memoriæ vitio, alia demta, alia addita fuerint. Uti singulari supremi moderatoris beneficentia ejusdem ævi homines oris ac linguæ consortio stupenda quadam ratione sociantur, ita literarum ductus, muta illa signa, faciunt, ut cum priscis mortalibus cogitationum societate jungamur, non aliter, ac si verba atque sermonem cum ipsis caderemus, illorum res ac molimina oculis nostris præsentemur, eorundemque circulis interesseamus. Qui primam scriptionis inventionem, ejusdemque varium in omni vita humana, tum publica, tum privata, usum, & qua via, mutatis subinde characteribus, inque alias linguas transfusis, vel commixtis, ad nostram memoriam fuerit transmissa, doceret ante *Hermannum Hugonem*, familiæ Lojoliticæ sodalem, inventus est nemo. Fuit is Bruxellis apud Flandros oriundus, in lucem hanc editus A. 1578, qui, optimis studiis ac diversarum gentium linguis innutritus, eas literas, quæ ab humanitate nomen habet, apud Antverpienses docuit. Inde sacro initiatus ordini, munus, quod ipsi inter cohortes militares demandatum erat, omni fide ac industria administravit, ut, sæviente dira febre, cum ab illis, quorum corpora æstus depascebat, se avelli minus pateretur, contagioso morbo correptus, vitam cum morte commutaret d. 10 Sept. (*Wittenius* d. 11 ejusdem nominat) A. 1629, ætatis 41. Præter *Alegambium*, de vita *Hugonis* atque scriptis quædam memoriæ prodiderunt *Wittenius* & *Jo. Fabricius* in *Hist. Biblioth. Fabric. P. VI p. 546*. Liber ejus de prima scribendi origine, quam primum in lucem prodit Antverpiæ A. 1617, 8, non solum æqua virorum doctorum judicia meruit, verum etiam adeo cupidos emtores invenit, ut a multo jam tempore in tabernis librariis fuerit desideratus, & si quando in publicis librorum auctionibus occurreret, ingenti redimeretur pretio. Utilitas igitur pariter atque raritas illius

Operis Celeberrimum *Trotzium*, charum iis omnibus nomen, quibus in deliciis sunt elegantiores literæ, movit, ut *Hermano Besselingio*, typographo apud Trajectinos indulsio, suavor existeret, ut libellum hunc in publicam eruditorum lucem revocaret, pollicitus, se, quicquid haberet, quod ad illustrandum ornandumque *Hugonem* facere posset, liberali manu collaturum. Quæ annotationes, licet satis sint eximie, & ex primis remotæ antiquitatis fontibus petitæ, limatiores tamen futuræ fuissent, nisi nimia typographi festinatio, & cura recensendorum Operum *Marani*, ab ipso suscepta, lucubrationes has præcipitassent. Promittit tamen Cel. *Trotzius*, se in posterum ea, quæ ab *Hugone* sunt omissa, singulari Commentatione suppleturum. Præmisit Operi huic Apologiam pro *Wachlero*, in qua *Barbeyracii* accusationes, tum *Wachlero*, tum sibi, intentatas, diluit, eundemque, prout merebatur Germanorum gloriæ juratus veluti hostis, sale satis acri conspergit. Hanc sequitur Præfatio, in qua historiam vitæ *Hugonis*, ejusdemque scripta, speciatim vero fata nostri libri, enarrat, simulque necessitatem cognitionis antiquitatum sedulo urget; quam excipiunt Dedicatio & Præfatio *Hugonis*, prius editioni præmissæ. Ut præcipua momenta libri ipsius, qui jam novo ac nitidiore habitu comparet, excerpamus, cum in eruditorum manibus a longo inde tempore versetur, necessum non est; id vero in præsentia agendum, ut, quid in iterata hac editione præstitum sit, quanta fieri possit brevitate, enarremus. Notæ eruditissimi *Trotzii* partim *illustrant* *Hugonem*, &, quæ protulit ille, luculentis testimoniis ac argumentis *confirmant*, partim dicta ejusdem *emendant*, partim, quæ deesse videbantur, *supplent*. Ordine singula exemplis comprobabimus. Primo quidem de iis dicemus, quæ ad illustrandum *Hugonem* pertinent. Docuerat *Hugo*, Ebraeos præcos sileo ferreo literas fixis ac laterculis incidisse, inque hujus suæ sententiæ confirmationem excitaverat locum *Job. XIX. 23, 24*, ubi vulgatus interpres adhibet vocem *calte*, quam lectionem sanam esse, & ferrum sculptorium a *celo*, vel antiquo *callo*, intelligi, demonstraverat. Eam explicationem ulterius confirmat *Trotzius*, prætereaque addit locos ex *Jer. XVII. 1*, & *2 Reg. XXI. 13*, in quibus

quibus pariter ad morem scribendi stilo ferreo, ac scripta delendi, alluditur. Calamos scriptorios fuisse juncos sive arundines, copiosissime prope Memphim, Gnidum, & Nilum, provenientes, ostenderat *Hugo*; hos Græcis scriptoribus καλάμῃς, δόνακας, & δονακίς, *Clementi Alexandrino* σχοινίς, & scriptoribus mediæ ævi κοιδύλῃς, appellari, nos docet *Trotzius*. Quod autem *Aufonio* dicantur fissipedes, formam eorum respicere, quoniam in medio partis infimæ findebantur, ut duos haberent apices instar pennarum nostrarum. Veteribus Indis in more fuisse positum, scribere in sindonibus, tribus tantum, quod ajunt, verbis indicaverat *Hugo*; *Trotzius* addit, ad hujus scriptionis similitudinem quam proxime accedere chartam bombycinam, quæ nomen sortita a βομβικός, bombyce, sive gossipio, vulgo cotton, scriptoribus mediæ ævi dicta βάμβαξ, & βόμβαξ, Italis bambacio. A quo tempore charta hæc in usu esse cœperit, accurate quidem demonstrari posse negat; ex *Montefalconio* tamen observat, illius usum Seculo XIII & XIV, exolescente charta papyrea Ægyptia & corticea, satis fuisse frequentem. In eo tamen *Montefalconium* errasse notat, quod chartam bombycinam cum nostra vulgari confuderit, cum bombycina ex pannis detritis, vulgo boomwolle, nostra ex linteis in frusta sectis, inque mortario ligneo contritis, conficiatur. De membranis, quibus olim ad scribendum utebantur, observat, illas olim in ludis adhibuisse pueros, bicolores dici *Persio*, quoniam ab interiore parte albæ, ab exteriori crocæ, fuerint, quod testimonio *Juvenalis* Sat. VII, 23, confirmat. Qua occasione notat, *Is. Vossium* ad Catul. pag. 52 confundere membranulam, quæ titulum libri & nomen Autoris referebat, cum involucris librorum, quæ *Grangæo* autore pariter dicuntur membranæ. *Hugo* ex *Scaligero* notaverat, chartam dictam esse a χαίρειν, quam salutationis formulam literis suis præmittebant Græci. Eam derivationem propterea minus valere existimat *Trotzius*, quia ante papyri inventionem formula ista apud Ebræos in usu fuerit. Ebræi adhibuerunt suum מלש, quod licet prosperitatem omnem includat, inde tamen derivationis istius ratio infirmari haud potest. Est enim tantum quæstio de usu vocis χαίρειν apud Græcos;

Pag. 71.

89 seq.

97.

pag. 108
seq.

112.

120 seq.

123 seq.

illam autem chartæ nomen dedisse, præter Autores memoratos probat *le Moyne Var. Sacr. Vol. II pag. 90.* Aureum aliquem liquorem nonnunquam olim adhibitum probaverat *Hugo*; *Trotz*ius ex *Mabillonio* addit, membranas purpura infectas fuisse, ut auri & argenti color in illis foret illulterior, hunc vero morem proprium fuisse Principibus & magnatibus, nec tamen promiscue ab illis adhibitum; inprimis hunc honorem codicibus sacris habitum, inde ad Diplomata transiisse. Qui hos characteres exprimebant, dicebantur Græcis *χρυσογραφοί* & *χρυσογραφοί*, ars ipsa nuncupabatur *χρυσογραφία*. Epistolarum ulum *Mosis* jam ætate obtinuisse, ex *Exod. XVIII, 6, 7*, iudicat *Lightfootus*, quem sequitur scriptor Britannus Historiæ universalis, a *Rev. Westerbaan*io in sermonem Belgicum conversa; ex verbis autem *Jethronis*: *ego socer venio ad te*, de epistolarum origine nihil certi colligi posse, existimat *Cel. Trotz*ius, cum possint esse verba præsentis ad præsentem, quod simili locutione *Plinii Lib. I Epist. V* adstruit. Verum, quod pace doctissimi Viri dictum velimus, hac ratione durior quædam prolepsis & trajectio verborum admittenda esset: quare, licet nolumus verba hic per literas directâ fuisse ad *Mosen*, potuerunt tamen ipsi per internuntios significata esse. Sequenti enim v. memoratur, quo modo *Moser* obviam processerit *Jethroni*, ipsumque multa cum honoris significatione exceperit. Sententiæ huic uti sovet *συνάφεια*, ita etiam LXX Interpretes eam sua auctoritate muniant, vertentes illud *אָמַר לְמֹשֶׁה וְלָאֵלֶּיךָ, אֲנִי מֵאֵלֶּיךָ, אֲנִי מֵאֵלֶּיךָ, אֲנִי מֵאֵלֶּיךָ*, *ἀγγεῖλεται δὲ Μωϋσῇ, λέγοντες, ἀγγεῖλεται δὲ Μωϋσῇ, λέγοντες, ἀγγεῖλεται δὲ Μωϋσῇ, λέγοντες*, annuntiatum est *Mosi*, dicentes, legati scilicet; eandemque ex magistris & Christianis interpretibus multi suam faciunt. *Tractatorum* epistolarum meminerat *Hugo*; *Trotz*ius, quales illæ & quotuplicis generis fuerint, edocet, datas fuisse ostendens ab Imperatoribus & Principibus illis, qui confecta militia domum redibant, itemque profectoribus animalium & equorum sacro usui necessariorum, illisque imperatum, ut necessaria omnia præberent, designato temporis spatio, quo quisque in unoquoque loco residere posset. Injecerat mentionem *Hugo* literarum *Uriæ*; *Trotz*ius animadvertit, hinc similes literas, quæ *Bellerophon*tis dicuntur, ortas. Quæ dixerat

rat *Hugo* de equis curfualibus, illustrat *Trotzius*, docens, cui usui inservierint, & institutos primum ab *Augusto*, a *Trajano* postea in meliorem ordinem redactos, ostendens. De postis notat, vocem in usu jam fuisse A. 1232; nūm vero earum origo in legibus Langobardorum & Capitularibus *Caroli M.* sit quærenda, subdubitat, accedens potius sententiæ *Bussierii*, existimantis, *Ludovico XI.* Galliarum Regi, inventum hoc adscribendum esse, nec tamen hunc primum invenisse eas, sed inventas potius renovasse. Notas veterum non a primitivæ ecclesiæ scriptoribus, quod S. Rev. *Cyprianus*, Prof. tunc Helmstadiensis, in *Diff. de Sigillis Cap. I §. 12* existimat, sed a *Cicerone* potius, arcessendas esse judicat, introductas tum, cum *Catonis* oratio contra *Catilinianam* in senatu haberetur, ut illa a librariis velocius excipi posset. Qua occasione *Jo. Nicolai* librum de *Sigillis* a judicio nimis duro *B. H. Reimoldi*, Prof. quondam Viadrini, vindicat, hoc tamen monens, *Nicolaum* sæpe *Hugonem* exscripsisse, non indicato ejus nomine, quod adductis exemplis pag. 180, 182, 199, probatum dedit. Ad serviles notas delapsus erat *Hugo*; quas *Trotzius* repetit ex *Lev. XIX, 28*, *Deut. XIV, 1*; quæ cum religioſe fuerint, ad servilem conditionem indicandam traductæ fuisse dici minus possunt, nisi quod in civili vita ea sæpe sunt imitatur profanæ gentes, quæ in Deorum cultu obtinebant. Notabant autem se profani homines signis deitatis cujusdam, cujus se cultui ad dicebant. Notæ serviles erant τῆς τῆ διαπότῃς πικρίας σύμβολα, ut ait *Diogenes* in *Bione* pag. 285 edit. *Casaub.* Imperatorem *Constantinum M.* morem facinorosos in frontibus signandi abrogasse docet, non ea de causa, quo minus impedirentur erecto vultu cœlum tueri, nec quod homo fronte potissimum divinam præ se ferret imaginem, nec in favorem prægnantium, sed ne infamiz macula in præstantissima corporis parte expressa conspiceretur, qua de causa eam in manus & furas derivavit. Ubi *Hugo* commentatur de notis judiciariis, *Trotzius* ex *Isid. Lib. I Orig. Cap. 24*, & *Rufino Inveſt. II*, in breviculis militum superflites litera T, mortuos ac occisos signo τῆ Θ, notatos fuisse observat, ad quem locum ex *Reines. Var. Lect. Lib. I Cap.*

Pag. 136
seq.

146-148.

169 seq.

189 seq.

195.

218 seq.

- 7 annotat, verisimile esse, pro T legendum esse T; cuius utriusque literæ mutationem per esse facilem addit, ut sic ὕμης alteri τῷ θάνατος opponatur. Mortuorum autem nomina ex breviculo expuncta non esse, quoniam per gloriam perpetuo vivere judicabantur. Occasione *tesserarum frumentariarum* monet, ab illis probe distinguendum esse *titulum aeneum*, qui, *Valentiniano & Valente* imperantibus, sublati tesseris fuerit introductus, in quem annonæ modus & nomina accipientium incidebantur, quod contra *Salmasium* ad *Vopisci Aureliani* Cap. XXXV pag. 503 demonstrat, unde etiam *frumentum aeneum* a tabulis æneis dicebatur. Modum constituendi jus hospitalitatis hunc fuisse tradit: Hospitii jura inituri, ἀσφαλάειν, *talum*, in duas æquas partes discindebant, quarum alteram hospitium præbens servabat, alteram hospitii jure gaudens accipiebat, qua dimidia parte tali producta, jus hospitii, quoties opus erat, renovabatur, simulque ad hæredes devolvebatur.
235. 236. Duravit hic mos ad illud usque tempus, quo diversoria in usu esse cœperunt, saltem non amplius infamia, uti apud Græcos, habita, sed iis signa quædam fuerunt appensa. Olim clavis fixis annos consulares notasse Romanos, dixerat *Hugo*; hoc testimonio *Livii Lib. VII Cap. 3* stabilit *Trotzius*, quem ritum diu post inventas literas inter rusticos, pristinae simplicitatis tenacissimos, servatum fuisse, ex *Perizonii Animadv. Cap. V* observat. Licet autem, illis inventis, clavi non amplius figerentur annorum numerandorum ergo; mos tamen hic inter Romanos conservatus, ut Dictatores crearentur, qui clavis fixis grassantem pestilentiam sedarent. In ritus hujus rationem se aliquando curatius investigaturum esse, Consultiss. *Gasserrum*, Jctum Halensem, recepisse affirmat; cum autem, sitne id ab eo factum, ipse ignoret, suam profert conjecturam, clavos illos fixos fuisse symbola solennis expiationis, quæ non sacrificiis solum, sed donis muneribusque fuerit parata, cum clavi huic fini servierint, ut ex illis donaria Diis dedicanda appenderentur. Ab hac sententia non alienus videtur *Gisb. Cuperus*, cujus verba in *Harpocr. pag. 45* hæc sunt: *Apollini, peste sedata, caprum dono dabant, rammum lauri supra januam figebant, Apollinemque precabantur,*

ut pestem averteret. De cifris sequitur fere sententiam Kircheri, Seculo demum XIII illas ab Arabibus Hispanos accepisse, indeque cum reliquis orbis Europæi populis communicatas fuisse, quam ipsam tuetur *le Moyne* in *Var. Sacr. T. II p. 786, 800*. Ante Seculum vero X Europæis jam cognitæ fuisse, contra Kircherum evicit *Jo. Wallisius*, Anglus doctissimus; quin *Is. Vossius*, quod ante laudatus *le Moyne* memorat, jam Seculo VI inter Europæos in usu fuisse, ex veteri Codice MSto *Boetii de Arithmetica & Musica* evincere conatus est; quod argumentum pluribus persecutus est *Cel. Jo. Frid. Weidlerus* in *Diss. de Characteribus numerorum vulgaribus*, Vitembergæ A. 1727 publicata. Ad *Cap. XXIX*, in quo quæritur, num literis & numeris arcana quædam vis insit, notat, forsitan *ὀνομαντεία* occasionem præbuisse legem de scæmina adulteria suspecta *Num. V*, cujus nomen ubi per aquas deletum, indicio erat, ipsam ream esse. Servis fausti ominis ergo imposuere nomen *Onesiphori*, in nuptiis faustum fuit nomen *Julia* ob scæcunditatem. Veteres Christiani librum Evangeliorum ad divinationem adhibuerunt; unde illum multo honore sunt prosecuti. In electione Episcoporum evolvebatur ac prælegebatur Caput aliquod, unde de illorum moribus ac vita omen ac præsagium caperetur. In incendiis ac morbis ab illo haud parum auxilii exspectabant. Superstitionem circa crucem, qua ad patranda miracula abusi sunt olim, milites, ut a tormentis bellicis immunes præstarentur, ægroti, ut sanitatem recuperarent, & hujus generis alia, notat. Adversaria dicta putat, quod veteres plerumque adversam chartæ paginam puram reliquerint, & id quidem ea de causa, quia ob summam chartæ tenuitatem periculum erat, ne scriptura deleteretur. Accedebat, quod chartæ scriptæ aliter ac hodie conglutinantur, ut hinc exterior pars munda relinqui debuerit. In adversaria conjiciebant prisca ea omnia, quæ fortuita erant, inde vero in mundum redigebant; quare adversariorum in judiciis probatio erat nulla. Originem albi amicorum Germanis adscribit, ejusdemque usum multiplicem ostendit. *Bullam* vocem ortum suum habere a *βυλή*, liquida geminata, quoniam in illis Imperatores aliquid decre-

Pag.

307 seq.

308 - 311

322 - 323

347 seq.

354 seq.

372 seq.

cre-

- Pag. creverint, illas autem non aureis semper scriptas fuisse literis.
- 376-378. *Commentarios* in memoriae subsidium adornatos fuisse, demonstrat. In his Principes nomina omnium illorum perscripisse, quibus aliqua reipublica administratio commissa fuerat; adhuc praesto fuerunt ipsis commentarii beneficiorum, in quibus omnia concessa & data a Principe perscripta fuerunt. *Elogium* ex ἑλλο-
 386-388. γων derivat Noster, Graecis ἐκλέγειν notare docens rationem, quare quis hereditatem adire, pariterque quare ab illa excludi ac exheredari potuerit. Ante *Justiniani* tempora vocem jam in usu fuisse, contra Cel. *Ottone*m probatur. Cap. XXXIII agit *Hugo* de rarioribus quibusdam Inscriptionibus, & de variis illarum generibus disserit, quae omnia illustrat & confirmat *Trotzius*. Ex quibus tantum notamus id, quod habet de statuis mercurialibus, quae quadratae fuerunt, quoniam *Mercurius* literas, musicam, artes palaestrae, & geometriam, invenisse dicitur. Hanc ipsam causam fuisse, quare viris doctis & illustribus *hermas quadratas* crexerint; unde Atticum illud τετραγώνος ἀνὴρ, vir quadratus, id est, vir bonus & rectus. Apud Romanos *Gracchum*, autore *Plinio*, primum milliaria singula lapideis columnis dimensum esse, quorum usum ipse procul dubio addidicerit ab Indis, qui lapidibus numerum milliarium, & basi nomen Imperatoris, aut conditoris, aut reficientis, inscripserint. Addit etiam quaedam de *milliario aureo*, cuius autorem primum facit *Augustum Dio Cassius*. Typographiae inventionem tribuit Germanis, & quidem Argentoratensibus, nec illos hanc debere Sinensibus, quorum institutum a nostro prorsus diversum sit. Qua occasione laudat institutum L. B. de *Canslein*. Imperatorem *Fridericum III* aurum vestimentis inferere primum typographis permisisse, eosdemque eruditis aequiparari voluisse, inde esse, quod in locis, ubi Academiae sunt erectae, albo civium inscribantur, ac sub jurisdictione Rectoris Academici vivant. Parisienses typographos tandem post litem 100 annorum, ab A. 1618 usque ad A. 1725 d. 10 Dec, id obtinuisse, ut membra Academiae sint declarati, privilegiis Academiae gavisuri. Porro *Fridericum* typothetis aquilam & galeam apertam, typographis gryphionem, globulos
 573 seq.
 579 seq.
 582-584.
 585.

typo-

typographicos pedibus tenentem, concessisse. Ex Germanis pariter *Franc. a Bocholt*, Montensis Ducatus opilionem, artem xri incidendi excogitasse, cui successerit *Israel a Mekenich & Martinus Stockius*, præceptor nobilissimi *Alberti Dureri*, denique artem incidendi ligno, seu xylographicam, Germanos & primos invenisse & coluisse. Veteres de librorum ornamentis sollicitos fuisse admodum, eorumque ligamenta nonnulla prorsus argentea et aurea fuisse. Speciatim de ornamentis Pandectarum Florentinarum Noster differit, & qua pompa proferantur, commemorat. De voluminibus circa teretes scipiones convolutis, apud Romanos, Græcos, & Ebræos, item umbilicis, eorundemque extremitatibus, quæ *cornua* dicebantur, variis coloribus, auro etiam, ornata, multa erudite expromit. Libris in averſa chartarum parte frustulum membranæ agglutinabant, purpureo vel alio colore tinctum, cui ab exteriori parte index sive titulus libri, nomenque Autoris, literis aureis inscribatur. Loris eos pulcherrimis constringebant, ne dissoluti pulverem, tineas, & blattas, admitterent, operculo, non tam ornatus causa, quam ut a pulvere & tineis tuti essent, indebant, cedro denique libros & chartas illinebant, quo tineas arcerent, eorundemque fini coronidem appiangebant. Papyri conficiendi artem jam *Eustathii* tempore, qui floruit A. C. 1160, in desuetudinem abiisse docet. De arte compingendi, qualis medio ævo obtinuerit, & quo modo successu temporis perfecta sit, haud proletaria subjungit.

Jam, quæ in libro *Hugonis* emendata sint a Cel. *Trotzio*, paucis dicemus. Autor asseveraverat, *Adamum* vel *Sethum* inventores literarum primos fuisse, addit tamen simul, earum usum non adeo necessarium illa tempestate exstitisse, cum rara fuerint studiorum negotiorumque commercia; cujus sententiam propterea Noster rejicit, quod illius rei nec vola nec vestigium in sacris literis reperiatur, & primi parentes rudi illa ætate omnia facili memoria complecti potuerint. *Eumenum*, Pergami Regem, primum omnium membranas, pergamenas dictas, conficiendas curasse, ex *Plinii Lib. XIII Cap. 11* assertum iverat *Hugo*. Huic vero opinioni intercedit *Trotzius*, quoniam, referente *Josepho Ant. Jud. Lib. XII Cap. 2*, *Eleasar* pontifex LXXII Interpretes una

Pag.
585 seq.

586-589.

589-597.

599-604.

607-610.

23 seq.

91 seq.

cum membranis ad *Ptolemaum* miserit, & Iones jam animalium pellibus ante *Ptolemai* ætatem usi fuerint, uti *Herodotus* in *Terpsichore* Cap. 59 docet, & quoniam chartis papyreis Ægyptiacis ob fragilitatem interposuerint membranas, variis coloribus, inprimis purpureo, ad nitorem infectas. Prior ratio, quoniam pro certo ponit, scripturam V. Testamenti in Græcum sermonem a LXXII Senibus conversam fuisse, quæ traditio multis fabulam sapit, non omnibus fortassis arridebit. *Hugo*, de *Siglis* verba faciens, notaverat *Cujacium*, vocem *Sighum* non a sigillo, sed a voce *singula*, derivantem; cuius derivationis rationem *Nosler* defendit, interque *notas* & *siglas* hoc discrimen intercedere contendit, ut per *siglas* intelligantur figuræ, quibus ad celanda mysteria sua utebantur *JCti*, per *notas* vero literarum compendia, illa cumprimis, quæ per singulares literas exprimebantur. Observaverat *Hugo*, *συλοκοπεῖν* *Hesychio* idem esse, quod aliquem infamia notare, quo sensu *Athenæo* Lib. VI Cap. 6 *Polemon* dicatur *συλοκοπαῖς*, quoniam illius nomen columnæ ad probum fuerit inscriptum. At ex *Casaubono* evincit *Trotzius*, nomen hoc *Polemoni* non in probum, sed gloriam, adhæsisse, utpote qui in perquirendis, describendis, publicandisque veterum monumentis totus fuerit occupatus. *Natalitiorum actorum* famam obscuram esse, dixerat *Hugo*; contrarium probat *Trotzius*, ad *Suetonium* provocans, unde, ante *Cajum Caligulam* obtinuisse illa, patere arbitratur. Originem illorum refert ad *Servium Tullium*, qui, quo nascentium numerum sciret, instituit, ut propinqui nata prole numum aliquem in ærarium *Junonis Lucina* inferrent, ubi contra quis vivis excessisset, in *Veneris Libitina*, cum quis togam virilem sumisset, in *Juventutis*. Ut actorum horum notitia certa esset, ideo fuisse necessarium putat, ne quis alienos liberos in actis pro suis profiteretur, præmiisque *πολυπαιδίας* frueretur, nec id familias tantum illustres spectasse, verum etiam plebejas, cum præmia liberorum omnibus omnino fuerint indulta. Ubi Autor agit de albo prætorio, eumque in finem adducit id, quod *Dio* Lib. LIX, & *Sueton.* in *Calig.* Cap. 49, de duobus libellis, quos *Protophones*, *Caligula* servus, circumtulerit, commemorant, exemplum

emplum illud ad album prætorium minus pertinere, ostendit. Pag.
 Differentiam, quam inter *Annales* & *Historiam* constituit Au- 359. 360.
 tor, ut *Historia* sit temporum, quæ vidimus, vel videre potui-
 mus, *Annales* eorum temporum descriptio, quæ nostra ætas
 haud novit, rarius observatam fuisse, adductis testimoniis probat,
 observans, *Annales* olim a Pontificibus conscriptos fuisse. *Con-*
dicta non fuisse programmata, publice fixa, quod *Hugo* existi- 378. 379.
 mat, sed *JCtis condicere* idem significare, quod *denuntiare*, do-
 cet, cum moris fuerit apud Romanos, rus colentibus per viatorem
 diem certum statuere, quo in judicio lege agerent. Quam
 vero significationem vox *condictio* post illa tempora induerit,
 erudite edisserit. Nomen *digestorum* non *Justinia-*
num, nec *Salvium Julianum*, quod cum *Alciato* putat *Hugo*, 382 seq.
 sed *Alfenum Varum*, primum adhibuisse, indeque ad volumen ju-
 ris, quod antiquorum *JCtorum* disputationes, legum responsa, &
 decisiones, continet, transiisse, probat. *Indictiones* denotare sacras
 literas, quæ & codicilli fuerint dictæ, *Trotzius* non concedit. 403-407.
 Restat, ut, quæ addiderit libro *Hugonis*, videamus. 62 seq.
 De diversa scribendi apud veteres ratione quædam in
 medium protulerat *Hugo*; quibus addit *Trotzius* joculari scri-
 bendi modum per *circulum*, qui in testamentis a dominis ra-
 tione servorum manumittendorum fuit adhibitus. Quo ipso 63 seq.
 in loco quædam addit de primo inventore literarum Gothica-
 rum, quem vulgo *Ulphilam*, sive, secundum *Jornandem*, *Gul-*
philam, vel *Vulphilam*, Gothorum Episcopum Arianum, esse
 existimant, qui & Scripturam sacram in linguam Gothicam con-
 verterit. Observat tamen ex *Basnagio*, ante id tem-
 pus Gothos jam habuisse literas *Runicas*, a voce prisca *Ryn-*
ner, sulcos significante, dictas, quæ ob mirabilem formam 128 seq.
 suam mysticæ & occultæ audiant. De inscriptionibus & sub-
 scriptionibus epistolarum, quas Autor plane silentio prætermi-
 serat, quasque *Lipsius* in *Institut. epist. Cap. 4* non satis explicue- 247 seq.
 rat, quæ ad institutum facere videbantur, addit. De *ῥαψωδο-*
μαντεία vel *ῥαψωδομαντική*, quæ ex *Homero*, *Virgilio*, alioque
 illustri Poeta, & postea ex sacra Scriptura, instituta est, quædam
 commemorat, illiusque divinationis antiquitatem idoneis exemplis

ostendit. *Caput XXVII* ab *Hugone* destinatum est notis Gram-
 maticorum; quoniam autem argumentum hoc non pro dignitate
 videbatur exsecutus, multa Noster de notis illis, earumque antiqui-
 tate & usu, commentatur. Distinguit inter signa *interpunctio-*
nis, & signa *critica*, sive *correctoria*. Inde observat, interpun-
 gendi signa olim fuisse nulla, vel voces singulas punctis interje-
 ctis distinctas fuisse, quod ex Codicibus MStis & Inscriptionibus
 appareat. Rationem hanc affert, quoniam linguam intellexe-
 rint, adeoque legendo facile constiterit ipsis, ubi sonus morari,
 vel protrahi, & proferri, deberet. Adhæc majusculis literis scri-
 bebant, & notis excipiebant, quæ dictabantur, ut hinc non ita
 commode interpunctionum signa inseri potuerint. Origine-
 nem interpunctionum ab *Aristotele* repetendam non esse, con-
 tra *Clericum* contendit. Apud Græcos primum eas adhibuisse *Ari-*
stophanem, Grammaticum Alexandrinum, ipsi est verisimile;
 apud Latinos *Ciceronis* jam ævo in usu fuisse, contra *Clericum* ne-
 gat, cum ipse *Cicero* libros suos signis illis non distinxit, nec in
 Pandectis Florentinis, quæ paulo post *Justiniani* tempora
 conscriptæ videntur, distinctionum notæ ullæ compareant, ut
 hinc ne quidem illa tempestate in usu fuisse videantur. Ante
 249-255. *Hieronymum* codices sacros interpunctos haud fuisse, testimo-
 nio *Cassiodori* munit. Et, si qua interpungendi ratio post hu-
 jus tempora obtinuerit, fuisse tamen illam ab hodierna distin-
 ctam admodum, & sequentibus Seculis barbaris oblivioni
 prorsus datam esse. Ad *Caroli M.* usque tempora in libris
 & Diplomatis nullam verborum distinctionem apparere, ex
Mabillonio de re diplomatica Lib. I Cap. II pag. 52 docet, hu-
 jus autem auspiciis factum esse, ut *Paulus Warnefridus* & *Al-*
cuinus, Diaconi, aliquot libros distinctionibus ornaverint, hanc
 autem interpungendi peritiam demum ab inventæ artis typo-
 graphicæ tempore ad perfectionem suam adductam esse. Qua-
 lis vero veterum interpungendi ratio, & quomodo a nostra di-
 versa fuerit, deinde fusius prosequitur. Quæ præterea *Capiti*
 huic subjecit de Criticis, eorundemque apud præcos munere, li-
 brorum correctoribus ac censoribus, iisdemque tum privatis,
 tum publicis, & qua ratione id jus sibi vindicaverit Clerus Ro-
 manus,

manus, itemque de signis criticis, eorumque usu, & quæ
affinis sunt argumenti, considerationem merentur. In *Caput*
XXXI, in quo varia scripturarum nomina exponuntur, varia
supplementa coniecit, cujus generis sunt, quæ de *apostolis*, *assigna-*
tione, *cambio*, *codice*, *corpore*, *desiderio*, *inscriptione*, *regeſtis*,
subscriptione, ac aliis, commentatur. Maxime huc spectat fu-
fior *de Scribis* Dissertatio, qua Opusculum hoc auctius at-
que ornatius reddidit. In hujus *Cap. I* agit de scribis, eorum-
que apud Ebræos conditione. Docet, hoc munus olim obisse
summum sacerdotem, succedente tempore *scribam sacerdotum*
a *scriba regio* distinctum fuisse. *Publicum* scribarum munus
administralſe Levitas, qui etiam Synedrio interfuerint, *scribam*
caſtrenſem multa polluisse autoritate. Scribas privatorum in
contractibus & instrumentis, libris eruditorum, legibus &
genealogiis Judæorum, describendis occupatos, huicque mune-
ri destinatos fuisse Kinæos, qui post captivitatem Babylonicam
in *scribas legis* & *scribas populi* divisi fuerint. Illos operam
suam locasse describendis libris sacris, corrigendis, exemplis con-
ferendis & literis numerandis, ubi de Codice *αὐτογράφῳ* *Eſræ*,
qui Bononiæ asservari dicitur, monet, illum nomen mentiri.
Eosdem fuisse dignitate conspicuos & legum peritos, qui in
lege describenda summam adhibuerint *ἀκριβέσας*. Scribas po-
puli libellos divortii scripsisse, ac inter viros principes numeratos
fuisse. Apud Persas scribam regium proximum ab Rege locum
tenuisse. In N. Testamento nominari *γραμματεῖς τῷ νόμῳ*
& *τῷ λαῷ*, quorum illi *publici*, hi *privati*, fuisse videntur.
Νομικὸς non fuisse sectæ Karæorum addictos, *γραμματεῖς τῷ*
ἱερῷ & *ἱερογραμματεῖς*, *Josepho* dictos, fuisse procul dubio ex
præfectis templi, ejusdemque rationes, redditus, & expensas, cura-
visse. Codicem sacrum non ita accurate descriptum fuisse,
quin nonnullæ mendæ in historicis maxime ac chronologicis
irreperint. *Cap. II* docet, scribas publicos apud Græcos &
speciatim Athenienses honestæ fuisse conditionis, ac *Petiti* ar-
gumenta, contrarium de Atheniensium scribis asseverantis, sub ju-
diciū vocat, nec *Spanhemio* assurgit, affirmanti, apud Syracusanos
vilioris eos fuisse conditionis. Distinguendum esse docet inter scri-
bas *publicos* & *privatos*, *publicos* fuisse vel *primarios*, vel *secunda-*

Pag.

270-295.

422 seq.

424 seq.

425-428.

428-436.

436-440.

- Pag. *rios*, quorum munus copiose describit. Munus scribarum apud
 440 seq. Athenienses perpetuum fuisse, quod Ill. *Spanhemius* ex Inscriptione quadam apud *Sponium* colligit, cum hac restrictione accipit, si referatur ad statum reipublicæ, qualis fuit imperante *Hadriano*, qui Atheniensibus multa indulserit beneficia; aliam fuisse rationem sub republica libera. Dignitatem scribarum haud
 441- 451. exiguam fuisse, ex *Act. XIX, 35*, monstrat, nec illum ex scribis fuisse, qui in ludis Olympicis munere suo sit functus, contra *Gregorium* disputat; quæ autem de dignitate scribarum disceptaverat, ex Inscriptionibus probat. *Cap. III* agit de *scribis Romanorum*. Apud Etruscos, itemque Romanos sub Regibus, munus hoc in usu fuisse, erudite docet. Quod autem *Cornelius* in *Eumene Cap. 1* dicit, mercenarium fuisse, non de statu sub Regibus, neque sub Imperatoribus, sed sub republica libera, intelligendum esse, cum tempore vero scribas majorem sibi auctoritatem collegisse, qui licet a *Catone* in ordinem fuerint redacti, crevisse tamen eorum dignitatem sub Regibus, ut ipsis Senatoribus fere æquarentur. Inde de scriba *adilitio*, *prætorio*, *senatus*, *castrensi*,
 462- 471. *navali*, *pontificis*, eorumque dignitate, differit. Scribas
 471- 476. Imperatorum, licet libertinæ essent conditionis, id tamen suis servitiis ac assentionibus assecutos fuisse, ut ipsis Imperatoribus tandem formidabiles evaderent. Inde varia scribarum nomina, *notariorum*, *memorialium*, *cancellariorum* *dictatorum*
 476- 480. *memoriae*, exponit, scribarumque dignitatem ad interitum usque imperii fere permansisse, indeque ad barbaros transisse, monstrat. In aula Romana *Cancellarium* olim proximum a Papa fuisse; quia vero is aliquando de pari cum Pontifice contendisset, dignitatem illam suppressam, in ejusque locum *Vicecancellarium* constitutum fuisse. *Notarios* ecclesiæ acta martyrum & disputationum cum hæreticis habiturum, item quæ in conciliis agebantur, consignasse; acta martyrum ab hostibus maxima ex parte suppressa esse. Inde se convertit ad *scribarum*
 481 seq. *decurias*, monens primum, quæ *Salmasius* de decuriis scribatus habet, *Valesio* per plagium haud surrepta, tum, quæ decuriæ initio gratis conferebantur, inde pretio redemptas, docens. Decuriæ
 487- 490. scribarum & apparitorum appellabantur olim *militia*, & quidem

dem *literata*, quam militiam poterat aliquis vendere, & ad hæ-
 redes suos transmittere; quantum vero pro introitu, quod ejus-
 dem decuriæ sociis accidebat, dandum fuerit, definiri non pot-
 est. His scribis solvebantur a Quæstoribus salaria publice con-
 stituta, quæ aliquando etiam appellabantur *annona*, quia rebus
 ad victum necessariis, frumento, oleo, vino, carne, ac aliis, con-
 stabant. In militia obtinuisse *quatuor distinctos ordines*, illo-
 rum, qui *docere poterant, horreorum, depositorum, caducorum*,
 quorum officia sigillatim exponit. A publicis scribis pergit ad
privatos, qui vel servi, vel libertini, fuerunt, quosque vel ad de-
 scribendos libros, vel rationes componendas, vel testamenta scri-
 benda, adhibuerunt. Priores dicebantur *notarii* ac *librarii*,
 quorum hi libros describebant, illi dicta cursim excipiebant no-
 tabantque. Bibliopolæ quoque alebant librarios suos, quorum alii
 erant *ἀντιγραφοί*, alii *καλλιγραφοί*; illi nova exempla ex aliis
 describebant, hi pulchre omnia exarabant, inque mundum re-
 digebant. Matronis etiam erant ancillæ librariæ, quarum
 mentio in Inscriptionibus, quæ ex hoc labore suo dotem sibi
 quærebant. Jus scribarum, posteaquam servile esse desiit, sibi
 tandem vindicarunt monachi, cumprimis Cistercienses, qui-
 bus præerant Abbates, iisdemque periti correctores adjungeban-
 tur, qui nomina sua adscribebant, quo munere aliquando fun-
 gebantur ipsi Episcopi. Virgines etiam Deo sacras operam
 suam aliquando huic muneri addixisse, ex MStis monstrari pot-
 est. In causas mendarum in MStis conspiciuarum dum inquit,
 illas repetit partim ex *Clerico*, partim ex *Mureto*, *Baluzio*,
Brenckmanno, non tamen omnes arcessendas esse a librariis,
 sed vel ab apographis, vel dictantibus, vel compendiosa scriptu-
 ra, vel a correctoribus, vel aliis causis, ostendit. Inde delabitur ad
tabelliones, qui Græcis dicebantur *δικανικοί*, item *πραγματικοί*,
 & qua in re munus illorum situm fuerit, edocet. Commen-
 tationi coronidem imponit tractatio de pœnis scribarum, qui-
 bus afficiebantur, quoties vel aliquid debebant, vel immuta-
 bant in tabulis publicis, vel sine superioris venia rerum publi-
 carum copiam faciebant ad instrumenta publica inspicienda vel de-

Pag.

490-494.

495 seq.

496 seq.

498.

499 seq.

500-505.

506-508.

Pag.
508 seq.

describenda, vel qui falsa testamenta dolo malo scribebant & supponebant, quibus fere *digitorum nervi incidebantur*, quam poenam constituit *Alexander Severus*, quæque ipsa post id tempus parata fuit illis, qui hæreticorum libros describebant. Quæ hanc Commentationem excipiunt, spectant diversa scribarum nomina, illa potissimum, quæ ab *Hugone* sunt omissa. Hæc sunt potissima Operis hujus *Trotziani* momenta, ex quibus unusquisque de pretio ejus judicare poterit. Ubique aliquid ex antiquitatum latifundiis est explicandum, ad primos semper fontes recurrit, diversas virorum doctorum sententias proferit, easdemque confligit, ac illam, quæ argumentorum pondere ceteris superior est, eligit, atque rationibus communit, illis semper scriptoribus nominatis, qui argumentum aliquod ex instituto excusserunt. Antiquitatum rei que literariæ studiosi invenient hic abunde, quibus sitim suam restinguant, Jcti plurima, Theologi ac institutorum priscæ ecclesiæ cupidi haud pauca, quæ in commodum suum convertere possint. Prouti igitur Cel. *Trotzio* de tam eximio fœtu ex animo gratulamur, ita autores ipsi ac suasores existimus, ut interiorum literarum studium in posterum cum Juris disciplina amico fœdere conjungere, & quod adhuc multa cum laude fecit, literatum orbem eruditis suis lucubrationibus ornare, pergat.

A REVIEW OF THE DOCTRINE OF
Eucharist, &c.

h. e.

RECOGNITIO DOCTRINÆ DE EUCHARISTIA,
ex Scriptura & Antiquitate repetita, a DANIELE
WATERLANDO, S. T. D. Regis Magnæ
Britanniæ a Sacris.

Londini, apud W. Innys & R. Manby, 1737, 8.

Alph. 1 plag. 14½.

Notum est ex Historia literaria Britannicæ, illustrem hodie
Præfulem Wintoniensem, D. *Benjaminem Hoadley*, novas
de

de S. cœna lites ante aliquot annos sevisse, aut, ut rectius dicamus, antiquatam jam in Socinianis disputationibus renovasse controversiam, ac e tenebris in lucem revocasse. Is nimirum præ se tulit, per cœnam Domini *communione* sanctorum hominum, & cum Servatore, & inter se, unice roborari, & ejus finem, quem Christus ante oculos positum habuerit, præter aliquam *sui recordationem*, nullum esse alium. Quid? quod, in hac *memoria* mortis Christi. *renovatione* ipsam S. cœnæ naturam & essentiam positam esse, constituit. Hac vero arida S. cœnæ explicatione credulam a sanctissimis epulis superstitionem abstergere & amoliri, easdemque profanis, quibus Anglia dudum abundavit, hominibus gratiores acceptioresque reddere, voluit. Hac igitur oblata D. R. Waterlandus occasione, quam quidem nominatim non designavit, totius sacrosancti de Eucharistia dogmatis recensionem instituit, ex sacra Scriptura & Historia ductam, quam vetustatis nuntiam & antiquæ veritatis lucem esse, sapientissimi quique decernunt. Præmissa est libro huic *Introductio* lectu non indigna, ipsa vero pertractatio *decem & quatuor Capita* complectitur. Dabimus operam, ut ex hac compendiaria, quam molimur, enarratione Lectores nostri rerum illic enodatarum plenior sibi acquirant notitiam. *Introductio*, quæ totius rei propositæ rationem reddit, *quatuor* momenta prænuunt ac præfulcit. *Primum* est, Scripturam unicam esse *fidei morumque regulam*. *Alterum*, ad intelligentiam Scripturæ multum valere, si sciatur, quid *Scriptores*, qui ante nos vixerunt, *illustriores*, iidemque *veteres* inprimis, tum vero etiam *recentiores*, docuerint, sic ut una & mente & voce de re aliqua consenserint. *Tertium*, inter bina hæc extrema, *superstitionem* scilicet *simpliciorum*, & *impietatem profanorum hominum*, prius omnino tutius esse, cui pro re nata faveatur; præsertim cum hic disertis verbis 1 Cor. XI, 27, 29, etiam atque etiam cavere jubeamur, ne indigne sacra utamur cœna, neve divinum ejus pretium ulla ratione diminuamus. *Quartum*, idemque ultimum, est momentum, injuriam Sacramentis fieri, si *positiva officia*, quam *religiosos ritus*, ea nominare malimus. Quo quidem loco planum sit, Eucharistiam

Pag. 2 seq.

II seq.

16.

17.

D

non

- Pag. 17. non nudum aliquod officium, sed *sacrum quendam ritum*, esse, in quo Deus nos amplectatur, seque nobis amplectendum offerat. Tum vero etiam docetur, non unum officium, verum omnia in universum, quæ Servator præscripsit, officia, in eo requiri homine, qui S. cæna digne uti velit. Hæc ubi, faciem præferente S. R. Autore, fundamenta jecimus, res ipsæ tractatæ nos ad se vocant. Et in Capite quidem I nomina S. cæne notissima, & præcipua quadam consideratione digna, ex antiquitate repetuntur. Nec vero recitantur tantummodo nomina, sed etiam declarantur, temporum simul habita ratione, quibus nata esse videntur. Sic dicta est Eucharistia A. D. 33 *fractio panis*, A. D. 57 *κοινωνία*, *communio*, ex 1 Cor. X, 16, A. D. 57 *κυριακὸν δειπνον*, *cæna dominica*, ex 1 Cor. XI, 20, A. D. 96 *προσφορά*, *oblatio*, A. D. 104 *Sacramentum*, A. D. 107 *Eucharistia*, A. D. 150 *Θυσία*, *sacrificium*, A. D. 150 *ἀνάμνησις*, *μνήμη*, *commemoratio*, *memoriale*, A. D. 249 *Pascha*, & A. D. 385 *Missa*. In Cap. II ipsa S. cæne institutio ex locis N. F. testatissimis, Matth. XXVI, Marc. XIV, Luc. XXII, & 1 Cor. XI, exponitur, & quemadmodum in locum agni paschalis suffecta sit, ex similitudine cum rerum circumstantiis, tum phrasium inde ductarum, demonstratur. Caput III de commemoratione aut recordatione Christi in Eucharistia præcipit. Hanc finem institutæ S. Cæne unicum ac proprium ex Socinianis Volkelius, Schmalcius, aliique, contendunt, atque adeo totam ejus naturam & essentiam in illa sitam esse sciunt. At S. Rev. Autor proximum τὴν ἀνάμνησιν τῆς κυρίου finem esse, verbis sacrosanctis, Luc. XXII, 19, 1 Cor. XI, 24, 25, confirmat, eademque accuratius, quam Sociniana familiae adscripti homines, interpretatur. Verba Domini, εἰς τὴν ἐμὴν ἀνάμνησιν, tria significant. Primo: *In memoriam mei*. Itaque memoriam personæ Jesu Christi, non modo ut magni & boni viri, nec tantum ut magni prophetae, nec modo ut capitis, domini, ac magistri nostri, verum etiam, id quod majus & gravius est, ejusdem, ut veri Θεοῦ ὁρώμεθα, hic renovare jubemur. Quam in rem idoneos Justini Martyris & Origenis locos S. Rev. Autor testatus est. Eadem verba secundo in memoriam mei possunt denotare, quæ

quæ cum *celebratione* conjuncta esse debet. Atque hæc, necesse est, ut locis, *Act. XX, 28, Phil. II, 5-8, Col. I, 14-20, Hebr. I, 2, 3, IX, 13, 14*, consentanea sit. Locutio Christi tertio in *memoriale mei* designat, Deo gratum & acceptum. Ut olim in Vet. Testamento in *sacrificiis memorialia* erant *typica*, *Lev. XXIV, 7, Num. X, 21*, ita nunc *Eucharisticum & Antitypicum memoriale* in N. Testamento habemus. Ut in Vet. Testamento erat ἀνάμνησις ἁμαρτιῶν, ita nunc sub N. Testamenti œconomia in illius locum ἡ ἀνάμνησις τοῦ Χριστοῦ successit. Huc eodem pertinet annuntiatio *mortis Domini* practica, *1 Cor. XI, 26*, quæ in *Capite IV, de commemoratione mortis Domini nostri in S. cœna* inscripto, separatim exponitur. Mors hæc eo est loco habenda, quo *sacrificia* olim *expiatoria* erant. Servator autem hoc, suum *expiatorium sacrificium* pro peccatis humani generis obtulit. Atque isto verbo καταγγέλλαν docemur, quemadmodum & Deo Trinuno immortales gratias agere, habere, ac referre, & hominum nos servitia præbere, debeamus. In *Cap. V de consecratione elementorum, panis & vini*, agitur. Quo loco 1. vera consecrationis natura in *precibus & gratiarum actione* ponitur, 2. eadem ut a *ministris Ecclesie* perficienda sit, exponitur, ac 3. *quid efficiat*, ostenditur. Ejus nimirum *efficacitas* in *relativa quadam sanctitate* sita esse debet, quam symbola adipiscantur. Hoc quidem vacat dubio, per Dominicam orationem ad sanctiorem usum illa *destinari*. At vero per verba institutionis symbola consecrata cum rebus a visu remotis, corpore & sanguine Christi, arcana quadam ratione *uniuntur & conjunguntur*, καὶ ὁ γεγωνὼς ἄρτος ἐπιδέχεται τὸν λόγον τοῦ Θεοῦ, καὶ γίνεται ἡ εὐχαριστία σῶμα Χριστοῦ κ. τ. λ. *Iren. Lib. V Cap. 2 pag. 294*, & calix consecratur, εἰς ἐνωσιν τοῦ αἵματος αὐτοῦ, *Ignatius ad Philad. §. IV. Caput VI de spiritali præcipit manducatione ac bibitione, quæ Jo. VI mandata legitur*. Sensus verborum hic est, ut putat S. Rev. Autor: *qui mortis, quam in cruce sustinuit Dominus, particeps redditur, idem etiam resurrectionem illius participare debet*. Cum his confert, quid veteres olim de hoc loco senserint, & quid recentiores præcipuorum, in quos orbis

Pag. 87.

73-89.

91.

72.

95.

96.

106.

113.

118.

136.

146.

149.

187.

- Christi divisus est, cœtum doctores eadem de re decreverint. His explanatis, propius ad rem propositam in *Cap. VII* ventum est, quippe quod *sacramentalem aut symbolicam in Eucharistia declarat manducationem*. Hujus quidem ita explicatur natura, sicut testatis ac pervulgatis *Reformati*, ut dici cupit, cœtus sententiis ac scitis consentaneum est, quæ huc redeunt fere: *Symbole sunt nuda signa rerum signatarum, oculos fugientium, id est, corporis & sanguinis Domini. Dum Christus dixit: Hoc est corpus meum, & hic est sanguis meus! hæc quidem verba non literaliter, sed figurate, ac interpretative, sunt intelligenda, ut elementa utramque materiam ab oculis avocant, cum effectu salutari, dignis representent convivis. Ut hoc, quod sumsit, S. Rev. Autor efficiat, stilum sanctiorem, phrasin in sacrificiis receptam, & alia argumenta, quæ causæ suæ servire putat, in auxilium vocat. In eo præcipue totus est, ut locos reverendorum civitatis Christianæ luminum, Ignatii, Justinii Martyris, Irenæi, Clementis Alexandrini, Tertulliani, Origenis, Cypriani, Cyrilli Hierosolymitani, & aliorum, describat, sibi que favere planum faciat. Hos Patres sacræ civitatis conscriptos provocat, ut dignum eum judicent, ejus rebus studeant, & patrocinentur. Sed, cum ei obsequi sponte noluerint, hoc facere invitos & recusantes coegit. A re proposita nostra sejunctum est, nervos illarum rationum, quas nostri Theologi dudum confecerunt, hic demum incidere. Ex historia dissensionum, circa sensum verborum Servatoris commotarum, quæ hic loci contextitur, omnes, quotquot a partium studiis alieni, nec a purgata judicandi facultate prorsus relictæ sunt, intelligent, nostræ ecclesiæ explanationem reliquis haud dubie antefereendam esse. Namque naturali vocum potestati, in rem tam eximia, & ad animi salutem valente, obediunt, neque griphis & captionibus, quas in axonibus suis Solon haud ferret, utimur. Manifestæ hic adsunt *propositiones*, quas artis ratioeinandæ magistri vocant, *exhibitive*. Pronomen enim *δεικτικόν*, *τῶτο*, in *subiecto* positum, ad binas res alteri exhibendas usurpatur, quarum *principalis*, oculos fugiens, in *predicato*, altera vero, quæ sensui patet, disertis verbis non exprimitur, & *vehiculi**

nomine insigniri solet. Sic *Philargyrus* ostendit tibi marsupium pecunia refertum, *hoc est*, inquit, *pecunia*. Hanc pecuniam, quæ res princeps est, velo nimirum tectam, non vides, marsupium, quod in se pecuniam continet, & usurpas oculis, & manu contrectas. Non dissimili ratione Servator in S. cœna sub externis signis vult *sumi* corpus & sanguinem suum. Ergo sub his iisdem vult etiam *dari* ac *porrigi*. Jam, re bene putata, sic rationes subducimus: corpus & sanguis in Eucharistia aut *absens*, aut *præsens*, est. At vero absens esse nequit; qui enim *dari* possit & *porrigi* aliquid alteri, quod *re vera absens* est? Ergo reliquum est, ut, cum poculum benedictum & fractus panis *convivis*, sive *probris*, sive *improbris*, *datur*, & ab his *sumitur*, *reapse* quoque ac *vere præsens* sit corpus & sanguis Domini, ac *simul detur* & *accipiat*. De modo hujus secretionis præsentis non disputamus amplius hodie, nec vero idcirco, quod hic nos præterit, rem ipsam in dubium vocandam, aut plane negandam esse, arbitramur. Satis habemus, quod verba Domini sic interpretamur, quemadmodum *propositiones exhibitivæ*, in omnibus cultioribus linguis usitatæ, requirunt. Ita vero mediam quoque viam, quæ inter barbaram *transsubstantiationem Romano-Catholicam*, & inter *præsentiam mere significativam*, solaque mente contrectandam, apud *Reformatos* receptam, interjecta est, in Ecclesia nostra *Evangelico-Lutherana* delignus, qua omnium sine dubio tutissime itur. Contestamur veterum sacræ civitatis antistitem locos, qui nobis facile, & sine ulla contorsione, adsunt, in contrariam vero partem inviti rapiuntur. Non miramur profecto, ex *umbratica Reformatorum* doctorum *præsentia* in *Socinismum*, qui nuda signa, folius memoris juvandæ gratia instituta, in S. cœna admittit, acutos delabi homines. Nonne enim umbraticæ & memoriales epulæ proxima se invicem affinitate contingunt? Quæ cum ita sint, Sociniani, ut sunt vasserrimi mortalium, tam leves umbras ingeniosis, quas unice diligunt, expositionibus ullo sine negotio dissipabunt. Quid? quod animum inducimus facile, ut credamus, illustrem Adversarium, contra

quem S. Rev. Autor tam levia arma tulit, copias ejus sine magna opum suarum jactura penitus confecturum, aut ei, manu diu cum hoste conferta, tandem in hujus fore castra transeundum, qui transfugam in fidem hac antiqua imperatorum recipiat formula: *quisquis eris, noster eris!* His excerptis & monitis, ad *Caput VIII*, præeunte Autore, nobis deveniendum erit, ubi locus *1 Cor. X, 16 seq.* explanatur & vindicatur. Sensus hic certus & fixus esse debet: *qui credunt, omnes in Christi & mortis ejus communionem perveniunt, sic ut beneficiorum ab eo partorum re vera compotes fiant.* Qua data occasione, novas Venerandi Mosheimii, Theologi Julii, quas in notis ad *Rad. Cudworthi de vera ratione Cæna Domini* libellum, Latine a se versum, illi interpretationi objecit, dubitationes acerbæ & asperæ nimium accusat, ac si sanctioris capitis argumentum non *explanasset*, verum *perplexum ac obscurum* reddidisset, quo *Lutheranam*, quam vocat, *notionem* exsculperet; ut alia acerbius dicta omittamus. Rationes Viri Celeberrimi colligemus: *durae sunt locutiones* Paulinæ, sine causa *distinctæ* voces adhibentur, nec *propositiones* ea, qua fas est, *accuratione limitata* sunt, si in verba *Reformati* cæterus doctorum hic jurandum esset. Et sane, qui in his dubiis parum firmitatis inesse sciscit, is vero nullo careat, necesse est. Ipsa purgata ratio statim, ut audit, hoc spernit scitum: est *causa* quædam *absens*, quæ in re aliqua efficienda, *mihi vere præsentæ*, hac ipsa hora versatur. Christi corpus & sanguis est *αἷτος τῆς σωτηρίας*, id est, *causa*, quæ *nunc* in salute, quam dudum peperit & *acquisivit*, *Act. XX, 28*, mihi *applicanda* occupatur, cujusque in animo *jam* percipio efficacitatem, & tamen *hac causa* a me *abest*. Quodsi causæ cujusdam *actu* in me *sensio* efficientiam; illa quidem causa non potest non *actu* mihi adesse. At, si abesse eam a me constituo, omnes etiam *effectus*, a *præsentæ* illius *actione* pendent, hac posita sumptione, nego. Itaque sententia, quæ a recta abhorret ratione, sancto homini male obtruditur. Verbis luditur mente vacuis, neque ideæ illis, id quod tamen fieri debebat, cum cura & solertia illigantur. *Effecta causa nunc effici-*

cientis

cientis *mibi præsentia* quidem sunt, verum *ipsa mibi causa præsens* haud est. Nonne hoc idem est, ac si sciscas: sentio, aliquid a causa quadam nunc effici, & non sentio? Si enim *causam*, quæ nunc in lucem aliquid profert, *præsentem* esse non percipio, neque id, quod profertur, *actu præsens* mihi esse, & a me percipi, præ me ferre queo. *Effectus*, qui *actu* præsens est & sentitur, a causa existit, *actu* eum conficiente. Quæ si plane absens esset, nec sentiretur; consequens est, ut nec effectus sentiri posset. Ergo nec hic præsens esset. Ex quo perspicuum est, *corpus & sanguinem Domini* in symbolis omnino *præsentia* esse debere, ubi recipitur, *effecta* re vera in S. cœna *præsentia* esse. Hoc vero dato, dandum erit & illud, dubia *Maschemiana* ejusmodi esse, ut usitatam *Reformatorum* explicationem, cui S. Rev. Autor favet, velut levent aliquam nebulam disjiciant ac dissipent. Prememus hoc argumentum diutius, ne bonæ causæ deesse videamur. Sumtiones *Reformatorum* hæc sunt: *Symbola* S. Cœnæ *signa* sunt *absentis* corporis & sanguinis Jesu Christi, & rerum *effectarum præsentium*. Hoc sumto, symbola erunt *signa signorum*. Namque *effecta* sunt signa, quæ de causa testantur. E. hæc & *signata* res erunt, & *ipsa signa*, quæ ingenii lusio, ut levissime dicamus, ipsa nive frigidior est. *Signum* rei cujusdam signatæ aut est *mere repræsentans*, ut typi V. Testamenti. τὰ ἀντίτυπα N. Testamenti repræsentabant, & ut subtilioris Arithmeticæ artis, quæ *Algebra* dicitur, periti, signo *- minus*, & signo *+ plus*, designant; aut est *conferens*, quod ipsam rem signatam, at occultam, confert. Sic, exempli gratia, medicus, data cuidam chartæ inclusa medicina, his utitur verbis: *hoc est medicamentum*. Ubi charta etiam est signum medicinæ, sed inclusam eam conferens. Medicina est *causa* sanitatis reddendæ. Quis vero tam inficetus & inconcinnus sit, ut dicat: *charta est signum sanitatis*. Hæc autem, medicina non sumta, consequi nequit. Ita, nisi in S. cœna corpus & sanguis Christi, quorum poculum benedictum, & qui frangitur, panis, signa sunt, re vera sumatur, nec sanitas mentis, & obsignatio veniæ peccatorum, archiorque cum Ser-

vatore:

Pag. 314
seq.

vatore unio ac conjunctio, vere obtineri & confirmari poterit. Vides, ei sententiae, quae *veram* corporis & sanguinis *praesentiam* in S. coena tuetur, maximam deberi reverentiam. Neque vero illud Rev. Mosheimis studium, quo *commate* 16, 17, & 18, vinculum divellendum judicavit, & *commate* 18 novam orationis partem inchoari censuit, eam accerbam, quam hic inviti legimus, censuram commerebatur. *Præcisam* enim & *constrictam* S. Pauli orationem saepenumero esse, præter alios, Jo. Lockius, civis Viri Clarissimi, in copiosa, quam suæ Britannicæ Epistolarum quarundam *Paulinarum Paraphrasi* præmisit, *Præfatione* præclare annotavit. Non igitur cum scribendi genere viri divinitus acti & eruditi, id quod tot loci extra controversiam collocant, *Mosheimiana* pugnat interpretatio. Vir inclytus debitis eam præsidis communivit, ea usus modestia, ut illam obtruserit nemini, secundis quippe aliorum judicii publicæ luci expositam. Nos vero eximio Magnæ Britannicæ Theologo istud sine mora concedemus, totam S. Pauli orationem *aptam* esse inter se, ac *coherentem*. Tunc hæc sententia, hæc vis rationis *Paulinæ* nihil amplius habebit dubitationis. Propositio *primaria commate* 14 habetur: *fugite plurimum cultum Deorum*, sigillatim a *religiosis convivis*, quæ in honorem ipsorum parantur, *vos abstinete*. Vis dehortationis universa in hoc sita est: nam *religiosa convivio nota sunt professionis*, & *indicia ejus sacra*, ad quam quisque pertinet, *societatis*. Sic, verbi causa, S. coena est *nota professionis Christianæ*. Nos enim, dum *ex calice consecrato bibimus*, *sanguinis Christi compotes reddimur*, & *fractum panem manducantes*, *corporis Christi participes evadimus*, *commate* 16. Ita nimirum nos, in honorem *præsentis* Dei nostri S. coena utentes, v. 31 *unum corpus*, unam societatem Christianam, constituere, præ nobis ferimus, *comm.* 17. Neque aliter se res habet, si *Judeos* spectemus. Hi, victimas in honorem *veri Dei* cælas comedentes, in *ara* partem se venire profitentur, cui verus Deus se interfuturum promisit, *comm.* 18. E. hæc *religiosa epulae sunt nota professionis Judaicæ*. Jam, his jactis fundamentis,
a pari

a pari rationem ducit S. Servatoris orator, *comm. 19, 20.* Haud dispari nimirum modo *mensæ Diis a profanis* hominibus instructæ *nota sunt ethnica religionis.* Hinc ducit S. Paulus hoc corollarium: *nolo, vos in demoniorum venire societatem!* Majus est & gravius aliquid, quod *comm. 21* sciscit: & *δύνασθε, ne potestis quidem* poculi ac mensæ & Domini, & deastrorum, participes fieri. Quænam hic vis demonstrandi subest? Hæc, ut putamus: namque *illæ* utriusque generis *epulæ* sunt *binæ res contrariæ*, & inter se repugnantes, eamque ob causam simul consistere nequeunt, *2 Cor. VI, 14.* Nemo simul & vero Deo, & falsis Diis, servire potest. Gentes profanæ serviunt falsis Diis, utpote quos in religiosis conviviis suis *præsentes* sibi esse credunt. Vid. *Platonem Lib. II de Legib. pag. 576,* & *Ovidium Lib. VI Fastor. v. 305.* E. vero Deo servire nequeunt. Vos, qui S. Cœna utimini, vero servitis Deo. E. falsis & commentitiis Diis servire nequaquam potestis. Nemo simul & victimam, ad placandum verum Deum cæsam, hoc est, corpus ac sanguinem Christi, & hostiam, deastris expiandis immolatam, participare potest. Profani homines hostiam deastris mactatam participant. E. victimam Deo vero oblatam participare non possunt. Vos, qui S. Cœna utimini, victimam Deo cæsam sumitis. E. in hostiarum deastris mactatarum communionem venire nequaquam potestis. Aut toti fallimur, aut hæc connexio & argumentatio omnibus nervis & partibus suis coheret, nec plura requiruntur ad viam ejus capiendam. Diutius, quam putavimus, in his pensandis morati sumus, sed rerum nos gravitas abduxit. Quæ reliqua sunt, indicabimus verius, quam declarabimus, brevitatis rationem habituri. In *Capite IX* ostenditur, ut *venia delictorum in Eucharistia detur.* Atque hæc doctrina cum ex S. Scriptura, tum ex antiquitate, probatur, ac vindicatur. Verum in *Capite X* docetur, quemadmodum *gratia sanctificans in Eucharistia conferatur*, eadem tractandi ratione adhibita. *Caput XI*, quod, nulla re interveniente alia, dictam hanc disquisitionem consequitur, *Eucharistiam* ut *ritum* quendam *federalem* considerandam contemplandamque

E

pro-

Pag. 320.

332 - 335.

347 seq.

363.

35 seq.

424.

- proponit. Rationes hujus sententiæ ductæ sunt 1 ex natura
 communis, quæ Deum inter, ac sanctum hominem, S. cœ-
 na utentem, intercedit, 2 ex antiqua sanguinem in *sæderibus*
 bibendi consuetudine, 3 ex ipsis *verbis institutionis*, & 4 ex
analogia, quæ inter S. cœnam, & inter *sacrificialia* Judæorum
 ac gentium profanarum *convivia*, a S. Paulo 1 Cor. X, 16, di-
 lucidandi gratia in medium prolata, sese offerre videtur. Rad.
 Cudworthus præcipuus Autor est, qui in separata illa, eademque
 brevi & minutæ molis, Commentatione, quam paulo ante no-
 minavimus, S. cœnam *epulum sacrificiale* esse, voluit. Hanc
 autem notionem cum viri nonnulli eximii falsitatis convicerint,
 S. Rev. Autor faciendum sibi esse putavit, eam ut rursus assere-
 ret ac tueretur. Nostrium quidem hic loci non est, tantas com-
 ponere lites, verum hoc non possumus non monere, quod le-
 gibus repugnet logicis, si ex *similibus* exemplis, quæ rem ge-
 neratim tantum ac universe illustrare debent, ipsæ proprietates
 ejus singulares arcessantur, ac veluti corollaria ex illis principiis
 ducantur. S. Pauli mens, id quod jam in antecedente vidimus
 oratione, huc valet: omnes tres, quæ hodie vigent, religiones,
Christiana, Judaica, Ethnica, in eo conveniunt, quod singulæ re-
ligiosa habeant *convivia*. Ex hac vero generali convenientia
 non vult concludi: *Judaica & Ethnica convivia religiosa sunt*
sacrificialia. Ergo S. cœna, quam *Christiani* celebrant, ejus-
 dem quoque generis epulum est. Hanc conclusionem ex ne-
 cessaria consecutione ductam haud esse, in logicis scriptis versa-
 tum præterit neminem. At nihilo minus tamen Capite XII
Eucharistiam eo vult loco a nobis haberi, ac si *sacrificium* es-
 set. Ubi primo historia litium, a D. Grabio, qui A. 1702 ad
Iren. Lib. IV Cap. 32 pag. 323 edit. Oxon. S. cœnam *propri-*
um sacrificium nominaverat, motarum, recensetur, deinde, *spiri-*
tuale illam *sacrificium* jure ac merito & esse & dici, demon-
 stratur, collectis & *veterum & recentiorum* hac super re judi-
 ciis. Caput XIII *preparationem*, quam S. *communio* requirit,
 enucleatam exhibet. Hanc nimirum præcedere debet 1 Ba-
 ptismus, 2 *debita* rerum, ad S. cœnam pertinentium *cognitio*,
 3 *sana*

3 *sana & genuina fides*, inprimis 4 *vera pœnitentia*, quæ his maxime indicîis declaranda, nimirum *restitutione ablati, facili delictorum in nos admîssorum condonatione*, studio unitatis *sacrae & publicæ* conservandæ, ac denique *caritate ac misericordia erga pauperes*. Reliquum est *Caput XIV*, in quo de obligatione ad S. cœnam frequenter accedendi disputatur, per *Secula octo priora* separatim eundo. Seculo I, dum Apostoli in vita manebant, ii, qui Christo nomen dederant, ad S. cœnam crebrius accedebant, aut *quotidie*, aut saltem quavis *die dominica*. Seculo II reperiuntur documenta, ex quibus perspicuum redditur, *quavis hebdomade*, sigillatim *die Solis*, Christianos S. usos esse cœna. Eadem Sec. III *quovis die*, Sec. IV aut etiam *quotidie*, aut *quater per hebdomada*, aut *sæpius*, Sec. V aut *quotidie* itidem, aut *dominicus* minimum *diebus*, Sec. VI *tribus* majoribus per annum *diebus festis*, natali Domini, *Paschate*, ac *Pentecoste*, Sec. VII *his etiam festis*, a *Gracis* autem *omni hebdomade*, & Sec. VIII aut *quotidie*, aut *omni dominica die*, celebrata fuit. Accedit appendicula, in qua significatur, ut hodiernæ Ecclesiæ S. cœnam frequentare soleant. Antequam hoc dimittamus Opus, non alienum erit, docere, qui summa ejus capita commemoravit, notulas quasdam necessarias consulto, ac re bene putata, hic admiscuisse, ne arida & jejuna *Reformata* sententiæ narratio majorem, quam meretur, auctoritatem eidem conciliaret. Has præterea majoris cujusdam scriptionis nuntias esse jussit, quam, si Deus faverit, meditandi, & oblata commoda occasione, in lucem protrahendi, non abjecit consilium. In ea nimirum explanationi S. cœnæ inter *Lutheranos* receptæ, solis principiis *Hermeneuticis* in auxilium vocatis, suppetias feret, planum facturum, omnes illos causa cadere, quotquot inconsulta eam temeritate & olim adorti sunt, & hodieque adoriuntur. Optamus ex animo, ut, qui in luce apud nos vivit, ac tot aliis scriptis reipublicæ & sacrae & eruditæ adhuc serviit, & utriusque pomœriis amplificandis plurimum contulit, hunc, quem molitur, librum brevi explicet, ex eorum haud dubie numero futurum,

unde plurimum roboris capere res Christiana possit, & ipsis veritatis *Evangelica* osoribus & violatoribus omni ex parte satisfactorum.

D. Joh. Wilh. Hoffmanns Sammlung ungedruckter Nachrichten und Urkunden, &c.
h. e.

D. JOANNIS GUILIELMI HOFFMANNI
*Collectio Documentorum ineditorum, Historiam, Juris-
prudentiam publicam, ac feudalem, aliaque S. R. I.
Jura, illustrantium.*

Pars I.

Halæ Magdeburgicæ, impensis Orphanotropei, 1736, 4
Alph. 3 plag. 15.

Est hoc nobis, qui Seculum hoc vivimus, in magna felicitatis parte ponendum, quod literarum nostræ reipublicæ cives optimi quique ac nobilissimi de proferendis undecunque tabulis publicis, & rerum gestarum monumentis, non publicatis ad hunc diem, at, quæ ad seram transmittantur posteritatem, dignissimis, certatim cogitent. Ipsa experientia testatur, quantum Juris publici ac feudalis prudentia exinde lucis capiat, dumne illi, qui talia colligunt, nubem pro Junone amplectantur, & qua ratione utilia ab inutilibus rite secerni debeant, turpiter ignorare se prodant. Præsens eruditissimi, & magna omnia bonis literis minantis, *Hoffmanni* Collectio earum una est, quæ summo jure eruditi orbis applausum merentur. Nullum hic Documentum, quod vulgare quidquam spiret, nullum, quod ad æternas damnandum tenebras putari debeat, legenti obveniet. Tam bene didicit Doctiss. Autor, nihil, quod non publice proficit, agere. Plurima hæreditatis jure ex locupletissima Illustris olim Fratris, *Christiani Godofredi*, Bibliotheca ad se pervenisse, pro insigni suo candore, ipse *Hoffmannus* docet. *Primum* hoc *Volumen* quinque *Documentis*, tanquam tot gemmis, superbit. Singulis Præfationem præmisit, continentem scitu utilia

Lectoribus, ad illa scripta paulo propius accessuris. Nos, quid boni secum ferat hæc Collectio, pro instituto nostro breviter dicemus. Sunt hæc, quæcunque hic leguntur, sermone scripta nobis patrio; sed, exterorum causa, titulos Latine exprimemus. Ipsam frontem ornant *Acta, seu accuratior notitia, de dignitate Imperatoris Romani, a Carolo V per Legatum Francofurti ad Mænum A. 1558 deposita*. Quæ sit vera causa, quæ motus *Carolus V*, imperio sese abdicavit, certatum quondam fuit, & adhuc sub iudice lis est. Generalis ratio ab ipso Cæsare perhibetur ingravescentes ætas, & valetudo parum prospera. Admodum igitur memorabile hoc factum est, præcipue cum ipsi sacri Rom. Imperii Principes Electores, sicut ex his Actis patet, incerti atque ancipites hæserint, quomodo sine detrimento ac diminutione jurium suorum, & quibus potissimum solennibus, res tam nova, nec inter Germanos unquam audita, peragenda esset. Neque tamen, quod mireris, unus est scriptorum hujus ævi, qui de nobili hoc argumento tam plene atque copiose scripserit, ut nihil desiderari possit. Quæ enim *Guilielmus Godelevæus* in brevi *Commentatione de Abdicatione, seu renuntiatione imperii & regnorum, a Carolo V Imper. facta*, attulit, non carent erroribus suis, nec de ipso abdicationis actu, ejusque solennibus, quæ die 14 Martii in templo S. Bartholomæi celebrata sunt, is ipse quidquam tradit; nec *Ulrici Obrechtii* *Dissertatio de Abdicatione Caroli V* iis sufficit, qui rem ipsam scire, non qualescunque meditationes politicas, cupiunt. Longe profecto certiora, ac meliora, docet ineditum hoc Opusculum; &, præclara multa inde disci posse, olim non ita cognita, non sine causa persuasum sibi habet præstantissimus Editor. Confirmat hoc ipse exemplo quodam. Scilicet plerumque creditur, ante tempus depositi a *Carolo V* imperii non initum fuisse ab Imperii Septemviris pactum singulare, quod *Capitulationem* vulgo vocant, cum fratre ejus, *Ferdinando I*, Romanorum Rege, imo hoc, accepta imperii Germanici dignitate, plane recusasse *Ferdinandum*. Sed, neutrum horum ita gestum, haud obscure ex Actis illis probari potest, quæ Doctissimus *Hoffmannus* ex antiquo MSto libro, cujus Au-

torem fuisse quendam ex Consiliariis, qui Electoribus Francofurti adfuerunt, suspicatur, felici successu, & propitia Minerva, in lucem produxit. Sequuntur dein *Acta de D. Ottonis a Pack examine in urbe Cassellana instituto, propter exemplum fœderis cujusdam inter Ferdinandum, Regem, & Electorem, Principemque, Pontificiorum sacris addictum, quod cum Philippo, Hassorum Landgravio, ille communicaverat.* In historia Reformationis parum honorifica injicitur mentio *Ottonis* illius *Packii*, quem *Georgii*, Saxonie Ducis, Procancellarium fuisse, constat. Causa hujus rei affertur suppositum ab eo fœderis cujusdam exemplum, inter *Ferdinandum*, Regem, Electores Moguntinum & Brandenburgicum, aliosque Principes, Vratislaviæ sanciti; quod *Packii* factum summa inter utriusque religionis Principes dissidia excitasset, nisi, detecta fraude ac malitia, nonnullorum studio saluti patriæ fuisset prospectum. At enim ostendit præstantissimus Editor, rationes, quæ vulgo proferri solent, non ita esse comparatas, ut, fœderis hujus formulam temere fictam esse a *Packio*, luce meridiana clarius appareat. Acta illa, quæ *Seckendorffius*, quod ad potiora capita, in compendium redegerat, jam vero integra & incorrupta præsens *Volumen* exhibet, occasionem acutis Lectoribus præbere poterunt, in hujus historiæ fundamentum paulo curatius inquirendi. Excipit hæc Acta *Instrumentum pacis Luneburgicum*, nostro sermone: *das Lüneburgische Zatz-Bock*. *Zatz*, vel *Satz*, est Instrumentum pacis, & unio, cujus vocis origo derivanda a verbo *satzen*, vel *setzen*. Descriptionem hujus Documenti protulit Cel. Editor ex vetusto quodam Chronico; quæ, licet obscura valde & intricata sit, hoc tamen indicat, quod in Ducatu Luneburgico confectum fuerit communi olim suffragio Instrumentum, in quo dissidia Principis & Statuum, itemque horum & Unterassiorum, ut solita utamur voce, composita sint, pace in perpetuum stabilita. Quam difficulter inveteratæ turbarum intestinarum radices ex universa Germania evelli potuerint, satis norunt Germanicarum rerum periti. Interea ergo temporis complures regiones ac provinciæ operam dederunt, ut, quam in omnes patriæ terras frustra fere

re-

revocari audiebant pacem, eam suis saltem finibus restituerent, & concordia, qua parvæ res crescunt, alienos olim animos feliciter conjungerent. Idque in Ducatu Luneburgico hoc magis videbatur necessarium, quod intercesserant *Bernbardo & Henrico*, ejus ditionis Principibus, graves cum multis ex ordine equestri, & civitatibus, cumprimis Luneburgensi, similtates, ob præcipuas regiminis partes, fidelitatis & obsequii præstationem, jura & privilegia, &c. coortæ. Hæc autem omnia ex scriptoribus, qui de turbis istis quomodocunque tradiderunt, parum recte cognosci poterunt, nisi plenioris Commentarii instar hoc consulatur Instrumentum, ex Codice descriptum membranaeo, cujus copiam Vir quidam summus politissimi Editoris B. Fratri benevole fecerat. Ad eundem, de quo diximus, Ducatum *quartum* quoque Opusculum pertinet, inscriptum: *Fasciculus Documentorum Luneburgicorum*. Sunt illa maxima ex parte ad Seculum decimum quartum referenda, ac præcipue urbium Luneburgi, Hannoveræ, & Ulsenæ, commemorant atque illustrant. Habebunt & hic Lectores, quod notatu ipsis dignum videatur, sicuti nec Documento *quinto* & ultimo, quod traduntur nobis *Acta & notitia de Comitibus, Augustæ Vindelicorum A. 1582 celebratis*, deesse existimamus, quæ publici Juris amatoribus uberrimos afferre fructus queant. Septem esse rationes, quæ commoverunt *Rudolphum II* Imperatorem, ut Status Imperii Augustam convocaret, & monet *Hoffmannus* noster, & ex his ipsis Actis luculenter patet. Prima inter eas est necessarium auxilium, quo Turcis, plena sceleris consilia contra Germaniam ineuntibus, occurri facile possit; altera crescentes in dies in terris Burgundicis turbæ; tertia ereptæ Imperio Germanico provinciae, cumprimis quod ad Livoniam attinet; quarta justitiæ provehendæ necessitas in Camerae judicio; quinta res ad matriculam Imperii spectantes, itemque moderatio ejus, & ab ea exemptio; sexta ingens in re monetaria confusio, & septima controversiæ, de præcedentiæ & votorum jure a Statibus quibusdam excitatæ. Quæ sane capita singula in hoc Actorum fasciculo copiose diligenterque proposita legimus: eorumque il-

lustra-

Illustrationi inserviunt quodammodo breves, quæ a Doctiss. Editore hinc inde accesserunt, animadversiones. In iisdem Comitibus rerum, ad Calendarium pertinentium, injecta quoque est mentio. Sed ideo nihil horum *primo Volumini* adjecit Consultiss. *Hoffmannus*, quod varia hujus argumenti scripta inedita in posterum divulgare apud animum constituit.

LA FIGURE DE LA TERRE
déterminée, &c.

h. e.

FIGURA TERRÆ DETERMINATA, PER
Observationes, a Dominis DE MAUPERTUIS,
CLAIRAUT, CAMUS, LE MONNIER, So-
ciis Academiæ Regiæ Scientiarum, Abbate OUTHIER,
qui cum Academia commercium epistolare habet, &
Domino CELSIO, Prof. Astron. Upsal. qui illos co-
mitatus est, jussu Regis, sub ipso circulo polari fa-
ctas, literisque consignatas a Domino DE MAU-
PERTUIS.

Parisiis, ex Typographia Regia, 1738, 8 maj.
Plag. 14, Tabb. æn. 10.

Magnum certe & immortale opus non solum fortiter alacriterque aggressi, sed &, maximis superatis difficultatibus, feliciter executi sunt Viri præstantissimi, qui auspiciis Regis Galliarum, ad orbem ultimum Arctoum missi, & a Rege Sueciæ liberalissime adjuti, id egerunt, ut de incerta huc usque terræ nostræ, quam inhabitamus, figura nos tandem certiores redderent. Tota, qua patet, cultior Europa, ad tantos eorum conatus attenta, tantamque patientiam, diligentiam, prudentiam, mirata, optatum nunc eventum læta intuetur. Nec quidquam reliquum esse dixeris, ad tam nobilem quæstionem penitus expediendam, quam ut ii pari fortuna usi revertantur, qui pari consilio, iisdemque auspiciis, ad medias novi orbis regiones pro-

profecti sunt. Globosam esse Telluris figuram, inter omnes constat. De eo quæsitum, varietate inter Philosophos disputatum fuit, utrum exacta sphaera, an sphaeroides, utrum sphaeroides latum, an longum, Terra sit, & quam ad minorem major diameter proportionem habeat. Oblongam esse Terram polos versus, & ovo fere similem, antiqui hæriolati sunt: quod nuper non mediocriter confirmare visa est Meridiani, per observatorium Parisiense transeuntis, dimensio, ab Academicis celeberrimis, *Piccardo & Cassino*, facta. Contra ea tellurem esse sphaeroides latum, *Hugenius & Newtonus*, magno juniorum consensu, docuerunt, egregiis usi argumentis, partim a gyro Terræ diurno desumptis, de quo nemo hodie dubitat, partim a deprehensa corporum gravitate, in regionibus terræ extremis, quam mediis, majore. Nec parum huic sententiæ favet ipsa arcus meridiani dimensio, a *Norwoodo* in Anglia facta, & cum *Cassinianis* numeris comparata. Scilicet hoc certum est, gradus Meridianorum ab æquatore polos versus, si terra sit sphaeroides oblongum, decrescere, si latum, crescere debere. Et *Cassinus* quidem, in parte australi Meridiani Gallici, gradus singulos, tanquam inter se æquales consideratos, 57097, in septentrionali 56960, hexapedas Parisienses æquare, comperit; a *Picardo* minime dissentiens, qui gradui inter Lutetiam & Ambianum interjecto 57069 hexapedas adscribit. *Norwoodus* vero in Anglia, atque adeo in parte Meridiani magis septentrionali, gradus non minores, sed majores, invenit, 57300 hexapedas Paris. æquantes. Et novissime *Musschenbroekius*, errores *Snellii*, partim ex propriis, partim ex ipsis *Snellianis*, observationibus correcturus, in Hollandia magnitudinem gradus Meridiani 57033 hexaped. Paris. constituit. Quæ a *Ricciolo*, *Fernelio*, & ab antiquioribus, traditæ sunt dimensiones, multo minus exactæ, nulliusque usus, deprehenduntur. At nec *Cassiniani*, *Norwoodiani*, *Musschenbroekiani*, numeri, ad definiendam Terræ figuram, concordant: nempe quia fieri nequit, ut vel oculatissimi observatores, instrumentis instructi quantumvis humana opera abolerent, graduum parum a se invicem distantium exiguam differentiam rite persentiscant. Ergo id agendum erat, ut viri cumprimis idonei gradus quosdam maxime distantes, prope

F polum

polum & æquatorem, ad mensuram denuo revocarent, auctoritate & liberalitate summorum Principum sustentati. Profecti sunt ad septentriones Cel. *de Maupertuis*, cum collegis, quos supra diximus. Dimensi sunt gradum Meridiani, per ipsum circulum polarem transeuntem: peractoque opere, de eo, quod effecerunt, publice nunc rationem reddunt. Complectitur ille gradus 57437 hexapedas Parisienses; ideoque 377 hexapedis gradum *Picardi* excedit, 512 hexapedis excessurus, nisi correctionem necessariam, cum propter aberrationem fixarum, a *Bradlejo* demonstratam, tum propter præcessionem æquinoctiorum, & refractionem, *Picardus* neglexisset: rursusque 950, vel, omissa aberratione *Bradlejana*, 1000 hexapedis major est, quam secundum calculum & principia *Cassini* esse debuisset. Ex quo sequitur, Terram omnino versus polos notabiliter depressam, sphæroidis non longi, sed lati, figuram habere. Summam diximus. Nunc etiam per partes eundum, & capita paucis attingenda sunt. Divisit Cel. *de Maupertuis* Volumen totum, quod nunc exhibemus, in *Libros tres*, præmissa Dissertatione historica, de omni itinere & susceptis laboribus. • In Præfatione de præsentī instituto, ac de usu amplissimo differit, qui ex solutione celeberrimæ quæstionis, de figura Terræ, & magnitudine diversa graduum Meridianorum, cum in Geographia & navigandi arte, tum etiam in Astronomia, maximeque in theoria lunæ perficienda, expectandus est; dimensiones superiorum commemorat, &, quid adhuc desideratum fuerit, ostendit, voluntatemque Regis munificentissimi, de quæstione illa finienda, per Cardinalem *de Fleury* & Comitem de *Maurepas* ad Academiam delatam, exponit. Ejusdem sententiæ nonnulla in Dissertatione historica reperiuntur. In qua deinceps successum itineris & nonnulla de rebus Lapponicis Autor enarrat. Holmiam, ineunte æstate A. 1756, cum sociis delatus, statim de opere exordiando cogitavit: cumque ad partem notabilem Meridiani dimetiendam series triangulorum formanda esset, cum basi quadam satis longa connexorum, cujus mensura, ope hexapedæ, quam exactissime haberi posset, primo quidem spes omnis fuit in ora & insulis sinus Botnici. Deinde vero, explorata ora, quod parum ex aqua emi-

eminere universæ insulæ deprehenderentur, abjicienda illa spes, & in desertas squalidasque Lapponiæ regiones penetrandum, porroque in horridos & præruptos montes enitendum, ingentique exquisitissimorum instrumentorum apparatu eo delato, construenda triangulorum series, angulique omnes quam curiosissime mensurandi fuerunt. Quibus rebus per æstatem confectis, commodaque basi in magno Torneæ fluvio determinata, eademque cum serie triangulorum, a Tornea urbe, septentriones versus, ad oppidum Kittisium pertingente, rite connexa, ut amplitudinem arcus Meridiani, inter utrumque oppidum intercepti, accurate definire possent solertissimi mensores, primo quidem Kittisii, deinde etiam Torneæ, complures observationes Astronomicas instituerunt, Sectore novempedali, & Quadrante bipedali, aliisque instrumentis, Londini, cura *Grahami*, quam perfectissime elaboratis, usi. Postremo, cum Torneæ fluvius glacie obtectus esset, basin, jam antea determinatam, ope perticæ, quam diligentissime iterum iterumque dimensi sunt: integroque fere anno circumactò, Holmiam redierunt. Atque hæc de Dissertatione historica, Operi præmissa: in qua quæ passim immiscentur, de rebus Lapponicis, & de luminibus borealibus, ibi observatis, ne longi sumus, omittenda sunt. *Liber primus* distributus est in *Partes duas*: in quarum *priore* exponuntur ea omnia, quæ moliti sunt Viri Clarissimi, ad describenda & connectenda triangula, ad observandos angulos, atque ad dimetiendam magnitudinem cum baseos, tum ipsius arcus meridiani, inter parallelos Torneæ & Kittisii oppidorum intercepti. Basis reperta fuit 7406 hexap. 5 ped. 2 dig. amplitudo arcus Meridiani 57', 28": ejusdemque longitudo 55023, 47 hexaped. Quibus assumtis numeris, eam longitudinem gradus integri computaverunt, quam supra indicavimus. In *posteriori Parte* repetitæ operationes sistuntur, quibus & priores operationes, & numeros, & ipsa instrumenta, sub rigidissimum examen denuo revocarunt: adjectumque sub finem Problema est, quod jam A. 1735 in *Commentariis Academia Scientiarum* Autor noster proposuit, de invenienda figura Terræ, ex cognita magnitudine duorum graduum Meridiani. *Alter Liber* varias complectitur observationes, quibus

elevatio poli Torneæ & Kittisii, magnitudo refractionum sub circulo polari, & differentia Meridianorum Torneensis & Parisiensis, definita fuit. *Spolius & Bilbergius*, A. 1695 a Rege Sueciæ Torneam missi, exiguis & parum elaboratis usi instrumentis, elevationem poli constituerunt $65^{\circ}. 43'$; quam etiam duobus scrupulis minorem constituere ex suis observationibus debuissent: iidemque refractiones, in illo clivante, altero tanto fere majores sibi reperisse visi sunt, quam reperiri in Gallia solent. At nostri elevationem poli Torneæ $65^{\circ}. 50'$, $50''$, refractionesque nihilo, quam in Gallia, majores, invenerunt: differentiam autem meridianorum Paris. & Torn. satis recte unius horæ & 23 scrup. constitui posse arbitrantur. Jovem quidem & ejus satellites, ex vaporibus horizontis nunquam satis adscendentes, contemplari non potuerunt: at, præter nonnullas occultationes fixarum, etiam eclipsin lunæ horizontalem, d. 16 Martii A. 1737, Veneremque per duos menses non occiduam, diligenter observarunt: atque ex his, multisque aliis lunæ, solis, & fixarum, observationibus, ea definire potuerunt, quæ ostendimus. Denique acus magnetica, Torneæ A. 1737, $5^{\circ}. 5'$ declinare, occasum versus, deprehensa est: quam A. 1695 *Bilbergius*, versus eandem plagam, 7 integris gradibus declinare observavit. Restat *Liber tertius*, gravitati corporum, sub circulo polari, examinandæ destinatus. Ubi *Cel. Maupertuis* primo quidem generatim de gravitate verba facit, & de ejus in diversis terræ regionibus diversitate, quam, ex minus veloci pendulorum prope æquatorem oscillatione, princeps *Richerius* prodidit, & summi Philosophi, ex diversa ipsarum partium terræ gyrantis celeritate & vi centrifuga, deduxerunt. Deinde, postquam docuisset, quantum intersit, ut observationes *Richerianæ* similes, cum alibi, tum in locis maxime septentrionalibus, accurate instituantur, præsertim cum *Picardus* nullam penduli accelerationem in Dania observavit, neque observationes huc usque factæ rem omnem conficere videantur: hoc igitur postquam docuisset, ad suas ipsius collegarumque observationes exponendas pergit, quæ ope penduli, a *Grabamo* ad hunc finem inventi, in pago quodam Finniæ, cujus latitudo est $66^{\circ}. 48'$, institutæ, ac postea Parisiis, in pari

aeris

aeris per thermometrum explorata temperie, repetitæ sunt. Ex quibus constat, motum penduli, in pago comenemorato, cui *Pello* nomen est, quo tempore cælum fixarum circumagi videtur, motum ejusdem penduli, Parisiis oscillantis, 59, 1 scrupulis secundis superare. Quæ quidem acceleratio 6", 2, major, quam per *Newtonianam* Tabulam, & 4, 2 minor est, quam per novissimam *Bradleji* Tabulam reperiri debuisset. Hinc porro concludit Autor, gravitatem, in vico illo septentrionali, ad gravitatem, quæ Parisiis obtinet, se habere, ut quadratum numeri oscillationum, pari tempore utroque loco factarum, hoc est, ut 10014 ad 10000, pendulique, quod scrupulos secundos oscillando indicat, (cujus longitudo Parisiis est linearum 440, 57) in pago Finnico longitudinem esse debere linearum 441, 17. Postremum in hoc Opere locum occupat solutio sequentis Problematis: Cognitis figura Terræ & proportionem gravitatis sub æquatore ad gravitatem in quavis data latitudine, angulum invenire, quam vera gravium directio cum directione gravitatis primitivæ constituit. Eam autem gravitatem Vir doctissimus primitivam vocat, quæ ubivis terrarum obtineret, si ipsa quodam Terra immota esset.

GEORGII AUGUSTI LANGGUTHII, A.

*M. Antiquitates Plantarum feralium apud
Græcos & Romanos.*

Lipsiæ, ex officina Langenhemiana, 1738, 4-

Plag. 12.

Cum insignis non solum utilitas e plantis percipiatur, quæ victum æque ac amictum, imo habitacula, & præstantissima ad conservandam & restituendam sanitatem remedia, majoribus nostris præbuerunt, sed eadem mirifica etiam voluptate sensus afficiant; nemini mirum esse debet, omni tempore homines plantarum fuisse studiosissimos, & in locis, quæ illis abundabant, secessum sibi elegisse, quod imprimis Poetis familiare fuit, qui his potissimum delectabantur, nec aptiorem animabus defunctorum locum excogitare potuerunt, quam campos Elysios, quos omni elegantia arborum florumque instructissimos fingeant. Hinc omnibus fere

rebus cum solennitate quadam peragendis, sacris & profanis, lætis tristibusque, plantas studiose adhibebant; quod sigillatim de plantis in funerum pompa usitatis hoc Schediasmate ostendit Doctiss. Autor, qui sub generali plantarum nomine, duce *Aug. Quir. Rivino*, avo suo, insigni nostræ quondam Academiæ ornamento, arbores, frutices, suffrutices, & herbas, comprehendit. Mylagogi instar Lectorem primo ad domum ægrotantis deducit, inde, cadavere defuncti propius inspecto, ipsum funus comitari jubet, &, qua ratione rogius exstructus sit, quove nutrimento ignis alatur, ostendit, nec nisi cineribus in urnam collectis, & in monumento quodam depositis, ludoque funebri peracto, inde recedere finit, mox ad cœnam funebrem deducturus, qua peracta, rite lustratum demum dimittit hospitem suum. Ubique potissimum ad plantas, ibidem obvias, oculos animumque dirigit, de quibus luculenta cum Græcorum, tum Latinorum, Poetarum imprimis, quorum carmina feralium solennitatum plena sunt, & aliorum etiam Scriptorum, testimonia, multo cum studio collecta, & ingeniose applicata & explicata, adducit. Pro foribus ægrotantium *Rhamnum*, *Jano* sacram, ad portas a foribus abigendas, & *Laurum*, *Apollini*, Medicinæ inventori, dicatam, suspendi notat, horumque rituum causas altius repetit. Inde, quamprimum animam efflavit æger, pollinctorem arcessi animadvertit, cujus unguenta, ex *Cassia*, *Myrrha*, *Tbure*, *Amomo*, & *Opobalsamo*, parata, & insigni cum luxu effusa, curatius perlustrat. Januæ appositæ *Cupressum* & *Piceam*, tanquam funestæ domus indicia, docet; cadaver vero corona, ex *Olea*, *Lauro*, *Populo alba*, *Lilio*, & *Apio*, pro diversis defuncti meritis & honoribus, contexta, ornatum, in vestibulo deponi monet, nec lecti structuram, &, cui ille imponebatur, feretri, ex *Cupresso*, *Quercu*, & *Arbuto*, negligit, priorem etiam, simul cremari solitum, *Papyro*, *Scirpo*, & alia omni materia alendæ flammæ idonea, farciri commemorans. Ubi ipsum funus ducitur, faces ex *Pinu* & *Papyro*, tibiæque ferales ex *Loto* & *Buxo* paratæ, attentionem Cl. Autoris excitant; donec ad rogius accedenti, fragrantia plantarum, in rogius conjectarum, novæ contemplationis opportunitatem suppeditat; ubi iterum *Cassiam*, *Myrrham*, *Tbus*, *Costum*, *Nardum*, *Crocum*, *Amomum*, & *Cinnamomum*,
libe-

liberali manu spargi videt. Ipse rogo ex variis lignis, inprimis succo & resina abundantibus, ut facilius citiusque cumbureretur cadaver, & fragrantibus, ad ustrinæ graveolentiam temperandam exstruebatur, ut vix ulla arborum procerarum sit, quam subinde rogo adhibitam non indicent Autorum testimonia. Cineribus interim immittendis, præter balsama supra recensita, flores fragrantés, ut *Rosæ, Violas, Oleam*, similiterque plantas, miscebant. Ipsa, in quibus condebantur reliquæ, loca plerumque in hortis & silvis, sub umbra arborum opacarum sibi eligebant, easque tumulis suis inferi jubebant, aut variis minimùm plantis hæc monumenta ornabant, *Apio, Potho, Lilio, Rosæ, Malva, Asphodelo, Viola, Hyacintho, Amaraco, & Narcisso*. In cœna funebri ex plantarum numero *Faba, Lens, Apium, & Lætuca*, solenniter apponebantur. Denique, ut ii, qui propius ad mortuum accesserant, inde polluti rite iterum lustrarentur, ex plantarum censu *Laurum, Oleam, & Squillam*, adhiberi consuevisse evincit. Causas variorum horum rituum eleganter exponit, & testibus idoneis confirmat perindustrius Autor. Neque vero in his acquiescit, sed Botanices etiam culturam sibi cordi esse testatur, dum in subiectis annotationibus ubique de plantarum hic commemoratarum charactere & variis speciebus erudite disserit, atque inprimis ex veterum Botanicorum scriptis, quænam proprie plantæ, nostris subinde temporibus minus cognitæ, his nominibus designentur, eruit, sicque dignum se Celeberrimi quondam *Rivini*, cujus in re Botanicam merita orbis eruditus semper venerabitur, nepotem exhibet. Non dubitamus, Lectores, quibus mores antiquorum accurate investigatos cognoscere volupe est, studium Cl. Autoris suo suffragio probaturos, & nobiscum optaturos, ut artem Botanicam, cui natus factusque videtur, nobili suo studio porro augeat & ornent, & consilium, quod de reliquis Plantarum antiquitatibus pari ratione edendis cepit, quam primum exequatur.

LES OEUVRES DE VIRGILE, TRADU-
ction nouvelle, &c.

h. e.

VIRGILII OPERA, RECENS IN SERMO-
nem Gallicum translata. Adornavit hanc versionem,

✂

Et *Notas, partim historicas, partim geographicas, adjecit, Abbas DE LA LANDELLE DE S. REMY.*

Tomi IV.

Parisiis, apud Gregorium Dupuis, 1736, 8.

T. I Alph. 1 plag. 2½, T. II Alph. 1, T. III Alph. 1,

T. IV Alph. 1 plag. 2, cum Fig. æn. 1.

Pauca sunt, quæ de elegantissima hac interpretatione, præter id, quod vel titulus indicat, moneri possint. Vitam præfixit herois sui doctissimus Abbas, cujus in Latina lingua conscriptio male *Donato*, melius, incerto, tribuitur. Ipse vero, si tres vel quatuor annotatiunculas minimi momenti exceperis, nihil omnino supplevit. Majoris autem faciendæ sunt animadversiones, quæ in ipso Opere comparent, & digniores adeo, quæ nos paulisper morentur. Ad *secundam Eclogam* tres potissimum rationes afferuntur, cur locus colloquii in Sicilia fingatur. Quoniam scilicet pabulo abundarit hæc insula, pastores habuerit ceteris celebriores, & inprimis etiam, quod *Theocritum* genuerit, quem ut exprimeret, omnem *Virgilius* operam in hac ipsa *Ecloga* navaverit. Ad *quartam* notatur, unam eandemque Deam esse *Junonis* atque *Dianæ* sub nomine notam, cum nomen utrumque a gravidis atque puerperis fuerit invocatum; quæ inde conclusio quam vera sit, alii judicabunt. Ad *nonam Cinnam & Varum*, quos Poetas fuisse alii opinantur, per illustres aulicos explicat Noster, quorum Poeta gratiam aucupetur, *Alfenum* scilicet *Varum*, & *Cinnam*, *Pompeji* nepotem. *Tomo II* quatuor priores *Æneidos* versus jure suo minoribus literis exprimendos curavit, suppositos illos esse, ac *Marone* indignos, procul dubio indicatorus. Ibidem ad *Lib. II* v. 567 de duobus & viginti versibus, a *Tucca* atque *Vario Virgili* amicis, relectis, copiosius commentatur. *Tomo III* pag. 9 *Justi Lipsii* sententiam suam facit Clarissimus Autor, qua urfos quævis animalia ferociora dicta fuisse arbitratus est, causam prætendens, quod urfi proprie ita appellati Afrorum in partibus haudquaquam reperiantur. Quod tamen *Lipsii* judicium *Herodoti*, *Strabonis*, *Solini*, aliorumque, clarissimis repugnat testimoniis, & jam diu a *Salmasio* in *Exercitationibus Plinianis* solida per argumenta fuit rejectum. Plura possent indicari, quæ partim eximiam Abbatis nostri in rebus præsertim historicis atque antiquitate notitiam indicarent, partim etiam leviores quosdam errores, qui, ab hoc etiam erudito humani nihil alienum esse, ostendunt, præ se ferrent. Nihil tamen eorum tanti est, ut Lectores, majoribus forte rebus intentos, merito suo debeat detinere.

NOVA ACTA ERUDITORUM,

publicata Lipsiæ

Calendis Februarii Anno MDCCXXXIX.

MATTHIÆ BELII NOTITIA HUNGARIE novæ Geographico-Historica. Partis primæ, Cis-Danubianæ, Tomus tertius.

Viennæ Austriæ, impensis Pauli Straubii, 1737, fol.

Alph. 7 plag. 5, cum Tabb. æn 7.

Nondum fatigatus magni per Hungariam itineris molestiis *Matthias Belius*, adhuc jucundum in regione amenissima domicilium habet, & cœlestibus illis nobilium provinciarum urbiumque ita fruitur deliciis, ut alios quoscunque peregre viventes in magnam hujus voluptatis venire partem patiantur. Quem ei nuper tres Hungariæ Comitatus, Pestiensis, Pilisensis, & Solthensis, secessum præbuerunt, *Volumine hoc tertio*, in manus Imperatorias demississime & eloquenti formula tradito, descripsit, nihil omittens eorum sive naturæ, sive artis, decorum, unde dudum præcipuus quidam illis terris honor partus est. Quæ, si omnibus placere proprio ornatu & nitore poterant, quantum accepisse gratiæ putemus a Musæ *Belianæ* elegantia, illis in ipsa senectute ignibus calentis, quibus ad magna omnia excitari ætas juvenilis solet! Itaque, cum novi hujus *Tomus* lectio nos tenet, & illa sive rerum præstantissimarum copia, sive dictionis expolitæ suavitate, capimur, tantum abest, ut laudum nos pœniteat, quibus dignissimum olim *Belianæ* industriæ incomparabile hoc monumentum judicavimus, ut jam nova quasi eximiarum virtutum accessione novam injici nobis ingenii & doctrinæ *Belianæ* admirationem sentiamus. Ut amplis-

simam, ita illustrem inprimis & præstabilem, hujus *Voluminis* partem facit regie *Budensis* urbis historia, iis fortunæ conversionibus, & vicissitudinibus fatorum, memorabilis, quibus, si Trojam aut Carthaginem excipias, vix ulla unquam urbs majores sustinuit. Hanc, ab ultima origine ad nostra usque tempora continuo filo deductam, tam clara posuit in luce, tamque certis rerum sive communitam, sive exornatam, monumentis dedit, ut nullius post *Belium* scriptoris diligentia opus esse magnæ huic urbi videatur. Nec incultas jacere urbes ceteras, *Pestum*, *Vissegradum*, *Vacziam*, atque *Colocsam*, passus est, quarum historia largissimam Autori, belli pacisque tempora expendendi, ac de gravissimis rerum publice gestarum momentis dicendi, materiam suffecit. Sed magni inprimis res laboris fuit, emergere ex illis tenebris, quæ rem Hungariæ ecclesiasticam obtexerant, & *Archiepiscoporum Colocensium*, *Vacziensiumque Episcoporum*, sive res gestas, sive ipsa tantum nomina, ab oblivione vindicare; quo uno satis docuit exemplo Noster, quantos in omni genere historiarum diligens aut Diplomatum investigator, aut lector optimorum Scriptorum, facere progressus possit. His omnibus, *Beliana* cura & industria non eleganter minus, quam accurate, illustratis, insignem auctoritatem illud inprimis conciliat, quod, quæcunque hic traduntur, annuente Illustrissimo Hungariæ Locumtenente, *Francisco Stephano*, Magno Hetruriæ Duce, a summis Pestiensis, Pilisiensis, & Solthenensis Comitatum, urbisque Budensis, magistratibus primum diligenter recognita, & ex voto Autoris approbata, deinde etiam locupletata sunt insigniter; quo factum, ut de robore & veritate narrationum nemini jam dubitandi superesse causa videatur. Accessere & huic *Volumini*, præstabili *Samuelis Mikovini*, Geometræ excellentis, opera, Comitatum ac urbium præcipuarum Geographiæ imagines, non ex ingenio, ut vulgo fit, confictæ, sed ad leges Geometricas Astronomicasque delineatæ, veras locorum longitudes latitudesque designantes. Quarum rationem ut plenius cognoscerent Lectores, utque certius constaret de omni illa arte, qua in Mappis suis consignandis uti solet Vir egregius, novum huic *Tomo de Mappis suis, Notitiæ Hungariæ*
Beli-

Belianæ partim insertis jam, partim inferendis postea, Monumentum præmisit, quo urbium Posonii, Schemnitzii, Buda, & Pestis, quarum Mappæ hunc & priores Tomos ornant, latitudines ac longitudines ex geometricis astronomicisque observationibus deductæ exhibentur, atque sic de Mappis ceteris omnibus, in quibus adhuc totus est delineandis, sperare bona omnia jubemur. Secuturi jam ducem Belium, cujus vel sola ratio scribendi, ad veterum prorsus elegantiam composita, ad legendum Opus universum allicere facile istarum rerum curiosos potest, primum, quid rerum memorabilium in hoc Volumine quærendum sit Lectori, & quo ordine in his tradendis usus sit perdoctus Autor, generatim dicemus, tum, ne nullum Lector ex his nostris fructum referat, historiæ Budensis, qua nulla nobis esse in Opere hoc Beliano illustrior videtur, momenta potiora delibabimus. Mos est doctissimo Autori, narrationum suarum Partes duas, generalem alteram, alteram specialem, facere. Eundem ordinem in describendis tribus, quos diximus, Comitatus tenuit, Partis generalis Membro physico, quicquid pertinet ad situm, naturam, atque opportunitates horum Comitatum, explicans, politico vero incolæ atque magistratus describens. Et quidem, cum naturam locorum contemplatur, montes illius regionis, Naszal, Pilisenses, Pestiensis, S. Gerhardi, Joanneus, Uröm, Pilis, cœnobio Paulinorum S. Crucis memorabilis, & Abrahami, porro sylvæ Monyorodienses, fluvii item, Danubius, Insulas S. Andrea, & leporariam, seu S. Margaritæ, formans, porro Vajas, Tibiscus, Zagyva, Galga, Rakos, & Tapju, vinorum etiam genera, res frumentaria & pecuaria, venationes, aucupia, piscatura, & metalla, copiosam ei differendi materiam præbuerunt. Postea ad incolæ & magistratus progressus, Hungarorum, Germanorum, Slavorum, Dalmatarum, & Thracum, aut olim fuisse in his terris, aut nunc esse, confluxum, imperii vero summam superioribus Seculis penes Reges fuisse, postea ad supremos Comites translatam, docet, quorum primum Franciscum Veseleni, alterum Paulum Eszterbazy, tertium Nicolaum Palffy, quartum denique, hoc ipso tempore illis honoribus effulgentem, Franciscum Stephanum, magnum Ducem Etruriæ, nominat, ipsum

simul Diploma illud, quo summo huic Principi ab Augustissimo Imperatore collata est hæc dignitas, legendum nobis exhibens. Longe plenior est & bonarum rerum diuor *Pars specialis, Processus* illorum Comitatum *quatuor, Vacziensem, Ketskemetensem, Piliensem, & Solthensem*, totidem *Membris* complectens. De *Vacziensi* tribus *Sectionibus* actum est; quarum prior *libera & regia urbi Pestienfi*, *Processus* hujus unicæ, altera *Episcopali oppido Vaczia*, tertia hujus *Processus Vicis*, dicata est. *Pestienfis* historię memorabiles sunt tres periodi, *Hungarica, Barbarica, & Austriaca*, post urbem a barbaris vindicatam. Sub *Hungaris* calamitosissimum agro *Pestienfi* fuit bellum illud feruile, a *Georgio Szekely* conflatum, sed a *Joanne Bornemisza* postea restinctum, cujus & originem, & tristissimos successus, non ineleganter descripsit *Taurinus*, illorum temporum Poeta tolerabilis, cujus Carmen integrum hic legitur. Periodus *Barbarica* ab A. 1526 ad 1684 procedit, quo *Pestiensem* urbem tyrannidi *Turcarum* virtus *Hungarorum* eripuit, nunquam, si Deo ita visum fuerit, in diras illas & crudeles manus reducturam. *Austriacorum* & omni tempore, & tum maxime, experta est molle placidumque imperium, cum a *Leopoldo* Imperatore privilegia ei prorsus eximia concessa sunt Diplomate amplo & clementię plenissimo, quod, ut perpetua munificentię Imperatorię memoria exstaret, ab Opere suo abesse noluit illustris Autor. *Vaczia*, nobile oppidum, a *Vaczio*, eremita, nomen sortitum, ab ultimis inde temporibus ad nostram usque ætatem Episcopos habuit, quorum seriem, nulli ad hunc diem cognitam, dici vix potest, quam feliciter, *Annalium* ac *Diplomatum* ope, contexere industria *Beliana* sciverit. Sed obscura est *Academici Gymnasii*, olim hic florentissimi, memoria. Varia urbis fortuna fuit, nunc a *Turcis* captæ, nunc ab *Austriacis*, quibus & nunc paret, recuperatæ. *Vicos Processus Vacziensis* Autor tres & quinquaginta nominat, nec sine cura describit. *Processus Ketskemetensis*, adhuc fatis inculti & fabulosi, oppida tria sunt, eademque parum illustra, *Ketskemetum, Körös, & Czigledum*, vici septem & viginti. *Processus Piliensis* historia, rerum memorabilium ditissima, & maxi-
 mani

Pag. 52 seq.

89-95.

114-130.

nam *Tomi* hujus partem complens, in *Sectiones quinque* abiit; primam de *Buda*, libera regiaque urbe & metropoli *Hungaria*, alteram de *Processus Piliensis* oppidis, tertiam de arcibus, quartam de vicis, quintam denique de dominatione nuper *Principis Eugenii*. *Buda* cum alia vetus sit, alia nova, suum duxit Autor, de singulis singulatim exponere. Sed copiosum inprimis dicendi apparatus *Buda nova* obtulit, quam ab A. 1267 ad 1524 sub *Hungarorum*, ab A. 1524 ad 1686 sub *Barbarorum*, ab A. 1686 ad præsentem usque ætatem sub *Austriacorum*, imperio fuisse constat. Tribus igitur his *Periodis*, tanquam tot *Capitibus*, omnem illam rerum *Budensium* varietatem amplitudinemque distinxit *Noster*. Inter *Arces Piliensis Processus*, præter *Budensem*, numerantur *Vissegradum*, *Sambek*, & quarum saltem rudera supersunt, *Solmar*, *Török-Balint*, & *Taby*. Oppida sunt *S. Andrea*, & *Ratzkey*; vici viginti quatuor. Ad *Dominationem Principis Eugenii* pertinent *Promontorium Eugeniæ*, & *Insula Csepel*, cujus vici sunt novem, oppidum vero non nisi unum, *Ratzkey*. Superest *Processus Solthensis*, ita dictus ab oppido seu castro *Solth*, frequentissimis *Danubii* eluvionibus expositus, & pauperrimos ob id colonos alens. Præcipua hujus pars est urbs & *Archiepiscopatus Colocensis*, cujus antiquitatem *Noster*, incrementa, ac vicissitudines, diligentissime exposuit, id inprimis curæ habens, ut *Archiepiscopus Colocensis*, quorum hic octo & quadraginta ab oblivione vindicantur, nomina & res gestas ex probatissimis *Diplomatum* monumentis erueret. Oppida præterea hic *Processus* duo, *Solth*, & *Pathay*, vicos vero septem & viginti, numerat. Habes tanquam in tabula illarum rerum omnium, quas tertius hic *Tomus* complectitur, ipsam faciem delineatam; quam mirifice ornant *Naldi Naldii*, *Florentini*, *Epistola de Laudibus Augustæ Bibliothecæ*, ejusdemque de argumento eodem *Libri quatuor*, versibus scripti, ad *Serenissimum Matthiam Corvinum*, *Pannoniæ Regem*, jam olim a *Petro Jenichio* in *Meletematum Thorunensium Tomo III* ex *Codice Thoruniensi* editi, jam vero partim ob elegantiam suam minime vulgarem, partim ad id, ut, quæ in *historia Budensi* de

- laudibus *Corvini* plenius commemoraverat Autor noster, lucem hinc acciperent, hic repetiti, & ad calcem hujus *Voluminis* adjecti. Quibus, ne ad commendationem & ornatum quidquam deesset, accessit in ære insculptum *Corvini* monumentum honorarium, cum ipsa ejus imagine, in quam Vindobonæ *Belius* forte fortuna inciderat, eleganti penicillo adumbrata, & si conjecturæ locus, prorsus ad vivum expressa. Claudit hoc *Volumen Francisci Mariae Casaris*, Poetæ Cæsarei, vel grandi illo & magnifico in *Eugenium* Heroa Carmine dudum inter Poetas principes insignem locum promeriti, ad *Cl. Belii Hungariam novam Elegia*, & satis per se ipsa amabilis, & ob id imprimis, quod veras Operis *Beliani* laudes canat, plausu omnium dignissima. Jam, memores promissi nostri, paulo ante dati, & ipsa rei dignitate invitati, subsistemus paululum in *Budensis* urbis, tam veteris, quam novæ, historia, & ex immenso illo velut mari guttulas nonnullas delibabimus. *Budam veterem*
- Pag. 165. Romanorum olim *Aquincum* fuisse, sententia est *Ortelii* & *Cel-*
166. *larii*, a quibus dissentit Noster. Eidem origo vocis magis a Germanico *Bad*, ob insignem thermarum in illa regione frequentiam, quam a *Budinis*, Scytharum populis, aut *Buda*,
168. fratre *Attila*, repetenda videtur. Germanis vero urbem hanc *Offen* dictam ab *Ova*, tempore *Henrici III* Hungariæ imperante, *Sal. Schweigerus* in *Itinerario*, plerique a fornacibus, ad calcem exurendam constructis, putant. Exstincto *Attila*, varia Hunnorum, postea & Avarum, prælia Budæ veteri interitum pararunt, ut ejus ab illo tempore vix nomen sit auditum; donec avitos agros, & in his ipsam Budam, Hungari recuperarent, quorum Rex *Stephanus* circa annum 1022 huic urbi sedis regis honorem restituit, quem, etsi non satis constet, an sub posteris Regibus constanter sustinuerit, illud tamen constat, omnibus, quicunque successerunt, summo opere adamatam, maxime vero *Bela IV*, cujus pater *Andreas*, Hierosolymitanus, primus Dominicanorum Ordini liberrima hic esse sacra jussit. Desiit postea
184. memorabile esse nomen Budæ veteris, misere vastatæ a Barbaris, jamque pristini splendoris vix vestigia servantis. *Leopoldi M.* liberalitate tenue oppidulum genti *Zichiorum* cessit, quos & hoc

hoc ipso tempore dominos agnoscit. Spectanti hanc urbem *Belio* variae Romanorum veterum reliquiae obvenerunt, tumbrarum imprimis duarum, cum inscriptionibus, quas hic adduxit. Situm urbis, & ipsam loci conditionem, nosse cupienti plenissime satisfaciet Autor noster, horum non narrator tantum accuratus, sed exornator etiam facundus, &, ut paucis, quae vera sunt, eloquamur, inimitabilis. Quam perdidit *Buda vetus*, hoc illustrior ad *Budam novam* gloria transiit; nec ullam Hungaria urbem aut castellum alit, unde firmiora olim adversus Barbarorum invasiones ipsi praesidia venerint. Hujus historiam negligentius, quam par fuerat, persecuti sunt Scriptores Hungarici, etiam artis suae peritissimi, quippe *Budam novam* cum vetere confundentes, & in errores hinc prolapsi, quos, si Diplomatum rationem habuissent, facile evitare potuissent. Prima urbis initia Praeposito Budae veteris debentur, qui, regnante *Belo IV*, in monte Pestienfi castellum posuit. Ipse *Bela* deinde urbem addidit, arce & mœnibus instructum. Varia tunc urbis nomina fuere, nunc *Castrum Budense*, nunc *novus mons Pestiensis*, nunc *arx Pestiensis*, dictae. Sub *Ladislao Cumano*, *Bela IV* ex *Stephano V* nepote, A. 1279 hic Concilium nationale celebravit *Philippus Firmianus*, sedis Apostolicae Legatus, ad id institutum, ut a turpi foeminarum commercio abstraheretur *Ladislaus*, sed qui, irritatus censura severiori, Legatum in vincula coniecit. Successit huic *Andreas III*, A. 1301 defunctus, & Budae sepultus. Post hujus mortem Budenses, non obtemperantes monitis Pontificis, summam imperii *Carolo* potius, quam *Wenceslao*, deferendam suadentis, sacro fulmine percussi sunt. Sed illi, parum hinc exterriti, fulmen fulmini opposuerunt, ipsum Pontificem & addictos ei Antistites aqua & igni interdicientes. Depulso *Wenceslao*, & post eum *Ottone* Bavaro, rerum potitus *Carolus*, sedem regiam, veteris injuriae memor, *Buda* *Wissigradum* transtulit, in eo tamen erga *Budam* beneficentius, quod jura nundinarum ei concessit. At rediit postea ad sedis regiae dignitatem *Buda* sub *Ludovico I*, qui novam eam castro munivit, & A. 1379 Polonis hic Comitibus indixit. Hoc A. 1382 extincto, caedes *Caroli Parvi*, ab *Elisabetha* & *Ma-*

Pag. 182

190.

191.

192 seq.

195.

196.

198.

199.

- Pag. 200. *Maria*, Reginis, matris *Nicolai de Gara*, Palatini, & *Blasii Forgach*, patrata, æternam huic urbi maculam inussit. Inde ad *Sigismundum* imperium devenit, qui A. 1388 Academiam hic erexit, & emporium constituit, postea, cum reliquis Ungariæ civitatibus molestum nimis esset, A. 1405 abrogatum. Sub *Alberto* magna Budæ ab Hungaris strages Alemannorum, ob crudelius intoremum *Joannem Eüthves*, civium suorum principem, edita. Reliquit *Albertus* posthumum *Ladislaum*, cui cum Ordines Imperii præferrent *Uladiskaum*, Polonum, id ægre ferens *Thomas Szechy*, Comaronii præfectus, Budam magno exercitu oppugnavit, graviterque afflixit, donec, pace cum matre posthumi, *Elisabetha*, A. 1443 inita, imperium *Uladislao* cederet. Quo a Turcis in memorabili illa ad Warnam clade interfecto, publico imperii Senatusconsulto *Joannes Corvinus* gubernator universæ Hungariæ nominatus est, qui publicos sæpe in urbe Budensi imperii conventus egit. Aliquo tempore post ad regiam dignitatem erectus anno ætatis tertio decimo *Ladislaus Posthumus*, Budam, occiso *Ladislao Corvino*, *Joannis* filio, magno scelere sceleravit. Sed huic cædi vix annum superstes, successorem habuit *Matthiam Corvinum*, *Ladislai* fratrem, adhuc in vinculis detentum. Hic perpetuam sibi hac in urbe sedem fixit, contulitque ad augendum Budæ splendorem curas & cogitationes omnes. Ipsa etiam nuptiarum ejus cum *Beatrice* solennia magna hic cum pompa & apparatu vere regio sunt celebrata. Quæ fusius enarrantem *Belium* hoc majori cum voluptate legimus, quo plenior hinc rituum, quibus Hungari utuntur, matrimonialium peti notitia potest. Magnificentiæ studiosissimus cum *Beatrice* sua *Corvinus* fuit, lautitiasque peregrinas non iniecit tantum in Hungariam, sed his etiam gentem universam, non prudenti satis, ut multi judicant, consilio, assuefecit. At Musas etiam in Hungariam invitavit, & ita coluit viros doctos, ut, si diutius vixisset, nullum sit dubium, quin Hungaria fuisset omnium scientiarum artiumque officina instructissima, & quoddam Apollinis sacrarium, futura. De Bibliotheca ejus, incomparabili urbis Budensis ornamento, nulli alii nec numero, nec præstantia, librorum secunda, mira sunt, quæ illius æta-

ætatis Poetæ summi, & in his maxime *Naldus Naldius*, Flo-
 rentinus, canunt. Hujus, a barbaris postea direptæ, & crude-
 listime habitæ, tenues reliquæ in Bibliothecam Cæsaream, quæ
 Vindobonæ est, translatae sunt, & tanquam veneranda antiqui-
 tatis monumenta religiose hic asservantur. Virtutibus summis
 admixtum id vitij habuit *Corvinus*, quod facile irritabilis, &
 iræ nimis fuerit præcipitis. Id docet Laconica ejus *ad Buden-*
ses Epistola, ab iratissimo scripta: *Matthias, Dei gratia Hun-*
garorum Rex. Bonum mane, cives! Ad Regem omnes si non Pag. 228.
venietis, capita perdetis. Buda. Rex. Successurus Matthiæ, si
per fata licuisset, filius Joannes erat, sed is, plurimorum ex 230.
Ordinibus suffragio destitutus, tandemque, regno diu affectato,
ad Sarvizum superatus, cessit imperium Wladislao, sed adhuc sibi
timenti ab armis Maximiliani Imp. & Alberti, quorum cona-
tus irritos fecere nova urbis Budensis munimenta, a Bathorio
& Kiniso exstructa. Comitatus imperii *Wladislaus* in hac urbe
 bis indixit, primum A. 1492, ab imminente Turcorum exerci-
 tu tutam Hungariam præstiturus, iterum A. 1497, in pleno Ordini-
 num confessa nuptiis cum *Beatrice, Matthiæ* vidua, renuntia-
 turus, quarum ei certissimam olim spem fecerat. Eodem an-
 no gravem plebs Budensis, magno adversus Judæos furore cor- 237.
 repta, & in horum domos ac fortunas cæco impetu invadens,
 tumultum excitavit, capitali nonnullorum supplicio finitum.
 Spreta *Beatrice*, in matrimonium duxit *Wladislaus Annam*, 238.
Aquitanam, Annæ & Ludovici matrem, sed exacto vix lustro ad
 cœlites evocatam. Idem, pestilentia A. 1510 per Hungariam grassan-
 te, Buda in Bohemiam confugit; anno vero 1516 redux, ætatis
 sexagesimo, vitam finivit. Sepulta est cum eo libertas Hun-
 garorum, & urbis Budensis felicitas, in diras propediem bar-
 barorum manus venturæ. Filii enim, *Ludovici*, ætas in cala-
 mitosissima illa tempora incidit, quæ atræ illi historię Budensis
 periodo, ad tyrannidem Turcarum pertinenti, initia dederunt.
 Ipso ad Mohatsum a Turcis victo & occiso, Budam, quam
 vacuum fecerat fuga civium, *Solymanus* occupavit, & tribus 262.
 statuis æneis, totidemque columnis, & aliquot striati operis co-
 lumnis, spoliata, exussit. Recuperavit hanc A. 1526 novus
 Hun-

- Pag. 263. Hungarorum Rex, *Joannes*, sed expulsus anno sequenti ab æmulo, *Ferdinando*, in Poloniam aufugit; unde *Hieronymum Lasky* & *Gritum* Legatos ad *Solymannum* misit, hunc ad arma denuo
- 266-286. Hungariæ inferenda, dejiciendumque imperio *Ferdinandum*, sollicitaturos. Nec irritæ horum preces fuere, id facile a Turcis impetrantium, ut magno exercitu in Hungariam invaderent, & Budam, *Ferdinando* ereptam, A. 1529 *Joanni* restituerent,
- 287-290. Eminuit tunc inter Hungaros præ ceteris *Nadasdy* Ducis virtus, diu arcem Budensem defendentis fortiter, etsi successu parum prospero, ob perfidiam Germanorum, quos minæ hostium ad dedendam arcem iusto maturius compulerant. Novam A. 1530 *Ferdinandus* expeditionem in Hungariam suscepit,
293. misso ad expugnandam Budam *Rogendorffio*, sed qui obsidionem urbis, diu non infelicitè tentatam, tandem, appropinquantis Turcorum exercitus metu, sustulit. Inde ad pacis consilia
297. ventum est, quam, a *Joanne* oblatam, non aspernandam duxit *Ferdinandus*. Sed, ut Budam cederet æmulo, non adduci *Jo-*
303. *annes* potuit, qui urbem hanc, novis operibus munitam, & solennibus cum *Isabella*, Polona, nuptiis, & filii *Joannis Sigismundi* natalibus nobilitatam, ad extremos usque dies imperii sedem habuit. Mortuo *Joanne*, Budam sibi ex fœdere deberi, ratus *Ferdinandus*, nova urbem obsidione prelsit. Necessitate adducta *Isabella*, *Joannis* vidua, exemplo mariti, *Solymani* imploravit opem, qui, numerofo exercitu Hungariam ingressus, Budam, obsidione *Ferdinandi*, non sine magna hujus clade, liberatam, per fraudem in potestate sua retinuit, non hanc redditurus unquam, etsi, quamprimum ad justam ætatem ad-
304. leverit *Joannes Sigismundus*, exituras urbe copias, solenni
- 305 seq. jurisjurandi formula receperat. Res omnis per dolos gesta, quibus delusam se sero nimis sentiens *Isabella*, A. 1541 Budam Turcis, filium tenellum fatis, permisit. Nec feliciorem successum habuit expeditio *Ferdinandi*, ad eripiendam Turcis Budam A. 1542 magno exercitu contententis. Lentis enim Germanorum consiliis spatium colligendi vires datum
323. est Turcis, qui adventantem post longas moras Germanorum exercitum ita exceperunt, & omnem illi recuperandæ unquam urbis

urbis spem abjicerent. Ab eo tempore nulla Budam per annos sexaginta sub imperio Turcarum fortuna afflixit. Præfecti ei impositi sunt a Turcis & fortissimi, & sagacissimi, in quibus memorabile nomen habuerunt *Balis Epirota*, *Mahometes Jabiogles*, & *Halys Fanuchus*, cujus cum res gestas describit Autor, omnem simul illustrissimæ legationis, quam Budæ obiit *Busbeskius*, historiam & eleganter & copiose exponit. *Halys* secuti sunt præfecti Budenses *Toigenes*, *Cassonus*, *Rusthanes*, *Arslanes*, *Mustapha*, *Regephus*, *Ferbates*, quo res Budenses moderante, nova est A. 1579 a *Rudolpho* Imp. legatio Constantinopolin missa, porro *Hafanes* & *Sulymanus*, cujus præfectura memorabilis fuit obsidione Budensi, A. 1598 frustra a *Matthia*, Archiduce Austriæ, tentata. Capto & Viennam abducto *Sulymano* successit *Murates*, cui prælium cum Cætareis ad Albam Græcam funestum fuit. Quis deinde, novo A. 1702 exercitu Austriacorum, duce *Rusturmio*, Budam obsidente, urbem hanc rexit, non satis constat. Si nomine præfecti caruit, certe cum potestate fuit *Hafanes*, quem ad sustinendam obsidionem necessarios Budæ fecisse apparatus legimus. Eadem obsidione ab Austriacis soluta, nec postea feliciter redintegrata, Budæ A. 1603 *Murates II* præfuit, quem sub anni subsequenti initium *Halys* excepit. Tristissima fuerunt hæc tempora Budensi urbi, continuis Austriacorum armis infestata, jamque in turpissimo squalore jacenti, & foetidum adspectum sui præbenti. Auxit hæc mala arcis, A. 1606 fulmine tactæ, conflagratio, cum magna hominum strage conjuncta. Inde pacatiores sub *Szejdi Ambete*, *Ismaele*, & qui hunc subsequuti sunt, Præfectis, res Budenses fuerunt, ad annum usque 1684, quo de Buda manibus Barbarorum extorquenda serio cogitare *Leopoldus M.*, ille Turcarum terror, coepit. Misit enim ad occupandam eam instructissimum, duce Lotharingæ Principe, exercitum, cujus insignis in expeditione illa virtus apparuit. Fortuna tamen bonos conatus desituit, & re primum feliciter satis gesta, postea innumeris difficultatibus objectis, & frustra tentato mœnium assultu, obsidionem solvendam duxit Lotharingus. Auspiciator orbi Christiano annus 1686 fuit,

Pag. 326.

327-332.

333.

334.

337 seq.

344.

350.

354.

357 seq.

372.

- Pag. 387-437. quo Buda tandem, ejusdem Principis Lotharingi, militis etiam Bavari & Brandenburgici, virtute, jugum Turcicum deposuit, in potestatem redacta *Leopoldi M.*, hereditate cum ad feros posteros traducturi. Cujus rei initia, successus, & eventus, partim a Cel. *Belio* diligentissime sunt descripti, partim, quod nostra propius attingant tempora, nec aliis Scriptoribus indicta abierint, paucissimis Lectorum ignorantur. Hæc igitur felicissima exordia sunt *periodi Austriacæ*, quam Budensi urbi benignissima fata concesserunt, nullis seculorum terminis finiendam. Sed parum aberat, quin Budæ hanc felicitatem in ipsis initiis opprimeret nefaria proditio hominis perfidi, *Conradi Finckii*, domini *Finckensteinii*, gente Borussi, qui de tradenda in manus Turcarum urbe clandestina ceperat consilia, sed mature detecta, & autori suo exitiosa. Inde de novis munimentis cogitatum est, quorum fundamenta jecit *Regalius Comes*, in obsidione Albæ Græcæ A. 1717 occisus. Fatalis inprimis Budæ fuit annus 1723, quo atrox incendium urbem fere totam absumsit. Sed ei reparandæ multum & civium industria, & Vindobonensis aulæ munificentia, contulit. Nihil deinde singulare in hac urbe gestum est, dulcissimæ pacis otii fruente, & lætioribus in dies incrementis ad nobilissimarum urbium gloriam assurgente. Claudis hanc historiam Celeberrimus Autor jucunda situs, mœniorum, portarum, arcis, vicorum, aquæductuum, ædium sacrarum, turrium, templorum, ædificiorum publicorum, curiæ, apothecarum militarium, suburbiorum, quæ sunt *Hydropolis*, *Rascianopolis*, & *Neapolis*, thermarum *S. Gerhardi*, civicarum, *Rascianarum*, *Xenodochialium*, & *Cæsarearum*, porro piscinarum, vinearum, magistratuum, mercaturæ, militaris præsidii, & privilegiorum Budensium, descriptione, quam ut ex ipso Opere hoc petat, facile allicere Lectorem *Beliani* oris suavis ambrosia, melleumque orationis flumen, potest.

ΜΟΥΣΑΙΟΥ &c.

h. e.

MUSÆI GRAMMATICI DE HERONE
& Leandro Carmen, cum Scholiis Græcis, nunc primum
e Co-

e Codice MSto Bibliothecæ Bodlejanæ editis, e recensione
MATTHIÆ ROEVERI, qui Varias Lectiones
 & Notas adjecit.

Lugduni Bat. apud Theod. Haak, 1737, 8 maj.

Plag. II.

Φύονται καὶ νέκεις ἐν ἀνδράσι πελῖαι θάμναι, καὶ παρὰ τὸν ἀλ-
 κίας ἐοικότα χρεῖον; ut ait *Pindarus*. *Matthias Ræverus*,
 Delfensis, septendecim annos natus, jam paratum prelo habuit *Mu-*
saum, de quo dicere instituimus. De hujus Poetæ ætate etsi non sa-
 tis constat; tamen ex Grammatici titulo, & ex ipso Carmine, judi-
 care licet, eum vixisse imperio Romano ad interitum vergente;
 inprimis si eum cum *Colutho*, *Nymphiodoro*, *Nonno*, contuleris, quo
 tamen posterior est *Musaëus*, quando integros interdum versicu-
 los e *Dionysiacis* transcripsit. Quid ei opis tulerit Cl. *Ræverus*,
 sic intellige. Primo, hic comparent primum nunc Scholia Græca
 in *Musaëum*, quæ ex Codice MSto Bodlejanæ olim descripsit *Jac.*
Gronovius, & cum *Rævero* communicavit *Abr. Gronovius*, qui ea
 etiam restituit & emendavit. Ab eodem accepit Varias Lectiones
 trium Codicum MStorum ejusdem Bibliothecæ, etsi non antiquo-
 rum adeo, tamen optimorum. Cel. *Dorvillius* autem præbuit Var.
 Lectiones Codicis Vaticanæ, Sec. XI scripti, item Codicis Veneti,
 jussu *Bessarionis* Cardinalis scripti, editionem porro Jun-
 tinam anni 1540, & quasdam animadversiones suas. Accessit Col-
 latio Codicis Regii, e *Jac. Rondelli* notis excerpta, & variantes,
 a *Casp. Barthio* e membranæ *Palatinæ* excerptæ ad v. 76 usque.
 Vid. *Advers. VII*, 21. Quod ad editiones *Musæi* attinet, primam
 editionem *Fabricius* ἐμπαλίτῃς scribit prodiisse A. 1485, sed id,
 ut *Rævero* videtur, typothetarum errore, vel memoriæ lapsu,
 sic expressum est. Nam in *Catalogo Franciano* memoratur
 quidem hic titulus: *Homeri Batrachomyomachia*, Venet.
 MCCCCLXXXVI, item variorum excerptæ Sententiæ, & *Mu-*
sæi Poemation, Græcæ, literis quadratis. Sed annus hic priori
 Opusculo proprius est; *Musæi* autem editio literis quadratis sine
 die & consule, ut ajunt, prodiit. Sunt autem duæ *Musæi* editiones
 sine anno; unde difficile est, quæ prima sit, dicere. Altera est
Aldi Manuti, Venetiis Gr. & Lat. in 4 edita, cujus Var. Lectiones

a *Maittairio Ræverus* accepit : altera in eadem forma cum Gnomis monostichis e diverſis Poetis. Huic nec annus, nec locus, nec typographi nomen, adjectum eſt; ſed eſt ex quinque illis Græcis libris, qui literis quadratis excuſi ſunt; ex quo probabile ſit, hanc *Muſæi* editionem cura *Jo. Laſcaris* prodiſſe. Quæ autem ex his duabus ſit antiquior, ſic colliges. Ex *Aldi* epistoſa, præmiſſa *Muſæo*, intelligitur, *Muſæum* ante *Ariſtotelem* ab eo editum eſſe. *Ariſtotelis* autem *Tomus I* prodiit A. 1495. Ejusdem anni 3 id. Aug. prodiit *Anthologia* literis quadratis. Huic autem præmiſſa epistoſa *Jo. Laſcaris* docet, hanc reliquis quatuor libellis, quadrata ſcriptura expreſſis, priorem eſſe. Ex quo veriſimile ſit, *Aldinam* eſſe primam, illam autem, literis quadratis, ſecundam. Ceterum hæc ex optimo Codice expreſſa eſt, & *Aldina* præſtat, & omnibus aliis, niſi quæ eam ſecutæ ſunt. Eam non commemoravit *Henr. Stephanus*, ſed primus tamen plurimas lectiones ex ea expreſſit & recepit; in quo tamen paulo negligentior fuiſſe videtur, propterea, quod sæpe meliores lectiones ejus in marginem rejecit: quanquam ipſe hoc ſibi fatetur in *Corpore Poetarum Heroicarum* interdum accidiffe. Poſt hunc autem nemo ea videtur uſus eſſe, a nemine ſaltem memoratur. *Aldina* ſecunda a prima raro diſcedit, & A. 1517 Venetiis prodiit. Hanc ſecuta eſt A. 1517 *Juntina* prima, per Hæredes *Phil. Junta* ad *Aldinam* expreſſa. Accuratius *Muſæum* dedit *Jo. Soter* Colonix A. 1526, in forma minori, qui in nonnullis ab *Aldina* & *Juntina* diſceſſit, & in locis quibusdam ſecundam conſuluiſſe videtur; acceſſit paraphraſis parum elegans *Guilielmi de Mara*. A. 1538 Pariſiis reſcuſus eſt ſatis accurate a *Chriſtiano Wechelo*, cum verſione Latina ad verbum, & paraphraſi *Guil. de Mara*, in quam inutilem *Commentarium* ſcripſit *Jo. Vatellus*. Hanc excepit *Juntina* altera A. 1540, in qua nil novi. Editio *Hervagiana* A. 1544 inter *Æſopi Fabulas* & alia Opuscula nota eſt, sæpe repetita, & non adſpernanda. *Jac. Leſcius* autem, qui inter *Poetas Heroicos Muſæum* edidit, κατὰ πρόδα *Stephanum* ſecutus eſt. Neque ab eo adeo diſtat editio *Andr. Papii*, Gandenſis, quæ cum ejus notis prodiit A. 1575 cum *Dionyſio Alexandrino*. Hic aliquando ab omnibus recedit, ſed plerum-

plerumque in deteriora. Neque tamen ab ingenio *Papii* has mutationes ortas putat *Ræverus*, sed a MSto Codice, quia exemplar habuisse videtur, quod *Canterus* cum suo contulerat. Sequuntur deinde notissimæ *Barthii* & *Parei* editiones, & *Davidis Whitfordi*, Lond. 1659. In *Jac. Rondelli* editione Paris. 1678 multa exstant a *Barthio* & *Pareo* occupata, quorum tamen neutrum legisse videtur. Ab eo tempore nulla memorabilis editio prodiit usque ad A. 1721, quo Cl. *Kromaieri* *Museus* Halæ Magdeburgicæ prodiit. Vidimus etiam editionem ejusdem *Kromaieri* Lipsi. 1725 apud M. G. *Weidmannum*, in qua tamen nihil novi est; ut titulus tantum mutatus videatur. Bene etiam de *Museo* meruit editor *Poetarum Græc. minorum*, Lond. 1728. Atque harum editionum varietas in editione *Ræveriana* exhibetur. Nam Parisiensem A. 1549, Cantabrigiensem *Wintertoni*, inter *Poetas minores* A. 1661 non vidit *Ræverus*: neque consequi potuit apographum Scholiorum MStorum *Marci Musuri*, quæ in Bibliotheca regia Parisiensi servantur. Reliquas editiones, *Crispini*, & alias, mire depravatas, consulere supervacuum duxit. Accessere tres interpretationes Latinæ poeticæ *Andr. Papii*, *Q. Septimii Florentis Christiani*, & *Davidis Whitfordi*. Jam, quod ad Scholia Græca attinet, iis facile poteramus carere, quod in iis nil præter pueriles verborum interpretationes occurrunt, quales quivis tiro scribere possit, sed in Græcis hæc facilius feruntur, quam in Latinis. Forte aliquando etiam, post literarum interitum, eodem modo in lucem revocabuntur repertæ ad modum *Minellii* notæ & similes. Notarum autem *Ræverianarum* maxima pars in commemoranda varietate lectionis versatur, ex qua interdum receptæ lectiones confirmantur, interdum etiam novæ proponuntur. Animadversiones, quæ ad illustrationem contextus pertinent, non multæ sunt. Quid enim dicas, ubi & pauca dici possunt, & quæ possunt dici, & aliquo modo in notas cogi, a superioribus editoribus omnia jam corrasa & congesta sunt? Age vero, notulas quasdam, cum *Dorvillianas*, tum *Ræverianas*, commemoremus. V. 81, ἡμετέραν παράκοιτιν ἔχων ἐν δώματι Ἡρώ, pro ἡμετέραν Cel. *Dorvillius* conjicit legendum: ἡμετέροις, ut ad δώματι referatur: quod est profecto ad rationem linguæ

linguæ Græcæ & sensum commodius. In v. 138, 139, *Alexander Pope*, princeps Poetarum Britannorum, ad *Odyss. Lib. VI* p. 70, ubi hunc locum cum *Homeri* loco comparat, ταυτελογίαν reprehendit: ὁλβίη ἡ τέκε μήτηρ, γαστήρ ἡ σ' ἐλόχευσε μακαρτάτη. Sed non assentitur plane *Dorvillius*. Solenne enim optimis Scriptoribus, per partes aliquid laudare & vituperare, licet de re universa jam verba fecerint. Sed esto ταυτελόγον; non erit propterea vitiosum. Apud Poetas enim & Oratores ταυτολογία sunt pulcherrimæ. V. 178, ξεῖνες ἑὼν καὶ ἄπιστοι. Sudarunt interpretes in verbo ἄπιστοι, quod non intelligerent, quare ἄπιστον *Hero* *Leandrum* incognitum vocet, & interpretatione commoda locum juvare studuerunt. Sed jam *Voetius* monuerat, esse legendum ἄπυστοι, ut *Andr. Papius* legebat, & *Lecltius* *Stephanus*que in margine repræsentarunt. Reposuit hanc vocem ex editione secunda *Ræverus*. Ἄπυστοι est ignotus. *Hesych. Etym. M. & Schol.* ad *Homer. Odyss. V*, 242, interpretantur ἀνήκεστοι. Atque hanc lectionem probavit etiam *Cel. Dorvillius*. Nam, etsi omnes peregrini ἄπιστοι dicantur, quod iis fides non facile habeatur, durum tamen ἄπιστον hic esse. *Æneam* fuisse ξεῖνον ἀλήτην, sed non ἄπυστον, ideoque facile ei fidem habitam; hic contra. Locus obscurus est v. 298: ἤδη νῆα μέλαιναν ἀπέκλυσε διχθαδί χερσὼ &c. Lucem ei affundit *Cel. Dorvillius*, legendo: ἀἰέλκυσε, subduxit. Vid. *Thucyd. VIII*, 12, *Harpocr.* in νεωρία. Hanc emendationem juvat *Lecltionum* varietas *Ræveriana*. Nam *Codex Vaticanus*, *Editio secunda*, *Stephanus* & *Lecltius* in margine, repræsentant: ἀπέκλυσε. *Venetus* autem & *Regius*: ἐπέκλυσε. V. 325: ποδῶν δὲ εἰ ἄκλασε ὄρμη. *Dorvillius* mavult: ὄρμη. Præcedit enim v. 324 ἑρμῆ. Nam, quod v. 309, 310, ἄηται repetitur, ibi elegantiam aliquam habet, hic nullam. Vid. *Hesych.* in ὄρμη, *Rhodomannus* ad *Calabr. XI*, 361, &c. Probat hanc conjecturam *Ræverus*, qui ante conjecerat ἀλκή. Sic permutantur ὄρχη & ἀρχη apud *Athenæum*. Vid. *Canterus de rat. emend. Gr. Scr. Cap. 1*. Licetne de uno loco *Musæi* tria verba adjicere? Non videntur nobis interpretes cepisse v. 255: αὐτὸς ἦν ἐρώτης, αὐτόσελος, αὐτόματος ἦν. Haeserunt in αὐτόσελος. *Papius* omisit in versione, nec *Whitfordus* expressit. In vulgata

gata versione est: *ipse classis*, quod *Kromaierns* & *Ræverus* retinuerunt, cum sit absurdum. Id in *Kromaiero* hoc magis miramur, qui in notis optime hunc versum dicit esse redditum a *Q. Fl. Sept. Christiano*:

Ipse suus remex, vector suus, & sua cymba.

Nempe *ζολος*, ut Scholiaſtes *Apollonii* tradit, dicitur etiam de eo, quod nave vehitur, inprimisque de hominibus, qui trajiciunt, tanquam exercitu. Vid. *Stephanus* in *ζολος*. Sed *Christianus* fortasse non hoc sensu dixit: *vector suus*, sed potius illo altero, cum *vector* dicitur is, qui Græce *πορθμεύς* vocatur, quemadmodum & *eques vector* dicitur & *equus*. Itaque hujus ambiguitatis vitandæ causa sic vertendum putamus:

Ipse erat remex, ipse vehebatur, ipse erat navis.

Si *vector* est *πορθμεύς*, non differt *h. l.* a remige. Si *αὐτόζολος* reddas, *ipse erat classis*, primo absurdum, quia una navis classem non efficit; deinde, si pro *navi ζολος* diceretur, non differret *αὐτόζολος* ab altero *ἄλλος*.

CRITICA VANNUS IN INANES JO. CORNELII PAVONIS *paleas, cum Epilogo* & *Indicibus necessarijs.*

Amstelodami, apud Janſſonio-Waesbergios, 1737, 8.

Alph. i plag. 21.

Hominem sui amantissimum ex ejus libris cognovimus, *Jo. Cornelium Pav*, Canonicum Trajectinum, &, si felicitas est in re amatoria, sine rivali amare, longe felicissimum. Nihilominus, ut est suspicionis plenus & timoris amor, doctissimum quemque ita odit, ut eos omnes rivales putare videatur. Itaque nullam facile occasionem, doctos homines omni contumeliarum genere afficiendi, prætermisit. In nullum tamen gravius coortus est, quam in *Jo. Phil. Dorvillium*, inter præcipua eruditi Belgii decora suo merito collocandum. Quod qui non ex ipsis *Cornelii* scriptis cognoverunt, vel ex hac *Vanno* intelligere poterunt. Nam, cum inter omnes de summa *Dorvillii* humanitate & facilitate conslet, nemini potest esse dubium,

I

quia

quin insignis & intolerabilis acerbitas fuerit, quæ cum commoverit ita, ut præter consuetudinem suam in hominem inveheretur. Quo facilius hanc Viri doctissimi vehementiam ceteris ejus meritis & spectatæ humanitati condonabunt, qui hoc totum scribendi genus ab elegantia seculi nostri abhorreere putant, atque ita existimabunt, hunc libellum non ad ulciscendas injurias, sed ad repellendos impudentis hominis impetus, & cum a se, tum a ceteris doctis hominibus, avertendos, comparatum esse. Quod si *Cicero* sibi veniam dandam existimavit, cum eum indignitas hominum & injuriæ dolor præter consuetudinem suam gloriosum fecisset, *Phil. XIV, 5*, eodem jure uti *Dorvillium* sineamus. Forte erunt etiam, qui existimabunt, qui *Bentlejum* ausus sit ceu scelestum *Mastigiam* devovere, *Casaubonum* vero stupidum, *Fabricium* illum *Hamburgensem* stolidum, *Salmasium* nasutum, &c. appellare, in eum nihil satis durum dici posse. Affert etiam hoc commodi *Vannus Dorvilliana*, quod, cum ante nonnulli libros *J. C. de Palu* hac tantum de causa emerent, ut suis oculis credere possent, cum narrantibus de hominis ignorantia & superbia vix fidem haberent, nunc, hac *Vanno* comparata, istis *Cornelii* libris catere homines possint. Ceterum, si, quid sentiamus, dicendum, malleamus profecto inter eruditos, imprimis hos, qui humanitatem profitentur, ab hoc genere scribendi plane abstineri, & omnes hoc esse ingenio, hac natura, ut quasvis contumelias, etiam *Cornelianas*, hoc est, indignissimas & intolerabiles, devorare fortiter, & æquo animo contemnere, possent; quod qui aut facit, aut facere se posse certo scit, eum, approbante, credimus, & lubente *Dorvillio*, jubebimus primum lapide petere noxium *Dorvillii* caput. Celeberrimum autem *Dorvillium* rogamus, ut pro humanitate sua concedat primo, viris vere doctis, & probatæ cognitæque placabilitatis, dolere, his armis inter eruditos pugnari, & pugnandum esse, deinde vero etiam hominibus semidoctis, & suæ sibi imbecillitatis quidem consciis, sed videri tamen aliquid cupientibus, in hanc *Vannum*, quantum velint, declamare. Magna eorum res agitur. Nam, si hoc invalesceret, ut hujusmodi hominum etymologica, syntactica, & prosodica peccata in unum volumen collecta æternitate donarentur,

rentur, actum esset de eorum gloria, quam inter indoctos sibi, doctis hominibus omnibus conviciis lacerandis, & ipsius vultus nescio qua conformatione, compararunt. Sed, missis his, quæ in *J. C. de Paw* dicta sunt, aut ad eum pertinent, vere dicere possumus, incredibili raræ eruditionis copia esse hunc librum refertum, & optimæ frugis plenissimum, adeoque omnibus, qui humanitatis studiis se dediderunt, imprimisque artis criticæ studiosis, diligenter legendum. Neque solum, quod infiniti Autorum loci emendantur, explicantur, illustrantur, vindicantur, sed etiam, quod nobis videtur inprimis ex his locis, ubi difficilia Epigrammata a *Cornelii* corruptelis & perversis interpretationibus vindicantur, exemplum veri perfectique interpretis & emendatoris Autorum veterum, & inprimis Græcorum Poetarum, capi posse. Nulla hic audacia in emendando, nulla neque jejunitas & siccitas in interpretando & explicando, neque inanis eruditionis jactatio, & rerum notarum inutilis coacervatio, nulla Poetarum ex jejunis Dialecticorum præceptiunculis correctio, & quæ sunt alia vulgata in hoc genere vitia. Quæ cum cogitamus, facile auguramur, quanto munere sit Vir doctissimus eruditum orbem aucturus *Theocrito* & *Anthologia* edenda, in quibus expoliendis ornandisque eum laborare, ex hac etiam *Vanno* intelligimus. Sed, si nihil unquam post hanc *Vannum* ederet, neque *Observationibus miscellaneis* jam singularem eruditionem probasset, omnes tamen, qui in hoc genere judicare aliquid possunt, eum in principibus Criticis numerandum putarent. Age vero, ut Lectoribus, quæ diximus, probeamus, accuratius de hoc libro differemus. Et, quando fieri non potest, ut ex hujusmodi libris, quicquid utilium rerum continent, afferatur, (sunt enim multæ genere, numero autem pæne infinitæ,) hanc rationem tenebimus, ut primo brevem historiam controversiæ tradamus, & descriptionem libri commemoremus, deinde vero etiam illustres locos, quos eruditorum inprimis interesse putamus scire, indicemus, & tandem caput aliquod seligamus, cujus argumento accuratius exposito, de libri præstantia, & Autoris singulari eruditione, judicare liceat.

A. 1732, cum publicari apud Batavos cœpissent *Miscellanea critica*, a Britannis antea cœpta, & sequentis *Anni Menfis* *Majo* & *Junio* prodendi essent aliquot *Mannelis Philæ de pisce Nautilo* versus, quos Britanni ineditos putarant, sed *J. C. Paw* biennio ante ediderat in sua *Philæ* editione, occasione ea usus est *Cel. Dorvillius*, hominem de miro ejus scribendi & commentandique genere monendi, sed ita, ut non ultra gravem, hic illic tamen salibus adpersam, reprehensionem progrediretur; si forte ad mitius scribendi genus deducere hominem posset. Hoc facto, cum *J. C. Paw* A. 1734 *Quintum Calabrum* ederet, non modo non destitit ab illo virulento scribendi genere, sed, præter *Rhodomanum* & *Dausquejum*, ipsum *Dorvillium* arripuit, & omne in eum accensæ bilis virus evomuit, nulla tamen accusatione *Dorvilliana* diluta. Eandem rationem tenuit in *Aristaneto* ab se postea edito; in quo *Mercerum* aliosque indignissimis modis tractavit. In Præfatione autem, huic *Aristaneto* præmissa, iterum aggressus est *Dorvillium*, quem, puerili verbi lusu, *Orbilium Amsteladamentsem* vocat. Agitur ibi de *Epigrammate* quodam *Sapphus*, quod *Cl. Wolfius* in *Sapphicis* suis cum Latina versione proposuit: *Ἐκ ἀρχῆς σοὶ γὰρ ἐλίζον ἐπὶ* &c. Hujus non modo versionis Autorem facit *Dorvillium*, sed etiam sic, ut ibi est, ab eo constitutum putat; & cum interpretationem, tum lectiones, vehementer exagitat. *Dorvillius*, re cognita, statim A. 1737 *Exercitationi de Inscriptionibus Deliacis* subjicit Epilogum, quo certissimis documentis se demonstraturum promittit, neque versionis illius se, neque *Epistolæ* cujusdam de ætate *Codicis Philæ*, Autorem esse. Huic *J. C. Paw* opponit eodem anno Præfationem, *Theophrasti Characteribus* præmissam, in qua eum & malæ fidei arguit, & omne odium *Dorvillianum* inde ortum esse confirmat, quod *Anacreontem Clerico* inscripisset, in quem *Burmannus* & omnes *Burmanniani*, atque in his etiam *Dorvillius*, ita implacabile odium suscepisset, ut etiam *Orationem* funebrem *Jo. Jac. Wetstenii* in *Clericum*, jam fere descriptam typis, artibus suis *Dorvillius* suppressisset & strangulavisset. Cum vix hic *Theophrastus*

J. C.

J. C. Paw prodissset, hanc *Vannum criticam* edidit Vir Celeberrimus, de cuius nunc ratione dicendum est.

Et, quoniam *Epigramma Sapphicum* & *Epistola de ætate MSti Philæ* controversiam & iras vel maxime exacerbarunt, & calumniis conviciisque occasionem dederunt, prima hujus libri tria *Capita* in diluendis circa Autorem *Epistolæ* & versionis criminibus & calumniis consumuntur, in iisque simul *Dorvilliane* emendationes in *Epigrammate Græco*, & *Wolfiane*, una cum versione *Wolfii*, defenduntur, & plurimi errores *J. C. Paw* exponuntur. *Caput 4.* infantilia ejus circa prima linguæ Græcæ elementa continet; *Cap. 5.* indicein doctissimorum virorum, quos indignis modis laceravit in libris suis, exhibet. *Cap. 6.* de jactantia & philantia ejus agit. *Cap. 7.* de *Epigrammatibus Græcis*, quæ inscite & ridicule explicavit & emendavit, disserit, cujus *Capitis septem Sectiones* sunt. *Cap. 8.* ejus *Epistolam, Vibio præmissam*, emendationes in *Menandrum* & *Philemonem*, & *Diatriben de Alea*, leviter perstringit. *Cap. 9.* ignorantiam in universa re metrica exhibet. Reliqua tria *Capita* animadversiones ejus in *Hephestionem*, *Anacreontem*, *Q. Calabrum*, *Aristanetum*, castigant. Epilogus autem in confutanda *Præfatione Theophrasti*, & defendenda marimoris *Arundelliani* emendatione, in *Misc. Obs. Vol. II p. 350* proposita, versatur, quam ibidem perstrinxerat *J. C. Paw*. Pag. 648 seq.

Anthologia novam editionem moliri Virum Cel., supra diximus, eamque talem futuram ex hac *Vanno* nos augurari, qualem eam eruditissimi homines & esse velint, & sperent futuram. Ejus adeo judicii nostri rationes ut Lectoribus nostris probare possimus, præclare prospexit *Dorvillius*, cum aliquot difficilia & obscura *Epigrammata* non modo a corruptelis & absurdis *Canonici Trajectini* interpretationibus vindicavit, sed ea etiam e *Codicibus*, imprimis *Palatino*, qui nunc Romæ est, constituit, lectiones a se receptas ex regulis Critices confirmavit, & obscura neque jejune neque luxuriolè explicavit; & hoc ipsum dum agit, passim aliorum *Epigrammatum* lectiones veras e *Codicibus MStis* restituit. Primum locum tenet *Epigramma ex Anthologia inedita Meleagri in Antipatrum Sidonium*, in quo explicatur ratio, quare insigne sepulcri fuerit gallus cum ramo palma &

139-167.

1610. Α εἰλα, σύνθημά τι &c. In hac inscriptione emendanda explicandaque infelicitur versatus est in libello *de Alea lusu* J. C. de Paw. Cel. *Dorvillius* autem longe felicissime; quod idem de ænigmatico Epigrammate altero *Antipatri in Alexandri* ejusdem Chii sepulcrum, cui novem tali insculpti erant, dicere possumus: α εἰλα, φέρ' ἴδω &c. item de tertio *Crinagoræ* in *Anacreontis* βιβλὸν λυρακῆν. Ac vellemus, commode fieri posset, ut, quam verum sit, quod dicimus, commemorandis emendationibus & animadversionibus, demonstraremus. Sed, quia primo integra Epigrammata huc transferibenda, & deinde plura dicenda essent, quam ratio nostra patitur, doctos homines ad ipsum librum amādamus. Ceterum, ne quis nos aut velle subterfugere laborem, aut non satis probare doctis posse rem, putet, age in uno periculum faciamus, & quidem in Epigrammate, ex *Anthol.* edita IV, 24, *Leontii Scholastici* εἰς εἰκόνα ὀρχηστρίδος, quod ad *Aristanetum* I, 26, laudaverat J. *Mercerus*, & nunc animadversionibus illustrare ibidem voluit J. C. Paw:

Μισσαίων δεκάτη, χαρίτων, Καράμαλλε, τετάρτη &c. *Mercerus* putabat, titulum Capitis εἰς ὀρχηστρίδας esse male conceptum ab iis, qui *Caramallum* sœminam putarent, quia *Μισσαίων δεκάτη* vocaretur, & cetera in hoc Epigrammate proprie in sœminas convenirent, scribendumque: εἰς ὀρχηστράς καὶ ὀρχηστρίδας. Quod profecto rectum est; nam in eodem Capite est etiam Epigramma in *Xenophontem* Smyrναεὺν & in *Pyladem* Saltatorem. Neque in eo errat, quod, *Μισσαίων δεκάτη* de viro dici posse, putat. Nam sic *Sophocles*, Siren Attica, *Val. Cato*, Siren Latina, sic in *Anthol.* I, 66, p. 92, *Pindarus* dicitur *Μισσαίων σέμα*, *Bacchylides*, Siren item *Lib. III p. 208* *Rhinthon* vocatur *Μισσαίων ὀλίγη τις ἀηδὼς*, & apud *Suetonium* de *Illustr. Grammat.* Cap. 16 Q. *Cacilius* tenellorum nutricula, vatum. Jam, quæ J. C. Paw nugatus hic est, prætermittimus, & ex ipsius ad *Aristanetum* notis petere jubemus. Sententia eo redit, ut *Caramallus* h. l. sit sœmina alio quidem nomine, sed propterea *Caramallus* dicta, quod eum imitata esset, accurateque expresserit. In quo recte desiderat Cel. *Dorvillius*

villius ex interpretationis legibus, ut vel unum exemplum al-
litum esset, in quo quis simpliciter, v. c. *Homerus*, *Demosthe-
nes*, *Plato*, diceretur, quod ei simillimus videretur; recteque
negat, hujusmodi nomina cuiquam tribui, aut tribui posse, nisi
addito aliquo adjectivo. Sic *Xenophon* non *Musa* simpliciter
dicitur, sed Attica: *Caligula* *Liviam* proaviam non *Ulixem*
simpliciter appellabatur, sed *Ulixem stolatum*. Verum, licet
singulæ appellationes in hoc Epigrammate in virum convenire
possint, tamen *Dorvillio* nostro non fit verisimile, omnes
comparationes sic a sceminis forte fortuna, nedum dedita ope-
ra, desumi ad ornandum virum. Nam, etsi *Pantomimi* sæpe
sceminas in scena exhibuerint, tamen, & viriles personas sal-
tasse, multis exemplis constat. Quinque alia sunt *Leontii* in ὁ-
χητρίδος in hoc Capite Epigrammata, & hoc esse in sceminam,
tum ipsius, tum sequentis, inscriptio docet: *ἱς ἑκὼνα ἑτέρας ὁ-
χητρίδος*. *Leontius* etiam impensius saltatricibus delectatus
fuisse videtur, quam ut saltatori præcipuam laudem tribueret:

Θῆλος, inquit, ἐν ὁρχηθμοῖς κρατίες φύσις· ἑξάτε κῆρες
Μῆσα καὶ ἑξαδὴν τέτον ἔδεντο νόμον.

Accedit, quod temporis ratio vix permittit, ut *Leontius*
Caramallum viventem laudare potuerit. Nam, si *Caramallus*
hic est is, qui *Aristaneto* celebratur, *Aristanetus* autem is, ad
quem *Libanii* quædam scriptæ sunt epistolæ, *Caramallus* longe
ante Seculi IV finem vixit. *Leontius* autem videtur *Justinia-
ni* tempora, adeoque Seculi VI initia ad minimum, attigisse.
Quodsi autem alius est a *Libaniano* *Aristanetus*, neque ætas
ejus certa, potest *Caramallus* ad seriora tempora demitti. Et
re vera videtur Seculo V potius, quam quarto, adscribendus,
quod *Sidonius Apollinaris* ejus meminit *Carminē* XXIII, 267.
Sidonius autem nulla vel pauca carmina scripsit post A. C. 472,
cum Episcopus Arvernorum renuntiatus esset. Eum autem,
etsi, quam diu Episcopus fuerit, non potest certo definiri, tamen
parum a vero erraverit, qui eum A. 484 mortuum dixerit;
quod A. 428 natus est, & annos 56 vixit. Ceterum vel
sic *Caramalli* ætas a *Leontio* dimidio Seculo abest. J. J. Sc-
liger

liger ad *Eusebium Chron.* p. 155 statuebat, & *Salmasius* ad *Vopisci Carinum* p. 833 postea quoque docuit, *Bathyllos* & *Pyladas* vocatos esse etiam eorum discipulos. Itaque fortasse etiam duos *Caramallos* statuere liceret, nisi primo illa, quæ supra dicta sunt, repugnarent, & nulla autoritate confirmari ea res posset. Sed negat *Dorwillius*, hoc nomen esse a *Leontio*, spuriumque esse confirmat, & a *Planude* vel alio infartum, vel ex Scholio assumptum. Ejus rei auctor est Codex seculis plurimis *Planude* vetustior, nempe optimus *Palatinus*, nunc *Romanus*, in quo plane literisque perspicuis est pro *Καράμαλλε*, *Ροδόκλεα*, quæ sæpe a *Rufino* in *Anthologia Lib. VII* laudatur. Atque ita *Salmasius* quoque legebat; ita etiam *Grotium* legisse interpretatio ejus docet:

O decima Aonidum, Rhodoclea, & Gratia quarta.

In eodem Epigrammate *Cl. Paw* in his verbis hæere jussit diva Dialectica: "Ὅμματά σοι καὶ ταρσὰ ποδῆνεμα. Ταρσὰ ποδῆνεμα novi, inquit, ὅμματα ποδῆνεμα non novi. Subtiliter mehercule & accurate! Ipse *Leontius* scripsit: Βήματα σοι κ. τ. π. Cum prima litera versus a bellis librariis omissa esset, ex ηματα factum ὅμματα. Sed primo, in Græcis Codicibus aliquando, rarissime in vetustioribus, primæ literæ omissæ, nisi forte in principio capitum, sectionum, librorum; propterea, quod, cum Græci primas versuum literas cum in prosa, tum in versu, non majusculas facerent, nulla ratio erat, quare eas omitterent. Quod secus est in Latinis Codicibus. Deinde, quod ad ὅμματα & ταρσὰ ποδῆνεμα pertinet, vel hæc lectio defendi potest, quod vel tirones sciunt, unum & adjectivum & verbum pluribus substantivis jungi, cum uni tantum proprie conveniat. Sed non opus est, eo confugere. Nam primo ποδῆνεμος potest accipi pro ταχὺς simpliciter, uti etiam *Hesychius* interpretatur, & *Suidas* ex *Anthol. III*, 24, p. 268; quando constat, usu loquendi factum sæpissime, ut, quod de specie dicebatur, id ad genus transferretur, neque proprietas verbi & etymologia spectaretur, ut ὅμμα Ἰσού est apud *Oppianum Cyneg. III*, 143, deinde apud *Æschylum Sept. contr. Theb. v*. 630 est diserte: ποδωκὲς ὅμμα; ubi *Scholiales* recte: εὐστροφον, item in *Chæph. 574*:

Θήσω

Θῆσα, ποδωκῆ περιβαλὼν νεκρὸν χαλκεύματι. 110
 Ubi Scholiastes: ταχεὶ ξίφει. Atque, etsi in hac defensione
Leontii facile omnes acquiescant, tamen, ea ne opus quidem esse,
Dorvillius iudicat, &, sine ipsa lectionem defendi posse, putat.
 Nempe quis hanc necessitatem *Leontio* imposuit, ut ipsi non
 liceret, ὄμματα sine epitheto ponere, necessarioque ejusmo-
 di uteretur, quod ad ὄμματα non minus, quam ad τὰρσά,
 pertineret? Istam legem ignorat & Rhetorica & Poetica.
Ovidius Met. II, 217: Ardet Athos Taurusque Cilix. Ergo *Ci-*
lix etiam ad *Athos* pertinet? *Anthologia Lib. VI p. 436:*

Δ Φόρμιγξ, τὰ τε τόξα, καὶ ἀγκύλα δίκτυα &c.
 Ceterum illud βήματα ineptum, quod non differt a τὰρσά;
 ὄμματα autem summo jure non solum in omni puella, sed
 etiam in saltante, laudantur. Quodsi Καράμλλα rectum esset,
 tamen ὄμματα apta essent, quod etiam in Mimis, quamvis
 personatis, tamen motus oculorum cerni potuerunt. Nam
 personæ Mimorum longe minores habilioresque, quam cete-
 rorum histrionum, fuere. *Lucianus de Saltat. pag. 796 seq.*
 alijs tribuit ὄμοι πάμμεγα, κεχηνὸς, συµμεµυκός. Speciem
 mimicæ personæ exhibent *Inscriptiones Gruterianæ p. 1024.*
 Nec credibile est, oculis loquacibus non usos fuisse, qui

Nutu, crure, genu, manu, rotatu,
 Clansis faucibus, & loquente gestu,
 omnia exprimebant. Itaque νέμματα ipsis tribuuntur *Anthol.*
VII, 464, &c. Videtisne, Lectores, quam caute, quam acute,
 doctèque, in emendando interpretandoque *Dorvillius* versetur,
 &, cum huic Specimini similia non solum omnia, sed etiam
 præstantiora quædam sint, ut, quæ ad primum & secundum Epi-
 gramma scripsit, quam verum sit, id quod diximus, speci-
 men excellentis Critici & Interpretis ab eo capere posse, qui
 in hoc genere elaborare velint? Ceterum illud non est præ- Pag. 193 seq.
 tereundum, vindicari etiam Epigramma jam a *Bentlejo* ad *Cal-*
lim. p. 427, ut *J. C. Pavi* ad *Anacr. p. 309* contendit, infelici-
 ter tentatum, & aliud *Simonidis* apud *Hephestionem p. 64,* & in 201 seq.
Anthologia H. Stephani p. 513, Ἰθμια, δὲ Νέμεα &c. In-
 prius autem communioranda est opera in explicando emen-
 dandoque

dandoque Epigrammate celeberrimo, a Canonico Trajectino in libello *de Alea* male habito, consumitur, nempe in Epigrammate *Agathiae Scholastici* ἐῖς τὰς αὐτὰς Ζήνωνος τῆ βασιλέως, quod exstat in *Anthologia Lib. I Cap. 61*. Primo exhibitur ipsum Epigramma, ut est in editione *Stephaniana* cum versione *Obsopai*; ejusdem autem interpretatio metrica *Grotiana* exhibetur pag. 135; subjiciuntur deinde variae lectiones & animadversiones, e quibus, non possumus facere, quin breviter commemoremus, quæ ad *versionem vigesimum tertium & quartum* dicta sunt, quod eos maxime constat esse vexatos. Versus hī sunt:

Αὐτὰρ ἀνάξ - - -
 Τριχθαδίας ἀδόκητα Βαλῶν ψηφίδας ἀριθμῶ
 Πύργῳ δερατέῃ κλήματι κευδομένην.

308: 309. *Δερατέος πύργος* est instrumentum, cujus usus in tessleris jactandis fuit. *Πύργος* vocatur propter figuram externam, a qua etiam *Módiος* apud *Isaacium Porphyrogenetam*, & *urna* in Epigrammate apud *Salmasium* ad *Vopisc.* pag. 744. Quod ad interiora attinet, cavum erat, sed simul gradibus & anfractibus intercisum, ut injectæ tessellæ subfiliarent sæpius, & sic demum in alvei fundum effunderentur; unde interior ista pars κλίμαξ in his versibus dicitur, & *gradus interni* in Epigrammate apud *Salmasium l. c.* Satis autem probabiliter ex his patet, non agitatum esse pyrgum, quod interna illa ratio jam per se ad id valet, cujus causa agitari potuisset, sed in alveo ponebatur, & fere in medium protrahebatur. Sed præter hunc pyrgum 309 seq. utebantur etiam *fritillo*, quod ψηφοβόλον vocabatur. In hoc tessellæ concutiebantur, & in pyrgum ex eo mittebantur. Pyrgo porro imponebant instrumentum aliud, quod *φημός*, *κημός*, *ἡθμός* dicebatur, h. e. quasi *infundibulum*. Hæc cum *Salmasius* sciret, pro ψηφίδας ἀριθμῶ, quæ verba nullum commodum sensum habent, legendum censebat: ψηφίδας ἀπ' ἡθμῶ — κευδομένας. Huic emendationi mirifice favet inspectus *Dorvillio* Codex Palatinus præstantissimus. Habet enim: ψηφίδα γὰρ ἰθμῶ, quæ lectio non procul a *Salmasiana* recedit. Nam ἰθμῶ

ἰσθμὸς ex ἡσθμὸς facile fieri potuit, cum Seculo octavo jam frequens esset Jotacismi usus. Eo autem Seculo aut sequente scriptus est Palatinus Codex, & est in eo utriusque literæ frequens permutatio. Itaque non erat, quare Cl. Paw hanc emendationem rejiceret. Sed recepit tamen & probavit alteram: *κευδομένης*, quæ, præter *Salmasium*, etiam *Scaligero* *Hydioque* placuerat, nulla horum virorum mentione facta, sed magnifice additis his: *puer decennis viderit*. Cel. *Dorvillio* autem secus videtur, & e Codicibus revocandum *κευδομένην*. Quo nil certius putamus. Refertur enim non ad *ψηφιδας*, sed ad *κλίμαξι*. Gradus enim latent in pyrgo. Sic Epigramma Latinum, de quo supra:

Qui vomit internis tesserulas gradibus.

Κλίμαξ κευδομένη aptissime reddi potest: *gradus interni, scala interna*.

Caput decimum, uti diximus, male meritum esse de *Hephaestione* Canonicum nostrum, docet. Eum enim cum post 163 ab ultima editione annos ederet, nihil novi attulit, præter notulas quasdam steriles & jejunas, in ceteris editionem *Turnebianam* κατὰ πρόβα expresse. Atqui *MSti* Codices plurimi passim a doctis viris commemorantur, & exstant pluribus locis. Commemorantur varii in *Bibliotheca Græca Fabricii Vol. VII, pag. 16*. Sunt in *Bibliotheca Veneta*, in *Gallicis Anglicisque Bibliothecis*, in *Hobendorfsiana* *Viennæ*. Nullum horum in auxilium vocavit. Quid? quod etiam edita neglexit, tanquam *Prolegomena Longini*, & *Scholia in Hephaestionem*, ab *Hudsono* & *Fabricio* in *Biblioth. Græc. Vol. IV pag. 446* ex parte publicata, & editiones ipsas, quarum tamen duæ tantum sunt, nempe *Juntina* & *Turnebiana*. Nam de *Aldina*, A. 1526, 8, edita, opinionem falsam esse, Doctiss. *Dorvillius* demonstrat. Neque Latinam interpretationem adjecit, hac excusatione usus, quod libelli indoles obflaret; cum alii hujus generis libri Latine conversi sint, & ipsius *Hephaestionis* Latina interpretatio *Parisi. 1632, 8*, edita sit. Est in *Aristidis Quintiliani Lib. I de Musica* a pag. 43 ad finem, compendium doctrinæ metricæ concinnum, plane simile *Hephaestionæ* methodo; ut non dubium sit, quin alter

alteri aliquid debeat, dignumque videatur, quod *Hephaestioni* præmittatur. Sed hoc compendium commodè verti potuit. Melius meritis est de *Hephaestione* Cel. *Dorvillius*. Nam huius *Capitis Sect. II*, a pag. 415 ad 499, sistit primo præcipuam Florentini libri variationem; deinde huic adjecit quasdam alias, a Codicibus petitas, & a Viro docto ad oram editionis Parisiensis adscriptas; ex quibus quantum lucis & emendationis *Hephaestioni* accedere potuisset, facile intelligitur. Quid igitur futurum fuisse putemus, si & alios Codices MStos consulisset Cl. *Paw*? Huic autem lectionum varietati multas doctas observationes Cel. *Dorvillius* admiscuit, quibus etiam referta est *Sectio 3*, qua notæ Cl. *Paw* in *Hephaestionem* excutuntur. Sed videbimur fortasse pæne nimis longi in commemorandis locis illustribus fuisse, etsi breves fuerimus, & multa omiserimus. Veniamus igitur ad id, quod quarto loco nos promissimus facturos, & *Caput* unum in compendium mittamus. Huic rei

Pag. 318-405. maxime accommodatum visum est *Caput nonum*; neque solum, propter dignitatem, sed etiam propter ipsius materiæ rationem, quæ nobis videbatur una in compendium redigi posse. Neque tamen totum referre licebit, sed maximam tantum partem. Nam ultima *Capitis* in singulis verborum quantitibus versantur. Est autem proprie quidem hoc de erroribus *J. C. Paw* in re metrica Græca; sed hac occasione multa de re metrica erudite explicantur.

Cæsura, (Græce *τομή*.) desinente *Vossio*, est, cum post pedem superest syllaba, quæ finit dictionem. Cæsura autem locum habet in tantum non omnibus metris, præterquam in Anapæstis & similibus versibus, qui libenter cæsura carent, & dissolutos pedes amant, hoc est, singulis vocibus constantes. Conf. p. 440. Atque hæc ratio est, quare anapæsti a Jambographis & Tragicis non adhibeantur, nisi raro, & præcipue in nominibus propriis. Vid. *Clarkius* ad *Homerum* Il. β, 811. Nam Jambicum pedes ligatos desiderat, quod fit cæsura. Sed in Heroicis & Jambicis cæsura necessaria pæne in *πενθήμερος*, hoc est, in quinti pedis prima syllaba, æque atque in Elegiaco, & rarissime tertius pes integra voce consistat. *Horatius* nunquam id committit, secutus Græ-

οὐς ἰαμβοποιός. *Seneca* raro; *Æschylus* sæpe; *Sophocles* & *Euripides* parcius; *Aristophanes* aliquando. Sed hic tamen excipiendi sunt ii versus, in quibus singulæ voces singulos pedes constituunt. Nam tum etiam tertius pes aliquando integra voce sine vitio absolvitur. Sed tales fere in enumerationibus tantum occurrunt, ut in *Nub.* 66:

Κρίος, τράγος, ταῦρος, κύων, ἀλεξίφρων.

Menandrum quoque raro in hoc sibi aliquid sumsisse licentiæ, ex reliquiis ejus colligi potest. Ceterum τομή, κόμμα, cæsura, interdum etiam dicitur pars versus, quæ cæsura solenniori comprehenditur. Sic elegia gemina cæsura constat, quod περιθμιμερὲς vocatur. Sed de ea hic non est sermo. Cæsurae hujus hæc vis est, ut syllabam brevem producat:

Pectōri|bus| inhians

Νέσορα δ' ἐκ ἑλα|θεν| ἰαχή.

Sed in hac cæsura vi admittenda parciores sunt Latini, quam Græci. Nam hi etiam vocales breves passim ita producant, in quo parcissimi sunt Latini; & cum ex cæsura quintus semipes in elegiaco communis sit, (vid. *Terentianus Maurus pag. 81.*) tamen rara ejusmodi exempla in Græcis & Latinis occurrunt. Hæc autem cæsurae vis inde proficiscitur, quod in ea syllaba quædam mora sit, unde & *mansio* vocatur, & quia ictus pronuntiationis in eam cadit. Vid. *Clark. Il. æ, 51.* Ceterum in *Jambico* hanc vim cæsura habere non potest; quod fieri non potest, ut syllaba natura brevis in cæsura producenda sit; esse enim brevis debet, aut est saltem rectius brevis, quam longa. Illi autem valde errant, qui, cæsurae vim esse etiam in syllaba finali verborum extra cæsuram, putant. Hanc vim finalis sæpe citat *Barnesius*, v. c. ad. *Il. λ, 36*, sed ibi rectius docet *Clarkius*, quam ob causam pro longa brevis syllaba posita sit. Sane apud *Aristophanem*, *Lycophronem*, & alios, multi sunt versus, quibus hoc syllabæ finalis beneficio opus esse videatur. Sed ex quavis decade exemplorum facile novem alia commodiori ratione sanari possunt, adjiciendo scilicet Ν ἐφελκυστικόν, qua etiam jam *Kusterus* in sua editione *Aristophanis* multa sanavit.

cum in Jambis; tum in Anapæstis, tamen plurima adhuc intacta reliquit. Atque, hoc esse verum remedium, ex eo patet, quod nunquam, aut rarissime, ejusmodi syllaba finalis longa occurrit, cui non possis ita mederi; quod si fieri non potest, aut corruptus locus erit, ut in *Eccles.* 706, (vid. *Kusterus*,) aut adspiratione sequetur, ut in *Euripidis Hercul. Fur.* 116 &c. Sed, ut ad cæsuram redeamus, ea etiam apud Græcos τε & apud Latinos que, & aliæ item hujusmodi voculæ, ut δέ, τὸ, τὶ, τὰ, &c. producantur, sive duplex aut liquida litera sequatur, sive non sequatur, ut fit interdum. Vid. *Erythraeus de Lic. & Dilig. Carm. Virg. Cap. 5 & 10*, item in *Indice* in que. Hoc cum ignoraret Cl. *Paw*, sæpe peccavit in tentandis locis iis, ubi τε sic occurrit. Etsi etiam sola cæsura hic sufficiat, tamen & Græci & Latini frequentius tales syllabas producant, cum non modo cæsurae, sed etiam duplicis literæ, vel positionis, vel literæ P, ope uti possunt. Vid. v. c. *Aristophanis Nub.* 43, 45, *Homeri Il.* π, 228, σ', 402, *Theocriti XV*, 128, *XXVI*, 48, &c. in quibus semper ρ sequitur. Ejus rei ratio forte hæc est, quod ρ inter duas vocales in pronuntiando facile duplicatur. Itaque etiam *Barnesius* ad *Homeri* locum secundum observavit, in antiquissimo Codice pro δὲ ῥόος scriptum esse δερῥόος, & *Clarkius* ad primum, in Codice MSto scribi pro τὸ ῥα, τὸρῥα. Atque hanc scribendi rationem sæpe invenias. Idem *Barnesius* ad primum locum *Homeri* ex Scholiaste *Apollonii III*, 37, commemorat, *Aristarchum* scripsisse ὁ ῥα, *Heracleonem* autem ὀρῥα. Illud autem cavendum est, ne cæsurae vis advocetur, ubi alia remedia in promptu sunt; in quo sæpe peccavit *Cornelius*. Nam v. c. ante πόλις, πόλεμος, & similia verba, ubi MSti Codices habent πλόλις & πλόλεμος, & meliores editiones, ad cæsuram provocat; & in multis item aliis locis, ubi nemo peritior ad cæsuram confugiat. Multo minus probandum est, Poetis passim Jambos, Choreos, seu Trochæos, Amphimacros, seu Creticos, & nescio quos pedes, alieno loco obtrudi pro dactylis aut spondeis, (de quo genere multa *Gifanius* in *Ind. Lucret. in v. Versus*) quando alia ratione mederi verbis licet, ut multis hic exemplis demonstratur. Versus quidam

dam reperiuntur, quibus tempus in primo pede deest; quos *ἀκεφαῖες* appellant. Sed plerorumque affectibus mederi possumus. Nunquam profecto *Homerus* aut alijs Poeta hexametrum fecit, cui tempus deesse putaret. Sed Grammatici imperiti, & ignorantes, cur illud *πᾶδες* in versu esset, & qua ratione Poeta concepisset tempora, *ἀκεφαῖες* nominarunt. Huc pertinent, qui incipiunt a vocibus *Πριαμίδης, Ἀθάνατος, ἀπᾶλαμος, ἀκέφαλος, ἀδάματος, ἀκάματος*. Vid. *Eustathius* in *Il.* v; 41, qualia verba, tres primas corripientia, a Poetis Græcis & Latinis in prima syllaba producuntur; quibus tamen non adjeceris *παράλιος, ἀραβία*. Nam his potius duplicatione literæ *ρ* succurrendum, de quo supra. In ijs autem, qui ab *ἐπειδὴ, ἕως* ὅ incipiunt, aliud quid præter hoc *πᾶδες* considerandum; item in ijs, quorum initium: *πρὸς οἶκον. Ὅς ἤδη*. Apud *Apollonium III*, 984, est: *πρὸς αὐτῆς*, &c. sed ibi legendum: *πρὸς τὴν αὐτῆς*. Vid. *Scaliger ad Cirin.* 326. In his autem & similibus nemo, nisi valde temerarius, aliquid mutare audeat; tales autem versus nunquam Autoribus e conjectura obtrudendi, ac ne suspicionis quidem loco proponendi; quod nullam probabilitatem habent, & *κακόζηλον* Criticum arguunt.

**ANDREÆ PASTÆ, BERGOMATIS, EPI-
stolæ ad ALETHOPHILUM duæ, altera de Motu
sanguinis post mortem, altera de Cordis polypo in
dubium revocato.**

Bergomi, ex Typographia Joannis Santini, 1737, 4-
Plag. II.

Doctissimus Autor id agit in hoc libello, ut duas, communi fere Medicorum consensu receptas, opiniones, alteram de motu sanguinis post mortem, qui ex arteriis se in venas recipere creditur, alteram de polypis, qui diu ante obitum crescere perhibentur, prorsus convellat. Nec is causam suam indiligenter aut indocte perorat. Quamvis vero, quod inprimis ad polyporum existentiam attinet, quæ responderi queant, supersint permulta; nos tamen, controversiarum agitarum nego-

negotium instituti nostri rationibus non congruere, adeoque non id nobis datum esse, ut ratiunculis nostris obstrepamus diligentiae Cl. Autoris, probe intelligentes, summam Epistolarum, atque argumenta, hic adducta, eo copiosius enarrabimus, quo pauciorum in manus ipsae videntur hae Epistolae venturae. Sic enim futurum speramus, ut in rationum momenta atque pondera ipsemet Lector diligentius inquiret. A prima igitur Epistola exordiamur. Putarunt huc usque Viri Clarissimi, sanguinem post mortem ex arteriis in venas compelli, & alii quidem universum, alii maximam partem, alii semper, alii plerumque, id accidere. Enimvero haec minime videbuntur probabilia, cogitanti, tantum sanguinis una arteriarum contractione esse expellendum. Ubi enim pluribus opus esset arteriarum constructionibus, rursus implerentur arteriae sanguine, quia semel contractae contrahi iterum nequeunt, nisi cor iterum sanguinem in easdem impellat. Ergo, si ad exhaustiendas arterias, aut ad maximam partem sanguinis ex arteriis in venas traducendam, non videtur satis esse una arteriarum contractio, quanto minus par atque idonea videbitur ea, quae est omnium ultima, quaeque, collapsis morientis viribus, excitatur. Praeter haec vero jamjam summus Anatomicus *Morgagni* in quodam *Adversariorum Anatomicorum* loco memorat, non paucis in cadaveribus magnam sanguinis copiam in arteriis se observasse. Autor itaque rem experimentis tentavit, idque in canibus inverso capite a posteribus pedibus laqueo suspensis, & interemtis, quoniam in hoc corporis positu ea fore perspicua existimavit, quae in horizontali situ corporis nondum satis responderant. In quatuor canibus invenit venarum sanguinem ex posterioribus cruralibus atque iliacis ramis in cavae inferioris truncum delapsum, paulo infra emulgentes venas; in duobus aliis ad emulgentes defluerat, quo derivatus erat in iisdem quoque duobus canibus aortae sanguis, qui similiter ex cruralibus posterioribus atque iliacis arteriis in aortae descendens truncum defluerat, cum in prioribus quatuor canibus paulo infra venarum sanguinem aortae sanguis constitisset. Secto deinde thorace, revulsisque hepate, ventriculo, intestinis, & pulmo-

pulmonibus, continuo sese magis magisque subducere cepit tum sanguis, qui aortam, tum qui venam cavam impleverat, ita, ut hic in plerisque duos digitos distaret ab hepate, ille quartam attingeret thoracis costam, ab inferioribus numerando. Quin etiam contentus in venis emulgentibus sanguis plurimum eorundem canium eo pervenit, quo sanguis pervenerat, qui in emulgentibus arteriis continebatur, quandoquidem vasa hæc neque in iis, qui capite suspenduntur, canibus, neque in iis, qui posterioribus suspenduntur pedibus, sanguine prorsus carent, quippe quæ cum truncis, quibus inferuntur, in utraque corporis positione, angulum obtusum efficiunt, qua parte sanguis defluit. Quem ad modum & semel iterumque observatum fuit, quod sanguis arteriarum cruralium anteriorum sanguinem venarum ejusdem nominis altitudine adæquarit. Ut itaque hæc experimenta sanguinis arteriosi venosique, qui post mortem in vasis reperitur, copiam videntur ob oculos ponere; sic motum quoque sanguinis luculenter ostendunt, qui, cessante motu projectio, a corde atque arteriis profecto, oritur, atque motus fluminis ab Autore appellatur, quia scilicet sanguis fluminis instar fertur ad terræ centrum, cum rationi etiam consentaneum videatur, non ante coire debere sanguinem, quam deorsum defluat, utique si impulsus eo fuerit, ubi vi infite gravitatis consistere nequit. Scilicet illis ipsis experimentis cognoscitur, in eo corporis positu, quo pedibus posterioribus suspensi canes vitam laqueo finiunt, defluere sanguinem fere universum ex arteriis venisque cruralibus posterioribus, iliaticis, aliisque, ad easdem pertinentibus, dummodo vasorum directio impedimento defluenti sanguini non fuerit, defluere nimirum in cavæ aortæque truncum, plerumque paulo infra emulgentia vasa. Neque minus hic motus sanguinis apparet, si capite suspendantur canes. Etenim in ea corporis positione jugulares venæ infra vinculum, arteriæque carotides, itemque venæ arteriæque subclaviæ, superioris cavæ truncus, aortæque arcus, aliaque vasa sanguifera, partim quidem in cordis ventriculos exonerantur, partim in inferioris cavæ truncum, & descendentis aortæ, eorundemque ramos, ita, ut sæpe sanguis fere ad va-

L

forum

forum iliacorum initium descendat, sæpe quoque multo altius subsistat, maximeque in cavæ inferioris trunco. Quod, ubi accidit, tribuendum quidem est ventriculo intestinisque, cibo, potu, fecibus, flatuque, distentis, aliisque ini ventris visceribus, vasa comprimentibus, in quæ sanguis defluere nititur. Nec omisit Autor cautiones, quas in capiendis rite experimentis curatius adhibere oportet. Ignotus autem adhuc fuit sanguinis hic motus, quoniam homines aut humi strati, aut in lecto cubantes, moriuntur, in qua corporis positione motus ille longe minus innotescit. Nec in iis, qui suspensio mulcantur, cognoscere illum licuit, quoniam rarissime ea corpora inciduntur, aut, quando patibulo demissa tabulæ imponuntur, vero videtur sumillimum, illuc ferri sanguinem, aut saltem serum ejusdem, unde discesserat, simul ac vita amitteretur. Nec miretur quisquam, sanguine refertas interdum venas, arterias vero esse vacuas. Quod quemadmodum de singulis arteriis affirmare non licet; ita etiam constat, nonnullas aliquando arterias refertas sanguine, socias contra venas sine sanguine, reperiri. Quod tribuendum præcipue putat mutata positioni corporis, quæ post mortem non accurate, donec sanguis jam refriguit, servata fuit. Ut hinc sanguis, si præsertim parum coit, sedem mutet. Ceterum etiam modo in arteriis, modo in venis, sanguinis variat coitus, isque longe facilius ex arteriis defluere solet, quam ex venis, eo, quod illæ, certe quidem majores, multo minus propter tunicarum robur ac crassitudinem a circumjacentibus partibus comprimantur. Ut itaque intelligatur, cur sanguis in his potius locis, quam in illis, reperitur, convenit morientis hominis positum attendere, & corpus, usque dum refrigeratum fuit, in eo conservare, ac deinceps, cadavere tabulæ imposito, vasorum directiones & figuras, quæ corporis respondent situi, in quo homo interit, partiumque circumpositarum molem, figuram, & positionem, respicere. Usus hinc redundat cum in eos, qui ad detegendas morborum causas corpora incidunt, tum in illos, qui horum observationibus utuntur. Ita enim facile cognoscent, utut sanguis æquali proportionaliter velocitate profluxerit per universum viventis corpus,

pus, eundem tamen non æquali proportionem in mortuo moveri, nec, ubi vasa cerebri sanguine turgida, aut duræ meningis sinus aut cordis reperiuntur, id illico inter mortis causas referendum esse, cum hoc neutiquam adscribi debeat vi morbi, sed sanguini, qui nimirum post mortem partium collabentium pondere modo sursum propellitur, modo deorsum vi insitæ gravitatis fertur. Cui quoque tribuendas eff. intelligent plerasque, & quidem insignes, auricularum cordis vasorumque sanguiferorum, sinuum item cordis, & imprimis dextri ejus ventriculi, expansiones, quas videlicet nulla indicaverunt signa ab Autoribus tradita, quæque, excusso intus contento sanguine, minuantur, & interdum fere penitus evanescent.

Progredimur nunc ad *alteram* Epistolam, de *Polypis*, quæ priorem vel decies mole superat, maximamque libelli partem constituit. Post propositam primum de polypis doctrinam, fuisse jam olim *Kerckringium*, refert, qui, polypum ante mortem existere, pernegaret, & post obitum demum concreescere, arbitraretur. Cui postquam a *Malpighio*, *Mangeto*, *Peyero*, responsum fuit, omnis ea de polypis traditio longe lateque propagata, & novis perpetuo accessionibus atque incrementis aucta fuit, ut jam magnitudine laboret sua, aliique hodie de polypo non amplius dubitent, alii, familiarem morbum esse, contendunt. Ubi Autor, exempli causa, ex pluribus aliis, qui cordis polypos haud infrequentes esse asseverant, ad Illustrem *Hoffmannum* nostrum, ejusque *Medicinam systematicam*, provocat. Quibus tamen omnibus, tantum abest, ut is fidem habeat, ut, polypos ante mortem neutiquam existere, sed sub & post eandem demum generari, putet, idque ex variis argumentis. Multa commemorari solent signa, quæ polypum in vivo homine denuntient. At enim vero hæc in permultis nemo observavit, in quorum tamen corpore post fata polypi fuerunt reperti. Unde historias & observationes polyporum ex Autoribus cumulate enarrat. Sed, etiamsi polypi signa, quæ tradi ab Autoribus solent, præcesserint, dummodo ab alia causa proficisci eadem signa queant, suspicari non desinit, hujusmodi polypos ortos fuisse post obitum, quod imprimis polypo in *Patini* corpore re-

perto illustrat. Quamvis etiam in corde, ejusque vasis, polypus inveniatur, nec præter hunc quidquam exslet, ad quod prægressa polypi signa referas; negat tamen, exinde consequi, polypum hunc ante mortem fuisse genitum, cum sæpenumero inciderit asthmate atque hydropse sublatos homines, qui signa habuerunt polypi, cum tamen nec ullus in corde vasisque polypus, nec quodpiam aliud cordis vasorumque vitium, occurrerit, cui assignare prægressa ea signa licuerit. Insignes etiam illos polypos, qui sine vasorum dilatatione occurrunt, vel post mortem, vel paulo ante eandem, nasci, Autori videtur verissimillimum. Et mirum omnino putari potest, non ab omnibus ejusmodi polypis cor admodum dilatari, quod id necessarium maxime foret, ob rationes, a *Michelotta*, *Lanciso*, atque *Fantono*, allatas. Nihilo tamen secius varix, quæ & hic repetuntur, Autorum testantur observationes, polypos recenseri insignes, neque tamen ullam ventriculorum cordis dilatationis, ab iis effectæ, fieri mentionem. Et, quamvis omnino existent historiae, quibus parietes cordis, vasorumque sanguiferorum, aliquando a polypis dilatati referuntur, quales etiam hic ex *Homborgio*, *Panarollo*, *Severino*, *Fantono*, enarrantur, atque adeo hi saltem polypi ante mortem geniti videantur, varia tamen hic Autor animadvertit, ut, quæ illi de expansione vasorum a polypis dixerunt, enervet, & simul generatim respondet, sæpius sine illo polypo dilatatos cordis ventriculos fuisse. Neque existimandum est, exiguum illud temporis ante vel post mortem intervallum non sufficere generandis polypis solidioribus, atque hinc, si quæ omnino in morientibus concretiones acciderint, id inter polypos jam diu ante mortem factos, atque eos, qui paulo ante mortem congruato sanguine oriuntur, discriminis interesse, ut hi rudimenta potius polyporum, quam polypi, dici queant, quoniam in exemplis superius allatis massæ polyposæ ingentis molis longeque extensæ commemorentur. Post hæc Autor procedit ad causas, quas gignendis polypis minus esse idoneas contendit. *Malpighius* acidum præcipue accusat, a quo scilicet sanguis coaguletur. Sed acida omnem coagu-

coagulandi vim amittunt, priusquam in orbem sanguinis compellantur. Patronis hujus sententiæ ostendendum est, in sanguine nasci acidum, genitum deinde esse hujusmodi, ut albam tantummodo sanguinis cogat partem, vixque rubram attingat, vel utrasque quidem partes, sed seorsim singulas afficiat. Nonnulli in terrore causam quærunt. Verum hic non tam coagulat sanguinem, ut coeat in massam quandam solidiorem, quam adversus corporis solida vim exercet suam, partesque externas constringit, sanguinisque & nervorum fluidi motum perturbat. Atque hinc historiam *Malpighii* de polypo ex terrore generato explicat, & nonnulla de sanguine congruato, vasis sanguinei figuram æmulante, disputat. Multo minus viperarum morsus causa idonea videtur, quamvis polypos inde in capræ corpore natos *Malpighius* producat. In aliis enim animalibus a morsu viperæ non fuerunt orti. Atque probabilius longe videtur, ejus animalis sanguinem parte alba, quam fibras appellant, fuisse refertissimam, eandemque in singulis vasis coivisse post illius interitum. Neque aneurysmata, varices, cordisque cavitatum & auricularum dilatationes, causam suggerunt; quod qua ratione contingat, *Lancisus* præcipue explicare laboravit. Quanquam vero Autor lubens assentitur, in aneurysmate ac varice segnius moveri sanguinem, neque ex dilatatis cum cordis ventriculis, tum auriculis, totum expelli, vehementer tamen dubitat, an graviore partes sanguinis intra dilatata vasa coire unquam queant, cum nulla ratio appareat, cur in illis ipsis sanguinis concrectiones non adsint frequentiores. Accedit plerumque ad dilatatam arteriæ diametrum asperitas quædam superficiei internæ aneurysmatis, atque inæqualitas. Unde magis adhuc sanguinis fluxum infringi oportet. Neque tamen, ubi ejusmodi aneurysmata, aliaque vitia, supra dicta, commemorantur, semper polyporum occurrit mentio, quod magna exemplorum copia Autor probat. Inter quæ & reperitur exemplum militis, A. 1736 ab ipso dissecti, cujus lava cordis auricula insigniter expansa fuit, in cujus etiam pericardio circulum osseum, cujus causa sigillatim hanc historiam notamus, animadvertit cordi circumdatum tanquam coronam, quem &

uberius tota historia persequitur, & addita figura illustrat. Nec admodum credibilia videntur, quæ de venis in quibusdam polypis detectis circumferuntur; quin potius Nosler cum *Morgagnio* putat, ex particulis sanguineis, lese insinuantibus, dum hinc inde fibrarum concretione coercentur, facile ejusmodi tubulos effici. Illa etiam dubia Autori videntur, quæ de diversitate coloris firmitatisque inter dextrum & lævum ventriculi polypum *Malpighius* habet, quasi scilicet in dextri cordis thalamo color subalbidus esset, lardi instar vel pituitæ, qui interdum rubra & subnigra stigmata conspersa haberet; in sinistro autem ater, densiorque substantia, foret. Exempla enim in contrariam sententiam Cl. Autor copiosa expromit. Quo labore perfunctus, ipse mentem suam de vera polyporum origine exponit, eosque suspicatur post mortem demum nasci, ex alba sanguinis parte, quæ ubi in superficie grumi concreverit, crusta sanguinis appellatur. Et, quanquam creditum a quibusdam fuerit, partem hanc magis spiritualem esse, hominibusque sanis & vegetis propriam, id tamen Autor monet perperam putari, crustamque illam adductis variorum morborum exemplis longe frequentius in ægotantium sanguine, quam sanorum, conspici, atque, si corpora infestet sana, eadem obnoxia maxime offensis reddere. Merito igitur in sanguine e vena emissio semper hujus crustæ rationem habere convenit. Unde Chirurgis quasdam cautiones inculcat Autor, quibus observatis, pars alba sanguinis secedat a rubra, supremumque grumi locum petat. Testantur vero experientia & observationes Clarissimorum Virorum, polyposa corpora reperiri in eorum cadaveribus, quorum missus in morbo sanguis edidit crustam, quod & ipse Autor multiplici usu perspexit. Verum & ratio suffragatur. Manifestum enim est, coire post mortem sanguinem in corde, vasisque sanguiferis sponte omnino, partium scilicet a partibus secessione, quando partes sanguinis loca petunt, quæ specificæ gravitati conveniunt. Suspicionem ipsius augment duo principes inter Medicos Viri, *Malpighius* atque *Willisus*, qui nihil discriminis, ut sibi persuadet, interesse putant inter cordis polypum & crustam educti sanguinis, quemadmodum nec alii differen-

ferentiam quandam indicare potuerunt. Qui vero sanguinis concretiones, quæ digitis dissolvi nequeunt, quæ fibris constant, & quæ ventriculorum cordis adhærent parietibus, ante mortem ortas putant, admodum falluntur, & crustæ sanguinis structuram ignorare videntur. Crusta enim ea emissi sanguinis aliam atque aliam sui habet speciem, plerumque tamen modo membranæ, modo carnis, modo pinguedinis, modo muci, imaginem refert. Interdum in eadem crusta, si non omnes, tamen plures, earum rerum species cernuntur. Cum similis mucosus est, neque cordis adhæret parietibus, neque fibris nudis oculis cernendis instruitur, neque digitis resistit. Interdum autem mucus ille membrana innititur forti, interdum etiam in crustæ membranosa interstitiis, interdum in grumi areis, cohercet. Adhæc, si sero turgat limpido, pituitam refert; si flavescente aut subviridi, saniem. At, si huiusmodi mucosæ crustæ interstitia prorsus careant, sic, ut seu carnem, seu membranam, seu tendinem, crusta sanguinis æmuletur, dici vix potest, quantum roboris corpus illud habeat, quod momento ferre gigni consuevit. Quam in sententiam quandam *Mangetti* observationem adducit. Sæpe etiam superior membrana crassior atque albidior est, nec cum ceteris continua, nulloque negotio avellitur; reliquæ vero cerebri corticis colorem exhibent, rubris maculis (quæ sanguinis sunt globuli, in crustæ interstitiis irreti,) interspersæ, arctius cohærent, eoque facilius solvuntur, quo diutius immorata in sero sanguinis crusta fuerit. Atque, si cordis bubuli ventriculis eximatur sanguis, qui huiusmodi crusta scateat, non secus adhæret ventriculorum parietibus, quam cordis polypi facere consueverunt. Præter hæc haud raro evenit, ut crusta grumo quam firmissime inferatur, interdum ab eodem, tanquam si innatasset, auferatur, nonnunquam etiam crusta grumo largiatur crassissima vincula, nonnunquam nullis oculis obvia, aut certe infirmissima, quæ interdum parum roboris, interdum nihil prorsus, ac ne figuram quidem, grumo impertiantur. Certum vero fibrarum ordinem, ut & pellicularum, crustam constituentium, crassitiem, robur, situm, magnitudinem, nullo modo assequi licet, quoniam hæc vel in cru-
sta

sta unius ejusdemque sanguinis, pluribus vasculis excepti, maxime sæpe variant. Fere igitur solet crusta sanguinis in mortuorum corde vasisque sanguiferis reperiri in supremo grumi loco sita. Quod ubi fit, nullum amplius tum dubitandi locum relinquit, quod tum post interitum coeat. Id quod præcipue polypis longitudinalis in dura meninge sinus illustrat. Quippe, cum ad inveniendam veri grumi sedem atque ordinem necesse sit, morientis animadvertere decubitus, vasorumque sanguiferorum directiones, quæ in eo morientis decubitu fuerunt, optime per noscere, longe facilius hæc in longitudinali sinu deprehenduntur, quam in reliquis sanguiferis valis, quorum directio & figura sæpius non adeo firma est & constans. Idcirco, qui cælum versus spectante facie moriuntur, homines sic grumum exhibent sanguinis, ut crusta, si pars alba longitudinalem sinum occupet, nimirum supremam in ejusmodi decubitu grumi sedem, pars vero rubra ad torcular descendat, reliquosque duræ meningis sinus. Qui contra in facie cubantes mortem oppetunt, partem rubram in longitudinali habent situ, albam vero ibi, ubi in laterales sinus desinit longitudinalis. Ut adeo sæpius crustæ sedem atque ordinem nondum aperto capite prædixisse se Autor fateatur. Et, quoniam sinus duræ matris in quolibet morientis decubitu sanguine vix unquam destituuntur, hæc causa videtur esse, cur in iisdem tam frequentes exsint polypi. Sed etiam in cordis ventriculis auriculisque, eo, quia plerumque sanguine non carent, polypi sæpe occurrunt, eo prorsus modo orti, quo polypi oriuntur longitudinalis sinus, sed in hisce cavitatibus, quarum magnitudo sæpe variat & positio, in eodem licet hominum morientium situ, haud facile est, polyporum prænuntiare situm, atque ordinem, nisi iisdem dissectis. Quapropter & Noster ostendit, qua uti debeat diligentia & circumspexione, qui invenire situm corporis, in quo homo interiit, crustæque ordinem, cupit. Moles polypi debetur vasis continentis magnitudini; figura autem ab ejusdem vasis figura proficiscitur. Sanguinis grumos intra polypi tunicas interdum repertos non cum *Lancisso* sanguinem excoctum, seu caput mortuum, terreo-salinum & tar-

& tartareum vetusti sanguinis, sed verum sanguineum, reliquisque sic parem esse, arbitratur, ut suam ipse quoque crustam excitaverit. Cynos vero se vidisse polypos intus sanguine vacuos negat, licet nonnullos secuerit eorum, quos cynos appellant. Semper enim vidit coactum intus sanguinem. Unde dubitare non definit, an sanguis ille pars grumi rubra fuerit, polyposa crusta undique obducta. Experimentum *Lancisi*, quo, post constrictam filo cerato arteriam iliacam, 15 aut 20 diebus circumactis, polyposam ligaturam circa arteriam offendit, sibi iterum sæpiusque repetitum male cessisse, nec ullum polypum natum esse, asserit, virosque doctos ad iterandum sæpius experimentum provocat. Multum vero scientiæ medicæ interest, ut in lucem hæc veritas revocetur, polypusne ante mortem exstet, an post mortem generetur. Ita enim polypus non amplius pro causa multorum morborum in vivis habebitur, sed aditus ad veram cujuslibet mali causam recte assequendam magis patebit. Perspecta deinde vera causa, rectius etiam curabuntur ii morbi, quorum causa polypus esse dicitur, & vitabuntur mala, qua a curationibus proficiuntur, polypo adhiberi solitis, ut inter alia exempla remedio ex Mercurio, & venæsectionis, rem Autor noster illustrat.

DISSERTAZIONE SOPRA LE AURORE

boreali &c.

h. e.

DISSERTATIO DE AURORIS BOREALIBUS, de quibus agitur juxta Systema quoddam peculiare, principiis Newtonianis, legibusque Mechanicæ, nec non optimis accuratissimisque Observationibus, innixum: quo etiam præcipue referuntur historia & causæ Auroræ illius insignis, visæ Venetiis die 16 Decembris anni 1737, hora post mediam noctem secunda; Autore EUSEBIO SQUARIO, Veneto, Philos.

& Medic. Doctore.

M

Venetiis,

Venetiis, apud Petrum Bassaglia, 1738, 4.

Plag. 16, cum Tabb. æn. 3.

Exhibetur hic primo loco historia plenior Auroræ illius insolitæ, quæ ea nocte, quam titulus indicat, non Venetias modo, sed universam fere Europam, in stuporem & admirationem rapuit; ejusque delineatio in peculiari Tabula adjicitur. Altitudo ejus deprehensa fuit 62 graduum. De tota constitutione aeris, cœli, adspectibus quoque Planetarum, quales tempore spectaculi obtinuerunt, mentio injicitur. Ex scriptoribus antiquis compluribus probatur, jam olim conspicuas fuisse ejusmodi Auroras, idque sub variis apparentiarum formis. Quo facto, calculum instituit Autor, ut distantiam Auroræ, de qua sermo est, a terræ superficie determinet, & quidem ex duabus Observationibus, Venetiis & Romæ factis, in qua posteriori urbe phænomenon ad gradus 57 ascendere deprehensum fuit. Exinde enim conficitur, illud a superficie Telluris remotum fuisse 152½ milliariis; unde varia fluunt corollaria. Deinceps in id quoque inquit Cl. *Squarius*, quibusnam orbis terrarum regionibus spectari admirabile phænomenon potuerit; reperitque, præter totam Europam, barbaris quoque Africanis, iisque, qui Ægyptum inferiorem, Arabiam desertam, & petream, Tartariam minorem, Georgiam, Persiam, Indiam, Chinæque imperium, incolunt, id contigisse. Methodum illam, qua ad materiæ luminosæ distantias a Tellure determinandas utitur Cel. *de Mairan*, ea tutiorem judicat, quam ingeniose eruit Cl. *Mayerus*, Professor Petropolitæ, *νῦν ἐν αὐτοῖς*, & in *Commentar. Petrop. Tomo I* publicavit. Sed videamus, age, quodnam Systema de explicandis Auroræ phænomenis sibi affinixerit. Primo itaque id extra dubium positum esse ait, quod Sol atmosphæra circumfundatur, cum id ex luminis zodiacalis apparentiis manifestissime pateat. Nam deinceps sententiam maxime rationi consentaneam esse, quæ statuatur, atmosphæram solarem constari ex unione particulatum, vehementer rarefactarum agitatarumque, quæ ex Planetis emittuntur, nec non ex Cometis, quando prope Solem transeunt, & in Perihelio existunt. Atmosphæram sola-

rem

rem distendi, & in majus volumen expandi posse, non solum per transitum Cometæ alicujus in ejus vicinia, sed per alias quoque, in quas inquiri, causas. In eo deinceps est, ut dispiciat, an atmosphæræ solaris volumen auctum ad Terram usque pertingere possit, & phænomena Auroræ borealis producere. Monet deinceps, & probare satagit, rationi dissentaneum esse, ut opinemur, Auroras provenire ab aliqua atmosphæræ solaris inflammatione, aut incendio quodam; nullas enim ibi locum habere posse particulas sulphureas, talesque, quæ in viciniam Telluris delatæ, & ab ea attractæ, ignem concipere valeant. Statuit igitur, causam veram exinde repetendam esse, quod in atmosphæra, quæ Solem cingit, ingens particularum minutissimarum numerus in densissimum acervum aliquem cogatur, qui lucem deinceps reflectat, refringat, ac nobis, quicquid hujus est spectaculi, objiciat. Principium attractionis, ex Philosophia *Newtoniana* petitur, principem in hoc Systemate locum occupat. Multa quoque ipsi communia sunt cum illo, quod Vir Celeberrimus, *de Mairan*, proposuit. Ipse etiam Cl. Autor annotat, inter antiquos Philosophos fuisse *Heraclidem Ponticum*, qui similia fere cogitaverit, teste *Plutarcho*, qui *Lib. III Cap. 2 de Plac. Philos.* ita: *Heraclides Ponticus nubem in sublimi a sublimi lumine illustratam eandem etiam pogoniam, hoc est, barbata stellæ, causam assignat, ab his trabisformem, columnarem, aliasque cognatas harum impressiones, differre itidem, ut Peripatetici, statuit, pro ratione figuræ, in quam nubes conformantur.* Porro ait Cl. Autor, phænomenon Auroræ borealis finiri, ubi nubes ista, vel acervus, ex atmosphæra solari in terrestrem præcipitatur, qua quidem ratione fiat, ut terra aliquod augmentum recipiat, præcipue quoad vim suam attrahentem, unde post apparitiones sæpissime factas motus Lunæ tandem accelerari deberet.

ADRIANI STEGERI, PHIL. ET J. U. D.
Supremæ Curie Regio-Electoralis & Consistorii Assessoris, & Civitatis Lipsiensis Senatoris, de Viis militaribus Romanorum in veteri Germania Liber singularis.

*Premissa est Prefatio, de qualitate viarum in Itinerario
ANTONINI, & Tabula Peutingeriana,
designatarum.*

Lipsiæ, literis & impensis Jo. Christiani Langenhemii, 1738, 4.
Plag. 14.

Eleganter omnino, nec sine præclaro eruditionis apparatu, in hoc, quod illustrandum sibi sumserat, argumento haud vulgari, nec satis a *Nicolao Bergierio*, ejusque interprete, *Henrico Christiano Henninio*, pertractato, perlatus est Consultissimus Autor, felicissimus paternæ avitæque gloriæ æmulus & propagator; nosque propterea futurum certo confidimus, ut laudabile ejus studium ii omnes, quibus curæ sunt elegantiores literæ, vehementer probent. Priorem politissimi libelli partem jam ante aliquod tempus, non sine magno Lectorum plausu, divulgaverat; cum vero deinceps præterminata alia, alia non satis accurate dicta, observasset, sub limam revocavit descriptionem suam præstantissimus *Stegerus*, adjectisque iis, quæ deerant, longe elegantiori, quam olim, habitu indutam, prelo iterum submisit. Præfationem ei bonæ frugis plenissimam præmisit, in qua, fuerintne viæ illæ, quas *Antonini Itinerarium*, & *Peutingeriana Tabula*, designant, perpetuis munitionibus productæ, diligenter disquirat, rationibus minime vulgaribus id ipsam affirmans, & varia simul de Operum illorum Autoribus scitu utilia commemorans. Data hac quasi promulsione, Lectori suo dapes ipsas apponit. Primum, vias Romanorum publicas, magnificentissima opera, in Germania magna, vel Transrhænana, exstitisse, negat. Tum, quæ ad viæ publicæ, seu, quod idem est, militaris, definitionem pertinent, docte & copiose exponit. Ut vero ipsius mentem eo rectius intelligerent Lectores, fines descripsit Germaniæ, quo nomine non eam tantum terrarum partem designavit, quam veteres proprio Germaniæ nomine comprehenderunt, Rheno, Danubio, Vistulaque fluviis, & sinu Codano, limitibus suis, circumscriptam, sed fines potius Germaniæ occidentem versus ultra Rhenum, adjecta nimirum potiori Galliæ Belgiæ parte, quam ipsi Romani Cisrhænanam haud raro dixerunt, extendere ipsi visum est,

I.

II.

III.

est, eique meridiem versus Rhætiam, Vindeliciam, & Noricum, adjungere. Et in his sane regionibus, magnæ olim Germaniæ proximæ vicinis, passim observari publicas vias, auspiciis moribusque Romanorum dispositas pariter ac munitas, contendit. His præmissis, de universa instituti ratione luculenter exponit. Nimirum eam sibi in explicando hoc argumento ipse legem scripsit, ut studiose servaret temporis ordinem, quo de imperio Romani, Germani de libertate, in his terris decertarunt; singularum viarum munitiones ad autores suos, si de illis constaret, referret; si qua vero occurreret, cujus ignotus esset conditor, de ea circa illius Imperatoris ætatem disliceret, qua primum ejus a scriptoribus mentio esset facta; porro vias tantum certas, & notatu digniores, persequeretur, simulque, tanquam in transitu, significaret alia Romanorum opera, quæ ad viarum militarium munitiones perperam aliquando solent referri. Commentationis suæ argumenta repetit a *Julii Cæsaris* ætate, ab eoque Imperatore pontem bis esse Rheno impositum, ex vetusti ævi monumentis erudite docet Autor. Quod ne plane huc facere nihil videatur nonnullis, qui objiciant forte, non de pontibus, sed militaribus potius Romanorum in Germania viis, hic differendum, opportune Lectores suos docet, junxisse Romanos viarum & pontium curam, ejusque rei causa ad testimonia provocat, quæ frequenter in marmorum titulis occurrunt. Inde res Romanorum, *Augusti* auspiciis contra Germanos gestas, commemorat, &, quod ab eodem Galliarum divisio in Aquitanicam, Celticam, & Belgicam, hujus præsertim in Galliam Belgicam, speciatim sic dictam, & Germaniam Cisrhenanam, Germaniæ Cisrhenanæ in primam & secundam, aut efficta recens, aut rectius fuerit ordinata, quam proximæ ad verisimilitudinem ipsi accedere videtur. Quo facto, de militaribus viis per Germaniam Cisrhenanam disponendis cogitasse *Augustum*, & id cum successu quidem, testimoniis fide dignissimis probat. *Drusum* fossæ esse autorem, qua Rheni, bicornis hactenus, exitus tripartito dissectos efficeret, *Tacito* & *Suetonio* ducibus, significat, eundemque binos Rheno imposuisse pontes, quibus eum Bonnam junxisse & Moguntiacum, *Florus* autor est, monet, quos pontes ideo cum prius

§. IV.

V

VI

VII.

- memorabiles ipse iudicat, quod omnium, qui perpetuis usibus trans Rhenum producti, & scriptoribus priscis memorati sunt, sine dubio habeantur antiquissimi. Tradit deinde, a *Domitio Abenobarbo*, *Neronis* avo, aggeratum fuisse vastas inter paludes tramitem, seu, ut dicere moris fuit, pontes longos, qui perducendarum tantum per paludes legionum causa ita dispositi videntur *Conf. Auctori*, ut inserviret necessitati magis, quam commoditati, *Domitius*. Viam fortassis militarem in pontibus hisce deprehendi, in mentem venire uni aut alteri posset, quod ipse referat *Tacitus*, aggeratos illos fuisse, cujus verbi usus, ex Romanorum instituto, ad viarum munitiones pertinet; quam in rem nonnulla veterum testimonia in medium profert laudatissimus *Stegerus*. Ex his tamen nemo facile effecerit, ut aggeris nomen, aut aggerandi vocabulum, ubicunque occurrat, ita semper ad viam publicam sit pertrahendum, ut alii significatui locus relinqui plane nequeat: quin imo affirmare non dubitat praestantissimus Auctor, ipsum, qui de pontibus longis, a *Domitio* aggeratis, exposuit, *Tacitum* longe remotiorem a viae publicae forma, qualem quidem Romani consueverunt efficere, adhibuisse *angusti tramitis* appellationem. Limes aggeresque fuisse inter Alisionem ac Rhenum a *Germanico* editos, clare docet, eos vero ad vias pertinere militares, non audet nobis persuadere Auctor. Idem, cum sub reliquis Imperatoribus, qui primo post Christum natum Seculo imperium tenuerunt, viarum in Germania militarium nulla, aut perquam tenuia saltem, invenerit vestigia, & tamen praecipiti nimis discessu ordinis filum deferere noluerit, breviter de iis disserit, quae ad Romanorum curam, vias in Germania disponendi, generaliiori paulo ratione sunt referenda. Qua de causa fossam indicat, quam inter Mosam Rhenumque constructam a *Corbulone*, exercitus, per inferiorem Germaniam ordinati, sub *Claudio* Imperatore Legato, *Tacitus* & *Dio* docent. *Pompejus Paulinus*, qui legionibus inferioris praefectus erat Germaniae, inchoatum ante tres & sexaginta annos a *Druso* aggerem, coercendo Rheno, absolvit, majusque hoc aggere opus molitus est *L. Vetus*, exercitus Romani per superiorem Germaniam Legatus, inito de jungenda Mosella & Arari flu-

vīs confilio, inani licet, & omni successu destituito. An sub reliquis primi Seculi Imperatoribus vias Romani in Germania muniverint, docte disquiri, nec sine ratione negat Autor Consultissimus. *Trajanum* vero, secundi Seculi Principem, instauratorem publicarum viarum curiosissimum, ante oculos Lectorum ponit. Hunc glorioſæ memoriæ Imperatorem, non tamen, uti videtur, passibus æquis, secutus est *Ælius Hadrianus*, in imperio successor, quippe qui Italiam potissimum atque Hispaniam viarum ornavit munitionibus. Quod autem ad Germaniam attinet, huculentius, quam de *Trajano*, monumentum non exstat, idque pariter unicum, columna scilicet milliaris, in Norico posita, de qua plura erudite hic allata sunt. Adit *Antoninorum* viaria in Germania veteri monumenta, & *L. Septimii Severi*, ac filii utriusque, columnas viales, per Rhætiam, Vindeliciam, ac Noricum, tertio Seculo dispositas. Ejusmodi quoque columnam, utriusque *Opetii* Cæsaris auspiciis erectam fuisse in Germaniæ finibus, certiores nos reddit, docetque, *Antoninum Heliogabalum* & *Severum Alexandrum*, Imperatores, columnis in inferiori Germania viariis nomen suum ad posteritatis propagasse memoriam. Inde viæ, a reliquis Seculi tertii Cæsaribus in Germania ordinatæ, investigantur. Negligentes illi plane, aut saltem parci, fuerunt curatores viarum; cujus rei causam verisimillimam doctissimus *Stegerus* tradit turbulentum nimis publicarum rerum statum, & meticulosa brevioris plerumque temporis imperia. Quarto denique Seculo vias curasse per Germaniam *Constantinum M.* & *Julianum*, commonstrat. Et *Constantinus* quidem ante etiam, una cum *Diocletiano* & *Maximiano*, in laudis ejus venit societatem, eandemque sibi posthac ampliorem asseruit, ceu testantur lapides aliquot milliares, in Italia & Hispania superstites. Finem Opusculo docte atque eleganter scripto imponunt, quæ de *Peutingeriana Tabula* Conf. Autor diligenter commentatur. Nos meritissimo applausu prosequimur insignem præclarissimi Autoris industriam, & cum nihil, præter summa capita, hic afferre nobis, per instituti nostri rationem, licuerit, integram Commentationem Lectoribus nostris legendam, & in pretio habendam, cominendamus.

§. XII.

XIII.

XIV.

XV.

XVI.

XVII.

XVIII.

XIX.

XX.

XXI.

IL FALCONIERE DI JACOPO AUGUSTO TUANO, &c.

h. e.

RES ACCIPITRARIA JACOBI AUGUSTI
THUANI, primi Præsidis Parliamenti Parisiensis, &
a Consiliis intimis Henrici IV, ex Hexametro Latino in
Hendecasyllabum Latinum translata, & exposita, cum
Ixeutico, seu aucupio per viscum, carminis Latini mo-
dulis expresso per PETRUM ANGELIUM BAR-
GEUM, Prof. Publ. Pisanum, itidem translato & com-
mentariis instructo, opera G. P. BERGAN-
TINI, C. R.

Venetiis, typis Joannis Baptistæ Albrizzi, 1735, 4 maj.

Alph. 1 plag. 12½.

Cl. Editor introductionis loco vitam & scripta Jacobi Augusti
Thuani præmisit, inprimis vero libros hosce tres, carmine
heroico de re accipitraria scriptos, Thuano vindicat. Primum
quidem Simon Mellangius formis publicis descriptos edidit libros
duos priores, præfixo titulo *Hieracosophion, sive de re accipitraria*, sine
Autoris nomine, Parisiis, A. 1581. Placebat epicon carmen *Guidoni Fa-
bro Pinbracio & Philippo Uralto*, Comiti Scevernenfi, Galliarum
Cancellario, qui sororem Thuani in matrimonio habebat. Quare
ipse addidit librum quoque tertium, de morbis falconum, & de reme-
diis adversus illos, qui simul in lucem editus fuit A. 1583 Parisiis.
Ignorabatur publice Autor, ac nemo non factum illum *Scævole
Sammartiano*, Poetæ inclyto, tribuebat. Prodiit denuo *Hieracoso-
phion* Parisiis A. 1587, ex officina *Roberti Stephani*. In *Lexico More-
riano Sammartiani* Carmen hoc esse perhibetur. *Janus Gruterus*, cla-
rissimus *Inscriptionum* collector, nomine *Ranucii Gheri* anagram-
matico assumpto, *Francofurti ad Mœnum* A. 1609 *Delicias Poetarum
Gallorum*, & inter has hosce tres Libros de re accipitraria edidit, eis-
que nomen Jacobi Augusti Thuani præfixit. Hisce præmissis, de ratio-
ne translationis, & virtutibus recti interpretis, agitur. Versio pror-
sus est perspicua, & ad sensum reddendum accommodata, sed minus
concreta, minusque brevitate placens. Annotationes adjectæ sunt sele-
ctissimæ, maximam partem e Poetis Latinis collectæ, quibus docemur,
quanta lectionis venæque Latinæ poeticæ vis fuerit in Thuano. Ne vero
credamus, Sammartiani nobis hic opus exhiberi, vetat ipsa Thuani
ad Sammartianum composita Dedications formula.

❧ (o) ❧

NOVA ACTA ERUDITORUM,

publicata Lipsiæ

Calendis Martii Anno MDCCXXXIX.

Pars I.

CHRONOLOGIE DE L' HISTOIRE SAINTE &c.

h. e.

CHRONOLOGIA HISTORIÆ SACRÆ
& profanæ, quatenus ad illam spectat, ab Exitu Israe-
litarum ex Ægypto usque ad Captivitatem Babylo-
nicam, Autore ALPHONSO VIGNOLIO.

Tomus II.

Berolini, apud Ambrosium Haude, 1738, 4 maj.

Tomus I Alph. 4 plag. 6, Tom. II Alph. 6,
cum aliquot Figuris æneis.

De præstantissimo hoc Opere Chronologico, quod post tot
moras & discrimina faustis auspiciis in lucem prodit, pri-
mo quidem orbi literario universo, tum præcipue sanctioris
eruditionis cultoribus, ac Venerabili Autori, seni fere nonage-
nario, vehementer gratulamur. Quod fieri vulgo solet, ut
famam præsentia minuat, nec effectus promissis respondeant,
id tantum abest ab hoc exasciato scripto, ut omnem omnium
expectationem multis superare parasangis videatur. Ceterum,
cum in eo toto multiplicis elegantissimæque eruditionis thesau-
ri recludantur, cum in spinoso hoc argumento nemo felicius
laboraverit, res obscurissimas vix unus majori perspicuitate
N pro-

proposuerit, cum jucunditatem sili modestia constanter committetur, cum præterea innumeris sacrae Scripturae locis lux clara affundatur, plurimorum animis scrupuli pungentes eximantur, ac divina hujus libri divini autoritas ex Historiis paganorum mirifice asseratur; operæ pretium existimamus, ichnographiam ejus, quam fieri possit, accuratissimam in his *Actis* relinquere, quo in Republica eruditorum liber præstantissimus pluribus innotescat. Obstetricantes ei manus attulit Vir in arte sua nobilis, *Ambrosius Haude*, qui nec laboribus pepercit, nec sumtibus, ut splendidissimum vestitum Operi tam pretioso circumponeret. Itaque candidissimæ chartæ, Belgicæ nihil omnino cedenti, videas impressos typos recentes, optimæ notæ, & oculum non fatigantes. In frontispicio apparet nitide excusa effigies Venerabilis *Vignolii*, qualis anno ætatis octogesimo fuit, & qualis est præsentis, qui labitur, nonagesimo; tam parum vigorem in tanta senectute decem annorum spatium imminuit, quod miraculo prope abesse videtur. Dedicationi, ad Serenissimam Borussiae Reginam directæ, præfulget hujus ipsius Reginae elegans imago, cujus tum laudes merito encomio extollit, tum singularis & regiae clementiæ specimina in se exstantia mire prædicat *Vignolius*. In Præfatione, Heraldico Schemate ornata, causam aperit, qua motus, animum ad conscribendam Chronologiam appulerit, tum rationem & viam docet, quæ sibi in intricato hoc negotio tutissima fuerit visa. Adjecit quoque brevem vitæ suæ & factorum commemorationem, quæ omnia, quoniam minus ad rem faciunt, nunc quidem nos non diu morabuntur. Natus est Cel. Autor in ditione Nemausensi, ex Generosa gente *Vignoliorum*. Anno ætatis 25 verbi divini ministerio admotus, eoque strenue defunctus est, donec, abrogato Edicto Nannetenſi, A. 1685 cogeretur Gallia excedere. Igitur Berolinum se contulit, quod tunc temporis ex Gallia ob religionem profugis asyllum patebat, & paulo post Ecclesiam Gallicam, quæ Brandenburgi colligebatur, regendam accepit. Cui functioni cum per annos quatuor & decem præfuisset; propter morbum oculorum Berolinum regressus, in Regia Scientiarum Societate, quæ

quæ tunc erigebatur, inter primos locum obtinuit. His temporibus & Berolini & Cœpeniciæ elaboranda *Chronologia* strenuam operam dedit; tandemque in lucem prodiit Opus absolutum, quod in manibus habemus. Ceterum de ipsius *Vignolii* meritis in rem literariam, deque existimatione, qua pollet inter doctos, plura ne commemoremus, modestia Viri adhuc viventis prohibemus. Progrediamur ad ipsam Operis recensio- nem. Divisum illud est in *sex Libros*, quorum *primo* continetur *Chronologia* ab Exitu Israelitarum ex Ægypto usque ad *Salomonem*, & præcipue celebrem templi conditi epocham. *Secundo* examinantur anni Regum *Judæ & Israelis* usque ad Captivitatem Babylonicam. *Tertio* characteres Chronologici in lucem proferuntur, quales sunt Annus Exodi, Sabbatum, Transitus per mare rubrum, Anni sabbatici, jubilæi, &c. *Quartus* impenditur illustrandæ *Chronologiæ* Regum Tyri, Syriæ, Ægypti, Assyriæ, & Mediæ. *Quintus* Regum Babyloniæ annos ad *Cyrum* usque eruit, ubi de æra *Nabonassaræ*, deque *Canone Ptolemæi*, ex professo agitur. *Sextus* denique plenus est curiosissimæ perquisitionis de vetustissima anni forma apud Chaldæos, Ægyptios, Græcos, & Romanos. In præsentis *primi & secundi Libri* recensione paulisper iminorabimur, reliquis in proximam occasionem sepositis. Cum itaque Chronologi fere omnes a condito orbe sui computi initium fecerint, Venerabilis Autor rationem reddit, cur a via adeo trita sibi discedendum duxerit. Scilicet *primum orbis annum* nullo certo & indubitato characterè Chronologico insigniri; neque eundem ab ullo Chronologo invictis argumentis esse demonstratum; cum præcipue anni vetustissimi ratio lateat; denique incredibilem esse sententiarum circa hunc annum diversitatem, earumque a *Mæsslino* ad 133 numerari. Hæc ob rationes rem se aliter instituisse, electo anno, unde Epocham iniret, firmiter & fixo, suisque characteribus demonstrando; scilicet *Anno Exitus* Israelitarum ex Ægypto, satis memorabili, & sacris Scriptoribus plus vice simplici usurpato. Hic autem; seposito omni partium studio, nullius amore systematis, hos præcipue & fere solos sibi duces credidit esse sequen-

Pag. I.

dos: primo *Codicem Hebraum* summæ autoritatis; quodsi is scrupulum non eximat, sibi ad *Versionem LXX* confugiendum; & si uterque aliquando desituat, *Josephi*, scriptoris antiqui satis, & Judaicarum rerum peritissimi, rationem habendam, existimavit. His ducibus ingressus labyrinthum Chronologicum, eorum ope, tanquam filo Ariadneo, ex tenebris haud infeliciter emerfit, uti jam videbimus.

Pag. 4.

- Ab Anno 1 Exodi ad introitum Terræ sanctæ 40 annos præterisse, extra controversiam ponit Sacra Scriptura. Cumque annos *Mosis* haud semel expresserit, mirandum est, illam in Imperio *Josue* altum tenuisse silentium. Laborantibus hic
40. succurrit *Josephus*, qui disertis verbis administrationi *Josue* annos 25 assignat. Quod ipsum per probabilem conjecturam ex Scriptura S. elicimus. *Caleb* & *Josua* coævus & ejusdem fere ætatis fuisse, discimus ex Historia Num. XIII. Post Exodum *Calebus* fuit annorum circiter 40. Demus *Josua* annos 45. Ad-
16. damus 40 in deserto exactos, & 25 administrationis, emergent anni 110 ætatis *Josue*, quo ipso anno eundem supremum diem obiisse, Scriptura S. asserit *Jos. XXIV*. Sed ecce, aliud silentium Scripturæ S. festinantibus est impedimento. Inter *Josue* mortem, & Judicem primum, manifestum ponitur intervallum *Jos. XXIV, 31, & Judic. II*, quod recte *Anarchiam* dixeris. Fit enim distinctio inter seniores, qui spectaverant admiranda Dei in deserto, & generationem, quæ hæc omnia ignorabat. *Ætatis* hæc videtur esse descriptio, quam Venerabilis Autor, in tanto opinionum divortio cum nihil melius succurrat, ex *Josepho* iterum supplendam censet. Is autem *Anarchiæ* annos 18 attribuit *Antiq. VI, 6*. His lacunis ita autoritate *Josephi* expletis, doctissimus *Vignolius* ad digerendos annos Judicium progreditur; ubi, quod merito multis mirum
20. videri debeat, Scriptura quidem ipsa planam & facilem viam sternit ad tempora *Samuelis*, sed ubi interpretes sibi ipsis præter necessitatem tot laqueos & nodos neclunt, quibus secandis ne *Alexandri* quidem gladius sufficere videtur. Frustra essemus in recensendis Virorum doctorum hypothesebus, quæ ab Autore ipso fuscæ satis sub judicium vocantur, & de quibus in

compendio agit *Vitringa in Hypotyposi Historia & Chronologia sacra*. Nam, cum omnis difficultas ex uno loco 1 Reg. VI, 1, oriatur, de quo deinceps ex professo disceptabitur, Autor, Scripturæ vestigiis pressim insillendum ratus, ex tricis facillimo negotio se expedit. Prima difficultas movetur circa annos *Servitutis & Quietis*, qui a multis Interpretibus vel plane inter se confunduntur, vel saltem per Synchronismos conjunguntur. Quapropter, postquam velut in parenthesi ostendisset, *servire* hic nihil aliud esse, quam tributum alteri pendere, luculentum in modum demonstrat, statum *Servitutis* a statu *Quietis* plane fuisse diversum, atque ideo annos *Servitutis*, & annos *Quietis*, neque esse inter se confundendos aut combinandos, sed sibi invicem subordinandos. Scriptura adeo clare de hoc negotio loquitur, ut clariora expectari non debeant. Consulantur *Judic. II* postrema commata: *Quando peccabant Israelitæ, tradidit eos Deus in manus hostium. Ecce Servitutem! Quando resipiscebant, excitavit illis Deus Judicem liberatorem. En Quietem!* Sunt etiam ex viris doctissimis, qui hoc aperte fatentur, e. g. *Petavius, Capellus*, alii. *Capellum* audiamus: *Annos servitutis Israelitarum includere in annis Judicum, est valde absonum, & adversatur plane historiæ Judicum*. Ab altera parte multi persistunt in illis coordinandis, quod nuperrime fecisse cognovimus magnum sane Chronologum ac celeberrimum Virum, *Hieronymum van Alphen*, in singulari Dissertatione *de Annis Judicum Hebræorum*, præfixa novæ editioni *Originum Ægyptiarum Perizonii*, quæ A. 1736 prodiit. Sed ab Autore nostro nobis discedendum non videtur, qui, inoffenso pede progressus, annos *Judicum & annos servitutum* secundum ordinem S. Scripturæ colligit a prima *Servitute Mesopotamena* post Anarchiam usque ad *Jephtham* *Judicem* annos 319, ab *Exodo* annos 403. Quæritur autem, quomodo hæc summa consentiat cum verbis *Jephthæ*, *Amonitis*, regionem transjordanensem sibi vindicantibus, ita respondentis *Judic. XI, 26*: *Majores suos hanc terram jam per trecentos annos obtinuisse*. Cum enim ex Historia pateat, Israelitas paulo anto introitum in Terram sanctam his ditionibus Emo-

- res expulisse, si a summa 403 auferas 40, in deserto exactos, residui sunt non 300, sed 363. Qui, elisis annis quietis, iisque cum servitutis annis confusis, minorem summam legunt, e. g. annos 264, cum *Usserio*, summo alioquin viro, excipient, *Tornielium* & *Bonfrerium* recte respondisse cum aliis: non curavisse *Jephtham* numerum assignare, cui nihil deesset, aut superesset; sed potius majorem numerum assumpsisse, sive causam suam juvaret, sive quia modus loquendi vel Scriptura, vel hominum, ita ferret. Numeros præter veritatem augere, hominum quidem, non autem Scripturæ, morem esse, concedimus. Hic autem cum de præscriptione agatur, injuria fit *Jephthæ*, ac si ille, emendicatis quibusdam annis, voluisset causæ suæ præsidium adscribere. Optime itaque demonstrat *Vignolius* noster, recte objecisse *Annumonis* *Jephtham* possessionem trium Seculorum, quia plures annos numerare poterat: idque exemplis, ex *Isocrate* & *Xenophonte* depromtis, valde illustrat.
58. Sequuntur anni trium Judicium, *Ibzanis* 7, *Elois* 10, *Abdonis* 8, tunc porro Servitutis *Philistææ* anni 40, & tandem *Simfonis* anni 20, in quibus omnibus, si solam Scripturam sacram consulas, nullus hiatus, nullæ salebræ. Sed portento simile est, quantopere hi anni a Chronologis inter se permisceantur, quod Autor Venerabilis pluribus exponit: ubi præcipue *Simfonis* nulla habeatur ratio, cujus anni a Servitute *Philistææ* vulgo penitus absorbentur; cum tamen Angelus parentibus *Simfonis* promiserit *Judic. XIII; 3, cum liberaturum Israelitas e manibus Philistæorum*, & bis in libro Judicium affirmetur, *Simfonem* judicasse *Israelitas viginti annos*, quo ipso refutantur illi, qui cum *Maso* ausi sunt affirmare, *Simfonem* nullo imperio in *Israelitas* unquam esse usum, sed privata autoritate in *Philistæos* insurrexisse. *Simfonem* excipit, si cum Scriptura facias, *Heli*, Judex & Pontifex Maximus, cui illa attribuit annos 40, 1 *Sam. IV, 15, 18*, ubi mirus iterum dissensus interpretum, annos *Heli* cum tempore *Simfonis* conturbantium, cum tamen in libro Judicium nulla fiat *Heli* mentio, & in Libro primo *Samuelis* sub præfectura *Heli* de *Simfone* sit altum silentium, & porro nunquam legamus duos simul, *Judices* *Israelitas* rexisse, & do-



qua lectione variante, quam admittere debent Critici, extremis apicibus literarum mordicus inhærentes, præsertim quia obijciunt, olim numeros nullis characteribus, aut cifris, sed integris vocibus, expressos esse. Sed viris æquis & prudentibus hæc considerata proponit: *primo*, neminem invicta ratione demonstrasse, in numeris exarandis vetustissimos scriptores nullis characteribus esse usos; *secundo*, utique aliquam attentionem mereri convenientiam inter characteres 648 & 480, utrobique reperiri 48; *tertio*, non semel accidisse, ut in numeris cum cifra, vel pluribus cifris, scribendis mutatio intervenerit, non absimilis illi, si statuatur, 6 transisse in 0. Hæc sententia exemplis plurimis luci clarissimæ exponitur. Denique, cum fieri non possit, ut locus *Actor. XIII* conveniat cum *1 Reg. VI*, ne Scriptura S. secum ipsa committatur, concludit, numerum 648 retinendum esse. *Non debemus*, ait cum Ricciolo, *ob unicum & singularem locum postponere tot alios ejusdem Scripturae textus, aut illis violenta interpretatione abuti.* Scimus tandem, Venerabilem Autorem ea esse mente, ut, si quis virorum doctorum meliori ratione hunc nodum solvere possit, pedibus in ejus sententiam sit iturus. Hoc labore cum magna perspicuitate, & multa penetratione, nec minori eruditionis apparatu, defunctus, *Josephi* Chronologiam de novo lanci appendit, itidem de Chronologia *Clementis Alexandrini* agens, eamque passim emendans ad finem *Libri primi*.

Pag. 195.

In *Libro secundo* arduum opus, & a multis infelicitè tentatum, conatu feliciore aggressus, optimis successibus dexterrimeque perficit. Annos, videlicet *Regum & Israelis*, perplexos plerumque & intricatos, felicissime expedivit, & parti huic sacrae Chronologiae lucidissimam faciem prætulit. Propositis difficultatibus, Chronologos in principio viæ morantibus, regulas quasdam sub incudem revocat, quarum opera vulgo ad removendas difficultates uti solent. Has regulas *Joannes Behnius* in *Chronologia* his verbis comprehendit: *Deprehendimus, annos Regum, tum Juda, tum Israelis, interdum incomplete sumendos; nonnunquam filium cum patre regnasse; filium item a parente in absentia*

219.

sentia ut Proregem electum; nonnunquam & interregni tempus tum in regno *Judæ*, tum *Israelis*, fuisse. Sed Autor pluribus evincit, has regulas partim precarias esse, partim non sufficere dubiis eliminandis. Itaque supponit alias regulas firmas & immotas, easque suis rationibus fulcit: 1) in Chronologia Scripturæ S. tantum integros annos adhiberi, & hoc modo menses diesve, vel deficientes, vel redundantes, compensari; 2) annos semper incipere & desinere cum annis civilibus; 3) ultimum cujusvis Regis annum, & primum successoris, unum esse eundemque. Quæ regula maximi ponderis plene hic stabilitur, & innumeros scrupulos sacræ Chronologiæ eximit: cum unam tantummodo patiatur exceptionem, si Rex in novissimo anni die præcise obierit: hoc enim pacto successio in sequentem annum referenda esset. Cum vero hæ regulæ generales omnibus difficultatibus expediendis non sufficere videantur; quasdam specialiores adjecit, quarum usus ad pauca loca adstringitur: sed hæ in ipso libro legantur. Ceterum ope regularum, quas diximus, generaliorum Ven. Autor Tabellam Chronologicam accuratissimam construxit, a regnis *Rehabeami* & *Jerobeami* usque ad finitam captivitatem *Babylonicam*. In hac Tabula cum annis Periodi *Julianæ* & annis *Exodi* colligavit annos Regum *Judæ*, Regum *Israelis*, annos *Ægyptiacos*, & annos ante Christum; annos deinde *Olympiadum*, & *Æræ Nabonassaræ*, cum Regibus *Babyloniæ*. Est adeo hujus Tabulæ ingens utilitas, in qua pars hæc sanctæ Chronologiæ, dispulsis veluti nebulis, pleniori luci exponitur. Postquam itaque Cel. Autor demonstrasset, regnum *Jerobeami* præcedere *Rehabeami* primordia anno uno: illius enim defectionem incidere in postremos dies *Salomonis*, 1 Reg. XI, 29; ordine omnes Reges percurrit, eorumque annos inter se componit, & Historicis viam planam sternit, cujus beneficio secure *Annales* condere queant. Si omnia curiose observata indicare vellemus, exscribendus esset totus liber. Pauca hinc inde notasse, ad scopum suffecerit. - Vulgatam quidem lectionem Autor ubique pro viribus defendit, exceptis paucissimis locis, ubi vel numeri Regum & Chronicorum inter se non consentiunt,

Pag. 232.

259.

281.

sentiant, vel alio remedio nodus solvi nequit. Numerorum autem diversitatem non sacris Scriptoribus, sed librariorum culpa, imputandum docet: quam disputationem, toties ventilatam & exagitatam, nunc non ingrediemur. Nostra quidem sententia illi duriuscule censent, qui, simul ac aliquis negligentiam librariorum accusat, extemplo ad anathemata procurant, quasi fieri non posset, ut in describendo sacro Codice manus aberraret, cujus contrarium variantium lectionum multitudo tam in Vetere, quam Novo, Testamento aperte testatur. Utinam tandem viri docti in ejusmodi rebus, quæ nec Deum lædunt, nec sanctam religionem, mitius sentirent! Hujusmodi e. g. est, quod, cum *Basæ* mortuus dicatur in 1 *Regum* anno *Asæ* 26, nihilo minus 2 *Chron.* XV, 19, scribatur, eundem *Basæ* anno 36 bellum intulisse. Hic postquam multis argumentis docuisset, quam parum satisfaciant solutiones, ab interpretibus allatæ, pronuntiat cum quibusdam Chronologis, legendum esse 26 loco 36. Idem sentit de regno *Achasiæ*, qui 2 *Reg.* VIII, 25, anno 22, sed 2 *Chron.* XXII, 2, anno 42, istud incepisse dicitur; huic enim loco sanando nullum aliud remedium hætenus valuisse. Multi interpretes ad solvenda dubia Synarchias excogitant, quarum tamen plerasque non sine ratione rejicit Autor. Sed Synarchiam *Jorami* cum patre *Josaphato* ipsius Scripturæ S. verbis confirmat. 2 *Reg.* VIII, 16, hæc legimus: Anno quinto *Jorami*, filii *Achabi*, Regis *Israelis*, (cum *Josaphatus* Rex esset *Judæ*,) regnum iniit *Joram*, filius *Josaphati*, Regis *Judæ*. Ubi, quod notatu dignum est, verba parenthesi inclusa, in versione Germanica omissa, & nondum inserta, quod fieri deberet, & non factum, multis mirum videri possit, dicimus apertissime declarare, vivo ac regnante patre *Joramum* imperii factum esse participem. Post regnum *Achasiæ*, qui eodem anno cum *Joram* periit, Autor Chronologiam *Usserii* & *Marshamii* aliquantisper expendit, & ostendit, quibus occasionibus a veritatis tramite deflexerint. Post mortem *Jerobeami* II in regno decem tribuum Interregnum obtinuisse, clarissimo argumento docet. Pergit deinceps maxima cura in digerendis annis Regum *Israelis* usque ad exitum
hujus

Pag. 335.

362.

hujus regni, & annis Regum Judæ, ad Zedekiam, ubi simul expediuntur variz quæstiones circa regnum *Hirkia*, de fine regni decem tribuum, de Chronologia *Ufferii* & *Maribami*, de *Jechonia* anno 9, concurrente cum anno 7 *Nebucadnezaris*, a quo termino Epocha Judaica Exodi cum Æra *Nabonnassarea* conjungitur; de Epochis Prophetæ *Ezechielis*, de somno ejusdem Prophetæ, de diebus 390, quibus portavit iniquitatem domus *Israëlis*, & de 40 diebus, quibus portavit iniquitatem domus *Judæ*; de obsidione Hierosolymæ per Chaldaeos, initium ac diarium hujus obsidionis; de fine regni Judaici cum excidio urbis ac templi, ubi iterum *Josephi* chronologia purgatur; de rebus denique postea gestis, & ipsa captivitate Babylonica. In his omnibus, uti & præcedentibus, Cel. Autor summa fide versatur, allegatis interpretum verbis, & citatis in fine paragraphorum libris ac paginis, ut neque laborem, neque diligentiam majorem, merito quis desideraverit. Videas hic plurimis locis Scripturæ S. per hoc temporis intervallum lucem accensam, interpretes ad censuram vocatos, Chronologiam passim restitutam, Chronologis errores evulsos, &, quod diximus, latam ac regiam viam ad condendos Annales constratam, quod longe magis elucet ex sequentibus *Libris*, quorum recensitionem, ne hic æquo longiores simus, in occasionem proximam differemus.

Pag. 513.

PSALMORUM LIBER, IN VERSICULOS
metricè divisus, & cum aliis Critices subsidiis, tum præcipue Metricæ ope, multis in locis integritati suæ restitutus. Cum Dissertatione de antiqua Hebræorum Poesi, aliisque quæsitis, ad Psalmorum Librum pertinentibus. Ad finem Operis adjecta sunt Poeseos Hebræicæ specimina, ex iis, quæ ediderunt FRANC. GOMARUS, MARC. MEIBOMIUS, & JO. CLERICUS. Edidit ERANCISCUS HARE,

S. T. P. Episcopus Ciceslrensis.

Tomi II.

O 3

Lon-

Londini, typis Guil. Bowyer, impensis S. Buckley & T. Longman,
1736, 8 maj.

Alph. 2 plag. 10.

Præfat.
pag. 40.

27 seq.

Hic Criticus, qui libens profitetur, se hominem esse, inopem eruditionis, abundat ingenio, *Lud. Cappelli* placitis inescato. Arbitratur, Codicem Hebraicum scaterere mendis, & puncta sæpe vitium habere. Addit, poesin maxime impediri, quod istud utrumque negetur. Sese igitur, a præjudicatis opinionibus liberum, genuinam Hebraicæ poeseos rationem e tenebris, quibus ab annis plus bis mille sepulta delituerat, feliciter eruisse gloriatur, veramque ejus notitiam instaurasse, sibi, si quid aliud, persuasissimum habet, nec eruditos, rebus omnibus probe expensis, dissensuros confidit. Ecquod autem est illud tam præclare inventum? Expectas definitionem? Collige. Ut hujus poeseos indoles facilius intelligatur, docet 1), omnes pedes esse dissyllabos; 2) quantitatis syllabarum nullam rationem haberi; 3) versiculos constare vel pari syllabarum numero, vel impari; 4) ubi par est syllabarum numerus, ejus generis versiculos pro trochaicis haberi posse, in prima syllaba acuendos; 5) si impar sit numerus syllabarum, pro jambicis censendos, & syllaba secunda acuendos; 6) periodos plerumque constare duobus versiculis, sæpe tribus, quatuorve, aliquando pluribus; 7) versiculos ejusdem periodi esse ejusdem generis, exceptis perpaucis, in quibus alternant; 8) versiculos trochaicos plerumque pedum numero convenire, sæpe etiam impares esse; 9) in periodis jambicis sæpe versus pedum numero convenire, plerumque discrepare; 10) utriusque generis versiculos perpetuo misceri; 11) Hebraicam poesin syncopis, elisionibus, apocopis, paragogis, ellipsis, asyndetis, pleonasmis, repetitionibus, aliisque modis voces contrahendi & producendi, uti. Uno exemplo, eoque fere omnium planissimo, quid sibi velit Inventor, monstrabimus. *Primum Psalmum jambicum sic legit & dimensus est:*

*Ase haif aser lo
halac ba yazat risym,
ubederec hattim lo yamad,
ubemisab lezim lo jafab.*

*Ci im betorat jabvoh
hepro, ubetorato
jebgeb jomam valailab.*

*Vebajab ceyez satul
yal palge maim, aser
pirjo jitten beyitto.*

*Veyalehu lo jibbol,
Vecol sejay seb jazlib.*

*Lo cen, barisylm; ciim cammoz
aser tiddepennu ruh. Yal cen
lo jakumu risyim bammispat,
vebattim bayadat zaddikim.*

*Ci jodey jab derec zaddikim,
vederec risyim tobet.*

Vides poeticam licentiam, quam ignorant Grammatici nostri. Tetragrammaton *Jabvoh* pronuntiandum statuit, ad formam *Jacob*, ut dissyllabum fiat, & quia Græci Deum Hebræorum *Ιαω* nominarunt. Sed, ubi metrum requirit, contrahit in *ab* monosyllabum. Ac, ne quid ad laudem præstantiæ defit, hallucinationes *Gomari*, *Meibomii*, & *Clerici*, non modo in Prolegomenis, sed etiam sub Operis finem, ante oculos ponit. Illum, (*Gomarum*) *Davidis* lyram *Sophocleis*, *Pindaricis*, aliisque lyricis, carminibus comparantem, absurdissime existimasse, *Scheva* nullum simplex vocale esse, & syllabam longam fieri sola vocali longa, non positione. Istum (*Meibomium*), qui disticha in Psalmis quæsit, exhibitum esse ab omnibus merito, cum omnem omnium Criticorum temeritatem atque audaciam longe superarit. Hunc (*Clericum*), rigidum *Meibomii* censorem, frustra sub specie veri falsam hypothesin de poesi *ὁμοιοτελευτω* tam perditè amasse, votoque excidisse, dum totis animi viribus id quæreret, quod nusquam erat. Non timet vigilantissimus Episcopus, ne filii tam censorii mucronem retundant triumviri: sunt enim mortui. Adversus *Gomarum* certe mirum in modum disputat. Etsi enim videt, ejus conata *Constantino I. Empereur*, *Jo. Buxtorffo*, filio, *Dan. Heinso*, *Lud.*

Pag. 13.

33.

39.

8 seq.

Pag. 5.

de Dieu, Hottingero, pluribus, valde placuisse: *Hareus* tamen absurdissima semel iterumque vocat, quia *Cappellus*, quem de Hebraica poesi nihil intelligere scripserat, A. 1643 animadvertit, secundum eam dinumerandi rationem, quam tradit *Gomarus*, (& *Hareus*,) nihil non fore versum etiam in Genesi. Hic tacet, *Cappello Buxtorfium* A. 1653 *Anticriticam* opposuisse, in qua, iudice *Rich. Simonio*, *Jo. Leusdenio*, *Jo. Sauberto*, & *Aug. Pfeiffero*, palmam retulit. At secutus est *Gomarus* vestigia *Hieronymi*, *Origenis*, *Eusebii*, *Philonis*, & *Josephi*. Respondet *Hareus*: horum nemo quidquam de poesi Hebraica scivit, nec levis suspicio est, *Josephum* Hebraice nesciisse. Habes refutationem *Gomari*, quem defendere *b. l.* non vacat. Pergit Cl. Autor ad Musicam Hebræorum, ad Psalmorum titulos & collectionem in unum volumen, atque fatetur identidem, frustra in aliis quærendis operam ab eruditis, & a se ipso, collocari. Ceterum voluit hoc labore Britannos excitare ad linguam Hebraicam addiscendam, quæ nimium quantum, (hæc sunt ejus verba,) apud nos neglecta jacet, & typographi nostri in Hebraicis excudendis prorsus per desuetudinem imperiti sunt. Hujus autem Psalterii typi satis nitidi sunt & accurati. Ad extremum, si id fortasse cognoscere cupis, adhibet versionem Psalmorum *Leusdenianam*, nonnunquam *Muisianam*, & imis paginis correcti textus rationem reddit potissimum e Græca interpretatione, quam vitiosam esse concedit, utilissimam tamen lacunis supplendis putat. Subjicit *Addenda*, in quibus revocat errorem de *b* & *c* præfixis, quæ syllabam facere ante opinatus erat, largiturque, ut pro *ceceli* legatur *cicli*, pro *bereyadab* *biryadab*, pro *beneginot* *binginot*, & sic in aliis. Sperat tandem, alios in his discutiendis feliciores fore, quibus se ex animo significat esse gratulaturum.

MEMOIRES POUR SERVIR A L'HISTOIRE
des Insectes, &c.

h. e.

OBSERVATIONES, HISTORIÆ INSECTORUM
inservientes, Autore DE REAUMUR, ex
Aca-

*Academia regia Scientiarum, Ordinis Regii & militaris
Sancti Ludovici principe & direttore. Tomus tertius,
quo continetur historia Vermium, cuniculos agentium in
foliis, Tinearum, Pseudo-Tinearum, Culicum, & Cu-
lici inimicorum, Gallarum etiam in plantis, &
insectorum ex iisdem.*

Parisiis, ex Typographia regia, 1737, 4.

Alph. 2 plag. 20, cum plurimis Figuris æneis.

Industria hominum, quæ corpori nostro velamina, vestes, superbius, quam utilius, excogitatas, dedit, si ex bestioliis quibusdam, amictum sibi contra aeris injurias comparantibus, exemplum non desumfit, invenit tamen in Insectorum historia instituti similitudinem, & mores ad necessitatem, neutiquam vero ad luxum, compositos. Existunt, pars mundi creati, Vermes, ex ovo volatici animalis geniti, reptilem aliquamdiu vitam degentes, hinc metamorphosin passi, & Papilio vel Musca facti; id quod dum peragunt, & per medium aliquem statum in diversam formam transeunt, vestimenta sibi, vel alia contra aeris impetum domicilia, exstruunt. *Prima Cel. Reaumurii Observatio* sistit *Ascarides* minutulos, in foliorum parenchymate nidulantes, quibus parvulum isthoc spatium vastissima est provincia. Alii tortuoso itinere inter folia procedunt, & angustos effodiunt cuniculos, *Fossorez circulares*; alii magnas depascunt areas, *Fossorez magni*. Genere equidem differunt, siquidem habentur, qui Papilio & Musca metamorphosi fiunt; ast vitæ ratio eadem omnes una describendos imperat. Singularem formæ elegantiam præ se ferunt parvuli Papiliones, quibus prodiga natura mille coloribus, auro etiam & argento relucetibus, ita adblandita est, ut, magnos haud factos, quo nudo conspici possent oculo, doleamus. Reliqua volatilia, hinc facta, Muscæ sunt duabus alis, vel Scarabæi. Parvula utut sint isthæc insecta, sufficientes tamen, quibus in classes dispesci possint, characteres suppeditant. *Erucæ* sunt, quæ Papiliones, *Vermes*, qui Muscas ex se producant. *Eruculæ* aliæ sedecim pedibus, aliæ quatuordecim, incedunt; læves aliæ sunt, aliæ

annulis ornatæ. Metamorphosis eodem, quo reliquis, modo contingit. Ovula a fœmella pariuntur in singulis foliis singula, vel pauciora. Solitariam enim vitam agunt plures; quædam versus mutationis terminum societatem eodem cuniculo subeunt. Ast ovula mire parva raro videntur, oculatissimo tamen *Reaumurio* visa sunt, ubi intellexit, vermem, suo ovo egressum, sub ejus testa jam effodisse folium. Vermes, ex quibus *Musca* duabus alis proditura est, non minus epidermide folii exesa, parenchyma ejus subeunt, ast diverso immersionis modo. *Erucæ* dentibus uncis rodunt; Vermes acuta fronte repetitis ictibus effodiunt. Alii denique Vermes *Scarabæi* fiunt, proboscidem ferentes, vel antennas granulas, dum nympham sibi vel intra folium, vel super ejus epidermide, vel in vicinis foliis, condunt.

Secunda Observatio Tinearum historiam condit. Utut male inreatur *Tinea* de pellibus & pannificiis nostris, quæ misere habet, admiratione tamen haud caret. Nuda nascitur, hinc amictum quærit, sibi que corradit ex destructis lanarum filis, mira industria, & singulari naturæ instinctu. Aliæ, vera *Tinea* dictæ, mobile secum indusium ferunt, aliæ immobile, hinc *Pseudo-Tinea* appellandæ. Veræ diversa destruunt texta, vel pelle confuta, & *Erucæ* nomen merentur, dum *Papilio* fiunt, pannis inimicæ. Forfice duplici, & sex pedibus squammosis, incedunt. His opus faciunt, vaginas sibi parant, tot coloribus diversas, quot colores sunt destructæ telæ. Vagina ipsa igitur panni destructi est particula, intus sericum. Ex vagina sua expulit jam vestitam *Tineam* Autor, viditque primum fila sericea trahi, hinc lanæ corrasæ manipulos agglutinari: id quod dum faciunt, vagina utrinque aperta caput exerunt, capillos lanæ aut resecant, aut evellunt, hinc pertexunt. Nec una vagina sufficit. Deserunt enim primam, & adolescentes ampliori veste induuntur, vel, paræ laboris, primam findunt, & nova tela sarcunt; versicolores factæ, si diversi coloris pannum destruxerint. Nam loco moventur, & domicilium secum trahunt. Hinc, prout *Erucæ*, chrysalidem struunt, fiuntque *Phalena* parva coloris auro vel argento nitido relucens. Hinc circumvolitans fœmella telis perniciem struit, dum ovula parit. Tum satius est, *Papilionem*,
quam

quam Tineam, enecare. Tineæ pellium parum differunt, & pannum similiter rodunt, at vestem sibi parant lævigatam, quæ pannivoris hispidula est. Cetera conveniunt. *Tertia Observatio* malo medelam parat. Vulgare contra Tineas remedium pellificibus est, excutere lanas & alia utensilia; at non omni tempore prodest. Mense Augusto mediove Septembris rectius succedit negotium, quo circumvolitans Papilio ova peperit, quibus egressæ Tineæ infirmius panno adhærent, at majusculæ, dum pedibus altius fixis hærent, difficilius excutuntur. *Plinius*, vestes sepulchro impositas a Tinea immunes reddi, dixerat. *Varro*, *Aldrovandus*, *Mouffettus*, plura proponunt. Cel. Autor singularem inivit ab omnibus gratiam, veram medicationem liberaliter impertitus. Densiores telæ dentes Tineæ eludunt quidem, at succumbunt denique. Vivas pelles, vel arte coriaria nondum induratas, non attingunt Tineæ. Suspicio fuit, pingua averfari Tineas: hinc minus lavanda est lana; sed, fame urgente, nec pinguibus pepercit Insectulum. Unicum est remedium graveolens halitus Terebinthinæ, Spiritus vini, fumus ipse fragrantibus excitatus, quibus afflata Tinea interiisse visa fuit. *Quarta Observatio Tineas campestres* sistit, quæ folia arborum depascunt, & ex illorum membranis sibi vestem inducunt. Cum *domesticis* & operis faciendi rationem, & formam, & metamorphosin, communem habent. At nutritio differt; siquidem succidiore alimento vivunt. Experientiam rei habuit Cel. Autor in Tinea foliorum orni. Cum vestem sibi hæc decerneret, primum id effecit, ut per epidermidem folii parenchyma acto cuniculo subiret, totaque abscondita lateret. Nunquam totum folium ex parte ad appositam pervadit, nec ultra reticulum folii progreditur. Hinc, succo laudabili parenchymatis absumto, duplicem, in qua tanquam in duplicatura delitescibat, membranam ad usum pertraxit, rescissa dentibus æquali utrinque parte, cujus margines sericea fila, ore protracta, ulterius obfirmabant. Nunc vestita progreditur, & vestem secum trahit, quam subinde quietura subingreditur, dum exerto capite nova folia adinordet. Vestem sæpius mutat, novamque ætate proveciores confuit. Inveniet curiosus oculus Tineas, dummodo

attendat folia, aliqua sui parte ficcis similia. Nec supra folium, sed subtus, ineunte vere, investigandæ sunt. Æstate enim jam transacta, metamorphosi Phalænæ factæ, circumvolitant parvuli alites, armato saltem oculo conspicui. Hinc satis de tempore & duratione metamorphoseos, vel de ovulorum forma, vel de modo per hiemem durandi, nondum constitit Autori. Sunt & *Vermes Tineæ*, in Muscam pereleganter mutatæ, salicis incolæ, quæ sibi ex lanugine granorum salicis vestem struunt. *Quinta Observatio* agit de *Tineis campestribus*, quarum vaginæ horridiusculæ varii generis ramentis sunt constructæ. Singulare quid moliantur bestiolæ, dum sibi non eodem folio, sed diversis, vaginam struunt. Sunt, quæ palea granorum, ramentis foliorum genistæ, quercus, vestiuntur. Xylophthoros, seu Ligniperda, Tinea est, nihil lignis nocens, parum inde decerpens. Aquatilis ea est, nec putridi tantum ligni, sed aliis rerum quicquiliis investita, prout vidit Cel. Autor, extractam vagina Tineam quamcunque materiem pro veste arripuisse. Sunt, quæ sabulo sibi stationem conficiunt; invenias, quibus volupe est, musculos parvos cochlidesque vesti apposuisse. Hac vagina Chrysalis fiunt, & quia pro norma nymphae aquatiliæ forbendi aquas necessitatem patiuntur, non undique obdurant vaginam, sed reticulare quoddam portæ opus prætexunt, sicque aquis innatant, dum Musca papilio fiant. Videas, quæ, saxa depascere creditæ, lichenes saltem & muscos murorum induunt, murarias Tineas. *Sexta Observatione* habentur *Tinearum ferico nidulantium* operæ, quas de suo, nec de foliorum ramentis, conficiunt. Squammis simile est opus, neque omni corpore isthac vagina sua expediuntur, sed partem semper parti addunt, & pallii simulacrum, super vagina extensum, quandoque ferunt. Hinc per medium nymphae statum fiunt *Muscæ papilionæ*. *Septima Observatione* proponuntur exempla *Tinearum*, quæ suo proprio vestiuntur stercore. Hoc Scarabæorum potissimum vermi in liliis reperto solenne esse solet. Scarabæus alter purpurei coloris ex nympha nascitur, qui medius status est Vermis, olim ita deformis, prout Scarabæus pulcher est. Tribus incedit pedibus crustaceis & aduncis, quod Scarabæorum vernibus proprium existit.

existit. Fæces, ano ejectas, circumquaque corpori admovent, & affabre contextunt, id quod dedecori ipsis magis haud est, quam gentibus, quæ boum viscera festis diebus de collo suspensa inter ornamenta habent. Alius aliquis Scarabæus, lilii albi incola, corpore rubens, reliqua niger, præterquam quod iisdem utatur sese vestiendi moribus, dum Verinis est, id singulare habet, quod subter terram lilio propiorem nympha fiat, post Scarabæus. Effossa circum terra, coccos, terrena materia, & sericeo, constructos, exhibet. Ovula dum ponit Scarabæus, observatum fuit, ea in Vermem mutari, nec Vermem ex ovo progredi; quod pro satis declarato agnitum haud fuit, siquidem Vermis exclusus testam ovuli sui vel depascere potuit, quod Erucæ quædam facere solent, vel vento ablata testa observatori imposuit. Novum id esset, nec tamen a probabili alienum, insecta quædam sub ovi forma nasci; sed rerum experimenta deficiunt. *Octava Observationis* labor est, de *Pseudo-Tineis* differere, quæ portatiles vestas haud conficiunt, sed domicilia saltem construunt & vaginas. Mira res, imbellem isthanc Erucam (nam Eruca est sedecim pedibus instructa,) ausam esse cum bellicosa gente apum cominus pugnare, & operas earum destruere; nec tamen aliter res sese habet. Cera vivunt; hinc apiariis infestæ sunt, quæ aliquando ab his ita male habentur, ut sedem permutare necesse habeant apes. Conqueritur de hac Tinea *Virgilius*; *Aristoteles* Phalenzæ apibus infestæ ineminit. Parcunt melli, ast invadunt cellulas ceræ plenas, & quibus apes matres ovula deponunt. Quæ fortissimis quibuscunque inimicis pares existunt apes, nec his parcerent, nisi abundarent ingenio Tineæ, sibi vaginas comparandi, quæ aculeis apum imperviz sunt. Duplici hæ constant strato, interno sericeo, externo cereo. Adulta Tinea progreditur; ceram depascit; ex cellula in cellulam, effracto pariete, serpit; nec vaginam derelinquit, sed protrahit & elongat. Postquam metamorphoseos tempus ingruit, nympha serico cera remixto construitur, fitque Phalena antennis granulatis, proboscide parum incurva. Dubium non est, apes hunc inermem aggredi & occidere; sed una superstes, ovulis, quibus prægnans est quamplurimis, sufficientia parit seminia, quæ apiarium de-

struere possint. Phalena, hinc enata, reptilis magis est, quam volatica, neque averfatur contactum, ast celerrimo cursu progreditur. Tineæ ejusmodi in fuci etiam subterranei favo reperiuntur, specie saltem, non genere, nec moribus, diversæ. Nam ceram itidem insectantur & depascunt. Omnes stercora sua, si penuria ingruat, denuo ingurgitant; nam cera esse non desinunt, prout experimentis comprobavit Autor. Et, quamvis molliori huic victui assueverint, expertus tamen est Cel. Autor, & dura corpora his attingi, chartas, librorum involucra varia, ex quibus undique corrasis sibi vestes construunt. Dantur & Pseudo-Tineæ lanarum, & vellerum, & corii, quarum vivendi genus eleganter admodum describitur. Pseudo-Tinea fruinentorum dira quandoque granorum pestis est. Colliguntur grana plura serico, hinc indusium paratur. Omnes Phalena fiunt antennis granulatis, & proboscide plus minus inflexa. *Nona Observatione* recensetur *Pulicis* arborei vastissima historia, insecti semialati, antennis articulatis præditi, parvuli quidem, ast admirationis pleni. Sunt, qui perfectis successu temporis fruuntur alis; hi Muscæ Pulices, vel Pulices alati, appellantur. Habentur variorum colorum, virides, fusci, aurantiive coloris, quibus folia arborum eroduntur & crispantur. Quandoque & gallis divexantur, nec folium facile quis intuebitur, quod diversam a naturali formam induxit, quin insectulorum ejusmodi labor subesse intelligatur. Divexantur istis rosa, papaver, faba, salix, ast colore admodum diversis. Sociam vitam degunt, & innumerabiles una stabulantur mares & fœminæ. Fœminæ majores & ventre ampliores propagandæ familiæ studio tenentur; ast mirari convenit, ex omnibus insectis alatis unicam hanc gentem viviparam esse. Observavit Cel. Autor partum in quampluribus, & armato oculo parvuli Pulicis exitum prope matris anum conspexit. Suspiciatus id ante fuerat ex ovulorum, nullibi in tam numerosa gente observatorum, absentia, & multiplicandi sese celeritate. Proboscide armantur flexili, qua omnes tenerum arboris tilix vel grossulariæ ramulum amplexantur. Denique hic inflectitur, aliquando in spiras contorquetur. Alia quædam Pulicum species, forma & organis nihil discrepans, nec multi-

multiplicandi sese ratione dispar. Nam vivos parit, in eo discrepans a præcedentibus, quod non nuda foliis & caulibus insit, sed in foliorum parenchymate, exesa epidermide, niduletur; unde, orta succi arborum ecchymosi, elevantur gallæ, tubera, vesicæ, quales in ulmo & fraxino cariosas & prægrandes haud raro observare licet. Hactenus creditum, præeunte *Malpighio*, fuit, omnes gallas a verme ex ovo ichneumonis Muscæ fieri; ast Cel. Autor clare expertus est, & ex analogia Pulicis arborum, aperte viventis, conclusit, viviparos etiam pulices vitio conspurcare folia posse. Vidit partum matris & pullos septem uno die editos. Hinc, quæ sola, vel primogenito suo stipata, gallæ tuber occupaverat, paulo post numerosam gentem condit, suntque ex vesiculis istis, quæ rubedine cocco tinctoriæ parum cedunt. Dum folia vulnerant proboscide, succi dulcis stillicidium evocant. Hinc appetuntur a formicis, quas *Gadar-tus* male Pulicum arboreorum matrem appellavit. Cum metamorphosis & his quædam subeunda sit, hinc exuvias aliquoties ponunt, & gallarum quidem incolæ serico, dubiæ originis, involvuntur, donec alati fiant, id quod matribus sic non accidit, quæ semialatæ permanent. Ast & alatæ diversi sexus existunt, siquidem aliquas Cel. Autor & sæpius ab eodem laudatus Academicus *Geoffroy* in partu deprehenderunt. Ast, omnes alatos mares esse, *Clariss. Frischius*, Berolinensis, perhibet. Hos, dum circumvolitant, cum Culicibus confundere neutiquam decet, qui puncturis, quibus nos affligunt, se satis produnt, dum reliquæ innoxie circumvagantur, etiamsi formam, quæ singularis est, attendere quis nolle. *Decima Observatio* adducit *Pseudo-pulices arboreos*, ficus & buxi. Omnia cum Pulicibus arborum communia habent, ast in eo differunt, quod alas breves vagina conditas obtineant, latoque magis incedant corpore. Metamorphosin passi, *Musca* fiunt *saltatrix*, neutiquam cum *Locustis* confundenda, quæ alas involucro tectas habet, quo ista caret. Generationis tamen ratio, num ovipari sint, num vivipari, pervestigata satis haud fuit. Singulare quid *Pseudo-pulices* buxi moliuntur, dum glutinosum mammæ instar succum ano ejiciunt, & inter folia nidulantur, quæ, quando effringun-
tur,

tur, insectulum commonstrant, quod longam globulorum connexorum inter se seriem post se trahit, ut caudatum esse videatur, sed excrementa esse cognoscuntur dulcia & palato haud ingrata. Mutantur in Muscas saltantes. Plura exempla duobus non adducuntur. Sufficere putatur, ut quis norit, insecta, quæ proboscide succos foliorum sugunt, si quieta eodem in loco permaneant, cum Pulicibus arborum confundenda haud esse.

Undecima Observatio Vermes Pulicum arboreorum destructores inducit. Duplex eorum classis stabilitur. Alii Vermes sunt apodes, & mutantur in muscam, alii pedibus incedunt, & vel Musca fiunt quadripennis, vel Scarabæus. Apodes inter medios pulices arboreos nascuntur, quia Musca mater instinctu naturali fertur ovula circa caules arborum, ubi pulices stabulantur, deponere, sicut alix Muscæ carnibus & caseis sua ovula imperitiuntur. Hinc nascitur Vermis, qui parvulus jam insectatur tranquillum populum; cuius tyrannus est, adultus omnem destruit. Raro invenies Pulicum greges circa sambuci vel caprifolii ramulos, quin unus alterve colore diversus, sed forma idem, intersit. Immanem decet esse bestiam tantillis insectis, quæ integra tricuspile lingua transfiguntur, manducantur, deglutuntur, & denuo exhausto succo exspuuntur exuviarum forma. Albi coloris vermes, armato oculo considerati, cum transparentes sint, eorum omnium, quæ intra se fiunt, jucundum spectaculum præbent, matres etiam gravidas devorant, quarum fœtus gula descendere devorantis belluæ visi sunt. Mutatur exsatiatus Vermis in Muscam vespæ corpore, bipennem. Sunt & alii Pulicum arboreorum hostes. Ferocior reliquis est *Leo pullex*, ideo dictus, quia *Formica Leoni* haud multum absimilis est. Sex incedit pedibus, & parvos pulices misere mulctat. Hinc cito adolescit, mutaturque in Muscam quadripennem, corpore & ala viridibus. Huic id singulare est, quod ovula sua de arborum foliis pendula, & sericeo filo annexa, habeat, quo avidus quis effici posset sciendi, cui volatili insecto mirabilis ejusmodi effectus debeatur. Denique & Vermis Pulicum devorator adest, qui in Scarabæum hemisphæricum permutari solet. Singularis formæ est Vermis *Hystrix*, a spiculorum, quibus munitum obtinuit

nuit corpus, multitudine sic appellatus, qui itidem in Scarabæum parvum lentiformem, per medium nymphæ statum, commutatur. *Duodecima* denique *Observatio* arborum herbarumque excreſcentias, quas gallas appellant, & infecta, iisdem innata, & metamorphoſin intra easdem paſſa, ſpectat. Excreſcentiæ arborum variis & vix determinandis ludunt diverſitatibus. Sunt, quæ fructum, ſunt, quæ florem mentiuntur. Omnes, ratione ſtructuræ & incolarum in tres claſſes poſſunt dividi. Aliæ ſcilicet unica cavitate unum infectum, aliæ una cavitate indiviſa plura infecta, in ſocietate viventia, aliæ denique, cavitate cellulis diviſa, plura equidem, aſt diverſis ſtationibus habitant, infecta continent. Ceteroquin & forma differunt gallæ, ex arboribus vel plantis enatæ, poma æmulantur, ceraſa pedunculis dependentia, racemos uvarum, ſtrobilos pini, fructus caſtanearum hiſpidos. Gallæ omnes, quodſi integræ adhuc fuerint, nullo foramine pertuſæ, ſuperſeſſe infectum, vermemque metamorphoſin ſuam nondum paſſum, indicant, aſt foramine patentes, peractam metamorphoſin, & evolafſe muſcam, ſubinnunt. Unum foramen unica ſtatione, plura pluribus, conſtituiſſe gallam, docent; aſt non omnes vermes intra gallam mutantur. Sunt, qui imminente metamorphoſi elabuntur, & nympham alibi ſubeunt, quæ res obſervationes (nam vermis muſca duabus aut quatuor alis futura eſt,) tantillum turbavit. Fieri etiam quandoque ſolet, ut eadem galla & quadripenſis & bipenſis muſca evolet, quæ duo eadem matre ſatæ eſſe nequeunt. Hinc declaratum eſt, dari vermes voraces, qui a matre muſca, aculeo prædita, quo perforare gallam poſſit, in gallam demittuntur. Hinc uterque vermis, alter incola, alter deſtructor, qui unum tamen alterumque ex indigenis ſuperſitem eſſe paſſus fuit, nymphæ ſtatum medium tranſegerunt una. Gallæ una cavitate præditæ incolam plerumque habent Pſeudo-Erucam. Hanc alius Vermis carnivorus infectatur; unde facile quid pro quo, invaſor pro hoſpitem, agnoſci poſteſt. Tale quid evenire ſolet in fungo cynobati nobis dicto, rectius galla crinita & odorata cynobati, (Germani appellant *Schlaff-Kautzen*, quia inter ſoporifera officinis eſt,) ubi plures ſpecie diverſæ muſcæ & inter alias auro relu-

cens & versicolor Musca, quam *Menzelius Obs. Curios. Nat. Anni II Decade II Obs. 10* tantopere admiratus est, eadem galla evolat; ubi ignoratur, qualis ex verine indigena sit, magna certe isthæc *Menzelii* nativa non est, sed ichneumon, musca, insectorum omnium tyrannus. De Gallinsectis, aut excre-
scentiis arborum animatis, in *quarto Volumine* dicturus est Cel.
Auctor, quod generalem muscarum omnium, & specialem mu-
scarum bipennium, historiam recensabit. Propitia fata & ma-
nentem incolumitatem Doctissimo Auctori comprecamur, quo
desideriis omnium, exhausta totius Historiæ naturalis vastissima
parte, satisfacere possit.

COURS DE CHIRURGIE, &c.

h. e.

**CURSUS CHIRURGICUS, IN SCHOLA
medica Parisiensi dictatus per M. ELIAM COL DE
VILARS, Doctorem medicum, Ordinis Medicorum Pa-
risiensem Veteranum Professore Chirurgiæ, lin-
gua Gallica docentem.**

Tomi II.

Parisiis, apud Joh. Baptist. Coignard, & Antonium Bondel,
1738, 8.

Tom. I plag. 21, Tom. II plag. 17.

Præmittuntur morborum chirurgicorum summa capita. Mor-
bi partium vel situm earundem lædunt, five fractæ laxa-
tæque fuerint duræ, five prolapsum patiantur molles in her-
niis, uterique statione mutata, vel æqualitatem, conformatio-
nem, magnitudinem, numerumque, offendunt. Ast ipsi mor-
bi, quod ad formam internam, prout etiam in Pathologia me-
dica docetur, vel idiopathetici sunt, ex visceris labe & con-
tentorum vitio, vel sympathetici, ob nexum vasorum. Cetero-
quin essentielles morbi & primarii a symptomatibus, seu ac-
cessoriis, magnopere differunt, sicut symptoma, sublato pri-
mario morbo, aliquando remanere, vel symptomatis novum ail-

aliquod symptoma esse, fœvit. Ratione durationis & moræ acutissimos, peracutos, acutos, & chronicos, habemus, sicut modus invadendi corpora id involvit, quo vel endemicus, provincialisque certis proprius, vel epidemicus, & de loco in locum grassatus, aliquis sit. Aliis hæreditarius morbus est, aliis accessorius. Causæ morborum aliæ longo anteverunt tempore, procatacæ putæ, aliæ propiores sunt effectui, aliæ proximæ. Sunt, quæ morbum indicent, quæ causam, vel symptomatis indolem. Alia clara sunt & evidentia, univoca, alia cautioni subjacent, æquivoca. Nec minus signa vel præteritum statum, *anamnestica*, vel præsentem, *diagnostica*, intendunt. His rite perspectis, destinatur ad agendum Medicus indicationibus, quæ sunt totidem syllogismi practici. Indicans præmissa est, indicatum medius terminus. At, dum in deliberando versatur animus, habet quandoque, quæ contrarium suadere possunt, argumenta. Hæc contraindicationes appellamus. Utrinque sciimus, quid faciendum sit, quid omittendum; habenturque ex hoc fonte consilia chirurgica, remedia interna & externa, quæ topica dici solent, itidemque operationes chirurgicæ, & necessarium his omnibus vitæ regimen, seu diætæ. Componit Chirurgus synthesi diversa, aufert exæresi peregrinæ, apponit interdum proles ablata, infundit vel transfundit humores, prout commodum, & ex rei natura, videtur. In tumoribus describendis totus est Autor. Alii dolent, alii minus, & in humorum stasi versantur. Omnium diversitates pro circumstantiis variæ sunt. Pro eventu benigni sunt vel maligni, pro resistentia molles vel scirrhusi, pro parte affecta glandulosi, tendinei, vasculares, sive materies sit peregrina, topicus, sive nobiscum nata, sanguis aut tumor. Tumores omnes, prout causa diagnostique vel prognosi differunt, ita haud uno modo solvuntur. Alii resolvuntur, & in sanguinem abscedunt, alii suppurantur, alii sinistro eventu putrescunt, sphacelus fiunt, seu necrosis, aut scirrhus cum gangrænâ. Tum & symptomata variis contingunt varia, tensio, inflammatio, pulsus frequens, dolor, febris, convulsio. Indicatis his omnibus, opponit remedia efficaciora, prophylactica vel curativa,

alia chirurgica, venæ sectionem, & scalpellum, pro incidendo vel excindendo, alia medica, discutientia, resolventia, suppurantia. Speciatim phlegmone cutim invadit, cutisque musculos cum febre maligna. Externæ causæ variæ sunt, refrigerium, animi pathemata, excretiones læsæ. Remedia sunt, quæ sudationem præstant, externe suppurationem provehunt, vel discutunt, si consilio isti locus est. Phlegmone glandulas invadit aliaque viscera, hinc œdematosus est, scirrhusus etiam; ast bubo in glandulis conglobatis plerumque subnascitur, eo periculosior, quo vasis nervisque majoribus vicinus magis est. Hos peracutos habemus, pestilenciales, acutos saltem, venereos, aut innocentes etiam, a consensu ortos, neutiquam confundendos cum bubonocœle. Oedema glandularum colli bubo est, dum furunculi & dracunculi, itidem genus glandulosum, invadunt. Vena medinensis, quam chordam polyposam appellant alii, singularis tumoris genus est, periculi plenum. Terminthus est tumor terebinthi fructus forma. Perniones frigore contrahuntur: panaris seu paronychia tendinum in malculo digitorum morbus est, eo periculosior, quo magis tumore caret, dum pus ad vaginam tendinum redundat. Ab externa quadam injuria si inflammatio ingruat, effuso intra vasa sanguine, ecchymosis dicitur. Singularis momenti est aneurisma, *verum*, dilatata arteria, & in magnum pulsantemque tumorem elevata, *spurium*, si, rupta arteria, sanguinis sub cute copia effundatur. Erysipelas cutim majori cum impetu invadit, nec aliter, nisi vel febris atrociam, vel profunditatem, qua cutim & pinguedinem penetrat, a phlegmone differt. Eo periculosius, quo magis viscera vitalia prope accedit, cujus potissimum regressus ad interiora metuendus est. Sunt præterea particulares cutis inflammationes cum humoribus vel pustulis. Herpes miliaris pro forma vel farinaceus est, vel crustaceus, qui, si magnopere cutim rodit, *edidymos*, seu pruriginosus, appellatur, sicut erysipelatis species sunt rosa erratica, vel quæ corporis habitum zonæ in modum ambit, unde & zona dicitur. Non longe ab istis affectionibus recedit scabies, ejusque species, *secca* vel *humida* scabies, quæ haud raro & maligna evadit.

evadit, & relapsu nocet. Atrociora his omnibus mala sunt lepra, antiquum morbi genus, in cuius locum nunc pejor lues, lues venerea, successit, ferale donum, quod nobis India misit. Non procul ab his abest elephantiasis, leontiasis, satyriasis, quorum indoles putredo partium est, sicut & impetigo & lichen, seu mentagra, eidem affines sunt morborum familiarum. Tinea capitis puerorum anceps interdum morborum genus est, at, caute perfunctum, in salutem cedit. Efflorescunt hæc omnia in cute, nec levis est suspicio, vermes subesse, sicut sironum exemplum clare docet, itidemque gutta rosacea, faciei inimica. Hæc suppurationi obnoxia sunt, secus ac ephelides, epinyctides, vel maculae hepaticæ. Præterea tumores cutim deturpant humidi, quos œdematis nomine insignimus, quamvis videre liceat, qui utrinque participant & inflammantur, prout sunt œdemata phlegmonodea. Hydrops ipse, summum tumoris genus, hic in censum venit, cum subalternis speciebus, hydrocephalo, thoracis hydrope, hydrocele, aliisque. Tumor equidem est scirrhus, at gangræne propior; quapropter ille semper, sive in partibus externis, mamma, sive internis, hepate, aliisque visceribus, metuendus magnopere est. Glandulis potissimum infestus habetur, unde & scrophulæ colli, vel parotides, quos & inflammatos, & suppuratos, habemus. Leviora his mala sunt grando, hordeolum, clavi pedum. Opponuntur omnibus efficaciora remedia, chirurgica, vel therapeutica. Desideramus varia, quæ Cl. Autor nondum attigit, suo tempore addenda.

DISCOURS SUR LES ANCRES, &c.

h. e.

DISSERTATIO DE ANCORIS, QUÆ
 præmiorum, ab Academia Scientiarum Regia Parisiensi ad A. 1737 propositorum, primum tulit; Autore
 JOANNE BERNOULLI, J. U. Doctore.

Parisiis, 1737, 4.

Plag. 4, cum Tabb. æn. 3.

Q 3

Placuit

Placuit illustri Academicæ Scientiarum Parisiensi, quod jam A. 1735 Geometris (publice proposuerat de ancoris problema, annis duobus elapsis, sed in tria quasi divisum, iterum proponere. Primo enim examinandam exhibuit optimam ancorarum figuram, secundo optimam easdem fabricandi rationem, tertio, quæ optima sit virtutem ancoræ experiundi ratio, quæsit. Primam præcipue quæstionem solvere aggressus est Cl. *Jo. Bernoulli*, filius, in ea, quam hic exhibemus, Dissertatione, atque tam felici successu rem expedivit, ut præmium ipsi ab Academia fuerit decretum. Quatuor sunt, quibus ancoræ virtutem Cl. Autor absolvi existimat, primum, ut ea facillime fidat, alterum, ut firmissime subsistat, tertium, ut quam difficillime rumpatur, quartum, ut omni etiam inflexioni quam maxime resistat; &, cujus ancoræ figura maxime sit idonea, quæ hæc quatuor una impetret, eam optima figura præditam esse, judicat. Ad id, ut ancora facillime fidat, requirit quidem ante omnia, ut, simul ac jacta fundum maris attingit, cuspidum, extremis dentium ancoræ affixarum, altera in fundum maris penetret; id quod neque semper, neque in omni ancoræ situ æque facile, contingere constat. Quo tamen consilio effici possit, ut dentium alter statim eo in situ fundum attingat, qui ad cuspidem infingendam maxime idoneus sit, id hic docere non est ausus. Sed, ubi semel in terram penetravit ancora, dispiciendum præterea est, qua ratione profundius, tantaque vi, quanta fieri potest, in ea possit defigi, dum navis vento, qui, velis licet contractis, eandem continuo urget, aut fluctibus etiam, impellitur. Ad id autem primo facit ipsum ancoræ pondus, quo ea ventorum fluctuumve in navem impulsui resistit. Quod quia nequit a priori definiri; Tabulam Autor exhibet, in qua pondus & longitudo ancoræ sacre secundum latitudinem navis suæ, experientiae & usui nautarum convenienter, determinantur. Deinde, præter ancoræ pondus, huc etiam facit anguli, sub quo cuspis fundum maris attingit, obliquitas, utpote quæ in causa quoque est, ut, quo fortius navis impellitur, eo profundius ancora in terra possit defigi. Ut itaque

itaque Cl. Autor quantitatem anguli illius determinaret, sub quo denti suo afferruminata cuspis quam facillime, quam profundissime, & quam maxima vi, potest in terra defigi; quæsitivè primo universaliter vim, quæ ad cuspidem sub angulo quovis variabili terræ infigendam impenditur, hanc deinde vim *maximo* posuit æqualem, quo facto, statim invenit, sinum anguli quæsitæ cosinui suo æqualem, ideoque ipsum hunc angulum semirectum esse. Supposuit in hac solutione fundum maris horizontalem, tum quod plurimis in locis talis esse solet, tum quod alius ipsi situs cum ratione sufficiente tribui nequit. Supposuit etiam directionem virgæ, ipsique alligati ancoralis, horizonti parallelam, quod quidem exacte verum non est, pro vero tamen poterit haberi, si ancorale satis extensum, & in relatione ad maris profunditatem satis longum fuerit. Hinc, cum, & ob dictam rationem, & ob vincendum fluctuum ventique impetum, ancoralia tam longa parentur, quam ceteris paribus licet; admodum vero longa pondere suo navem nimis essent oneratura: jubet plures parari funes, quorum singulorum longitudo 20, 30, aut 40, pedes exæquet, atque ex his, per claustra ferrea satis valida junctis, funem ancorarium componi; quo ipso obtinebitur, ut neque nimis longum & grave fieri debeat ancorale, neque tamen justo brevius sit, (quia claustris tensis ipsum extendi potest,) neque vel maxima ventorum fluctuumque navem impellentium vi facile queat disrumpi. Sed, ut ad id redeamus, unde divertimus, patet quidem, si cuspis dentis facillime in fundum maris penetrare debet, directionem ejus cum fundo angulum semirectum debere comprehendere: verum enim vero, quia præterea requiritur, ut ancora, ubi semel fiderit, firmiter etiam subsistat, bene monet Autor, eum in finem angulum istum semirecto paulo majorem fieri debere. Nam, quo majorem resistantiam cuspis in terram infixæ offenderit, eo firmiter in eadem subsistet: resistantiam autem offendet eo majorem, qua major fuerit angulus, sub quo in fundum maris penetravit; id quod Autor tum experimento, tum inde, quod resistantiæ sint in duplicata ratione sinuum inclinationis, confirmat. His expositis, quæ ad situm cuspidum dentibus suis afferru-

mina-

minatarum attinent, & ad id conducunt, ut ancora facillime fidere, atque firmissime subsistere, possit, pergit Autor ad id, quod in hoc problemate præcipuum est, videlicet ad determinandam figuram, qua præditi esse debent ancoræ dentes, ut omni tam infractioni, quam inflexioni, quam fieri potest validissime, resistent. Quæ in disquisitione ita procedit, ut primo in eam dentis figuram inquirat, qua, ne is facile rumpatur, caveri potest, deinde in eam, qua aptus reddi potest, ut omni inflexioni resistat, denique ut dispiciat, qua ratione jungi hæc duæ figuræ debeant, ut utrumque commodum obtineatur. Et primo quidem ostendit, materiam dentis in ejusmodi figuram esse disponendam, ut ubivis eandem habeat vim resistendi, ideoque sectiones ejus ubivis æquales esse non debere, sed majores versus virgam, minores versus cuspidem. Hinc facile patet, superficiem dentis curvis terminatam esse debere, quas ut




TAB. II

Fig. 1.

jus alterum extremum in terra defixum, alterum cum virga ancoræ commissum est, spectavit instar tigni horizontalis DNA , cujus alterum extremum FM muro verticali insertum, alterum D pondere C onustum; rectangulum ec est sectio verticalis hujus tigni, qui ponderi C ubivis æquali vi resistit, be est profunditas variabilis hujus tigni, bc vero latitudo ejusdem etiam variabilis, AD denique ejusdem longitudo, & axis communis curvarum profunditatis DeF & latitudinis DcM . Curvæ igitur DeF ea esse debet natura, ut in quovis axis puncto, veluti b , momento potentiae in D applicatae æquale sit momentum vis, qua tignus in loco sectionis ec infractioni resistit. Quare, positis longitudine trabis $AD = a$, $Ab = y$, profunditate $be = t$, latitudine $bc = z$, pondere $C = p$, erit æquatio ad curvam DeF , $ztt = p(a - y)$, in qua indeterminata z adhuc quidem arbitraria est, sed per aliam dentis conditionem, ut mox patebit, determinanda. In hac exterioris figuræ dentis determinatione supposuit Autor interiorem ejus figuram, quæ nempe virgæ obvertitur, planam. At vero, quia dens ancoræ ea præditus esse debet figura, ut per eam non infractioni solum, sed omni etiam inflexioni, quam maxime resistat, interior

ejus

TAB. II ad Nova Acta. Erudit. A. 1739 Mens.
Mart. Pl. pag. 128. 129. 133.



ejus superficies DMA plana esse nequit. Qualis autem curvatura huic dentis superficiei competat, Cl. Autor hoc modo disquirat. Primo mente concipit, dentem ancoræ in terra defixum perfecte flexilem, sed in duobus extremis suis fixum esse, eumque per resistantiam terræ, contra quam continuo urgetur, dum ancorale, virgæ navique alligatum, ventorum fluctuumque impetu extenditur, eodem modo flecti & incurvari, quo velum quoddam pressione fluidi incumbentis, aut venti irruentis impetu, incurvari solet; deinde, ubi dens hoc modo inflexus in statum maximæ incurvationis pervenerit, intelligit, ipsi suam rigiditatem restitui: unde manifestum est, concavam, quam tunc dens obtinuit, figuram eam esse, quæ quæritur. Atqui, cum resistantiæ terræ, quas dens infixus in singulis suis punctis offendit, sint in duplicata ratione sinuum inclinationis, demonstrat inde, supposita latitudine superficiei dentis interioris constante, eandem ipsi competere curvaturam, quæ curvæ est, quam *catenariam* appellant; neque id ratiociniis solum ostendit, sed experimento etiam ingeniose excogitato confirmat. Quodsi vero non constans supponatur interioris superficiei latitudo; tunc figura illi competens infinite quidem multis modis poterit determinari, catenariæ tamen curvaturam iterum obtinebit, si latitudines ea lege variabiles assumantur, ut quantitibus $aa - yy$ semper sint reciproce proportionales. Sed universaliter curvam, ad quam interioris superficiei dentium concavitas est effingenda, Cl. Autor hac ratione determinat. Sit HBC curvatura concavæ dentis superficiei, cuius axis virga ancoræ esse intelligatur, H extremitas virgæ, ubi dens cum eadem jungitur, HE = x , EB = Ab = y , BH = s . Posita ds constante, erit ex theoria *velariorum*, si HC aut nullam aut constantem latitudinem habuerit,
$$-\frac{d dy}{d x} = \frac{d y^2}{d s}.$$

TAB. II
Fig. 2.

In nostro autem casu superficies concava HBC latitudinem bc variabilem habet, quæ sit = z : ergo nunc erit
$$-\frac{d dy}{d x} = \frac{d y^2 z}{d s}.$$

Qua æquatione legitime integrata & reducta, habetur hæc æqua-

tio pro curva HBC, $\frac{dk}{r[(szdx)^2-1]} = dy$. Diximus jam-
 jam, indeterminatam z arbitrariam esse. Quare non alia
 re opus est, quam ut pro z sumatur ejusmodi ipsius x functio,
 qua alterum hujus æquationis membrum integrabile reddi pos-
 sit: & sic curvam HBC algebraicam fieri, manifestum est.
 Quod denique exinde reliquæ indeterminatæ y & t in æqua-
 tione ad curvam profunditatum DCF supra exhibitæ deter-
 minari possint, per se facile patet. At vero, quia y non mi-
 nus, quam z , arbitrariæ est determinationis, monet Cl. Autor,
 z [magis commode ex y , pro arbitrio assumpta, determinari.
 Et hinc palam est, interiori dentium superficiei concavam fi-
 guram quamlibet dari posse, salvis præcipuis illis duabus anco-
 ræ virtutibus, quarum statim ab initio mentionem fecimus.
 Capiatur enim e. g. $y = r_2cx$, (c est constans arbitraria,) hoc est,
 fiat concava dentis superficiei figuræ parabolicæ, per hanc æqua-
 tionem $yy = 2cx$ expressæ. Itaque erit

$$\frac{cdx}{r_2cx} = \frac{dx}{r[(szdx)^2-1]}, \text{ \& hinc } z = \frac{1}{r(yy+cc)}$$
 atque $t = r(pa - py \times ryy + cc)$. Quare, si dentem ancoræ
 hac ratione paraveris, ut interior ejus superficiei curvaturam ha-
 beat parabolicam, per hanc æquationem $yy = 2cx$ expressam, la-
 titudinem vero quantitati $r(yy+cc)$ ubique reciproce pro-
 portionalem, profunditas autem dentis ubique sit quantitati
 $r(pa - py \times ryy + cc)$ proportionalis (p hic notat vim,
 quæ in cuspidem dentis agit,): dentem habebis ita comparatum,
 ut infractioni ubique æquali vi resistat, ulterius autem inflecti
 plane non possit, ideoque iis, quæ desiderari possunt, virtuti-
 bus præditum.

Sic itaque solutum dedit Cl. Autor primum, quod illustris
 Academia proposuerat, problema; alterum vero plane inta-
 ctum reliquit; tertium leviter tantum attigit. Nimirum opti-
 mam rationem vim ancoræ experiendi hanc censet, ut parva
 fabricetur ancora, figura & dimensionibus supra indicatis præ-
 dita, & alteri dentium extremo pondus appendatur, idque con-

continuo augeatur, donec dens ancoræ ruptus fuerit. Nam, quoniam potentia p , quas dux ancoræ similes, licet diversorum ponderum, sustinere possunt, in duplicata sunt ratione homologarum dimensionum, ex vi parvæ ancoræ, dicto modo determinata, vim quamvis magnæ colligere licebit. Veluti si parva ancora, quæ 1 \mathfrak{L} . ponderet, pondus sustinuerit 400 \mathfrak{L} . major ancora, 8000 \mathfrak{L} . ponderans, pondus 160000 \mathfrak{L} . sustinebit. Quanta autem vi urgeatur ancora, dum navis in violentissima tempestate maximo ventorum fluctuumque impetu agitatur, id experientia debet docere. Denique sub finem Dissertationis Scholium annectit Cl. Autor, quo ostendit, ancoram ita posse parari, ut, licet non maiorem materiæ quantitatem in se contineat, majori tamen vi valeat resistere; nempe si latitudines dentium z minuantur, & profunditates z augeantur, ea tamen lege, ut crassities dentis, sive sectio ejus zt , ubique constans maneat. Caveri tamen debet, ne nimis imminuantur dentium latitudines: quia, ubi justo minores fuerint, facile accidet, ut dens in terra defixus aut huc vel illic terræ resistentia inflectatur, aut non subsistens in fundo maris eodem modo sulcos ducat, quo in arvo lacunas aratrum vomere facit.

ECLIPSIS SOLIS, DIE XV AUGUSTI
Anno MDCCXXXVIII observata Viennæ Austriæ
post ejus initium.

Densæ hodiernæ nubes omnem nobis aditum ad expectatum phenomenon diu præcluserant; sed, flante occidentali vento, Sol post horam undecimam conspici potuit, & occidentem versus ultra digitum jam deficiens. Mox tamen alia succedebant nubium obstacula, quibus paulo ante meridiem ferre dilutis, ad spectaculum accedere licuit.

In ipsa itaque consueta meridiei observatione quadrante fixo (cujus radius 9 & tubus dioptricus 10 ped.) spectabatur in campo micrometri limbus orientalis Lunæ $a m b$, secans occidentalem Solis limbum $a n b$ in a & b .

H.	Temp.	ver.		Alt.	vifa	G.	
11	58	55	appulsus disci ☉	-	-	56	11
			& puncti <i>a</i> .	-	-	55	53 30
	59	49	puncti <i>b</i> .	-	-	55	39 30
1	1	6	exitus disci ☉, diam.	-	-	31	45
20			defectus dig. 2 56'		australis		
			chorda defectus <i>ab</i>	-	-	18	5
			<i>a</i> differ. adscens. punctorum <i>a</i> & <i>b</i>			13	6
			<i>b</i> c dist. limbi ☽ or. a meridiano	-	-	2	40
			maxima obscuratio d. 3 15', cujus momentum præcise determinari non poterat ob insensibilem variationem per integrum fere quadrantem.				

☉ 55 30 - - - dig. 2 56

1 4 - - - - - 2 12

9 - - - - - 1 45

19 - - - - - 1 12

31 5 finis Eclipsis

G. ' Alt. vifa.

41 18 limb. ☉ sup.

40 43 inf.

Quantitas defectus *m n* in transitu Solis per Meridianum determinata non fuit; quia sensibilibiter variabatur, & lubricum foret, ex chorda *ab*, atque modica sagitta *k m*, in diametrum lunarem inquirere. Datur autem ex calculo ejusdem Eclipsis semidiameter lunæ 15' 22", &, arcubus ex *a* & *b* hoc intervallo descriptis, elicitur in communi sectione *L* locus visus centri Lunæ in momento Meridiei. Deinde a centro *S*, radio *S q d* (five aggregato distantiae limbi Lunæ a centro Solis in obscuratione maxima & semidiametri Lunæ,) descripto arcu *d b*, quem tangat *L d* producta in *f* usque ad arcum *f g*, ductum pariter a centro *S* semidiametro penumbræ *S f*, habetur semita Lunæ *L d f*, a meridie usque ad finem Eclipsis. Demum *L f* secta in partes 91, quot nempe fluxerunt minuta temporis per *L f*, scalam præbet idoneam momentis phasiam determinandis. In hac enim invenitur *L d*, tempus obscurationis maximæ 31', *L e*, tempus appulsus ☽ ad verticalem ☉, 52', *L e*, mo-

momentum initii Eclipsios, 30' a. m &c. quæ quidem obser-
vationi habitæ congruunt, & cum iis proxime consentiunt, quæ
Cel. *Manfredius* in suis Ephemeridibus de hac Eclipsi nobis an-
nuntiaverat.

Schema hujus Eclipsios *Tabula II Figura 3* exhibet.

TAB. II-
Fig. 3.

**POSTREMÆ ALIQUOT ECLIPSES PRI-
mi & secundi Satellitis Jovis, observatæ Viennæ
Austriæ tubo ped. 17.**

1738. Julii	H ' "	Alt. visa	G ' "
d. 3. mane cælo sereno & placido.	1 45 39 culminabat a Cygni	- - - -	86 9 30
	2 13 55 immersio I Satel. observatio nonnihil dubia.	- - - -	- - - -
	6 53 48 culm. 24	- - - -	53 0 30
d. 10. M.	4 5 36 im. I Satel. nonnihil incerta, orto jam Sole.	- - - -	- - - -
19. M.	0 27 36 im. I Satel.	- - - -	- - - -
	0 40 42 culm. a Cygni	- - - -	86 9 30
Aug.	0 16 13 culm. a Cygni	- - - -	86 9 30
d. 7. M. cælo prorsus sereno & tranquillo.	2 56 56 im II Satel.	- - - -	- - - -
	4 45 25 culm. a V	- - - -	64 1
	4 46 57 culm. 24	- - - -	52 2 limb. sup.
d. 11. M. cælo sereno flante Borea.	0 39 18 im. I Satel.	- - - -	- - - -
	4 30 7 culm. a V	- - - -	64 0 30
	4 32 13 culm. 24	- - - -	52 4 30
d. 18. M. cælo sereno.	2 34 17 im. I Satel.	- - - -	- - - -
	4 3 57 culm a V	- - - -	64 1 10
	4 6 36 culm. 24	- - - -	52 7
Sept.	0 55 40 im. I Satel. observationi non obstitit Lunæ vicinia.	- - - -	- - - -
d. 3. M. cælo sereno & quieto.	3 5 25 culm. a V	- - - -	64 0 45
	3 6 53 culm. 24	- - - -	51 56
	3 34 55 culm. 2 limb. or.	- - - -	50 11 30 limb. sup.

**FRANCISCI CAROLI CONRADI, IN ACA-
demia Julia Jurisconsulti, Parerga, in quibus Anti-
quitates & Historia Juris illustrantur, varia Juris**

Civilis, aliorumque Auctorum, loca emendantur, explicantur. Liber secundus.

Helmstadii, sumtibus Christ. Frider. Weygandi, 1737, 8.

Plag. 12.

Facti sumus votorum compotes, & nobiscum illi omnes, qui justum elegantiori Jurisprudentiæ pretium statuunt, dum alterum *Parergorum Librum* a Cel. *Conradi*, insigni Academiæ Julix ornamento, haud ita pridem accepimus. Quam laudem quondam a Lectoribus *prioris Libri* capita tulerunt, eam profecto præsentis etiam argumenta singula merentur, propterea, quod tanta ubique doctrinæ exquisitissimæ ubertas, tanta rerum antiquarum peritia, & cum scriptoribus vetustis familiaris consuetudo, hinc eluceat, ut nemo sit futurus, qui non Germaniæ politissimum hunc civem, & seculo præsentis magnum hunc elegantioris doctrinæ vindicem, gratulandum putet. Exhibet hæc altera nobilissimi laboris pars *Dissertationes sex*, quarum *prima* inscribitur: *de Coemtionibus, sacrorum interimendorum causa factis*. Hæreditates apud Romanos gravissimo cum onere conjunctæ olim fuerunt, quod sacra defuncti domestica hæres recipere teneretur. Illis enim *seria & cerimonia*, uti *Tullius* loquitur, *erant adscriptæ*, quæ sine magnis sumtibus institui vix poterant. Intererat ergo reipublicæ, ut excogitaretur modus, quo hæredes illa sacrorum molestia liberari possent, &, quod superstitio pati non videbatur, fraude erat tentandum. Invenierunt scilicet *JCti* coemtionem sacrorum, a senibus peragendam, cujus ritus memoriam *Cicero* nobis, quamvis non adeo perspicue, servavit. Ejus sane verba, quæ huc pertinent, vehementer exercuerunt interpretes, quos cum cura attulit *Conf. Græpius* in eleganti *de Uxore Romana* libro, pag. 245. Eorum nonnulli Oratorem, coemtionis, interimendorum sacrorum causa, mentionem injicientem, de conventionem in manum, quam coemtione uxoris solenni factam apud *Quirites* novimus, intelligendum esse, existimarunt. Ast, quam parum recte hoc sese habeat, ostendit *Conf. Autor*, simulque probabiliorem longe conjecturam pro-

profert. Nimirum, fingendum fuisse modum, ait, quo bona ad hæredem non viderentur pervenisse *morte testatoris*. Quærendus igitur erat familiæ emtor, qui, dicis gratia, addita tamen lege, ut ille, qui hæres in tabulis scriptus esset, bona consequeretur, hæreditatem ære sibi & libra compararet. Quod ut procederet ex animi sententia, hæredes, JCtorum consilio, res, quæ in hæreditate erant, ab emtore stipulabantur sibi, ut non ex testamento, sed ex stipulatione, eas acciperent. Ita autem eveniebat, ut totum sacrorum onus maneret apud hæredem imaginarium, familiæ mancipem, qui senex esse solebat, isque liberis destitutus, & de hærede sibi exsisturo parum sollicitus. Et soli quidem ejusmodi conditionis senes, dato aliquo lucro, certaue ad impensas, sacrorum causa ferendas, pecunia, invitari poterant, ut plures emerent familias, quarum sacra, interitura secum, ad breve tempus curarent. Nulla igitur alia ratione hæres ab incommodo longe gravissimo liberabatur. Nam testamento per æs & libram condito neutiquam interimebantur sacra, quod præstantissimus Autor cum Celeb. Schwarzio, in Dissert. de Sacrorum detestatione §. 9, contra Gutherium solide commonstrat. Nihil autem cum his senibus, qui familiæ dicebantur emtores, commune habent *senes illi coemptionales*, quorum a Curio in Ciceronis Epistol. ad fam. VII, 29, & Plauto, mentio facta. Iis potius viliora intelliguntur mancipia, quæ, cum per se non reperirent emtores, aliis, ad majorem dominorum utilitatem aptis, adjungi, auctoque eorum pretio simul venire, solebant. Excipit hanc non minus insignis, & selecti, quod nemo adhuc data opera pertractavit, argumenti, Commentatio, de minima capitis deminutione. In ea, explicatis primum vocibus, minima capitis deminutione amissam esse familiam, cujus vocis duplex est significatio, ostendit, emancipatosque capite minutis annumerat, propterea, quod familia, quam communi habebant jure, excidebant. Quibus erudite expositis, legibus nonnullis lucem accendit clarissimam. Sic in l. 3 §. 1 D. de Cap. minut. JCtus neutiquam docet, in emancipatione non esse aliam, cur deminutio dicenda sit, causam, quam a servitute derivatam, quin potius,

potius, per venditionem imaginariam & manumissionem in emancipatis *capitis minutionem manifesto accidere*, ait, id est, per solennitates eas civiles, servitutis præ se ferentes imaginem, in hominum oculos incurrere: neque ex *l. 2 §. 2 D. cod. cujus* verum Noster sensum feliciter eruit, colligi cum *Cujacio* debet, fœminas, quæ in manum convenerant, nullo modo contrahere potuisse, ideoque verbis *Ulpiani: Sed interdum, si contrahatur*, &c. exceptam significari illam capitis deminutionem, quæ per conventionem in manum fiebat. Mulieres enim apud maritum loco filiarum familias erant, quas civiliter obligari, & ex earum contractibus contendere potuisse adversus patrem actionibus iisdem, ac ex contractibus filiorum familias, vocatis aliis in subsidium legibus, ab Autore probatur. Quid sibi velint in *l. 10 D. d. t.* verba: *Tale legatum*, (i. e. habitatio legata,) *in facto potius, quam in jure, consistit*, eleganter interpretatur, ac deinde, *l. 7 pr. D. cod.* quæ tot eruditus viris crucem fixit, emendatione indigere nulla, si *Basilicorum* adhibeatur *Scholias*, commonstrat egregie. Tandem injuriam *Triboniano*, ejusque adjutoribus, fieri monet ab iis, qui, *Edictum de capite minutis* inepte *Digestis* insertum, conquerrunt, &, subjuncta quæstione, quis post *Novell. 118* hujus capitis deminutionis super sit usus, finem imponit opusculo politissimo, seque ad illustrandum, quod *tertio* loco conspicitur, *Instrumentum plenarie securitatis Ravennense, una cum gestis municipalibus restitutum*, convertit. Primus inclutum illud ævi *Justiniani* monumentum ex tenebris produxit, inque stupendo *Formularum Romanarum* Opere publicavit, *Barn. Briffonius*, postquam *Cujacius* pauca ejus verba, eadem parum tamen accurate, protulerat. Edidit & illud, post *Briffonium*, *Gabr. Naudæus*, qui vero, cum exemplo minus recte descripto usus sit, nec *Briffonium* in consilium adhibuerit, mirum haud est, ejus lectionem hinc inde ab authentica scriptura recedere. Pertinet hoc monumentum ipsa forma ad publica urbis *Ravennæ* Acta, quibus insertum est petente *Germana, Collieti*, testatoris, vidua, cui *Gratianus*, Subdiaconus, *Stephani*, pupilli, tutor, plenam dederat securitatem, de accepta hæreditatis por-
tione

tionem, quæ huic ex testamento patris compete-
 bat. Confectum est anno ante Imperatoris *Justiniani* excessum proximo, æ-
 ræ scilicet Christianæ 564, &, ut erudite Cel. Autor docet, in
 papyro Ægyptiaca perscriptum. Ad ipsam quod attinet scri-
 pturam, non alia videtur esse, quam Romana, literis, uti
 vocari vulgo solent, cursivis, quibus tabelliones in Actis fo-
 rensibus & instrumentis utebantur celeritatis causa. Stulus
 totus est semilatinus & barbarus, cujus rei rationem, notato
 simul *Jano Rugetio*, affert, ac de usu hujus Instrumenti in
 critica arte, & legum scientia, disserit Vir literatissimus, ipsum-
 que illud exhibet, adjectis quamplurimis, iisque præclaris, ob-
 servationibus, omni doctrinæ cultioris elegantia conspersis.
Quarta Dissertatio, de Antinomis pignorum, ex Bibliotheca
 Viri cujusdam illustris comparata, *Guiljelmo Fornerio* est
 adscribenda, quam, ne plane periret, primus in lucem
 produxit *Conr. Conradi*. In hoc opusculo *Fornerius* stri-
 ctum quidem carptimque, at erudite tamen, inter alia com-
 plura, agit de pignore rei litigiosæ, hominis liberi, usufru-
 ctus, servitutum; de rusticis instrumentis, pignori non dan-
 dis; de pignore in re aliena, itemque de rei alienæ oppi-
 gnoratæ dominio; de pignore ob turpem causam dato, jure
 repetendo; de pignore per debitoris jusjurandum soluto; de
 impenfis in ædes oppignoras factis; de pignoris per satisfac-
 tionem solutione; de errore in materia pignoris contractum
 non vitiantem; variasque Romani Juris leges, quæ ipsi ob-
 videntur, hinc inde conciliat. Ordo nos ducit ad Disserta-
 tionem quintam, quæ *Vindicias observationum de vera Caji*
ætate complectitur. Insuperat Autor jam A. 1727 his Actis
 nostris observationes lectu dignissimas, *de vera ætate Caji, & de*
scriptis ejus ad sua tempora revocandis. Probarunt applausu
 suo nobile hoc de celebri Jcto bene merendi studium doctissi-
 morum virorum complures; unicum tamen subnatum illis du-
 bium est, ætatem scilicet *Caji* ad *Antonini Caracallæ* ævum nimis
 videri productam, affirmantibus. Intelligis igitur causam, Lector,
 quæ ad scribendas hasce *Vindicias* commovit Autorem, scriptum
 suum, olim propositum, strenue defendentem, quanquam alias
 ea conspicimus, ut æquitatem, ut, si veriora doceant alii, facile sen-

tentiam mutet. *Cajus* sub *Hadriano* natus, & *Caracalla* imperante, nondum octoginta annorum senex fuisse, videtur. Et, hujus Imperatoris Constitutiones ab eodem in *Libris ad provinciale Edictum* omnino laudari potuisse, contendit egregius Vindex, nec *Ultricum Huberum* suis ob stare conjecturis, nec in *l. 42 D. de Donat. inter vir. & uxor. Antoninum Pium*, vel *Marcum*, sed *Antoninum Caracallam*, significari, luculenter ostendens. Dumque *l. 40, 41, 42, D. cod. Tit.* stabiliendæ sententiæ suæ* causa in medium profert, eas simul more suo illustrat, id est, ubique elegantis, quam in eo omnes admirantur, eruditionis specimina edit. Agmen claudit *sexta*, cujus Autor est *Jo. Hemeraus*, Senator olim Bituricensis, Dissertatio, *de vita Edmundi Merillii*. Dignus quondam *Gundlingio* videbatur. Jctus ille præstantissimus, cujus vitam describeret, seque operæ pretium facturum existimabat, si in eam, tanquam in speculum, quod ille ait, inspicere juberet veræ, non simulatæ, Jurisprudentiæ studiosos. Sed majorem ejus labor ad noscendos, quos *Merillius* edidit, libros, quam ad vitam & fata ejus cognoscenda, usum affert, quippe quæ, ob summam monumentorum inopiam, parum accurate a viro historiæ literariæ ceteroquin probe gnaro potuit enarrari. Cum igitur Amplissimus *Conradi ex Casparis Thomæ Thomasferii Historia Bituricensi*, A. 1689 edita, alium, eumque copiosorem, *Merilliane* vitæ scriptorem produxerit, eo sane plures agendæ sunt ipsi gratiæ, quo magis rei eruditorum publicæ interesse judicamus, ut cives, immortaliter de ea meriti, posteritati innotescant, vivique semper per ora virorum volitent. Augent vero & amplificanc opusculi dignitatem exquisitæ, quas doctissimus Editor passim adjecit, animadversiones. Nos, bellariorum instar lauti, quod *altero* hoc *Parergorum Libro* adornatum nobis fuit, convivii, ex vita *Merillii* depromemus singularia nonnulla, & talia quidem, quæ non occurrerunt nobis, *Gundlingii* scriptum attente legentibus. Natum fuisse *Merillium* nobili genere ac splendido, & A. 1579 die Martii septimo lucem adspexisse, ex §. I discimus. Hunc non solum in Academia Tolosana, sed Cadurcensi quoque, studiorum causa, esse commemoratum, §. II docemur. Vice simum

primum ætatis annum cum vix attigisset, in Antecessorum Cadurcensium numerum relatum esse, ex §. III cognoscimus; qua occasione errorem quendam Gundlingii Cel. *Conradi* notavit. Proto-Principem, *Condeum, Ludovicum*, filium, Enguineum Ducem, commisisse *Merillio*, ut traderet ipsi Jurisprudentiæ elementa, ex §. VI observamus: & prædia quædam feudalia possedisse *Merillum*, ex §. VIII colligimus. Uxorem ejus §. XI indicat, quæ fuit *Isabella de Combarieu*, Præfecti in Senescallia Cadurcorum filia, quatuor ei liberos enixa, ex quibus duos nominavit Autor filios, *Edmundi* alterum, alterum *Joannis*, nomine insignitum. Denique in nota, §. X subjuncta, mortis, quam *Merillius* oppetiit, violentæ mentio injicitur.

CHRISTIANI LUDOVICI SCHLICHTERI de Mensa Facierum, ejusque mysterio, Libellus singularis, cum Tabula ænea, & Indicibus necessariis. Accedunt Vindiciæ crucis, panibus facierum impressæ, & phraseos Paulinæ, καὶ ἡμετέραν, Hebr. VII, 27.

Halæ Magdeburgicæ, impensis Jo. Andr. Baueri, 1738, 4.
Plag. 10.

Præsentem Libellum Clarissimus Autor, memor promissi sui, ante annum facti, subjunxit priori, de Panibus Facierum edito, nec minore cum eruditionis sacræ pariter ac profanæ apparatu hoc argumentum, a nullo Antiquitatum sacrarum scriptore satis excussum, pertractavit. Eadem, ac in præcedenti, methodo usus, quinque Capitibus illud complectitur, in quorum primo de Mensæ sacræ aliarumque nominibus disserit, ubi vocis מִשְׁחָה etymologiam ostendit, eandemque pro cibis quoque ac pro ara usurpari notat, atque simul locum quandam ex *Jes. LXV, 11*, de mensa in honorem *Gadæ* ab Israelitis constructa illustrat, & *Dan. VI, 18*, מִשְׁחָה mensam significare, asserit, variasque aliorum opiniones recenset. Porro in sensum vocis τραπέζα, varium item μάγισ & μάζα, inquit, ac mensam facierum alicubi puram quoque appellari commonstrat. Capite secundo de materia Mensæ sacræ & aliarum agit, eaque lignum & aurum cum fuerit, copiose lignum מִשְׁחָה vel

Sittim, quale sit, & quod acaciam notet, ex Arabica lingua, & doctorum virorum consensu, ostendere studet, ac locum ex *Jes. XLI, 19*, explicat, simulque, ligna *Sittim* ubinam exstiterint, disquirat. Dein laminas aureas, ceu mensæ sacræ tegumentum, & gentiliū diversas mensarum species, & mensam *Justiniani* splendidam, considerat. *Capite tertio* ad Mensæ sacræ aliarumque formam, & partes singulas, progreditur, ac de mensis Hebræorum quadratis, non circularibus, de mensura Mensæ sacræ, pedibus, eorumque materia ex auro, anulis quatuor aureis in pedum lateribus, per quos vectes, כְּרִים dicti, immittebantur, ut ex uno loco in alium transferri posset, de cingulo מַסְגֵּרָה dicto, pedes mensæ in medio connectente, limboque יָי appellato, cingulum illud ambiente, de sensu vocis *ερεπτον* & *νοματιον*, de mensæ superficie, erudite commentatur. *Capite quarto* Mensæ sacræ situm ac fata perpendit, eamque in Sancto Sanctorum, non tamen statim post velum ei oppositum, versus septentrionem collocandam esse, ex *Josephi* testimonio & aliis probat, &, quorsum ea demum pervenerit, quodque in templo secundo adhuc cum reliquis vasis sacris superfuerit, contra Judæos ostendit. *Capite quinto* Mensæ sacræ mysterium prudenter indagat, media incedens via, ne malignis censoribus ansa cavillandi detur, ut ipse in Præfatione observat, ubi & studii Antiquitatum necessitatem atque utilitatem commendat, deque vulgari ejus neglectu non sine causa conqueritur. Itaque pro singulari sua ingenii præstantia opinatur, Mensam sacram ipsius Messie fuisse typum, lignum *Sittim* Christi hominis, spinas ligni hujus peccatorum, sed aurum, mensæ obductum, Christi glorificati, item sapientiæ, sanctitatis, &c. non divinæ naturæ, emblemata esse, formam quadratam & numerum pedum quaternarium Fordeus Novi quatuor Evangelistas, de quo in priore libello fufius jam dixerat *pag. 92*, respexisse, pedes ipsos robur, dominium, ac potestatem Messie denotasse, limbum aureum regiam ejus dignitatem, cingulum pedes ambiens conjunctionis officii duplicis, regii & sacerdotalis, symbolum fuisse, annulos pedibus infixos quatuor Evangelistarum quoque numerum, & binos vectes, duos testium veritatis ordines, nempe Prophetas & Apostolos, præfigu-

figurasse, &c. quorum omnium varias analogias mira solertia indicavit. In controversia annexa, quam strictim persequitur, & in qua Viro cuidam doctissimo, multisque nominibus nobis venerando, respondet, opinionem suam utramque, de crucis signo panibus facierum impresso, & de sacerdote magno καὶ ἡμεῖς sacrificante; phraseosque *Paulinae Hebr. VII, 27*, sensu, rationibus nonnullis fulcire, ac contra objectiones modeste tueri, conatur. Opusculo quatuor Indices, locorum Scripturæ Sacræ illustratorum, vocum Hebraicarum, Græcarumque, ac rerum in eo notabiliorum, adjecti sunt.

NOVA LITERARIA.

Prodierunt Lucæ ex *Leonardi Venturini* prelis tria Volumina *Annalium Ecclesiasticorum*, a *Cesare* Cardinale *Baronio* quondam editorum, ex quibus intelligent eruditi, a nobili hoc typographo editionem susceptam, quæ Historiam Ecclesiasticam, a mendis expurgatam, integram, aptoque ordine dispositam, exhibeat. Ecclesiasticos quidem Annales *Baronius* elucubravit tanta cum laude, ut merito eorundem parens appelletur; aliqua tamen diligentiam ejusdem subterfugerunt, aliqua ætate, qua scribebat, monumentorum defectu, pæne inexplorata jacuerunt. Qua de causa Operi perficiendo *P. Antonius Pagius* totum se conferens, Animadversiones in singulos annos scripsit; sed, dum *Baronium* castigare conatur, ipse interdum in errores incidit, nec raro suis monitis Cardinali doctissimo facere injuriam videtur. Ultimam vero nunc operi tam difficili manum admovent Eruditissimi Viri, Abbas *Dominicus Georgius*, Venetus, & *Joannes Dominicus Mansi*, Lucensis, e Congregatione Matris Dei, qui sudoribus improboque labori nec pepercerunt, nec parcunt, ut numeris omnibus absoluta prodeat editio, non utilis modo, sed cum literariæ, tum christianæ, Reipublicæ plane necessaria. Rev. Abbatis *Georgii* opera *Fasti Consulares* illustrantur & castigantur, ineditaque plurima monumenta proferuntur, quæ ad castigatissimam lectionem monumentorum, quæ sunt in *Annalibus* edita, maxime conferunt. Animadversiones dat *P. Mansius*, quas & crebriores suppeditabit, cum ad Chronologiam inferioris xvi editio procedet.

Connectet cum his typographus continuationem *Odorici Raynaldi*, quæ item mendis expurgabitur. Sed præclarus ordo optimaque dispositio pretium Operis auget. *Pagii Critica* non ad calcem cujusque *Baroniani Voluminis*, quod incommodum magis, quam commodum, lectori foret, sed singulis annis, singulisque, ad quos refertur, paragraphis, diligenter subjicitur, ac minori charactere distinguitur. Sicuti *Pagii Critica Baronio*, ita *Pagii Animadversiones*, subjiciuntur. Autorum verba, quæ a *Baronio* afferuntur, diverso charactere distinguuntur. Quæ ab eodem in *Vallicellanae* editionis voluminum sine adduntur, vel castigantur, in proprias sedes relata certis quibusdam signis includuntur. Quæ autem rejiciuntur, ne quid tanti viri intercidat, ad horum Voluminum calcem annotantur. Ex *Baluzio* excerpta sunt, quæ ad rem faciunt, plurimis tamen ejusdem variis lectionibus, quæ nihil ad Historiam Ecclesiasticam conferunt, prætermisiss, ne inutile negotium Lectori faceretur. Aliqua *Baronii* manuscripta, dummodo exsint, & Patrum Congregationis Oratorii Opera prodeant, suis locis inferentur. Præter accuratissimos Indices ad singula *Volumina*, Index etiam generalis accedet. *Voluminibus* in lucem editis præmittetur suo tempore aliud, continens Apparatum ad Annales Ecclesiasticos tum *Baronii*, tum *Pagii*, Dissertationem Hypaticam, eorundem nuncupatorias ceterasque literas, quæ in *Annalibus* huc usque excusis vulgatæ sunt, sicut & *Baronii* vitam, a *Spondano* editam, Epistolam consularem Cardinalis *Norissi*, Præfationemque disertissimam de hac editione nuperrima. Ut omni ex parte autem satisfiat eruditis, in duplici chartæ genere Opus imprimitur. Qui huc usque sua nomina subscripserunt, pro singulis *Voluminibus* in charta majori Julios tantum octodecim; & pro singulis in charta minori Julios sedecim, anticipato solvunt; ab his vero, qui deinceps subscribent, pro singulis in charta majori Julios 24, pro singulis vero in charta minori Julios 18, exiget typographus. Unum insuper totius Operis exemplar largietur his, qui duodecim eruditos, sua nomina subscribentes, colligent. Singula *Volumina* singulis trimestribus prodibunt. In hoc suam typographus fidem obstringit. Nihil restat, quam ut rem tam nobilem meditati opem ferant Historiæ Ec-

cle-

clesiasticæ studiosi, adjuventque conatus hoc præclaros, subscribendo editioni, quam publico doctorum hominum suffragio consilioque susceptam esse, omnes intelligimus.

Gottingæ Cel. *Gesnerus*, insignæ cultioris Germaniæ ornamentum, & elegantiorum literarum strenuus vindex, novum meditatur, & a multis desideratum, opus, cui applaudere nemo non vir bonus, & amœnioribus studiis amicus, debet. Dabit enim novis & typis expressam, & curis expolitam, *Harduintanam Plinii* editionem, eamque hoc majori jure præferendam prioribus duabus, quo plura ei industriæ *Gesnerianæ* elegantissima specimina accedent. Cujus instituti rationes ut plenius cognoscat Lector, en! ipsas Cel. Editoris publicas ad Eruditos literas, illam Autoris sui suavitatem redolentes, hic legendas damus:

Jo. Matthias Gesnerus *Lecturis S. C. Plinii Secundi Historiæ naturalis Libri XXXVII*, Jo. Harduini *repetitis curis expoliti, thesaurus procul dubio & Bibliotheca dici merentur, qua ægre admodum carent non ii modo, quorum res angusta domi non patitur, eam illos pecuniam impendere, qua apud nos Opus venditur, sed lautiores etiam homines, & Bibliothecarum domini. Sunt porro multa a viris doctis observata, quibus vel augeri, vel emendari, ista editio potest. Est denique hic Gottingæ auspiciis magni Regis nostri, cura præsertim Illustrissimi Munchhusii, ea constituta opportunitas moliendorum majoris momenti operum, ut, si usquam in Europa, hic profecto procudi aliquid possit, quod & chartarum nitore, & typorum elegantia, in summa pretii equitate, commendare se oculis etiam elegantissimorum arbitrorum possit. Quæ cum ita sint, quod felix faustumque rei literaria Deus esse jubeat, constitutum est, & deliberatum, typis reddere, & quatuor Voluminibus charta quadruplicata includere, laudatum Opus, hac fere ratione. 1) Recudetur, quam poterit fieri, emendatissime editio Parisiensis, A. 1723 fol. vulgata, nulla litera vel addita, vel detracta, nisi ubi typorum manifestus error intercesserit. 2) Adhibebitur charta pura ac nitida; typi erunt omnes novi, ac notis quidem exprimendis minutiores, textui autem, quem vocant, majores, juxta & eleganti proportionem respondentes; omnes Belgicam elegantiam æmulantes. 3) Inferentur suis locis, sic tamen, ut cum Harduini notis non misceantur, a) quæ de Salmasianis, Gronovianisque, observatis nondum adhibita sunt ab Harduino, indicatu tamen digna videntur; b) quæ Professor Parisiensis, (Crevierium esse accepimus,) quæ*
item

item Durandus, ille in Epistolis, hic in Historia picturæ, argenti, atque auri, illustrationis causa attulerunt; c) indicia locorum in scriptis Physicorum recentium, ubi illi vel explicant Plinium, vel emendant, cum brevissima sententiæ ipsorum recensio. Hac in re licet diligenter a nobis elaboretur; tamen præsertim implorandi sunt viri eruditi, qui amant Plinium, ut succurrere nobis, & cum primum ipsis commodum est, submittere sua in hoc genere observata, velint. Quæ in Philosophicis Anglorum Transactionibus, quæ in Parisiensis Academiæ Commentariis, annotata sunt, ea ne subterfugiant nos, curabitur. d) Sed nec critica subsidia desunt, quibus hinc inde meliorem futurum speramus Plinium. Ne de qualicunque σοφισμῷ dicamus, quo verecunde, ut par est, hic maxime utemur; spes certa nos tenet Codicis MSti, qui a Viro doctissimo in hac vicinia possidetur, conferendi, Pliniique inde expoliendi. Deinde & penes nos est, beneficio Z. C. Uffenbachii, τῷ μακρυγίτῃ, exemplum editionis Elzevirianæ, 1635, 12, in cujus marginibus manu Petri Francii passim adscriptæ sunt lectiones optimæ. 4) Ac, ne quis metuat, ne Opus, quod non mediocrem sane sumtum postulat, inconsiderate forte susceptum, spem hominum propediem destituat, illud fide boni viri confirmo, ita instituta comparataque esse omnia, ut, quantum est in rebus humanis certi, tantum de hoc Opere expectari possit. 5) Non petuntur, qui pecuniam conferant; ne qui nomina dent quidem; sed illud promittitur bibliopolis, futurum, ut, qui in tempore transigere voluerint, iis de pretio remittatur pro portione. Totum enim hoc eo comparatum est, non ut vel ego, vel quicumque hominum professionis meæ, in partem quamcunque lucri (de honorario modico, sed certo & definito, hic non agitur,) veniat; sed ut Plinii studiosis, nostro qualicunque ingenio, ministerioque bibliopolarum honestissimorum, consulatur, quorum unice ut periculum, ita lucrum esse, par est. 6) Qui metuant forte, ut ego par esse labori queam, aliis in rebus, præsertim in Thesaurο L. L. congerendo & emendando, occupatus, illi sciant, adiutorem mihi esse, in hoc quoque labore, Virum, ut ingenii & doctrinæ laude dignissimum, ita ferrea plane diligentia, sobrietatis, & hinc bonæ valetudinis, radicibus nixa, Georgium Matthiæ, Med. Cand., qui porro, ubi semel aliquid suscepit, fidei & religionis se vinculis adstrictum censet sanctissimis. Hoc adjuvante, utramque nos molem, modo porro faveat nobis Deus, suo tempore emolitueros, læta spe præcipio. Ceterum significare ista publice visum est, tum ut consilia sua & operas, de quibus ante dictum est, conferant, quos rogamus humanissime, homines eruditi, tum ut bibliopola, in tempore admoniti, possint sibi prospicere, & in lucri partem, qua dictum est ratione, venire. Bona quidem fide agi omnia, & malam omnem fraudem ab hoc consilio abesse, si quis me bonum virum putat, in quo diligenter equidem elaboravi, credere illum, & securum esse jubeo. Göttingæ, Cal. Octobr. clō Lcc XXXVIII.

NOVA ACTA ERUDITORUM,

publicata Lipsiæ

Calendis Martii Anno MDCCXXXIX.

Pars II.

VERONA ILLUSTRATA. PARTE PRIMA, &c.

h. e.

VERONA ILLUSTRATA. PARS PRIMA, continens historiam illius civitatis, simulque antiquarum Venetiarum, ab origine usque ad Caroli M. in Italiam adventum. Pars altera, complectens historiam literariam ac notitiam de Scriptoribus Veronensibus. Pars tertia, continens notitiam rerum in ea urbe perquam memorabilium. Pars quarta & ultima, exhibens auctam editionem secundam libri de Amphitheatris, ac speciatim de Veronensi.

Veronæ, typis Jacobi Vallarsii, ac Petri Antonii Berni,
1731 & 1732, fol. maj.

Alph. 6 plag. 6½.

Illustrissimi Marchionis Scipionis Maffei, fama super æthera noti, Opus in compendium redigere tentamus, in quo elaborando & perpoliando omnes ingenii vires Autor inclytissimus contendit, ut Scriptoris diligentissimi laudem ferret, & utilia cum dulcibus conjungeret. Opus, Partes in quatuor distributum, splendide & curate exiit, & velut quædam Phidieæ statua oculos mentesque omnium in sese convertit. Serenissimo Duci ac excellen-

T

cellen-

cellentissimi Senatoribus Venetorum reipublicæ, ex Romana descenditis, Volumen hoc satis grande fuit dicatum & inscriptum. *Parti prima Libris* constat undecim, & accessione nonnullis. Originem Veronæ Autor a Thufcis, Thufcos a Lydis, repetit. Nominatim *Plinius Hist. Nat. III, 19*, Veronam ab Euganeis & Rhetis primo cultam esse, refert. De Henetorum, seu Venetorum, natalibus & origine intexit Autor conjecturas satis probabiles. *Livius Lib. V* refert, Hetruscos omnia ad Padum sita occupasse, excepto Venetorum angulo, qui, teste *Polybio*, fuerunt *Ἐθνος πᾶντι παλαιόν*, *geni antiquissima*. Mantuæ origines ipse a Thufcis Venetisque, cum *Servio*, ducit. Quarta Romæ factio, circo propria, vocabatur Veneta, colore, qui mare refert, insignis. Ex habitu & ornamentis aurigarum & equorum, quibus color ille familiaris fuit, ortum est nomen coloris. *Fanucius Campanus*, Euganeorum metropolin fuisse Veronam, sed citra rationem sufficientem, credit. Alii eam reputant pro Gallorum-colonia. Sed falso. Nul- lum enim Gallis favet vestigium, si Veronensium linguam res- pexeris. Legitur vulgo in *Catulli Carmine LXVIII* hoc Distichon:

Flavus quam molli percurrit flumine Mello,

Brixia, Veronæ mater amata mea.

Ostendit Ill. Autor in libello *dell' amica condizion di Verona*, verum hunc esse a librario intrusum ac supposititium. At, quia ea sententia doctis nonnullis visa fuerat durior, jam in ea copiosius exponenda ac comprobanda omnes contendit nervos. Addit, illud in tribus *Catullis* Vaticanis non legi, quorum unus exstiterit olim *Fulvii Ursini*; fluvium vicinum dici ab antiquis Mellam, non Mellonem, qui ab occasu Brixiam præfluat; *Cellarium* frustra vocem *percurrit* mutasse in vocem *præcurrit*. Gartiam fluvium per urbem fluere Brixiam, non Mellam; contextui orationis id Distichon esse grave & inimicum. Refert *Livius Lib. V Cap. 35*, Gallorum *manum*, *Elitovio* duce, transisse Alpes, & ubi nunc *Brixia ac Verona urbes sunt*, *consedisse*. Monet Noster, legendum esse: *Brixia & Cremona*. Ipse quoque *Plinius*, qui *Librum* suum *tertium* ex *Livio* collegit, legit: *Brixia & Cremona*. Imo ipse *Livius* *Cenoma-*

nis Gallis *Lib. XXXII* non nisi *vicer* tribuit, *Brixiamque*, *quæ caput gentis fuerit*. Hac occasione emendat Autor locum *Serabonis*, in cuius *Lib. V* legitur *Ordia*, *Epiterpo*, *Ucetia*, & *Isonbri*, ac *Sumbrii*, loco vocum *Concordia*, *Opitergio*, nunc *Oderzo*, *Vicetia*, nunc *Vicenza*, & *Insubri*. In *Novella XI Justiniani* legendum esse inonet *Sirmium*, loco *Firmi*. In *Aurelio Victore Schotti* legitur, *Othonem* victum esse *Veronensi pralio*, ubi legendum sit: *Cremonensi pralio*. Ita in *Lib. V Zofimi* legendum est *Verona* loco *Cremona*. Veneti Gallis Senonibus, Roma vel reversis, vel repulsis, sese opposuerunt, 400 annis ab urbe condita, *Polybio* teste. Unde reipublicæ elucet fortitudo antiquissima. Aquilejæ nomen adhæsit a fluvio *Aquilo*, quem alii *Natisonem* vocarunt. Non vacat delibare singula, ad historiam *Veronæ* vicinique tractus ab Illustrissimo Comite solido deducta & exposita nexu. Ostendit idem curate, errasse *Josephum Scaligerum*, qui crediderat, urbes a *foris* cognominatas infervisse publicis conventibus judicialibus. Nam nonnulla loca a *foris* dicta fuere vici & castella. *Forum Gallorum* erat vicus, testibus *Cicerone Lib. X Ep. ad Famil. 30*, & *Appiano de Bell. civ. Lib. III. Forum Julii* non a iudicio, sed eo, sic dictum fuit, quod *Julius Cæsar* forum *negotiationis* ibi statuerat, teste *Paulo Diacono Lib. II Cap. 14*. Quæ in scriptoribus Romanis leguntur passim de Gallis Transpadanis, ea hic copiose solideque edisseruntur. Civitates ejusdem coloniz vel urbis a *Cicerone* aliisque vocantur *municipes*, ac coloniz passim vocantur *municipia*. Verona tempore *Triumvirorum* postremorum fuit haud secus, ac alia loca vicina, *Antonii* partes secuta, coloniis distributa. Eam ob causam ipsa vocatur *misera* a *Virgilio Ecl. I & IX*. Verona dividebatur olim in decuriones ac plebem. *Lepiesi*, apud *Gruterum* ac *Reinesium* obvii, emendandi sunt in *Lebacher*. Quinquennialis magistratus fulgebat honore fascium. Duumviri juri dicundo erant fere in universis Galliz transpadanz civitatibus. Alicubi floruerunt etiam *Quartumviri ad judicandum*. In coloniis præterea muneribus aliis publicis locus quoque fuit datus. Erant in eis *Quæstores æarii*, *Ædiles*, *Duumviri cum potestate fascium*. In civitatibus liberis magistratus habebat jus

Pag. 27.

33.

75.

76.

86.

89.

91.

- Fig. 94. supplicii; in municipiis vero jus castigationis minoris, ut patet ex *D. Lib. II Tit. I leg. 12, Ael. XVI, 19, 22, 35, Tacito Hist. Lib. IV*. Hoc ipsum ab Illustrissimo Autore solidis argumentis, haud secus ac cetera, edisseritur. Quid fuerint *sacra Romanensia*, exponit, quæ ignota exsisterant doctissimo *Fabretto*. De vocibus geographicis, *caput & civitas*, plerumque non sat cognitis, egregie commentatur, earumque significatu in lucem producto, loca detegit, in quibus sitæ fuerunt *civitates* haud unæ, in monumentis veterum commemoratæ. Nec omittit dicere de situ multorum oppidorum, quorum in Inscriptione arcus Susensis fit mentio.
215. Et, cum magna doctorum pars communem habent opinionem, imperante *Augusto* Italiam in provincias fuisse divisam, ipse ostendit, divisionem regionum & divisionem in provincias toto celo differre. Lapides, quibus Romani miliaria sua designabant, non notarunt genus miliarium, quod tunc in Italia increbuit ac receptum est. Milliare enim Romanum antiquum erat mitus parte quinta, si cum Italico milliari in comparationem adducatur. Id argumentis solidioribus idem ostendit. Perigraphen numi seu numismatis, quod *Maximianum* Cæsarem refert, ac muros turresque cum quatuor figuris immolantibus repræsentat, huc usque incognitam: VERONANPRITE COND ita exponit: VERONA NOVA PORTA RITE CONDITA. Simul ac ipse de occupata per *Constantinum* Veronæ exponit, de *Indictionis* indole, una primariorum Epocharum, adjicit haud trahiticia, ratus, scriptores sese aliosque fefellit, qui crediderant, Indictiones, obsidionem Veronæ antecedentes, quibus pensionum exactiones publicæ indieebantur, a *Maxentio* esse constitutas. Contra ea ipse, eas a *Diocletiano* profectas esse, demonstrat, terrisque duntaxat, quæ Langobardiam nunc faciunt, impositas, non argento, sed alimentis venalibus mercibusque, exsolvendis. Plerique putant, formam imperii a *Constantino Maximo* instituti male confundi cum ea, quæ eam præcellerat. Ut id ipsum quidam comprobaret, ad *Inscriptionem* provocat. Noster viginti Inscriptiones Veronenses, peræque spurias, in medium producit, mirans, cur nemo huc usque tentaverit *Artem criticam lapidarem*, in *Historia antiqua*

- Pag. 307. residere. Gothos vel Langobardos esse architecturæ irregularis, quam appellamus *Gothicam*, inventores, negat, ratus, hosce exstruxisse domos e ligno, Italos vero, novitatis studio ductos, artem depravasse. Linguam Italicam non ex commixtione Germanicæ linguæ, sed ex abiectione consonantium finalium, vocibus Latinis propriarum, ortam esse, existimat. Immutatio hæc increbuit in Italia, antequam barbaræ gentes Italiam inundarunt. Eodem fato pressa jacet lingua Græca antiqua. Modos scribendi vulgo numerant quinque, Latinæ scripturæ accominodatos, videlicet *Romanam*, *Gothicam*, *Langobardicam*, *Saxonicam*, & *Franco-Gallicam*. Autor, hæc scribendarum literarum genera esse pariter Romana, luculente it comprobatum. Chartæ Langobardicis literis scriptæ sunt antiquiores ipso Langobardorum in Italiam adventu. Idem de Gothicis est affirmandum. Ne Historia ecclesiastica Italiz fictionibus opprimatur, suadet Autor, ut catalogis antiquissimis, e diptychorum serie desumptis, suum pretium statuatur. In fine *Partis primæ Inscriptiones* rariores, ex parte ineditæ, & *Acta*, e Seculo V residua, in lucem proferuntur.

Pars secunda, Libris quinque comprehensa, historiam Veronæ literariam recludit, seu, ut accuratius loquamur, *Bibliothecam Scriptorum Veronensium*, chronologice adornatam, exhibet. Numerus Scriptorum ad 700 assurgit. A. 1465 in numero 29 Academiarum Veronensem septimo loco numeratam esse, ex colloquio Pragensi Anti-Hussitico, tunc habito, significat. Præcedebant eam Romana, Bononiensis, Parisiensis, Oxoniensis, Tolosana, & Salamanticensis. Qui sese *Veronenses* dixere, haud universi eam ob causam nati fuerunt Veronæ, sed veritatis studiosos sese indicare voluere. Hæc Autor in Præfatione ad *Partem alteram*. *Virgilius* vocatur *Andinus vates*, Andibus quippe natus. Credidere multi, Pietolam ab Andibus haud differre. Sed *Maro* sese ibi natum significat, *qua se subducere colles incipiunt*, id est, a latere territorii Veronensis. Autor pagum *Bande Virgilio* patriam assignat, credens, literam B Æolismum voci Bandi adherere. *Catulli*, 26. *Cornelii Nepotis*, *Æmilii Macri*, *Pomponii Secundi*, *Cassii Severi*,

P. II
pag. 6.

26.

Pag. 177
seq.

182 seq.

263.

viu exponendi motus planetarum detexit. *Scaligerorum* gens in *Josepbo Scaligero* intercidit, de cuius patre, ejusque in Guien-
nam secessu, Ill. Autor copiose commentatur. *Ludovici Noga-*
rola, aliorumque complurium ejus ætatis doctorum Virorum,
qui Veronæ floruerunt, opera MSta ipse celebrat, & ex parte de-
signat. *Hieronymus Fracastorius*, cujus *Vitam Menckenius*, Col-
lega noster, separatim edidit, ab eo laudibus evehitur, eo quod
Philosophus, Mathematicus, Medicus, & Poeta exsistit inu-
sitatæ diligentæ summique judicii, quod Philosophiam corpus-
cularem amavit, usus est telescopio, & carmina pepigit secunda
Minerva. *Panvinus*, licet anno ætatis 38 mortuus, volumina
conscripsit multa, quorum catalogus hic textitur. Antiquita-
tum Romanarum, Historiæ ecclesiasticæ, & Chronologiæ con-
sularis, complexum primus adumbravit. Inscriptiones quan-
tum ad Historiam conferrent, noverat probe. Primus in *An-*
nium Viterbiensem calamum strinxit. *Caracallam* omnibus
sibi subjectis gentibus impertisse civitatis Romanæ jura, ante
Salmasium, *Valesium*, atque *Spanhemium*, jam ostendit. Ama-
tores Musices A. 1543 primi novam Veronæ Academiam ape-
ruerunt, assumpto cognomine *Philharmonicorum*, pauloque post
consilia inierunt, studia cujuscunque generis philologica & phi-
losophica amplificandi. Ex hoc Collegio *Remundus* novam
stellam in *Calliopea* primus ostendit A. 1572. *Ludovicum Li-*
lium, famosum Calendarii emendationis *Gregorianæ* autorem,
Veronensem fuisse, nonnulli perhibent, quem Ill. Autor Cala-
bris vindicat.

P. III. Hinc *Partem tertiam* recludit, qua, quicquid in urbe & ter-
ritorio Veronæ memoria dignissimum existit, cum Lectore com-
municatur. Præmissa apparet urbis ac munimentorum ejus
accurata delineatio, describitur dominandi ratio, regiminisque
forma, vires, indoles, reditus, commercia, & jurisdictio terræ,
quam Veronensem vocant. Antiquitates Romanæ, quibus Ve-
rona conspicua existit, tractantur. Quarum principatum obti-
net Amphitheatrum illud famosissimum, cujus descriptionem
Pars quarta complectitur, libros duos illos denuo sistens, quos
Autor jam A. 1728 Veronæ edidit, & nos ample satis in com-
pendio

pendio recensuimus *A. 1729 pag. 298 seq.* in hisce *Actis*. In *Parte tertia* autem disserit Autor præterea de theatri reliquiis, de capitolio, de pontibus, ac de aliis, quibus Romani Romam ornarunt, ædificiis, de loco, in quo situm fuit Regis *Theoderici* palatium, de domicilio & sepulcro *Alboini* Regis, ac de parte mœnium, ævo Imperatoris *Gallieni* constructorum. In hac murorum parte restat porta bivalvis, qualem veteres *emeritam* vocabant, & quam nonnulli pro arcu habuerunt. Regulas ipse adjungit aliquot, quibus portæ ab arcubus poterunt distinguî. Persequitur deinde observationes suas, ad Architecturam referendas. De ordine columnarum composito imprimis disserit, qualis in Arcu *Titi* ac reliquiis Veronæ superest, sed addit, capitula columnarum inferiorum esse ordinis compositi, superiorum vero ex ordine Corinthio. Exponit porro de arcu celebratissimo, quem *Vitruvius Cerdon* architectatus fuit Veronæ, constantem ordine composito & proportionem Corinthiam. De arcubus ita disserit, ut tres errores vulgo susceptos profliget, negans, omnes arcus exstitisse triumphali causa, eos Imperatorum honoribus fuisse consecratos ac erectos, ac exstructos esse ad victoriarum reportatarum celebritatem. Descendit deinde ad antiquitates Christianas enucleandas, quas Verona præbet spectandas, nominatim sepulcra, reliquias templi cathedralis, & baptisterium octo facierum, decimoque Seculo antiquius. Tractat tandem expositionem de ædificiis, quibus jam florêt effulgetque Verona, de foro lapidibus perpulcre munito, de theatro, quod *Franciscus Bibbiena* exstruxit, de hortu amœnissimo, de muris ac propugnaculis, de arte muniendi, eisque, qui de ea inde a 200 annis ac ultra scripserunt, de primo inventore propugnaculorum triangularium, *San Michaele*, ac primo hujus naturæ propugnaculo Veronensi, de picturis celebrioribus, de Museis & rariorum rerum receptaculis, de Manuscriptis, de marmoribus antiquis, de singularibus territorii Veronensis, ac erroribus *Maximiliani Missoni*, quibus iter Italicum contaminaverit. Ut autem felix est Verona, quæ tantum præconem, tamque doctum & illustrem Scriptorem, nacta fuit; ita Italis omnique Europæ gratulamur de tali topogra-

Pag. 33.

42.

46.

73.

107.

119.

pographiæ documento, quod seram posteritatem ad admirationem, reliquosque patriæ suæ amatores ad imitationem, concitabit.

GUILIELMI VANDER MUELEN, Domini d'Oudbrouchuysen, supremae Trajectinae Curiae Senatoris, *Dissertationes Philologicae de Die mundi, & rerum omnium natali, complectentes historiam creationis juxta seriem & ordinem a Moyse descriptum Cap. I & II Genes. Accedit Defensio Dissertationis de Origine Juris Naturalis, opposita SIMONIS HENRICI MUSÆI, D. & in Academ. Kilon. Jur. Nat. & Gent. Prof. Vindiciis Juris naturalis paradisiaci, contra prædictam Dissertationem editis. Editio secunda, aucta cum Dissertatione tertia ad Cap. III Genes.*

Partes II.

Trajecti ad Rhenum, apud Herm. Besseling, 1738, 4.

Pars I Alph. 3 plag. II, Pars II Alph. 3 plag. 7.

Opus creationis hominem merito ad prudentem *νῆπον* excitat. Ex illo quippe non solum sempiterna Dei potentia ac divinitatis vis, verum etiam virtutes ac perfectiones divinae, luculenter apparent. Ab illo supremum Numen initium exequendarum molitionum suarum fecit, quas tum circa totum hoc universum, tum singulas illius partes, tum speciatim hominem, ejusdemque diversum statum, ab æterno, liberrima tamen voluntatis determinatione, constituit; in illo prima semina historię omnis ac originis rerum qualiumcunque sunt quaerenda. Quo de opere, effectore ejus, successu, ordine, sine coærtius judicium proferre licet, quo firmitus persuasum nobis est, ejus historiam a Scriptore divinitus ducto, adeoque falli nescio, verbis planis atque dilucidis perscriptam esse; cum profani Philosophi circa rerum omnium ortum misere cœcutiverint, mundum vel *æternum*, vel ex *materia* Deo *coæterna* formatum, vel

vel ex divina natura fatali quadam necessitate promanantem, statuentes, vel denique ad cæcum aliquem naturæ lufum, fortuito impetu quæque *compingentem*, temeraria persuasione ducti, delabentes. Quæ causa est, cur tum præci, tum recentiores, Ecclesiæ doctores historiam creationis, a *Mosè* consignatam, Commentationibus suis illustrare sint aggressi, quorum alii, filium historiæ legentes, singula verba ac sententias excusserunt, ordinem operum divinorum enarrarunt, ac ab ἐμπεικτικῶν φλυαρίαις vindicarunt, alii arcaniorem significationem tum generatim totius operis, tum speciatim singularum illius partium, subjunxerunt. Prioris generis Commentatoribus accensendus est Amplissimus Autor, aliis jamdum scriptis, potissimum vero *Annotationibus in Hug. Grotium de J. B. & P.*, eruditus cognitus, qui, cum illustri munere apud Trajectinos suos fungatur, a persona tamen sua alienum haud duxit, horas subsecivas Scripturæ sacræ scrutinio destinare: cujus sui laboris documentum aliquod, idque satis eximium, cum erudito orbe communicat. Appellat *Dissertationes* has *philologicas*, cum tamen maxima ex parte sint argumenti theologici, vel moralis, non alia sine dubio de causa, quam quod ex notitia linguæ Ebrææ ac affinium, Historia præci, Scriptoribus antiquis, ac omnis literaturæ apparatu, ea affert, quæ ad illustrandum *Mosén* aliquid facere judicavit. Nec opera ejus versatur circa solum creationis opus, verum etiam hominis statum, qualis ille in concreata perfectione conspicuus, per peccatum labefactus ac prostratus, tandemque per gratiam divinam restitutus fuit. Prius agit *Dissert. I & II*, posterius *III*. Sistitur igitur in hisce Dissertationibus luculentus Commentarius trium priorum *Capitum Genesios*, in quibus non facile aliquid, quod notatu dignum, prætermittitur. Ut autem potiora momenta, in quibus vel argumentum aliquod dedita opera explanatur, vel ab aliis interpretibus disceditur, brevibus enotemus, postulare & instituti nostri ratio, & argumenti dignitas, videtur.

Posteaquam, mundum non ab æterno exstitisse, sed in principio, a quo omne tempus fluere cœpit, conditum esse, docuerat, ac sententiam *Simplicii*, *Avicennæ*, aliorumque Peripatetico-

- ticorum, Deum mundum ab æterno necessario creare debuisse, asseverantium, refutaverat, ipsamque materiam, ex qua omnia facta sunt, Deo ortum suum debere, solidis argumentis evicerat;
- Pag. 1-15.** creationem potius per *productionem rei per imperium*, quam *productionem ex nihilo*, definiendam esse judicat, causatus, etiam res, quæ ex materia jamdum facta emerferunt, creatas fuisse,
- 15 seq.** ac verbo oris Dei omnia produisse, sacras literas testari. Quam creandi potentiam soli Deo vindicat, nec cum ulla re creata communicari posse, contendit. Per *spiritum aquis incubantem* non *angelum*, nec *ventum*, nec *animam mundi*, quam prisca Philosophi, Stoici maxime, sunt commenti, sed *Spiritum Dei*, intelligendum esse ostendit, locutionemque hanc, ab avibus petitam, illam vim Spiritus Sancti, qua res omnes corporeas suo ordine, suæque pulchritudine, ex materia informi eduxerit,
- 54-58.** indicare. *Lucem primigeniam* fuisse *collectionem materiae lucida*, vicissitudines diei ac noctis tribus prius diebus efficientis, quæ postea magis exornata, solem atque sidera constituerit.
- 59-63.** *Aquas supracælestes* non esse nisi *nubes*, aquarum terrestrium collectionem in cavitates factam fuisse, terra forte per *tonitrua*, vel *motu vehementiori*, fissa diruptaque: ex qua aquarum collectione, quæ oceanum efficiat, omnia maria, fontes, atque
- 63-74.** fluvii, ortum suum ducant. *Atheos* pejores esse paganis, quibuscum nulla amicitia, nulla pax, nulla societas, conciliari queat. Tertio die terram omnis generis arboribus instructam fuisse; ex pororum diversitate derivandam esse fructuum diversitatem: quæ pororum diversitas faciat, ut succus nutritius aliam
- 81 seq.** itemque aliam formam accipiat. Ad opus tertii diei refert quoque *metallorum*, *marmorum*, atque *fossilium*, productionem, illorum ideo *Mosen* nullam facere mentionem putans, quoniam
- 84 seq.** tantum in terræ *adspectabilis* descriptione fuerit occupatus. Occasione demonstrationis, solem a Deo productum fuisse, multa disserit de cultu solis antiquissimo, ejusdemque variis apud diversas gentes appellationibus; per *Valentinianorum Abraxam*, cujus vocis singulæ literæ numerum 365 efficiant, quantum pariter nomen *Mithras* constituat, solem intelligendum affirmat; figuram simul *Abraxæ* exhibet, solemque *æternitatis* symbolum habitum fuisse.

fuisse, ex numo *Fl. Vespasiani* probat. Contra *annihilationem* Pag. 92-103.
mundi copiose disputat, eamque nec secundum rationis dicta-
men, nec Scripturæ oracula, fieri posse docet, mutationem ve-
ro aliquam, quod ad *qualitates* atque *formam*, & quidem per 110-121.
ignem, olim passurum esse, non diffitetur. Numerum stella-
rum, ex luce primigenia & materia cœlesti factarum, soli Deo
cognitum, iniri non posse, & licet alii 1022, alii 7000, nume-
rent, illorum tamen laborem vanum esse, judicat, cum, si qui-
dem notabiliores observari possint, semper tamen novæ in con-
spectum prodeant, quin imo in *via lactea* innumera illarum 129-131.
series contineatur. Pisces ex aqua, aves e terra productas
esse, ductu *Cel. Pfeifferi*, ex *Gen. I, 20*, probat, ubi per *atnach* 185-186.
illud, & *volucris volat*, a superiore segmento distinguatur.
Animalcula, quæ ex putredine gignuntur, cujus generis esse
ait *pulices, mures*, alia, non *formaliter*, sed *potentialiter*, sexto
die, & quasi in *seminali ratione*, producta fuisse, docet. *Ada-* 195.
munum creatum fuisse ætate fere *sexagenarium*, quoniam Patriar-
chæ antediluviani ab illa ætate procreandis liberis operam dare 211.
coeperint. Animas omnes in primo rerum ortu creatas fuisse
negat, sed *immediate* a Deo produci, eas immortales esse, nec tres
partes in homine constitui debere, contendit. Sedem animæ cum 221-253-
Cartesio in *glandula pineali* quærendam esse opinatur. *Adamum* 274 seq.
non factum esse *ἀνδρόγυνον*, nec ex integro *latere* formatum,
sed *costa*, carne vestita, in qua *semen* quasi *prolificum* fuerit.
Quare autem illius formatio ex *costa*, non *capite*, vel *pede*, fuerit
facta, illius rationem investigat. De loco & tempore creatio-
nis *Adami* & *Hevæ* hoc sentit, *Adamum* extra paradisum, *He-* 304-307-
vam intra illum, formatum fuisse: quoniam autem ad hujus for-
mationem, introductionem in hortum, adductionem animan-
tium ad *Adamum*, nominum impositionem, haud exiguum tem-
pus fuerit requisitum, non *sexto* die, sed illo *elapso*, conditam
esse *Hevam*, arbitratur. Ubi de conjugio disputat, societatem-
que conjugum archissimam esse adstruit, contra nonnullos ne- 309 seq.
gat, tempore extremæ famis, vel alterius necessitatis, patri
potius atque matri, quasi autoribus, quam conjugii, subveni-
endum esse. Conjunctionem viri & fœminæ per conjugium 312-315.

- excludere omnem vagum concubitus & promiscuam venerem, *polygamiam* interdictam esse non tam *Jure divino naturali*,
 Pag. 323-341. quam *positivo*, existimat. Dominium in creaturas inferre simul
 carniū esum, probat tum ex ratione dominii, tum ex *Gen. I,*
30, ubi לַחַיִּים מִכָּל הָאָרֶץ & לְכָל הַבְּהֵמָה לְאֹכֶל טֶרֶם idem significet, quod כָּל, inclusio-
 nem denotans, uti *Gen. IX, 3*, tum ex sacrificiis in recenti mun-
 do paratis, tum denique, quia sic sub peccato, quam in sta-
 tu integritatis, ampliori jure frui fuissent. Ad imaginem Dei
 372-375. conditum esse hominem, agnovisse etiam paganos, illamque
 non consistere in *corpore*, quod *anthropomorphita* olim finge-
 bant, nec in ipsa *essentia divina communicatione*. Dispe-
 375-378. scit illam in duas partes, *naturalem* ac *moralem*. Ad *naturalem*
 refert naturalia attributa animæ, spiritualitatem, facultatem in-
 telligendi atque volendi, ad *moralem*, rectitudinem ac sanctita-
 378-386. tem voluntatis. Indiciū illius animadversum fuisse ait, ubi ani-
 malibus imposuerit nomina, ad quod non *philosophica*, sed *hi-*
 386-387. *storica*, cognitio requisita fuerit. Consequens imaginis divinæ
 constituit in immortalitate, non animæ solius, sed totius homi-
 nis; hinc, mortem demum a peccato arcessendam esse, contra
 390-397. *Socinum* monstrat. In *Cap. II Gen. ἀνακεφαλαιώσιν* & ube-
 riorem explicationem eorum, quæ in *Cap. I* describuntur, conti-
 401. neri dicit. Vocem מִלְחָמָה *Gen. II, 1*, non vertit per *ornatum*,
 quo sensu in V. T. non veniat, sed per *exercitum*, docens, ex-
 exercitum *calorum* esse sidera & angelos, *terra*, homines, animalia,
 403-405. & omnia terræ crescentia. Sabbathum periodicum impera-
 tum fuisse *Adamo*, negat, cui omnia tempora sancta fuerint,
 quique per omnem vitam in Deo colendo venerandoque occu-
 patus esse debuerit: igitur præcipue intelligendum esse de
quiete Dei, per *prolepsin* autem de sabbatho hebdomadali ac-
 414-425. cipi posse, nec verba decalogi, *memento sabbathi*, veterem
 institutionem indicare, sed tantum hac locutione mandatum
 Dei fortius inculcari, uti *Job. VII, 7, XXXVI, 24*. Ipso autem
 illo hominem ad perpetuum sanctitatis studium obstrictum
 fuisse: cum autem is ob peccatum in cultu Dei se negligentio-
 rem præbeat, & magis de corporis commodis, quam æterna
 425-427. salute, sollicitus sit; Deo fuisse visum, *septimum* diem ab aliis se-

fegregare, ejusdemque observationem Israelitis præscribere. Inde hoc infert, præceptum de celebrando sabbatho esse *positivum*, hoc autem *moralitatis* eidem inesse, ut cultus divinus certo ac definito tempore administretur. Docet porro, initium *Cap. II Gen. a v. 4* rectius duci posse, per תולדות *rerum omnium originem* significari, scribi autem vocem hic loci *integre*, uti etiam *Ruth. IV, 18*, cum alias *defective*, omisso ך, exprimatur, quo sic ex Judæorum sententia secreto indicetur; mundum a principio perfecte productum, sed, *Adami* peccato corruptum, restituendum esse per *Messiam*, filium *Davidis*, qui ex posteris *Pharæ* natales suos repetiturus esset. Nomen ירהוה, quod primo omnium occurrit *v. 4*, proprie designare illum, qui ab æterno ante jacta mundi fundamenta decretum fecerit de rebus, quas in tempore in actum deducat, quique faciat, ut decreta & promissa sua exitu & eventu compleantur. Ubi de formatione hominis verba facit, adducit sententiam veterum, existimantium, *filium Dei humana sub imagine in terram descendisse, hominemque in hanc effigiem finxisse*, cum de illo dicatur, *per ipsum facta esse omnia*: sed probationem eidem deesse, non sine ratione affirmat, nullus tamen asseverare dubitans, ab hac prima hominis formatione Deum in sacris oraculis passim *figulum* appellari. Hortum a Deo plantatum appellari Græcis παράδεισον, locum delictis ac voluptatibus sepositum, quæ vox a Persis orta, inde ad Græcos dimanavit; de cujus diversa derivatione atque scriptione, cum nonnulli παράδηςος scribi velint, differit. Per *Edenem* regionem intelligendam esse, probat ex præfixo ג, quo ipso declaratur, non solum esse nomen proprium, verum etiam esse locum ab *amœnitate & deliciis* denominatum. Circa investigationem situs paradisi tantum fere laborem infumtum esse, quantum ad lapidem Philosophorum inveniendum. De illius situ tres cumprimis in medium producit sententias; *Tillii*, paradisum in *Mesopotamia* quærentis, illorum, qui in *Babylonia*, ejusque parte vel *superiori*, vel *media*, vel *infima*, constituunt, *Jo. Henr. Heideggeri*, in *terra sancta* locantis, ac *Jordanem* fluvium paradisiacum nominantis. Quarum sententiarum momenta ubi ponderaverat, ac difficultates, quibus premuntur, expromserat, calculum

Pag.
427-433.

433-436.

436 seq.

437-448.

450.

451-453.

453 seq.

456-459.

- culum suum adjicit illis, qui paradisum in Edenis regione versus Orientem circa Mesopotamizæ atque Babylonizæ confinium prope *Apamiam* ponunt, quæ sententia olim fuit *Calvini*, & a qua non alieni exstiterunt *Bochartus*, *Steph. Morinus*, & ex parte *Huetii*. Ita vero mentem suam exponit, Tigridem & Euphratem, pervadentes regionem Eden, ubi accesserint hortum, conjunctos cursum suum prosecutos esse, quorum duo nomina sua Tigridis & Euphratis retinuerint, duo alii Gihon & Pischon dicti fuerint; divisionem autem illam non intra Edenem, nec hortum, factam esse. *Pischon* non esse *Paso-Tigrim*, nec *Gangem*, sed potius ostium Euphratis occidentale, *Gihon* ejusdem ostium orientale; atque sic a *Calvino* discessionem facit, qui *Havilam* ad orientem in *Susiana*, cum tamen ad occidentem sit sita, *Cbus* vero cis Euphratem & *Tigrim* in Arabia collocat, atque ita Gihonem fluvium, ostium Tigridis orientale, facit occidentale. *Pischon* nomen suum trahere ex rad. *פיש*, vel *פישפ* abundavit, diffudit se, quoniam patitur graviores aestus maris, qui tam æ adscendant, ut, quamvis aggeribus muniti, nihilo tamen minus late satis agros inundent. *Cbavilam* esse regionem prope solitudinem *Sur*, inter Ægyptum, Assyriam, & Palæstinam, quem tractum posterius *Ismael* possedisse videantur, quæ regio multo auro abundet, unde absolute *Arabia dives* nuncupetur, quod ipsum testimoniis & Scripturæ & profanorum Autorum confirmat. Per *ברלח*, recensitis variis virorum doctorum suspicionibus, intelligi vult *uniones*; cui sententiæ favere putat locum *Num. XI, 7*, maxime cum, probante id *Huetio*, nullibi locorum pulciores, & quidem majori copia, quam in mari, capiantur, quod circa *Babarcinam* est; sinus Persici insulam; per *שדום* *sardonycha*, quæ, teste *Plinio*, in Arabia inveniatur, nec Scripturam hic adversari, quæ Arabiam omnis generis lapidibus pretiosis divitem pronuntiet 1 *Reg. X, 2 Chron. IX, Ezech. XXVII, 22*; *Gihon* appellatum esse vel a *גיה*, erupit, exivit, vel a *גיה*, venter, illum autem non esse Nilum, secundum sententiam *Josephi*, qui ortum suum non ducat ex *Euphrate*, seque non in sinum Persicum, sed mare mediterraneum, exoneret. Terram *Cusch* esse illam regionem, quæ Persis *Cbuzestan*, aliis *Susiana* & *Cisfia*, nominetur, quam sententiam

- hoc probatorium *nullas leges, vel positivas, vel naturales*, quod ipsum olim statuit *Lamb. Valtusius*, *injunctas* fuisse. Inde primam originem litis cum *Cl. Simone Henr. Musæo* pandit, hypothesein suam argumentis munit, sequæ a Socinianismi ac Pelagianismi suspicione immunem præstat. Per mortem, quam interminatus erat Deus, omnis generis mortem intelligendam esse, docet. Animantia ad *Adamum* fuisse adducta, partim ut nomina imponeret, partim ut illorum contemplatione sui præ illis præstantiam cognosceret, partim ut dispiceret, num ex illis adjutorium sibi conveniens inveniret. Pisces adductos non esse, vel quia, ex illis adjutorium nullum *Adamo* esse posse, certum erat, vel quia extra aquas statim periissent, vel quia Deo non placuerit. Adductionem hanc ex mente *Cajetani* non per *visionem* aliquam *intellualem* concipiendam esse, sed fuisse *adductionem realem*, quæ facta fuerit ante *Hevæ* formationem, accessisse autem per instinctum aliquem naturalem, quem Deus illis indiderit, ut se sponte sua *Adamo* siterint. In imponendis nominibus usum fuisse *Adamum* lingua *Ebrææ*, cujus usus a Deo *Adamo* & *Hevæ* ad societatem colendam divinitus concessus fuerit, quæque post exstructionem turris in varias dialectos abiit, in *Heberi* autem familia incorrupta permanferit. Benedictione conjugio addita, approbasse quidem Deum matrimonium, eandem vero non necessitatem ineundi conjugii injungere, cum ad illud obligatio naturalis non detur. Vestibus primos parentes non indiguisse, quia justitiæ splendore toti contexti fuerint, nec ob cæli temperiem frigus perferent, nec ullus in illis pudor, cum alicujus mali conscii sibi non essent, fuerit.
- Posteaquam igitur felicitatem primorum hominum fuisse explicaverat, *Dissertatione tertia* demonstrat, qua ratione illa exciderint. Serpentem fuisse *naturalem* serpentem, in quo fuerit spiritus aliquis, probat ex loquela; illam enim ante lapsum animantibus propriam fuisse, hand largitur. Diabolum usum fuisse serpente, docet, quia is calliditate, id est, celeritate motus corporis, alia vincebat animalia, nec mulierem ad serpentis sermonem obstupuisse, quia nondum usu edocta fuerit, animantibus tantum loquendi facultatem adesse. Particulas *כ* *אנ* *Cap. III.*

cum Chaldaeo interprete convertit per *etiamne, itane verum est*, adeoque aliquid de praestantia hominis, de absoluto ejusdem in res omnes dominio, de singulari Dei in hominem benevolentia, praecessisse, ut sic *Hevam* eo adduceret, forte verba Dei non recte percepisse, ipsam autem responso satis testantur, se praeceptum Dei probe intelligere, nec quidquam de suo addidisse, cum verbum *וַיֵּלֶךְ* proprie significet *aliquid eo animo arripere, non ut abjiciamus, sed utamur*, Gen. XXVI, 11, Jer. XII, 14, nec *Hevam* dubitationem aliquam praese tulisse, dicendo *וְהָיָה כִּי יִשְׁמַע*, quoniam particula *כִּי* aliquando *af-* Pag. 18-28
severet, & confirmet rem vel praeceptum, Ps. II, 12, L, 22, Levit. X, 7, Ruth. IV, 6. Diabolum, dicendo: *nequaquam moriemini*, v. 4, non hoc agere, ut Deum mendacii alicujus insimularet, vel *Hevam* metu mortis eximeret, sed potius se tanquam Dei legatum fingere, qui verbis illius hominem certiores redderet, *legem positivam una cum poena sublatam esse*, quam sententiam, a *Marckio* improbatam, fulcit; unde verba, *novit Deus*, non tanquam *jurisjurandi* formulam accipit, sed de *scientia* Dei interpretatur, qua conscius aeterni sui consilii, praestita jam ab ipsis obedientia, *abrogationem legis probatoria* 28-42.
constituerit. Apertionem oculorum non innuere apertionem oculorum corporis, sed *majorem longe cognitionem*, quam ipsi impetraturi essent, ut futuri sint tanquam *אֱלֹהִים*, cum Deo multitudinem Deorum constituturi. Licet enim magna jamdum gavisi sint cognitione; majorem tamen polliceri serpentem, ut scirent bonum & malum non *speculative*, sed *practice*, eademque de causa ostendisse, arborem talis naturae esse, nec frustra 42-56.
in horto plantatam demonstrasse. Excitato igitur desiderio fructus arboris hujus, comedissee *Hevam*, pariterque marito dedisse, quo ejusdem illum secum felicitatis participem redderet, *Adamum* autem hoc donum in pignus amoris tenerrius accepisse. Inde quaestionem discuit, num. *Heva* peccasset, si vel 56-62.
solam concupiscentiam concepisset; ac, primos concupiscentiarum motus peccaminosos esse, contra Pontificios tuetur; quae interna concupiscentia tandem in actum, peccatumque omnino grave, eruperit. Ex voce *עָמָה* v. 6 colligi posse, neutiquam 62-89.



diabolum, cum in allegoriam historia non sit convertenda, sed *serpentem* pariter atque *diabolum*, proindeque illius sensum esse compositum, cujus pars alia *literalis*, de poena organi, alia *mystica*, ad diabolum; sceleris autorem, referenda: voluisse Deum serpentem, licet ratione destitutus fuerit, poenis urgere, at sic tanti facinoris detestatio manifesta evaderet. Illam Pag. 145-152.

quinque partibus absolutam fuisse; 1) *maledictione*, mutuo horrore, quo homines serpentes, serpentes homines, averfarentur; 2) *reptatione super ventrem*, ut, cum ante capite & anteriori parte erectus incesserit, posteriorem vero tantum corporis partem post se traxerit, ab illo temporis articulo toto corpore fuerit dejectus, ut rependo multum pulveris deglutiat, illoque cibum conspergat, maculet, quæ ipsa *pulveris deglutitio* 3) poenam constituit, 4) *inimicitia* ac odia homines inter atque serpentes, 5) *capitis*, in quo omnis vis posita, *contritione*, quare serpentes illud sollicitè custodiant, quod dum conteritur, calcaneum petunt, quod cumprimis facere assolent *cerasti*, quorum allusit moribundus *Jacobus Gen. XLIX, 17*. 152-169.

Totidem poenas inflictas esse diabolo, qui, absque spe veniæ summis submissis cruciatibus, inferior longe animantibus omnibus evaserit, quæ poenam non persentiscunt, &, si sentiunt, eam penitus cessare in ipsa morte vident. In *pectus graditur*, de cælo præceps datus in ima tartara est detrusus, victori suo subjectus, qui, licet electis insidias intentet, ab illis tamen superatur, ut ad homines impios, inutilia terræ pondera, se convertere necesse habeat. Per *ניכר* exprimi non qualecunque odium, sed apertas & gravissimas inimicitias, quæ in internecinum erumpunt bellum. 169-180.

Hanc inimicitiam ipsum Deum inter homines atque diabolum posse, quo ipsos, peccati laqueis irreptos, expediret, sibi que vindicaret: quæ poena eo gravior, quoniam bellum hoc non cum uxore solum, sed & omni ejusdem posteritate, indicetur, nec unquam desiurum erat. *Semen serpentis* esse tum *omnes angelos diaboli*, quibus serpens ille antiquus tanquam princeps præsit, qui hoc nomine mactentur, quoniam ipsi ratione naturæ, malitiæ, & factorum, persint similes, tum *homines* 180-194.

- Pag. 194-198. *impior, qui opera diaboli faciant. Semen mulieris non esse sensu strictiori Messiam, sed colectivo totam priorum multitudinem, ex qua proditurus erat Messias, qui in aciem cum serpente descenderet, ejusque regnum everteret: quare Pontificiis indignatur, ex נָתַן effingere satagentibus נָתַן, quæ mutatio a Fabricio Boderiano, non in gratiam Jo. Pici Mirandulani Comitis, qui ab istiusmodi interpolationibus toto aberat animo, suscepta est, prudentioribus societatis Romanæ doctoribus fraudem hanc detestantibus. Lectio ipsa in vulgata, quæ dicitur, versione jamdum Augustini tempestate irrepsisse videtur, saniore ac legitima in pluribus Codicibus manu exaratis retenta. Quod autem hic dicitur de capite conterendo, id sensu primario non nisi de Messia, secundario autem & per accommodationem aliquam de credentibus, accipiendum esse. Caput serpentis significare potestatem diaboli, quæ ipsi per peccatum data; illam destructam esse 1) per mortem Christi, Ebr. II, 14; 2) per resurrectionem ejus & adscensionem in cælum, Eph. IV, 8. Uti igitur contritio capitis respectu diaboli omnimodam potestatis illius abolitionem significat; ita contritio calcanei ratione Christi illam partem respicit, quæ terram attingit, humanam scilicet illius naturam, quæ tamen nulla veneni noxa, peccati labe, fuerit vitiata. In pœna parentibus nostris dictata observat miram Dei misericordiam, quod, licet æternam meriti essent mortem, tamen ipsam in exercitia castigatoria, quæ etiam in salutem operentur, converterit. Mulieri, quæ prima peccaverat, denuntiat α) conceptionem cum dolore, β) subjectionem erga maritum. Verba multiplicando multiplicabo, עֲצֹבֹנָךְ וְהָרֹנָךְ, per ἐν δία θυμῷ interpretatur, dolorem conceptus tui, & complectitur omnes dolores, quos mulieres tum in conceptione, tum toto gestationis tempore, tum in partu, patiuntur. תְּשׁוּקָה denotare subjectionem mulieris, quæ servorum more ad maritum continuo decurrat, jussa ipsius petitura. Licet vero ante peccatum maritus in uxorem dominium habuerit, qui muliere ex se formata, tanquam re sua, uti potuisset, & quoniam paterfamilias domui necessario præesse debeat, id tamen post peccatum factum esse pœnale per accidens, ob utrius-*





rem vitæ audita fuerit, ejusdemque executionem, moram aliquam intercessisse, donec vestirentur. Jussos fuisse primum loco illo, ubi ad tribunal citati comparuerant, excedere, inde vero paradiso fuisse exclusos. *Dimissionem* fuisse gratiæ & misericordiæ, ne peccatum peccato cumularetur, *ejectionem* justitiæ, quo pœnæ gravitas ipsis ob oculos poneretur, quæ ejectionis cum laboriosa terræ cultura conjuncta fuerit. De die, quo homo lapsus, cum alii uno eodemque die & creatum & lapsum fuisse asseverent, alii 33 annos numerent, quot Christus in his terris vivendo exegit, alii 40 dies putent, quot Sospitator noster optimus a pessimo malorum geniorum principe omnis generis insidiis est sollicitatus, nihil certi definiendum esse existimat, ratus, nec nimis longum, nec nimis breve, illud fuisse, quo opera bonitatis atque potentis contemplari, ac status felicitatis experimentum aliquod capere, integrum ipsi fuerit. Quæ de Cherubinis, gladio versatili instructis, ad ingressum horti positis, memoriæ prodidit *Moses*, non *allegorice*, de magnis *impedimentis*, spem omnem reditus amputantibus, accipienda esse monstrat, nec juxta *Theodoret* & *Procopii Gazæ*, itemque *Theodori Heracleensis*, sententiam *spectra*, sive horribiles animalium formas, nec *Zonam torridam* ac æstum ibidem grassantem, nec *ignem*, gladii instar in altum adscendentem, nec denique *ignem purgatorium*, sed *Angelos*, qui speciem aliquam versatilem gladii quasi in ipso paradisi aditu continuo agitaverint ac motitarint, intelligendos esse. Ex diversis derivationibus vocis כריב illa ipsi arridet, quæ ex radice רכב, *equitavit*, per literarum transpositionem instituitur, quoniam, præeunte Scriptura, Deus Angelis pro *curru* uti dicitur: hac ipsa appellatione vero respici vel ad *formas externas*, quas assumerint, vel *qualibus fuerint efficti*, docet.

Ex his jam Lector de pretio Operis hujus judicare poterit. In subsidium quidem vocavit Autor præstantissimos quosque interpretes, *Rivetum*, *Dietericum*, *Heideggerum*, *Burmamnium*, alios; illorum tamen lucubrationibus ita est usus, ut vel novis rationibus dicta eorum communiverit, vel argumentis prolatis ab illis discesserit. Historiam mundi, speciatim hominis crea-

pag.
356-364.

364-372.

372-379.

379-384.

ti, lapsi, instaurati, stilo plano, terfo, luculento, rationibus ex linguarum notitia, Historia prisca, Theologia naturali, (in qua arripienda se ætatem fere consumsisse, fatetur *Diff. I pag. 385*.) doctrina morali, ipsaque Theologia revelata, petitis, ita solide illustravit, ut ab illius lectione nemo absque insigni fructu sit recessurus. Si qua subinde iterato recurrunt, factum id procul dubio ea de causa, ut, quæ alibi dixerat, copiosius & explicarentur & inculcarentur, nec ulli dubitamus, quin, si recentiorum observationes consulere visum esset, nonnullas sententias aut mutaturus, aut firmitioribus argumentis corroboraturus fuisset. Gratulamur interim civitati Christianæ, quod, uti in cunis vagiens JCtos causam suam egregie tutantes suscepit, ita adhucdum ætate provecta habeat, qui doctrinam omnem atque splendorem eidem inferant, & quibus res suas adversus hostes, etiam acerrimos, tuto committere possit. Quod *Dissertationis de Origine Juris Naturalis defensionem* attinet, in illa sententiam suam, *Jus Naturale homini coævum non fuisse, quoniam distinctam notitiam boni atque mali, cujus recens conditi homines experti fuerint, a Cl. Musæo labefactatam, novis rationibus fulcire contendit.* Nostrium non est, judicium nostrum interponere; hoc tantum observamus, Ampliss. Autorem *jus naturæ*, ac *rectitudinem voluntatis*, ejusdemque sanctitatem, prorsus disjungere, quæ tamen commode in una sede morari possunt. Creator optimus rem cum ratione atque consilio agentem facere non potest, nisi ad se ordinet, ad se absque lege ordinare nequit: quicquid homo rectus agebat, agebat ob certas atque iustas rationes, quæ rationes in relatione, quæ inter ipsum atque Deum intercedebat, fundata erat. Igitur *σχετός* illa postulabat *jus naturæ*, quæ ut facta consistere, ac homo eidem obsequium præbere posset, requirebatur sancta quædam naturæ atque voluntatis rectitudo. Verum quidem est, juris naturalis vim, postquam homo se peccato mancipavit, in illo convincendo, arguendo, condemnando, magis conspicuam factam esse; sed illud omne ab ejusdem lapsu ortum suum demum ducere, affirmari non potest. Lex illa positiva erat quasi accessio quædam

dam legis naturalis, ex cujus observatione Deus cognoscere volebat, num reliquis legibus suis morem gesturus esset. Quæ de ignoratione boni & mali in statu integritatis differit, in his, si de ignorantia practica accipiantur, neminem facile sibi adversum habebit. Sed, quid de tota lite censendum sit, alii videant. Dolemus interim, duriora aliquando verba excidisse.

HISTOIRE ANCIENNE DES EGYPTIENS, &c.

h. e.

HISTORIA ANTIQUA ÆGYPTIORUM, Carthaginensium, Assyriorum, Babyloniorum, Medorum, Persarum, Macedonum, & Græcorum; Autore ROLLINO, Rectore Academiæ Parisiensis, Eloquentiæ in Collegio Regio Professore, & Academiæ Inscriptionum & bonarum literarum Regiæ Sodale.

Tomus VI — X.

Amstelodami, apud Jo. Wetstenium & Guil. Smith,
1734 & 1735, 12 maj.

Tom. VI Alph. 1 plag. 2, Tom. VII Alph. 1, Tom. VIII
Alph. 1 plag. 3, Tom. IX Alph. 1, Tom. X plag. 19.

Elegantissimæ Historiæ, quæ communi dudum plausu excepta est, *Volumina* priora tria in his *Actis A. 1732 Mens. Aug. pag. 352, quartum A. 1733 Mens. Aug. p. 359, quintum A. 1735 Mens. Jun. pag. 257*, breviter, sed quod satis est, laudavimus. Jam de ceteris, quæ postea secuta sunt, commemorabimus. *Volumen sextum Librum XIV & XV* complectitur, & primo historiam *Philippi*, Macedonum Regis, altero vitam & res gestas *Alexandri Magni*, enarrat. De *Phalange Macedoniorum*, *Demosthene*, *Aristotele*, *Brachmanibus*, nonnulla quoque lectu digna ibi exstant. In calce autem *Voluminis* cogitationes *Bossueti* de Persis, Græcis, & Macedonibus, repetuntur.

Septimo Volumine, quod unico *Libro*, decimo scilicet sexto, constat, traditur, quid post mortem *Alexandri* inter ejus successores actum, & quomodo regna divisa fuerint. *Liber hic*

temporis intervallum ab initio regni *Ptolemai Soteris*, *Ægyptiorum* Regis, usque ad *Cleopatram*, emetitur. Initio sistitur summa chronologica historię hoc *Volumine* contentę, ratione regni *Ægyptiorum*, *Syrię*, *Macedonię*, *Thracię*, *Bitynię*, *Pergami*, *Ponti*, *Cappadocię*, *Armenię*, *Epiri*, *Syracusę*, & *Tyrannorum Heracleę*. Abit vero totus *Liber* in tres *Articulos*. *Primus* spatium 23 annorum, scilicet 23 annorum priorum *Ptolemai Soteris*, complectitur, atque de litibus bellisque inter *Alexandri* duces obortis, ab hujus morte usque ad pugnam ad Ipsum in *Phrygia*, commemorat. *Secundus* 55 annorum spatium percurrit, scilicet posteriores annos *Ptolemai Soteris*, & 40 annos *Ptolemai Philadelphi*. *Tertius* denique complectitur spatium 25 annorum, quibus *Ptolomęus Evergeta* cum imperio fuit. De *Helopoli* simul, *Pharo*, *Bibliotheca Alexandrina*, *Colosso*, hoc *Tomo* refertur.

Volumen VIII res a successoribus *Alexandri Magni* gestas eadem diligentia atque cura ex veteribus Autoribus repetitas, quę priora *Volumina* Lectoribus eruditis se probaverunt, porro enarrat. Ex Regibus *Macedonię* commemorantur Rex penultimus *Philippus*; ex Regibus *Ægypti* *Ptolemęus Philopator*; ex *Syrię* Regibus *Seleucus Ceraunus*, *Antiochus Magnus*, & *Antiochus Epiphanes*. Quando res *Philippi* persequitur Autor, longa simul & eleganti digressionem agit de ignibus illis militaribus, in aliis locis jussu *Philippi* editis, ut signum essent, ex quo procul sublato, quid hostes molirentur, momento temporis intelligeret, &, quęcunque *Polybius* de iis ignibus copiose tradidit, accurate, & fere ad verba, refert. Et, quandoquidem in *Polybio* mentio atque descriptio exstat, cujus beneficio illa significatio per ignes facta fuit, Professor *Matheseos* in Collegio Regio *Parisiensi*, *Chevalierius*, *Rollini* precibus motus, hoc ipsum instrumentum in singulari *Tabula ænea* delineavit, & longa oratione exposuit.

Inchoatur nono *Volumine* undevigesimus universi Operis *Liber*, quo eruditissimus Autor propria sibi perpetuęque diligentia, doctrina, & elegantia sermonis, historiam successorum *Alexandri Magni* pertexit. Hinc *Articulo I* de *Perseo*, cum Romanis bellum

gerente; per *Paulum Æmilium* victo; & in captivitatem abducto; *Art. II* de *Attalo*, Romam veniente, ut Romanis victoriam hanc gratularetur, fœdere cum Rhodiis sancito, rebus *Ætolorum*, exilio *Achæzorū* a Romanis indicto, rebus *Prusæ*, *Bithyniorum Regis*, itemque *Eumenis*, *Pergamenorum Regis*, morte *Ariarathis*, *Capadocum Regis*, & successione filii ejusdem nominis, bellis inter *Attalum & Prusiam* gestis, legatione trium celebrium Philosophorum Atheniensium ad Romanos, *Carneadis* scilicet, *Diogenis*, & *Critolani*, itemque alia ad *Massilienses*, cum digressionem de urbe *Massiliensium*, rebus *Andrisci*, & præliis cum *Juvencio & Metello* commissis, secundo quoque & tertio regni Macedonici usurpatoribus victis, turbis in *Achaja*, prælio *Achæzorū* cum *Metello*, *Corinthe* a *Mummio* capta, & *Græcia* in provinciam Romanam redacta, triumphis *Metelli & Mummii*, in fine denique, appendicis loco, de florentissimo *Græciæ* statu, tum ejus decrementis & ruina, quatuor veluti ejus provinciarum ætatibus constitutis, agit. *Articulo III* procedit ad exponendam cum regni *Ægyptiaci*, tum *Syriaci*, historiam, utramque centum circiter annorum spatium complexam. Cum vero res singulorum utriusque regni Præsidum non seorsim & separatim, sed prout consuevit gestæ, & alii atque alii nunc imperii fastigio admoti, nunc de eodem dejecti, nunc restituti fuerunt, commemorare habuerit; præmittendam omnium rectorum seriem, eo, quo se exceperunt, ordine contextam, putavit, qua finita, copiosiorum rerum gestarum enarrationem exorditur. Sunt igitur, quorum historia hoc *Articulo* continetur, ex Regibus *Ægypti* *Ptolemaus Philometor*, *Ptolemaus Evergetes*, *Ptolemaus Labyrus* seu *Soter*, *Alexander*, *Alexander II*, *Ptolemaus Auletes*; ex Regibus autem *Syriæ* *Antiochus Eupater*, *Demetrius Soter*, *Alexander Bala*, *Demetrius Nicator*, *Antiochus Diodatus*, *Tryphon*, *Antiochus Sidetes*, *Alexander Zabina*, *Selencus V*, *Antiochus Cyzicenus*, *Selencus*, *Antiochus Pius*, *Antiochus XI*, *Philippus*, *Demetrius Eucarus*, *Antiochus Dionysius*, *Tigranes*, *Armeniarum Rex*, *Antiochus Asiaticus*, & tandem *Syria* in provinciam Romanam a *Pompejo* fuit redacta. In medio autem historiarum contextu data occasione etiam de *Attalo*, qui *Philometor*

cognominatur, & populum Romanum heredem instituit, de exitu *Aristonici*, de *Phraate*, Rege Parthorum, & *Mithridate*, Ponti Rege, *Ptolemaeo Appione*, regnum Cyrenaicum Romanis relincente, de *Nicomede*, Bithyniae Rege, populum Romanum itidem heredem relincente, de rebus etiam Judaeorum, agitur. *Libri vicesimi Artic. I* sistit historiam Judaeorum, inde ab *Aristobulo*, filio *Hyrçani*, usque ad *Herodem* magnum Iduinæum. Occurrere igitur videas *Aristobulum I*, *Alexandrum Jannæum*, ejusque uxorem *Alexandram*, *Aristobulum II*, *Hyrçanum II*, *Antigonum*. *Articulo II* traditur epitome historię Parthorum, inde a primis originibus usque ad *Crassiciadem*. *Articulo* demum *tertio* itidem exstat epitome historię Regni Cappadocię, a prima ejus constitutione usque ad id tempus, quo transiit in provinciam Romanam.

Volumen decimum Librum vigesimum, & sequentes duos, complectitur. Et *vigesimus* quidem finem historię Syracusanę per-textit, & de rebus *Hieronis* secundi, ejusque filii, *Hieronimi*, illorumque, qui post hujus mortem rerum potiti fuerunt, de obsidione urbis Syracusę, per *Marcellum* facta, damnoque ab *Archimedis* machinis illato, de capta urbe, morteque *Archimedis*, ipsiusque tumulo, a *Cicerone* detecto, exponit. Accedunt Ineditationes de regimine & caractere Syracusanorum, itemque de *Archimede*. *Liber vigesimus primus* persequitur ea, quę supersunt de historia successorum *Alexandri*, & primo quidem res gestas *Mithridatis*, Regis Ponti, bellaque Romanorum cum illo a *Sylla*, *Murena*, & *Lucullo*, gesta, & quę porro idem non minus ac *Tigranes* a *Lucullo* pariter atque ejus successore *Pompejo* perpessus fuerit, & expeditiones *Pompeji* in Arabia & Judęa, refert. Posthęc *Ægyptum* petens, historiam & fata *Ptolemæi Auletę*, *Berenices*, atque *Cleopatraz*, & quomodo *Ægyptus* tandem in Romanam provinciam desierit, enarrat. *Libro vigesimo secundo* de artibus & scientiis veterum populorum agitur. Inter eas eminet agricultura, cujus antiquitas, & utilitas, & honor, prædicatur, & simul loci ex abundantia frumenti celebriores enumerantur. Huc etiam cum viticultura, qua occasione vina Gręcię & Italię præstantiora concelebrantur, tum nutritio va-

riorum

riorum animalium, pertinet. Innocentia & voluptas vitæ rusticæ & agriculturæ ab Autore eximie collaudatur. Commerciorum quoque veteres fuerunt studiosi, de quorum excellentia, emolumentis, & antiquitate, disseritur, urbesque ob eandem illustriores indicantur. His vero commerciis exposita erant ferrum, cuprum, aurum, argentum, ex quibus posterioribus maximam partem divitiarum veterum redierunt, margaritæ, purpura, texta sericea, aliaque. Agitur quoque, ob argumenti affinitatem, de numis veterum & monetis.

JO. RUDOLPHI ENGAU, J. U. D. ET P. P.
in Academia Jenensi, Elementa Juris Criminalis Germanico-Carolini, ex genuinis fontibus deducta, variis observationibus & formulis illustrata, atque commoda Auditorum methodo adornata.

Jenæ, sumptibus viduæ Crœckeriæ, 1738, 8.

Alph. 1 plag. 20.

Exsolvit ergo fidem, quam in *Germanica Jurisprudentiæ Elementis* obstrinxerat Cons. Engavius, desiderioque orbis Themidi litantis, quod ipsa hæc *Acta* nostra excitant, facit ex asse satis. Nullum est dubium, quin primæ hæ majoris Operis in posterum tempus adornandi lineæ omnibus istarum literarum æstimatoribus sese sint probaturæ, quippe quæ res & scitu necessariae, & lectu jucundas, commoda legentibus ratione complectuntur. Ipse Cons. Autor tales sibi in scribendo leges dixit, quæ telam omnibus numeris absolutam non poterant non efficere. Namque ita se gessit, ut 1) gentium peregrinarum instituta repudiando, Germanicos mores unice illustraret; 2) ut Romanum Jus non nisi in subsidium, post investigatas Teutonum sanctiones, consuleret, 3) ut ipsos fontes salutaret, atque illorum tot, quot haberi possent, volumina conquireret; 4) ut Jurisconsultorum meditationes adhiberet, neque tamen in verba magistri, cæca quadam reverentia inductus, temere juraret; 5) ut cujuscunque criminis indolem ac pœnam una cum causis, pœnam vel mitigantibus, vel exacerbantibus, solide enuclearet; 6) ut

Præfat.

- 6) ut doctrinas in scholis tradi solitas cum usu fori sedulo conferret; 7) ut ipsas agendi formulas adderet, quarum adhuc ampliore accepissemus numerum, nisi & bibliopolæ consilium, & typis describentium segnities, optimo conatui obstitissent. Ex quo perspicuum est, plurimis, qui huc usque Criminalem Jurisprudentiam versarunt, scriptoribus *Engacium* longe anteponendum. Dum enim illi vel Pythagorica quadam inconsiderantia magistrorum crambem bis coctam apponerent, vel solas leges Quiritium sanctas atque prudentes, Germanicas contra stultas & frigidas, censerent, vel subsidiis, ex rerum gestarum tabulis, antiquitatibus, morali disciplina, & arte disferendi, petitis, destituti agerent, vel denique inordinatissimum alphabeti ordinem sequerentur, hic meditando & legendo fecit periculum, quid humeri valerent, quid ferre reculerent. Itaque, post præviam Dissertationem exordialem, de *Jurisprudentia criminalis necessitate, usu, & subsidiis*, Libro priori criminalia recensuit, posteriori judicii criminalis ideam formavit. *Leges Germanorum criminales, earumque origo, fata, ac usus, Capituli* I materiam suggerunt. Ex quo solis vivere moribus majores nostri desiere, singulæ nationes legum sibi tabulas condiderunt,
9. 4. quas post *Heroldum Frid. Lindebrogius* evulgavit. Variant plurimum, communibus tamen nævis sæpius laborant, inque hoc præterea omnes ferme congruunt, quod 1) specialissimos delictorum gradus innuunt, 2) delinquentium patriam ac conditionem distinguunt, 3) iniquitatem agentium in foro & malitiam, crimina hodie impunita, coercent, 4) multas plerumque, rarius ultimum supplicium, irrogant, 5) homicidium a murthero disjungunt, 6) probationes vulgares sanciunt, 7) primas torturæ origines exhibent, 8) post introductam religionem
9. Christianam diritate antiquas vincunt. Confusionem postera ætate natam Sec. XIV & insequenti *Maximilianus I* tollere conatus est, quem tamen peculiarem Juris criminalis Ordinationem composuisse, compositamque cum Statibus in Comitibus Colonienfibus A. 1505 communicasse, nemo facile probabit, licet id suscepit in Præfatione *Commentarii ad Carolinam Nemefin*
10. Cel. *Kressius*. Mansit iste honos *Carolus V*, cujus *Ordinatio* cum Bam-

Bambergensi de A. 1508, & Brandenburgica de A. 1516, valde congruit, & A. 1532 in Comitibus Ratisbonensibus prodit. Quemadmodum autem ab initio legis universalis naturam non per omnia induit, Ordinibusque S. R. I. aliud statuendi facultatem liberam reliquit, ita, exceptis Episcopatibus Herbipolitano & Monasteriensi, itemque Solmenſi Comitatu, vix ulla Germaniæ provincia eandem ſervat. Fuerunt etiam graviffimæ rationes, quæ eo traxerunt Principes, cum & inordinata articulorum congeries, & crambe ſæpius appoſita, & rerum notatu digniorum prætermiſſio, & inutilium copia, & ſupina in pœnis conſtituendis negligentia, & principiorum cum ſacris Chriſtianis pugnantium ſuppoſitio, æſtimatione de medio ſublata, odium ejus graviffimum induxerint. *Caput alterum eſt de delictis in genere.* Fines præclare rexit Cl. Engavius, *peccatum* pro factò divinis legibus contrario, *vitium* pro actione normam honeſti ac decori lædente, *delictum* pro factò legi humanæ, pœnam comminanti, adverſo, *crimen* pro delicto, accedente dolo malo, id eſt, prælucente intellectu, & decernente voluntate, perpetrato, accipiens. Inde eſt, quod actiones illicitæ caſu, vel ob urgentem neceſſitatem, commiſſæ, e criminum numero exulant, cum dolo malo deſtituantur. Facti enim cauſam, non factum, ſpectari voluerunt majores noſtri. De caſu quidem eruditiffimi homines dubitarunt, inprimis cum in *Leg. Sax. Tit. 12, Leg. Friſon. add. Tit. 3, Jure Prov. Sax. II, 14, 38, & Jure Prov. Suev. Cap. 227*, aliquam ornandæ opinionis ſpeciem deprehenderent. Sed eſt alia longe adoptanda iſtarum legum interpretatio, quippe quas de caſibus prævia culpa evenientibus diſponere, ex collatis *Leg. Wiſigoth VI, 5, 4, XII, 6, & Capitul. Regum Franc. VII, 297*, recte conjecit Autor Conſultiſſimus. Caput 3 agit *de veris & quaſi criminibus*; Caput 4 *de cauſis, quæ crimina vel graviora reddunt, vel leviora efficiunt*; Caput 5 *de pœnis*, quarum & juſta proportio, & varietas, & determinatio arbitraria, ſub examen vocantur; Caput 6 *de fredo, ſaida, mulcta, & emenda.* Olim *fredi & ſaida* nominibus indicabatur, quod poſtea *Wette & Buſſe* dici ſuevit. Illud judicis patrimonio adjicitur, & ad pacem publicam redimendam tendit;

ſ. II.

12.

14.

31.

52.

90.

hæc læso, ejusve familiæ, exsolvitur, ut compositio maturetur. In perantiqua Frisiorum lege vox *faidosus* legitur, & hominem, qui faidæ solutione sese nondum liberavit, significat. Talis publica pace destituebatur penitus, nisi aut in ecclesia versaretur, aut in domo sua delitesceret, aut per plateam ad sacra placitumve obambulare. Ad recensitionem criminum specialiorein conversus Autor doctissimus, *Cap. 7 de furto* disserit, ejusque naturam, crimen, pœnam, civilemque, quæ furtum passo competit, actionem, repræsentat. Inter ea, quæ ad pœnam mitigandam faciunt, incerta rei ablata quantitas locum occupat, quam & tum Doctores statuunt, si dominus justam suæ æstimationis rationem non edidisset. Nimiam hic in fures indulgentiam *Leyserus & Engavius* accusant. Nos vero, si sedere-mus iudices, accuratam haberemus τὰν περὶ τὴν ἀπονομὴν rationem, ne, dum, scyllam evitaturi, præfractæ audaciæ latronibus patrocinium denegamus, in charybdi incedamus. Etenim hoc quoque iniquitatis aliquid admixtum habet, in aggravando crimine judicium hominis rebus intenti, & ob inopinatum detrimentum ira perciti, plurimum valere, pretiaque affectionis consuli, cum de vita & salute alterius disceptatur. Caput 8 est *de sacrilegio*; Cap. 9 *de rapina*; Cap. 10 *de plagio*; Cap. 11 *de furto ferarum*; Cap. 12 *de delictis carnis generatim, inprimis fornicatione*; Cap. 13 *de stupro*; Cap. 14 *de concubinato*; Cap. 15 *de adulterio*; Cap. 16 *de bigamia*; Cap. 17 *de stupro violento*; Cap. 18 *de raptu*; Cap. 19 *de sodomia*; Cap. 20 *de incestu*; Cap. 21 *de lenocinio*, quod, Germanis olim inauditum, postea exemplo Romanorum innotuit. Inde in solis *Wisigothorum Legibus III, 4, 17*, memoratur, donec subsequentiæ tempora, detestatione illius, vivi lenonis defossionem imperarunt. Vid. *Jus Brunsv. P. II n. 56*, apud *Leibnitium Script. Brunsv. T. III pag. 434*. Jus Romanum tanti patræ flagitii in maritis & parentibus gladio ultore vindicavit, cui *Cl. Engavius*, in sententiam *Cel. Leyseri* concedens, tum demum locum esse relinquendum statuit, cum quis invitæ mulieris prostitutionem procuravit. Nos, cum lenones sine distinctione eodem, quo adulteros, supplicio affici debere, ex *l. 8 ff. ad L. Jul. de Adulteris*

ritis discamus, hos autem gladii subire poenam, l. 30 §. 1 C. cod. doceamur, nullam dubitandi materiam nanciscimur. Transitur Cap. 22 ad injurias, & Cap. 23 agitur de blasphemia, Cap. 24 de alapis & vulneribus; Cap. 25 de libellis famosis; Cap. 26 de duello; Cap. 27 de homicidio; Cap. 28 de latrocinio; Cap. 29 de assassinio; Cap. 30 de parricidio; Cap. 31 de expositione infantum; Cap. 32 de abortu procurato; Cap. 33 de sterilitate conciliata; Cap. 34 de veneficio; Cap. 35 de homicidio proditorio; Cap. 36 de autochiria; Cap. 37 de incendio; Cap. 38 de mania; Cap. 39 de falso; Cap. 40 de perjurio; Cap. 41 de termino moto; Cap. 42 de decoctoribus; Cap. 43 de prævicatione; Cap. 44 de lese majestatis crimine; Cap. 45 de diffamationibus; Cap. 46 de violata certarum personarum certorumve locorum sanctitate; Cap. 47 de falsa moneta; Cap. 48 de usuraria pravitate, abigeatu, effractione carceris, dardanariatu, & peculatu; Cap. 49 de delictis ministrorum principis; Cap. 50 de militaribus & maritimis delictis. His solide explanatis, Lib. II Processum fori Germanici exhibet Cl. Engavius, & quidem Cap. 1 Jurisdictionem criminalem, id est, potestatem criminales causas dirimendi, illustrat. Illa antiquiori, qua Tacitus floruit, ætate in bello penes sacerdotes, in pace penes principes centenariis cinctos & stipatos, erat. Sub Francorum imperio Comitibus competiit, ita tamen, ut ad Reges esset provocatio, iisque judicia illustrium personarum reservarentur. Cum Saxonice stirpis Reges scepra tenerent, ipsi plerumque de criminibus cognoverunt, nisi ob delinquentium conditionem Ducibus Comitibusve mandare negotium consultius arbitrarentur. Accidit postea, ut propriam sibi vindicarent, quam Imperatoris nomine exercebant, jurisdictionem quamplurimi Duces, Burggravii, Palatini, Marchiones, Landgravii, Comites, itemque per aliquod tempus Episcopi & Prælati, ab advocatis ecclesiarum liberati, nec non civitates regie, immediatique Nobiles. Hi omnes jus dicere in causis criminalibus per suum quisque territorium cœperunt, eamque prærogativam ad partem superioritatis territorialis sub titulo *des Blut- und Königs-Banns* traxerunt. Pergit Cl. Engavius, & agit Cap. 2 de Judice, Scabinis, & Actuario; Cap. 3 de judiciorum criminalium forma ac generibus diversis;

Cap. 4 de foro competente; Cap. 5 de processu accusatorio; Cap. 6 de inquisitoria procedendi ratione, speciatim de corpore delicti investigando; Cap. 7 de eruendo delictorum autore; Cap. 8 de indiciis; Cap. 9 de incarceratione facinorosorum; Cap. 10 de mediis carcerem avertendi vel mitigandi; Cap. 11 de examinibus reorum; Cap. 12 de articulis inquisitionalibus; Cap. 13 de mediis responsionem ad inquisitionales articulos avertendi; Cap. 14 de reo confesso; Cap. 15 de probatione criminis; Cap. 16 de confrontatione; Cap. 17 de defensione; Cap. 18 de probationibus, speciatim per ordalia; Cap. 19 de tormentis; Cap. 20 de probatione religionis jurisjurandi; Cap. 21 de defensione avertenda purgationis; Cap. 22 de sententia; Cap. 23 de publicatione sententiae, & illius effectis; Cap. 24 de urpheda; Cap. 25 de solenni sententiarum executione; Cap. 26 de processu criminali contra absentes instituendo; Cap. 27 de salvo conductu; Cap. 28 de processu proscriptionis, speciatim banni Saxonici; Cap. 29 de criminalibus militum judiciis; Cap. 30 de praescriptione criminum; Cap. 31 de abolitione; Cap. 32 de criminalibus expensis. Ita feliciter rem suam egit, telamque susceptam dextre absolvit Vir doctissimus; ita talem se gessit, ut non possimus non & quibusvis ejus conatibus, & speciatim majori Jurisprudentialis criminalis compilationi, prosperos successus precari.

L'ART DE GUERIR &c.

h. e.

ARS MEDENDI PER VENÆSECTIONEM,
ubi eodem tempore examinantur alia auxiliorum genera, quæ cum isto remedio vel conjungi, vel eidem plane præferri, in morbis medicinalibus perinde ac chirurgicis, debent; Autore FRANCISCO QUESNAYO,
Magistro Artium, Chirurgo in S. Cosmæ nosocomio,
Collega Societatis Academicæ Artium, atque item Academiae Scientiarum & meliorum literarum Lugdunensis, Ducis de Villeroy Chirurgo.

Parisiis, apud Guilielmum Cavelierum, 1736, 12 maj.

Plag. 17½.

Perti-

Pertinet hic libellus ad alium quendam ejusdem Autoris, jam a nobis commemoratum, qui *Tentamen physicum in economiam animale* inscribitur, cujus velut altera pars esse ipse hic videtur, qui & eo consilio huic præmissus est, ut hæc ipsa de Venæsectione Commentatio rectius perspicui & intelligi queat. Dividitur in *duas Partes*. *Prima* agit de venæsectione, ejusque effectibus generationi; *altera* vero de indicationibus venæsectionis speciatim. *Prima Pars* duabus constat *Sectionibus*, quarum *prior* de venæsectione generationi, *altera* de ejus effectibus, tractat. Ex doctissimi Autoris sententia sanguinis evacuationem considerare licet duplici modo, vel quoad inanita vasa, quo sensu appellatur depletio, vel quoad quosdam corporis nostri humores magis subtrahit & exhaurit, quam alias, quo sensu spoliatio dici meretur. Utraque & ratione effectus, & ratione durationis, discrepat. In depletione, dum massa liquidorum minuitur, plenitudo quoque vasorum minuitur, quæ liquida ista continent. Depletio hæc æqualiter & eodem fere tempore per omnia vasa sanguinea, in quibus sanguinis circuitus eodem fit vigore, eodemque impetu, distribuitur. Ejusmodi autem depletio, quam efficit una venæsectio, non magni admodum videtur esse momenti, multumque illi tribui nequit, nisi in sanguinis missione larga & frequenti. Spoliatio, quam efficit venæsectio, in eo consistit, quod massa sanguinea parte sua rubicunda, albisque succis, qui per vasa sanguinea vehuntur, privetur. Illud enim certum est ac manifestum, per venæsectionem extrahi immediate & proxime humorem vasorum sanguineorum, non æque succos, qui per vasa remotiora & alius generis feruntur, in quibus sectio non æque locum habet, & qui, cum, quicquid educitur, ex vasis sanguineis educatur, proinde pædetentim tantum atque eminus evacuationis illius participes evadunt. Vasa sanguinea ratione vasorum reliquorum se habent fere ut 1 ad 3. Sanguis proprie ita dictus, sive portio rubicunda, se habet ad succos albos, qui solum in vasis sanguineis continentur, propemodum ut 1 ad 3, & ad universam massam succorum alborum per totum corpus diffusorum, ut 1 ad 9. Quando igitur una venæsectio subtrahit $\frac{1}{40}$ portionis rubicundæ, tantum $\frac{1}{80}$ succorum albo-

P. I
Sect. I
Cap. I.

2.

3.

- rum secedet, hoc est, major ad quartam partem sanguinis quantitas, quam succorum alborum, una venæsectione profundi solet. Vasa autem sanguinea non contribuunt, nisi ad $\frac{1}{3}$ in venæsectione, & quicquid contribuunt, id omne in parte rubicunda suggerunt. Unde tandem concluditur, tantum abesse, ut venæsectio succos albos in vasis sanguiferis minuat, ut eosdem semper augeat; effectum tamen ex subtractione partis rubicundæ ad succos quoque lymphaticos reducere, atque, si hæc doctrina de spoliatione recte applicetur, plura circa venæsectionis doctrinam rectius explicari, multasque difficultates solvi egregie posse. Quantum ad effectus venæsectionis attinet, principes fere hi esse solent, ut ratione depletionis, si scilicet alicujus fuerit momenti, liquidis aliqua progrediendi in vasis suis facilitas concilietur, ratione spoliationis autem massa sanguinea magis serosa reddatur. In partibus vero solidis sigillatim ratione depletionis in earum relaxatione consistit. Princeps vero effectus spoliationi adscribendus est, atque eatenus venæsectio restituit alacritatem solidis; eadem vero & nimium actionis impetum in partibus organicis aliquantum infringit, porro & vasa relaxat & remittit, pulsum efficit magis facilem, liberum, & celeritatis capacem, partes solidas mollit, ut tractabiles evadant. In partibus liquidis hi effectus oriuntur.
2. Depletio frequens multum tribuit ad cruditates humorum pariter atque spoliatio. Præterea venæsectione succi redduntur magis fluxiles, & fervor humoris biliosi aliquantum intra suos limites coercetur. Noxia proinde est venæsectio, ubi cruditas humorum dominium tenet. Varias quoque alias mutationes in motu liquidorum parit, qui magnis & copiosis venæsectionibus retardatur & relanguescit. Eadem quoque infirmum est remedium in morbis ex atonia & inertia solidorum natis. Nec quidquam valet immediate & proxime contra vitium quoddam liquidorum absolutum, ut per eam prava indoles tollatur. *Pars secunda tribus constat Sectionibus. Prima* tradit venæsectionis indicationes, ex statu solidorum desumptas; *secunda* indicationes ex statu liquidorum repetitas; *tertia* indicationes a statu utrorumque suggestas. In morbis explicandis, quibus an venæsectio conveniat, disquirat, ipsam simul Pa-

tho.

thologiam enucleat, multa etiam de ipsorum curatione per alia remedia commemorans. In debilitate & infirmitate, quæ fit ab abundantia sanguinis, hujusque motu impedito, venæsectio locum habet, quæ semper plethoræ, sive curationis, sive præservationis, rationem habeas, optime medetur, non vero tam depletionem, quam spoliationem. Ubi de intemperie biliosa Autor agit, veteres venæsectionem refert in morbis acutis biliosis tenuisse, quod crediderint, sanguinem esse frenum bilis. Quamvis vero hoc utique certum sit, in ejusmodi morbis secta vena magis agitari sanguinem, & vasa insolentius moveri, ut sæpius ejus profusiones extra vasa sua funestæ consequantur, eo usque tamen largis & repetitis venæsectionibus progrediendum est, ut illa vis aucta valorum infringatur. Biliosis quoque præservationis causa convenit, & ad avertendam phthisin ex acrimonia bilis ortam valet. Pari ratione Autor, quid & quando in intemperie melancholica, morbisque inde ortis, & intemperie pituitosa, morbisque inde natis, juvet, definit. Ad morbos delatus, qui a liquidis proficiscuntur, de usu venæsectionis in vitiis digestionis, in putrefactione humorum, atque in acrimonia eorundem, disputat. Ex numero morborum, qui solidis fluidisque simul debentur, & de quibus disputatur, quousque venæsectio ipsis conveniat, præcipue in censum veniunt omnia circuli sanguinis impedimenta, phlegmone, erysipelas, scirrhus, oedema, inflammatio lymphatica, dolor, hæmorrhagia, vulnera, gangræna, febresque varii generis, in quibus pertractandis eam semper tenuit rationem, ut necessitatem, usum, frustra susceptam administrationem, imo noxam venæsectionis, ex sua theoria, quam de morbis tradit, longius deducat & persequatur. Quæ omnia etsi initio in summam redigere, atque huc transferre, decreveramus; tamen, cum, manu operi adnota, prævidereimus, omni licet adhibito brevitatis studio, propter argumenti indolem nos nimis longos fore & Lectori tædiosos, satis quidem nobis fuit, argumentum libri strictim indicasse, qui Lectorem plura nosse cupientem ad lectionem ipsius libelli certe non pœnitendam invitamus. Restat *ultimum Caput*, quo declarat Autor, quatenus ex sanguinis inspectione colligatur, venæsectionem esse repetendam.

P. II

Sect. I

Cap. I.

2.

3.

4.

Sect. II

Cap. I, 2.

3.

Sect. III

Cap. I-II.

12.

EDUARDI CORSINI INSTITUTIONES

*Philosophicae, ad usum Scholarum piarum.**Tomi VI.*

Florentiæ, typis Bernhardi Paperini, 1731-1737, 8.

Alph. 9, cum plurimis Figuris æneis.

Licet ea ætatis nostræ sit felicitas; ut scriptis Virorum eruditionis laude conspicuorum, qui in explicandis illustrandisque Philosophorum placitis operam posuerunt suam, sere abundet; actum tamen egisse, vel Iliada post *Homerum* scripsisse, minime dicendus videtur Cl. Autor, suas *Institutiones* in lucem publicam emittendo. Non cujusvis omnino est, de celeberrimis sententiarum divortiis, quibus ab omni tempore distracti fuere Philosophi, ornate copioseque satis differere, ita quidem, ut libro molis non admodum magnæ includantur omnia, quæcunque in cognitione rerum philosophicarum scitu utilia putantur. Hanc vero, si cuiquam, Cl. *Corsino* deberi laudem, lubentes profiteamur. Atque hæc causa est, cur repetenda hic priora Operis egregii *Volumina*, quorum jam olim mentionem fecimus in *Supplementis ad Nova Acta Tom. I Sect. V pag. 218, & Tom. II Sect. XII pag. 546*, putemus, quippe tunc brevius, quod cetera libri utilissimi *Volumina* ad manus non essent, collaudata. Magni faciendum est purum nitidumque scribendi genus, quo in argumentis philosophicis, terminorum barbarie multum obvolutis, uti annisus est, quoad ejus quidem fieri potuit, eo fine, ne a studio philosophico arceantur juvenes, qui bene & eleganter dicendi facultatem in pretio habent. Igitur, cum Scholasticis solennis fuerit methodus dogmata proponendi per conclusiones, probationes, objectiones, instantias, & similia: quibusdam vero Philosophis, ut *Platoni* quondam, & *Galileo* quoque, Dialogorum forma arriserit; Nostro, ad exemplum *Cicconis*, *Aristotelis*, aliorumque, rem omnem perpetuo & æquabili orationis flumine proponere, visum fuit, ut nescias fere, Philosophumne magis legas, an magis Rhetorem. Ea quoque de causa ipsa Scriptorum, quos frequenter citat, verba textui sic inseruit, ut tota sermonis series sibi perpetuo constaret, nec ullibi diffunderet; quod quidem Lectorum permultis non ingratum fore confidimus. Sed sic quidem satis prælusi-

mus:

mus: id adhuc, antequam ad ipsam Operis recensionem accedamus, indicandum est Lectori, Cursum hunc usibus Auditorum suorum præcipue destinasse Cl. Autorem, quorum animos ab omni sectarum studio ut abstrahat, iisque liberam, veram, eclecticamque philosophandi methodum insillet, id ipsum magno studio diligentissimeque agit. Totum Opus dividi in *Tomos sex*, jam docuit titulus: quorum priores *quinque* Institutiones philosophicas, *postremus* autem mathematicas, exhibet. De quibus ut breviter, nec tamen negligenter, dicamus, & quæ Lectorum attentione digniora videntur, carptim recenscamus, ad id negotii jam accingimur.

In *primo* igitur *Tomo* Historia comparet philosophica, quam Logica excipit. De Historia equidem multa dicere supervacaneum fere videtur, cum in ea pertexenda dudum desudarint Viri clarissimi; id tamen laudis haud dubie Cl. Autori debetur, quod sectarum genera omnia & successiones concinno prorsus & percommodo schemate ita exhibuerit, ut cujusvis sectæ origo, propagatio, principes, qui non interrupto ordine floruerunt, uno velut intuitu legentium oculis animisque obversentur. Quos ad certam aliquam sectam referri posse dubitavit Philosophos, postremo loco, servata tamen temporum serie, subjunxit. In hoc autem Opere frequenter usus est Scriptoribus optimæ notæ, *Dingene* inprimis *Laertio*, cujus vitam fusiùs describit, deinde *Petavio*, & *Stanleji* Historia Philosophica, ex qua se multum profecisse, & pleraque accepisse, non sine grati animi significatione fatetur. Errores tamen aliquos, a Viris hisce eruditissimis commissos, detexisse sibi videtur, quos ut corrigeret, suarum esse partium judicavit. Et hæc quidem de Historia philosophica.

Transcundum jam nobis est ad Logicam, seu Philosophiam rationalem. Ei præmittitur Præfatio de origine, incremento, nomine, præstantia, objecto, natura, partibus, Logicæ. Quod apud Arabes temporibus antiquissimis Logicæ usus jamjam viguerit, ex historia *Jobi* constare putat Autor, cum sermones, qui ibi continentur, ad regulas logicas probe sint exacti. De præstantia Logicæ artificialis multa, & egregie quidem, dicit, monet tamen, mathematicas scientias comparari absque illius ope posse, id quod patere credit tam ex veterum consuetudine etiamnum recepta, quæ juvenes Logicæ Geometriam præmittere debeant, quam ex archissimo veritatum mathematicarum

inter se nexu, qui a simplicioribus ad magis composita facile & pede inoffenso perducit, ita, ut ab errore quivis sibi cavere possit, modo attentus esse velit. De studio Logicæ præclare meritos judicat, qui ex Geometria leges ei dederunt. Ex quo consequi videtur, Cl. Autorem veram Logicam a methodo mathematica, uti fieri sane oportet, non distinguere. Ubi itaque Mathesin sine Logices adminiculo addisci posse dixit, Logicam illam vulgarem, vel Dialecticam otiosam, aut simile quid, procul dubio intellexit, quibus utique Geometria carere & potest & debet. Porro, Logicam ipsam perfecte tradi non posse, existimat, nisi plurima ex metaphysicis & physicis consideratio accesserit. Quæstio enim v. g. de origine idearum ex Physica, & Psychologia imprimis, dilucidanda est, adeoque inter præliminares philosphicas referri nequit, quod jam pridem observatum est *Leibnitio* in suis ad *Lockii* Opera notis. Ea de causa factum conjicit Autor, ut *Posidonius*, *Panætius*, alique antiquorum, sapientiæ studium a Physica incipiendum existimaverint. Ex Præsumine, non est, cur plura annotemus; paucissima adhuc de ipsa Logices dispositione dicemus. Ea vero facta est juxta receptum fere ubivis ordinem, qui a tribus, vel, si methodum connumeret, a quatuor, mentis humanæ operationibus deducitur. *Prima* igitur *Parte* agitur de perceptione, ideis, & vocibus. Plenam quidem de idearum origine tractationem in Metaphysicam rejicit Autor; interim tamen sententiam *Cartesianorum*, quæ *Platonica* quodammodo est, amplectitur, quam & *Leibnitium* in *Theodicea* valde excoluisse affirmat. De idearum claritate ac distinctione *Capite* integro disserit, ubi notandum, ideam claram & distinctam unam eandemque ei rem esse. Non litigandum de vocibus; sed dicendum tamen, hanc ipsam maximi momenti materiam accuratius & uberius potuisse tradi a Viro doctissimo. Qui cum in recensendis Philosophorum placitis diligenter versatus fuerit, oppido miramur, eum meditationes *Leibnitianas* de cognitione, veritate, & ideis, *Actis* nostris *A. 1684 Mens. Nov.* jam insertas, silentio prorsus præteruisse, quibus tamen Logicæ scientiæ insignis accessio est facta. De prædicamentis ita disserit, ut, quæ de iis tradita sunt, recensere potius, quam approbare, videatur. *Parte secunda* agitur de judicio & propositionibus, ubi statim ab initio disseritur de judicii defectibus & remediis, traduntur

que aliquot regulæ generales, eo conducentes, bonæ quidem, sed non satis late foras patentēs.* Quæ deinceps de propositionibus, earumque natura, divisionibus, &c. afferuntur, iis recensendis superledemus, cum trita & pervulgata sint. *Pars tertia*, de discursu agens, totam inprimis doctrinam Syllogismorum copiose & clare satis exhibet, ubi Cl. Autor non raro pressisse videtur vestigia Artis cogitandi. Id tamen minime docet, an Syllogismum ipse putet ad inveniendam veritatem facere, an vero secus. Constat, Virorum doctissimorum sententias ea de re varias esse. *Quarta* denique *Parte* agitur de methodo, cui leges dantur ex illa docendi discendique ratione, quæ Geometris solennis est. Deinceps de fallaciis & vitiis contra methodum; de methodo circa auctoritatem, in rebus scilicet fidei; tandemque de veritatis criterio, disseritur. Quæ vero de methodo circa auctoritatem in articulis ad fidem spectantibus proponuntur, ea ad placita Ecclesiæ Romanæ prorsus attemperata esse, animo Lectores nostri facile præcipient. Hæc de Logica, deque primo totius Operis Volumine.

Tomus secundus Physicam generalem continet, in *Tractatus* quatuor distributus, quorum *primus* agit de principiis corporum, *secundus* de principiis extrinsecis live causis rerum, *tertius* de proprietatibus corporum, *quartus* denique de qualitatibus corporum. Singuli in varias *Disputationes* subdividuntur. Huic etiam *Volumini* Præfatio satis ampla præfigitur. De omnibus singulatim ut dicamus, cum fieri plane non possit, summa solum capita pro instituto nostro indicasse, paucaeque exinde delibasse, sufficiat. Quæ igitur in *primo* habentur *Tractatu*, *quatuor Disputationibus* omnia comprehenduntur, quæ sunt inscriptæ: de principiis metaphysicis, de principiis mechanicis, de principiis sensibilibus, & de natura generationis. Ubi videre est ingentem opinionum farraginem, *Pythagoræ*, *Platonis*, *Aristotelis*, *Epicuri*, aliorumque plurimorum, & ex recentioribus *Gassendi* & *Cartesii*. Opiniones eorum, qui unum, vel qui plura etiam elementa statuunt, nec non Chymicorum de iis placita, sub iudicium vocantur. Quo facto, de generationis natura agitur, & primo quidem loco, Philosophos circa prima rerum principia in pluribus convenire, ostenditur; dein de generatione ipsa, ejusque principiis, sermo est, argumentis Philosophorum inter se comparatis

paratis & pensatis. Melior tandem & opportunior de primis rerum principiis sententia exponitur. In *Tractatu secundo* doctrina causarum exponitur, ubi, quod valde notari inereatur, occurrit nihil. *Tertius Tractatus* versatur circa proprietates corporum. Et primo quidem loco sententia *Cartesii* & sectatorum ejus, qui essentiam corporis physici in sola extensione collocant, adeoque id cum corpore mathematico confundunt, recensetur, illustratur, sed refutatur quoque. Armis autem theologicis sæpe pugnat Cl. Autor; quod, vereatur, ut omnibus sit placitum. Si quis enim Protestantium sacris addictus, hacque *Cartesianorum* sententia imbutus, exinde refelli debeat, quod dogma istud philosophicum repugnet Sacramento Altaris, quod sancte colunt Pontificii; num quid tali argumento commovebitur? Nihilo tamen minus afferuntur argumenta philosophica non pauca, quæ contra *Cartesium* militant. *Gassendi* sententia, quæ corporis physici essentiam in impenetrabilitate collocat, *Cartesiana* adhuc infeliciores pronuntiatur, cum apud Philosophos & Theologos (Pontificios intellige,) certissimum sit, corpora *compenetrari*, adeoque saltem divinitus impenetrabilitatem actualem amittere posse. Rejectis itaque sententiis hisce omnibus, suam proponit Cl. Autor, dicendo scilicet, essentiam seu constitutivum corporis esse substantiam, quæ exigat impenetrabilitatem & extensionem, seu substantiam cum extensione, seu substantiam cum extensione & impenetrabilitate radicali. Igitur, licet a Deo destrui in corpore possit actualis extensio & impenetrabilitas, non posse tamen principium istud, quod impenetrabilitatem & extensionem requirit, tolli, quin tota corporis essentia pereat. De eo viderint oculatiores. Hoc saltem certissimum existit, in hac Autoris sententia plurima esse, quæ ad salvanda Ecclesiæ, cui addictus est, placita collineant. In eo tamen est laudandus, quod sententias modo recensitas conciliare contendat: quem in finem ita concludit, *Cartesio* non minus ac *Gassendo* definitiones suas concedendas esse, modo per naturam & essentiam corporis id indigent, quo corpus ab omnibus spiritibus primario distinguitur, licet quidem intimum discrimen animo comprehendere nequeamus. Ceterum pace Viri doctissimi dicere liceat, nos mirari, de sententia *Leibnitii* nostri, quæ non in *Actis* hisce solum, sed in aliis quoque locis, publicata fuit, ne minimam quidem ab

eo mentionem factam, cum tamen in enarrandis Philosophorum doctrinis adeo diligenter sit versatus. Vix enim adduci possumus, ut credamus, hanc Viri Illustris sententiam, hodie non parum, in Germania certe, excultam, Cl. Autorem fuisse. Hæc obiter; pergendum enim nobis est, ne limites transibamus. Igitur in sequentibus de corporis divisibilitate, tempore, loco, motu, quiete, vera gravitatis, motusque localis, origine, & quæ sunt similia; tractatio instituitur, unde hæc fere annotanda sunt. De corporis divisibilitate mentem suam ita exprimit Autor, ut dicat, id *Epicuro* & ejus affectis omnino concedendum esse, quod corpora physice in partes infinitas resolvi non possint, adeoque admittenda sint tanquam composita ex indivisibilibus physicis, quæ, licet ex partibus infinitis re vera composita sint, nulla tamen vi creata in partes sejungi divellique possint. Disserre autem hæc duo quam maxime, scilicet corpus in se consideratum in infinitum divisibile esse, & in infinitum (a vinitum finita) actu dividi posse; Autores quamplurimos in eum impigisse errorem, ut hæc a se invicem non distinxerint. Eos deinceps reprehendit, & recte quidem, qui, corporis physici indivisibilitatem probaturi, demonstrationes ex Geometria magno molimine arcessiverunt. In tractatione de motu definitionem *Aristotelis*, quod motus sit *actus entis in potentia, prout in potentia*, tantum abest, ut improbet cum recentioribus, ut potius dubitet, an melior inveniri possit, quæ omnium motuum genera complectatur. Eam tamen, ut clarior existat, ita inscit, ut motum dicat *perfectiorem alicujus subjecti, quod tamen adhuc ulteriorem perfectionem acquirere potest, ac ad illam actualiter tendit*. Quale vero auxilium in perferenda rerum natura ex isthac definitione expectari possit & debeat, nos equidem non videmus. Porro, vacuum admitti posse, contra *Cartesium* adstruere conatur. De vera gravitatis origine cum sententias *Cartesii*, *Hugentii*, *Goussendi*, enarrasset, ostendissetque, maximis eas difficultatibus premi, adeoque admittendas non esse, rem tandem confici posse existimat, si Deum ex machina arcessat, vimque gravitatis a divina & immediata operatione repetat, ita, ut corporum impetus & energia iisdem prorsus legibus a Deo varietur, quibus per impulsum fluidi alicujus, aut alia quacunque ratione, variaretur. Facilis sane ex difficultate exitus. Quæ sequuntur, agunt de causa continuati motus; ubi de projectorum motu, de causa motus *ætherei*, ejusque legibus, de levitate, de æquilibrio gravium, fluidorum, aeris, & quæ sunt alia. Traduntur adeo Elementa Staticæ, & Hydrostaticæ. Doctrina *Galilæi* de descensu gravium explicatur, demonstratur, aliaque ejus inventa recensentur, nec dissimulantur errores quidam, qui viro perspicacissimo exciderunt, is præcipue, sed fa-

cile excusandus, quod lineam celerrimi descensus *circularem* credidit. Ait Cl. Autor, *Hugenium* solvisse problema descensus *celerrimi*, quod tamen non nisi post fata ejus publice propositum fuit. *Hospitalium* forsan dicere voluit Vir diligentissimus. Id monemus, ne quis solutionem *Hugenianam* frustra quærat. Porro regulæ motus in collisione corporum, præcipue elasticorum, enumerantur, sed absque demonstratione. Ex quoque motuum leges, quas *Cartesius* primum stabilire conatus est, recensentur, & confutantur. Ubi sermo de levitate est, sententia magni quondam *Torricellii* de positiva corporum omnium levitate non serio prolata, sed ingenti excolendi causa efficta, Cl. Autori videtur, qui absolutam levitatem prorsus rejicit. Principia Staticæ, Hydrostaticæ, &c. satis perspicue, pro captu tyronum, proponuntur. Tandem vero in *Tractatu* quarto de qualitatum natura & origine, calore, frigore, raritate, densitate, fluiditate, soliditate, deque qualitatibus occultis, luculenter differitur, & sic huic *Volumini* finis imponitur.

Ad tertium jam accedimus, in quo Physica particularis pertractatur, duobus, quos Cl. Autor appellat, *Tractatibus*, quorum uterque *Prefatione* ornatur, comprehensa. *Primus Tractatus* in *quatuor Disputationes* subdividitur, quarum *prima* agit de mundo in communi. Summa rerum capita, ibi contenta, hæc fere sunt: de nomine, unitate, perfectione, anima &c. mundi; de mundi origine; de sphaera armillari; de parallaxi, adspectibus, & distantia siderum; de præcipuis corporum celestium phænomenis, veterumque hypothesibus; de systemate *Ptolemæico*, *Tychonico*, *Copernicano*, &c. Cum singula libare neque liceat, neque sit necessarium, attingemus modo aliqua ex iis, quæ de corporum celestium phænomenis edisseruit Autor. In enarrandis veterum placitis diligentissime versatur, & *Ptolemæi* systema copiose explicat. Ad *Copernicanum* systema conversus, hoc non modo maximis effert laudibus, sed clare quoque, & satis ample, exponit, captivique suorum auditorum accommodat. Eodem modo in *Tychonico* systemate versatur; omnibusque deinceps inter se comparatis, concludit, systema *Philolæacum* vel *Copernicanum* tanquam hypothesin, minimæ vero tanquam thesin, defendi posse. Ceterum id videtur Cl. Autori difficile, absurdum, vel certe liberius effictum, in *Copernicana* hypothesi, quod astrorum a Tellure distantia adeo ponenda sit enormis, ut diameter orbis magni præ ea evanescat. Ergo tantum abest, ut existimet Vir doctus, *Copernicanos* divini artificis leges & ordinem hac in parte assecutos esse, ut aliquando potius futurum speret, qui novam hypothesin, eamque *Copernicana* longe nobiliorem, inveniat; futurum etiam, qui nova Sidera, novas Planetas, nova denique celestia corpora, quorum motus atque phænomena in *Copernicana* hypothesi solvi non possunt, ostendat. In *secunda Disputatione* invenias sequentia: de cæli substantia, de Sideribus, de Sole, Luna, Calendario & Epochis illustrioribus, de Mercurio & Venere, de Marte, Jove, & Saturno, de Planetarum orbita, periodo, distantia, magnitudine, de causa motus Siderum, de luce eorum, & Eclipsibus, tandemque de

Cometis. Cum breves nos esse oporteat, Autoris cogitata de causis motus Siderum duntaxat attingemus. Is scilicet, recensitis tam veterum, quam recentiorum, *Kepleri, Cartesii, Leibnizii*, sententiis, expositisque, quibus premi videntur, difficultatibus, *Newtono* prorsus subscribit, cujus hypothesein omnium pulcherrimam & simplicissimam prædicat. Egregie id quidem; sed *Newtonus* ipsam gravitationis corporum coelestium in se invicem rationem immediate a Deo nullibi repetiit, ut facit Cl. Autor. Id adhuc notamus, cum in doctrina de Cometis sequi placita recentiorum Astronomorum. Quæ in *Disputatione tertia* continentur, agunt de corporibus sublimibus, sive Meteoris. Et primo quidem de Elementorum numero, natura, ordine, loco; deinceps de igne, aere, aqua, terra, exhalationibus, & vaporibus: porro de meteoris igneis, aqueis, emphaticis, ventisque, quæ copiosius enarrare prohibemur spatii angustia. Tandem *Disputatio quarta* inscribitur de corporibus terrestribus, & plura complectitur; veluti de figura Terræ, juxta veteres æque ac recentiores, de zonis, climatibus, de divisione Telluris Geographica, de montium origine, structura, magnitudine, nec non de salibus succisque terrestribus, de metallis, de igne & calore subterraneo, de magnete, terræ motibus, de mari, ejusque æstu, de fontium origine, tandemque de aquarum virtutibus; siquæ *Tractatus primo* coronis imponitur. *Tractatus autem secundus* circa corpora viventia occupatur. *Prima Disputatio* de animæ nomine, natura, speciebus, disseritur. Specialius deinceps in secunda agitur de anima vegetativa, sive de plantis; ubi de partibus, anatomæ, & structura plantarum, de earum varietate & generibus, nutritione & augmentatione, qualitatibus, morbis, interitu, singulatim loquitur Cl. Autor. Qua quidem in re usus est scriptis & observationibus *Malpighii, Grevii*, (quem *Grævium* appellat, id quod Lectorum aliquibus imponere posset), aliorumque naturæ scrutatorum illustrum. *Disputatio tertia* Autoris cogitata circa animam sensitivam, seu circa bruta, exhibet, pluribus distincta *Capitibus*; in quibus de anima brutorum, de generibus animalium, de structura & anatomæ corporis humani, de ortu & generatione animalium, de sensibus externis & internis, aliisque, copiosius haud enumerandis, agitur. Non autem vulgares Philosophorum quæstiones solum afferuntur, sed, data occasione, alia quoque, ex fontibus Matheseos petita; e. g. in Capite de organo visus, & structura oculi, & in sequentibus, de perficiendo visu, agitur, ubi de telescopiis, microscopiis, luce, coloribus, seu digniora proponuntur. *Quarta Disputatio* de anima rationali, sive de homine, agit, ubi de animæ natura & origine, spiritualitate ac immortalitate, de commercio animæ & corporis, de potentiis, proprietatibus, & accidentibus animæ, satis luculenter disseritur. De origine animæ humanæ ra. mens Cl. Autori sedet, ut existimet, illam a Deo ex nihilo tunc temporis creari, quo corpori jam organizato conjungitur, cumque occultum sit tempus, quo anima corpori conjungitur, occultum etiam obscurumque censeri debere tempus, quo a sapientissimo Creatore

producitur. In probanda animæ immortalitate argumenta solum vulgaria, quibus Philosophi hodierni & rigidiores non acquiescunt, afferuntur. In explicando commercio inter animam & corpus sententiæ *Leibnitii* ita subscribit Autor, ut dicat, nullam inveniri posse sententiam sibi videri, quæ aut animi dignitati servandæ, aut mutuo operationum consensui explicando, accommodatior existat. Interim *Leibnitii* sententiam a *Cartesiana* non satis, ut par erat, distinxit. Verum de hoc *Voluntæ* plus, quam satis. Quæ restant, in iis erimus brevissimi.

Quartus *Tonus* Tractatum Metaphysicum continet, tribus constantem *Disputationibus*, quarum Capita breviter indicabimus. *Prima* scilicet agit de ente, adeoque Ontologiam complectitur; ubi de ente, ejusque divisione, de essentia, existentia, & subsistentia, de aliis proprietatibus entis, deque primis cognitionis nostræ principiis. *Secunda* Pneumatologica est, agitque de existentia, natura, origine singulorum, nec non de eorum numero, divisionibus, numeribus, & accidentibus. *Tertia* denique Theologiam naturalem complectitur. Itaque in ea de nomine, existentia, natura Dei, de attributis divinis, de scientia, de voluntate Dei, atque decretis, disseritur. Metaphysicæ recentioris capita non attingit Autor.

Quintus *Tonus* moralem disciplinam, sive Ethicam, *Disputationibus* quatuor complectitur. *Prima* agit de ultimo fine, summo bono, & felicitate hominis. In id igitur inquiritur, quod forsan mireris, an ultimus finis hominis admitti debeat. Quo facto, sententiæ Philosophorum de ultimo fine hominis examinantur, eaque eligitur, quæ veri est simillima. Qua ratione, quo tempore, & loco, ultimus finis acquiratur, exponitur, nec non de beatitudine supernaturali, ejusque dotibus, quædam in medium afferuntur. *Secunda* *Disputatio* versatur circa actus humanos, ubi de libertate, actuum moralitate, legum origine, lege naturali, nec non de conscientia. Notamus, Autorem moralitatem objectivam, qualis præcipue a recentioribus defenditur, rejicere, actuumque bonitatem & pravitatem a decreto Dei repetere. *Disputatio tertia* agit de virtutibus & vitiis, deque affectibus. *Quarta* denique de officiis hominum erga Deum, erga se, erga alios, erga familiam, erga rempublicam. Et sic quidem finis est totius Operis, quod sua utilitate non destitutum iri, nobis plane persuademus.

Sextus denique, isque ultimus, *Tonus* Institutionibus Mathematicis destinatus est. Eas autem nullo gloriæ amore, aut innovandi studio, se conscripisse, Autor fatetur, sed id unice in animo habuisse, profectibus auditorum suorum ut consuleret, qui inprimis ordinem *Euclidæum*, nimiamque prolixitatem, in quam non raro incidere videtur summus Geometra, fastidiunt. Operam dedit, ut quamplurima demonstrationibus directis confirmaret, quæ in *Euclide* demonstrantur per impossibile; ut doctrina de æquidistantibus, &c. Quintum *Elementorum* Librum de rationibus & proportionibus, quas *Euclides* per æque multiplices demonstrat, ratione multo magis naturali & clara pertractat.

NOVA ACTA ERUDITORUM,

publicata Lipsiæ

Calendis Aprilis Anno MDCCXXXIX.

T. LIVII PATAVINI HISTORIARUM
ab Urbe condita Libri, qui supersunt, XXXV, cum Supplementis J. FREINSHEMII. Recensuit, & notis illustravit, J. B. L. CREVIER, Rhetor. Prof. in Collegio Dormano-Bellovaco Univers. Paris.

Tomus I.

Parisiis, apud Gabr. Franc. Guillaum & Joannem Desaint, 1735, 4.
Alph. 4 plag. 12.

Magna fuit de *Crevieriano Livio* in Germania, nescimus quo autore, opinio. Ea fecit, ut non satis patienter ferreimus ejus ad nos perferendi difficultatem & tarditatem. Itaque omni contentione confirmare possumus, magna nos & cupiditate & expectatione, cum ejus copia nobis facta esset, ad eum legendum accessisse. Ceterum, quomodo expectationi nostræ opinionique responderit, non est, ut hic dicamus ante, quam instituti *Crevieriani* rationem reddiderimus, ipsiusque Operis speciem quandam informaverimus. Et instituti quidem ratio satis explicata est Præfatione Autoris. Ea descripta est in *tria Capita*; quorum *primum* est de ipso *Livio*, ejusdemque libris; *alterum* de interpretibus *Livii*, editori-
busque superioribus; *tertium* de editionis hujus ratione. De *primo Capite*, in quo & ipsius *Livii* vita & Operis *Liviani* virtutes nævique, exponuntur, quoniam nihil magnopere in eo dicitur, quod non cognitum doctis hominibus perspectumque

fit, nihil esset, quod diceremus, nisi hanc nobis occasionem datam esse putaremus, de orationibus veterum Historicorum directis pauca dicendi, atque ita reprehensionis diluendæ, qua recentiores plerumque, cum de Historicis veteribus dicunt, utuntur. Non prætermisit adeo hanc reprehensionem *Crevierius*, sed ei ita respondit, ut non tam probare hanc veterum rationem, quam excusatione dignam judicare, videatur; usus scilicet iis argumentis, quibus vulgo defendi hæc ratio solet. Ut dicamus, quod nobis videtur, primo fatemur, semper mirum nobis visum, qui factum sit, ut, quam rationem hodie omnes vitiosam esse agnoscunt, etiam qui nondum magnopere ingenium probarunt, & multis ratiunculis, quare in vitio habeant, disputant, ejus rationis vitium primo summi homines, qui ea usi sunt, & qui nobis in scribendo exemplo esse solent, non agnovérint, sed, ut quisque excellentior sit, eo frequentior in ea adhibenda fuerit; deinde nullus ex Criticis præcis & magistris scribendi, *Aristoteles*, *Dionysius Halicarnassius*, *Longinus*, *Cicero*, *Quintilianus*, &c. eo acumine, quo nos homunculi sumus, fuerit, ut in vitio habendam esse hanc orationum immiscendarum consuetudinem videret, nec, quos Historicos in aliis rebus reprehenderit, eos in hoc quoque reprehenderet. Illud vero libenter concedimus, si, qui nostra ætate res gestas memoriæ produnt, hujusmodi orationibus directis distinguere orationem perpetuam vellent, reprehensione dignos futuros. Quid ergo est? Quod in nostris hominibus reprehendi jure potest, id in antiquis probabitur? Enimvero alia est præcorum, alia nostrorum, temporum ratio. Nostris temporibus hujusmodi orationes aut raro, aut nunquam, ab hominibus in republica versantibus habentur. Quid igitur opus, eas confingere, aut quem usum habere potest, eas legere? Est, unde eloquentia disci potest, neque hujusmodi oratiunculis opus. Apud veteres Græcos autem & Romanos, aliosque populos, omnia publice orationibus in senatu, aut in concionibus populi, agebantur. Itaque utilissimum erat legentibus historiam, præsertim his, qui rempublicam capeßere cogitabant, hujusmodi orationes quamplurimas legere. Jam viri poterant, imprimis Romæ, pæne quotidie audire.

Pueri

Pueri autem, qui nondum forum attigerant, adeoque concionibus interesse non poterant, aut qui in municipiis aliisque urbibus extra Romam vivebant, quod genus orationis audire non poterant, id legere debebant. Hi itaque cum historias legébant, quæ olim ab hominibus in republica versatis fere scribebantur, non solum prudentia civili imbuebantur, sed etiam ad illam eloquentiam senatoriam & politicam conformabantur. Ipsis etiam viris ad rempublicam accedentibus non minus utile erat hujusmodi orationes accurate scriptas legere, quam audire eas, quæ a magistratibus aliisque haberentur. *Ciceronem* scimus adolescentem *P. Sulpicium*, Tribunum plebis, concionantem quotidie de republica non minus studiose audisse, quam *L. Crassum* & *Antonium*, in judiciis causas agentes. Idem, non dubium est, quin alii etiam fecerint, qui in foro, in concione populi, in senatu, florere aliquando cuperent. Quodsi vero orationes forenses, conciones, & sententias senatorias, editas legere solebant eloquentiæ utriusque studiosi, exque hoc consilio edebantur, ut ad hanc eloquentiam contendentibus prodesse, quid est, quare Historici reprehendantur in eo, quod hujus generis orationes libris suis immiscuerint, quæ pæne eandem vim habere, certe docere, poterant, quomodo e rebus quibusque deligenda sint & oratione comprehendenda, quæ ad obtinendum id persuadendumque hominibus in republica valere possint, quod persuadere velis. Sed ad *Crevierium* redeamus. Is igitur *Capite secundo* primo negat, sibi de antiquis *Livii* editionibus agendum, cum otium sibi faciat *Gronoviana* ad *Livium* Præfatio, quam huic suæ Præfationi subjecit Vir Clarissimus. Sententiam tamen dicit de *Gronoviorum*, *Clerici*, & *Dujatii*, editionibus. Et *Jo. Frid. Gronovii* quidem mirifice laudat in emendando constituendoque *Livio* ingeniosam diligentiam sobrietatemque; ceterum eum emendatorem potius, quam interpretem, *Livii* esse putat; in quo tamen non negat plurimis locis eum insignem lucem attulisse, omnibus facile allaturum, nisi Criticum potius, quam interpretem, agere voluisset. Quod autem sobrietatem *Gronovianam* in emendando laudat, & contextu tantum intelligi vult; nam in animadversionibus interdum audaciores con-

jecturas, ait, tradi. In quibus etiam hoc reprehendit, quod primo variantes lectiones nimis interdum cumulentur, quæ res tædium creet lectori, elegantia Francica scilicet tincto; deinde in exemplis congerendis sæpe modus non servetur. Jam, quod ad varietatem lectionis attinet, parcum Gronovium fuisse putamus, si cum reliquis Criticis compares, qui post eum Autores Latinos edidere, & profecto difficile nobis videtur definire, quot variz lectiones sufficiant, quid sit in hoc genere satis, quid parum aut nimium. Atque hoc idem de exemplis dicere liceat, quibus ad confirmandas explicationes, emendationesque aut receptas adeo lectiones defendendas, utimur. Ceterum non negamus, probari nobis, & jam diu doctis hominibus probatum fuisse, quod consilii dat *Cap. 3* Vir Clarissimus, ut variz lectiones ad calcem librorum rejiciantur. Nam sunt profecto, quibus variz lectiones curæ non sunt. Neque tamen illud Virum Clariss. putamus negaturum, si quis Autorem hoc consilio edat, ut doctis in hoc genere tantum profit, non ut puerorum, non ut semidoctorum elegantulorumque, manibus teratur, eum non absurde varias lectiones animadversionibus ipsis immiscere posse. Laudanda vero est Viri Cl. integritas, cum de *Dujatio* fatetur, eum *Livio* edendo parem non fuisse, neque ad eum satis eruditionis Latinæ & ad interpretandum, & ad lacunas *Livianas* replendas, attulisse. Illud autem laudat, quod *Freinsheimii* Supplementa suæ editioni adjecit, in quo & ipse, post *Clericum*, *Dujatianam* auctoritatem secutus est. Quid de *Hearnii* & *Clerici* editionibus sentiat, ipsius verbis dicamus, quibus in fine hujus *Capitis* utitur, ubi *Livium* bono interprete adhuc egere dixit: Jo. Frid. Gronovius *noluit omnia complecti, cum egregie posset. De Jac. Gronovio silemus, qui & paternis institit vestigiis, & pauca contulit de suo. Voluit Dujatius, nec potuit. Et ipse negat se voluisse Clericus, nec potuisset fortasse, si maxime voluisset.* Hearnius *materiam exadificando operi concessit, opus ipsum vix attigit. Capite tertio*, quo de suo instituto exponit, primo scholan nobis aliquam habet de laude, quæ antiquitatis interpretibus debetur, in qua iis egregie responderet, qui, leviter degustare veteres libros, satis esse contendunt. Deinde quasi le-

ges interpretibus Autorum scribit, quarum plerasque æquis, credimus, animis omnes accipient. Sed, ut in omni fere genere, sic in hoc, facile est bona præcepta dare, bonum legislatorem agere; ad præcepta autem & leges suas se componere, hoc opus, hic labor est. Hoc loco etiam reprehendit Vir Cl. editiones cum notis variorum, quæ apud Batavos Germanosque sunt curatz; quod multa falsa, aliena legenda sint, antequam ad veram explicationem pervenias. Scimus, hanc cantilenam frequenter etiam apud nos audiri. Sed difficile est, de ea re pronuntiare. Illud quidem facile patet, si, qui ad Autores edendos accedunt, hac essent eruditione & hoc acumine, ut optima quæque deligere, & inutilia resecare, possent, eam commodissimam rationem fore edendorum Autorum, quæ delectum notarum faciat. Enimvero, quando paucissimi sunt, qui id facere possunt, periculumque est, ne optima sæpe resecantur, resecanda retineantur, consultius duxerunt doctissimi homines, ab editoribus Autorum integros doctorum hominum labores servari. Fieri etiam potuit, ut quidam, difficultate delectus deterriti, maluerint sine famæ suæ periculo integras notas colligere, quam delectus male agendi periculum subire. Ceterum, etiam in optimo delectu, tamen interdum melius putamus, integras notas afferre. *Salmasiorum, Casaubonorum, Gronoviorum, Graviorum*, sumiliumque, animadversiones eruditionis & bonæ frugis plenissimas integras omnes legere malent, quam mutilatas, neque magis æquo animo eas mutilari ferent, quam integras notas eas adhiberi, quibus res faciles & notæ, loci communes, explicantur, dicta moralia illustrantur, cujusmodi fere sunt *Abramii* notæ ad *Ciceronem*, & pleræque ex his, quas ad *Plinii Panegyricum* nuper repetiit Cl. *Arnæzenius*, ut alias taceamus. Cl. *Crevierius* aliam instituit viam. Omnes enim aliorum, etiam *Gronovii*, notas ex *Livio* suo sustulit, sed iis omnibus in suis concinnandis usus est; neque solum his, sed etiam consiliis monitisque *Rollini* & *Joannis Heuzeti*. Tria inprimis in his notis spectavit. Primo contextus emendationem, deinde difficultium verborum locutionumque explicationem, & tandem rerum ipsarum illustrationem. In contextu emendando non so-

lum *Gronovio* usus est, sed aliis etiam sex Codicibus MStis, a Cl. *Sallerio*, Bibliothecæ regię custode, suppeditatis, & quinque quidem membranaceis, uno chartaceo, quibus *Gronovius* non erat usus. Denuo etiam post *Gronovium* excussit excellentissimum *Putcanorum* fratrum librum, & quædam a *Gronovio* non observata animadvertit. Accessere duo alii Codices, alter non antiquissimus quidem, sed fideliter tamen exscriptus, e Bibliotheca Sorbonica, alter e Victorina, novitius ille, & assutis sæpe medicaminibus ineptis deformatus. Consultæ sunt etiam editiones veteres *Andreae* & *Campani*, aliæque, *Gronoviana* antiquiores. *Polybio* quoque se fatetur in emendando *Livio* adjutum. Lib. XXXIII, 35, olim edebatur: *Ætolorum principes alii questi sunt* &c. *Gelenius* ex archetypo exemplari reposuit: *interquesti*, verbum rarissimum, & fortasse nusquam obvium. Noster, autore *Polybio*, restituit: *alii leniter questi sunt*. Nam in *Polybio*, quem hic *Livius* exscribit, est: τῶν μὲν πρῶτος καὶ πολιτικῶς μεμψιμοιρῶντων αὐτοῖς. Lib. XXXIX, 36, locus est, qui mire torsit *Gronovium*: *Cædem primum ad conflictum factum eorum* &c. *Crevierio* suboluit, mendum esse in *conflictum*. *Polybius*, in *Excerpt. Legat.* 37 de hac re agens, dicit, hanc cædem factam ad *Compasum*, idque nomen *Livio* restituendum. Interdum etiam conjectura usus est, sed ita, ut nunquam in contextum admitteret, nisi quod aut MStis, aut editionibus primis, confirmari posset. In verbis & locutionibus explicandis quoniam non facile omnibus satisfieri potest, cum aliis aliud aut facile, aut obscurum, videatur, eo descendit, ut ea sola loca breviter explicaret, quæ aut ipsi aliquid molestiæ exhibuerant, aut doctissimis viris, quibus ducibus & monitoribus usus erat, difficultatis aliquid habere videbantur, aut denique in quibus explicandis docti homines lapsi erant. In quo consilio, non est profecto, quod reprehendi possit; neque dubium est, quin omnes, qui ad Autores edendos accedunt, eo utantur, modo recte eo uti omnes possent. Nam primo plerisque, etiam satis doctis, hominibus accidit id, quod sibi accidisse sæpenumero fatebatur, ni fallimur, *Casaubonus*, ut, cum legeret librum, sibi facillima viderentur, quæ difficilia explicatu & obscura

obscura esse intelligeret tum demum, cum aliis eorum sensus accurate perspicueque explicandus esset. Hoc omnibus, pæne dicam, accidit, qui Autores ediderunt, quos non aliquoties aliis sunt interpretati, ut facile possemus multis exemplis demonstrare, si locus pateretur. Omnino difficile est, quid sit obscurum, ubique aliquem posse definire; dubiumque nobis videtur, utrum indocto, an docto, obscuriores libri veteres videantur. Quid enim? *ὁ πᾶν* *Gravius* plusne difficultatis in Epistolis *Ciceronis* explicandis vidit ante, quam in *Gronovii* disciplinam venisset, an postquam venerat? Quid? Libros sacros quinam facilius sibi persuadent a se intelligi? Doctiores, an indoctiores? Quod ergo huic rei dicemus esse remedium? Nobis mallems dici. Sed, si, quid sentiamus, dicendum, mature defacandum est ingenium, & Dialectica mathematicisque disciplinis ita subigendum, ut clara ab obscuris discernere discat, ita consuescere debemus, ut, singulis verbis formulisque utrum jungamus ideas, nec ne, judicemus, & judicare possimus. Constituendum etiam est & definiendum, cui scribamus, quo profectu esse Lectores nostros velimus, ut, quid iis obscurum esse possit, eo facilius intelligi possit. Redeamus in viam. Quod ad res attinet, quas illustravit Vir Clarissimus, primo operam dedit, ut, quæ *Livius* omisit, ea breviter expleret; quæ parum vera memoravit, convinceret; ritus, leges, sine ambitione, attingeret & explicaret. Ponderum autem, pecuniarum, mensurarum, rationem peculiari Disputatione, Præfationi subiecta, explicavit, cui adiecit appendicem *de ære gravi*, e *Perizoniano* libello compositam. Geographica in Indicem conjecit. Chronologicas disputationes operosas vitavit, sed ad *Dodwelli* mentem summis paginis post U. C. & ante C. N. adjecit. Epitomis quoque aliquid curæ adhibuit post *Sigonium* & *Gronovium*, easque putat emendatiores, quam antea prodidisse. Sed, quoniam de instituto Viri Cl. satis diximus, ipsarum notarum specimina quædam afferamus. Dicamus primo de notis iis, in quibus verba & locutiones explicantur. In iis quod consilium secutus sit Autor, paulo ante demonstratum est; nempe ut nihil explicaret, nisi in quo aut ipse, aut alii docti viri, hæserint. Exempla hæc sunt: I, 1, *opera præ-*
tium,

zium, id est, rem utilem, & cui haud frustra opera impensa sit. Ibid. vulgatam rem, id est, rem vulgo a scriptoribus historiarum factitatum &c. Ibid. res est immensi operis, hoc est, quae excre-
scere debeat in immensum opus. I, 2, manibus propulsare bel-
lum, id est, inclusos intra mœnia propulsare hostem. I, 16, velu-
ti orbitatis metu, id est, metu non absimili ejus, qui orbatos pa-
rente occupat. I, 44, incensis, id est, iis, qui censi non fuissent.
I, 50, facinorosus, id est, audax, temerarius. I, 56, corneo bacu-
lo, id est, e corno arbore. I, 58, satini salva, id est, supple, res ef-
sent. Formula salutandi. Et hujusmodi sunt innumerabilia in
his notis. In hiscine vero hærere, doctissime Crevieri, potuisti, in
his Rollinus, Heuzetus, alique, potuerunt? Nemo puer apud
nos ad legendum Livium admittitur, qui hæc non sua sponte
intelligat. Absint vero ab tam splendidis editionibus hujusmo-
di, infantibus scribendæ, notæ. Egregiam vero pœnam persol-
vit manibus Gronovii Vir Clarissimus, quem supra reprehenderat,
quod exempla, quibus ad explicationes suas usus esset, nimis
cumulasset. Nam, dum hoc vitium fugit, in contrarium currit,
& nobis notas aridas & jejunas efficit, iis similes, quas in Jo. Corn.
de Paw libris nuper jure reprehendit Cel. Dorvillius. Sic Lib.
IX Cap. 38 ad verba: diem diffidit, cum egregia dici & de le-
ctione, & de re, possent, nil addit, nisi hoc: rem in posterum
diem rejicere cogit. Jam, quod ad res attinet, fatemur, afferri
multa utilia, idque nullo eruditionis antiquariæ ambitu fieri,
sed plerumque nimis vulgata, neque in notis Livianis quæren-
da. Quis speret, se in Livianis notis inventurum, quid sit
toga, quid lictor, pratexta, mulsum, & similia innumerabilia,
quæ aut jam cognita esse debent ad Livium legendum acceden-
tibus, aut a magistris explicari. Quodsi hujusmodi rebus in
omnibus Lexicis & Compendiis antiquitatum obviis notas Au-
torum omnium replere vellemus, quis finis scribendarum no-
tarum foret? Quodsi & illud genus notarum verbale & hoc
rerum resecuisset Vir Clarissimus, plus quam dimidia pars deimita
esset. Hoc diximus inprimis esse artis, difficultates veras vi-
dere, & phœsis corruptas obscurasque constituere. In quo Vir
Cl. quid præstiterit, videbimus. Quo loco recordamur ejus
inli-

instituti nostri, quod in recensendo *Livio Drakenborchiano* superiori anno tenuimus. Deligebatur *Lib. I Cap. 43* de censu *Serviano*, & quid ad id constituendum allatum esset, commemorabatur. In quo hæc laus merito tribuebatur *Cel. Drakenborchio*, nihil ab ipso intactum relictum, in quo quis hære, quod corruptum videri possit. Jam, si compares cum *Drakenborchianis* notis ad hoc *Caput Crevierianas*, ab hoc pæne nihil actum censeas, nihil ad *Drakenborchium* esse *Crevierium*. In *minis vinculorum & mortis*, quibus lex de incensis sancita est, *I, 44*, facilius aliquis hæreat, quam in *opere pretium*. Sed, *mina mortis* quæ sint, aut ab eruditis putentur, nihil dixit. Sed in universo Opere hoc visi nobis sumus animadvertere, Virum Cl. in libris Criticorum & Antiquariorum non magnopere versatum, quod necessarium est ei, qui Autores edere suscipit. Si *Lipsii Electa* legisset, citata *Jo. Fr. Gronovio*, invenisset, suspectum videri locum *IV, 16*, de *bove aurato*, sed hoc totum silentio præterit, & in nota hæc scribit: *auratis nimirum cornibus*, quasi scilicet ad aram ductus bos esset. Ceterum ipse locum sic legendum censet, nullo Codice nixus: *bove aurato & statua extra &c.* Non magis dici potest, quare extra portam posita sit statua. *Lib. IV Cap. 50* *Postumius Imperator sub cratē necari* milites jubet. Id supplicium *Lib. I Cap. 5* clarius describi dicit. Fallitur. Est simile huic, sed illud in aqua factum est, hoc non item. Laudare poterat *Ferrarii Elect. II, 7. Voltumna* sæpe fit mentio. Quid *Crevierius*? Videtur Etruscorum Dea fuisse. Videtur vero? Enimvero nil certius. Hoccine dubitari in tanta literarum luce? *Demsteri Etruria regalis & Gorii Museum Etruscum* inspiciantur: quot locis Autorum veterum confirmari possit, intelligetur. De *Corniculis* item *Lib. X Cap. 44* quam jejune. Debebatne vero Interpres *Livii* ignorare disputata *Salmasio* ad *Solin. pag. 386*, &c. *Lib. V Cap. 23 Jovis Solisque equis* suspectum visum doctis hominibus, & a *Scheffero*, *Gupero*, *Clericoque*, correctum. Sed hic tacet *Crevierius*, & sic in pluribus aliis. In fine *Partis II* sunt notæ posteriores, ad emendationem contextus *Liviani* pertinentes. In iis sunt variae lectiones e Codicibus *MStis* editionibus primis, atque conjecturæ quæ-

dam. His uti poterunt, qui postea ad *Livium* edendum adiungent animum. Sed satis longi fuimus; ad alios libros veniatis.

RERUM ITALICARUM SCRIPTORES, AB Anno Ære Christianæ D ad MD. LUDOVICUS ANTONIUS MURATORIUS, Serenissimi Ducis Mutinæ Bibliothecæ Præfectus, collegit, ordinavit, & Præfationibus auxit.

Tomus XXIII.

Mediolani, ex typographia Societatis Palatinæ, 1733, fol.

Alph. 7 plag. 4, Fig. æn. 2.

Quandoquidem, quæ *Tomo* hoc *XXIII* continentur, non esse minoris, quam quæ dederant priores *Tomi*, momenti atque pretii videntur; nec commitemus nos, ut in recensendo novo hoc *Volumine* minus fuisse diligentes, quam fuimus in ceteris, dicamur. Ornant frontem ejus illustrissima nomina *Jureconsultorum*, *Judicum*, *Comitum*, & *Equitum Mediolani*, quibus Partem hanc magni sui & egregii Operis *Palatini Socii*, interprete *Philippo Argelato*, Augustissimo *Carolo VI* a Secretis, Viro industrio, & ob præclara in res *Italarum* merita bonis omnibus percaro, consecrarunt. *Scriptorum*, quos complectitur hic *Tomus*, primus est *Antonius Hyvanus*, *Sarazanensis*, cujus *Commentariolus de Bello Volaterrano, A. 1472 a Florentinis gesto*, e Codicibus *MSis*, uno *Comitum Guidonum*, uno *Sarazanensis urbis*, & duobus *Bibliothecæ Stroziana*, nunc primum prodit. Bello, quod hic descriptum est, occasionem dedisse, constat, inventas *A. 1472* in agro *Volaterrano* ditissimas aluminis fodinas, quarum cum sibi quisque civium partem peteret, capitales hinc contentiones ortæ sunt, non nisi plurimorum cæde, & ipsius urbis interitu, finitæ. Alii a *Florentina Republica*, id modis omnibus agente, ut in partem lucri admitteretur, calamitatis hujus causam arcessunt. Sed multum ab his dissentit *Hyvanus* nosser, qui, cum tanti mali culpam omnem in *Volaterranos* con-

jicit,

jicit, ita se gerit, ut plane ad id conductus mercede Florentinorum videatur. Quod sane in homine, Volaterranz civitatis stipendio vivente, & publica hic munera gerente, vix satis mirari possis. Constat enim ex ejus literis, ad *Volaterranos* datis, quas integras ex tabulario illius urbis *Muratorius* produxit, fuisse ei jam A. 1466 Cancellarii in illa civitate dignitatem oblatam, nec dubium est, hanc susceptam ab eo, & annos aliquot administratam. Literis non leviter imbutum fuisse, ipse hic libellus docet, satis quippe eleganter, tanque copiose, scriptus, ut vix aliunde universi hujus belli initia & progressus plenius cognosci possint. Excipit *Hydramum Leodrius Cribellus*, cujus jam olim *Vitam Sortie* Collectionis hujus Tomo XX dederat, jam *de Expeditione Pii Papa secundi in Turcas Libros duos* ex Codice *Phil. Argelati* MSto exhibet, Italiz suæ ornamentum, *Muratorius*. Exigua est, si molem spectes, hæc opella, nec, unde plura peti possint de vita *Pii II*, desunt alii Scriptores; habes tamen hic eorum, quæ sub finem vitæ gessit Papa ille, narrationem satis copiosam, & in *Scriptorum Italiae* Corpore *Muratoriano* ob id inprimis locum merebatur hæc Historia, quod ad hunc diem nondum edita exstaret, cujus generis scripta merito præferenda dudum publicatis *Muratorio* videntur. De Autore ipso satis dictum est olim, cum Tomi XX *Scriptorum Italiae* mentionem fecimus. Accedimus ad *Jacobi Volaterrani Diarium Romanum*, ab A. 1472 usque ad 1484, ex MSto Codice Bibliothecæ Estensis, sed eo, quod dolet *Muratorius*, non satis accurate scripto, nunc primum editum, quo plurima continentur eorum, quæ tempore *Sixti IV* Romæ, maxime vero in curia Romana, gesta sunt. Scriptor est non minus elegans, quam accuratus, cujus labore usus est *Raynaldus* in *Ecclesiasticis Annalibus*, Commentarios hos accuratissimos vocans. Pleniora tamen sunt, & ipsa orationis serie melius cohærent, quæ ab A. 1579 ad 1584 memorantur, quam quæ præcedunt illud tempus. Convertisse se ad Opus hoc scribendum *Jacobi* Cardinalis Papiensis, cui a secretis & in amicissimis fuit, cujus etiam *Epistolas*, & *Commentarios* historicos, ipsa ejus vita ornatos, luce publica donavit, sive hortatu, sive exemplo, vide-

tur. Hujus enim, quos modo diximus, *rerum sui temporis Commentarii* communem doctiorum hominum plausum tulere; & exstat Epistola ejus ad *Volaterranum*, qua hujus institutum, Annales urbis Romanæ conscribendi, vehementer approbatur. *Volaterranum* hunc Historicorum Latinorum numero merito adscripsit *Vossius*; idem vero, cum a Papa Pio in Cardinalium collegium allectum scribit, multum fallitur, & *Jacobum Volaterranum* cum *Jacobo de Ammanitis*, Cardinale Papiensi, eodem, quem paulo ante nominavimus, temere confundit. Natum *Vossio* errorem hunc ex eo, putat *Muratorius*, quod *Jacobi* hujus Cardinalis *Commentariorum Libro tertio* & sequentibus falso inscripta hæc legantur: *Jacobi Volaterrani Cardinalis Papiensis Commentarii*. Ortum enim Lucensem fuisse hunc *Jacobum*, vix quisquam dubitet, qui legit *P. Sebastiani de Paulis*, civis Lucensis, de patria hujus Cardinalis Dissertationem, Lucæ editam. Id satis constat, exincto Cardinale Papiensi, cui a Secretis fuisse diximus, in *Secretariorum Pontificis* ordinem cooptatum, & *Protonotarium Apostolicum* nominatum hunc *Jacobum*. Præterea *Archidiaconi Ecclesiæ Volaterranæ* dignitatem gessit; & anno tandem 1515 a *Leone X Episcopo Aquinate* donatus est. Pater ei *Nicolaus*, frater *Benedictus*, patria Volaterræ, fuerunt. Ortum ex gente *Gberardorum* duxit, non *Massaorum*, quod perperam *Waddingus* & *Raynaldus* tradunt, idem genus *Jacobo* tribuentes, unde *Raphael Volaterranus*, notissimus ille *Commentariorum urbanorum* scriptor, sed a nostro plane diversus, prodit. Cultissimæ hic *Jacobus* vir doctrinæ fuit, &, præter hoc *Diarium*, plura alia ab eo literis mandata, ex variis *Jacobi* Cardinalis Papiensis Epistolis intelligimus. Quin probabile videtur *Muratorio*, ipsum hoc *Diarium* ad plures annos ab eo perductum; quod si ita sit, justo dolore horum, quæcunque desunt, jactura prosequenda est. Sed substituit in horum locum præstantissimus *Muratorius Epistolam Innocentii VIII ad Dominum Jacobum de Volterris*, A. 1488, cum Forolivienfis populus in *Hieronymum Riarium*, Comitem, crudelissime invaderet, scriptam, & ex alio Bibliothecæ Essensis Codice huc translata. *Volaterrani* Opus excipit *Angustini*
Pa-

Patricii, *Senensis*, *Descriptio adventus Friderici III Imperatoris ad Paulum Papam II*, jam olim a Jo. Mabillonio in *Musci Italici Parte II* pag. 256 publicata. Bis, quod inter omnes constat, urbem Romanam accessit *Fridericus III* Imperator, primum A. 1452, coronam Imperatoriam ex manu *Nicolai V* accepturus, iterum A. 1468, testaturus religionem suam *Paulo II*, tunc Pontifici. Alteram hanc peregrinationem in libello hoc suo descripsit *Patricius*, Vir non indoctus, qui *Vitam* etiam *Fabiani Benciani*, *Politianensis*, sacrorum Canonum doctoris, ab eodem Mabillonio editam, nec non *Epitomen Conciliorum Basileensis, Florentini, Lausannensis, & Pisani*, aliosque libros, scripsit, diligenter indicatos *Apostolo Zeno* in *Additamentis ad Vossium de Hist. Lat.* quorum partem huc pertinentem dedit *Tomo XVIII Ephemer. liter. Italia* pag. 336. *Patricium* hunc *Cerimoniarum* sub *Innocentio VIII* Magistrum, dein ab A. 1483 *Episcopum Pientinum*, fuisse, *Mabillonius*, &, ex quo ille habet, *Ughellius*, tradunt. Idem *Mabillonius* duos *Augustinos Patricios* facit, utrumque *Senensem*, utrumque literis & scriptis clarum. Sed feliciter hos errores refellit loco, quem diximus, *Apost. Zenus*, certo nos docens, unum eundemque fuisse *Patricium*, huncque sub *Paulo II*, &, qui ei successit, *Sixto IV*, *Cerimoniis* præfectum, atque postea *Episcopum Pientinum*. Habes jam, Lector, *Annales de Raimo, sive Brevem Historiam rerum in regno Neapolitano gestarum*, ab A. 1197 ad 1487, *Authoribus* *Ludovico, Seniore, & Juniore*, de *Raimo*, ex Codice *MSto*, cujus copiam *Cel. Muratorio* fecit *Ignatius Maria Comus*, Vir inter *Neapolitanos* doctissimus, jamque in scribendis *Romanorum Pontificum & Cardinalium*, qui ortum duxerunt e regno *Neapolitano*, *Vitis* occupatus, descriptam. Adjungendam hanc opellam, etsi tenuem & rerum valde inopem, nec lacunis carentem, *Ephemeridibus Neapolitanis*, jam olim *Tomo XXI Scriptorum Italia* publicatis, vel ideo putavit *Cel. Editor*, quod, quæcunque hic narrata sunt, ad *Campaniam* potissimum, ad *Samnites*, populosque alios *Aprutio* vicinos, quorum historia satis adhuc jaceat inculta, spectent. Nobilissima olim in terris *Neapolitanis* gens *Raimorum* fuit, unde etiam *Fransonus &*

Lancellottus, Equites Hierosolymitani, genus duxerunt. Hi ipsi gloriam conscriptæ hujus *Historiæ* cum *Ludovicis* duobus communem ferent, si fides habenda sit Codici, unde deprompta est a *Muratorio*, in cujus quippe fronte, præter *Ludovicos*, *Franconi* etiam & *Lancellotti* mentio facta est. Sed, ab his non tam scriptam, quam saltem descriptam fuisse, ex alio facile ejus Codice intelligas, ita inscripto: *Annali du Ludovico vecchio e giovane de' Raimi, descritti da un libro a penna de' M. M. Lancellotto & Fransone, de Raimi, Cavalieri Hierosolimitani. Cum additionibus Antonii de Afeltriis.* Progredimur ad Antonii Galli, *Genuensis*, *Opuscula historica, de rebus gestis populi Genuensis, & de navigatione Columbi*, quæ, nondum ad hunc diem edita, & diu a se frustra quæsitæ, tandem hic proferre Cel. Editori ex Codice MSto Genuensi licuit. Tria sunt Opuscula, a *Gallo* non indiligenter scripta, & ab Editore perindustrio mendis quamplurimis purgata. Primum de *Expeditione Genuensium in Barchinonenses*, quam susceptam A. 1466 constat, inscriptum est, cui in Codice MSto inepta librarii manus nomen *Gottfredi de Albario*, cujus exstant *Annales Genuenses*, sed nunquam editi, præfixerunt. Altero *res gestæ Genuensium ab A. 1476 ad 1478* memorantur. Tertio *origo atque fata Christophori Columbi*, nobilissimi peregrinatoris, ortu sive Genuensis, sive Savonensis, sive, quæ *Petri Mariæ Campie* in *Historia Ecclesiæ Placentinæ* sententia est, Placentini, quem æqualem habuit hic *Gallus*, copiose exponuntur. Ceterum non adeo obscurum hujus *Galli*, Historici Genuensis, & Scribæ Magistratus S. *Georgii*, nomen est, ut non ejus mentionem, etiam honorificam, Scriptores Genuenses fere omnes, maxime vero *Raph. Sopranus* in libro *degli Scrittori Liguri*, fecerint. Succedit Benevenuti de Sancto Georgio, *Comitis Blandrata, Historia Montisferrati, ab origine Marchionum illius tractus usque ad annum 1490*, Italico sermone scripta. Causæ, cur opus hoc, jam diu ante editum, denuo hic publicandum duceret, Cel. *Muratorio* tres fuere; prima, quod nobilissimæ hujus regionis, quam solam magna hac *Scriptorum Italia* Collectione exulare, indignum videbatur, nusquam exstaret, certe inveniri non posset, quæ lucem non-

dum

dum publicam vidisset, Historia, nec inter eas, quæ prodissent olim, ulla potior præsentē esset; altera, quod præclarum hoc *Benevenuti* opus, A. 1639 in civitate Casalis S. *Evasii* typis æneis impressum, tam paucorum, sive quod exiguis exemplarium numerus prodierit, sive quod id divulgari homines potentiores noluerint, jam quidem manibus versetur, ut, sitne unquam editum, dubitare etiam rei literariæ peritissimos videas; tertia, quod Scriptorem hunc, Seculi sui adhuc satis inculti ornamentum, præcipuus quidam veritatis amor, studiumque Criticæ, commendat, quippe ad confirmandas rerum gestarum narrationes ipsis tabulariorum divitiis, & veterum chartarum fide, utentem. Modestius hoc, quicquid est Operis, *Tractatum familiarem* inscripsit Autor, ita obviam iturus iis, qui stili forte elegantiam, de qua non ita, sicut de rebus ipsis, laboravit, hic frustra sint quæsituri. *Historiam* hanc, ut diximus, diligentissime scripsit, quæ nisi exstaret, multis adhuc res Montisferratenses obtectæ tenebris jacerent; neque tamen, in contexenda maxime Comitum Genealogia, nihil ei difficultatum spinæ horridæ vetustiorum temporum, Seculi inprimis decimi, objecerunt. Antiquiorem enim *Alderamo*, quem dicunt ab A. 938 ad A. 995 imperium tenuisse, ejus & ipsius historia multum adhuc luce eget, non ostendit; & quæ de hujus filio quodam primogenito, & in Marchia successore, *Bonifacio I*, cum *Arnulpho Mediolanensi* tradidit, prorsus in fabulis sunt habenda. Nam, quem Seculum XI tulit *Bonifacium*, A. 1052 in Burgundica *Conradi I* Imperatoris expeditione ferro venenato trajectum, Comitem, non Montisferrati, sed Tusciæ, fuisse, jam Cel. Editor, in eodem olim errore versatus, ex certissimis rerum documentis exploratum habet. Fortassis & alia, quibus lima opus sit, in ceterorum Comitum historia acutiores oculi animadvertant; sed quæ facile ex Scriptoribus, in hac Collectione passim obviis, aut emendari, aut suppleri, possint. Antiquissima fuit, unde genus duxit *Beneventus*, Comitum Blandratæ domus, adhuc hodie Augustæ Taurinorum, & in aliis Italiæ civitatibus, veterem splendorem & dignitatem servans. Fuerunt olim in hujus ditione oppidum Blandratæ, Castellum S. *Georgii*, Vallis Sessiti, & Olæ-

& Ofcelæ. Postea in tres quasi surculos stirps hæc admodum illustris abiit. Alii enim a *Rocha*, alii a *Balangero*, alii a *Foliso*, dicti sunt. Postrema prosapia *Benevenutum* dedit, ideo cognomine de *S. Georgio* insignitum, quod suis fortunis castellum hoc, a *Carolo V* Imp. A. 1523 Comitatus honore donatum, adjunctum habuit. Pater ei *Joannes de S. Georgio*, vir in Canapicio primarius, fuit. Militiam primum sectatus, inter Equites *S. Joannis* Hierosolymitani locum, simulque splendidam, quam dicunt, *Commendam*, obtinuit; postea ad suaviores Musas conversus, illustrissima in aula Comitum Montisferrati munera gessit. Præses enim Senatus *Casalis S. Evasii* nominatus, provinciam hanc ad mortem usque *Bonifacii* Marchionis administravit, filiorum ab eo relictorum tunc curæ & tutelæ præfectus, & ipsius regionis rector vicarius constitutus. Præterea frequentes ad *Alexandrum VI*, *Maximilianum* Imp., aliosque Principes, legationes obiit, vir non prudentiæ minori, quam eloquentiæ, & Jurium peritiæ, inter suos laude florens. In tantis rerum publicarum curis de scribenda etiam *Historia Comitum Montisferrati* cogitavit, hancque geminam, Latino & Italico sermone, composuit. Et Latina quidem primum prodiiit A. 1516 in urbe Astensi, sic inscripta: *Montisferrati Marchionum & Principum regie propaginis, successionumque, series nuper elucidata*. Hanc ipsam, accessionibus ditatam, postea A. 1521 Trini, Ducatus Montisferrati oppido, denuo in lucem emisit. Quam deinde patrio sermone composuit, non vivente ipso, sed pluribus post mortem ejus annis, prodiiit *Montisferrati* plenior *Historia*, novo jam a Cel. Editore ornata donata, plurimisque mendis liberata. Memoratur etiam *Benevenuti* hujus de *Origine sua Familia* libellus, nunquam, quod scimus, editus, & paucis fortassis cognitus. Ordo nos ducit ad *Allegretti de Allegretis Ephemerides Senenses*, ab A. 1450 ad 1496, sermone scriptas Italico, jamque primum ex *Huberti Benvoglienti*, Patricii Senensis, Codice MSto huc translata. Parum hæc satisfaciunt iis, qui res tantum illustres & notatu cumprimis dignas in historiis requirunt, cetera, quæ sunt levioris momenti, fastidiosius legunt. Accidit enim & *Allegretto* huic, quod *Ephemeridum* scri-

Scriptoribus accidere plerumque solet, ut in Annales suos, ne rerum gestarum negligentiores fuisse spectatores videantur, obvia quæque, nullo rerum utilium inutiliumque habito discrimine, referant. Bene igitur a Cel. Editore factum, quod eorum, quæ nihil nec utilitatis, nec delectationis, habebant, plurima hinc sustulit, nonnullis, quæ ad ipsos Senenses spectant, & absque horum injuria auferri non poterant, de industria retentis. Si rem ipsam spectes, minime spernendum videtur hoc *Diarium*, luculentam sane eorum, quæ sub finem Seculi XV non inter Senenses tantum, sed in universa etiam Italia, gesta sunt, notitiam suppeditans. Secutus est *Allegretus* partes populi seu plebis, penes quam tunc summa rerum erat in Senensi civitate, & quod ipse refert, in primis populi Magistratibus allectus fuit. Idem patre se natum *Nannio Allegreto*, & illustri ortum genere Duodecimvitorum, dicit. Pergimus ad *Fratriæ* Hieronymi de Bursellis, *Bononiensis*, *Ordinis Prædicatorum*, *Annales Bononienses*, ab A. 1418 ad 1497, nondum ad hunc diem editos, jamque ex Codice MSto Jo. Baptiste Bianconi, Græcarum literarum in Gymnasio Bononiensi Professoris clarissimi, depromptos. Exordium hujus Historiæ Autor non ab A. 1418, sed ab ætate remotiori, duxit; at noluit vetustiora illa hic denuo locum invenire Editor, utpote jam diligenter descripta in *Annalibus Bononiensibus Matthæi Griffonis*, Collectionis hujus Tomo XVIII publicatis. Resectis igitur, quæcunque annum 1418 præcesserant, ita instruxit *Annales* istos, ut, si his *Griffonis* historiam, ad annum usque 1426 deductam, conjungas, plenissimam, & continua serie decurrentem, rerum Bononiensium historiam teneas. Prodiit Autor nobili genere *Albertucciorum*, cui pro more Seculi agnomen *Burselli* fuerat adscitum. Patrem ipse suum *Petrum de Bursellis*, sive de *Albertucciis*, nominat, qui, amore accensus patriæ, arma corripuit, Canetulosque, quantum valuit, impugnavit. Addixit se sacris Prædicatorum, cujus Ordinis quisquis historiam tradidit, *Hieronymi* hujus doctrinam & virtutes miris laudibus extollit. Si *Altamura* fides, in Bononiensi civitate A. 1493 *Inquisitoris hæreticæ pravitatis* munus gessit. Pleuritide correptus, d. 25 Nov.

A. 1497 e vita excessit. Scripta ejus numero multa, sed nunquam edita, quorum partem aliquam Bononia servat, hæc memorantur: *Annales Ordinis Prædicatorum ab A. 1215 ad 1484; de Viris illustribus Ordinis Prædicatorum; de Generalibus Magistris Ordinis Prædicatorum; Annales Cænobii Bononiensis S. Dominici, ab ejus exordio usque ad sua tempora; Chronicon, seu Epitome gestorum ab orbe condito usque ad annum 1497; Historia Romanorum Pontificum a Sancto Petro ad Alexandrum III Papam; Chronicon, seu descriptio complurium Italia civitatum; de Doctõribus afferentibus, Deiparam originali peccato aliquando fuisse obnoxiam; Sermones de tempore per totum Annum; Sermones varii de Sanctis; Liber Sermonum pro tempore Quadragesimali; denique Annales urbis Bononiæ, quibus Muratorii beneficio in posterum luce frui publica licebit. Ultimum in hoc Volumine locum occupat Andrea Naugerii, Patricii Veneti, Historia Veneta, ab origine urbis usque ad annum 1498, sermone Italis patrio conscripta, primum nunc e Codice MSto Bibliothecæ Estensis in lucem producta. Dubium videri nonnullis possit, an Historia hæc verus sit Naugerii factus, quandoquidem Petrus Bembo sub suæ initium Historiæ Venetæ diserte scribat, ex eo sibi componendi hujus Operis consilium ortum, quod moriens Naugerius, cui hæc provincia a Magistratu Veneto demandata fuerat, comburi sua scripta jussit; non audet tamen Codici Estensi, in cujus fronte inscripta verba leguntur, da Andrea Navagerio, Nobile Veneto, che mori Ambasciadore in Francia, fidem denegare Cel. Editor, quod certo dici non possit, an jussis his obtinperaverint hæredes mortui, cujus utique & Carmina, & Orationes, flammæ evaserint, fieri etiam potuerit, ut illi rerum Venetarum Commentarii, quos publico nomine conscribendos suscepserat Naugerius, Vulcano cesserint, præsentī Historiæ, multum ab illis diversæ, effugere hanc injuriam contigerit, præterea id satis legenti cuique appareat, Autorem hujus Operis vixisse A. 1498, quo ipso magnum in Italia Naugerii fuisse nomen constet, denique tam plene Autor, tamque accurate, res suo tempore gestas descripserit, ut, nisi ab homine in ipsa rei publicæ*

publicæ luce versante, & arcana ejus consilia edocto, talia expectari vix potuerint. Utrum vero Italico sermone, sicut hic exhibetur, an potius Latino, quem imprimis familiarem habuit, conscripserit id operis *Naugerius*, id ipsum aliis decernendum relinquit Editor. Si recentiora tempora spectes, nihil est, quod desiderari hic possit; sed in antiquioribus Seculis meræ fabulæ & errores venia vix digni regnant, quibus ne manuum violentam inferret Editor, intercessit stupor hominum quorundam, qui, sancte servandas ejusmodi superioris ætatis reliquias, nec quidquam tentandum in aliorum scriptis, audacter pronuntiant;

THE ANALOGY OF RELIGION NATURAL AND RE-
velated to the constitution and course of Nature, &c.

h. e.

ANALOGIA RELIGIONIS NATURALIS
& revelatæ cum constitutione & cursu nature; Au-
tore JOSEPHO BUTLER, L. L. D.

Londini, 1736, 4 maj.

Alph. 1 plag. 20.

Haud vulgare, sed prorsus grave & selectum, scribendi argu-
mentum est, quod explicandum suscepit Cl. *Butlerus*, natu-
ræ cursum, atque convenientiam ejusdem cum religionis, tam
revelatæ, quam naturalis, principiis, declaraturus. Illa omnia,
quæcunque disputavit, huc fere redemit. Vere magnum inter
certam veritatem & probabilitatem intercedit discrimen. Hæc
enim variis gradibus, ab infimo scilicet nudæ possibilitatis, adscen-
dit ad superiores. Nec statim probabilis redditur propositio, in
eo casu, si contrariæ æque sunt possibiles. Attamen in moralem
certitudinem sæpe abit propositio mere possibilis, si nimirum re-
petitur, & multitudine casuum corroboratur. E. c. si fluxum &
refluxum maris hodie prima observares vice hoc illove loco, le-
vissimo probabilitatis gradu concluderes, fluxum crastino die re-
diturum. In sententiam hanc Autoris ire hic non possumus, si-
quidem propositio de fluxu crastina luce repetendo mere est pos-
sibilis; probabilitatis enim notio inter Philosophos longe aliter
est determinata. Si vero per integras septimanas & annos conti-

Dd 2

tinuatur

nuatur hic eventus, certissime credit Autor, fore eundem perpetuum. Quæ autem in probabilitate posita sunt, determinantur analogia & convenientia cum alia re, nobis satis nota. Hæcque similitudinis observatio conjecturam & probabilitatem in innumeris casibus efficit, sæpe etiam convictionem & certitudinem. Futura cognitione præteritorum vel præsentium eventuum dijudicamus. Ita credimus, infantem tenellæ ætatis, staturæ perparvæ, viginti annis præterlapsis, virili magnitudine fore conspiciendum. Experientia nos conducit, mense Januario intensum esse frigus; hinc concludimus, instanti hoc tempore eandem insecuturam aeris temperiem. Ita probabilitate in omni vita utimur, tanquam indice & duce fidelissimo. Inque eruditione, quam longe patet, usus ejus est plane mirificus. Hactenus Noster: sed regulas probabilitatis nec determinat, nec præscribit, sed præcipit, ut doctores Logicæ eas colant, suisque tradant. Pergit: rationi quammaxime conveniens est probabilis argumentandi modus, & *Origenes bene ac sapienter asserit, credentem, Scripturæ autorem esse naturæ opificem, recte conjicere, tales difficultates in ea esse debere, quales in ipsa natura essent obvia.* Atque eodem modo porro colligimus, eos, qui negant, Scripturam esse a Deo, quia multa intellectu difficilia in ea reperiuntur, negare etiam debere, mundum esse creatum a Deo. Porro, si similitudo adest in rebus constitutione & providentia earundem, prout in revelatione exponuntur, ac convenientia nexus, quem experientia & ratio conducit, iterum vi analogiæ concluditur, utriusque unum eundemque esse autorem. Hujus tenoris ratiocinia præclare illustant divinas veritates, & profecto, si ab analogia desumtum argumentum haud adhiberemus, stulti essemus habendi. Et in sanctissimæ religionis veritatibus præ ceteris ea argumentandi ratio venit in censum. Tanquam veritates cognitæ Autor noster principii loco ponit, autorem existere naturæ, & universi rectorem. Omnis igitur liber in usum eorum conscriptus est, qui Dei existentiam & naturæ fines statuunt. Dubia, inquit Noster, quibus premimur, gravissima evanescent analogiam rerum penitus considerantibus. Summa religionis

ligionis Christianæ hæc est: mala puniri, bona præmiis ornari, & rationem haberi omnis vitæ. Porro res huc redit, vitam præsentem esse statum, quo tentemur, & ob futura bona afficiamur variis incommodis. Ita in *Parte prima* hæc ipsa explicaturus Autor, 1) agit de vita futura; 2) de regimine Dei pœnis & præmiis creaturarum; 3) de morali œconomia Dei; 4) & 5) de *δουλοκρατία* creaturarum, & periculis, quibus conflictantur; 6) de opinione eorum, qui actiones dicunt esse necessarias; 7) quomodo falso concipiatur reipublicæ divinæ ratio. In *Parte secunda* 1) ostendit gravitatem religionis Christianæ; 2) argumenta contra revelationem diluit ac refellit; 3) limitationem virium intellectus & iudicii speciatim sistit, deque iis, quæ probabiliter in Revelatione obvia esse debent, declarat: addit denique, inesse vi analogiæ oportere objectionibus obnoxia revelationis placita; 4) nos plane fugere Christianæ veritatis principia, eorumque præstantiam, pronuntiat; 5) nexum harum veritatum, mediatoris officium, & mundi per eam redemptionem factam, exhibet; 6) defectum universalitatis revelationis, & infirmam, uti vulgo creditur, ejusdem probationem, ex mente perverse sentientium explicat; 7) evidentiam & claritatem præcipuam religionis Christianæ docet; 8) objectiones, quæ contra argumentum de analogia naturæ cum religione formantur, refellit. Hæc quidem est generatim synopsis hujus Operis. Annexæ sunt binæ Dissertationes, altera *de identitate personali*, altera *de natura virtutis*. Speciatim disputandi modum Autoris nostri depingere liceat. *Part. II Cap. 2 pag. 161* agit de objectionibus contra revelationem ratione miraculorum. Contradictoria videtur, inquit, naturæ constitutio contendentibus nobis cum ea miracula. Sed aqua nobis non hæret; etenim creatio mundi, invisibilis mundi gubernatio Jesu Christi, & iudicium ejus extremum, reliqua omnia, ita comparata sunt, ut miracula non sint dicenda; si vero ita vocaveris, discrimen tantum intercedet ratione verborum, nihil ad rem faciens ipsam. Si analogia naturæ hæc destruere debet fidei Christianæ capita, repugnare debent cursui naturæ; sed hoc nullibi observamus.

Fingamus quendam, cui nihil e revelatione est cognitum, si fuerit æquus rerum existimator, concedet tantum parvam partem naturalis & moralis hujus universi systematis ea determinari. Profitetur, se exiguam tantum partem rerum scire, ergo non omnem, ergo nec destruere potest incognita, quorum tamen amplissimus est campus, & quæ sunt reliqua, non sine ingenii & doctrinæ copia a Nostro explanata.

JO. GEORGII CRAMERI, J. U. D. COMMENTARII de Juribus & prerogativis Nobilitatis avitæ, ejusque probatione, ex institutis Germanorum, & priscis, & hodiernis.

Tomus I.

Lipsiæ, apud Jo. Christ. Martini, 1739, 4 maj.

Alph. 3 plag. 8.

Prima nunc, quod omnibus doctrinæ rectoris amatoribus longe accidit gratissimum, divulgata est *Pars præstantissimi splendidissimique Operis*, cujus aliquando edendi jam olim liberalem Germanici Juris studiosis spem fecerat Consultissimus *Cramerus*, Lipsiæ nostræ decus, & ad iter illud, quod nominis monstrat immortalitatem, nobili gradu contendens. Postulat æquitas, quæ suprema nobis in recensendis doctorum hominum laboribus lex est, ut plausu partim publico insignem prosequamur industriam elegantis Viri, & ad illustranda Germanorum. Jura natæ plane factique, partim civitati literariæ gratulemur Opus tam politum, tamque utile, & optimarum rerum plenum, ad cujus si accederent laudem, quæcunque luce publica donari scripta solent, o quam maturos percipere posset fructus universa eruditorum societas! Ne quid enim dissimulemus eorum, quæ pertinent ad commendationem Operis egregii, ordo hic concinnus, summum judicii acumen, gravissimorum scriptorum testimonia, & quod unum magnæ laudis materiam habet, suave venustumque dicendi genus, regnant. Fulget præterea liber, & mirifice superbit, dulcissimo Musis nomine Illustrissimi Comitis,

Hen

Henrici a Bruehl, Mæcenatis Saxonici, cujus in patriam merita, nullis tacenda Seculis, & animus erga literatorum ordinem propensissimus, tam diu memorabuntur, quamdiu suus eruditioni solidæ honor constabit. Jam, ne legentes hæc nostra præposterum forte laudandi studium nobis objiciant, ipsum hunc *Musæ Cramerianæ* sortum Lectori paulo propius conspiciendum præbebimus, &, præmissa Capitulorum summa, nonnulla producemus in medium, non anxie quæsitæ, sed oblata nobis ultro, specimina, quæ, ni prorsus fallimur, hoc efficient apud complures, ut ipsum in manus librum sumant, nostrumque probantes judicium, tantæ doctrinæ Autori bene nobiscum precentur. Quæ præmissa est ipsi Operi Præfatio, inter varios Scriptores, qui in eodem olim argumento explicando qualemcunque posuerunt industriam, nominat imprimis *Claudium Franc. Menestrierium*, Gallum, & ex nostratibus *Eberh. Frid. Georgium*, atque *Rudolph. Frid. Telgmannum*; sed quorum nullus ita in hoc munere versatus perhibetur, ut omnem posteris materiam præripuisse dicendorum videatur. Noster, nihil prætermittendum ratus eorum, unde quidquam gratiæ ac decoris conciliari argumento huic gravi ac illustri possit, & animo bene præparato ad nobilem laborem hunc conversus, *Volumen hoc primum Capitibus* absolvit *quinque*, quorum *primo* de inscriptione libri, & verborum significatione, exponit; *altero* origines jurium & prærogativarum avitæ nobilitatis, ejusque probationis, evoluit; *tertio* rationes illorum & æquitatem commonstrat; *quarto*, quinam eorundem in Germania capaces sint, vel minus, dispicit; & *quinto* denique jura ac privilegia nobilitatis avitæ antiqua recenset. Hisce subjunxit *Jo. Mülleri*, Reipublicæ Norimbergensi quondam a Secretis, Opusculum de *Rüxneri* libro de torneamentis, ejusque fide, quod in Bibliothecis huc usque latuit MStum; Documenta, quæ priscum, nobilitatem avitam, in dubium vocatam, comprobandi, modum ostendunt; Statuta ac privilegia Capitulorum quorundam Germaniæ Cathedralium; & alia tandem Documenta, quæ ad controversiam ecclesiæ Cathedralis Wormatiensis cum Auwachiis, & *Jacobo de Boville*, novis hominibus, pertinent. Quam appendicem, nemi-

- Pag. 5. ni fortasse ingratam, rerum & verborum Index sequitur, non sine cura & studio singulari confectus. Jus, quod Germani *das Recht derer Abnen* vocant, ita describit Ampliff. Autor, quod sit *Jus peculiare, moribus Germanorum introductum, & legibus, statutis, atque privilegiis, firmatum, ut cujus illi Nobiles, qui intaminatam nobilitatis suae antiquitatem ex certo avorum, praavorumque, continua serie nobilium, numero legitime probare possunt, aliis, quorum nobilitas vel nova, vel labe quadam adspersa est, praeferruntur, & his exclusis, soli ad exercitationes & ludos equestres, ad primaria nobilium virorum collegia, & corpora, ad praecipuas quasdam dignitates, aliorumque quorundam jurium usum, admittuntur.* Servorum manumilliones, sacris Christianis feliciter in Germania instauratis, atque ita a *Caroli M.* temporibus, Cleri cum prius Pontificii fuisset, factae sunt frequentiores. Ingens igitur libertinorum caterva succrevit, quorum haud pauci ruri remanserunt, & agriculturam, quam ut servi antea exercuerant, nunc tanquam coloni, in utilitatem patronorum, profecti sunt, illisque certos praestiterunt census annuos. Maxima vero libertinorum multitudo conflavit in urbes, spe lucri, indulgentibus patronis ex mercatura & opificiis capiendi, allecta. Et ante quidem *Henrici Aucupis* aetatem soli propemodum liberti urbes incoluerunt Germanicas. Hujus tamen Imperatoris auspiciis evenit, ut ingenui quoque multi in urbibus primariis domicilium sibi constituerent, qui, ut praecclare suspiciatur Vir longe doctissimus, magistratum sibi munera vindicarunt, libertis in infima civium classe collocatis. Cum ergo liberti opificia, quae in servili statu didicerant, in urbes intulerint, posteaque mercaturae dederint operam; satis luculentis signis apparere causas, putat Autor, cur equestris ingenuorum ordo, & quae ex illo originem ducit, nobilitas hodierna, tantopere & a mercatura, & ab opificiis, omni tempore abhorrerit, vilemque ac sordidam urbanorum civium censuerit conditionem. Antiquissimis temporibus, cum verum supremi Numinis cultum adhuc ignorarent Germani, honorifica apud eosdem habita est sacerdotum conditio, ideoque nobilissimi quique viri sacerdotio se consecrare non dubitarunt. At in errore
- 78 seq.
- 95 seq.
- versari

versari illos gravissimo credit præclarissimus Autor, qui originem exinde hodierni derivant moris, quo non nisi nobiles, avita conspici nobilitate, in Capitula cathedralia, & Collegia Canoniorum, recipiuntur. Complura enim tum mutata ait, cum sacra in Germaniam Christiana introducta sunt. Sub Francis profecto, quorum auspiciis paganam Germani superstitionem ejurarunt, ad sacros Ordines, & munera ecclesiastica, quosvis promiscue, sive servos, sive liberos, sive ingenuos, Clerum admittisse pontificium, nec, quod ad servos attinet, *Carolus M.* & *Ludovicum Pium* iteratis sanctionibus id consecutos esse, ne illi, dominis invitis, in Clericorum reciperentur societatem, quin potius eorundem haud paucos, impetratis a dominis suis manumissionibus, ad sacerdotii non modo honorem, sed summum etiam Episcopale fastigium, sub ipsius *Ludovici Pii* imperio, fuisse elatos, docte & eleganter ostendit. Seculo demum decimo & undecimo Collegia Germaniæ Cathedralia eam, quam hodiernum tenent, formam, ea, quibus adhuc utuntur, jura, obtinuerunt, hisque etiam temporibus nobiles, sive illustres, & ingenuos militares, ex quibus nobilitas inferior hodierna enata est, major, quam antea, cupido inflammavit, locum inter Canonicos capitulares ambiendi. Hujus rei causas varias, nec parum probabiles, studiose attulit Conf. *Cramerus*. Idem alio in loco arduæ illius, & controversæ satis, quæstionis mentionem facit, an Imperator avitæ nobilitatis jura, ac prærogativas, quæ generis antiquitatem, & certum avorum aviarumque nobilium numerum, jure probandum, supponunt, novis concedere queat nobilibus, & eo quidem modo, ut hi, ad Torneamenta, Canonicatus, majores Ordines militares, & honores alios, quibus sola gaudet avita & gentilitia nobilitas, admitti debeant, quamvis ex parentibus, avis, & aviis nobilibus non sint prognati. Quantuscunque sit Ictorum numerus, quantacunque etiam eorum autoritas, qui affirmando responderunt, ab iis tamen, pro Academica sentiendi libertate, recedere non dubitat Autor noster, ad Instrumentum Pacis Osnabrugense, Cæsareasque Capitulationes, provocans, in quibus quippe disertis cautum sit verbis de servandis Collegiorum Cathedralium privilegiis,

Pag. 174
seq.

Pag. 220.

278 seq.

vilegiis, Statutis, & consuetudinibus, iuste introductis. Neminem autem Juris nostri publici adeo rudem fore existimat, ut ignoret, in potestate solius Imperatoris non esse, leges Imperii fundamentales vel interpretari, vel mutare, vel contra easdem dispensare. Ex moribus Germanorum adoptionem non esse modum acquirendæ nobilitatis, nisi per privilegium, ab Imperatore concessum, quale exemplum de *Josepbo* Imperatore allatum est, doctè contendit. Quid videatur Consultissimo Viro de controversia, magnis quondam motibus agitata, an nobilitate Doctores gaudeant Academici, egregio, quo omnia sollet, eruditionis apparatu exposuit. Admodum olim honorificum fuisse Doctoris Academici nomen, ex tot Historiæ Jurisque patrii monumentis luculenter apparet. Causa hujus rei genuina in callidis Pontificum Romanorum machinationibus querenda est. His enim factum est, ut honores Academici dignitatibus accenserentur ecclesiasticis, ideoque equestri & gentilitæ nobilitati non exæquarentur tantum, verum etiam præponerentur. Inde igitur evenit, ut Doctores Academici pari cum nobilibus jure ad Canonicatus & Capitula admitterentur, quin ipsi nobilissimi equestris ordinis viri magno numero ab Academicis insulas expeterent doctorales, & sapissime Doctoris honores insignibus præferrent equestribus. Quod cum probatu non sit difficile, mirum sane non est, in ipsis Recensibus Imperii Doctoris dignitatem equestri comparatam, eademque Doctoribus, & quodammodo majora, quam nobilibus, ad equestres honores solenni ritu (*durch den Ritter-Schlag*) evectis, concessa fuisse privilegia. Sed inde a Seculo XVI imminui haud parum cœpit Doctorum conditio, & sensim sensimque plurimum de sua illi dignitate amiserunt, cujus jacturæ origo derivanda videtur Autori a recentiori ævo, & inprimis a laicis repurgatis, quo scilicet tempore hæc dignitas pro ecclesiastica & clericali haberi desiit. Quanquam vero hac nostra ætate equestris nobilitas supra Doctoris dignitatem emineat, & ubique propemodum viris sanguine nobilibus prior tribuatur locus præ Doctoribus, nativa nobilitate destitutus, nisi quidem hi splendidis fulgeant in aulis Principum muneribus;

ribus; nihilo tamen minus ne hodie quidem omnis Docto-
ribus nobilitas poterit abjudicari. Interim nec illud, pro
candore suo, dissimulandum censet Consultiss. *Cramerus*,
quod jam olim non omnia nobilitatis jura & privilegia Docto-
ribus cum viris avita nobilitate illustribus fuerint commu-
nia. Præsidium sententiæ suæ quærit in Torneamentis,
& aliis ludis equestribus, in Ordinum militarium insignibus,
in Societatibus Ganerbiorum, aliisque nobilium collegiis, quæ
avitæ, seu hæreditariæ, non personalis, qua Doctores tantum
gaudent, nobilitatis probationem requirunt. Præclara sunt, Pag. 296 seq.
quæ doctissimus Autor de antiquo cinguli militaris conferendi,
& Equitum creandorum, ritu, vulgo *das Ritter-Schlagen* dicto,
ex optimis quibusque Scriptoribus in scenam produxit. Medio
potissimum ævo frequentissima in Germania, pluribusque Euro-
pæ regnis, hæc fuerunt solennia, quæ cum paucis describi fere
nequeant, ad ipsum elegantissimi hujus Operis Autorem ut remit-
tamus Lectores, necesse est. De jure, adeundi Tornea- 332 seq.
menta & ludos equestres, multa disputat solide ac diligenter,
ludorumque militarium initia ad Francorum & Carolingorum
ætatem referenda putat, quæ deinceps *Henricus Auceps* inflau-
ravit, multoque frequentius, quam antecessores ejus, exercuit.
Torneamenta vero solennia, magna pompa peracta, ante Secu-
lum XI plane ignota, atque eodem demum Seculo inventa fuisse
a Gallis, gravibus commotus & quasi convictus argumentis, Au-
tor profitetur. Quo sane ipso *Georg. Rixnerum*, plureque,
qui hunc præpostero secuti sunt applausu, viros eruditos recte
refellit. Unde autem *Torneamentorum* vox orta fuerit, 338.
non inter se conveniunt Critici. Alii enim eandem a ludis
Trojanis; alii a tirociniis, quorum denominatione ludi olim
equestres frequentissime designabantur, derivant; alii ejus ori-
ginem Italici, alii Germanici, & illi quidem a voce *tornare*, hi
a Germanico vocabulo *ireen*, id est, *circumagere*, deducunt.
Nulla tamen ex conjecturis hisce probatur Autori nostro, qui
longe probabilius vocis hujus originem repeti a Gallis scri-
bit, apud quos *torner*, sive *tourner*, inde ab antiquissimis tem-
poribus idem denotaverit, quod *vertere*, *in orbem agere*,

Pag.
437-442.

id quod solenne semper fuerit illis, qui in ludis equestribus decertarunt. In causis olim & litibus Vassallorum nobilium feudalibus a testimoniis dicendis omnes repellebantur, qui ex avis aviisque nobilibus non erant prognati. Quid? quod ne ad postulandum quidem, & causam actoris, vel rei, in iudicio perorandam, admittebantur alii, quam Pares curiæ, avita nobilitate conspicui. Aliter vero hodie in causis feudalibus. Neutiquam enim testes, & procuratores ignobiles, ab ejusmodi arceri iudicio, dummodo habiles sint & idonei ad testimonium dicendum, aut causas defendendas, a Viro præstantissimo demonstratur. Atque hæc protulisse sufficiat ex libro, nihil, quod non placeat mirifice, & plane sit dedolatum, in se continente, cujus præclarissimo Autori valetudinem precamur prosperam pariter ac diuturnam, ut non hoc solum Opus feliciter, & quod addimus, quam proxime, perficiat, verum pluribus etiam cultissimi ingenii monumentis famam suam, satis jam amplam, adaugeat, nostræque laudem Lipsiæ, tot eruditissimorum civium scriptis partam, suo etiam nomine conservet ac tueatur.

THE GENEROUS PHYSICIAN, &c.

h. e.

MEDICUS GENEROSUS, SEU MEDICINA facile parabilium, continens claras & luculentas descriptiones causarum, symptomatum, & methodi curationum, in variis morbis, qui corpori humano accidunt, cum formulis optimis, Anglice conscriptis, & norma utendi, conceptibus vulgaribus accommodata, per D. COLBATINUM, in gratiam eorum, quos res angusta domi solvendis exorbitantibus Medicorum sessoris impares reddit.

Londini, sumptibus J. Roberts, sine anni indicio, 8.

Plag. 12.

Ars medica videtur Autori profundis adeo mysteriis & rerum difficultatibus obvoluta haud esse, ut non cuique ex vul-

vulgo liceat ad illius cognitionem adspirare. Sanitatis potissimum conservandæ arbitrium penes omnes consistit, qui congenita rerum ad dietam spectantium cognitione, cum medicina nobiscum nascatur, uti norunt. Exercitium corporis, moderatus cibi potusque usus, eorum, quæ profunt nocentive, observatio, sicut olim, ita & nunc, artis fulcimenta existunt. Nostri temporis praxis, curiosior, quam utilior, remediis ingeniose mixtis constat, videasque prolixas formulas magis in commoditatem & lucrum Medici & Pharmaceutæ, quam in utilitatem ægri, compositas. Quapropter misertus Autor plebeculæ, antiquam medendi methodum restituere tentat, & simplicissima remedia, syrupos, potiones, julapia, despectui jam plerumque habita, in usum reducit, & morborum historiam ita condit, ut secum reputare quilibet, etiam artis minus gnarus, possit, quid sibi suisque salutare esse queat. Ab ovo, quod ajunt, incipiens, nascentis hominis morbos exponit, inde ad adultorum morbos digreditur, concinne exponens morborum ætiologias, diagnosin, & curandi methodum; hinc formulas exponit familiares. Ast verendum, ne male utantur imperiti in propriam cladem regulis, quas applicare nesciunt, licet erudite & bono animo fuerint prolatæ.

HAMPSTEAD WELLS, &c.

h. c.

FONS SOTERIUS HAMPSTEDENSIS,
seu norma, qua ebibendæ sunt istæ aquæ, sistens earundem naturam & virtutes, morbos, quibus tollendis inserviunt, tempus, rationem, & ordinem, quibus potantur, modum corpora, ad potionem præparandi, dietam, potaturis necessariam; cum Appendice de origine fontium in genere, & experimentis de aquis Hampstedensibus factis, curationumque historiis. Autore

JOANNE SOAME, Med. D.

Londini, impensis Autoris, apud F. Clay & D. Browne, 1734. 8.

Plag. 14.

Chalybeatis aquis exterorum hand indigent Britannī, suisque gloriari proventibus possunt. Servandus est suus honor Tunbridgensibus, Kentensibus, Neo-Tunbridgensibus, aliisque. Eminent tamen Hampstedenses acidulæ, coloris pelluciditate, faporis aciduli gratia. Instituitur a Cl. Autore comparatio cum Spadanis & Pyrmontanis Germaniæ fontibus; negatur verum subesse acidum, sed, inartis participes eosdem esse, ex ochra aquarum, aliisque, quæ cum chalybeatis aquis insitui solent, experimentis, fuit intellectum. Aperiendi virtute omnes chalybeatæ, adeoque & hæc aqua, eminent; quapropter laudatur in glandularum viscerumque obstructionibus, mensium erroribus, nervi etiam generis intemperie, morbiq; Anglici dicti speciebus. Regulæ, quibus aquarum potatio dirigitur, ingeniose admodum excogitatæ, cum regulis motuum sanguinis & humorum appriue conveniunt. Per intervalla, parvisque haustibus, bibantur acidulæ, quo placide decurrere per vasa, & a corde subigi, miscerique cum sanguine, fons salutaris possit; trium septimanarum decursu bibantur aquæ; æstate bibantur; corporis accedat motus & exercitatio; ante meridiem bibantur. Amplissima est curationum, quas aquarum Hampstedensium usus perfecit, recensio. Calculi renum, lepra, ventriculi intemperies, anorexia, alique morbi, obsequiosi his aquis fuerunt, quorum historiæ adducuntur. De aquarum mineralium, maxime chalybeatarum, origine & principis, magnorum in arte virorum, *Hoffmanni* nostratis, *du Clos*, *Galli*, *Freindii*, Britannī, aliorumque, sententiæ colliguntur, & conferuntur. Experimenta, cum aquis Hampstedensibus insituta, fuerunt non tantum Gallarum pulvis, sed & Thea viridis, & lignum nephriticum, quibus omnibus, diverso gradu, aquæ purpureo colore tinctæ fuerunt: syrupus violarum easdem viridi tinxit. Accedant alia experimenta, ab amicis facta.

REGLE ARTIFICIELLE DU TEMS, &c.

h. e.

TEMPORIS REGULA ARTIFICIALIS, SIVE
Tractatus de divisione temporis naturali & artificiali,

ciali, de variis horologiorum, præcipue portatiliū, constructionibus, deque vera ratione illa cognoscendi, & motum eorum recte temperandi; Autore HENRICO SULLY, Sereniss. Aurelian. Ducis Horologio-pæo, & Societatis Artium Socio. Editio nova, correctâ, auctaque quibusdam Observationibus, ad Horologiorum fabricam spectantibus, JULIANI LE ROY, ejusdem Societatis Membri.

Parisiis, apud Gregorium Dupuis, 1737, 8.

Plag. 19, Tabb. æn. 5.

Libellus hicce, mole licet exiguus, non ad perficiendam solū Horologiorum fabricam, sed ad noscendam etiā artis præclarissimæ historiam, perutilis videtur. Dolendum, ipsum Autorem Sullum, qui natione Anglus fuit, morte præmatura exstinctum. Artifex quippe dexterrimus pariter ac ingeniosus fuit, magnamque scientiæ famam sibi comparavit. Præsens, quod recensemus, Opusculum, quantum in arte excelluerit, satis demonstrat, cujus novam editionem, cum exempla veteris distracta essent omnia, adornare suscepit Cl. le Roy, ita tamen, ut verba Autoris, ubi obscuritate aliqua laborabant, correxerit, superflua rescuerit, nunquam vero ab ipsa Autoris mente disceserit. Horum omnium synopsis dare brevissimam nunc aggredimur. Et primo quidem clarissime explicatur constructio horologiorum, cum primis portatiliū, generalis, enumeratis partibus, quibus componuntur, earumque præcipuis propositionibus, per calculum determinatis. Sequitur disquisitio de variis horologiorum speciebus, deque exactitudine expectanda secundum varias constructionum rationes. Omnis horologiorum motus a tribus principiis oriri dicitur, scilicet a potentia motrice, propagatrice, & directrice. Potentia motrix in horologiis vulgaribus est pondus, in portatilibus elater. Propagatrix resultat ex varia rotarum, quæ motum secum mutuo communicant, combinatione. In potentia directrice plurimum inest differentiæ, quam distincte & singulatim Autor explicat.

plicat. Libramenta ordinaria (*Balanciers*) plurimis premuntur defectibus, eisque longissime præstant Pendula, quæ ad maximam regularitatem reduxit *Hugenius*, adhibita Cycloide. Notatur autem, cum pauca existant Cycloide instructa horologia, pauciora adhuc ejus generis esse, quæ dextre sint fabricata. Ad quæ subdit Cl. Editor, non tantum hodie esse Cycloidis necessitatem, quanta fuerit *Hugenii* tempore; quod utique satis ostendisse videtur Cel. *Saurin* in *Commentariis Acad. Scient. A. 1720*. Excellentissima autem potentia directrice gaudent automata, quæ, pendulo longiori, quod secunda vibrat, instructa, qualia nostris temporibus fabricantur, magnamque præ omnibus aliis prærogativam habent. Pendula isthæc invenisse dicitur *Guil. Clemens*, Londinensis Artifex, nomine *Regiorum* deinceps insignita. Horologiorum vero portatilium potentia directrix est filum elasticum, in spiram contortum, quod primus invenit *Hugenius*. Cum plurimi homines eo laborent præjudicio, ut ad eundem perfectionis gradum redigi posse horologia portatilia existiment, quo illa eminent, quæ pendulis instruuntur; in sequentibus plures enarrantur causæ physicæ & mechanicæ, quæ successum impediunt. Imo nec optima pendula omnis proorsus irregularitatis expertia dicuntur; quidni igitur eis subjiciantur potiori ratione portatilia? Quis enim plane evitet incommoda ex fusi figura, non accurate satis determinata, ex irregularitatibus fili elastici spiralis, seu potentia directricis, oriunda, & quæ plura forsitan alia sunt? Quibus ita expositis, Autor ad ipsam temporis divisionem progreditur, explicatque differentiam inter tempus verum sive apparens, & medium. Monstrat porro, qua ratione tempus tam medium, quam apparens, absque errore sensibili innotescat, & qua ratione ad componendum horologii motum utrovis tempore uti liceat. Quem in finem addit Tabulam æquationis motus solaris, & accelerationis fixarum supra motum solis medium. Peculiares adhuc dilucidationes subnectit, ad usum fili spiralis elastici spectantes, cujus ope motus horologii, ut constat, accelerari aut retardari potest, idque operatione adeo deli-

delicata, ut ejus ope minutum temporis primum in 388800, & secundum in 6480, partes æquales dividere liceat, quæ vis est admirabilis mechanismi ibidem adhibiti. Sequuntur annotationes quædam Ill. *Leibnitii*, quas cum Autore communicavit, cum Viennæ versaretur. Optat ibidem Vir summus, ut opus aliquando prodeat, non solum universam artis praxin, sed accessoria quoque, complectens, hoc est, inventa varia eorum, qui ad scientiæ & dexteritatis fastigium pervenerunt. Partem arithmeticam, id est, eam, quæ rotarum, dentiumque, divisionem & numerum spectat, bene tractatam fuisse ab *Oughtredo*, pronuntiat. Parem operi *Sullii* fore, cum theoriam cum praxi conjunxerit. Primam fili elastici spiralis ab *Hugenio* factam applicationem automato cuidam A. 1674 circiter; *Hookium* & *Hautefeuillaum* primos se deinceps inventores jactasse rei adeo egregiæ, refert. Se ipsum in Diario Gallico (*Journal des Sçavans*) aliud potentiæ directricis genus, non physicum, sed pure mechanicum, publicasse, automatum vero eo instructum executioni nunquam dare potuisse, cum semper invenerit artifices vel operi non satis aptos, vel ab antiqua consuetudine deflectere recusantes. Tale autem horologium usus novos & insignes præstiturum, cum fuso conoidico carere possit, eademque ratione motum continuet, quamvis potentia motrix duplicetur; magisque profuturum mari, quam pendula. Potro examinandum esse, quantus aeris sit influxus in vibrationes fili elastici spiralis, & præcipue, quantus caloris & frigoris. Perfectissimæ pendulorum constitutioni obesse rotarum combinationes, unde frictio oritur; quæ causa sit, cur horologiorum motus acceleretur paululum, aucta vi motrice. Esse adhuc singulare horologiorum genus, in quibus pondus vibrans nullos itus & reditus absolvat, sed motu semper circulari feratur. *Hugenium* de iis aliquid conscripsisse, publici juris nunquam factum, & loco cycloidis adhibuisse solidum parabolicum, in quo circulationes sint isochronæ. Ceterum bona esse, quæ de motu horologii ad solem aut fixas componendo præcipiat *Sullius*, & tabulam, quam cum in finem condiderit, satis ingeniosam; ei tamen multis ex capitibus præferendam esse illam, quæ ad me-

ridiem verum tempus medium monstrat. Hactenus observationes Viri Illustris. Eas excipit descriptio horologii portatilis novæ constructionis, oblata Academix Scientiarum Regiæ a *Sullio* A. 1716. Automaton idem prorsus est ac illud, de quo diximus satis in *Actis* hisce A. 1737 *Mens. Mart. pag. 127*, quo ablegandus est Lector. Sequitur narratio, ad historiam artis pertinens, sic inscripta: *Histoire critique de differentes sortes d'échappemens*, vel historia critica variorum modorum, ad vibrationes horologiorum recte temperandas adhibitorum, ex qua, cum digna lectu sit, paucissima excerpemus notabiliora. Notatur, *Hookium* vibrationis aliquod genus excogitasse, cui subitanei succussus nihil nocuerint, postea tamen rursus neglectum, cum, quicquid hujus est perfectionis, incommodis majoribus compensetur. *Tompionem*, cui præcipue debeatur artis in Anglia instauratio, aliud itidem adhibuisse, insigni illa proprietate præditum, quod motus æquabilitas nihil ab inæquali potentie motricis actione patiatur, sed frictionum incommodis nimis obnoxium. Circa annum 1700 *Fatium* primum invenisse methodum, horologiorum portatilium libramenta Rubinis imponendi, quam magis postea, cum *Baufrium* socium adscivisset, perfecit; ex quibus omnibus occasionem nactus est *Sullius*, tentandi ulteriora, & corrigendi inventorum defectus, adhibito novo vibrationis genere, quod executioni dedit A. 1721. Cum ea, quæ recensuimus, ad horologia portatilia spectent; ideo ea deinceps enarrantur, quæ ad automata majora spectant, ex quibus notasse sufficiat, eundem *Hookium*, de quo supra, inventionem *Penduli Regii*, quam *Clementi* tribui diximus, sibi vindicasse, ac asseruisse, se brevi post incendium Londinense A. 1666 Regiæ Societati monstrasse illud vibrationis genus. *Sullius* noster non contemnendas contra illud objectiones affert, unde ansa arripi potest, perfectiora, ut fecit, moliendi. Se quoque primum fuisse, commemorat, qui Cycloidis inutilitatem, cum ad pendula applicatur, coram Academicis quibusdam, circa annum 1715, sustinere fuerit ausus. Hactenus quidem *Sulliana*; attingamus adhuc ea, quæ adjecit *le Roy*. *Primi* horum titulus est: *Memoire historique sur la montre de*
Mr.

Mr. Sully, h. e. *Commentarius historicus de automato portatili Sulliano*, de quo supra, ubi ulterior ejus perfectio ostenditur. *Secundum* continet descriptionem & ulum novi horologii solaris, horizontalis, quod Meridianis ducendis potissimum inservit. Excipit hoc Descriptio horologii universalis & portatilis, pyxide magnetica instructi, aliaque, eam ad rem spectantia. *Tertium* exhibet novam & simpliciore rotarum combinationem, quæ in horologiis excitantibus (*horloges à reveil*) usa veniunt. *Quartum* circa emendandam grandiorum horologiorum constructionem versatur. *Quinto* argumentum hoc continuatur, ostenditurque, arbores vel axes rotarum omnium super rectangulo horizontaliter posito disponi posse. Quæ sequuntur, de variis horologia emendandi modis agunt, quibus tandem coronidem imponunt 1) nova methodus construendi horologia repetentia; de qua diximus in *Actis A. 1737 Mens. Majo pag. 231*; 2) Historia artis horologiariæ, ab anno 1715 usque ad 1729, ubi præcipue notandum, *Sullium* vivis excessisse A. 1728, mense Octobri, postquam longo tempore omnes ingenii vires eo intendisset, ut automaton inveniret mari utile; vid. *Acta nostra A. 1737 Mens. April. pag. 178 seq.*; 3) Descriptio novi ejusdam horologii, prælecta coram Societate artium a *Petro Gaudrono*. Plurima in scriptis hisce observare licuit egregia, & ad perfectionem artis non parum profutura, de quibus utique copiosius diceremus, nisi limites præstituti, quos prope jam excessit recensio, nos prohiberent. Hic itaque subsistimus.

GEORGII LAURENTII HAUSFRITZ,
Norimbergensis, de Cæsare, designato successore imperii
antiqui, Commentarius, ad illustrandam Historiam
Augustam.

Norimbergæ, sumptibus Jo. Stein, 1737, 4.

Plag. 22.

In tanta Virorum eruditorum copia, qui nullam antiquitatis partem intactam relinquunt, mirari nos subit, perpauco dari, qui argumentum illud grave & frugiferum, cui explicando studium suum dicavit Cl. *Hausfritz*, satis pro dignitate per-

tractaverint. Quis enim nescit *Casauboni* & *Salmasii* labores, in Scriptores Historiæ Augustæ feliciter infumos? Quis *Parvini*, *Gutherii*, *Bulengeri*, *Dodwelli*, *Pagi*, *Becmanni*, *Harduini*, *Spanhemii*, industriam ignorat? In horum tamen scriptis tam pauca, quæ ad rem illam faciunt, occurrunt, ut vix tricesimam partem illorum, quæ Doctiss. Autor ex ingenio suo fecundissimo protulit, absolvant. Ex re igitur illorum, qui hac literarum amœnitate ducuntur, fore judicamus, si pro instituti nostri modulo nonnulla Lectoribus nostris ex politissimo hoc libello propinemus. Capite autem primo Clar. Autor de vario modo succedendi in imperio Romano, & origine dignitatis Cæsareæ, disserit. Constat autem, successionem contigisse partim Senatus benevolentia, partim militari vi, partim etiam Imperatoris illius, qui ante successurum insignia gerebat, designatione. Orditur Autor a *Julio Cæsare*, atque singulorum primi Seculi Imperatorum rationem succedendi enarraturus, *Julium Cæsarem* curavisse docet, ut imperium sibi a Senatu sub nomine Imperatoris, Dictatoris, & perpetui Consulis, deferretur, cum fractæ jam debilitatæque essent res Romanorum. Quo simul tempore Autor ex *Dione Cassio* contendit, jura imperii non intra personam *Cæsaris* contenta, sed filiis nepotibusque afferta fuisse. Hinc, *Octavium* duplici, & hæreditatis *Julia*, & victoriæ, jure ad fastigium pervenisse, putat, ut hinc proprie ii *Cæsares* vocentur, qui ex *Cæsaris* prosapia Romæ solenni ritu

Pag. 7. *Augusti* fuissent renuntiati. *Caligula* vero interfecto, formam imperii hæreditariam in electitiam transiisse, atque adeo a *Cæsaris* familia ad *Claudiam* pervenisse jus summæ dignitatis, evincit. Ex quo colligit, omnes Historicos, qui in *Nerone* demum *Cæsaream* stirpem evanuisse credunt, vehementer falli. Usque ad illud tempus nomen, *Cæsaris*-gentilitium fuit, sed, reliquos Imperatores a *Claudio* usque ad *Trajanum* honoris solum & boni ominis causa assumxisse illud, ex *Tacito*, *Lampridio*, *Ammianoque Marcellino*, probat, postea filiis quoque inditum esse, docet ex numo: ΚΛΑΥΔΙΟΣ ΒΡΙΤΑΝΝΙΚΟΣ ΚΑΙΣΑΡ, ubi simul quæstionem *Spanhemii*, de nomine *Καίσαρος*

12. in numis, erudite ventilat. Poterat enim quis animo pendere,

re, quisnam nomine *Καίσαρος* significetur, *Augustus*, an filius *Augusti*. Quare Illustris quondam *Spanhemius* illud discrimen excogitavit, quod in numis *Augustorum* tanquam *prænomen*, in numis autem filiorum tanquam *cognomen*, usurpetur *Cæsar*. Sed observationem utramque duobus convellit numis Doctiss. Autor, primum *Neroniano*, qui legenda offert verba: *Imperator Nerva. Cæsar. Augustus*, altero *Domitianeo*, ubi de filio *Domitiani* dicitur, vivente adhuc patre: *Cæsar. Domitianus. Cons. design. II.* Non ita multo post appellatio *Cæsaris* in dignitatis notam abiit, iisque solum data fuit, qui vel ab *Augustis* in societatem regni assumti, vel certe designati erant ad imperii fasces aliquando capiendos. Cum igitur ex domestico publicus honor factus sit; Pag. 16.

Clar. Autor *Capite secundo de potestate & ratione Cæsares constituendi* agit, ubi aperte docet, non unum solummodo, 25.

sed duos quandoque aut tres *Cæsares* fuisse, ut successio, si uni horum humani quid acciderit, eo certior firmiorque redderetur. Ne vero quis existimet, filios *Augustorum* nihilo tamen secius *Cæsares* dici posse, quia ante *Neronis* tempora hoc jus filiis competisset, monstrat Autor §. 4. nomen *Cæsaris* a decreto Imperatoris unice, non a conditione nascendi, pependisse. Nam, exstare numum, haud inconsulte monet, *Galerii, Antonini Pii, & Faustine* filii, cum epigraphæ: 27.

Γαλέριος Αυτοῦνός Αυτοκράτορος Αυτοῦνός υἱός, de *Lucio Vero* quoque omnes tacere numos, qui si privatam ante vitam non egisset, quam a *Marco* fratre suo adoptaretur, Senatus hanc *Cæsaris* dignitatem non tacuisset, sed in numos Imperatoris aliquando evasuri imaginem fudisset. Ceterum, qui *Cæsares* non 33.

erant ex *Augustorum* filiis, *Nobilissimi* dicti fuerunt, quorum honorem sollicite Autor exponit, atque, amplissimum illud nomen degenerasse in *Despotarum, Sebastophororum, Protosebastorum, & Sebastorum*, appellationem, bene firmat & docet. Postmodum, quia titulo *Nobilissimi* Princeps juventutis junctus fuerit, illaque ornamentum accessio ex monumento, præsertim *Ancyrano*, pateſcat, hoc etiam argumentum Autor pro sua, qua pollet, diligentia explanat, & numum aliquem Gothicum, in libro *Erizzi* exstantem, qui *Caji & Lucii, nepotum Augusti*, me- 40.

- minit, sub iudiciū vocat. Tandem in hoc *Capite* indagare studet, num Imperatores & Cæsares necesse habuerint *Patriciis* adscribi, quod negat, quia labente re publica non vetus dignitas coruscaverit, &, si vel maxime plebejus fuerit, Cæsarem tamen ad eminens illud fastigium adspirasse, constaret. Amplius tamen hac in re videndum erit, ne præpropere nimis fidem *Dionis*, quæ omni tempore maxima fuit, eleveamus, nec ibi corrupta esse loca claimitemus, ubi sententiæ nostræ non velificantur prisca. *Capite tertio Insignia & privilegia dignitatis Caesaris* oratione eleganti delineat, quæ inter refert *purpuram, paludamentum, diadema*, quo quidem solius Imperatoris caput cinctum fuit, sed hanc tempora ambientem fasciam ne Cælaribus quidem abjudicat Autor, provocans quippe ad duos numos, 62. in honorem *Crispi, Constantini M.* filii, culos, alterum ex auro, alterum ex argento, in quibus caput *Crispi Caesaris* vittatum aut diadematum conspicitur. Insignibus porro annumerandi sunt calcei rubri & gemmati, ignis sacer, *Cesaribus* prælatus, de quo jam *Eschenbachius* haud proletaria in medium attulit. Fastigii vero augustalis, & Cæsarei, differentiam in eo constituit Doctiss. Autor, quod quidem *Cæsares* mandatis nomen suum 71. cum Augustis præscripserint, sed Augustis tamen subiecti, quin horum dicto non audientes exilio, ipsaque dignitatis jactura, mulctati fuerint. Ex *Spartiano* enim, *Aurelio Victore, Herodiano, Zosimo*, Cl. Autor loca adducit, unde patet, *Augustos* de *Cesaribus*, facinoris alicujus reis, supplicia sumsisse, si non publica, saltem privata. Immunitatibus tamen suis, tantum abest, ut *Cæsares* caruerint, ut, si criminis aliquis Romanorum reus esset, *Cæsares* ab eo supplicium sumerent. Hinc Cl. Autor de privilegiis *Caesaris*, & de maiestate *Cesarum* personali, differit. 72. Huc spectabat jus imaginem suam in moneta exprimendi, 76. *Cesaribus* competens, eo tamen discrimine, ut, si *Cæsares* cum *Augustis* in numis apparerent, illorum sine laurea vultus, horum vero imagines lauro redimitæ, eminerent. Statuæ quoque & imagines simul cum *Augustorum* simulacris collocabantur, quod §. 10 ex *Lactantio* & *Zosimo* ostendit, nec tacet §. 11 honorem adorandi, *Augustis* & *Cesaribus* communem,

nein, cujus loco ante *Diocletiani* tempora *Augustum* salutabant osculo in os aut manus dato, verbis additis: AVE IMPERATOR. §. 12 in id inquit, num *Cesarum* uxores *Augustarum* nomen sibi vindicaverint, & *Augustorum* quæ in nuptiis *Cesarum* autoritas fuerit. Titulum illum non connubii lege, sed gratia Imperatoris, acceperunt, quod ex nuptiis *Neronis* & *Domitiani* patet, quorum uterque uxores suas prius non appellavit *Augustas*, quam cum liberos procreassent. Fufius hac de re egit, enumerationeinque *Augustarum* omnium addidit, Ill. *Rudolphus a Bünaui* in libello, quem *de Ornamentis & honoribus Augustarum* inscripsit. Vota insuper pro salute *Cesarum* suscepta, natalitios dies festos, annis quinquennalibus & decennialibus celebratos, ministeria aulica *Cesarum*, prorsus æquasse *Augustorum* apparatus magnificum, nemo inficiabitur, qui exempla priscorum intuetur, inter quæ *Valentiniani* illud affert Autor, qui, postquam fratrem ad societatem *Augustæ* dignitatis vocasset, omnia, ὅποσα τις κόσμον καὶ τὴν ἄλλην ἐτέλει διακρίαν, hoc est, quæ ad imperii ornamenta & cultum & reliquum satellitium pertinent, cum eo divisit. Capite quarto, potestatem *Cæsaris* in regimine imperii declaraturus, hanc esse duplicem docet, vel quam exercuit in urbe *Cæsar* sub nomine Consulis, Pontificis, aut virtute tribunitiæ potestatis, vel quam tenuit nomine proconsulari & imperatorio in provinciis. De potestate extra urbem sermonis initium capit, & imperium proconsulare non raro ante & post *Trajanum* designatis successoribus imperii delatum explicat, illudque in eo quærit, quod non militem solum scribere, sed jus etiam dicere, debuerit, interim ultra provinciarum reliquos Præsides non valuerit. Pergit deinde ad *Cesarum*, apud milites autoritatem, quæ restrictior paulo erat, quia fraudi potuisset fieri ipsis *Augustis*, si destinatus hæres pluribus mactaretur honoribus, quam vivens *Augustus*. Ita ipsis non licebat tribunal conscendere, nec inscio *Augusto* militibus donare quidpiam, aut stipendium solvere, permissum erat. §. 3 & sequentibus Cl. Autor *Cæsaris* dignitates urbanas describit, quæ, si consularem, prætoriam, quæstoriam, tribunitiam, potestatem spectaveris, omnes, excepta morum præfectura, & pontificatu, concessæ Cæsaribus fuerunt.

Pag. 89.

91.

113.

122.

127.

128.

- Pag. 146. runt. Censorium munus nulli Cæsarium eapropter delatum fuisse, subodoratur Cl. Autor, quod *Cæsares*, maximam partem in flore juventutis constituti, nondum senili cuidam severitati assueti erant. Ad Pontificatum eos pervenisse, prorsus cum 152. *Joh. Andrea Basso* negat, licet, cooptatos fuisse in omnia Sacerdotum collegia largiatur, ut ad officium Pontificis M. decore gerendum idonei redderentur. Opusculum, non ineruditum, sed variis antiquæ Historiæ observationibus ornatum, Cl. Autor comparatione Regis hodierni Romani cum veterum Cæsare finit, nobisque docto hoc libello spem facit haud levem, fore, ut successu temporis ex penu suo, satis, ut videtur, opibus abundante, non viliores istis, quas nunc prodidit, doctrinas, in eruditi orbis commodum expromat.

LUDOVICI HOLBERGII OPUSCULA
*quedam Latina; Epistola prima, cujus nova hæc editio
 prioribus est emendatior; Epistola altera; quinque
 Libri Epigrammatum.*

Lipsiæ, sumtibus Hier. Christ. Paulli, Viduæ, 1737, 8.

Alph. 1 plag. 5½.

- Habet utraque Epistola, habent Epigrammata, perpetuam festivitatem, ut appareat, Poetæ jucundam esse ineptiarum argutulam compunctionem, & viro juvenilis doloris recordationem. Namque in polito genere scripturæ miles, pædagogus, peregrinator, satyricus, & comicus, agitur motibus ingenii, ad excogitandum acutis, ad explicandum ornandamque uberibus, ad memoriam firmis atque diuturnis. Quibus rebus fit, ut lectionem hilaritas sæpe consequatur. Nobis autem liceat, ea strictim attingere, quæ Scriptor affluens omni lepore commemoravit. Per Epistolam priorem, ut auctoritati Viri cujusdam illustris morem gereret, de sua ipse vita exposuit. Lau- 3. dat abavum maternum, *Ludov. Munthe*, Episcopum olim Bergensem; patrem, qui a milite gregario tandem ad tribuniciam dignitatem evehctus est, sub auspiciis *Udalrici Frid. Guldenslöve*; 5. patriam Bergam Norvagiæ. A nutrice lactatus, combusto fere patrimonio, orbis puer decennis, inter stipendiarios legio- nis

nis Uplandicæ tirones receptus, & manipulo decem militum præfectus est. Sed cognatus *Otto Munthe* liberorum suorum Orbilio tradidit, ac ne assen quidem militaris stipendii concessit. Divertit igitur ad necessarium quendam *Krogium*, a cuius filio tertio per somnii errorem vapulat. Putans, spectro se peti, rein illucescente die cognoscit, & negare spectrorum existentiam incipit, quam *ἀπιστία* multo vix tempore post emendavit. Redux, in domo legitimi tutoris & avunculi, *Petri Lemmii*, satyrici, commoratur usque ad incendium Bergenſe A. 1702. Quo anno se confert in Hafniensem Academiam, unde inox recurrit ad instituendos Præpositi Vossensis liberos. Mane rusticos docet. Noctu ab incubo deluditur. Pertæsus cholericus *παυδαγώγας*, Hafniæ Gallicam & Italicam linguam discit, *Nicolai Schmidii* exemplo peregre abiturus. Sexaginta imperialibus instructus, quatuordecim dies Amstelodami jucunde traduxit. Febrim pullurus, Aquisgranum petit. Levaturus egestatem, initio Christianſandiz, tum Oxonii, Gallicas literas tradit civibus Academicis, quorum reverentia major remuneratione fuit. Cum *Andr. Vindingio*, Consiliarii status filio, Dresdam abit, Lipsiæ *M. Stieffellium* ridet, Halæ cum *Thomaſto* breviter colloquitur. Interjecto deinde tempore defertur in Insulam Sproam, rusticissimam, eamque plerisque Geographis neglectam. *Friderici Gedde*, Consiliarii intimi, præficitur tribus filiis. Altero post anno Collegii Medicei alumnus, *Introductionem ad Historiam Europæam, secundum methodum Puffendorffii, Appendicem ad Historiam universalem, & Codicem, res gestas Christiani IV & Friderici III complexum*, edidit, dedicavitque Regi, cujus beneficio fit Professor extraordinarius, etsi scholasticorum deas tutelares, Logicam & Metaphysicam, ignorat. Tum *Juari Rosencranzii* stipendium centum imperialium ad quatuor annos impetrat, Evangelicas Academias visendi gratia. Abit Parisios, ubi, Gallica pronuntiatione displicens, actiones juris imitatur, Abbatem *de Bignon*, popularem *Vinſſovium*, alios, convenit, expertus, a Parisiensibus rudes putari, qui sibi ab affluente elegantia temperant. Sesquium ibi moratus, Massiliensium opulentiam, Genuensium dolos, notat, pervenitque Romam, ubi procumbit in genua, dum videt *Clementem XI*.

Pag. 7.

44.

15.

38.

40.

43 seq.

47.

49.

77.

- Pag. 110. Molestiam quartanæ febris, omnia membra Florentiæ & in Gallia pervagatam, in Batavia musices ope sedat. Redditus Hafniæ,
 118 seq. *Introductionem Juris Naturæ & Gentium, secundum placita Grotii & Puffendorffii*, Danice scribit, quæ paucos habet emtores. Post biennium ornatur titulo Professoris Metaphysices; deinde Assessoris Consistorii. Compendium Historiæ
 124. universalis plagii accusanti objicit Dissertatiunculam quintam de Historicis Danicis *Pauli Ryteri, & Olai Petri Norvagi* Dissertationem juridicam, *de Nuptiis propinquorum in linea recta Jure Naturæ prohibitis*. Trigelinum annum attigerat, necdum condiderat ullum carmen. Orditur imitari *Juvenalis Satyræ sextam*; postea facit varium poema heroico-comicum, in IV Libros descriptum ex historia *Petri Paarffii*, cujus fama per Sueviam Germaniamque percrebuit; inde quinque Satyras confecit. Cum essent invitandi Candidati Baccalaureatus & Magisterii, suppressum est Programma ejus, negantibus plerisque, ad laudem Metaphysices & dignitatis Academicæ esse satis idoneum. Maluit igitur XV Comædiis ab aliis intacta vitia
 134. perfricare. A. 1725, regio Diplomate munitus, suscipit iter
 148. ad thermas Aquisgranenses; sed, ex Batavorum consilio, cursum dirigit Lutetiam, in qua urbe *Harduinum & Fontenellium* propius novit, de sacris Pontificiorum Gallorumque Comædiis libere dissensit. Sub idem tempus rumor est, *Breneysseni*
 184. *Historiam* turbarum in Frisia orientali facem exstitisse. Defunctus hac peregrinatione quinta, absolvit *Metamorphosin*, id est, societatem animalium, arborum, & plantarum, mutatarum
 192. in formas humanas, ut, inter alia, pica in tonsoris, hircus in philosophi, naturam abiisse videretur. Denique se ipse lectoribus plane indicat temperantiæ in victu studiosum, proum in iram, regere valetudinem sine consilio Medicorum, solatium in solitudine quærere, garrulos nauseare, Philosophos in debellanda superstitione unitari, in impugnanda fide maxime detestari.
 196. Serior est octo annis *altera Epistola*, quæ biduanum Hafniæ
 200-208. incendium describit, & hos fere libros: *Descriptionem regnarum Daniae & Norvagiæ*, editam A. 1729, 4; *Historiam gentis Danicæ, a regni primordio, ad ætatem Christiani II*, ed. 1732, 4;
 218. *alte-*

alterum Tomum de rebus gestis Christiani IV, ed. 1733; tertium Tomum de Historia Friderici III, ed. 1735; Præcepta historica & geographica, quæ in scholis utriusque regni leguntur; novam editionem XXV Comædiarum, & Systema Juris Naturæ & Gentium, excusum feliciter A. 1734. Pag. 228.
225.

Epigrammata, ipse judicat, quædam esse philosophica, quædam nugatoria, nulla obscena; fateretur tamen, occurrere, quæ reprehensionem mereantur. 205.

Adjicitur Holgeri, Dani, Epistola ad Burmannum, quod ille, cum ad Capperoncrium scriberet, hæc fecerat verba: Jo. Rhodius, licet gente Danus, Vir tamen vere doctus, & ab omni fastu pedagogico alienus. Veremur, ut doctorum defensio Danorum Batavo censori placeat. Sed meminerit idem bellissimæ excusationis, qua princeps latinitatis usus est: *Epistola non erubescit.*

NOVA LITERARIA.

Prestantissimus ille *Genealogia Diplomatica Augusta genitrix Habsburgica*, cujus *Volumen* jam superiori Anno Mens. Januar. pag. 1 seq. laudavimus, alterum & tertium proxime commemorabimus, Autor, *Marquardus Hergott*, a quo nihil in posterum vulgare, sed magna & limatissima omnia, orbis eruditus expectabit, novo, eoque magnum ipsius famæ pondus addituro, Opere proxime rem literariam ditabit. Dabit enim compositissimam *Ordinis S. Benedicti*, cujus ipse insigne est ornamentum, *literariam Historiam*, ab ultima Ordinis origine ad hæc usque tempora continuo filo deductam, &, quicquid unquam a Viris doctis, illa sacra professis, in commodum literarum singulare ac egregium susceptum est perfectumque, copiosa ac eleganti narratione complexuram. Ad cujus commendationem satis dixisse nos videbimur, cum summa ejus capita, ut eorum notitiam ipse nobis illustris Autor in publico Programme suppeditavit, legenda hic dederimus. Universam *Benedictinæ* familiæ historiam *Partibus duabus* absolvet *Prima*, quæ est *præliminaris*, vel *generalis*, *Capitibus sex* prolegomena & præcognita tradet. Et *Capite* quidem *primo* commemorabitur rei literariæ studium in *Ordine Benedictino*, ejusque origines, progressus, decrementsa, instaurationes, &

præfens status, 'per XIII Seculorum decursum; *secundo* præcipua Ordinis hujus per Italiam, Angliam, Galliam, Germaniam, Hispaniam, &c. monasteria, studiorum gloria superiori, vel nostra, ætate nobilitata; *tertio* Viri illustres, qui e scholis & magisterio *Benedictinorum* prodierunt; *quarto* Mæcenates rei literariæ *Benedictinæ*, cum exteri, tum domestici; *quinto* Bibliothecæ, & Archiva, eorumque Custodes; *sexto* *Benedictinorum* cum veteris, tum præsertim recentioris, ævi itinera literaria. *Alteram Partem, specialem, sive principalem, Libri tres* absolvent. *Primus* complectetur Historiam literariam Ordinis stricte sic dictam, adeoque *Historiam Artium & Scientiarum*, inde ab ævo S. *Benedicti* ad nostra usque tempora, per Seculorum seriem, apud *Benedictinos*. Hujus *sex* sunt *Capita*, quorum *I* speciatim pertractatur historia Theologiæ, cum Positivæ, tum Scholasticæ Polemicæ, & Moralis; *II* historia Jurisprudentiæ Canonico-Civilis; *III* historia Medicinæ, Philosophiæ, & Mathematices; *IV* historia studii historici, Historiæ tum sacræ, tum profanæ, nec non Monastico-Benedictinæ; *V* historia studii Critici, Antiquarii, & Diplomatici, apud *Benedictinos*; *VI* historia politioris literaturæ, & Philologiæ. *Partis specialis Liber secundus* Bibliographicus, sive de notitia Autorum, inscribetur, ubi vitæ ac scripta Virorum illustrium & clarissimorum Ordinis S. *Benedicti*, inde ab ejus origine ad nostram ætatem, *sex Capitibus* præferentur. Horum *I* dabitur fundatoris, S. *Benedicti*, vita, cum ejusdem sacra Regula, inque eam Commentariis; *II* S. S. Patrum Ordinis S. *Benedicti* corona per Secula, eorumque vitæ ac scripta, præsertim vero, speciminis ergo, *Venerabilis Bedæ*, *B. Rabani Mauri*, *B. Lanfranci*, *S. Anselmi*; *III* vitæ Virorum doctrina illustrium medii ævi, inde a Seculo XII, *Wibaldi*, Abbatis Stabulensis & Corbejensis, *Petri Diaconi*, Cassinensis, *Odonis*, Cameracensis Episcopi, & Abbatis S. *Martini*, *Herveridis*, Burdigalensis, *Suggerii*, S. Dionysii Abbatis, *Bernardi*, Cassinensis Abbatis, *Engelberti*, Abbatis Admontensis, *Adami Estoni*, S. R. E. Cardinalis, *Joannis Raulini*, *Joannis Tritheimii*, Abbatis Spanheimensis, *Joannis de Marre*, Condomiensis Episcopi, *Gilberti Genebrardi*, *Joannis Burchardi*,

edardi, Abbatis in Schwartzbach, Banz, & S. Stephani in Wirtzburg, *Oderisii*, Cassinenfis Abbatis, *Joannis Fecknani*, Abbatis ultimi Monasterienfis in Anglia, *Henrici*, Abbatis Wiblingensis in Suevia, *Placidi Pigellii*, Abbatis Majoris Augrz Brigantinz; *IV* vitæ Virorum illustrium recentioris ævi, *Benedicti Hefstani*, Præpositi Afligenienfis, *Constantini Cajetani*, *Clementis Reynerii*, *Angeli de Nuce*, *Joachimi*, Abbatis Fischingenfis in Helvetia, *Caroli Bulteau*, *Francisci Delfau*, *Ignatii Clavenan*, *Odorisii Maria a Chio*, *Benedicti Bachinii*, *Caroli Petey de l'Hofballerie*, *Gabrielis Bucelini*, *Pauli Rabuffen*, *Magni*, Prioris Cluniacenfis, *Matthæi Petisidier*, *Ludovici Babenfluber*, *Francisci Schmier*, *Thoma Aquinatis Erbard*, *Bernardi Pezii*; *V* Synopsis historica belli literarij de Autore aurei illius de imitatione Christi Libelli; *VI* vitæ Autorum fœminei sexus Ordinis *Benedictini*, doctrina, eruditione, ac scriptis, illustrium, *Roswitha*, Monialis Gandershemensis, *Sophia*, Abbatissæ Gandershemensis, *Bertrada*, Vilecenfis Sanctimonialis, B. *Elisabetta*, Schonaugiz Abbatisfæ, *Diemudis*, Sanctimonialis Welffontanz, *Heloiffa*, Oratorii Paracliti Abbatisfæ, S. *Hildegardis*, Abbatisfæ, *Rilindis & Herrardis*, Abbatissarum Hochenburgenfium, SS. *Gertrudis & Mecbtildis*, *Helena Lucretia Cornelia Piscopia*, *Maria de Blemur*, *Magdalena Gabrielis*, de *Rochebould*, &c. *Partis II Liber tertius Bibliographicus*, sive Bibliotheca Benedictina Historico-Critica realis, dicitur, de notitia Librorum traditurus. *Caput I Bibliothecam Benedictinam theologicam* continebit. Hujus *Sectio I* recenset libros ad Theologiam positivam spectantes; & quidem §. 1 Biblia Sacra *Benedictina* editionis; §. 2 Interpretes totius Sacræ Scripturæ; §. 3 Interpretes Bibliorum ex parte; §. 4 Autores, qui libros ad studium & lectionem S. Scripturæ pertinentes conscripserunt. *Sectio II* Patres & Scriptores Ecclesiasticos Ordinis S. *Benedicti* sistet; §. 1 Sanctos Patres *Benedictinos*, qui de rebus divinis ante natam Scholam, maxime de Sanctissimo Evcharistiz Sacramento, scripserunt; §. 2 Editiones & Collectiones Sanctorum Patrum, veterumque Autorum; §. 3 Sanctos Patres Græcos & Latinos, opera & studio *Benedictinorum*, præsertim eorum, qui sunt ex Congregatione S. Mauri; §. 4 Collectiones varias, seu Biblio-

thecas Patrum, veterumque Scriptorum; §. 5 Ecclesiasticos Scriptores alios. *Sectio III* exhibebit Theologiz Scholasticæ Scriptores; *Sectio IV* Theologiz Polemicæ Scriptores; *Sectio V* Theologiz Moralis Scriptores; *Sectio VI* Ascetas, seu Theologiz Mysticæ Scriptores; *Sectio VII*, qui de doctrina Christiana scripserunt, vel Catechismos ediderunt; *Sectio VIII*, qui Homilias, Sermones, ac Conciones, scripserunt; *Sectio IX*, qui de Deo, ac Sanctissima Trinitate, scripserunt; *Sectio X*, qui de Christo, ejusque sanctissima Matre, scripserunt; *Sectio XI*, qui de Angelis, Sanctis, horumque reliquiis ac cultu, scripserunt. *Capitis II*, quod est de Jurisprudentia Ecclesiastica, enarrabit *Sectio I* conditores, collectores, atque editores Juris Canonici; & quidem §. 1 Summos Pontifices Ordinis *Benedictini*, qui literas, Bullas, ac Constitutiones, ediderunt; §. 2, qui præter Summos Pontifices Canones in Conciliis condiderunt; §. 3, qui Collectiones Canonum, seu Corpora Juris Canonici & Ecclesiastici, publicarunt; §. 4, libros, qui *Penitentiales* vocantur, quinam conscripserint; §. 5 Scriptores, Editores, atque Collectores Conciliorum, nec non Literarum atque Bullarum Summorum Pontificum. *Sectio II* dabit elucidatores Juris Canonici; §. 1 Autores, qui in Jus Canonicum commentati fuerunt; §. 2, qui Tractatus, Quaestiones, Consilia, &c. de variis Juris Ecclesiastici argumentis scripserunt; §. 3, qui de Jure controverso inter Sacerdotium & Imperium scripserunt; §. 4 alios Scriptores, qui Sedis Apostolicæ autoritatem defendendam susceperunt. *Sectio III* Scriptores appendicum Juris Ecclesiastici proferet; §. 1 Scriptores librorum, quibus in communi tractatur de divinis officiis; §. 2, qui Breviaria, & quæ in iis continentur, composuerunt; §. 3, qui Ritualia, & quæcunque ad Sacramenta & Sacramentalia pertinent, conscripserunt; §. 4, qui de celebratione Missæ, rebusque aliis, ad eam attinentibus, scripserunt. *Capitis III*, Scriptores de Medicina, Philosophia, & Mathematica, complexuri, *Sectio I* dicata est Medicis; *Sectio II* Philosophis: ubi §. 1 occurrunt Scriptores Logicæ, seu Scientiæ cogitationum rectoris; §. 2 Scriptores Metaphysicæ, seu primæ Philosophiæ; §. 3 Scriptores Physicæ; §. 4 Scriptores Ethicæ, seu morum scientiæ; §. 5, qui in *Aristotelem*, universamque Philosophiam, commentati

tati fuerunt. *Sectio III* ad Mathematicos spectabit, ubi §. 1. Scriptores de Arithmetica, & arte computistica, sive calculatoria; §. 2. Scriptores de Geometria; §. 3. Scriptores de Astronomia; §. 4. Scriptores de Musica, & instrumentis musicis, cantuque ecclesiastico. *Capitulis IV*, Scriptores Historicos daturi, *Sectio I* enumerabit Scriptores Ilaggicos, & de Chronologia, & Geographia; §. 1. Chronologos; §. 2. Geographos; §. 3. Scriptores Itinerariorum. *Sectio II* Scriptores Historiæ Universalis continebit; §. 1, qui Historiam rerum sacrarum simul & profanarum totius terrarum orbis, ab ejus creatione, scripserunt; §. 2, qui Historiam ejusmodi a Christo nato condiderunt; §. 3, qui res sui temporis annotarunt. *Sectio III* Scriptores Historiæ Sacræ & Ecclesiasticæ recensebit; §. 1. Scriptores Historiæ Biblicæ; §. 2. Scriptores Historiæ Ecclesiasticæ universalis; §. 3. Scriptores Historiæ Pontificiæ; §. 4. Scriptores Historiæ Episcopatum; §. 5. Scriptores Historiæ Conciliorum & Synodorum. *Sectio IV* Historiæ Ecclesiasticæ particularis Scriptores tradet; §. 1. Scriptores Historiæ Ecclesiarum Nationalium; §. 2. Scriptores Historiæ Religiosorum Ordinum; §. 3. Scriptores Historiæ sacrarum expeditionum, ad recuperandam Terram Sanctam; §. 4. Scriptores Sectarum, Hæresium, Schismatum, ac Persecutionum Ecclesiæ; §. 5. Scriptores Historiæ Stationum B. Virginis; §. 6. Scriptores Vitarum Virorum illustrium status Ecclesiastici; §. 7. Scriptores Dissertationum, de rebus in Ecclesiastica Historia controversis. *Sectionem V* Scriptores Historiæ Sanctorum implebunt; §. 1. Hagiographi; §. 2. Martyrologi; §. 3. Scriptores Sacrarum, ut vocant, Legendarum; §. 4, qui de Reliquiis, Canonizatione, ac cultu Sanctorum, scripserunt. *Sectio VI* Scriptores Historiæ profanæ producet; §. 1, qui Historiam profanam universam a Christo nato scripserunt; §. 2. Scriptores Historiæ Romanæ, ac rerum Italicarum; §. 3. rerum Germanicarum Scriptores; §. 4. Scriptores rerum Francicarum; §. 5. Scriptores rerum Gothicarum, Vandalicarum, & Longobardicarum; §. 6. Scriptores rerum Normanicarum; §. 7. rerum Anglicarum Scriptores; §. 8. rerum Hispanicarum; §. 9. Vitarum virorum & fœminarum illustrium status politici & secularis. *Sectio VII* Scriptores continebit quinarum Historiæ in communi Appendicum; §. 1. Scriptores Genealogicos; §. 2. Scriptores Historiæ Iconologicæ; §. 3. Scriptores rei Diplomaticæ; §. 4. Scriptores rei Numismaticæ; §. 5. Historiæ Literariæ Scriptores. *Sectionem VIII* dicetur de Historiæ *Benedictinæ* Scriptoribus; §. 1. de Hagiographis, seu Scriptoribus vitæ Sanctorum Ordinis S. B.; §. 2. de Martyrologia Monastico Benedictinis; §. 3. de Scriptoribus de Viris Illustribus O. S. B.; §. 4. de Scriptoribus Historiæ Generalis *Benedictinæ*; §. 5. de Scriptoribus de variis Sacri Ordinis Congregationibus; §. 6. de Chronographis Monasteriorum; §. 7. de Scriptoribus de Disciplina monastica, ejusque historia; §. 8. de Scriptoribus de Sacri Ordinis Constitutionibus, Ritibus, & Cerimoniis; §. 9. de Scriptoribus de Privilegiis Sacri Ordinis; §. 10. de Scriptoribus, qui

qui unam alteramve partem Historiæ Literariæ attigerunt; §. 11 de Scriptoribus Criticis de rebus in Historia *Benedictina* controversis; §. 12 de Apologistis Sacri Ordinis, ejusque jurium ac prærogativarum. *Capitis V*, Scriptores elegantioris Literaturæ complexuri, *Sectione I* præferentur Grammatici; *Sectione II* Rhetores, sive Oratores; *Sectione III* Poetæ; *Sectione IV* Comici; *Sectione V*, qui Rhetorices, Poeseos, atque Historiæ, partes scripserunt; *Sectione VI* Critici. Ultimum est *Caput VI* de Scriptoribus & Autoribus miscellaneis, cujus *Sectio I* Apologistas; *Sectio II* Epistolographos; *Sectio III* Interpretes, ac Versiones Librorum; *Sectio IV* Antiquarios; *Sectio V* variorum Autorum Collectiones miscellaneas & Opera junctim edita; *Sectio VI* Scriptores Ineditos, expromet. Atque hæc Prodrōmi rei Literariæ sunt capita, hic Historiæ Literariæ *Benedictinæ* conspectus; quem, licet maximam partem jam sit elaboratum Opus, nihilo tamen minus, antequam illud in lucem publicam prodiret, delibandum ac gustandum quasi Publico propinare visum est. ut de Lectorum vel emtorum gustu periculum fieret. Cumque passim hæc nostra ætate, qui libros suis sumtibus excudendos suscipiunt, priusquam prelo eos subjiciant, subscriptiones, quas vocant, expectare soleant; hoc beneficio S. Rev. Autor quoque uti constituit, ita tamen, ut nummos non desideret, sed emtores, eorumque nomina, qui alacritate sua ipsius augere ardorem, animumque & stimulos addere currenti, velint. Non vero tantum S. Ordinis hominibus, quibus Historia Literaria carere sui Ordinis in Monasteriis ac Bibliothecis suis longe turpissimum foret, sed aliis quoque Mæcenatibus & rei literariæ (cujus *Benedictina* familia jam multis abhinc Seculis non minima sane pars fuit,) amatoribus quibuscunque, hujus instituti leges offert, & indicat, sub quibus & sibi prospicere, & honestissimam ipsius voluntatem juvare, ipsique Operi omnium optime consulere, possunt, ut quam cultissime in lucem istæ prodeant vigilæ. 1) igitur sic instituta sunt omnia & comparata, ut intra anni spatium exire possit Opus, cujus supra conspectum posuimus, forma folii majoris, non minus X vel XII Alphabeta, quæ vocant, complexum, & chartarum genere nitido, ea etiam accuratione, quæ potest esse maxima, excusum. 2) Nummi a subscribentibus non, nisi cum integrum Opus prelo liberatum ipsis exhibetur traditurque, solvuntur, nec prius desiderantur. 3) Quicumque subscribentium intra semestris spatium a Calendis Januarii hujus anni sua dabunt nomina, hi, solutis quatuor florenis, totum Opus accipient; sed, qui hanc opportunitatem dimiserit, is absolutum Opus non nisi septem florenis comparare sibi poterit. 4) Nomina vero subscribentium optimis quibusque urbium Germaniæ, & extra illam, Bibliopolis exhibenda sunt, ipsique Operi, si placet, ordine Alphabetico deinceps præmittenda curabuntur. Sed symbolas colligendi, librumque distribuendi, curam Joannes Adamus Schmidius, Bibliopola Norimbergensis, in se recepit.

NOVA ACTA ERUDITORUM,

publicata Lipsiæ

Calendis Maji Anno MDCCXXXIX.

Herren Heinrichs von Büchau genaue und umständliche
Teutsche Römisch- und Reichs-Historie, &c.

h. e.

ILLUSTRISSIMI DOMINI HENRICI DE
BÜNAU accurata & copiosa Germaniæ cum Im-
peratorum, tum Imperii, Historia, e probatissimis
Autoribus & monumentis congesta.

Pars III.

Lipsiæ, sumptibus Casparis Fritschii, 1739, 4 maj.

Alph. 5 plag. 3.

Ita tandem in fatis fuit, ut dulcis patria nostra Viros graves,
& rerum publicarum usu felicissime subactos, quemadmo-
dum Roma olim, ingeniorum artiumque honestarum procrea-
trix, & quasi parens, videret, qui gentis Theodiscæ origines,
antiquos ritus, reipublicæ formam, Principum artes regnandi,
vicissitudines imperii ineluctabiles, pacis bellicque studia & cau-
sas, assiduitate, nullis officiorum molestiis vinci nescia, scru-
tarentur, & doctrinarum suarum uberrima fecunditate illu-
strarent. Quod enim Tullius, facundissimum os, sæpe-
numero queritur, suos homines antiquiori ætate nescivisse,
quæ fuerint historiæ leges, ac proinde annalium confectione
macilentia contentos, sine ullis ornamentis monumenta solum
temporum, hominum, locorum, gestarumque rerum, memo-

ria prodidisse; id genti nostræ vere antea venisse usū, tantum abesse, ut dissimulemus, ut nobiscum omnes, quicumque latius ingeniorum proventibus delectantur, exultent merito, talem nobis maculam abstergi, famæ nominis Germanici haud dubie obfuturam, nisi antiquioris elegantix & mansuetiorum Musarum cultissimè vindices jam tantum inter reliquos extulerint caput,

Quantum lenta solent inter viburna cupressi.

Non una vero fundi nostri antea calamitas fuit. Pars enim solam dicendi laudem esse crediderunt brevitatem; pars, forensibus & publicis rebus cum abstinere, non eam assecuti sunt peritiam de consiliis Principum & eventu rerum judicandi, ut posteritati constare possit, quid scriptor probet, aut quznam sint acta vel casus, vel sapientix, vel temeritatis; multi sere narratores magis, quam exornatores, neque innutriti prudentia, quæ versatur in perspicendis rationibus constituendarum regendarumque rerum publicarum, & sine qua verborum volubilitas inanis atque irridenda est, ad scribendum appulerunt animos. At, quod felix & fortunatum sit tanti Operis conditori, longe aliam a duobus inde, & quod excurrit, lustris ingressus viam est Illustrissimus atque Excellentissimus *Henricus a Bimau*, Augustissimi Sarmatarum Regis a Consiliis sanctioribus, literarumque in his agris Mæcenæ fulgentissimus, cujus nominis eximium decus si commendare nos deum scripturae qualicumque publice orbi erudito vellemus, quid esset aliud, nisi jejuna & exili laudationum copia stabilem ingentis *Bimau* famam paululum obscurare, quam nec tempore, rerum alias omnium edaci, nec oblivione, deletum iri, fatidico auguramur spiritu? Reapse enim Illustriss. Autor non tantum in prioribus *Historia Teutonica* Partibus, a nobis luculenter descriptis *A. 1729. Mens. Jan. pag. seq. & A. 1733 Mens. Aug. pag. 337 seq.* verum in hac etiam, quam, applaudentibus bonis omnibus, fors nuper prodire iussit, Sectione comprobavit, scriptorem novum aut in rebus certius aliquid asserre, aut rudem vetustatem vincere scribendi arte, debere. Historiam quippe varietate sententiarum, velut insignibus, quibusdam & geminis, perpolivit, tamque

tanque verbis aptus & præstans videtur, ut nescias, utrum res oratione, an verba abundanti doctrina, sapienterque dictis, illustrentur. Enimvero *Ludovici Pii*, Imperatoris, tempora composuit materies digna & facultate & copia Illustriss. Autoris subnascebatur, tum quia labente disciplina corrupti erant mores Francorum, tum quod vita istius Principis varios actus, multasque & consiliorum & eventuum species, habebat. Ad illa ergo, quæ ex incorruptis rerum gestarum monumentis Germaniæ nostræ *Polybius* alter tota mente subtiliter copioseque repetiit, pro se quisque acriter nobis intendat animum, quæ forma reipublicæ sub *Ludovici Pii*, & filiorum ejus, auspiciis, qui mores, fuerint, per quos viros, quibusve artibus, similitudines hinc obscuræ, illinc apertæ, factionesque Principum, creverint: deinde ut magis magisque collapsa Imperatoris auctoritas sit, donec ad hæc tempora, quibus debilitari Francorum vires distributione regionum cœperint, perventum est. Cum vero in his rebus non sanæ solum standum videatur, sed omnes evolvi sedulo debeant libri; rectissime profecto & ordine fecit Illustriss. Autor, quod, perquisitis vetustioribus monumentis, chartis, & quotquot inveniri poterant, signis, expositionem factorum elegantè corroboraverit. Sitim igitur restinguant, & quibus volupe est, cognitionis librariæ, utum in historia degustare, satient se opiparis & lautis, quas hic expostas vident, Scriptorum epulis. Neminem enim, quod scimus, prætermisit Autorem, testimonio suo lucem, aut confirmationem rebus, allaturum, quem non ad sui oram libri summa fide excitatum, & in Operis principio ita digestum, recordemur, ut, quo in loco Collectionum vel *Baluzii*, *Cbesnii*, *Freberi*, *Muratorii*, *Leibniti*, *Sirmondi*, *Ughellii*, *Harduini*, *Banduri*, *Eccardi*, *Meibomii*, *Menckemii*, *Goldasti*, *Lindenbergii*, vel ceterorum plurium, scripta asserventur, plenioris historiæ cultori constare merito debeat. Satis diu in atrio splendidioris domus, & *Phidias* manu insigniter exstructæ, hæsimus. Per partes jam ire lubet, & ordinem rerum ædificiique structuram mirabilem oculis lustremus, quam aliis, qui descriptionem legere non gravantur, ut nobis coram intuentibus, delectamento fore speramus. Exhibet

Pag. 5.

6 seq.

bet autem portio hæc, quam in manibus habemus, *tres* potissimum *Libros*, si *Epitomen* rerum quovis anno gestarum, post primitia stantem, ubi cognitione dignissima excerpens, breve velut sermonis corpusculum effecerat, demseris. *Liber primus Ludovici Pii* vitam & res gestas continet, in quo nihil adscititium, & assumtum temere, sed omnia fere nova videntur. Unde nemo nobis vitio vertet, si profitebimur, esse hanc Sectionem adeo frugiferam & salutarium doctrinarum plenam, ut in eam, velut speculum, intueri commode possint Principes, indeque sibi, suæque reipublicæ, quod imitentur, aut scdum inceptu, scdum exitu, quod vitent, capiant. Posteaquam enim multa cultissime disseruisset Illustriss. Autor de summa spe atque expectatione, quam pater *Carolus*, & cives ejus, de *Ludovico*, non obscuræ virtutis & erectæ mentis decora significante, conceperint, talem futurum, qualem in imperio Aquitanico cognitum judicaverint; studiose dehinc vel in vitia, vel virtutes ejus, inquit, quod eo incorruptius, vel nobis judicantibus, fecit, quo certius constat, omnis expertem fuisse motus & curæ, quæ scribentis animi etsi non flectere a vero, sollicitum tamen, ipso *Livio* teste, efficere, solet. Nimirum *Ludovicus* immodicis largitionibus exhauserat opes ærarii Aquitanici, ut ingenium ejus, voluntati purpuratorum nimis obnoxium, videretur adhuc rectore morum & patris tutela indigere, cujus sane opera nisi ad tempus præsto fuisset, multum ad cceptam jam tunc majestatis contemtionem roboris habuisset. Verum, quam regnandi impotentiam, & civilis prudentiæ, rerumque gerendarum, ignorationem, diu celaverat, ea demum post mortem *Caroli*, ex quo sui potens factus, omnibus innotuit. Licet enim generis eminentiam benigno alloquio, comitate, beneficiisque, quos poterat, conciliando sibi, adjuvabat, nec talibus artibus pro temporum conditione destitutus videretur, quibus ingenia ad magnæ fortunæ cultum excitantur; non tamen prudens erat amicorum suorum iudex, præceptionis illius penitus immemor, quam sub laud pœnitendo magistro discere potuisset, non omnes promiscue regia familiaritate dignos judicari, qui sui tantum commodi gratia, in Regis, velut unici exempli, mores suos formant, sed

sed

sed hos demum coli debere, quos sapientiæ suæ fama apud Principem, liberaliter dextreque obeundo officia, in amicitia adduxerit jura. Id vero quantæ fuerit imperio calamitati, semperno motuum intestinorum & gladii civilis furore cognitum est. Interea multi *Ludovico*, vivo adhuc patre, exstiterē auctores, ut ad regiam veniret, & per speciem alienæ fungendæ vicis regnum sibi firicaret, quod tamen consilium respuisse *Ludovicum*, docet Illustriss. Auctor, verentem, ne in se hoc pacto cupiditatis suspicio caderet. Propere tamen ab Imperatore accitur, & insignibus, velut opima hæreditate, onustus, redit in Aquitaniam. Nam ex sententia Illustriss. Auctoris, aliquanto, quam videbatur, ægrius ferens muliercularum aulicarum cohortem, virosque patriorum consiliorum participes, confestim domum revertitur, cui paulo post Comitibus indicturo mors patris nuntiatur. Simul ac regnare occæpit, *Wala*, principis in aula viri, insidias, & lubricam fidem, indelebili odio timet, hinc in caritate ejus nihil spei reponenti, metu tutandum regnum videbatur. Armatis ergo & ingenti comitum multitudine circumseptum Aquisgranum, quam celerrime poterat, contendit Imperator. In itinere offendit antistitem sacrorum Aurelianensem, qui non suspectum modo aut invisum *Walam Ludovico* reddit, sed, unde nihil aliud quam perduellionis crimina sperari possint, demonstrat. Verum aut inimicorum calumnias reveritus *Wala*, quoniam eminentis fortunæ indivulsus comes invidia esse solet, aut citius justo adventaturum Imperatorem prævidens, obviam ei, avertendo ab se noxæ speciem, processit. Frater vero *Adelhardus*, fidei pariter ambiguae vir, sacrificulorum tetricæ ac tristis disciplinæ nomen dans, in otio vitam transigere decrevit. Dein summus quisque purpuratorum rei novæ cupiditate adest. Dant ordine omnes fidem. Imperator, solutus curis, lætatur unanimi ordinum plausu & congratulatione. Tum castigator est pudicitia violata, & dedecoris domestici, quod sorores ejus libidine, perniciosissimis animi muliebris satellitibus, nomini regio intulerant, strenuus vindex. Porro Illustriss. Auctor bonorum testamento legatorum diribitionem legitimam, & solertem morborum investigationem, quibus rei publicæ corpus aff-

Pag. 8.

10.

12.

13.

14.

- Pag. 16 seq. slictum graviter decumbebat, in Imperatore laudat; quod extremum sane præclaro fuisset factum exemplo, si aut votis respondisset fortuna, aut Imperator, callide temporibus inferviens, comitatem severitate temperasset, aut tam mite & temperatum imperii principium satis efficax ad metum injiciendum procaci ministrorum turbæ fuisset. Imperator, ad hæc consultanda, procurandaque, conversus, nemini forte carior erat, quam sacerdotum agmini. Quoniam enim anili pietate & vano religionum timore pectus suum imbuerat, in eam verecundiam compellebatur, ut, dimitti a se indotatum gregem, duceret nefas.
19. Interea *Bernardus*, Italix Rex, & *Grimoaldus*, dux Beneventanus, alius alia via, hic per oratores, ille præsens jurisjurandi formula prius concepta, in fidem & clientelam Imperatoris se recipit. Pace vero domi & foris sancita, id sibi negotium dari credidit Imperator, ut *Walam* aula eliminaret. Esse gratix locum, esse beneficio, apud Principes, constat. At inter aulicos rem surdam videri innocentis viri sanctitatem, nihil laxamenti, nec venix, habere leviusculum quendam errorem, si delatorum machinationes accesserint, exemplum *Wala* abunde docet, ubi simul haud obscure præ se fert Illustriss. Autor, talem virum multa potuisse in domum regiam conferre beneficia, & trepidis rebus opitulari, si vel discrimen inter amicum & inimicum, vel irasci, & ignoscere, spretis certorum hominum sermonibus, novisset *Ludovicus*. Quamvis enim postea observantiæ pignus violaverit *Wala*, eundem tamen legibus obstrepuisse sub regni auspiciis, nulla subest ratio, ut credamus. Hoc arbitrio rerum semoto, enarrat Illustriss. Autor, luctuosissimam toti imperio & funestiore ipsa contagione regionum divisionem ea lege factam fuisse, ut trifariam partitæ trium jussu Regum æqualiter gubernarentur.
22. Dum hæc in
23. Francia geruntur, gravis seditio Romæ exarsit, injustæque Pontificis M. dominatione res ad gladios & arma devenisset, nisi huic malo remedium afferens Imperator, de audiendis civium querelis, & coercenda Pontificis libidine, Legatos misisset. Nihil tamen secius irritati Romanorum animi turbas iterum cient, in villas Pontificis excurrentes, populandi magis causa, quam justis.

iussi more belli. Inter hos tumultus sibi infestos Pontifex ma-
 ximus *Leo III* moritur, eique successus in sacerdotio *Stephanus*
IV, ad Imperatorem indulgentiam petitem oratores mittit, ut-
 que demum confiscat jubeatque, quod patres se renuntiandi
 Pontificem autores fuerint. Pugnat per occasionem Illustriss.
 Autor contra nonnullos, qui jus suffragii Cæsarei in creando
 Pontifice *Stephani VI* demum temporibus cepisse ajunt, sed,
 consuetudinem illam longe ante illius ætatem sancte fuisse ser-
 vatam, argumentis non usquequaque obviis contendit. Hoc
 facto, Pontifex ipse in Franciam proficiscitur; Imperatorem
 solenni formula & ritu publice inaugurat, non, ac si nunc de-
 mum, summam *Ludovico* potestatem permittendo, populum
 religione obstringere potuerit, quod *Baronius* censet, sed quia in
 mores & instituta majorum, sacris sub regni principia operan-
 tium, ire placuit. Dehinc memoriæ prodit Illustriss. Autor,
 (brevitati enim studebinus, quando omnia in transcurso dice-
 re oportet,) in Comitibus lege cautum esse, ne quis sacerdos
 pugione, balteo aureo, calcaribus aut mundioribus iusto vesti-
 bus, utatur, quas minutias sane qui novit, mirabitur, Imperato-
 rem, discrimine alti, & humilis, animi confuso, talibus consiliis
 trivisse tempus, quod aptius constituendis regni moribus, &
 frangendo sacrificulorum fastui, impendi poterat. In eandem
 incidit tempestatem mors *Stephani*, quem credunt multi annos
 7 & menses 7 sacris præfuisse, at, melius subductis ratio-
 nibus, contra *Anastasium* Illustriss. Autor asserit, mensibus 7
 35.
 36 seq.
 absolvi ejus Pontificatum. Elevat præterea suo jure literarum
 fidem, quæ Pontifici jus in ditiones Romanas emendicare, Im-
 peratori autem vim decernendi Antistitem Romanum antiquare,
 videntur. Nam, quia *Ludovicus* non semel postea feroces Ponti-
 ficum animos refrænaverit, subscriptio etiam sit ridicula, & tem-
 porum istorum a genio abhorreat, nec prius visæ fuerint lite-
 re, quam Seculo XI demum ad finem vergente, quemlibet
 sanum inde commentum & artes Pontificis subodorari posse
 credit. Pari mensium intervallo Imperator ordines cogit: *Lo-
 tharium* communi procerum suffragio Aquisgranum fastigio Cæ-
 sari ornât: quæ inauguratio præsentis quietem status rumpit,

- imo regni Italici invidia etiam in *Bernardo* infida omnia & infesta facit. Colles propterea & viarum angustias, quibus in Italiam itur, *Bernhardus* milite occupat, inquietum animum
- Pag. 42. stimulante primorum favore. *Ludovicus*, exercitu conscripto, aperiendam sibi viam gladio ratus, obviam hosti fit, qui, desertus a suis, veniam sceleris ab Imperatore petit. Sed in Comitibus Aquisgranensibus capitis damnatur. Iudicio tamen patrum conscriptorum absoluto, oculi excœcantur, quibus cruciatibus enectum periisse ducem, plurimi autores sunt. Quod temporis notas attinet, quo e vivis excesserit *Bernardus*, parum id liquet. Alii ex *Bernardi* Epitaphio comprobare student, mortem anno 818 assignari debere, sed, vetustissimos Scriptores ut sequeretur, Illustriss. Autoris inclinaverat animus. Britannie minoris genti haud dubie etiam plus virtutis, quam fidei, inerant; hinc fluctuans diu inter pacis bellicue consilia, statuit, qua fortuna rem daret, ea vires & belli molem vertere. Incertam
- 45 seq. sane pugnae aleam inituri erant Britanni, sed, infirmitatem Imperatoris aut oscitantiam ominantes forte, confidentia maiore bellum parant, quo propius metum res erat. Neutro inclinata victoriae spe, dux Britannorum cadit, quo occiso, moestitia ita defixit militis animos, ut præ metu obliti, quo pacto bellum gesturi essent, deficiente consilio, Imperatori se darent. Nec diu in imperio pax mansit. Aliud enim ex alio malum occurrebat, nunc Pannonis, Obotritis, Danis, deficientibus, nunc aliis fortunam belli tentantibus, ut proinde jam ex omni parte circumstare Imperatorem tumultus, & motuum scintillulae, propediem in flammam erupturae, sub cinere doloso latere, viderentur. Vario Marte ubivis pugnatur. Inprimis *Liutwicus*, princeps barbarum in Pannonia, dimicationi ultimae instructus intentusque, in tergo exercitus Imperatoris hæret, &, ut primo statim concursu increpuere arma, micantesque fulgere gladii, funduntur Cæsaris copiae. Auspicatius paululum contra Vascones arma fert Imperator, quos ad defectionis crimen inflammasse *Beram*, Comitem Barcinonensem, rumor erat. Dum crimen suum purgat reus, certaminis singularis fortunam ut experiatur, postulant iudices. Haud difficulter enim persuasum

suasum mortalibus, oblato falso crimine infontem velut Dei quadam providentia interire non posse. Monstrat hic Illustriss. Autor, vetusti juris, sed profani & barbari, consuetudine cum adversario noxium ferro decrevisse, & postquam nos docuerat, pro sacerdotibus alios alius ordinis homines pugnam iniisse in foro, investigat deinde, pure ac pio, an fraudulento, ut fiebat sæpe, duello quærendam esse causæ veritatem censuerint. Quo lubentius vero aureis Illustriss. Autoris sententiis inhæremus, eo acrius nos, ultetius ut pergamus, brevitatis usitatæ stimulat ratio. Possemus certe universam reipublicæ & bellorum istius ævi faciem e tabulis elegantissimi historiarum *Protogenis* depingere, sed veriti, ne longiuscula scriptio Lectoribus nostris parum præbitura voluptatis sit, ex affluenti hac lautitiarum copia tantum cupidias ostendemus. Posteaquam satis omnia tuta circa, sopitique Pannoni, videbantur, retulit Imperator ad ordines, *vellent agros in tres partes præ numero filiorum dividi*. Rogationem procerum consensus sequitur. *Lothario*, Regi Italiæ, *Irmengardam* nuptiis jungit *Ludovicus* Imperator, & laudabili exemplo viros, in quibus speciosa criminatio inimicorum obtreptione fuerat, recipit. Quo facto, tetra simultatum pestis regno incubuit. Simul atque enim dictis eorum factisque omnibus, ad fallendum instructis, vana accresceret fides, fraude ac dolo amicorum Imperator sensim circumventus est, donec seu ira, seu odio, seu superbia, ingeniis insita, malorum publicorum sensus augetur, & Cæsaris res, auxilio consiliisque orba, in filiorum manus sine dimicatione traderetur. Inter eximia eruditionis omnigenæ pignora equidem id nobis referendum videtur, quod Illustriss. Autor contra *Jo. Ge. Eccardi* suspiciones tueatur, *Ludovicum* Francofurti, non Treburi, A. 822 Comitia habuisse: quod *Harioldum* non Moguntia, ut Autor vitæ *Ludovici Pii* tradit, sed Ingolstadii, sacro adpersum esse fonte opinetur: quod cultissime demonstret, Augustam Francorum, *Juditham*, e discordiarum imminentium imagine forte pavidam oravisse *Lotharium*, prensasse manus, miscuisse cum precibus minas, versasse in omnes partes muliebre animi, ut confessionem pacis & formulam fœderis ei extorqueret: porro, quod accu-

Pag. 57.

58.

63 seq.

67.

76.

100.

113.

175.

Pag. 177.

rate definiat annum, quo *Pipinus*, *Ludovici* filius, naturæ persolverit debitum; tandem, quod, eversa *Scaligeri* sententia, templi *Czfarodunen*sis cognomen, a *S. Martino* ductum, prius hand innotuisse, quam A. 838, censeat. Claudamus *Libri prioris* rivos, ex quibus sat biberunt rerum patriarum cultores. Qui plura velit, hauriat potius e fontibus, quam rivulos confectetur nostros.

- Liber secundus* res omnes, a filiis *Ludovici Pii*, & nepotibus ejusdem, ad mortem *Ludovici Germanici* gestas, exponit, ideoque annorum sex & triginta memoriam complectitur. Post tot immanes dissensiones, haud sanatas, nondum conquiescere poterant *Ludovici* Imperatoris filii, sed hac ætate demum, quid venditatio quædam & ostentatio sanctitatis, regnandique intolerabilis cupiditas, efficere possit, videtur experta. Potentiæ Francorum *Carolus M.* viam aperuerat, motibus intestinis & civili discordiæ *Lotharius* aperuit. Non gradu enim, sed præcipiti cursu, a virtute descitum, ad vitia transcursum est. Uti enim contrahere celeriter similitudo solet perfidos, & ut fere fit,
187. malum malo aptissimum est; ita nullum tempus inquietorum hominum feracius fuit. Initium vero turbandi omnia a *Lothario* ortum est, qui, instinctus velut dissidiorum furiis, admonere clanculum Gallos suæ erga gentem illam voluntatis, & pro ea gratiam repetere, allicere cives tum de se ingentia pollicendo, tum jurisjurandi ab iis formulas exigendo. Inde, ut recuperandæ hæreditatis paternæ tempus visum est, conscius male quærendi fratrum suorum regni, amicitiam *Caroli* occupat, ne etiam in illo materiæ quidquam ad bellum foret. Malum regni principium similis propediem exitus comitatur, quas vero pugnas huc de integro Lectoribus apponere, nostri non est instituti.
188. Ad A. 842 Illustriss. Autor anquirat, fuerintne eo tempore primum ludi equestres, Autoribus nonnullis idem approbantibus, habiti. Cum enim *Carolus* & *Ludovicus* in eo essent, ut junctis exercitibus hostem aggrederentur, præmifere oratores ad *Lotharium*, sciscitatum ab eo, pacem, an bellum, mallet. Interea uterque Princeps Wormatiæ animum ejusmodi ludis reficit.
- 190 seq. At, discriminine istorum solennium facto, in
199. qui-

quibus alia duumviros in cancellis congregientes lanceis exhibent, alia globum quendam juvenum toto irruentium campo, telisque se invicem petentium, offerunt, Illustriss. Autor, hæc munera tali ævo convenire, dicit, illa non æque, multis nominibus a prioribus diversa. *Pag. 227* *Nithardus* notatur, quod, nuptias *Caroli* cum *Irmentruda* die 14 Dec. celebratas fuisse, prodiderit, cum tamen ex charta publica dies 13 Dec. appareat. *Pag. 232* dissentit Illustriss. Autor a *P. Daniele*, qui, *Lambertum* Comitē, sola adversus *Nomenojum* indignatione sollicitatum, Normanorum auxilia circumspexisse, scripserat, sed Illustriss. *Bünavius*, ut est perquam diligens annosorum voluminum investigator, ex Chronico Namnetensi firmat, utriusque demum odia post bellum Normanicum cœpisse. *Pag. 236* idem *Sigonio* refragatur, quando ille in scripta retulerat, *Lotharium* filio suo *Ludovico* II regnum Italiæ A. 844 tradidisse, at, Illustriss. Viri sententia, jam A. 843 Diplomatum fide Regis titulo gavisus fuerat. *Pag. 263*, errasse *Baronium*, cognoscimus, qui, solennem *Ludovici* II inaugurationem A. 848 factam fuisse, contenderat, sed in re tali, vetustate non satis explicita, nec a *Mabillonio* recte excussa, conjectando suam ita interponit opinionem, ut putet, *Ludovicum* A. 849 in societatem regni assumptum, anno autem 850 diademate & sceptro insignitum eminuisse. Nec heri demum aut nudius tertius inter Autores disputatum fuit, quoniam die *Lotharius* Imperator animam efflaverit. Alii, die 18 Sept. A. 855 obiisse eum, produnt, aliis dies vicesimus nonus placet, quos ut conciliet Illustriss. Autor, ita, ingeniose *Pagium* secutus, interpretatur causas discrepantiæ, ut, die 18 Septembris exspirasse Imperatorem, sequenti vero elatum fuisse, credibile videretur. Similem litem, super anno & die movendam, quo *Ludovicus* II excefferat, facili negotio diremit. Quo te amplius, benevole Lector, in hac Sectione moremur, non superpetit, nisi ut Te moneamus, Illustriss. Autorem nusquam causas belli, (*pag. 23, 26, 51, 54, 114, 137,*) nexos imperantium, (*pag. 32, 33, 52, 67, 68, 69, 97, 112, 126, 131, 221, 230 seq. 310, 324, 380, 443 seq.*) sententiarum gemmas, (*pag. 12, 18, 42, 48, 58, 98, 101, 107, 113, 125, 151, 176, 202, 298, 299, 306,*) & alias id genus observationes,

Pag. 287.

454.

quæ crudelitati Pontificum & artibus intelligendis, (pag. 80, 112, 140 seq.) tenebris literarum cognoscendis, (pag. 34, 91, 141) imperio Cæsaris in Pontificem asserendo, (pag. 84, 85, 111, 238, 285, 393, 462.) haud parum conducunt, omisisse.

- Libro tertio*, reliquis multo præstantiore, familiarum illustrium & regiarum tabulæ illustrantur, ex quibus vel *Regum Langobardicorum*, *Ducum Forojulensium*, *Spoletanorum*, & *Beneventanorum*, propagines possunt cognosci. Quo enim obscuriores nimia vetustate res Langobardorum videntur, veluti quas magno ex intervallo loci vix cernimus, tum quod & raræ per ea tempora literæ, una custodia fidelis memoriæ rerum gestarum; eo insigniori laurea redimire Illustriss. Autoris caput nos oportet, quod omnes omnium labores felicissime superans, confectis ad hunc usum stemmatibus, clariora reliquis certioraque tradiderit. Orditur verò Illustriss. Autor ab *Ibore & Ajo-ne*, tantamque in expositione istius historiæ industriam ponit, ut, collectis ex *Warnefrido*, *Sigeberto Gemblacensi*, *Paulo Diacono*, *Sigonio*, *Muratorio*, præsidiiis, novum velut ordinem, & politissimam rerum descriptionem, nunc demum effingat. Primum non injucunda contra *Hugonem Grotium*, Sæciæ & Gothiæ in terris horum majores quærentem, monet, postea Cl. *Eccardi* suspensiones ad vivum refecat, qui, *Langobardos Chersonesum Cimbricam* incoluisse, ea de causa opinabatur, quod Scandinavia, utpote quibus in agris sedem & domicilium habuisse illos testatur *Paulus*, antiquitus, & imprimis *Ptolemæi* ævò, non ita limitibus arctis circumscripta fuisset, quam *Pauli* temporibus, ideoque oras Germaniæ ad Balticum mare complecti posset. Quo de argumento *Eccardus* non tantum in *Notis ad Leibnitii Tractat. de origine Francica*, verum etiam in Dissertatione singulari *de origine Langobardorum*, quæ nondum prelo subjecta in scriniis Illustriss. Autoris latet, plura disputavit. Adhæc, sicubi Autor *Præfationis ad Leges Langobardicas Rotharis*, quam *Horattus Blancus* ex Codice MSto Bibliothecæ Ambrosianæ ediderat, *Paulo Diacono* adversatur, diligentissime notatus a Viro Illustrissimo fuit. Ita erudite observavit, *Risulfum*, filium *Tatonis*, & patrem *Hildechis*, *Unichis*, vel *Il-disgis*,

disgis, neque minus *Hildechin*, *Risfulphi* filium, vulgo præteriri, cuius negligentia rationem in eo sitam esse opinatur, vel quia Principes fastigio & nomine Regum minus dignos tum æstimaverint, vel quia, *Warnesfrido* autore, tale monumentum mendis laboret, aut integrum ad nostram ætatem non pervenerit. Festinans ad *Rotharem*, operæ pretium iudicat fore, si, integra Præfatione ad leges Langobardicas descripta, lectionum diversitatem e Codicibus Bibliothecæ Ambrosianæ & Estiensis indicaret. Etsi vero summa Scriptorum penuria Ducum Italiæ reliquorum fama in obscuro sit, & ipse tamen illorum memoriæ rerum gestarum consulere pro virili voluit. Hinc uno velut obtutu Principum *Forojulensium* a *Gisulfo* ad *Rotgaudum*, Ducum *Spoletanorum* a *Faroaldo* ad *Wingisum* & *Geraldum* A. 822, & *Beneventanorum* a *Zotbone* ad *Grimoaldum* IV, illustrissima stemmata videbis. Opus excellens tandem claudit Diplomatum & literarum, ab A. 814 ad 876 promulgatarum, cum Indice rerum locupletissimo, bene ordinata series, ubi ne latum quidem unguem a pristino more & laudabili instituto recessit. Plura perceptu utilia ob angustos plagularum nostrarum limites percensere non licet. Quis enim est tam averfus a Musis, ut Viri summi, & civiliter eruditissimi, scripta volutare indecorum existimet? Nostri autem oratio a specie assentationis tantum aberit, quantum abest a reliquis animi motibus, si dixerimus, Principes non parum æternitati suæ consulturos esse, si a nemine alio historias suas perscribi, quam ab Illustrissimo *Bimavio*, ad *Alexandri M.* exemplum paterentur, qui gratiæ causa ab *Apelle* potissimum pingi, & a *Lyssippo* fingi, volebat. Ceterum nihil nobis acciderit optatius, quam si in hac sententia fuerit Illustriss. Autor, ut omnia subseciva & subsecundaria tempora, quæ ipsi a continentibus negotiis supererunt, ad colligendas huiusmodi memorias conferet.

Pag. 564.

651.

679.

709.

EMMANUELIS MARTINI, ECCLESIAE
Alonensis Decani, Epistolarum Libri duodecim. Accedunt Autoris nondum defuncti *Vita*, a **GREGORIO**
MAJANSIO conscripta, nec non Præfatio **PETRI**
WESSELINGII.

Tomi

Tomi II.

Amstelodami, apud Jo. Wetstenium & G. Smith, 1738, 4 maj.
Alph. 3 plag. 18.

Si, quod multi existimant, illi demum Scriptori iustus honor tribuitur, cui ita esse felici contigit, ut elegantioris Batavorum gentis, penes quam arbitrium esse literarum & ingeniorum dicitur, communem plausum ferret; magna sane ac pæne invidenda est gloria *Emanuelis Martini*, Decani Alonensis, cujus quippe compositissimi *Epistolarum Libri*, vix natali suo solo egressi, tantopere se felicissimæ illius regionis Viris doctis, & in his maxime *Petro Wesselingio*, probarunt, ut ornando huic Scriptori, & in cultissimæ doctrinæ publice exemplum ponendo, honestissima illi consilia conferrent. Neque vero de genere honoris, quo prosequendum esset nobile hoc caput, deliberatum est diu; quandoquidem, id satis futurum, omnes intellexerunt, si, quæ plurimorum adhuc fugeret notitiam, ut omnibus perspecta deinde tanti Viri virtus esset, nec quisquam se destitutum harum *Epistolarum* usu quereretur, quocunque posset modo effici. Factum est igitur præstantissimi partim *Wesselingii*, quem boni omnes tantum amant, quantum ipse vicissim bonos amat, cura admodum laudabili, partim *Wetstenii*, Viri optimi, & de re libraria præclare meriti, impensis non exiguis, ut novis Batavorum typis exscriptæ hæ *Epistole*, maiorem in peregrinis terris, quam in patriis, ornatum acciperent, & habitu vestitæ ita decoro incederent, sicut minime pueret Scriptorem quemque veterem incedere. Eo nomine duplex nobis gratulandi causa subnascitur, primum *Emanueli Martino*, de parata hac ad immortalitatem via, quæ, nisi liberalis Batavorum manus subvenisset, sane non ita facilis fuisset, deinde iis omnibus, quos elegantiorum literarum amor studiumque tenet, de novo hoc, in cuius totos se disciplinam tradant, & a quo Latine scribendi castissimum exemplum petant, veteris illius eloquentiæ magistro. De ipsis his *Epistolis*, post ea, quæ copiose diximus superioris *Anni Mens. Jul. pag. 390 seq.* nihil jam expectet Lector. Saltem editionis hujus novæ præ priori illa, quam Mantua Carpe-

tanorum

tanorum protulit, præcipua quædam decora commemorabimus. Forma Operis plane est talis, qualem nemo Autorum veterum sibi indecoram putet. Quæ libri frontem ornat imago *Martini*, ita similis est illi alteri, ab artifice Hispano expressæ, sicut vix esse ovum ovo potest. Præfationem *Wesselingii* multis verbis a nobis laudari, nemo postulet, qui norit doctrinam Viri, ex cujus officina nihil unquam vulgare, aut lectoribus, etiam delicatissimis, ingratum, prodiit. Sane dubitari possit, plusne gloriæ *Wesselingio* ex ejus Viri, quem laudavit, meritis, an *Martino* ex ore illo facundissimo præconis sui, accesserit. Nobis vero, legentibus excultum hoc *Wesselingianæ* eloquentiæ speciminen, jucundum inprimis accidit, sapientissimum hunc doctrinæ rectioris æstimatorem & judicem de ingeniis & virtutibus *Martini* ferme eadem sentire, quæ nosmet olim ipsos sentire in his *Actis* meminimus. Auget & illud maxime editionis hujus novæ pretium, quod ei sive *Wesselingius*, sive quicumque alius, ejusdem *Martini* Orationem de argumento turpi castissimam, *pro crepitu ventris, habitam ad Patres crepitantes*, adjecit, quæ unde venerit in manus sive Editoris, sive typographi, nemo nos docet. Verum *Martini* factum esse, haudquaquam dubitamus: est enim talis sane, qualem nemo scripsisse nollit, ut vix credibile Lectori videatur, in describenda re tam sordida & ineleganti tantas consumi veneres & suavitates potuisse; miramur tamen, qui factum sit, ut nullam ejus nec ipse *Martinus* in *Epistolis*, nec diligentissimus scriptor, *Majansius*, in *Vita Martini*, ubi vel minutissima quæque de *Martino* legas, mentionem fecerit. Sed, undecunque venerit, nobis gratissimum est munusculum; nec aliis ornamentis opus esse editioni huic, ut placere possit omnibus, videtur. Sed, quod adhuc mirifice commendat eam, plenissimus est, & ab homine, quicumque fuerit, diligentissimo compositus, rerum notabiliorum Index, quo priorem illam, Mantuæ vulgatam, magno Lectorum tædio, carere jusserrat *Majansius*. Mirum vero, nec in rubro hunc, nec usquam alibi, promitti, ut, nisi qui utramque editionem inter se contulerit, scire possit, præcipuam hanc Amstelodamensis hujus dotem esse. Nostrium igitur putavimus, docere id

Lecto-

Lectores, hocque magis laudare ejus, qui gratam hanc nobis operam præstitit, industriam, quo rariot hæc esse solet in editoribus Epistolarum, quæ, ut aliquem Lectori usum afferant, curam hanc, si ullum aliud librorum genus, maxime desiderant.

HORTUS CLYFFORTIANUS, PLANTAS
exhibens, quas in hortis, tam vivis, quam siccis, Hartecampi in Hollandia coluit Vir Nobilissimus & Generosissimus, GEORGIUS CLYFFORT, Juris utriusque Doctor, reductis varietatibus ad species, speciebus ad genera, generibus ad classes; adjectis locis plantarum natalibus, differentiisque specierum, cum Tabulis æneis.
Autore CAROLO LINNÆO, Med. Doct. & Acad.

Imp. Nat. Cur. Socio.

Amstelædami, 1737, fol.

Alph. 5 plag. 11½, cum Tabb. æn. 35.

Magnifice satis de amplissimo Opere, & varix eruditionis pleno, sentire non possumus, dubiumque superest, an præstantissimi Collectoris generosum, quo erga scientias fertur, animum, & prætorios, quos condendæ Horti sui memoriæ liberaliter admodum impendit, sumtus, an Cel. Autoris, temporum nostrorum *Dioscoridis*, singularem industriam, miramque ingenii felicitatem, collaudare debeamus. Eadem, quæ *Linneum* in Præfatione a laudibus detinuit, & nos detinet, *Clyffortii* modestia, nec *Linneum* alius, quam *Linneus*, collaudet. Ea est Viti fama, quæ commendatore non indigeat; loquuntur pro ea scripta, & ingeniose excogitata methodus, quæ florum fructuumque minutissima quæque, ante hæc tempora incognita, nullique perspecta, in lucem protraxit. Is est, quem Gallia colit, postquam eundem in Societatem Regiam, *Correspondentis membri* nomine, cooptavit, quem Belgium invitum dimisit, quem Suecia reducem gaudens amplectitur. Præsens Opus, laborum omnium *Linneanorum*, qui sparsim prodierunt, sylloge,

sylloge, Regni vegetabilis historiam miris modis illustrat. Recensentur plantæ, quas viridis siccusque hortus *Clyffortianus* alit, eodem ordine, quo novimus a *Linneo* herbas secundum rationem sexualem disponi, & quandoquidem his ipsis in *Actis* methodus illa sæpius exposita, & pro libertate, quæ civitatem eruditorum decet, sub iudicium vocata fuit, nunc eidem repetendæ superfedemus. Id novum est in præsentis Opere, quod ut fieret, in votis habuerunt omnes, tentaverunt etiam *Rajus*, *Morisonus*, aliique, quo habitus plantarum externus, & foliorum figuræ, numerusque, in censum vocarentur. Arduum istud negotium, dum formæ rerum claris distinctisque notionibus exponi nequeunt, efficere tentaverunt multi, sed, si quis unquam, *Linnaeus* perficiet. Operæ pretium est, Conspectum foliorum, prout ab ipso *Linneo* exhibetur, cum Lectoribus communicare:

Cum duo genera combinentur, oritur, ex duobus combinatis, unica species, adeoque species constat duobus generibus, & genera partes specierum evadunt. Datis autem generibus, conficiuntur facillime species, quæ nulla egent definitione, dum nota sunt genera, adeoque nec memoria onerosa sunt, e. g. Cordato-ovatum, Ovato-cordatum; Cordato-ovale, Ovali-cordatum; Cordatum-oblongum, Oblongo-cordatum; Cordato-lanceolatum, Lanceolato-cordatum; Cordato-sagittatum, Sagittato-cordatum; Cordato-hastatum, Hastato-cordatum, &c. Observandum vero in speciebus foliorum, cuinam generi prior, cuive posterior, assignetur locus; res enim indifferens non est, cum posterius genus formam sternat nascentis speciei, prius vero eandem emendet, & quasi quid exceptum velit, ac si prius transisset in posterius folium. E. g. Lineari-lanceolatum latius est, lanceolato propius; Lanceolato-lineare angustius, lineari magis affine. Folia dividimus in Classes tres: in Simplicia, Compolita, & Determinata. Classis I. Folia simplicia. Folium simplex est, cum petiolus unicum modo gerit folium. Foliorum simplicium ordines VII sunt, in quibus consideratur folium secundum Circumscriptionem, Angulos, Sinus, Marginem, Superficiem, Apicem, Latera. α) Circumscriptio folii dependet a peripheria absque sinibus vel angulis ullis. Adeoque sub hoc censu considerata venit omnis figura, quæ ex

annulo varie compresso, absque tamen quod sinum vel angulum admittat ullum, oriatur. De marginis extimo vel apicis nulla hic habetur ratio, modo (qua talia) indivisa considerantur & integra folia. 1 Orbiculatum, cujus diameter longitudinalis & transversalis aequales sunt; adeoque margine a centro aequali spatio distat. 2 Subrotundum, cujus diameter longitudinalis brevior est transversali; sumitur etiam hoc vocabulum vulgo latius, eoque includuntur variae species. 3 Ovatum, cujus diameter longitudinalis superat transversalem, & basis folii segmento circuli inscribitur, superior vero pars versus apicem angustatur. Obverse ovatum dicitur, si petiolus angustiori folii parti inseratur. 4 Ovale, seu Ellipticum, cujus diameter longitudinalis superat transversalem, & superior ac inferior pars folii ejusdem est latitudinis, utraque segmento circuli circumscripta. 5 Oblongum, cujus diameter longitudinalis aliquoties superat transversalem, & utraque extremitas segmento circuli angustior est. 6 Cuneiforme, cujus diameter longitudinalis superat transversalem, & pars inferior a superiore parte deorsum sensim angustatur. (B) Anguli sunt partes prominentes folii cujusdam integri concepti. Angulus differt a sinu, quod angulus sit pars folii prominens, at sinus pars folii demta; adeoque angulus in folio existens, sinus vero extra folium. Latera ne confundantur cum angulo, ut vulgo fit, est angulus in horizontali folio, latus vero in perpendiculari. 7 Lanceolatum est oblongum, utrinque attenuatum a medio ad extremum in apicem. 8 Lineare utraque extremitate saepius attenuatur, marginibus vero secundum longitudinem aequali spatio distantibus & parallelis. 9 Subulatum a parte inferiore lineare est, at a medio sursum lente attenuatum in apicem. 10 Triangulare tribus angulis gaudet, quorum duo laterales cum basi horizontales sunt margines tres recti. 11 Deltoides angulis quatuor instruitur, quorum apices a centro longius distant, quam laterales. 12 Quinquangulare angulis quinque notatur, quorum margines recti, nisi aliquando in medio fracti. Ex hisce datis facile formantur reliqua rarius obvia folia, a numero angulorum indicanda. 13 Rotundum angulis omnibus caret, adeoque horum oppositum. γ) Sinus discum folii in partes dividunt. Sinus hi sunt vel in basi,

basi, vel superne, vel ad latera, vel undique. 14 *Reniforme est subrotundum basi excavatum absque angulo.* 15 *Cordatum est ovatum basi excavatum absque angulis posticis. Obverse cordatum fit, si petiolus inferatur apici folii.* 16 *Lunulatum est subrotundum basi excavatum, cum angulis posticis, falcato-incurvis.* 17 *Sagittatum est triangulare basi excavatum.* 18 *Cordato-sagittatum, si margines convexi.* 19 *Hastatum est triangulare lateribus & basi excavatis, angulis reflexis.* 20 *Panduræforme Dillenio est oblongum, lateribus coarctatis, superne latius, inferne adhuc latius.* 21 *Bifidum est folium superne divisum in duas partes, laciniarum marginibus interioribus rectis. Quid Trifidum, Quadrifidum, Quinquefidum, Multifidum, fit, ex datis patet, limitato numero.* 22 *Trilobum est folium divisum ad medium in tres partes distantes marginibus convexis; quid Bilobum, Trilobum, Quadrilobum, Quinquelobum, fit, observato solo numero, patet ex prædicto.* 23 *Palmatum dividitur a suprema parte ultra medium vel ferme ad basin.* 24 *Pinnatifidum, quod utrinque lacinias longas horizontales exserit, sinubus lateralibus divisus.* 25 *Laciniatum, quod sinus plures, ad medium folii pertingentes, lobis subdivisis, admittit.* 26 *Sinuatum (proprie) est, quod ad latera sinus admittit, lobis interjacentibus vix divisus. Sinuato-dentatum, si lobi laterales lineares sunt. Retrorsum sinuatum, si lobi acuti versus basin reflectantur.* 27 *Quinquepartitum, quod ad basin usque in quinque dividitur partes. Hinc, demto numero, patet, quid Bipartitum, Tripartitum, Quadripartitum, Quinquepartitum, &c. Multipartitum, fit.* 28 *Integrum sinubus omnibus caret, adeoque horum oppositum. Indivisum idem est & synonymum. Integrum probe distinguendum ab integerrimo. Integrum enim caret disci ipsius folii sinubus, at integerrimum marginis sinubus, quos integrum non respicit.* δ) *Margo, quæ, in extrema folii parte, inque ipso margine, fiunt diversitates, modo hæc discum folii non feriant, indicat. Excluduntur a margine, quæ in margine apicis fiunt.* 29 *Dentatum est, quod e margine promit acumina horizontalia, folii consistentiâ, distincta inter se, & spatio remota.* 30 *Serratatum, cujus margo angulis acutis, alteram extremitatem folii respicientibus, ferme imbricatis notatur. Respiciunt hæc crenæ sa-*

pius apicem! Retrorsum ferratum, ubi basin folii respiciunt. Obsolete ferratum, si crenarum apices obtusi sint. Duplicato-ferratum, si duplicis generis serraturæ, aliæ minores majoribus insidentes. 31 Crenatum, cujus margo angulis inequalis sit, iique anguli contigui sunt, extrorsum versi, nec ullo modo apicem vel basin folii versus incurvati. Acute crenatum, si anguli acuminati sint. Obtuse crenatum, si anguli rotundentur. Duplicato-crenatum, si parvæ crenæ majoribus crenis insideant. 32 Repandum, cujus margo lobis segmento circuli inscriptis secundum longitudinem notatur interjectis sinibus marginis obtusis. 33 Cartilagineum, cujus margo a folii substantia membranacea vel carnosâ distat cartilagine. 34 Ciliatum, cujus margo setis parallelis undique cingit folium. 35 Lacerum, cujus margo segmentis confertis inter se inequalibus & difformibus constat. 36 Crispum, si in folio undulato, vel plicato, margo divisus sit. 37 Erosum, si folium sinuatum & sinus obtusi minimi alii marginem feriant. 38 Integerrimum, cujus margo integer, nec ullo modo incisus est. Differt ab integro. e) Superficies folii, quæ in supina ejus vel prona occurrunt parte, exhibet. 39 Tomentosum, si villi oculis non distinguendi tegant folium. 40 Pilosum, si pili distincti occupent superficiem folii. Hirsutum, Villosum, Lanigerum, differunt vix gradu. 41 Hispidum, si setæ rigide fragiles per superficiem folii sparse sint. 42 Scabrum, si parvæ inequalitates discum folii inaequalem reddant. 43 Aculeatum, si acumina cartilaginea pungentia discedentia occupent folium. 44 Spinosum, si acumina cartilaginea pungentia folio ita innata, ut absque læsione folii separari nequeant, folii occupent sive discum, sive marginem. 45 Papillosum, si vesicula minima tegant folii superficiem. 46 Nitidum est folium glabrum, si quasi politum niteat. 47 Plicatum, si a basi folii exeant ad margines vasa, quorum alterna discum folii ad angulum acutum elevant, alterna deprimunt. 48 Undulatum, si exterior pars disci ipsius folii latior evadat, quam circulus ad centrum, elevatur, extima pars & deprimatur passibus determinatis. 49 Rugosum, si venæ foliorum excavata in supina folii parte sint arctiores, quam disci substantia, ut tumeat interjecta caro. 50 Venosum, si vasa discurrentia ramosissima anastomoses copiosiores nudo exhibeant oculo. 51 Nervosum,

volum, si vasa simplicissima absque ramis extendantur a basi versus apicem parallele cum folio. 52 Nudum, si praedictis notis careat, adeoque iis opponitur. Q) Apex folii sistit, quae in summa folii parte contingere possunt, diversitates. 53 Truncatum, si apex linea transversali terminetur. 54 Retusum, si sinus obtusus apici insideat. 55 Præmorsum, si truncatum & sinus acuto patente divisum sit folium in apice. 56 Emarginatum, si cremulam admittat apex. Obtuse emarginatum ex denticulis judicatur. Acute emarginatum ex denticulis judicatur. 57 Obtusum, si segmentum circuli folium terminet. 58 Acutum, si angulus acutus folium terminet. 59 Acuminatum, si folium terminetur apice subulato. 60 Obtusum cum acumine, si obtusum, terminatum vero apiculo acuti folii. n) Latera considerantur, cum folia perpendiculariter extensa undique examinantur. 61 Teres, quod cylindraceum est, excepto saepius apice. 62 Tubulosum, quod interne (detruncatum) cavum est. 63 Carnosum, quod intra membranam, superiorem & inferiorem superficiem constituentem, pulpa repletur. 64 Membranaceum, quod intra utramque superficiem nulla pulpa scatet. 65 Depressum est, quod a latere caulem spectante imprimitur. 66 Compressum, quod a lateribus oppositis, caulem non respicientibus, imprimitur. 67 Planum est depressum, cujus longitudo horizontalis censerì potest. 68 Convexum est depressum, in medio magis elevatum. 69 Concavum est depressum in medio excavatum. 70 Canaliculatum est depressum, sed secundum totam longitudinem excavatum. 71 Enliforme est compressum, utroque margine acutum, secundum totam longitudinem angulo convexum. 72 Acinaciforme Dillenio est compressum lanceolatum, cujus latera deorsum gibba sunt, margine deorsum spectante acuto, introrsum vero obliquo rectiore. 73 Dolabriforme Dillenio est compressum, subrotundum, obtusum, extrorsum gibbum acuta acie, inferne teretiusculum. 74 Linguiforme Dillenio est lineare, obtusum, carnosum, depressum, subtus convexum, margine saepius cartilagineum. 75 Triquetrum est, cujus latera tria plana sunt; hoc saepius subulatum simul est. Hinc Quadriquetrum, &c. quid sit, notum est. 74 Trigonum est triquetrum, sed latera

canaliformia, & proin anguli acuminati membranacei sunt. Tetragonum, Pentagonum, quid sit, clarum; vulgo commiscetur hæc cum 10, 11, 12. 75 Sulcatum, si anguli innumeri, ut iis modo intercedant sinus obtusi. 76 Striatum, si lineæ excavata longitudinales parallele inscriptæ sint. Classis II. Folia composita. Dividuntur Composita folia in Composita proprie dicta, Decomposita, & Supradecomposita. Compositum fit, cum communi petiolo plura affiguntur folia. In his dicitur, quod ex plurimis constat minoribus, Folium, & singulum, quod constituit compositum, dicitur Foliolum. 77 Composita proprie dicuntur, quæ semel vel ex una compositione fiunt. 78 Digitatum, quod apice petioli communis foliola plura annectit; adeoque species hujus sunt 79, 80, 81; ætius vero sumitur pro eo, quod pluribus, quam quatuor, foliis componitur. 79 Ternatum, quod ex apice petioli communis tria præfert foliola; foliolis fissilibus; foliolis petiolatis. 80 Binatum, quod ex apice petioli communis duo foliola præfert. 81 Ramolium, quod in petiolo communi bifurcato plura foliola gerit. 82 Pinnatum, quod secundum longitudinem petioli communis foliola annectit; hoc cum variis sit modis, sequentes meminisse species juvabit. Pinnatum cum impari, seu cum foliolo terminatrice; abruptum, seu absque impari aut cirrho; alternatum, seu foliis alternis; interrupte, seu foliis inequalibus; cirrho, seu cirrho terminatum; foliolis decurrentibus; petiolis membranaceis articulatis. 83 Conjugatum est pinnatum, unico modo foliorum pari constans: datur abruptum; cirrhosum; petiolis membranaceis; petiolis stipulatis. 84 Lyratum est folium compositum factum e simplici inferne diviso, ut infima lacinia removeantur a folio, spatio, nec cohereant cum majori. 85 Decomposita sunt, quorum petiolus communis bis subdividitur, antequam foliola annectat, hæc 86, 87. 86 Duplicato-ternatum, seu Ternato-ternatum, est decompositum ternatum folium, bis, Bigeminatum de conjugato duplicato pradicatur. 87 Duplicato-pinnatum, seu Pinnato-pinnatum, est decompositum pinnatum folium. 88 Supra-decomposita sunt, quorum petiolus communis (plus quam bis) multoties subdividitur, antequam foliola admittat: uti

89, 90. 89 Triplicato-ternatum, seu Ternato-ternatum, est folium, cujus petiolus ter trifidus evadit, antequam foliola admit-
tat. 90 Triplicato-pinnatum, seu Pinnato-pinnatum, est, cujus
petiolus ter petiolos minores pinnatim exerit, antequam foliola
accipiat. Folia partialia hujus vel abrupta sunt, vel cum impa-
ri. Classis III. Folia determinata. Determinatio foliorum con-
sistit in ista differentia, quæ differens reddit folium, ab eo, quod
structuram ejus immutat. Determinatio secundum quatuor or-
dines peragitur, qui consistunt in Directione, Loco, Insertione,
Situ. α) Directio est ista expansio, quam a basi ad apicem
acquirat folium. 91 Inflexum, si versus plantam arcuetur. 92
Erectum, si ad angulum acutum a perpendiculari discedat. 93 Pa-
tens, si ad angulum obtusum a perpendiculari debiscat. 94 Hori-
zontale, seu Patentissimum, si ad angulum rectum a perpendiculari
recedat. 95 Reclinatum & reflexum, si apex folii inferior sit
basi. 96 Revolutum, si superior pars folii deorsum revolvatur.
97 Radicans, si ex apice folii radiculam exserat; uti filices quæ-
dam. 98 Radicatum, si ex disco folii supino radices prodeant;
ut in *Algis* quibusdam. 99 Natans est, quod superficiem aquæ
incumbit. β) Locus folii consideratur secundum punctum, cui
infitur ipsi plantæ. 100 Seminale. Cotyledon plantæ est. 101
Radicale, quod e radice immediate prodit, nec cauli infititur.
102 Caulinum, quod e caule prodit. 103 Ramorum, quod ramis
insidet. 104 Subalare, quod ramificationibus caulis subjicitur.
105 Florale, quod flori proximum est, nec unquam prodit, nisi
floris proventus sit. γ) Insertio foliorum consideratur ex mo-
do, quo folium plantæ annectitur. 106 Peltatum, si petiolus (non
basi seu margini) disco ipsius folii inseratur. 107 Petiolatum,
si petiolus marginem baseos folii intret. 108 Sessile, si folium
immediate cauli vel ramo, absque ullo petiolo, adnascatur.
109 Decurrens est sessile, cujus infima pars, ultra basin folii,
extenditur deorsum per caulem vel ramum, eique adheret.
110 Amplexicaule est, cujus basis extenditur, ut latera caulis am-
biat; est hoc communiter, si sessile, vel cordatum, vel sagitta-
tum. Semiamplexicaule vero dicitur, si lobi baseos amplexantes
breviores sunt, quam ut amplectantur caulem totaliter. 111 Per-
folia-

foliatum est, si vel caulis, vel ramus, vel pedunculus, discum ipsum folii pertranseat, nec margini folii adhareat. 112 Connata folia sunt opposita, quorum bases utrinque connatae sunt in unum corpus. 113 Vaginans est, cujus basis cylindro vel tubo undique investienti ramum vel pedunculum insidet, uti in Graminibus plerisque. 8) Situs foliorum dependet a loco unius respectu ad reliqua folia. 114 Articulata folia, cum unum ex alterius apice excrescit. 115 Stellata, cum folia quam sex plura verticillatim cauli inseruntur. 116 Terna, Quaterna, Quina, Sena, &c. sunt species priorum numero constanti. 117 Opposita, cum caulina folia duo e regione collocantur interjecto caule. 118 Alterna, si quasi per gradus caulem adscendat situs foliorum. 119 Sparsa, si absque ullo ordine plantae inserantur. 120 Conferta, si cumulata sint folia, ut eorum situs distincte tradi nequeat. 121 Imbricata, si conferta erecta simul sint. 122 Fasciculata, si ex eodem puncto plura folia prodeant. 123 Acerosa folia, quae ramis inarticulata sunt. 124 Frondes, si folia fructificationibus aut ramis comascentur, ut distincte tradi nequeant.

Jam & novas horti *Clyffortiani* plantas verbis, quae nitidissimis Tabulis aeneis subscripta sunt, exponere lubet: 1) *Kampferia*, 2) *Piper foliis cordatis caulo procumbente*, 3) *Collinsonia*, 4) *Gladiolus foliis linearibus*, 5) *Diervilla*, 6) *Campanula foliis hastatis caule determinate folioso*, 7) *Rauwolfia*, 8) *Turnera*, e petiolo florens foliis serratis, 9) *Passerina foliis linearibus*, 10) *Helxine caule erecto, aculeis reflexis exasperato*, 11) *Parkinsonia*, 12) *Bauhinia caule aculeato*, 13) *Bauhinia foliis quinquenerviis, lobis acuminatis remotissimis*, 14) *Helio-carpos*, 15) *Browallia*, 16) *Martynia foliis serratis*, 17) *Amorpha*. Hanc arborem, in Horto Bosliano florentem, eo, quo a *Sherardo* transmissa fuerat, *Pseudoaciae* nomine compellaverunt nostri, donec nomen conveniens datum fuerit ab artis perito, prout habetur superioris anni Horto descripto. 18) *Dolichos caule perenni lignoso*, 19) *Dolichos minimus, floribus luteis*, 20) *Siegesbeckia*, 21) *Buphtalmum caule decomposito, calycibus ramiferis*, 22) *Milleria foliis ovatis, pedunculis simplicibus*, 23) *Lobelia caule erecto, foliis cordatis obsolete dentatis, petiolatis*,

tiolatis, corymbo terminatrice, 24) Anthospermum mas, 25) Dioscorea foliis cordatis, caule laevi, 26) Kiggelaria, mas, 27) Clyffortia, foliis dentatis, mas, 28) Clyffortia, foliis lanceolatis integerrimis, 29) Clyffortia, foliis linearibus pilosis, 30) Hermandia, 31) Hura, 32) Roellia, 33) Cassia calycibus acutis. Novos istos celeberrimarum Clyffortii Hesperidum proventus admiratur orbis, & lætissima porro a tanti Viri propenso in scientiam Botanicam animo optat & confidenter expectat incrementa.

DANIELIS BERNOULLI, JO. FIL. MED.
*Prof. Basil. Acad. Scient. Imp. Petropol prius Mathe-
 seos sublimioris Prof. Ord. nunc Membri & Prof. ho-
 norarii, Hydrodynamica, sive de viribus & motibus flui-
 dorum Commentarii. Opus Academicum, ab Autore,
 dum Petropoli ageret, congestum.*

Argentorati, sumptibus Jo. Reinholdi Dulseckeri, 1738, 4 maj.
 Alph. 2 plag. 16, cum Tabb. æn. 12.

Nobilissimus Autor cum aliis ingenii monumentis, tum præ-
 claro hoc Opere, satis ostendit, se & acutum Geometram,
 & exactum calculatorem, & denique *Bernoullium*, esse. Ar-
 guementum certe egregium est, quod auspiciis, consiliis, sub-
 sidiisque Academiæ Scientiarum Petropolitane, elaborandum
 sibi sumsit: & magna rerum utilissimarum varietas non potest
 non placere: & assertiones singulares, quanquam forte haud
 omni exceptione majores, attentione tamen eorum maxime di-
 gnæ sunt, qui hoc studiorum genere delectantur. Cum, Hy-
 drostaticam & Hydraulicam ætissimo nexu inter se cohærere,
 & mutua ope plurimum egere, Vir Clariss. videret, confunden-
 dam utramque certo modo, & *Hydrodynamica* generaliori no-
 mine complectendam, censuit. Hypothesis ejus præcipua est
conservatio virium vivarum, sive, ut ipse loquitur, *æqualitas*
inter descensum actualem adscensumque potentialem. Per ad-
 scensum potentialem systematis, cujus singulæ partes velocita-
 te qualicunque moventur, intelligit altitudinem verticalem, ad
 quam centrum gravitatis illius systematis pervenit, si singulæ

particulæ, motu sursum converso, quantum possunt, adscendant: per descensum vero actualement intelligit altitudinem, per quam centrum gravitatis descendit, postquam singulæ particulæ in quiete fuerunt. Maluit autem hac uti denominatione, quam vocabulo conservationis virium vivarum, quod etiamnum a quibusdam, præsertim in Anglia, incertum quo fato, fastidiri observavit. De cetero, quamvis principium commemoratum plane pro universali habeat, non tamen esse sine circumspeditione adhibendum monet, quia sæpe contingat, ut motus transeat in materiam alienam: ita fieri exempli causa in percussionibus corporum non perfecte elasticorum: similiterque in motibus fluidorum partem adscensus potentialis interdum perdi. Ad quod rite attendenti sibi multa de aquarum fluxu theoremata nova in mentem venisse ait, quæ vix ulla alia methodo excogitari ac demonstrari potuissent. Præter hypothesin, de qua diximus, duabus adhuc aliis utitur, non illis quidem novis, sed talibus tamen, quas a quibusdam in dubium vocari constat: nempe, motum fluidorum talem quam proxime esse, ut ubique velocitas reciproce sit proportionalis amplitudini vasis respondentis, & particulas fluidorum perpetuo quodam motu intestino agitari. Sed ad ipsam tractationem Viri doctissimi nunc propius accedendum est. Divisit Opus totum in *XIII Sectiones*. *Prima*, quæ introitus dicitur, varia continet prænotanda. *Alter*a agit de fluidis stagnantibus, eorumque æquilibrio tum inter se, tum ad alias potentias relato. Phænomena hic quædam tubulorum capillarum obiter recensentur: & denique, occasione pressionis, quam fluida in latera vasis exercent, theoremata varia adduntur, circa figuram vesicarum liquore impletarum, circa earundem potentias ad onera elevanda, circa constructionem & firmitatem aqueductuum, & alia affinia. In *tertia Sectione* de motu fluidorum disquiritur, ex vase effluentium. Et, cum omnes, qui hætenus de hac re egerunt, casum unicum maxime obvium consideraverint, quo foramen ratione amplitudinis vasis infinite parvum censetur, theoria Auctoris non parum sua se latitudine commendat, quippe quæ ad positionem foraminis cujuscunque magnitudinis, uno & vasis
 cujus.

cujuscunque figuræ, extenditur. Post theoriæ generalis specimina, in vasis cylindricis, tam simplicibus, quam iis, quæ tubis instructa sunt, exhibentur mutationes, quæ ab initio fluxus oriuntur, dum datus velocitatis gradus attingitur. Et, cum ipsa experientia satis doceat, aquas per foramina, quæ sunt in lamina tenui, multo minori quantitate, dato tempore, effluere, quam ex simplici velocitatum ratione sequeretur, quod contractioni venæ effluentis adscribendum est, hinc in *quarta Sectione* de hac ipsa re disserit Autor, calculosque analyticos, pro inveniendis variis temporibus, quæ in effluxu aquarum desiderari possunt, una cum annotationibus physicis, eo pertinentibus, affert. In *quinta Sectione* theoria extenditur ad examen motuum ex vasis constanter plenis: quorum indoles in eo potissimum consistit, ut fluida emanantia magis magisque accedant, ac, nisi per longissimos ductus ferantur, magnoque lumine ejiciantur, cito vergant ad illum velocitatis gradum, qui toti altitudini superficiæ fluidi supra foramen debetur, tametsi eum, nisi post tempus infinitum, omnino non attingant. In sequenti *Sectione* motus fluidorum considerantur, non effluentium, sed intra latera vasorum quorumcunque agitatorum: ubi præsertim motus oscillatorii ad mensuras revocantur, eorumque affectionibus indicatis, ostenditur, quibus in casibus fiat, ut oscillationes diversæ excursionis sint isochronæ, & quæ sit longitudo penduli simplicis isochroni. In *septima Sectione* de effluxu aquarum ex vasis submersis agitur. Ubi singularibus exemplis ostendere conatur Autor, quam insigniter utile sit principium conservationis virium vivarum, vel iis in casibus, quibus continuo aliquid de illis perdi censendum est. In *octava* motus fluidorum, cum homogeneorum, tum heterogeneorum, per vasa irregularis & præruptæ structuræ, exponuntur: ubi ex theoria virium vivarum, quarum pars continuo absorbetur, phaenomena singularia fluidorum per plura foramina trajectorum Autor explicat, præmissis regulis generalibus, pro motibus fluidorum ubique definiendis. In *nona* de motu fluidorum sermo est, quæ non proprio pondere, sed potentia aliena, ejiciuntur. Qua occasione de machinis potissimum hydraulicis, earumque

ultimo, qui dari potest, perfectionis gradum, disquiritur: defectus ab ista perfectione, & pars potentiae absolutae, quae in machinis quibusdam maxime receptis perit, calculo subicitur, additis praecipis, ad quae in construendis novis machinamentis animus sit advertendus. Exempli loco notissima per orbem machina Marlyensis assertur, ac de ea docetur, (si modo descriptionibus fidendum sit,) quod non ultra quinquagesimam sextam partem illius aquae suppeditet, quam, ceteris paribus, machina perfecta suppeditare queat: ac postremo etiam singulare instituitur examen de cochlea *Archimedis*. Semper autem, ut demonstrat Autor, potentia movens, ducta in tempus & velocitatem puncti, cui applicata est, dabit productum ex quantitate aquae & altitudine, ad quam ista quantitas, dato tempore, elevari possit, ope machinae datae, sepositis impedimentis aliis. Sequitur *Sectio decima*, quae affectiones & motus fluidorum elasticorum, praecipue aeris, & accensi pulveris pyrii, exponit. Notat hoc loco Vir Clarissimus, pressionem aeris minime aequalem esse ponderi absoluto columnae aerae, superficiei datae incumbens, quod hactenus inconsiderate affirmasse Autores contendit, sed quantitati quartae proportionali, ad superficiem terrae totam, magnitudinem superficiei datae, & pondus totius atmosphaerae: scilicet, ubique locorum eandem esse aeris, (cum reliquo non impeditam communicationem habentis,) in pari a superficie maris altitudine, pressionem, si atmosphaera in statu permanente aequilibrum posita, nullisque ventis agitata, concipiatur, quaecunque fuerit caloris in diversis partibus differentia: atque hinc sub aequatore non aliam, quam sub polo, (eodem tempore, & aere perfecte quieto,) esse debere altitudinem mercurii in duobus pluribusve barometris, quae in superficie maris, aut in paribus super eam altitudinibus, posita sunt; etiam si aer sub aequatore longe sit calidior, & sub polis longe densior, immo tantae densitatis ac gravitatis, quam Vir doctissimus in locis terrae ac mari vicinis, tum, cum frigus maximum est, vix decies ab ipsa aqua superari censet. Atque ex his porro concludit, ad mutationes barometricas causas requiri subitas, eum lentae in integram aeris massam facile distribuantur, neque adeo notabiles pro-

producere effectus queant: veroque non absimile esse, mutationes illas maximam partem oriri a celeribus caloris mutationibus in cryptis subterraneis: hinc enim aerem rarefactum expelli, superioremque suo accessu augere, qui effectus non statim redundare in totam atmosphæram, propter aeris ad motum inertiam, possit. Regulam etiam, a plerisque probatam, quod altitudines locorum verticales logarithmis altitudinum barometricarum respondeant, collatis inter se nonnullis experimentis, Autor refellit, aerisque elasticitates, in diversis atmosphære altitudinibus, nequaquam esse densitatibus proportionales, aut, quod eodem redit, diversum esse in diversis altitudinibus medium caloris gradum, arbitratur: qua in re cum vera lex naturæ vix inveniri possit, hypothesin tamen affert, phaenomenis non male respondentem, ac pro logarithmica aliam curvam supeditat. Calorem aeris medium, in libera atmosphæra, cum ipsa altitudine crescere, densitatem decrescere quidem, sed majori proportionem sub polis, quam sub æquatore, existimat. Ad observandum aeris calorem, thermometro usus est mercuriali, quod fieri ex barometro clauso solet, statuitque, diversos caloris gradus, in aere æque denso, elasticitati ejusdem, atque adeo diversis altitudinibus columnarum mercurialium thermometri commemorati, satis accurata proportionem respondere: quam ipsam esse sententiam Excellentissimi Collegæ nostri, *G. F. Richter*, ex *Actis A. 1730 Mens. Jan. pag. 33* constat. Cur vero *Clariss. Bernoullius* veras definitiones dupli vel tripli caloris magis pro arbitrariis habeat, quam, exempli causa, duplæ vel triplæ gravitatis, & cur illas definitiones in rerum natura positas esse neget, non satis nos perspicere fatemur. Multa adhuc supersunt in hac *Sectione* notatu digna, de refractione radiorum, per atmosphæram transeuntium, de influxu aeris per parvum foramen in vas vacuum vel aere rariore plenum, de vi aeris condensati & auræ pulveris pyrii accensi, ad globos projiciendos, in usu sclopetorum & tormentorum bellicorum. Sed prætereunda hæc ad præsens, atque ex reliquis *Sectionibus* nonnulla attingenda sunt. Et *undecima* quidem partim de fluidis in vorticem actis, partim etiam de iis, exponit, quæ in vasis mo-

tis continentur. Particulæ, quæ impenetrabiles sunt materiæ vorticossæ, etiamsi ab alia materia magis subtili penetrari queant, gravitatem inde acquirunt, ac versus centrum vorticis pelluntur. Omnia corpora terrestria, quantum experientia constat, particulas graves habent æqualis densitatis specificæ: eodemque modo rem comparatam esse in reliquis planetis, seorsum consideratis, probabile est. Quodsi vero diversorum planetarum particulæ graves inter se componantur, diversas esse posse densitates specificas, Autor existimat: atque hinc, cum certum non sit, qua proportionem, respectu distantiarum a sole, vires centrifugæ planetarum mutantur, nec de eorum gravitate versus solem aliquid certi adhuc statuere, in vorticum hypothese, licere. Quæ de duobus axibus commemorat, ad se invicem perpendicularibus, circa quorum utrumque, (& forte etiam circa plures,) vortices æqualis virtutis, & facile se mutuo trajicientes, circumagantur, ad phænomena gravitatis per vortices explicanda, ea quidem accuratius exposuit in Dissertatione, quam Academia Scientiarum Parisiensis A. 1734 præmio affectam imprimi curavit. De cetero diserte monet, animum sibi non fuisse, vorticum commendare hypothesin, sed quasdam tantum conclusiones facere, sine quibus illa hypothesis subsistere non posse videatur. Progredimur ad *Sectionem duodecimam*, quæ Staticam fluidorum motorum exhibet, novo *Hydraulico-Staticæ* vocabulo ab Autore appellatam. Agitur hic de æquilibrium fluidorum motorum, ac de pressionibus eorundem, quas in latera vasorum exerunt. Cumque alias motus ex pressione definiatur, hic, inversa methodo, pressionem ex motu definit ingeniosus Autor, considerans canalem, per quem aquæ fluunt, eo in loco, eoque temporis puncto, quæ quæstioni conveniunt, amputatum, posteaque (per regulas præmissas) accelerationem quærens particulæ aquæ imminentis proximæque effluxuræ. Ex ista acceleratione compressionem colligit: eaque determinata, ostendit, quid fieri debeat, si canal is eodem in loco perforatus fuerit, tubulusque foramini respondeat: fore nempe, ut aqua in tubulo illo ad certum usque gradum adscendat, & stagnans ab aqua inferius per canalem præterfluente sustentetur, æquilibrium hac ratione

ratione facto inter aquas fluentes & stagnantes. Theoremata Autoris & nova sunt, & insignem habent usum, non modo in æstimanda vera pressione aquarum, per aqueductus fluentium, & in deducendis inde tuborum firmitatibus requisitis, itemque in mensurandis aquis, per modulos, rivo lateraliter insertos, erogatis; sed etiam ad ea rectius intelligenda, quæ pertinent ad motum humorum in corpore animali. Præcipua & simplicissima regula, quam adhuc latere potuisse miratur Autor, est hujusmodi: pressionem aquarum, per canales quosvis fluentium, constanter æqualem esse $a - b$; ubi per a intelligitur altitudo debita velocitati, quacum aqua, abrupto canali, vaseque constanter pleno conservato, (post tempus infinitum) effluxura sit, & per b altitudo debita velocitati, quacum aqua per canalem non abruptum re ipsa transfluit. Restat *Sectio tertia decima*, quæ agit de reactione fluidorum, ex vasis effluentium, eorundemque, postquam effluxerunt, impetu in plana, quibus occurrunt. Aqua enim, dum per foramen vasis effluit, in partem contrariam premit vas, non aliter ac globulus retropellit tormentum, ex quo exploditur. Est autem illa vis repulsionis, iudice *Bernoullio*, ponderi æqualis cylindri aquei, cujus basis convenit cum orificio aquas transmittente, (pro quo tamen, si vena effluens contrahitur, ipsa sectio venæ maxime contractæ sumenda est,) & cujus altitudo æquat duplam altitudinem superficiæ aqueæ supra foramen, vel accuratius, duplam altitudinem velocitati aquæ effluentis debitam. Itaque, si nulla est venæ contractio, prouti nulla est, cum per tubulum brevem aquæ effluunt, repulsio duplo fere major erit, quam fuit a *Newtono* definita. De impetu venæ aqueæ in planum directe impingentis multi commentati sunt. Experimenta non prorsus conveniunt, plurima tamen indicare videntur, nislum venæ uniformiter fluentis æqualem esse ponderi cylindri aquei, cujus basis sit foramen, per quod aquæ effluunt, & cujus altitudo sit æqualis altitudini aquæ supra foramen. In hac sententia plerique omnes huc usque acquieverunt. At doctissimus *Bernoullius*, re attentius perpenſa, novisque adhibitis principiis, & aliis quibusdam experimentis institutis, clare tandem sibi visus est perspexisse,

communem istam opinionem eodem modo mutandam esse, uti *Newtonianam* de vi repellente, scilicet ut loco orificii consideretur sectio venæ contractæ, & loco altitudinis aquæ adhibeatur dupla altitudo, velocitati aquarum reali respondens. Demonstratum enim, inquit, habeo, vim repulsionis omnino æqualem esse impetui venæ, si hæc tota in planum perpendiculariter incidat. Ex quo sequitur, impetum venæ eo majorem esse, quo minor fuerit ejusdem contractio: qua tota evanescente, & aquis simul tota sua velocitate, quam in theoria habere possunt, erumpentibus, duplo majorem esse impetum, quam vulgo statuitur: quia vero semper velocitati aliquid deccedit, & vena non raro ad dimidium fere contrahitur, hinc fieri, ut experimenta pleraque, in impetu illo æstimando, simplicem cylindri altitudinem arguere videantur. Applicat deinde Autor ea, quæ de vi repellente fluidorum, dum ejiciuntur, demonstravit, ad novum quoddam navigationis genus, sine velis remisque; atque etiam maximas naves eo modo promoveri posse censet, ut aquæ continuo elevatæ, per foramina, in imis partibus facta, & versus puppim spectantia, effluere cogantur. Ne quis vero hanc opinionem in ipso limine rideat, posito exemplo, subductoque calculo, ostendit, si in triremi, quæ vulgo *Galera* vocatur, & 260 remiges habet, pro illis remigibus totidem operarii adhibeantur, posse eos, singulis minutis secundis, quatuor quintas partes pedis cubici aquei, ad altitudinem unius pedis elevare, atque adeo in canali, cujus orificium 4 pedum quadratorum fuerit, ad altitudinem trium pedum & dimidii, aquam conservare: quo facto, & aqua, ita, ut dictum est, per foramen illud perpetuo effluente, navem, cum ea velocitate, quam grave acquirit lapsu libero per altitudinem $\frac{7}{8}$ pedum, progressuram, singulisque horis plus quam duo milliaria Gallica absoluturam esse. Atque hæc, ex præsentis Opere Celeberrimi *Bernoulli* hoc loco delibata, sufficiant. Unum adhuc est, quod tacendum non videtur, Virum egregium id agere, ut pleraque omnia, quæ in *XIII Sectionibus* Libri sui exponit, sub finem singularum *Sectionum*, variis curiosis, & maximam partem novis, propriisque, experimentis illustret ac confirmet.

TA-

Insculp



J.H.B. III ad M. de E. 1734. Monf. Mai pag. 223.

TABULÆ ARGENTÆE ANTIQUÆ, ANTE
aliquod tempus in agro Ducis Sommerfettensis effossæ,
brevior descriptio.

Quanta Anglici soli ob insignem fertilitatem gloria sit, fugit, opinamur, neminem. Sed cumulatior fit laus alia virtute, uberrimo scilicet præstantissimorum Antiquitatis monumentorum proventu. Passim celebrantur *Camdeni, Horslaji, Musgraviæ, Battelii, Kempii*, pluriumque Virorum doctorum, qui iis colligendis, publicandisve, operam navarunt suam, nomina. Nec ita pridem prodiit Tabulæ argenteæ antiquæ, in agro hæreditario Ducis Sommerfettensis repertæ, æri incisa delineatio, cujus exemplum nacti, ut nostris pariter hominibus innotesceret, iterum ære describendum, sed forma minori, curavimus. Tabula ipsa, 20 pollices in latitudinem, 15 in altitudinem, extensa, ac 148 unciarum pondere librata, imagines Deastrorum, *Apollinis, Vestæ, Cereris, Minervæ*, ac *Dianæ*, figuris supereminentibus exhibet. In altera parte literæ conspiciuntur procul dubio Græcæ, prout ex comparatione cum iis Græcarum literarum elementis, quæ in vetustissimis nummis Græcis comparent, liquet. Non adeo improbabilis videtur conjectura, ante hos fere 2000 annos fabricatam fuisse. Sed sensum istarum literarum expiscari nondum licuit.

Tab. III.

JO. GEORG. ESTOR, CONSIL. AUL. PROF.
Jur. Ordin. Tribunalis Seren. Saxon. Ducum, quod Jenæ
est, Facultatis Jctorum, itemque Scabinorum Collegii,
Affessoris, Specimen Juris Germanici, de Jure
devolutionis.

Jenæ & Lipsiæ, apud Jo. Frid. Ritterum, 1738, 4.

Plag. 14½.

Habet sane, de quo vehementer gaudeat, & impense sibi gratuletur, Academia Jenensis, dum in sinu suo fovet Virum doctrina & meritis in literariam rempublicam inmaxime conspicuum, &, sicut in omnibus Jurisprudentiæ partibus versatissimum, ita Juris præcipue Germanici adeo gnarum, ut cum

Min

præstan-

præstantissimis politissimisque ingeniis summo jure possit comparari. Est ille *Joannes Georgius Eslor*, præclari hujus de *Jure devolutionis* Autor speciminis, de quo breviter jam, sed ita, ut ejus præstantiam Lectorum quisque intelligat, sumus dicturi. Qui de hoc Jure copiose olim solideque commentati sunt, eorum scripita, tantum abest, ut expilanda duxerit Amplissimus Vir, ut id unum sibi sumserit demonstrandum, Jus devolutionis floruisse in Germania nostra, nec hodiernum in Thuringia pariter & Hassia ab usu plane recessisse. Ordinis igitur causa quædam monere ipsi visum est *Cap. I generatim de Jure devolutionis*, quod ejus ita describimus verbis: *Est successio, quæ, altero conjugum defuncto, non tantum hujus, sed etiam superstitis, hæreditas ad liberos, quoad proprietatem, transmittitur.* Variis tamen se exserit modis, & nunc tota hæreditas, nunc ejus tantum pars, ad liberos transit, id quod alicubi fieri solet quoad proprietatem, ut superstiti conjugii usufructus tantum omnium bonorum relinquatur, quæ uterque conjux jure possedit domini: alicubi contra tertia patrimonii portio competat liberis, quarta conjugii superstiti cedente. Et, hoc genus ultimum recte quoque ad devolutionem esse referendum, Vir Celeberrimus contendit. Quo facto, *Petri Stockmanni & Sam. Strykii* definitiones sub judicium vocat, ipsamque *devolutionis* vocem medio jam ævo non fuisse ignotam, ex magni Chronici Belgici scriptore commonstrat. Apud eundem vero hanc vocem nihil aliud denotare ait, quam certa ratione successionem, quæ vivo adhuc alterutro conjugum, scilicet quod ad proprietatem attinet, obtingit liberis, & non nisi in eorum securitatem inventa est. Hoc igitur Jure conjux superstes proprietatem statim amittit, nihilque præter usufructum retinet, at perpetuum tamen, adeo, ut bona ejusmodi neque alienari, neque pignori dari, queant a liberis, donec superstes parens decesserit. Quod sequitur, *Caput II de Jure devolutionis in variis Belgii Provinciis conspicio* exponit. Et in Brabantia quidem regionibus, ratione successionis in feudis, Jus devolutionis florere, ex consuetudinibus ejus terræ clientelariis, &, quod ad res attinet allodiales, ex Jure Lovaniensi, Statutis

tutisque Mechliniensibus, ostenditur; quæ ipsa vero Statuta non adveniuntur legibus Brabantinorum clientelaribus. Nec inusitatum plane esse discimus *Jus illud devolutionis* apud Lovanien-
ses, in regione Silvæ Ducis, Lyri, Trajecti ad Mosam, Genapiæ,
Limburgi, &c. *Caput III Jus devolutionis* probat in variis
Germaniæ Provinciis receptum, utpote Francofurti ad Mœnum,
in solo Eppsteinensi, & Wetteraviæ regionibus, in Hassia, apud
Solimenses & Thuringos, quæ omnia testimoniis sat luculentis
conspicimus corroborata. *Capite IV convenientiam Juris de-*
volutionis Germanici cum illo, quod viget in Brabantia, Autor
docet Amplissimus, & exemplum, illustrandi argumenti causa
prolatum, uberius interpretatur: nec obstare Juri devolutionis
in Brabantia tutorum constitutionem, Germanorum legibus in-
terdum præceptam, erudite monet. Tum, Gieslæ & alibi non
mobilia, sed immobilia saltem, devolvi bona posse, indicat, &
usufructum, quem ipso devolutionis Jure concessum apud
Germanos scimus supersiti conjugi, ab usufructu Quiritium lon-
gissime distare, subjicit. Hic enim necessario in re aliena, ille,
quemadmodum ex Statutis, ab Autore Consultissimo supra alla-
tis, apparet, in re propria constituitur, & utilis dominii nomine
insigniri potest. Et inde quoque discrimen elucet inter usum-
fructum ex devolutione oriundum, atque illum, quem vulgo
Statutarium vocant, propterea, quod hic supersiti tantum com-
petat in bonis defuncti conjugis, ille vero tam defuncti, quam
superstitis, facultates simul complectatur. *Caput V rationes &*
fundamenta Juris devolutionis in medium producit. Inter
plures ejus causas Vir Illustris tres esse putat præcipuas; scilicet
mirum in liberos amorem, communionem bonorum inter
conjuges & liberos in Germania, & singularem majorum no-
strorum curam, avita bona conservandi. Quamquam vero de-
volutionis Jus invito eripiat de rebus disponendi suis potesta-
tem, acquæstumque conjugum æquis dividat partibus, imo etiam
superstiti conjugi viduitatem imponat perpetuam; non ideo ta-
men iniquum hoc posse dici, verbis Jo. Tob. Hoffmanni, Viri
Clarissimi, ostendit Autor noster laudatissimus. Idem, frustra in
Jure Civili Jus quæri devolutionis, Capite VI evincit, &, delibata

de secundis Romanorum nuptiis doctrina, illud ipsum neque derivari ex legibus Romanis, præsertim ex *l. 3 C. de Secund. nupt.* neque ex secundarum nuptiarum pœnis, neque ex *l. 25 §. 1 de his, quæ ut indign. aufer.* probari posse, contendit. *Caput VII* disquirat, an *Jus devolutionis cesset in dispositionibus inter vivos, in testamentis, & pactis dotalibus, item an persona honorata, & privilegio gaudentes, Juri quoque eidem sint obnoxia.* Illud negat Autor, hoc affirmat, *nisi quidem a senatu potestatem legislatariam non habente Statutum sit sancitum, quo casu Jure devolutionis non obligari personas honoratas, persuasum ei est. Succedit *Caput VIII*, quo *conclusiones varias, easque practicas, & e Jure devolutionis fluentes*, addit Illustris Autor. Sic v. g. ex *Pauli Christinai Conclusionibus* docet, supremum Brabantia Concilium pronuntiasse, nec bona acquilita, nec devoluta, imputari posse in legitimam. Porro observat, conjugem supersitem, ad vota accedentem secunda, vi devolutionis tutelam amittere, ita quidem, ut nullum inter patrem matremve discrimen statuatur. *Caput IX* & ultimum commemorat *ea, quæ Juri devolutionis sunt affinia.* Pertinet huc bonorum assignatio, a conjugæ supersite primi liberis matrimonii facienda, quod apud Amstelodamenses, Zutphanienſes, Medioburgenses, &c. usu receptum scribit Celeb. Autor: nec minus ad hoc referri *Caput* debet jus recadentia, seu Brabantina successio; & denique jus revolutionis, quod in terris adhuc vigere Juliensibus, abunde constat, & in eo consistit, ut bona hæreditaria immobilia ab intestato recidant & revolvantur ad hæredes defuncti, huic gradu proximos. Atque hæc est summa Opusculi, præclara referti doctrina, quod maximam sine dubio reportabit laudem a patrii Juris amatoribus, eoque ipso stimulos admovebit Amplissimo *Estori*, ut, quam huc usque scriptis suis strenue navavit patriæ operam, eam nec posthac intermittat, quin potius obscura illustrare, parum recte dicta emendare, tenebris fere sepulta Juris Germanici monumenta in lucem protrahere, pergat, spartamque suam ulterius cum plausu sustineat, & feliciter exornet.

JO. EBERH. RAU, S. THEOL. PROF. PUBL.
Monumenta vetustatis Germanica, ut puta, de Ara
Ubiorum in C. Corn. Taciti Lib. I Annalium Libri duo;
tum de Tumulo honorario Caji & Lucii Caesarum in
confinio Ubiorum & Treverorum Liber singularis;
cum Figuris æri incisis.

Trajecti ad Rhenum, apud Herum Besseling, 1738, 8.

Plag. 12.

Prisicarum gentium instituta investigare, multa cum jucunditate pariter ac utilitate conjunctum esse, nemo facile diffitebitur. Sed vero, qui in peregrinorum populorum antiquitatibus rimandis operam tantum atque studium suum ponunt, idem faciunt, quod illi, qui, dum apud exteros versantur, omnia studiosè lustrant, quæ vero domi aguntur, tanquam quotidiana, absque ulla cura prætermittunt. Ab his se longe alienum ipso opere proficitur doctissimus elegantissimæ hujus Commentationis Autor, qui, cum antehac in nonnullis Antiquitatum Judaicarum capitibus illustrandis fuerit occupatus, industriam suam ad communis patriæ instituta, e tenebris eruenda, laudabili contentione traduxit, talia vero monumenta, luce nova donanda, in præsentia selegit, in quibus & ingenii vires, & diligentiam, per varios prisce ævi scriptores circumlatam, luculenter ostentare posset. Opella hæc in duas divisa est *Partes*, quarum prior *aram Ubiorum*, posterior *Cenotaphium Caji & Lucii Caesarum*, sistit. In Præfatione in rationes inquirat, quare priscorum Germanorum res densa nocte sepultæ jaceant. Causas allegat partim Compendia, ex majoribus voluminibus compilata, quæ, ubi avidius legebantur, in causa exstiterunt, ut primi fontes neglectui haberentur, tandemque ipso situ perirent; partim invidiam Romanorum, ægre ferentium, ut res Germanorum, adversus ipsos strenue gestæ, in Commentarios referrentur, ne quid laudi suæ virtute Germanorum, qua superiores sæpe exstiterunt, detereretur: unde factum suspicatur, ut, quæ *Livius*, itemque *Plinius*, de bellis Germaniæ sunt commentati, prorsus interciderint; partim quod scriptores, veri amantes, res

- a laudis gloria sejunctas perscribere ausi non fuerint, quamdiu vel ipsi Autores, vel ipsorum posterius, potentia florentes, superessent; partim denique, quod defuerint, qui voluminosis scriptis, calamo iterandis, sumtus suppeditare voluerint. Quarum alix patriæ nostræ, alix omnem præcæ, historiam spectant, quare in illa tam notabiles defectus offendantur. Quo autem viam sibi ad Ubiorum aram muniat, *Libro I de Ubiis*, eorumque regione ac finibus, disserit. Hos ortu Germanos fuisse, ac ab antiquissimis retro temporibus in Suevorum finibus cis Rhenum sedes suas habuisse, inde Suevorum Cattorumque excursionibus fatigatos, imperante *Augusto* A. ab U. C. 745 in ulteriorem Rheni ripam concessisse, ac, quicquid terrarum inter Mosam atque Rhenum situm fuit, occupasse, præcorum scriptorum autoritate suffultus, docet. Illorum terminos, uti ex *Cæsare Bell. Gall. Lib. V* appareat, versus Treveros clausisse *Marcodurum*, (hodie *Duren* dictitatum,) quasi *Mark-Duren*, ab antiqua voce Germanica, *terminum* designante, vel *Marckt-Duren*, a mundinis frumentariis, quæ hodierno adhuc die perdurent, appellatum. Ceterum Ubiorum civitatem fuisse *magnam & potentem*, sed *trans-rhenanis gentibus*, ut ait *Tacitus Hist. IV, 63*, ob amicitiam cum Romanis invisam, quorum agrum fertilissimum describit *Plinius*
- 6-8. *Hist. Nat. XVII, 8*. Ubios hos, in tutelam a *M. Agrippa* acceptos, post intra urbem a *Julia Agrippina*, illius nepte, conjugæ *Claudii* principis, *Germanici* filia, cognominatam, quo adversus hostium vim tuti essent, receptos, *Agrippinenses* nuncupatos fuisse. Quod vero Ubiorum oppido, antequam Romanorum colonia fieret, nomen fuerit, tacentibus Romanorum
- 8-12. scriptoribus, dici non posse; nisi forte *Urstadt*, vel *Ubiestadt*, fuerit, quem ad modum vici aliquot cis Rhenum in regione Ubiorum veteri antiquo nomine hodierno adhuc die gaudent. Succedentibus temporibus, cum Romæ rerum potiretur *Vespasianus*, in Ulteriorum regione bellis Germanicis innotuere loci *Tolpiacum*, *Bonna*, *Novesium*, *Gelduba*, *Vetera castra*. *Tolpiacum*, quod *Tacito Hist. IV, 79*, in finibus Agrippinensium situm fuisse memoratur, vernacule dictum fuisse *Zulpich*, hodie *Zulich*, Romanis literam *Z*, ipsis asperiores visam, cum *T* commutan-

mutantibus. *Tolpiacum* hoc omni tempore ob eximiam amplissimamque circumjacentis agri planitiem, *Martis palæstram*, Pag. 12-14. potissimum *Clodovæi*, Francorum Regis, præliis cum Alemannis, Sec. V exeunte, clarum exstitisse. *Bonnani*, olim vicum, vallo ac muro instar oppidi a milite Romano in usum castrorum primæ legionis cinctam fuisse. *Novesium*, vernacule *Neur*, esse oppidum hodie haud obscurum Archiepiscopi Colonienfis. In *Veteribus castris* hibernasse quarta Romanorum castra, quæ, quia dudum munita fuerint, nomen *veterum* adoptasse, nisi quis a *veteribus militia*, quæ locutio *Tacito* haud infrequens, dicta malit. In Ubiis pariter inclutam exstitisse *Asciburgium*, 14-15. quam ab *Ulyssæ* errabundo secundum tritam fabulam conditam fuisse, tradit *Tacitus Germ. Cap. 3*. Loco huic nomen adhæsisse censet Autor ab *Heso*, Marte, cui ara ibidem loci excitata, quod nomen fluxerit ab *αἰνῆος*, Syris מִיָּו, quo Mars, ob insignem virtutem ac virium præstantiam, sit nuncupatus, ex Syris autem superstitionem in ceteras fere orbis partes dimanasse. Nomen hoc adhuc in pluribus Germanicarum urbium appellationibus superesse, *Affenheim*, *Asberg*, *Eschweyen*, *Eschbach*, *Eschweiler*, & sic in aliis. Hodierno adhuc die prope Mœrsam superare oppidum *Asburg*, quod rudera antiquissimi castelli referat. *Geldubiam*, non longe a Rheni ripa, via recta inter Nove- 17-19. sium & *Asciburgium*, cum *Cluverio*, quanquam paulo inferius, ex adversa regione *Rura*, ubi Rheno se miscet, constituit. Enarratis 19-25. præcipuis Ubiorum oppidis, locos aliquot *Flori*, itemque *Taciti*, terras Ubiis vicinas spectantes, partim illustrat, partim emendat. 25-37.

Lustrata Ubiorum terra, *Libro II de Ara Ubiorum* sermonem facere incipit, & quidem, posteaquam quædam de fide *Taciti*, ejusdemque in historia Germanica peritia, præmisisset, duos 38-40. eos, in quibus aræ hujus mentio injicitur, *Annal. I, 39 & 57*, in medium profert. Inde quærit, ubi loci ara hæc steterit. *Bonnani* nonnulli nominant, causati, regionem hanc olim insedis-
Ubios, & Divum *Maternum*, viduæ Nainitiæ filium, dum cœlestem doctrinam his oris inferret, circa A. C. 70 hanc ipsam aram, uti fama fert, subvertisse. Sententiæ huic intercedit *No-
ster*, si quid etiam doctrinæ Christianæ Galliam Germaniamque pervaserit, Ubios tamen ab avita religione publice desciscere au-
so

- sos non fuisse, veritos Romanorum iras, quibus religio Christiana detestabilis superstitio Tacit. Ann. XV, 44, habebatur, a quorum gratia omnis ipsorum spes, omnis incolumitas, pende-
 bat. Nec videri Ubios ante Seculum IV Christianorum sacra admi-
 nisse, quorum Episcopus, cui nomen *Euphrata*, Concilio Sardic-
 ensi innotuerit. Quod autem argumentum pro ara, Bonnæ
 Pag. 40-42. structa, ex proxime sequentibus verbis Taciti affert *Campius*,
 illud sub iudicium vocat, idemque ex iis, quæ locum circum-
 stant, refellit. In eam potius propendet sententiam, in illa parte
 42-44. Rheni aram, antiquitus patrio Numini dicatam, constitutam fuisse,
 quam ipsi postea, flumine transmissa, reliquerint. Nec esse,
 quod quis dicat, citeriorem Rheni ripam coluisse populos, qui &
 44-47. Romanis & Ubiis infesti exsisterint. *Jubones*, sive potius *Jugones*
 & *Mattiacos*, Romanis societate & clientelæ beneficio junctos fuisse.
 Nomen autem *Jugonum* depravatum esse ex *Vibonum*, quod
 idem est ac vernaculum *Weyhen*, voce *milvos* denotante, ita di-
 47-49. ctorum, vel ob rapacitatem suam, qua vicinos infestabant, vel quod
milvi ipsis essent pro insignibus, a ferarum autem imaginibus,
 quas cohortibus suis prætulerint, non abhorruisse, testimonio Ta-
 citi Hist. IV, 22, confirmat. Inde ortum esse nomen proprium
Wibo, quo primus Osnabrugensium præsul fuerit appellatus,
 item *Wichbold*, *Wigbert*, & *Wichard*, nomina autem Germano-
 rum in o & on desuisse. His disceptatis, religionis vestigium ali-
 quod in appellatione urbis *Deutz* se reperisse arbitratur, quæ vox
 49-52. descendat ex *Tuisco* vel *Tento*, Ægyptiis Θωϋτ vel Θωϋ, Ger-
 manis *Theut*, vel *Deut*, aut *Diet*, (unde *Detmold*, *Diedenbosen*,
Dietz pro *Thietz*,) quo nomine designarint præci Germani
Mercurium, alias *Wodan*, seu *Godan*, *Gott* per excellentiam a
 sui cultoribus appellatum. *Mercurium*, *Martem*, ac *Lunam*, præci
 52-56. Germanos religioso cultu prosecutos esse, veterum Inscripti-
 onibus probat. Apud *Gruterum Inscript.* pag. 54 *attegium*
 esse pro *attegium*, quam ipsam vocem habet *Juvenalis Sat.*
XIV, 196, & esse ex Arabico (اطخية), umbraculum, tentorium,
 a rad. طخي, expandit, inde in veteri Glossario *attega* αση-
 νοπηγία: notare igitur privatam ædiculam *Mercurio* positam.
 56-61. Aram hanc, *Augusto* Imp. in Deorum turbam populari adula-
 tione post fata evecto, sacratam fuisse, conjectaverat *Lipsius*,
 sed

sed hujus sententiam argumentis, ex narrationis *Taciti* ac Historiæ Romanæ visceribus depromptis, ita configit, ut apud nostrum veritas stare videatur. Aras ut plurimum constitisse refert Pag. 61-67.
 lapide cespiti inposito, aliquando structuræ artificio superbivisse, viderique hanc Ubiorum aram reliquas & mole, & ædificii præstantia, antecelluisse. Ad illam procul dubio *Druides* sacris 67 seq.
 operatos fuisse, & humanis sacrificiis vacasse, ad illud tempus usque, quo *Augusti* ac sequentium Imperatorum edictis immanitate ista abstinere sunt jussi, reliquis Germanis, Saxonibus maxime, humanarum hostiarum usum ad illam tempestatem retinentibus, qua Christianis sacris sunt initiati. Habuisse etiam 68 seq.
 majores nostros scæminas fatidicas, ex quibus *Tacitus* memorat *Abruniam* atque *Velledam*, cui successit *Ganna*, cujus imposturæ cum in proverbium abiissent, Langobardos in Latium intulisse verbum *gannare*, nunc *ingannare*, id est, *fallere*, *fraudes* 69 seq.
consuere; Latinis mediæ ævi scriptoribus esse *subsannare*. *Claudiam sacratam*, quacum Cerialem stupri consuetudinem habuisse, ex vulgi fama narrat *Tacitus Hist. V, 23*, fuisse sacerdotem collegii, in Colonia Agrippinensi *Claudio Cesari*, in Deorum concilium cooptato, constituti, vel sic dictam fuisse, quod patrio Deo sacrata, præcipuæque nobilitatis fuerit, quam Cerialis consuluerit, cuique dona tulerit, prouti Germani, re feliciter gesta, *Velledæ* facere fuere soliti. Ex dictis conficit, *Segimundum* 70 seq.
 e Druidum numero, inque Gallia horum institutis innutritum, fuisse, quod postea in morem fuerit versum, ut hinc etiam ortum traxisse existimet consuetudinem, qua, qui Canonicatum ecclesiæ cathedralis Monasteriensis ambiunt, Parisios studiorum ergo mittantur. Dum autem Romani principes juvenes ex Germanis in provinciis suis amplissimis sacerdotiis ornatos voluerunt, multa vafritie usos fuisse, quo sic & ipsos, & ipsorum parentes, sibi obsequentes, suisque commodis addictos, haberent.

Posteriori Commentationi occasionem dedit iter, quod non 71 seq.
 longe abhinc Cl. *Rau* versus Eisaliam in Comitatum Mander-
 scheidensem direxerat, ubi ex illis, qui non procul a castello
 Junckerrath in officina ferraria operi suo insistebant, intellexit, monumentum aliquod vetustum trans Kyllam fluvium in

Comitatu Cranenburgico non multis passibus inde abesse. Quo digressus, in media convalle offendit aram rotundam 300 circiter passuum, totam coæquatam supra circumfusam humum paululum elatam, aggere circumdatam, cui impositæ bis senæ turriculæ e cæso lapide, latæ 8 pedes. In centro areæ conspexit ruinas ædificiî triquetri, cooperti rudrum mole & dumetis, fabricati e cæso lapide miræ magnitudinis, cujus latera singula habuerint ferme pedes 20. Inferne patuisse ait cryptam fornicatam, ante aliquot annos spe reperiundi thesauri effractam. Non procul ab ædificio animadvertisse saxa solo immissa, triquetro ordine posita, quibus totidem pilæ superstiterint, ad septem circa monumentum firmandam exstructæ. Cum primis memorabilis ipsi est visus lapis quadrangularis, e rudribus effossus, vetustate hinc inde exesus, longus pedes Rhenanos quatuor, latus tres, crassus unum, in quo antiquo artificio incilum exhibebatur vehiculum bijuge, quatuor rotis instructum, quod auriga, manu tenens flagellum, agitet, tribus insidentibus togatis, duobus sellæ anticæ, tertio posticæ, illa antrorsum, hac retrorsum versa, ex illis unum ad lævam habere caput laurea redimitum, reliquos non item. Addit, ibidem locorum multos numos subinde ab accolis effodi, quorum aliquot cum effigiibus *Domitiani*, *M. Antonini Commodi*, *Alexandri Severi*, ex ære conflatos, nominat, eorundemque inscriptiones exoletas ex parte supplet.

Ex his efficit, esse hoc ædificium antiquissimum, vel ab Romanis constructum, vel alicui procerum illorum a Galliarum civitatibus dicatum. Totum apparatus speciem tumuli honorarii, sive cenotaphii, præ se ferre judicat, nec affirmare ullus dubitat, aream hanc cum aggere clypeis ab exercitu, uti moris erat, in memoriam *Caji & Lucii*, nepotum *Augusti*, præmaturò fato exstinctorum, congestam esse. Figuram in lapide sculptam repræsentare solennem illorum deductionem in forum, ab avo factam, quo die togam virilem sumserint, quoque ipso Consulatus honos ipsis fuerit decretus. *Augustum* exhiberi caput lauro redimitum, hos non item, quoniam Cæsares hoc honore destituebantur. Circa cenotaphium in area milites quotannis statò die decurrissè, ludosque in gloriam defunctorum celebrassè: proximas vero civitates Galliarum, inque his Ubios atque

atque Treveros, ad aras cryptæ impositas de more rem divinam fecisse. Inde *Cap. II* prædicat singularem *Augusti* in nepotes Pag. 79-84. gratiam, quos ambos in cunis adoptaverit, semperque in deliciis habuerit, ac per gradus ad summum honorum apicem evexerit, ex quibus *Cajum* pontificem, *Lucium* augurem, declaravit, quod inscriptionibus, itemque numis, probat, quibus denique in ludis Circensibus hunc honorem habuerit, ut primi in primo gradu 85-89. sederent. Nec in eo substituisse favorem *Augusti*, verum, quo illos summo imperii fastigio destinaret, in forum summa cum pompa deduxisse, amplissimis donariis inter milites distributis, remque eo deduxisse, ut primo quidem *Cajus*, inde vero *Lucius*, a senatu populoque Romano *princeps juventutis* appellaretur. Fiebat autem 90 seq. illa solennis in forum deductio a principe quodam viro, vel parente, vel propinquo, comitantibus agnatis & universa familia, parentum amicis & clientibus; munera dabantur plebi, militibus, equitibus: inde vero ex foro in Capitolium deducebantur, pro iisdemque vota nuncupabantur, & victimæ cadebantur; nec dubium esse, addit, quin vota pro *Cajo* & *Lucio*, publice suscepta, 91-95. quotannis die tirocinii fuerint repetita. Ex his jam explicat figuram, in lapide expressam, & vehiculum ex essedorum genere 95 seq. fuisse, ipsi valde sit probabile. Hi cum rei militaris scientia ab *Augusto*, teste *Suetonio Cap. 64*, probe innutriti essent, ad imperii provincias & exercitus sunt ablegati, &, quod fidei est propius, Treverorum quoque atque Ubiorum civitates adierunt, prudenti admodum consilio, quo provinciarum studium, quibus aliquando summo cum imperio præfuturi erant, sibi adjungerent. 96-98. Post hæc *Cajum*, proconsulari potestate eminentem, avus milit in terras, orientem solem spectantes, tantæque virtutis ac fortunæ documenta dedit, ut Armeniam, a Parthis occupatam, reciperet, ac eidem, ejecto *Tigrane*, quem Parthi Regem constituerant, *Ariobarzanem*, origine Medum, præficeret. Profectionem hanc in annum ætatis illius in incidisse, cum *Usserio* existimat. *Lucium* missum quidem in Hispaniam esse, sed aliquid laude 98-104. dignum non patrasse, docet. At vero uterque in pleno fortunæ ac honorum cursu præmaturo fato est oppressus, *Cajus* Limyræ in Lycia, *Lucius* Massiliæ, cum Hispaniam peteret, ex morbo decessit, sed suspicio erat, insidiis *Livia Drusilla* & *Tiberii*,

- Pag.¹
 104-106. privigni *Augusti*, sublato fuisse, quo in hunc imperii dignitas aliquando transferretur. Corpora inde Romam delata, eademque ipsa in campo Martio sunt concremata. Quo autem memoria horum quam maxime longa redderetur, & cives suum in *Augustum* animum atque obsequium testarentur, passim cenotaphia, ut Pisis in Etruria, Emesæ in Syria, sunt constituta, quorum pietatem ut Ubii atque Treveri imitarentur, satis graves habuerunt rationes, quos *M. Agrippa*, pater horum, adversus impressiones popularium Germanorum tutos præstitit. Quid
 106-109. *νεκράφιον* fuerit, ex *Suida* definit, more a Persis tracto, qui, teste *Xenophonte Lib. VI Exped. Cyri*, militibus, quorum corpora reperiri non poterant, inane sepulchrum statuerunt, quorum cryptis aræ superstabant, quibus thura dabantur, non aliter, ac si veri tumuli essent. Prope cenotaphia principum ac ducum belli exercitus equites juxta ac pedites, sinistro ordine, ac versis signis, ter in ordinem decurrere solebant, ludi celebrabantur, victoribus præmia decernebantur, epulæque apparabantur, unde *novendiale sacrum* dicebatur, gladiatorum denique paria committebantur. Sepes circumponebatur diversa e materia, area aliquando, aggere munita, pura relinquebatur, ut turba atque vis excluderetur, quod in solitudine maxime necessarium erat, proptereaque *monimentum* sive *munimentum* dicebatur, columnis etiam Romanorum illustrium sepulchra cingebantur. Quæ generationi de cenotaphiis dixerat, ad institutum suum accommodat. Duodecim turriculi respondent ex Autoris mente totidem carceribus in circo, cælum designantibus & solis cursum per totidem domos. Circum institutum fuisse docet ad celebrandos ludos, in medio circumlatis Deorum aras, quorum simulacra, thesæ gestata, circumducta fuerint. Apparatum tumuli *Caji Lucii*que cælum retulisse, in quod defunctorum manes, inter Deos recepti, intromissi crederentur, quibus tanquam Deis ludi anniversarii ac sacra in aris positæ fuerint facta. Inde, qui ex Imperatoribus consecratis procreati erant, *divorum filii* appellabantur. Aræ autem huic, tumulo circumjectæ, procedente tempore cineres primorum e nobilitate Romana virorum videri illatos, cum cenotaphia veteribus religiosa non haberentur. Ipsum id apparere ex numis, arcis, urnisque sepulchra-

chralibus additis, quæ tempus & annum conditi cadaveris poste- Pag. 117-118.
ritati ostendebant. Tandem ad appellationis Junckerrath ratio-
nem indagandam se convertit, cui forte tumulus iste occasionem
præbuerit, quandoquidem *Juncker* Germani *juvenem nobilem*
olim dixerint. Adjectum *Rabt* vel *Rade* inferioris Germaniæ in-
colis idem esse, quod *Rode* Germanis superioribus, quod in plu-
ribus locorum nominibus adhuc supersit. Quæ vox, si orta ex
prisca lingua Celtica, quæ affinitatis multum habeat cum Latina,
quibus, notante *Festo*, *rudus*, *raudus*, vel *rodus*, rem quamlibet
rudem & imperfectam designabat, & ad æris massam, vel
terram aggestam, vel lapidum fragmenta rudia, transferebatur,
Rode Germanis notabit locum saxosum ac lapidum ruderibus
obsitum, aut in quo aggesta terra, quod monumento huic quam
commodissime applicari queat. Si vero vox *Roden* eo sensu
accipiatur, quo in pago Abbatiszellenfi, pro civium *conventibus*
*collegiis*que minoribus in vicis aut villis, *Junckerrath* denotare
posse *nobilium concursum*, inferiarum ergo olim factum. Po- 118-120.
streino illos, qui contra ipsius sententiam ad silentium scripto-
rum antiquorum provocaturi essent, ad plures alias res ablegat,
de quibus nil quidquam sit perscriptum. Sic igitur præcipua
momenta elegantissimæ hujus Commentationis enotavimus. Lo-
cus *Taciti* de ara Ubiorum accuratiorem utique consideratio-
nem merebatur, eo maxime, quod interpretes illum siceo fere
pede præterierunt, nec *Schedius*, ad cuius tamen institutum spe-
ctavisset, quidquam affert, præter *Jul. Cæsarem Mercurio aram*
in Gallicis erexisse, quæ demum a D. Materno eversa fuerit, de
Diis German. Syntagm. Lib. I Cap. 6 edit. Amstelod. In explanan-
do cenotaphio ea affert, quæ ad morem *tumulorum inanium*,
uti *Virgilio* dicuntur, proxime accedunt. Num illorum origo
a Persis sit repetenda, dubium forte cuidam videri possit, cum
Argivi jamdum, qui in bello Trojano occubuerunt, tumulis ho-
norariis *Pausaniæ* honorati dicantur. Vid. *Jo. Meursius ad Ly-*
cophr. V, 370, pag. 64. Verisimile nobis videtur, vel *naufragor*,
vel *milites*, quorum corpora haberi non poterant, vacuis sepul-
chris condendis occasionem præbuisse, quo sic manes passim er-
rantes ad quietem suam reducerentur, ac sepulchro, ut ipsi existi-

mabant, conderentur. Prius videtur apparere ex iis, quæ *Lycophron* in *Alex. v. 365 seq.* habet, posterius ex verbis *Nisi* apud *Virgilium Æn. IX, 211-215.* In utraque harum Dissertationum Cl. Autor tantum doctrinæ, quantum peritiæ in tractandis rebus, a memoria nostra remotis, ostendit. Miramur etiam elegantem veterum scriptorum lectionem, & illos invicem confligendi dexteritatem, quorum & locos nonnullos, occasione ita ferente, illustravit, alios emendavit, ut optandum sit, plures istiusmodi ingenii factus, quibus antiquitates patriæ luce nova collustrentur, vel ab ipso eruditissimo Autore, vel ab aliis, cum orbe literato communicari.

DELLE POESIE VARIE, &c.

h. e.

CARMINUM VARIORUM PATRIS MAGISTRI JOANNIS CHRYSOSTOMI SCARFI,
Doctōris Theologiæ Basiliani, Pars prima, inscripta Illustrissimo Domino JACOBO VICINELLIO, Romano,
a Secretis Majest. Cathol. Cæsar.

Venetis, typis Modesti Fenzi, 1737, 4.

Alph. 1 plag. 6.

Jo. Chrysostomus Scarfo, doctrinæ Vir prorsus excellentis, nobis indictus abire non debet. Ipse enim dotibus & ingenii & animi per universam Italiam, reliquasque orbis cultioris partes, illos, quotquot de ingeniis virtutibusque judicare poterant, in sese convertit. Exstitit enim nunquam non muneribus gravissimis eximius, scientiarum ac eruditionis nomine clarus, perhumanus, affabilis, modestus, omni veneratione dignus, Orator, Poeta, Philosophus, Mathematicus, Historicus, Antiquarius, Diplomaticus, ac Theologus, utens stilo tersissimo, tum Latino, tum Italico. Ipse ortum traxit ex præclara Polistina civitate. Per annos undecim *Herculis Michaelis de Aragonia*, olim Episcopi Milefii, in Calabria ulteriori adjunctus fuit servitio, functus simul munere Examinatoris Synodalis in ea Diœcesi, nec non Lectoris Eloquentiæ & Philosophiæ in Seminario Clericorum Milefio, annualisque Concionatoris ad illud templum cathedrale, ac Confessionarii. Fuit Vicarii generalis Cæsarei in provincia jam commemorata

Mar-

Marchionis de *S. Georgio*, Principis sacri Romani Imperii, & confessionibus sacris. Capellanus regius, Consiliaritis intimus, Bibliothecarius, & Historiographus, *Joannes Dominicus Milanus*, suasor ei exstitit, ut Opera sua luci publicæ impertiret. Scripta autem ejus hæc sunt: *Lettera religiosa*, Neapoli, 1703, 16; *La Teoflangtola* ad sororem *Angiolam*, Dei amicam, Venetiis, 1710; *Speculum Marianum*, continens laudes Sanctæ Mariæ Virginis, Neapoli, 1700, 8; *Propositiones philosophicæ*, Messinæ, 1700, 8; *Conclusiones physicales ad mentem Divi Basilii*, Neapoli, 1705, 4; *Lectiones neophysicæ*, Venetiis, 1705, 12; *Speculum, verum ostendens juxta modernorum disputantium philosophica principia, seu demonstratio falsitatum, a Domino N. N. Aluminis N. N. oppositarum*, Venetiis, 1706, 16; *Scoti Logices breviloquium*, Romæ, 4; *Sacra philosophemata*, Romæ, 8; *Analysis philosophica ad mentem Damasceni*, Romæ, 4; *Idea theologica*, Romæ; *Analysis theologica ad mentem Damasceni*, Romæ, 4; *Sacra stromata theologico-dogmatica, scholastica, & moralia*, Romæ, 8; *Elogio del P. Benedetto Leoni da Seminara Cappucino*, Neapoli, 1715, 12; *Vari Elogi di Servi di Dio*, Neapoli, 1716, 12; *dei vari Opuscoli*, P. I Neapoli, 1722, 8, P. II Panormi, 1724, 8, P. III Neapoli, 1727, 8; *Lettera, in cui si dà saggio si della creazione, come della natura del mondo*, Messinæ, 1730, 8. Plurimis Italiæ Academiis fuit adscriptus. Venetiis nuperrime prodiiit ejus *Dissertatio theosophica de Amore ac Pulchritudine, de Corpore, Anima, Angelo, ac Deo*. Opuscula ejus poetica in tres Partes sunt divisa. *Prima Pars* complectitur *Tragædias* decem, nempe *Electram*, *Bacchas*, *Hippolytum*, *Medeam*, *Cyclopa*, *Phænissam*, *Prometheum*, *Jesum Christum*, *Plutum*, *Nubes*, *Odyssæam*, in XII Libros distributam, *Argonautica*, *Ranarum Murumque certamen*. *Secunda Pars* insunt *Lusus varii*, *Lusus sacri*, *Animæ Deum amantis vota*, poetica in mundi amorem *paranesis*, *Seraphici affectus S. Francisci Assisnatis erga Jesu Christi crucem, ejusque crucifixionem*, & *Canticum Cantorum Salomonis jambicis dimetris expressum*. *Tertia ac postrema Pars* continet *Carmina pro Nuptiis Priami Legit cum Cornelia ex Augusta Corneliarum Romana familia*, *Lusus poeti-*
cor,

cos, Epigrammata sacra, Odas mysticas, & Lusus poeticos. Hæc Opuscula in præsens judicium nostrum flagitant. Maxima pars eorum est Latine elaborata, licet inscriptio sit Italica. Insertæ sunt passim Elegiæ, Eclogæ, inscriptio sepulchralis, pia Ecclesiæ catholicæ pro pace deprecatio, duo Carmina in maledicentiam otiosorum, Oda in filiæ Jephthæ exitum, & alia. Adduntur in fine notitiæ aliquot historicæ, ad Autoris vitam laudesque referendæ. Si dixerimus, genus scripturæ esse purum & ornatum, personarum rationes recte fuisse habitas, eventus seriei vicissitudinum satis commode congruere, numeros ubique cum diligentia fuisse observatos in hisce Tragædiis, nil affirmabimus a veritate alienum. En specimen ex Capite I Cantici Canticorum :

v. 1. *Tot expetitus seculis,
Tot prædicatus patribus,
Tot ante dictus gentibus,
Tot nuntiatus literis,
Tot personatus vatibus,
Tot lineatus formulis,
Tot concupitus angelis,
Nunc ille me frequentibus
Suimet oris osculis
Exosculctur suaviter.*

v. 2. *Dulces amores nam tui
Sunt præferendi poculis
Fragrantibusque balsamis.*

v. 3. *Ut sis vocandus balsamum,
Se cujus unguen largiter
Partes in omnes funditat.
Et hinc puellæ virgines
Sanctissime Te diligunt.*

P. II M. Antonii Flamini Odæ, in nonnullos Davidis Psalmos con-
pag. 48 seq. cinnatæ, & sensum divitem & elegantem spirant poësin. Cœ-
na ubique apponitur dubia, ad quam quin Lectores invi-
temus, non possumus nos continere.

NOVA ACTA ERUDITORUM,

publicata Lipsiæ

Calendis Junii Anno MDCCXXXIX.

Pars I.

*LIBANII, SOPHISTÆ, EPISTOLÆ, QUAS
nunc primum maximam partem e Codicibus manu exa-
ratis edidit, Latine convertit, & notis illustravit,
JOANNES CHRISTOPHORUS WOLFIUS.*

Amstelodami, apud Janſſonio - Waesbergios, 1738, fol.

Alph 9 plag. 18.

Victa tandem temporis iniquitas, expleta non unius Seculi vo-
ta, pluriumque doctorum conamina nunc expedita feli-
cissime. Qui enim neglectus olim blattis denſoque pulveri col-
luctabatur, præſtantiffima ſui parte mutilus, fœdus maculis, ſibi
ipſe diſſimilis, curis *Wolfii*, Paſtoris ad D. Catharinæ Hambur-
genſis, cari illius nominis & non uno nomine celebrandi, ſplen-
didiore habitu, & integræ ferme ſanitati, quod ad *Episto-las*, reſti-
tutus, prodit *Libanius*. Eſt certe, de quo non lætentur magis
Atticarum venerum ſtudioſi, novum naſti pabulum nutriendis
ſuis deliciis, quam *Libanio* ſuo talem gratulentur interpretem,
qui exquisito quovis ornatu veſtire Græce diſertiffimum Rhetor-
em, parique ſacundia & dignitate Latio donare, poterat. Is
erat ſcilicet gravi huic provinciæ ſuſtinendæ inter paucos non
impar, cui laudem tanti operis reſervare huc uſque fortuna vo-
luit, inter omnes digniſſimo. Miretur forte, qui *Libanii*
dexteritatem in ſcribendis literis ignorat, tot ejus exſtare Epi-
ſto-las, quæ duas chiliadas excedant, eo contextæ artificio, quod

alter vix imitari ausit; neque sine causa totam hominis ætatem in conscribendis epistolis consumptam fuisse arbitretur, cum procul dubio non paucæ earum injuria temporis perierint. Diu jam id ipsum mirati amplexatique sunt veteres; omnisque orbis politior, *Libanio* cœvus, quanta, quælo, animorum contentione commercium ipsius literarium ambiit? Neque defuerunt nostra hac ætate periti harum deliciarum æstimatores, qui cogere ex absconditis quibusque forulorum recessibus, & emaculatum dare, tersissimum scriptorem gesserunt. Primus inter eos fuit *Franciscus Zambicarius*, cujus versio quadringentarum amplius Epistolarum Cracoviæ A. 1504 in forma quarti ordinis prodiit *Sommerfeldii* cura. Hic, interpretationem illam *MStam* a *Jo. Clymer*, cive & bibliopola Cracoviensi, nactus, argumentis & lemmatibus auctam, prodire jussit. Rara admodum fuit hæc versio. Neque tamen unica hæc causa fuit, cur hic in calce Operis *Wolfsiani*, rescissis tamen inutilibus *Sommerfeldii* lemmatibus, recusa compareat. Illustris enim *Rostgardus*, de quo postea plura, Mediolani in Codice Ambrosiano integram Centuriam Epistolarum, ab eodem *Zambicario* conversarum, offendit, quæ nunc primum una cum ceteris, hinc inde ex *MSto* alio emendatis, lucem videt. Illarum itaque omnium numerus ad 530 adscendit, ex quibus nonaginta tantum in amplissima hac Collectione *Wolfsiana* Græce leguntur. Dignæ itaque illæ omnino erant, quæ, quamvis inculta inconditaque ut plurimum versione, ob rerum gravitatem, sententiarumque acumen, hic repræsentarentur, atque adeo eruditos ad amplius investigandas omnes Bibliothecarum rimas, & protrahenda *Libanii* Græca, accenderent. Accedit, quod, ejusdem Codicis Ambrosiani beneficio, tres *Zambicarii* Dedications nunc primum exhibeantur, quarum ultima de vita fortunaque hominis, vel inter suos plane incogniti, certi quidquam statuere nos docet. Vixit ille, Eques & Poeta laureatus, Seculo XV medio, & *Joannis Argyropuli* ope in Græcis addiscendis usus, Perusii utramque linguam docuit. In Græcia quinquennium exegit, & 1500 *Libanii* Epistolas collegit, hoc consilio, ut omnes Latina civitate donaret. Hunc excepit, quamvis gressu impari, *Aldus Manutius*,

tius, qui inter ceteras Græcorum Epistolas *Libanii & Basilii* mutuas non neglexit; quemadmodum *Guilielmus Morellus* Parisiis tres supra centum Nostri Epistolas duabus sectionibus in 4 edidit. Prioris sectionis interpretatio Latina, ab Anonymo, & fortasse ipso *Morello*, profecta, separatim prodit: posteriorem vero *Anton. Pichonius*, successu tamen impari, Parisiis A. 1567 transtulit. Horum vestigia presserunt *Feder. Morellus*, *Franc. Brummerus*, *Pet. Lambecius*, *Tanaquil Faber*, *Jo. Bapt. Cotelarius*, & *Jo. Albertus Fabricius*, qui scripta sua una vel altera Sophistæ nostri Epistola illustrarunt. Qui integras earum novissime dederunt collectiones, duo sunt: ipse Ven. *Wolfius*, & nuperime *Carolus Jesper Benzelius*, *Erici* filius, qui viginti ejus Epistolas e Codicibus MStis Londini Gothorum A. 1735, 4, eo ipso tempore edidit, quo *Libanius* noster Batavum prelium exercebat. Quod hi ex parte perfecerunt, id alii provehere tentarunt, quamvis destinata non sint executi. Inter hos sunt *Leo Allatius*, qui Epistolas 264, a *Georgio Lecapeno* selectas, descripserat, *Jac. Gothofredus*, & *Dauides Clericus*, quorum posterior A. 1643 Codicis Regii Parisiensis locupletissimi duo paravit apographa, alterum in *Gothofredi* gratiam, in suos usus alterum. Illud ex 1013 Epistolis (tot enim Codex Parisinus exhibet,) tantum 810 habuit, & notis quibusdam marginalibus *Gothofredi* instructum, ex Bibliotheca *Duboisiana* ad Celeb. D. *Christianum Fridericum Bærnerum* nostrum, ex hujus vero dono ad præstantissimum Editorem, pervenit. Hoc vero, *Clerici* proprium, omnes complectitur, quod ex auctione Bibliothecæ *Jo. Clerici* suum fecit *Philippus Jac. Dorville*, humaniorum literarum apud Amstelodamenses Professor, insignis doctrinæ & elegantissimi ingenii laude celeberrimus. Præter hos *Henricus Valesius* de *Libanio* bene mereri instituerat. Is enim in suis ad *Ammianum* notis non solum passim ad *Libanii* Epistolas, penes se latentes, provocat, allatis quibusdam earum fragmentis, sed & conceptis verbis ad *Lib. XII Cap. 7* earum editionem, Latina sua versione instructam, promittit. Inter Suecos Viri præstantissimi, *Laurentius Normannus* & *Andreas Palmroot*, consilia sua huc retulerunt. Posterior enim 154 Epistolas,

a *Georg. Lecapeno* olim selectas, ex Codice Rœlambiano Bibliothecæ Upsalienfis descripsit, & cum interpretatione Latina formis describendas reliquit. Tres earundem Centurias *Godofredus Olearius*, nostræ quondam Aeademiæ lumen, ex Codicibus Bodlejanis descripserat, publicæ luci destinatas. Nec segnis in hac opera fuit *Jo. Boivinus*, Græce doctissimus, qui, se colligendis Nostri Epistolis intentum esse, plurimasque earum Latinas fecisse, in sua ad *Nicephorum Gregoram* Præfatione testatur. Eundem lapidem movit *Ezech. Spanhemius*, quod ex Præfatione ejus ad *Juliani* Opera apparet. Omnium horum industriam superavit Illustris *Fridericus Rostgardus*, singulare Daniæ decus & ornamentum. Nemo enim tanta cura, quanta hic, in coacervandis *Libanii* monumentis literariis versatus est, nemo faultrice magis fortuna ad premendum institutum sublevatus. Parisius ille, labente superiore Seculo, Codicem Regium Parisiensem, ceteris copiosorem, de quo modo diximus, nunc descripsit ipse, nunc periti librarii manu descriptum ad αὐτόγραφον exegit. Nec minus reliquos ejusdem Bibliothecæ Codices, atque eos, qui in celeberrimis Italix Bibliothecis exstant, contulit, ut vel eas, quibus se instructum noverat, Epistolas emendaret, vel, quas deesse sibi sentiebat, ceteris adderet. Mirabuntur lectores sine dubio numerum Codicum, quibus usus est hanc in rem Vir Generosissimus. In Regia Gallicana octo Codices excussit, octodecim *Vaticana*, (in qua scilicet, teste *L. A. Zacagnio*, bis mille *Libanii* & amplius Epistolæ latent,) quinque *Ambrosiana*, quatuor *Mutinenfes*, septem *Mediceos*, & quinque *S. Marci* Venetos. E sectione *Jacobi Golii* tandem suum quoque fecerat Codicem, recentem quidem, sed satis bonum, Epistolas *Libanii* 39 complectentem. Idem ab *Antonio Maria Salvini*, Florentiæ quondam ornameto, trecentas amplius Epistolas, e duobus Codicibus Mediceis descriptas, cum interpretatione Latina acceperat, ita conformata, ut Interpreter, Græcum textum presse sequens, nullam fere Latini cultus rationem habuerit. Egregium hunc apparatus apud Illustrum *Rostgardum* Hafniæ præsens olim viderat Ven. Editor, antequam suam Epistolarum *Libanii* Centuriam ex trecentis illis, quas ex Codicibus Bodle-

Bodlejanis Oxonii sua manu descriperat, selectas cum Latina versione & notis suis ederet. Illectus itaque his deliciis, continere se non poterat, quin, districto gravioribus curis *Rostgardo*, se totius Operis editorem offerret. Non abnuvit ille plane. Spe tamen in longum prolata, & injectis aliis reinoris, eo res devenit, ut ante sexennium circiter totus ille thesaurus Bibliothecæ Potentissimi Danorum Regis Hafniæ cederet. Stimulos hoc addidit Celeb. Editori, ut ad pristinum institutum rediret. Nec defuit conatui eventus. Amicitia & intercessione Illustris *Joannis Grammii*, qui inter cetera splendida munera Bibliothecæ Regiæ curam hodie solertissime agit, omnia, quæ huc spectabant, obtinet. Spartæ huic ornandæ hæc ferme sufficere poterant. Sed en! novæ quoque aliunde suppetiæ. Præter Bodlejana spolia, quæ sua pridem fecerat *Wolffius*, nonnulla ab amicissimo sibi Viro, *Maturino Veussiere la Croze*, huc pertinentia obtinet; *Morellianæ* scilicet collectionis apographum, collatum cum schedis aliquot *Spanhemianis* & Codice Regio Berolinensi. Schedæ istæ, e *Vossiano*, ut videtur, Codice descriptæ, 82 Epistolas continebant: Codex vero Regius, quatuor circiter Seclorum ætate conspicuus, centum Epistolas, ante non editas, supeditabat, quarum pars in *Tomo II & III Anecdotorum Græcorum* Vener. *Wolffii* nostri comparuit. Symbolam quoque contulit Rev. P. *Bernardus de Montfaucon*, subministratis ex Codice *Coisliniano* aliquot, quibus carebat, Epistolis. Quo usum etiam aliquem haberet Codicum Vindobonensium, quos *Petr. Lambecius* in Commentariis suis commemorat, effecit humanitas Illustris *Pii Nicolai Garellii*, Archiatri, Consiliarii, & Bibliothecarii Cæsarei, studiumque Viri humanissimi, *Christ. Frid. Tresenreuteri*, nunc Professoris Theologi Altorfini, tunc temporis vero Suecico ad Imperatorem Legato a sacris. Is enim, quia Codices illi nullas habebant, quas deesse sibi videret, Epistolas; initia tantum Epistolarum & inscriptiones communicavit. Nec minus Vir meritis in sacras literas maximus, *Ericus Benzelius*, Præsul hodie Lincopiensis, duos quoque Codices manu exaratos impertiit, unum *Jo. Meursii* olim, alterum *Elia Obrechtii*. *Meursianus* Epistolas 282 continebat. Has descri-

pserat *Obrechtus*, insertis & adjectis aliis 116, quarum copiam fecerat Codex *Relambianus* Bibliothecæ Academicæ Upsalien-
sis. Verum hæ suppetiæ sero nimis advenerunt, & maximam partem in Additamentis locum obtinent. Lipsia Vir Magnificus, D. *Christian. Frider. Bærnerus*, illud, quod supra diximus, *Davidis Clerici* apographum, in *Gothofredi* gratiam factum; Amstelodamo vero præstantissimus *Dorvillius* apographum *Salvinianum* trecentarum amplius Epistolarum, ex libris Medicis haustum, transmisit. Eruditissimus denique *Hermanus Samuel Reimarus*, Gymnasii Hamburgensis Professor, usum apographi sui, quod ex Codice *Vossiano* Leidensi fecerat, concessit. En origines æterni Operis! En adminicula certe egregia, quibus si domesticam *Wolffii* eruditionem jungas, num perfectius quidquam aut excellentius desideres? Jam ipsum Opus aliquantum inspiciamus. Præfatio quatuor Capitibus absolvitur, eodem, quem nos secuti sumus, ordine instructa. Primum eos nominat, qui harum Epistolarum quidquam in lucem ediderunt. Alterum secundum literarum seriem eorum nomina appellat, qui *Libanii* Epistolas ornandas susceperant, sed ultra destinata non progressi sunt. Tertium, quibus initiis, qua fortuna, præsens editio succreverit, explicat. Quam tandem viam persecutus fuerit Cl. Editor in stadio hoc cum laude decurrendo, ultimo loco exponitur. Ordo scilicet & dispositio Epistolarum proponitur, ut sciri possit, ex quibus quæque Codicibus hausta fuerit. Signum numericum semper in fronte gerunt Epistolæ, quod si interdum non cohæreat, ne defectus aut lacunæ suspicionem suggerat lectori, studiose monetur. Epistolæ sunt propemodum 1600, quarum vix 230 antea lucem viderant. Græcum textum a latere semper comitatur Latina versio, quæ dexteritatem & interiorem linguæ Græcæ notitiam, jam pridem testatam, exacte probat. *Libanius* enim talis est, qui, cum miram quandam brevitatem sectatur, aut potius affectat, mire sibi placet, & amicos amicis sensus occultare magis, quam explicare, allaborat. Non itaque semper ipse sibi satisfecit callentissimus Interpres, *Curisque* in hunc Scriptorem *posterioribus* vitiis, quæ irrepsissent, emendatum iri promittit, adjecta simul

Pro-

Prosopographia eorum, quorum nominibus hæ Epistolæ inscriptæ sunt. Eam enim adversa valetudo jam quidem dare prohibuit. Δεῦν δὲ οἱ θεοὶ, καὶ τ' ἐπὶ τέτοις τεθῆναι καλῶς, καὶ κερῶν τοῖς ἤδη πεπραγμένοις ἔτι ἐν τι προδεῖναι καλόν. Sic liceat nobis pro diuturna & omnigena felicitate Vener. *Wolffii* nostri eruditorum omnium ore candida vota pronuntiare verbis *Libanii* nostri pag. 393 *Epist.* 836. Versio Epistolarum, quæ in *Centuria* & *Anecdosis* jam præstabant, subinde hic correctæ comparet, cum vel maturioribus curis, vel meliorum Codicum ope, rectora edoctus fuerit Cl. Editor; notæ vero non omnes, prolixiores interdum, quæ in dictis modo libris exstant, hic sunt repetitæ. In his enim, ne in nimiam molem excresceret Opus, breviori esse placuit, atque adeo ea observare, quæ ad contextum recte constituendum potissimum requirebantur. Moneatur enim, vel ubi hæc, illa, jam edita exstet Epistola, vel quis Codicum in inscriptione dissensus, quis in ipso textu, quæ lectio præferenda, in quibus hallucinati sint interpretes alii, quidque lapsui ansam dederit. Attingit præterea strictim & nervose, quæ ad dictionem *Libanii* Græcam recte intelligendam viam pandant. Fontes indicat, unde sua hanferit Rhetor, qui veterum ore sapius, quam suo, loqui maluit; quæ vis proverbiorum, in quibus egregie applicandis excelluisse merito putatur. Nec ea omisit, quæ ex antiquitate nunc Ecclesiastica, nunc profana & gentili, ad illustranda *Libanii* dicta repeti poterant. Quod munus tandem sacrum Venerandi Editoris quam maxime decebat, Novi Fœderis dictionem *Libaniana* illa illustrare, & a cavillationibus aliorum vindicare, frequenter allaborat. In Præfatione quoque breviter commonstrat usum, quem ex his Epistolis utraque Historia capere possit, non minus quoque, an omnes, quæ hic leguntur, Epistolæ *Libanium* Autorem agnoscant, disquirat, nec negat, nonnullas in his exstare, quæ in collectionibus epistolicis rectius *Procopio*, *Synesio*, & *Dionysio Sophista*, tribuantur. Hic inprimis observari oportet, Epistolam 1574 inter illas exstare, quæ sub *Phalaridis* nomine circumferuntur. Has vero, constat fere nunc inter eruditos, non *Phalaridi*, sed *Sophistæ* cui-dam, tribuendas esse, quod *Richardus Bentlejus*, Vir Græce quon-

quondam eruditissimus, ad liquidum perduxit. Nec fortasse erraverit, *Wolfsi* iudicio, qui ceteras omnes, quemadmodum illam, *Libanio* adscribat. Mira enim sententiarum & dictionis similitudo inter illas *Libanii* & *Phalarideas*, quæ dicuntur, intercedit, quod in notis passim & frequenter ostenditur. Itaque habent Critici, in quo investigando amplius laborent. Epistolis *Libanii* Græcis, quæ usque ad pag. 729 procedunt, subiecta est versio Latina quingentarum propemodum, a *Zambicario* profecta, de qua supra diximus. In inferiore ora curiose semper annotatum est, quænam ex his inter Græcas editas vel integra, vel ex parte, exstet, quæve mendose sint impressæ, atque adeo Codicis Mediolanensis ope emendandæ. Accedunt Indices quatuor, qui studio Viri Cl. *Joannis Christiani Wolfsi*, fratris, Professoris in Gymnasio Hamburgensi celeberrimi, debentur. Sunt autem quinque. Primus exhibet ordine alphabetico initia Epistolarum Græcarum, cum eorum, ad quos scriptæ sunt, nominibus. Secundus nomina illorum, quibus inscriptæ sunt, colligit, additis singularum notis numericis. Tertius offert locos Scripturæ Novi Fœderis, in notis illustratos. Quartus singulares & notatu dignissimas Rhetoris nostri phrasas, quarum pleræque in notis illustrantur; quintus denique res, nomina propria, & proverbia, repræsentat. Calcem tandem occupant Addenda & Emendanda. Cum enim impressioni Operis invigilare non licuerit Vener. Editori ob locorum distantiam; fieri vix potuit, quin menda, etiam majoris momenti, irreperent, quæ hic exilio mulctantur. Præter hæc vero nonnunquam contextus Græcus, illorum Codicum, quos serius ad Nostrium pervenisse supra monuimus, ope, interdum etiam interpretatio Latina, emendatur. Inseruntur his eruditissimi *Dorvillii* observationes, ingenio & doctrina ejus præclara dignæ. Hæc est coronis egregii Operis, cujus immortalem æternamque gloriam, uti Seculo nostro, ita Celeberrimo quoque Editori, lubentes & pro merito gratulamur. Non deerunt fortasse, qui omnes nos partes in laudando implevisse negabunt. Sciant tamen, nihil dici posse tam magnificum ac splendidum, quod dignitatem præstantiamque Operis adæquet.

A PARAPHRASE AND NOTES ON THE
Revelation of St. John, &c.

h. e.

PARAPHRASIS ET NOTÆ IN REVELA-
tionem S. Joannis, Autore MOSE LOWMANN.

Londini, apud Jo. Noon, 1737, 4.

Alph. i plag. 14.

En tibi novam τῆς Ἀποκαλύψεως Joannæ interpretationem; quæ singulari industriæ Clarissimi ejus Britanni debetur, quem modo honoris causa nominavimus. Auget is suorum merita & famam civium, qui varios adhuc ex iis, quos ut sacrosanctos recipimus ac reveremur, Codices exposuerunt, & quantum in hoc nobilissimo studio peritiam sibi acquisiverint, eruditæ planum fecerunt civitati. Eorum quoque meritissimorum Virorum, qui recentiori ætate Notas in S. Literas pararunt, vestigia, & tractandi rationem, generationi ac universæ secutus est, sigillatim Lockianam diligenter ante oculos positam habuit. Nimirum *Capitum*, in separatas *Sectiones* distributorum, *Contenta* ubivis præmittuntur. Tum vero *Textus*, qui ex versione Britannica petitus est, sequitur, cui *Paraphrasis*, tam elegans & copiosa, ut vicem Commentarii sola sustinere possit, e regione ponitur. *Notæ* denique, sub extremam paginarum oram, sicubi opus est, inveniuntur, quæ illustri se se brevitate commendant. Sunt hæc profecto ejusmodi, ut argumento sint, Cl. Autorem paucis verbis res multas enuntiare posse. Nuntiat totam rem propositam Præfatio satis ampla & erudita, quæ nostram imprimis considerationem promeretur. Multi sunt, quibus Patefactio S. Joannis tanta obscuritate laborare videtur, ut nullis ea auxiliis, nullo lumine rebus adhibito, dispelli queat. *Scallger*, Criticus magni nominis, *Calvino* eximiam sapientiæ laudem idcirco tribuebat, quod in Revelationem Joannæ nihil scripsisset. D. *Whitby* itidem præcise negavit, tanta se valere judicandi facultate, quanta ad intelligendas hujus libri vaticinationes requiratur. Sed, quoquo modo hæc se res habet, rationes adsunt testatissimæ, quæ, & Ἀποκαλύψῃ inter di-

Pag. I.

Pp

vinos

- vinos libros locum omnino relinquendum esse, conficiunt.
- Pag. 2. Has, præter alios, *Newtonus*, *Lardnerus*, & *Miltius*, collegerunt. Quodsi ergo Revelatio S. *Joannis* in eorum numero
3. Codicum, quorum divinæ sunt origines, haberi debet; hoc etiam dandum erit, tot saltem nebulas hinc dissipari posse, ut in sanctiores usus converti queat. Hoc quidem dubio vacat, doctrinas ac præcepta facilia, quam prophetias, intellectu esse. Namque hæ prænuntiant futurarum eventa rerum, eamque ob
 5. causam sua natura tenebris obductæ sunt. Verum maxima hic obscuritas interpretum quorundam vitio tribuenda est. Alii etenim nimis curiosi, in quavis voce ac re mysteria sibi visi sunt videre, a vi imaginationis circumventi. Alii vero systema ex ingenio confictum in vaticinium sancti hominis intulerunt; ejusdemque ope interiora verborum rerumque adyta recludere voluerunt. At novus interpret Anglus in alia hic abit omnia. Is
 6. temperationem adhibet in definienda re hujus libri instituta, systema libri ex ipso libro ducit, propheticas dictiones ex usu vatum V. T. divinitus actorum, unde nimirum pleræque omnes petitiæ sunt, explanat, omniaque prædicta ex luce Historiæ sanctioris, ulla sine contorsione, declarat. Ipse S. *Joannes* discretis indicat verbis, librum hunc suum partim *prædictionem rerum futurarum*, partim *descriptionem status præsentis ac conditionis Ecclesiarum*, in se continere. *Cap. I, 19: Scribe, quæ videris, quæque sunt, & quæ sunt posthac futura.* Conf. *Cap. IV, 1.* Nonnullæ res ipsi visionis temporis vicinæ, & *brevi futura esse, dicuntur, Cap. I, 1, 3.* His præfultis, anquirendum erit,
 7. ad quamnam futuri temporis periodum respiciatur. Hujus quidem bina clarissima in ipsa Revelatione reperiuntur indicia. Primo nimirum duratio periodi vel per numeros annorum, vel
 8. per fatidicas significatur descriptiones, ut *Cap. XIII, 5, XII, 14, XI, 3*, quo postremo loco hujus quidem duratio periodi ad 1260 annos significanter & expresse profertur. Deinde quædam commemorantur res, quibus ultimis demum temporibus eventus
 9. respondebit, *Cap. X, 5, 6, 7.* Quid? quod vates a Deo eruditus finem ipse suarum declarat prædictionum, universam vita fun-
 10. ctorum resurrectionem, judiciumque extremum. Itaque exordium

dicum earum a tempore huius visionis ducendum, finis autem, una cum orbis interitu, expectandus erit. Generalem libri divisionem, ex ipso jam volumine excerptam, in medium protulimus. Specialem diversæ constituunt periodi, quæ manifeste a se invicem distinguuntur, sic ut altera succedat alteri. Sic, exempli gratia, ex his unius nota est apertio libri, septem sigillis obli-
 gati, quorum unumquodque propria quædam sua continet eventa. Hanc finit periodum consignatio fervorum Dei, quorum 144000 erant, *Cap. VI, VII, 4 seq.* Aliam periodum inchoat apertio septimi sigilli, atque hæc distincta est septem tubis, quæ septem datæ sunt angelis, qui in Dei conspectu adstiterant, *Cap. VIII, 1, 2, 9.* Hujus finem nova facit visio, ejus nimirum Angeli, qui S. Joanni libellum dedit apertum, *Cap. X.* Clavis totius *Ἀποκαλύψεως*, & cujusque separatiim periodi, est accuratior scopi generalis consideratio. Tota nimirum vaticinatio eo valet, ut miseros & afflictos Christi amicos soletur. Ex quo sequitur, ut unaquævis periodus describat conditionem, miseriarum, periculi, ac calamitatum, plenam, & in nova quadam Ecclesiæ exoriente pace, securitate, ac felicitate, semper finiatur. Hæc sunt sana, & purgatæ rationi probata, quibus Cl. *Lodmannus* fultus, ad Patefactionem S. Joannis enodandam accessit. Nil dedit ingenio & imaginationi ludenti, omnia vero ponderavit judicio, ipsum vatem a Deo actum ducem, & historiam sacre civitatis, in rebus quidem præteritis, lucem, unice secutus. Verborum item obedivit potestati, iisdemque non centum sensus, sed unicuique historicum, adaptavit. Cave autem, credas, Cl. Interpretem totas historias sacras descripsisse. Illud unum sui officii esse ratus est, ut ad optimos & genuinos fontes lectorem remitteret, ejus historicæ partis uberiores desiderantes notitiam, quam spiritum propheticum ante oculos habuisse, mira perspexit sagacitate. Ex his etiam perspicuum est, qua in re Interpretæ Anglus a doctissimo Belga, *Camp. Vitringa*, suas sejungat sententias, utpote quem testem in rem suam nusquam citavit. Non est dubium, quin literatissimi quique homines totam omnium vaticinationum coherrentiam interius introspectiendi magna flagraturi sint cupiditate. Horum igitur desiderio, quan-

Pag. 12 seq.

14 seq.

Pag. 29 seq.

tum satis est, facturi, non exilem tantummodo particulam, verum ipsam totius libri *Tabulam*, quæ, finita Præfatione, legitur, in compendio recitabimus, ex qua præcipua momenta, in ipsa pertractatione amplius dilatata, uno veluti adspectu perspicere poterunt. Totus Revelationis liber in tres partes, *Introductionem*, *Tractationem*, & *Conclusionem*, divisus est.

Introductio docet, continere hunc divinum librum visionem aliquam propheticam, in insula *Patmos*, quæ repræsentet nobis Christum, ejus curam Ecclesiarum, & promissionem cujusdam revelationis, una cum præmonitis & exhortationibus, statui tunc præsentis Ecclesiæ, & statui Ecclesiæ in succedentibus Seculis futuro, convenientibus, ad patientiam atque in fide constantiam excitandam. *Cap. I v. 19*, A. D. 95. *Tractatio* binas complectitur partes, quarum altera *septem periodis* constat. *Pars I*, pertinens ad res, quæ sunt, sive ad statum Ecclesiæ tunc temporis præsentem, in septem continetur Epistolis, ad septem Ecclesias principales in Asia exaratis, in quibus præsens earum status describitur, adjunctis consentaneis præmonitis & exhortationibus. *Cap. II, III.* *Pars II*, quæ ad res posthac futuras, sive ad statum Ecclesiæ in Seculis post tempus hujus visionis imminentibus, refertur, una cum præmonitis & exhortationibus illuc pertinentibus, exhibet scenam visionum, Dei potentiam, majestatem, ac certum consiliorum suorum eventum, significantium, *Cap. IV*, librum septem sigillis obsignatum, statum Ecclesiæ sequentem revelantem, *Cap. V*, & chorum Angelorum pariter & Sanctorum, seu universam cœlestem Ecclesiam, laudes Agni, hoc est, Jesu Christi, canentem, *v. 8*, & ipsam harum rerum revelationem, quam inchoat apertio libri obsignati, ubi status Ecclesiæ describitur, qualis in *septem sibi succedentibus periodis* futurus erat. *Periodus I* prædicit statum Ecclesiæ sub ethnicis *Romanis* Imperatoribus, ab A. D. 95 ad 323. En tibi *sigilla* aperta! *Primum* repræsentat, sub imagine victoris albo equo insidentis, religionem Christianam, *Judeos* ac gentes in triumpho ducturam. *Alterum* sub velo equi rufi, quem insidenti commissum est, ut ex terris pacem auferat, destructionem sistit *Judeorum*, sub *Trajano* & *Hadriano* factam. A. D. 100 ad

ad 138. *Tertium*, sub symbolo nigri equi, cui insidens libram in manu tenet ad frumentum dimetiendum, respicit magnam illam annonæ caritatem, tempore *Antoninorum*. A. 138 ad 193. *Quartum*, in quo pallidus apparet equus, cui insidens mors erat, magnam illam indicat pestem, sub *Maximino & Valeriano*. A. 193 ad 270. *Quintum*, animas sub ara necatorum exhibens, vexationem prænuntiat *Diocletianeam*. A. 270 ad 304. *Sextum*, horribiles naturæ motus ac procellas revelans, inauditas illas significat commutationes in imperio, inde a *Maximiano* ad *Constantinum M.* A. 304 ad 323. Tempus inter primam atque secundam periodum interjectum, repræsentans Angelum 144000 sigillo viventis Dei obsignantem, magnum adumbrat numerum, plurium Deorum venerationem, in ethnico *Romano* Imperio receptam, deferentium, & Christianæ religioni nomen dantium.

Cap. VII. Propter hoc præstitum auxilium chorus Ecclesiæ cælestis Deum O. M. collaudat, & de senatoribus unus vexatos, qui in fide Christi manserant, beatos prædicat, v. 9. *Periodus II* Ecclesiæ statum patefacit, post ætatem *Constantini M.* dum invasio imperii a nationibus septentrionalibus mota duravit; ortum item ac primum progressum imposturæ *Mohamedanæ*, donec vis ejus in Occidente cohiberetur. *Cap. VIII*, ab A. D. 337 ad 750. Septem Angeli accipiunt *septem tubas* ad clangendum, quarum prima exponit viam armorum, dum *Constantini M.* familia, & ejus successores, imperarunt, usque ad tempora *Theodosii*, seu ab A. 337 ad 379, *altera* invasionem *Italiae*, a gentibus septentrionem versus degentibus factam, & urbis *Romæ* expugnationem, ab *Alarico* confectam, ab A. 379 ad 412, *tertia* occasum Imperii *Romani*, qui regni *Gothorum* in *Italia* fundamenta jecit, ab A. 412 ad 493, *quarta* arma *Italiae*, inter duces *Justiniani* ac *Gothos* mota, per quæ Exarchatus *Ravennatensis* erectus, & omnis, quæ reliqua erat, potentia & autoritas *Romæ* tota suppressa fuit, ab A. 493 ad 568; *quinta* ortum & initia *Mohamedanæ* religionis ac Imperii, & magnum utriusque progressum, donec impediretur a contentione, quæ de successione exoriebantur. *Cap. IX.* Huc A. 568 ad 675. *Sexta* denique unionem divisæ ac scissæ *Saracenæ* potestatis, & inva-

Pag. 31.

- tionem *Europa* ab hac metuendam, dum a *Carolo Martello* fundaretur, ab A. 675 ad 750. Imagines rerum non casu, sed consulto, taciti præterimus, propterea quod facile in libro S. *Joannis* evolvi poterunt. Nec *septimum*, quod recensuimus, *sigillum*, nec *septima tuba*, singulare desiderat lumen. Hic enim
- Pag. 14. numerus in Ecclesia *Judaica* sacer habetur, & in calculo annorum ac dierum indicat quietem. Itaque, post enarratas varias vexationes, liberationem ab illis, aureamque Ecclesie pacem, recte significat. Conf. *Cap. VIII, 1 seq. XI, 15 seq.* Accedamus ad *Periodum III* de phialis, quæ revelant statum Ecclesie, temporibus *Romani* Imperii ultimis, quod per bestiam repræsentatur; per ipsos 1260 annos, ab A. 756 ad 2016. Angelus aliquis libellum S. *Joanni* offert deglutiendum, hoc ei velo declaraturus, res usque ad orbis interitum eventuras sibi nunc patefactum iri, *Cap. X.* Patent hic oculis legentium tres generales hujus periodi descriptiones: 1) templum mensuratum, una cum reliquis umbris, corruptum statum exhibet Ecclesie, & constantiam quorundam testium veritatis, quanquam per universam hanc periodum crudeliter vexandi prædicantur, *Cap. XI.* 2) Mulier in solitudinem fugere, & 1260 dies ibi morari coacta, calamitatem & conservationem ostendit Ecclesie, durante eadem periodo, expectandam, *Cap. XII.* 3) Bestia multiceps novam *Romanam* potentiam nuntiat, quæ cultum simulacrorum mascule, ab alia simili potentia adjuta, renovatura sit. Quo loco chorus cœlestis Ecclesie constanter in fide permanentes beatos pronuntiat, *Cap. XIV.* Nuntius cœlestis certam & severam pœnam hostibus veritatis minatur. Angelis septem dantur septem divinæ iræ phialæ, ut indicio sint, hostes veritatis Deo gravissimas, durante hac periodo, daturos esse pœnas, ea vero ad finem decurrente, funditus eversum iri, *Cap. XV.* Vide sensum *septem phialarum* effusarum *Cap. XVI.* *Prima* magnarum est commotionum per totum Imperium, sub familia *Caroli M.*, nuntia, per quas hæc familia extincta, & corona Gallie alio translata fuit. Huc refer A. 830 ad 988. *Secunda* ad sacrum illud bellum pertinet, quod ab A. 1040 ad 1190 conflatum est, ad *Hierosolymam* a *Saracenis* recuperandam. *Tertia*

ria est umbra civilium armorum, quæ *Guelphi & Gibellini*, quorum illi Pontificis, hi vero Imperatoris Romani, rebus studebant, inter se ferebant, cum Pontifices ex *Italia* in *Galliam* pulsi essent, A. D. 1200 ad 1371. *Quarta* signum eorum est armorum, quæ A. 1378 ad 1530 in *Italia, Germania, Gallia, & Hispania*, diu fervebant, & quorum causa & autor longius illud in Papatu schisma exstitit. Turci capiebant *Constantinopolin*, & Orientis Imperium radicitus exstirparunt. Pestis etiam hoc tempore orta. *Quinta* magnam designat reformationem, & ejus per principes *Europæ* status confirmationem, invito licet & recusante Pontifice, atque adeo ipsa etiam Pontificali autoritate rejecta & spreta. Hæc autem ab A. D. 1560 ad 1650 referri meretur. *Sexta* phiala in *Euphratem* effusa Regibus orientem solem spectantibus viam parat. Hoc videtur, in ordine vaticiniorum, adhuc futurum esse. Verum, si quis hic conjecturæ locus datur, Pontificales invasiones, ab Orientis sive Adriaticis populis, qui Pontificum imperio subiecti sunt, imminentes prædicuntur. Pertinent vero ista ab A. 1670 ad 1850. *Septima*, eaque ultima, phiala extrema describit fata *Romani* Imperii, seu mysticæ *Babylonis*, usque ad finem hujus Periodi, ab A. 1850 ad 2016. Angelus interpres plenius explanat characterem hujus Romæ Antichristianæ, *Cap. XVII*. Alius Angelus confirmat ejus interitum, *Cap. XVIII*. Chorus cœlestis ob hæc iusta judicia divinas concelebrat laudes, *Cap. XIX*, ubi & visio quædam Christi accedit, cœlestem quendam exercitum in aciem educentis, quæ, hæc omnia certissime eventura esse, significatur. In *Periodo IV*, quam Angelus, satanam vinculis ad mille annos confringens, enuntiat, felicissimus erit status Ecclesiæ, in castitate, pace, ac prosperitate, *Cap. XX*. Ast in *V Periodo*, peractis illis mille annis, corruptiones ac vexationes Ecclesiæ renovabuntur, harum autem finis plenaria erit *Satana & omnium* puræ ac veræ religionis *hostium*, destructio atque everio, *117*. *Periodus VI* universam mortuorum resurrectionem, extremumque judicium, atque adeo æternum improborum exitium, in se complectitur, *v. 11*. Restat *Periodus VII*, eaque postrema, quæ totam concludit prophetiam ejusmodi visione, qua consum-

Pag. 34. summata cœli beatitas describitur, *Cap. XXI.* Sic vero harum omnium vaticinationum exitus æternum est *Sabbatum*, *Cap. XXII. Conclusio v. 6 seq.* veritatem earum confirmat, & usum inculcat sanctiorem.

Hæc nos copiosius, re bene putata, descripsimus, gratiam ab illis aliquam inituri, qui sibi judicandi datam esse copiam putant, num acumen hæc nova habeat interpretatio. Accedit brevis vocum ac rerum præcipuarum Index, cui, ob insignem, quam præbet, utilitatem, magnum omnino pretium ponendum esse videtur.

*JANI VERRII BASSANENSIS, THEO-
logi Germani, Examen Juris Canonici & praxis fori
Ecclesiastici Protestantium in causa Raptus &
affinibus.*

Trajecti ad Rhenum, apud Herm. Besseling, 1738, 8.
Plag. 6.

Pag. 3-7. In Præfatione Autor, quisquis est, sane eruditus, & omni laude dignus, disserit de consuetudinibus malis, quæ in republica diuturni temporis usu sunt munitæ. Cujusque igitur esse ait, eo niti, ut illæ, si non confodiantur, certe atterantur; quod ipsum ad institutum suum de *Raptu* accommodat. Argumenti tractatio *quatuor* absolvitur *Capitibus. Cap. I §. 1* docet, medelam quandam Juri Canonico, (quod post ipsa etiam tempora Reformationis non in scholis solum, verum in Consistoriis etiam, Protestantium locum obtinuerit,) tum fuisse adhibitam, cum Jctorum responsa de dubiis casibus in unum volumen revocari cœperint, quod vel maxime factum a *Carpzovio*, cujus Decisiones non consensu tantum Principum, sed usu ac consuetudine etiam, extra terras Saxonicas fuerint receptæ, in quibus tamen multa post hæc desideraverint *Brunnemannus*, *Thomasius*, *Bæhmerus*, alii. Qui licet multum studii in illo repurgando posuerint, nondum tamen rem eo esse deductam, ut tuto illius decretis sit standum, quod exemplo de raptore comprobabat Autor, cui secundum Jus Canonicum matrimonium cum rapta concedatur. Initium disquisitionis facit a definitione nominis

minis. Notionem *rapiendi* aviditatem, celeritatem, & violentiam, involvere demonstrat, minus autem probat subtilitatem *Donati*, in *Terentii Adelph. Act. III Scen. III raptionem ad personam, rapinam ad rem, raptum ad stuprum*, referentis, cum *raptio* idem notet, quod *raptus*, & *raptio personæ*, si ab infami voluptate sit sejuncta, *plagium* Latinis proprie dicatur. His ita constitutis, *raptum* in genere definit, cum quis hominem, Pag. 13 seq.
speciatim mulierem, ingenuam & honestam, sive cælibem, sive conjugatam, volentem, sed invitis parentibus aut marito, cujus uxor est, aut nolentem, abducit, ut in ejus sit potestate, sive eam ducat uxorem, sive ea abutatur ad voluptatem. Illius speciem quandam esse delignat, ubi quis mulierem ingenuam, in fraudem legis, ad emolliendam delicti atrocitatem atque invidiam, sive ipse, sive per alios, blanditiis, & dolis, artibusque ab honestate & juris specie remotis, hoc efficit clanculum cum hostilitate quadam & injuriâ parentum, quod alii per apertam vim: virginemque ita expugnat, ut, initis secum clandestinis sponsalibus, suos in amplexus ruat, & venia copulationis in judicio ecclesiastico impetrata, spe ampla dotis, ejus uxor sit; sive stuprum interveniat, seu non. In illo conspici vim publicam, in hoc privatam & clanculariam, ut hinc graviore pœnæ reus sit, qui fœminam per vim rapiat, *gravissima*, qui simul stuprum inferat, *levioris*, qui blanditiis ac dolis utatur. Videri autem possit, raptus nomine insigniri non posse artes, quibus quis utitur, ut puella tandem consentiat, cum ad *rationem formalem* raptus requiratur, ut fœmina *violenter* abducatur. Concedit quidem, hic abesse vim publicam, propterea tamen istiusmodi hominem ab omni pœna, saltem *extraordinaria & arbitraria*, immunem esse negat. Raptum clandestinum cum publico id habere commune docet, quod perversis artibus suis muliere, cui insidias struit, raptor potiatur, patria potestas proculceatur, ecclesia offendatur, fœmina, maxime ubi minorennis fuerit, a legitimis nuptiis, quin ipsa familia, avellatur, ac intestinarum inimicitiarum semina spargantur. Nec tamen omnem omnino vim ab istiusmodi attentato raptu abesse, probat exemplo virginis cujusdam, insidiis, contra tutoris sententiam, superiori Se-
culo circumventæ. Istiusmodi sponsalia rescindi posse, decer-

16-18.

nit, & quamvis consensus puellæ atque tutorum postea accesserit, jure tamen manere pœnam raptus infligendam tum abductæ, tum abductori & complicibus; ita tamen, ut temperamento aliquo leniatur: ecclesiam etiam hoc poscere posse, ut honos sibi suus restituatur. Prouti enim nihil interfit, num quis hominem vi aperta obtruncet, an vero venenatis potionibus ac pharimacis vitam ei eripiat, ita exiguum, imo nullum, discrimen in eo esse, utrum quis vi adhibita fœminam abduxerit, an vero fraudibus ac blanditiis obnoxiam sibi reddiderit. Igitur cessare quidem hic pœnam, quæ alias raptui, quod ad *quantitatem*, est statuta, *cenfuræ tamen ecclesiasticæ* subijci *abductam, abductorem, & socios*, pariterque pœna *civili*, sed *arbitraria*, in ordinem redigi posse. Consistentem puellam posse *exheredari*, ubi parentes justam dissentienti causam habeant, quo sic abductor dote, cui maxime inhæsit, privetur; eo maxime, quoniam secundum legem civilem parentibus cõpetat facultas, hæreditatis jura negandi filiæ, quæ ipsis invitis nupsit, vel se petulanter impudiceque gessit. Aliter se rem habere, ubi pater habentem annos 25 filiam elocare detrectaverit, quo in casu, ubi tale quid evenerit, nec patrem habere, quod adversus filiam agat, sed ad dotem ipsi exsolvendam obligari posse; pœnam autem civilem pariter atque ecclesiasticam amputari. Posteaquam igitur ea discipulaverat doctissimus Autor, quæ statum controversiæ ingredi videbantur, negat, *raptori & abductori cum rapta & abducta matrimonium jussu concedi*, quoniam hac ratione licentiæ lata porta aperiatur, patria potestas proculcetur, funestæ inimiciæ ferantur, familiæ florentes præcipites dentur, Numinis ira provocetur, summa iniis misceantur, ac pessima exempla in republica statuminentur: quod ipsum tum Scripturæ sacræ effatis, tum prisce ecclesiæ decretis, firmari posse existimat. Leges Ebræorum forenses, si quidem in æquitate naturali fuerint fundatæ, ac pœna criminis alicujus definiatur, in censum venire posse, asseverat. Raptus aperti ac violenti pœnam ex lege de plagio, *Exod. XXI, 16, Deut. XXIV, 7*, cui *αὐτοκράτωρ* reipublicæ Judaicæ generationi *mortis supplicium*, Judæorum magistri *strangulationem*, constituunt *Sanhedr. Cap. X §. 1*, determinari non posse,

posse, quia in utroque loco sermo sit de raptu virorum, non
 foeminarum. Legem *Exod. XXII, 15, 16*, de stupro voluntario, *Pag. 30-32.*
 in quod tandem virgo, illecebris expugnata, descendit, quæ ve-
 ro *Deut. XXII, 22-29*, legitur, de *stupro violento* virginis, & qui-
 dem vel æqualis, vel deterioris conditionis, intelligendam ef-
 se. Mulctam autem illam quinquagenorum siclorum non abs-
 que discrimine, quod Judæorum magistri putant, illis, qui vir-
 ginem, regio ortu fatam, vel summo loco natam, vel plebe-
 jam, compresserint, præscribi: legem enim, quæ magistratus
 vulgo exemit, ac a vi tutos præstitit, *Exod. XXII, 28*, etiam ad
 illorum familias protendendam esse. Quod ipsum etiam uni-
 versali morationum gentium consuetudine fuerit firmatum,
 apud quas connubia nobiliorum cum plebejis fuerint interdi-
 cta; ut hinc existimandum non sit, libidinem in nobiliores fœ-
 minas impune tulisse. Quando igitur optimum Numen pudic-
 itæ sequioris sexus ita consultum ivit, minus accedit sententiæ *32-36.*
Selden, cum Judæis asseverantis, secundum legem *Deut. XXI,*
10-14, integrum fuisse Judæo, mulierem gentilem vitare, ean-
 demque, ubi in connubii societatem adsciscere noluerit, manu
 mittere. A quo facinore gentes honestiores abstinerint, illius
 veniam Deum fœderatis suis indulgisse, credi minus posse. Cum
 enim is innuptarum vitæ prospexerit *Num. XXXI, 17, 18*, illa-
 rum pudicitiam susque deque habuisse, verisimile non esse. Nec
 fraudi cuiquam esse debere verbum *רָצוּ*, quod quidem cum
רָצוּ constructum, uti *Gen. XXXIV, 2, 2 Sam. XIII, 14*, deno-
 tet *subigere feminam per illicitum congressum*, seorsim autem
 positum significet *agre facere* alicui, quod captivæ usu eveniat,
 cum ad domitoris sui arbitrium sit agendum vivendumque.
 Quare autem Deus in raptum, proprie sic dictum, nullam pœ- *36-41.*
 nam expressa lege statuerit, non unam allegat rationem. Pri-
 mo, atrocitatem criminis esse tantam, ut illud in populo Deo sa-
 cro ne quidem audiri debuerit; prouti veteres Romani, *Solonem*
 secuti, in legibus decemviralibus nullam pœnam parricidio san-
 xerunt, existimantes, neminem civium fore, qui ad tam ne-
 fandum scelus se sit demissurus, raptui nullam dixisse, ne mayo-
 rum suorum nequitiam denudarent damnarentque. Adhæc, si
 quidem Israelitarum aliquis in illud prolapsus fuisset, Deum de-

cisionem illius sibi servasse, quod exemplis casuum minus determinatorum ex *Num. XV, 32-36, XXVII, 1-7*, probat. Porro, eum connubia cum vicinis gentibus nefasta pronuntiaverit Deus *Exod. XXXIV, 16*, nec virginem hæreditariam per matrimonium ad aliam tribum transire permiserit *Num. XXXVI*, quid de raptu censendum esset, magistratus facile colligere potuisse. Legem de plagio, ac pœnam illi dictam, ad violentum raptum, voluptatis exsatiandæ causa susceptum, qui, argumento a minori ad majus ducto, traduxerint, minus erravisse. Denique exempla, ac sententiam Dei de illis, crimen istud abominandum reddidisse. Inter illa primo loco ponit petulantiam hominum, qui ante eluvionem universalem vixerunt. *Gen. VI, 2*, per בני ארדם intelligit juvenes parentibus, dignitate, potentia, opibus, conspicuis, editos, per בנות ארם juvenculas, parentibus inferioris sortis ac conditionis proseminatas; prouti אש & ארם sibi invicem opponantur *Pf. XLIX, 3, Prov. VIII, 4*, maxime cum per אלהים indigentur illi, qui vicaria quadam Dei in jure dicundo potestate polleant, *Exod. XXI, 6, XXII, 7, 8, 27, Pf. LXXXII, 1, 6*. Homines enim impios a piorum consortio semotos ארם בני nomine venire, non ita facile ex Scriptura demonstrari posse: familia tamen sancta oriundos cum Cainiticæ gentis filiabus se miscuisse, non diffitetur, ac hoc ipso iram Dei sibi arcessivisse. Peccatum illorum inde gravius redditum fuisse, cum duxerint illas, non quod moribus, sed quod forma eximia, commendabiles exsisterint, quo sic suæ voluptati facerent satis; nec duxerint, verum rapuerint, in promiscuos concubitus ferarum more ruentes: causatus, verbum לקח, ubi de muliere est sermo, idem significare, quod abducere, rapere, *Gen. XII, 15, XX, 2, XXXIV, 2*. Quod flagitium, cum præter alia scelera acerrimam Dei vindictam provocarit, gravissimum fuisse oportuit. Judicari inde posse de facto *Pbaraonis, Ægypti, & Abimelechi* Geraris Regum, *Saram, Abrahami* conjugem, sibi vindicare satagentium *Gen. XII, 12-14, XX, 2-7*; unde profligata istarum gentium libido ac extrema impietas, jura hospitum, sancta alias ac inviolabilia, temerantium, appareat. Quæ, licet nefas non habuerint, innuptam rapere, conjugatæ tamen vim facere, Juri naturali ac æquitati adversari censuerint, idque ipsis,

ex

ex magistrorum sententia, per leges Noachidas innotuisse. In-Pag. 53 - 56.
 nuptæ exemplum præbet *Dina*, *Jacobi* filia, cujus virginitas per vim deminuta a *Sichemo*, quam post id factum & *Sichemus* blanditiis sibi, & parens *Henor* precibus ac obsequiis nato, conciliare allaborabat, *Gen. XXXIV, 1 seq.* sed frustra, filiis *Jacobi* vindictam reposcentibus, qui hic nil quidquam contra sententiam Dei sunt moliti, *Gen. XII, 17, XX, 7, 18*, ipso scelerum vindice Deo providentia sua hoc ipsorum factum comprobante, conscientiis vicinarum gentium sensum ultricis justitiæ suæ immittendo, *Gen. XXXV, 5*, ne quid mali adversus *Jacobi* domum cogitarent. Nec tam *Jacobum* facinus hoc detestatum esse, *Gen. XLIX, 5-7*, quam illorum tantum temeritatem notasse, ad quam, se, capite familiæ ac principe, non consulto, levitate quadam animi proni ruerint, seque ingentibus finitimorum populorum copiis, quibus ob paucitatem suam pares esse non potuerint, objecerint. Ne quis vero obvertat, raptum Benjaminitarum publica magistratuum autoritate comprobatum esse, *Judic. XXI*, in gravitatem publicæ violentiæ inquit. Seniores Israelitarum, prætexentes jurisjurandi religionem, perjurio, dum in raptum consenserint, se obstrinxisse. Violasse legem de virgine hæreditaria alius tribus viro nuptui non danda, *Num. XXXVI*, cum in tanta multitudine istiusmodi virgines facile reperiri potuerint. In tantæ rei negotio oraculum Dei neglexisse, ad quod in rebus dubiis confugere, moris alias fuerit. Votum, quod ex ore Israelitarum exciderit, fuisse inconsultum, cum homo homini id eripere non possit, quod jure ipsi debeatur. Deliquisse in fratres, quos negatis matrimoniis eo adegerint, ut contra legem a profanis gentibus uxores peterent, & si qua ab ipsis culpa admitta fuisset, *Judic. XIX*, illius pœnas sat graves dedisse. Ipsum denique Scriptorem sacrum factum hoc censura notasse, subjiciendo: *illa tempestate Regem in Israele non fuisse, quemque, quod sibi visum fuerit, designasse, Judic. XXI, 25.* Nec factum hoc Benjaminitarum more solum ludorum excusari posse, cum, quod sit licentia, morum corruptela, jure fieri censendum non sit. Nec dici posse, id pia Israelitarum intentione permissum fuisse, ne qua tribus ex Israele

56 - 62.

periret; cum non tam videri debeat, quo animo aliquid fiat, quam quid rectum, iustum, honestum, divinæque voluntati sit consentaneum. Juri autem naturali ac mori, inde ab antiquissimis temporibus recepto, facinus hoc minus congruisse, cum non ex manibus parentum, consentientibus illis ac cognatis, mulieres acceperint, sed illis invitis sibi rapuerint. Dolo malo usos fuisse seniores, culpam a se removendo, inque parentes conjiciendo, ac si Benjaminitæ illas sibi rapere jure potuerint, quas sibi negatas ægre ferebant. Benjaminitas porro in eo peccasse, quod non virgines a parentibus petierint, sed dolose, sub prætextu licentiæ ludorum, per vim abripuerint. Nec magistratibus competere jus in elocandos civium liberos, nec ab his parentes compelli posse, nisi ubi filias legitime postulas negaverint. In eo igitur habere nos exemplum raptus proprie dicti, adversus innuptas consummati, qualis, si in civitate bene constituta inter privatos attentatus fuisset, procul dubio e lege de plagio, *Deut. XXIV, 7*, capitalis habitus esset. Inde *Cap. IV* ad Constitutiones Ecclesiæ de Raptu progreditur. Concilium Ancyranum I Galatiæ A. 314 *Can. XI* sanxit, *desponsatas puellas, ab aliis raptas, si vel maxime vim passa fuerint, illis reddendas esse, quibus antea desponsata fuerant.* Licet autem raptoribus pœna constituta sit nulla; observat tamen *Basilii Can. XXX*, *raptores una cum iis, qui facinoris confecti fuerint, per tres annos pœnitentiæ subjiciendos fuisse.* Concilium Chalcedonense Oecumenicum, coactum A. 451, *Can. XXVIII* in *raptores* non minus, quam qui illis sunt *auxilio*, vel *consentiant*, pœnam stringit, hoc tamen habito discrimine, ut, si *Clerici fuerint, de gradu suo dejiciantur, si laici, anathematis feralli earmine* percutiantur. Canonein hunc ad mentem *Justiniani*, legem de raptu virginum, eum facinus illud post Gothorum, Vandalorum, aliarumque gentium barbararum, impressionem frequens exstiterit, publicantis, expressum fuisse. Rationem autem non videt, quare graviore pœna laici, quam clerici, premendi sint, cum offendiculum idem præbeatur cœtui sacro, imo longe gravius sit illud, quod a clericis proficiscatur, cum vitæ sanctimonia aliis exemplo esse debeant, ut hinc *Deus sacerdotum* pec-

Pag. 62-68.

69-71.

71 seq.

peccata, vigente oeconomia veteri, gravius sit ultus. Imperato-
 rein *Justinianum* capitis supplicium, Ecclesiam excommunica-
 tionem, ultimum gradum disciplinæ ecclesiasticæ, in raptores
 decrevisse, qua ipsa communione omnibusque beneficiis eccle-
 siæ, quia ipsa benedictione sacerdotali, fuerint orbati, sicque
 conjugium inter raptorem & raptam illegitimum declaratum.
 Fidei tamen propius esse, ubi per aliquot annos, ab Episcopo de-
 finitos, pœnitentiam egerint, ad Ecclesiæ consortium receptos
 fuisse, quod ex Canonibus, post id tempus publicatis, appareat.
 Concilii Meldensis I, A. 815 convocati, sententia non fuit una, *Pag. 72-75.*
 pœnitentiam publicam injungebat raptori pariter ac raptæ,
 porro matrimonium inter illos prorsus interdicebat, si vel pa-
 rentes consenserint, quod ipsum etiam in Concilio Aquisgra-
 nensi I a *Carolo M.* A. 789 fuit confirmatum. Cum autem lex
Justinianea immane quantum discedat a decretis Ecclesiæ, si-
 quidem illa mortis supplicium, hæc censuram tantum, injungit,
 id inde profectum fuisse Autor judicat, vel quia sententia illa
 Patribus durior justo fuerit visa, vel quia in illis regionibus, in
 quibus habita Concilia, Jus *Justinianicum* non fuerit receptum,
 vel quia censuerint, raptorem teneri ad censuram Ecclesiæ,
 etiamsi capitis supplicium non effugeret. Sacræ autem disci- *75-77.*
 plinæ successu temporis varias invec̃tas esse corruptelas, & qui-
 dem *primo*, quando matrimonium in Sacramentorum numero
 habere cœperunt, *secundo*, Ecclesia illis ἀουλίαν præstabat, qui
 ad illam, ut a civilibus pœnis immunes essent, se conferebant,
denique Ecclesia plura jura fori civilis sibi asserebat. Inde Ca-
 nonum interpretes matrimonium raptoris cum rapta licitum
 declarasse, maxime ubi publica pœnitentia præcesserit, & con-
 sensus parentum accesserit; *Innocentium* Papam *Extrav. Cap. III*
 conjugium approbasse, si postea rapta consenserit, invitis licet
 parentibus, quod adversa fronte incurrat in prisce Ecclesiæ Ca-
 nones & divinas leges, *Exod. XXII, 16, Num. XXX, 4 seq.* Quos
 omnes errores in brevem aliquam summam in Concilio Trideq-
 tino *Seff. XXIV* coactos fuisse affirmat, scilicet inter raptorem
 & raptam conjugium locum habere non posse, quamdiu hæc in
 illius sit potestate, infames tamen ac omnium dignitatum incapa-

- ces reputandos esse raptorem ejusdemque socios, Clericum raptorem de gradu suo esse deturbandum, raptorem ex arbitrio judicis obstrictum esse ad dotandam raptam, sive illam duxerit, sive reprobarit, quorum decretorum iniquitatem multis demonstrat.
- Pag. 81-87. Cum raptus violentus divino & humano gentiumque Jure detestabilis habeatur; contumeliosum esse Christiano nomini, si quidem illiusmodi nuptiæ legibus ecclesiasticis ac publica magistratuum autoritate permittantur. Habuisse raptus infausum semper exitum, provocasse divini Numinis iram ac in fontes supplicium, excitasse dissidia & bella, rerumque publicarum & regnorum everisiones. Argumentum, quod excutiendum fuit Doctiss. Autor, quisquis demum sit, multa industria ac doctrina tractavit, & si quidem nonnulli sint, qui non idem robur omnibus rationibus, quas pro sententia sua adducit, inesse judicabunt, fervorem tamen ipsius, ne qua labes Christiano nomini inuratur, ut magistratuum ac parentum autoritas facta tecta servetur, incolumitas ac tranquillitas familiarum stabiliatur, ac effrænis licentia ex Republica omnino exterminetur, oppido dilaudabunt.
- 87-92.

FRANCISCI CAROLI CONRADI, IN Academia Julia Jurisconsulti, Parerga, in quibus Antiquitates & Historia Juris illustrantur, varia Juris Civilis, aliorumque Autorum, loca emendantur, explicantur.

Liber III.

Helmsladii, sumtibus Christ. Frider. Weygandi, 1738, 8.

Plag. 8.

Cum, ex vulgato proverbio, vino vendibili non opus sit hederæ, superfedemus laudibus, quibus & tertius hic *Parergorum Liber* jure ac merito extolli posset, convertimurque statim ad ipsum hunc nobilioris ingenii fœtum propius noscendum, quales hinc etiam dignitatis accessiones factæ sint rei Jctorum publicæ, paucis indicaturi. Scilicet *Dissertatione prima Legis Liciniae sumtuaria monumentum in nummo gentis Liciniae* ob oculos nobis ponitur. Lectoribus vel ex his nostris *Annalibus*

nalibus, vel aliunde, jam constabit, Ill. *Heineccium* eleganti nuper Præfatione, *Dissertationibus Gundlingianis* præmissa, usum numisinatum in Jurisprudencia demonstrasse. En igitur alium Autorem, in jucundissimo hoc argumento cum cura desudantem, & dignum propterea, qui cum *Heineccio* plausum eruditorum communem ferat! Nummum, cujus ipse exemplum asseruat, ita describit Autor Celeberrimus: *Nummus, mira artificii elegantia, in parte adversa habet imaginem Romæ, pectore tenus expressam; caput galea tegit, palma ramis utrinque, ut in Asia familiæ nummis, vestita, & ut in exemplo conspicitur, tum apice, tum celaturis, ornata: dextra manus spiculum super humerum tenet, læva clypeum, cui eques insculptus; supra caput luna crescens apparet, fronti Dea Romæ, cujus nomen pone adscriptum est, imminens: infra solennis denarii nota addita cernitur. Aversa nummi area depingit septa, sive cancellos, comitiorum, & pontem cum diribitore adstante, qui tabellam porrigit civi togato, alio item togato suffragium ferente per tabellam, cistula injectam. Appositum legitur nomen: P. Nerva. In superiore arcæ hujus parte aliquod pecusculum, quod tamen Fulv. Ursino sive non visum, sive studio omissum, comparet. Hactenus ipse Autor noster, qui nummum *Licinie* genti vindicat, & in Legis *Licinie* sumptuariæ memoriam excusum olim fuisse, subjicit. Quibus proœmii quasi loco prolatis, sumptuam hujus Legis, quæ in plebisque cum *Fannia* convenit, enarrat, & dierum, in ea exceptorum, signum esse lunam crescentem, conjicit, quæ conjectura ne fundamento destituta videatur, Cel. *Havercampum* in partes vocat, quippe qui observavit aliquando, plures utique superesse familiarum Romanarum denarios, in quibus luna crescens denominationem mensium & principia significet. Per bellatricis Romæ imaginem, quæ in nummo oculis sese offert, nihil aliud intelligendum putat doctissimus Autor, quam frugalitatem veterum, causamque, cur ad ritum suffragia ferendi in comitiis nummus respiciat, ex *Macrobio* suggerit. Ad quadripedis autem figuram quod attinet, parum verisimili *Havercampi* conjecturæ opponit longe probabiliorem, hæc dum illa denotari, acute docens. In *secunda Dissertatione* pertractatur*

tur difficillimum illud, at jucundissimum tamen, argumentum, *de Puteali Scribonii Libonis*. Jam aliquo abhinc tempore in dissolvendis his nodis vires ingenii exercuerunt Antiquitatum peritissimi Jureconsulti, *Theod. Regner. de Bassen, Christoph. Ludov. Crellius, & Henr. Theod. Pagenscherus*: inter quorum vero labores sine controversia præcipuum locum tenet eruditissima *Crellii* Dissertatio, Vitembergæ A. 1729 publice defensa. Videri ita nonnullis posset Iliada post *Homerum* scripsisse Consultissimus *Conradi*. Sed aliter longe se res habet. Legenti enim hæc scripta, dubia quædam subnata fuerunt, quæ nunc communicavit cum Lectoribus, insertis hinc inde observationibus, haud sane vulgaribus, quibus Autores antiqui Latii emendantur explicanturque. Cum primis autem certioribus, quam quidem a *Salmasio* factum, argumentis ostendere annulus est Vir elegantissime doctus, tot inter putealia duo omnino ad posteritatis memoriam mansisse celebriora, vetus alterum, loco illi, quo Navia cos olim defossa, postea etiam fortassis fulgure attacto, impositum, alterum recentius, a *Scribonio Libone* factum. Locum utriusque putealis paulo investigat accuratius, vetusque illud a *Julio Cesare* sublatum esse negat, & *Plinii* verba, ex Historia naturali deprompta: *ara inde sublata est*, corrigenda, legendumque potius opinatur: *ea, illa, vel ut ea* inde sublata est. Ad puteal olim juratum esse a iudicibus, non satis constare dicit, quamvis ea *Rævardi, Puteani, Sigonii*, aliorumque, sententia fuerit. In nummis antiquis, in quibus *Libonis* puteal exhibetur, per inscriptionem: *Bon. Event. Libo.* felicem eventum, quo *Augustus* cuncta, civilibus fessa discordiis, nomine Principis, sub imperium acceperat, *boni eventus* Numine significare voluisse *Libonem*, conjicit: coronam vero & lyras, utrinque appensas, quæ in puteali conspiciuntur, tanquam ornamenta aræ accessisse, existimat, & sub finem, *Morellium* ingenio dedisse aliquid, monet, dum in nummo quodam gentis *Julia* legit: *Clem. Cesar. Puteal.* Tertio loco comparet *Fragmentum Legis antiquæ, de recensu populi frumentationis causa agendo, & de tutela viarum locorumque publicorum in urbe Roma, prolatum.*

latum. Acceptum illud refert Autor noster Clarissimo Viro, Mich. Maittaire, qui Londini nuper, *Briani Fairfax* beneficio, duas antiquas edidit Inscriptiones, Græcam alteram, Dorica dialecto completam, & agri, quem Heracleenses *Baccho* consecra-
verant, dimensionem & fines exponentem: alteram Latinam, insigne scilicet Legis Romanæ fragmentum, adhuc incognitum quidem; sed rerum tamen cognitu dignissimum plenum. Ipsam tabulam, de cujus antiquitate Græca inscriptio fidem facit ex direptione Heracleæ, anno A. V. C. 559, a Consule, *M. Acilio Glabrione*, in bello adversus *Antiochum*, expugnatæ, Romanam fuisse in ærarium perlatam, ac postea legi in altera parte vacua incidendæ intervenisse, haud infeliciter suspicatur Amplissimus Editor. Quanquam autem ille soli Legis Romanæ fragmento lucem constituerit affundere; has tamen Inscriptiones, Londini divulgatas, cum in paucissimorum versari manibus sciat, utramque exhibuit, adjectis alteri notis & conjecturis suis, raram ubique doctrinam redolentibus. In fragmento Romanæ Legis principium, cum magistratus, qui tulit eam, nomine, deest. Videtur hæc tamen, non longo tempore post *C. Semprenii Gracchi* interitum promulgata. Primum legis caput est de recensu populi, frumentationis causa agendo. Secundum de cura viarum in urbe muniendarum, Ædilibus commissa, agit. Tertium fragmenti caput de plaustris interdiu non duendis intra urbem præcipit, quartoque de locorum publicorum cura, ne quis ea possideat, neve in illis ædificia vel nova exstruantur, vel antiqua extendantur a privatis, præcipue vero de porticibus publicis, cautum est. Ultimo tandem capite de usufructu vectigalium, publice a publicanis conductorum, magistratum constituisse, monet Celeb. *Conradi*, & non modo passim Autores antiquos, Jurisque Romani leges, illustrat, verum etiam observationes affert quamplurimas, nec ubique obvias, quas, cum instituti nostri ratio, ut multi sinus in recensendis iis, non patiatur, Lectoribus, harum rerum cupidis, merito commendamus, & unicuique uberrimos exinde fructus, voluptatemque prorsus insignem, certissime pollicemur. *Dissertatione quarta*, quæ est ultima, cura secunda in gesta *Ravennensis*, quibus *Instrumentum*

plenaria securitatis allegatum est, exhibentur. Dixit Cel. Autor de illo plura in secundo Parergorum Libro, cujus nuper summam Lectoribus Annalium nostrorum indicavimus. Nondum ad manus tunc temporis erant, cum in argumento hoc illustrando occupatus esset Vir Consultissimus, Scipionis Maffei, Illustris Marchionis, Historia diplomatica, pariterque Inscriptiones antiquae, ab eximio Florentiae Patricio, Jo. Baptista Donio, collectae. Postea vero copia ipsi facta est utriusque evolvendi Operis, ex quo eum simul fructum se tulisse profitetur, ut, conjecturas suas, & criticas annotationes, haud infelices plurima ex parte fuisse, animadverterit. Pauca tantum ei nunc displicent, in quorum locum ex Duumvirorum, quos diximus, chartis meliora hic, & in altiori verisimilitudinis gradu collocata, substituit. Atque haec de tertio Parergorum Libro sufficiant. Quod reliquum est, impense rogamus Ampliss. Autorem, ut aliquando Julio quoque Paulo, ab injuriis Criticorum vindicato, sedem in Parergis suis perpetuam concedat, ne, quod paucis huc usque e civibus nostris usui esse potuit elegantissimum Opusculum, a reliquis frustra in posterum quærat, nec ipsis exteris, qui non possunt non præclaris ejus applaudere laboribus, ignotum plane incognitumque maneat.

COMPENDIUM ANATOMICO-OECONOMICUM, ea omnia complectens, quæ ad cognitam humani corporis ækonomiam spectant; cui, quo clarius elucescat, quanti sit Anatomia in Medicina, tam diagnostica & prognostica, quam practica, adjiciuntur prælectiones, laxum & strictum fibræ animalis statum, acescentem & alcalescentem fluidorum dispositionem, actiones medicamentorum, morbos calculosos, artem obstetricariam, & proximas mortis causas, Anatomicis principiis exponentes, in usum Academiæ Oxoniensis constructum a FRANC. NICHOLLS, Med. D. C. M.
L. S. F. R. S. & Præl. Anat. Oxon.

Londini, impensis Joannis Clarke, 1738, 4 maj.

Plag. 10 $\frac{1}{2}$, cum Tabb. æn. 7.

Tabularum more in synopsi totam artem concinne admodum complexus est Autor. Ingenio plurimum in hac re valuit, & rerum ordines per genera & species divisit, antiqua etiam Medicorum placita cum recentioris temporis demonstrationibus feliciter conjunxit. Salium alcalium & acidorum indolem, qua causæ sunt morborum, qua medicina, instauravit. Fibræ animalis habitum, actiones ejus in humores, humorumque impetum in animale fibram, ad *Bagliivi* mentem, & proprium animi caput, explicavit, qua ratione ex eadem nunc homogeneæ, sed diversissimæ indolis, nunc heterogeneæ, partes, & denique totum corpus humanum, coalescat, exponens. Hinc omnem Anatomem aggressus, & vulgaria recensuit, inque Tabulis exposuit, & oppido rara. Anatomem animalium cum humana eleganter comparavit. In Ligamentorum doctrina, præter consuetam, exponuntur ligamenta elastica, sicut in alis avium, in collo dorsoque brutorum, ita & in homine. Talia sunt intervertebralia, in margine acetabuli coxendicis, ipsaque arteria omni. Est enim ad Autoris mentem membrana quædam, in arteriis, media, *ligamento elastica*. Periosteum aliquod in tubis ossium internis est, ipsam medullam investiens. Novum articuli, sine motu contingentis, genus eidem est Schindulesis, exemplo vomeris ossis narium. Novos quosdam in ossium capitis historia inducit terminos. Sinus sphenoides eidem *basilares*, processus, ex quibus cellule ethmoides constant, *papyracei*, dicuntur, sicut & processus in osse petroso, qui palatum respicit, *salpingeus* nominatur. Ceteroquin in enarratione ossium, quoad terminos, frequenter novus est. Vesicam urinariam forma elliptica depingit, quam nuper admodum Acta Petropolitana descripserunt, omnino, dum urina turgit, sphericam esse. In enumeratione tunicarum, quibus intestina fiunt, diversus est ab omnibus. Nominat enim membranaceam, muscularem, vasculosam, villosam; ast cellulosas prorsus negligit, forte quod tunicas esse neget; nam ignorasse haud potuit. Allantoidem & urachum homini denegat. De mor-

tis causis, quod proximum eidem ab œconomiz animalis descriptione est, ita pronuntiat: Morimur, si desit fluidi quantitas, itidemque si fluida condensentur, quo per minima vascula propelli haud possint, si vasa strangulentur, & sanguini humoribusque pervia haud sint, si vasa majora comprimantur, quorsum Hydropem & Peripnevmoniam refert, si nervi præcludantur oculus. Causas morborum a fibra laxa refert ad ætatem juvenilem, dispositionem naturalem, venerem nimiam, animi pathemata, somnum, vasorum vacuitatem, quietem. Stricta autem fibra est a dispositione naturali, ætate provectiore, animi pathematibus, aere, alimentis. Acidum & alcali tachenianum in sanguine quaritur, & in Tabula describitur. Medicamentorum effectus in corpore humano itidem in Tabula disponuntur, & universum negotium ad duo summa capita, alterantium & evacuantium, reducitur. Morbos ossium ita explicat. Ossium ligamento distinctorum coalitus est ancylosis, tumores sunt Exostosis, Tophus, Gomma. Mollia fiunt ossa in Rachitide, spina ventosa. Cariosa existunt ab acredine venerea, scorbutica, aliisque, quæ extus & intus accidunt. Fracturæ sunt simplex & composita, cum speciebus suis subordinatis. Morbos calculosos ita disponit: vel molliter concresecunt, quo termino omnes tumores tunicatos complectitur, vel durius. Bilis calculos in hepate & vesica fellea, urina calculos renum & vesicæ, præstat. Morbos gravidarum & puerperarum concinne admodum explicat. Spectant illi fecunditatem utriusque sexus læsam, & ipsius conceptus formam, ut verus ille sit vel spurius; gestationem fœtus lædunt affectus, qui durante graviditate ingruunt, partumque vel præmaturum, vel in termino contingentem, spectant. Difficilis est partus vitio uteri, vitio embryonis, eo quod vel male collocetur, vel mortuus habeatur, hinc & secundinarum vitio varia fiunt. Morbi post partum contingentes spectant matris uterum & lochia. In omnibus breviter & eleganter admodum egit.

*D. ALBERTI HALLER, MED. ANAT.
Chir. Botan. Prof. Publ. Ord. in Academia Regia Georg.
Aug.*

Aug. Descriptio fœtus bicipitis, ad pectora connati, ubi in causas monstrorum ex principiis Anatomicis inquiritur. Cum Figuris.

Hanoveræ, sumtibus hæredum B. Nic. Fœrsteri & filii, 1739, 4 maj. Plag. 7, cum Tabb. æn. 5.

Celeberrimus Autor, cujus alias de naturali corporis humani fabrica egregia exstant merita, nunc etiam in ejus cognitione ex monstrosa structura sub accuratius judicium vocata proficere amplius elaboravit. Ipsa hæc Dissertatio, quæ monstri fœtus descriptionem complectitur, in Diario quodam Helvetico jam ab aliquot annis legitur. Postea vero Cel. Autor aliorum etiam observationes diligenter comparavit, neque minus ejusmodi non naturalis fabricæ originem & rationes cum cura & majori otio eruit, ita, ut ea omnia cum Tabulis æneis prelo iterum putaret committenda. Quoniam autem novam editionem varia impedimenta retardarunt, atque interim Winslovii prodiit Dissertatio, qua eandem de monstrorum ortu sententiam proponit, quæ Nostro, nemine consulto, primum in mentem venerat, ne summo Viro illam surripuisse videretur, singula descriptionis suæ, A. 1735 ante editam Winslovii Dissertationem jam publicatæ, verba, paucis mutatis, servavit, ea vero, quæ ad illustrationem factura videbantur, seorsim annotationum forma subjecit. Exposita igitur partus, quo defuncta mater erat, difficultate, commemorat, fœtum illum fuisse puellas duas, ex muliere infanz sortis natas, statura vero ætati suæ convenienti, capillis copiosis, unguibus perfectis, forma certe facierum satis venusta præditas. Sinisteriorem vero fuisse paulo perfectiorem, majoremque, quam dextram, atque ejus caput vitæ, ut dixerunt, signa edidisse, cum reclinatum vi magna caput dexterius in ipso partu expirasset; libera fuisse capita, colla, brachia, hypogastria, femora, pedesque, connata vero capita & epigastria, ita, ut, dimidiata conversione, thorax dexter cum sinistro tum anteriorem corporis universi quasi faciem, tum posteriorem, efficeret, & latus dextrum puellæ dextræ cum latere sinistro puellæ sinistræ, anterius vero latus sinistrum dextræ cum dextro sinistræ posterioris, conveniret, ideoque & brachia duo
antério-

anteriora, duo posteriora, mammarum duæ priores, duæ posteriores, essent; omnia denique adeo fuisse perfecta, ut dubitare non liceat, prout vixerant, & creverant puellæ, ita fuisse supervicturas, nisi gravi partu vitam cum morte commutassent. Quoniam itaque autoritate magistratus Bernensis factum hunc secuit, statum viscerum partiumque quarumvis internarum eo diligentius perquisivit, fusiusque hic enarravit, quo pauciores inter tot monstrorum descriptiones reperiuntur historiarum anatomicarum, ex quibus tamen multæ veritates, ex fabrica naturali non cognoscendæ, perspicui queant. In subjunctis notis, quæ maximam libelli partem conficiunt, cum alia multa egregia, præsertim quæ ad Anatomen pertinent, attulit, tum inprimis sollicite annotavit, qui similem viscerum partiumque internarum conditionem, & qui dissimilem in monstris, observarunt. Verum hæc perinde, atque Tabulas æneas, satis nitidas, perlustraturi, ipsum libellum adeant. Nos potius Autoris sententiam vel ob id inprimis, quod sit nova, paulo copiosius referemus. Antiqui fere naturam gemellos molientem, sed seminis aliquo defectu impeditam, & ad aliam fabricam indigentia aliqua coactam, accusarunt. Recentiores plerique duobus ovis, aut duobus vermiculis, in unum conjunctis, ortum variorum monstrorum adscribunt, opinionemque suam argumentis ex Autoris sententia non infirmis, hic longius enarratis, propugnant. In aliam Noster ingressus est sententiam, quæ jam antea *Duverneyo* atque *Winslowio* se probavit. Sibi enim persuadet, singularem illam fabricam in prima jam delineatione exstitisse, neque potuisse per vim externam casusve alios ex solita structura demum per corruptionem aliquam enasci. Primum vero & solum fere argumentum, quod ipsum in hanc sententiam adduxit, hoc fuit, quod cor duabus puellis unicum & commune fuisse vidit. Quoniam vero cor jam in primordio primisque foetus flaminibus adest, atque adeo ante, quam cor, nulla pars vita fruitur, propterea non fuit illud tempus, quo puellæ distinctam vitam egerunt. Unde facile intelligitur, nullum hic factum esse coactum, neque cor vi externa a solita constructione recessisse, cum ejus vulnera & passionem, quæ ad mutandam illius fabricam

eam requiruntur, omnino inortem arcessant. Verum, si primaria hæc pars, a qua omnes pendent, in sua origine recessit ab archetypo humano, reliquæ etiam tum ab eodem recesserunt, quoniam earum anomalia cum anomalia cordis archissimum nexum habet. Nullum itaque tempus fuit, quo noster fœtus reliquis fœtibus fuerit similis, sed, quam primum structus, etiam ad eam fabricam structus fuit, quam nobis repræsentavit. Fuit ergo non monstrum per casum deforme, sed exemplar novi generis creaturarum, & documentum, qua ratione divina sapientia & alias hominum formas efficere queat, in genere perfectissimas & felicissimas. Nihil enim fuit in toto corpore, quod non ad ideam suam exactum, nihil temere projectum, nihil, quod non ad bicipitem, & uno corpore constantem, speciem configuratum esset. Idem forte sentiendum esse putat de plerisque partibus, qui infami monstrorum nomine naturæ errori tribuuntur, cum potius specimina divinæ sapientiæ, se in infinitos archetypos diffundentis, dicenda essent. Argumentis vero, quibus, in prima jam delineatione monstrorum singularem existisse fabricam, propugnat, his utitur: 1) Frequenter occurrere solent partes abundantes, aut deficientes, aut transpositæ, ubi in abundantibus nulla de alio fœtu suspicio, in deficientibus nulla causa morbosa probabilis, in transpositione certæ notæ, vim omnem excludentes, adsunt. 2) Vicissim defectus interdum adsunt sine suspitione illatæ violentiæ. 3) Adsunt partium transpositiones, ubi nulla vis externa admitti potest. 4) Coalitæ partes reperiuntur frequentissime ea arte, ut casus fortuitus eo adspirare nequeat, eo sapienti consilio, ut manifesta præstituti finis indicia contineat. 5) Non raro partes quædam existunt novæ, quæ neque ex corruptione aliarum, neque casu, exortæ esse possunt. 6) In fœtibus duplicatis frequentius observantur partium maximi momenti mutua commercia, ita, ut ab uno fœtu in alterum arteriæ, venæ, nervi, &c. emittantur. 7) In paucis istis observationibus, quæ interiorē monstrorum fabricam aperiunt, fidemque merentur, exstant varia, quæ præscriptam normam, certum finem, causasque, eo directas, indicant. Ex his pariter atque contrariis,

quas antea in medium adduxerat, rationibus, inter se expensis, Noster concludit, fieri utique coalitus, foetumque, & ejus partes, ex causis etiam serius accedentibus variis modis mutari; verum & id certum esse, quod in foetibus singularis fabricæ aliisque existant partes, ad aliam normam a prima delineatione destinatae, & ad certum finem factae; videri tamen eas fabricas, ubi omnia inter se ad perfectionem novi sui generis consentiunt, ubi finium distincta adsunt vestigia, ubi partes maximi momenti atque primævæ alienam structuram præ se ferunt, ubi mutuum est partium principum inter duos foetus commercium, eas scilicet fabricas ad delineationem primam pertinere, neque ferioris injuriæ defectus esse. Et, quamvis, Deum monstra condidisse, idque directe, durum dictu videatur, attamen, cum certo etiam de partium nunc abundantia, nunc defectu, nunc mutato ordine, neque minus consensu cum præstituto fine, & corporis felicitate, ex superioribus constet, exinde etiam conditorem agnoscere contendit, cum illa sine primæva delineatione haud nasci queant, hic vero, consensus scilicet, sapientiam confluens intelligentiæ declaret. Neque durum est, individua quædam ita figurari, ut vitam vel nunquam, vel non satis felicem, vivere queant. Infinitum enim Numinis liberalitas immensam copiam seminum plantarum, ovorumque animalium, condidit, quæ causarum secundarum determinato concursu vita & fine suo destitutum iri, certo præsciebat. Quænam autem divinæ voluntatis ratio fuerit, quare ad novas has corporum idéas quædam individua præ aliis determinaverit, merito ignoramus. Non indignum tamen sine & consensu universi videtur, in elaborandis diversis archetypis ampliorem & augustiorem hominibus ante oculos positam esse contemplationem potentie sapientiæque divinæ, nullis naturæ legibus, nulla formarum necessitate, adstrictæ. Fortassis & subest aliquid, quod hominem ad meditationes de aliis corporibus, ad alias mentes, ad alias leges, sed & ipsas perfectissimas, compositis, erigat. Ita vero ortus monstrorum Noster explicat, cujus sententia, sane nova, nec ita ab nullo alio proposita, num se probatura sit multis, liceat nobis dubitare.

PHILOSOPHIA SENSUUM MECHANICA,
ad usus Academicos accommodata, opera & studio P.
F. FORTUNATI A BRIXIA, *Ord. Minor. Ref.*
Prov. Brixienfis Sac. Theologiæ Lectoris, & in Bri-
xienfi Academia Publ. Mechanicæ Professoris.

Tomi II.

Brixiae, ex typographia Joannis Mariæ Rizzardi, 1735, 4 maj.
 Tomus I Alph. 2 plag. 8, Tomus II Alph. 3 plag. 6,
 Tabb. æn. 10.

Cl. Autoris Elementa Geometrix, ad Philosophiam compa-
 randam accommodata, in *Actis A. 1736 Mens. Octobr. pag. 470*
seq. recensuimus. Iis jam succedit præsens Physicum systema,
 idque satis amplum, cuius aliquem conspectum exhibere aggre-
 dimur. Placuit Cl. Autori, illud insignire titulo *Philosophiæ*
Sensuum, cum versetur in explicandis phænomenis, quæ sensi-
 bus nostris obversantur. Mechanica Philosophia dici potest,
 quoniam de legibus motus disserit, quarum ope demum natu-
 ram rimari valemus & intelligere. Hoc itaque Opus concinna-
 turus, non eam sibi viam ineundam duxit Autor, uni alicui
 Philosophorum sectæ ut nomen daret, quod antiquos equidem
 novimus factitasse; sed ut ex omnibus sententiarum divortiis,
 studiose excussis, optima quæque, & quæ veritati maxime pro-
 pinqua viderentur, sua faceret, eclecticam philosophandi ratio-
 nem secuturus. Abhorret enim a philosophica illa tyrannide,
 qua discipuli in verba magistrorum jurare adiguntur. Inde
 procul dubio factum, ut totum Opus in Dissertationes distribue-
 rit. Ea enim ratione licuit exhibere complexum omnium eo-
 rum, quæ de argumento aliquo in utramque partem fuere
 disputata, suumque de iis iudicium interponere. Sed eandem
 ob causam fieri non potuit, quin aliquando immixtæ fuerint
 quæstiones, in Scholasticorum quidem subselliis magno olim
 strepitu agitatæ, nostris autem temporibus obsoletæ fere & ex-
 plosæ. Cui quidem operæ Doctissimus Autor egregie, quod
 pace ipsius dixerimus, parcere potuerat. Tantum vero abest,

ea propter ut dicam ei scribere velimus, ut, veritatis amore ducti, libenter fateamur, gratias ipsi deberi a naturalis scientiæ cultoribus, quod luculento hoc Opere conatus ipsorum juvare voluerit, congerendo plurima, apteque disponendo, quæ multo labore ex scriptis quamplurimis conquirenda essent. Quod autem ut plenius intelligatur, e re esse videtur, ut absque longiore circuitu ad Operis totius rationem penitus inspicendam accedamus, hancque breviter & perspicue Lectoribus nostris exponamus. *Tomi sunt duo. Prior exhibet Physicam generalem: particularem posterior. Sex Dissertationibus comprehenduntur, quæcunque ad Physicam generalem spectant. Iis autem præmittuntur Prolegomena in Physicam, lectu sane non indigna, nec injucunda, exhibentia quippe conspectum sectarum omnium, aut saltem notabiliorum, quæ inde ab incunabulis fere scientiæ naturalis, ad nostra usque tempora, viguerunt: quas inter eminent Ionica; cujus autor Thales Milesius, Italica, quam fundavit Pythagoras, Eleatica item & Academica aut Pyrrhonica, Cynica, quam cumprimis ornavit Diogenes, Stoica, cujus princeps Zeno, Epicurea, Peripatetica denique, sive Aristotelica, Scholasticaque, exinde infelici partu nata, & vix uno abhinc Seculo tantum non toti terrarum orbi imperans. Epocham sectæ, quam vocat, recentiorum ad tempora Galilei, Philosophi lyncei, refert Autor, qui, missis barbarorum hominum quisquiliis, & excusso tyrannidis iugo, alias philosophandi, & ad liquidam veritatem perveniendi, vias ingressus est. Sed Kepleri quoque nostratis meminisse hic oportebat, qui Galileo fuit coævus, summa ingenii vi conspicuus, eademque de rebus naturalibus philosophandi methodos amplexatus. Hos excipiunt Gassendus & Cartesius, quorum, posterioris præcipue, dogmata innumeros invenerunt sectatores, quos inter aliquos nominat Noster, quippe quibus plurimum debeat. Tandem quoque de secta Electiva, cujus princeps habetur Potamon Alexandrinus, pauca adjiciuntur. Quo facto, enarrantur divisiones Philosophiæ naturalis, tam laxiores, quam strictiores, nec non opera physica Aristotelis; sicque, Prolegomenis finitis, ad Dissertationes ipsas acceditur.*

Prima

Prima igitur *Dissertatio* agit de corpore physico, generatim sumto; ubi quidem statim expenditur sententia *Cartesii*, corporis physici naturam, perinde ac geometrici, absolvi sola extensione, putantis, atque a viris summis eo nomine dudum reprehensi. Monstrat Noster, *Cartesio* hac in re praeluxisse *Platonem*, omnesque Stoicos. Deinceps negat, naturam (seu, ut scholastice loqui amat, rationem formalem,) corporis physici contineri tribus ejus dimensionibus, & argumenta contraria solvere conatur. Rejicit pariter sententiam *Gassendi*, naturam (aut essentiam, vel, si mavis, rationem formalem,) corporis physici in impenetrabilitate collocantis. Suam deinceps sententiam expressurus, rationem formalem corporis physici consistere contendit in *naturali exigentia occupandi locum impenetrabiliter*. At vero nec ista explicandi ratio, quippe admodum obscura, rem exhaurit. Non videtur inspexisse unquam Cl. Autor Schediasma dynamicum Illustris *Leibnitii*, insertum *Actis* nostris A. 1695 *Mens. April. pag. 145 seq.* ubi sane veræ & genuinæ de corpore physico ideæ dantur, a Cel. *Wolffo* deinceps ulterius excultæ in metaphysico Systemate pariter ac in physico. Asserere non dubitat Autor *pag. 24*, duo corpora posse simul in eodem loco consistere, neque idcirco desinere esse *natura sua impenetrabilia*. Intime enim penetrabilia non fieri, sed tantum effectui suo naturali privari, &c. Quid est, tricas obtrudere, si hoc non est? *Secunda Dissertatio* agit de affectionibus corporis physici, generatim sumti, de magnitudine, (ubi sat magna questionum antiquarum farrago proponitur,) de divisibilitate magnitudinis in infinitum, deque atomis. Suam sententiam dicturus Autor, hac moderatione utitur, ut neget, divisibilitati materię ab humana mente limites constitui posse, quod & ipse *Cartesius* intellexisse videatur, dum materiam in *indefinitum* divisibilem asseruit. Sequuntur de motu locali, figura, situ, &c. quæ referre non interest. Questionem de *vacuo* in tres alias distinguit Autor, scilicet 1) an vacuum coacervatum repugnet; 2) an re ipsa illud habeatur in rerum natura; 3) an illud viribus naturæ obtineri possit. Negat has quæstiones a *pag. 41 ad 43*. At vero in hac ipsa *Dissertatione*,

tione, præter quæstiones ejusmodi, subtiles magis, quam utiles, occurrunt etiam verioris & realis Physicæ fundamenta, leges scilicet motus æquabilis, & notiones præcipuæ, quibus superstruitur scientia motuum. Notari debet, Autorem *pag. 59* fateri, se nescire, in quonam præcise consistat motus velocitas aut tarditas. Opportune autem accidit, ut hæc intelligenda sint de conceptu velocitatis tarditatisve metaphysico aliquo & abstrusiore, non autem de physico illo aut mathematico, quo in eruendis motuum symptomatibus ipse Autor feliciter utitur. Mirum vero, viros egregios cum spectris hujusmodi adhucdum luctari, & nodos in scirpo quærere. Porro, præter alia, quæ non attingimus, in hac ipsa *Dissertatione* agitur de motu simplici & composito, de motu corporum reflexo, de collisione corporum, & inde orta communicatione motus. Exponuntur scilicet regulæ percussionum ordinariæ, pro corporibus elasticis & non elasticis. Pauca quoque de occurſu corporum obliquo tractantur. Leges motus *Cartesiane* recensentur, examinantur, & quæ a vero alienæ sunt, refelluntur. Sequitur *Dissertatio tertia*, de principiis intrinsicis compositorum naturalium agens. Et quidem *pag. iii seq.* proponitur systema principiorum metaphysicum, quod excipit systema principiorum mechanicum *pag. 118 seq.* denique systema principiorum elementare & chymicum *pag. 134 seq.* In systemate principiorum metaphysico rursus videre est copiosam subtilitatum segetem, de materia, forma substantiali, accidentali, &c. quarum recensione non fatigabimus Lectores nostros. In systemate mechanico probare Cl. Autor satagit *pag. 119 seq.*, compositum quodque naturale exsurgere primo ex moleculis quibusdam exilissimis, inæqualis magnitudinis, diversæ figuræ, artificiose contextis, quarum aliquæ jugi motu præditæ sint, aliæ in quiete consistent. Notat tamen, corpuscula hæc ab Epicureorum atomis quamplurimum differre. Ea enim non statuit indivisibilia, & ut ita loquamur, infrangibilia. Sententiam suam comprobaturus, adducit experimenta circa divisibilitatem materiæ, capta a *Boyllo*, *Leuwenhæcio*, aliis. Ait tamen *pag. 123*, corpuscula, ex quibus composita naturalia exsurgunt,

gunt, esse substantialiter homogenea. De physica (ita loquitur) natura materię primę dicturus, pag. 127 eam collocat in eo, ut sit substantia impenetrabilis, indefinite extensa. In eo deinceps est, ut *Cartesii* sententiam de materia prima confutet. Tandem, ut de systemate principiorum elementari & chymico pauca dicamus, observandum, Cl. Autorem probare contendere, in omni composito naturali perfecto formaliter contineri quinque Chymicorum principia, scilicet sal, sulphur, spiritum, seu mercurium, terram, aquam; nec tamen ideo ea esse prima rerum principia; probabiliter autem dici posse principia mixtorum naturalium intrinseca *secundaria*. Substantiam terream se habere in composito naturali, ut subjectum; salino-sulphureo-mercurialem, ut formam; humida vero, aquosa, sive phlegmatica, ut uniculum, quo substantia actuosa simul cum terrea colligata detinetur. *Quarta Dissertatio* occupatur circa qualitates sensibiles mixtorum corporalium. Cum pag. 146 seq. de qualitatibus sensibilibus natura in genere disseruisset Cl. Autor, statim provehitur ad explicandam naturam, & affectiones luminis, utpote qualitatibus sensibilibus præstantissimę. Præliminariter autem de materia ætherea pag. 151 disserit, eamque definit per substantiam quandam subtilissimam, & summe fluidam, quę per immensa cœlorum spatia diffusa, & usque ad terrę centrum in orbem expansa, corpora quęque pervadit, cuncta ambit & penetrat, universum, *animę* instar, actuat quodammodo, atque perficit, omnium naturalium motuum origo præcipua, ac totius naturę instrumentum. Quo facto, expendit naturam lucis primarię, quo nomine illam affectionem sive qualitatem intelligit, qua corpus *formaliter* lucidum efficitur. Per lucem vero secundariam, sive lumen, qualitatem illam intelligit, quę per medium diaphanum a corpore luminoso quoquoeversum diffunditur, eaque mediante, opaca quęque corpora proxime visibilia redduntur. Lucis primarię naturam satis apte collocari putat in rapidissimo subtilium partium ipsius corporis, quod luminosum dicitur, motu. Pag. 156 seq. agit de natura luminis, sive de propagatione lucis. Ut inter plurima opinionum discrimina statuere quidquam ipsi liceat, primo observa-

servationes quasdam in medium affert, ex quibus conficit *pag.*
160, probabilissimum esse, lucis propagationem fieri per motio-
 nem quandam, pressionemque rectilineam materiæ æthereæ.
 Lumen igitur a materia ætherea *materialiter* non differt, sed
formaliter est certa pressio rectilinea hujusmodi subtilissimæ
 substantiæ, a lucido corpore proveniens. Deinceps Cl. Autor
 progreditur ad Luminis phænomena explicanda, & primo qui-
 dem de ejus propagatione successiva, non instantanea; de ejus
 intensitate; quam, notum existit, sequi inversam rationem du-
 plicatam distantiarum a luminoso; deinde de opaco, & diapha-
 no; de ejus illuminatione; de umbra; iterum, de reflexione lu-
 minis in speculis diversæ figuræ, refractione per lentes varias, ac
 dispersione, agit. Paucis, totius Opticæ, Catoptricæ, & Dio-
 ptricæ, principia succincte hic tradidit. De Coloribus deinceps
 acturus, præcipuas ea de re Philosophorum sententias expo-
 nit. Refutat *Cartesium*, qui, colores produci, defendit, ex motu
 recto & circulari globulorum secundi elementi, seu materiæ
 æthereæ. *Pag.* *201* pronuntiat, hypothesein colorum *Newtonia-*
nam non videri admittendam, & quædam contra eam argumen-
 ta profert, quæ quid habeant roboris, judicent alii. Tandem, ad-
 ducta quoque Cl. *Rizzetti* hypothesei, quam & ipsam impugnat,
 suam proponit, licet non novam, quod ipse quidem fatetur.
 Consistit hæc autem in eo, ut colores dicantur nihil esse, nisi mo-
 dificationes luminis variæ, hoc est, consistere in variis lucis cum
 umbra mixtionibus. Ait itaque Autor *pag.* *207*, non sine ma-
 ximâ probabilitate dici posse, *flavum* colorem emergere, si tres
 sint partes lucis, & una umbræ: *rubrum*, si lux duplo major
 sit umbra; *viridem*, si tot pæne radii luminosi, quot umbrosi,
 resiliant; *cæruleum*, si duæ sint partes umbræ, & una lucis; ac
 denique *violaceum*, si unus tantum radius lucis, & tres umbrosi,
 vibrentur. Vereimur autem, ut nostra tempestate hæc expli-
 candi ratio quosdam adhuc sectatores nancisci possit. Exposita
 luminis natura, progreditur ad naturam soni *pag.* *209* seq-
 eumque collocat in motu tremulo exiguarum partium corpo-
 ris sonori. De propagatione & celeritate soni affert notatu di-
 gniora, aitque *pag.* *213*, optime concludere Cl. *Zanottum*, quod
 sono-

sonorum magnitudines sint inter se, ut facta ex aeris densitate in ejus elasticitatem, unde varias deducit consequentias. Quæ sequuntur de sonis gravibus & acutis, de consonantiis & dissonantiis, vibrationibus chordarum, tuba vocali, seu stentorophonica, &c. copiosius recensere, opus non est. Hanc tractationem excipiunt aliæ, de qualitatibus tactibilibus, de saporibus, odoribus, denique de vi corporum elastica, & qualitatibus occultis. Hæc a *pag. 219* ad *254*. Inferuntur quædam *pag. 234* de vacuo disseminato, quale cum *Gassendo* adstruere Noster conatur, licet, uti supra vidimus, vacuum coacervatum neget. Corporum vim elasticam probabiliter oriri contendit *pag. 251* a fluido *elastico*, intra ipsorum poros incluso. Sed quid, si quis ex Doctiss. Autore quæreret, undenam originem trahat elasticitas fluidi, corporum poris inclusi. Tandem *pag. 254* & *255* in eo est, ut cum qualitatibus occultarum portentis, e. g. antipathia, sympathia, antiperistasi, ideas aliquas conjungere doceat. Ipse enim agnoscit, effectus omnes, qualitatibus occultis alias attribui solitos, proficisci unice ex mechanicis exiliis molecularum affectionibus, magnitudine nimirum, figura, & motu. Sed satis de hac Dissertatione. *Quinta Dissertatio* agit de motibus internis mixtorum naturalium, primo scilicet de generatione substantiali mixtorum, *pag. 256 seq.* quam fieri probat per meram unionem & artificiosam connexionem corpusculorum præexistentium. Subjiciuntur quædam de fermentatione & maturatione, cum secundum Autorem natura, mediante fermentatione, composita omnia producat, & maturatione perficiat. Fermentationem produci asserit a particulis elasticis, mixto inclusis, perinde ac maturationem, quam in eo motu ponit *pag. 261*, quo crassiores mixti particule leniter attenuantur, & cum actuosis & vividis debite miscentur, unde mixtum perfectum efficitur. Quæ sequuntur, agunt de corruptione substantiali, putrefactione, combustionem, inflammationem, incinerationem, calcinationem. Ea excipit tractatio de motu transpirationis, seu de corporum effluviis, *pag. 272 seq.* ubi inprimis adducuntur observationes *Sanctorii* circa insensibilem transpirationem corporis humani. Tandem differitur de mo-

tu rarefactionis & condensationis, (ubi simul de raro & denso,) de corporum compressione, deque motu liquefactionis & consistentiæ. Hæc a pag. 278 ad 283. *Sexta* denique, eaque ultima, *prioris Tomi Dissertatio* utilissimum de motu gravium fluidorum & solidorum argumentum continet. Incipit Cl. Autor ab eo, ut inquirat in causam effectricem descensus gravium, seu gravitatem. Itaque more suo celebriores Philosophorum opiniones primo considerat, suam deinceps propositurus, rejectis aliis omnibus. Novam autem suam explicandi rationem dicit, ex hydrostaticis quibusdam principiis desuntam, quæ cum phænomenis & legibus naturæ ipsi videatur egregie congruere. Eo autem redit, ut descensus gravium probabiliter oriri dicatur a liquida quadam substantia, quæ, datum punctum, quod commune eorum (gravium scilicet) centrum dicitur, ambiens, ab eo quoquoque versus secundum lineam rectam recedere nititur. Vide pag. 295 seq. Post absolutam hanc explicationem, graviter invenitur contra attractiones *Newtonianas*, & loco appendicis ad hanc materiam subjungit brevem conspectum theoriæ de viribus centralibus gravium, in gyros actorum. Sequitur tractatio de libero gravium descensu, ejusque acceleratione, ubi primo recensentur experimenta, a *Galileo* & *Ricciolo* capta, deinceps omnia demonstrantur a priori, ea ipsa methodo, qua usus est *Galilaus*. Et, ne quid desit eorum, quæ ad motum gravium acceleratum quodammodo spectare videntur, subjiciuntur quædam de ictu, quo gravia cadentia corpora subjecta percutiunt. Igitur pag. 313 recensetur notum illud *Cel. Poleni* experimentum, quo deprehensum est, si duo corpora, volumine æqualia, sed pondere diversa, demittantur ex altitudinibus, quæ sint reciproce ut pondera, ea corporibus mollibus, e. g. sebo, foveas æquales imprimere; unde ipse Autor conficit pag. 314, vires vivas corporis cadentis æstimandas esse per factum ex massa in quadratum velocitatis. Sed mirari jure subit, qui Vir doctus pag. 315 iterum fluctuare incipiat, ita fere ratiocinans: Cum non omnis motus corporum in rerum natura sit uniformiter acceleratus, adeoque celeritates in spatiorum ratione subduplicata, perspicuum manet, legem naturæ universalem non esse, quod

quod vires corporum motorum cum *Leibnitio* mensurari debeant per massam in quadratum celeritatis ductam. Quasi vero natura sibi tam parum constaret, ut in motu corporum accelerato alias virium leges sequatur, ac in quovis alio. Sed annon Vir Cl. legit demonstrationes *Bernoullianas*, *Hermannianas*, aliasque, e longe aliis fontibus petitas, semper tamen unam hanc eandemque vires vivas æstimandi rationem constantissime producentes? Ast revertamur ad institutum nostrum. Igitur in sequentibus agitur de motu corporum in planis inclinatis, quæ omnia, mutatis mutandis, ad descensum in curvis referri possunt, ut constat. De iis igitur, non est, ut fufius dicamus. Lapsu forsan calami factum, ut *pag. 322*, ubi de linea celerrimi descensus *ὡς ἐν παράδειγμα* sermo est, Cl. Autor posuerit, illud Problemata ab *Hugenio* esse solutum, qui tamen eo tempore vivis jam excefferat. Agitur deinceps de suspensione & sustentatione gravium, ubi de centro gravitatis, & de motu pendulorum, traduntur summe necessaria; motus etiam projectorum expenditur: ubi stabilitur principium Ballisticæ; nec minus *pag. 337 seq.* agitur de motu corporis impresso a motore translato. Quo facto, incipit tractatio statica, ubi de potentiis & instrumentis mechanicis. Eam excipit Hydrostatica, & quædam propositiones ex Hydraulica, scilicet ex, quæ fluxum liquorum ex foraminibus vasorum, & tuborum depletionem, respiciunt. Nec minus differitur de aeris pondere & æquilibrio, deque causa suspensionis Mercurii in tubo *Torricelliano*, iisque motibus, quorum causa olim rejiciebatur in metum vacui. Sed satis de *Tomo primo*; ad *secundum* continuo pergamus.

Disponitur autem *Volumen* hocce in *Tractatus tres*, quibus comprehenditur universa *Physica particularis*. *Primus* inscribitur de cælo & mundo, absolviturque *quatuor Dissertationibus*. *Primæ Dissertationis* argumentum est de sphaera mundi, adeoque traduntur Astronomiæ & Geographiæ principia. Agitur enim de figura mundi, de circulis sphaeræ, de longitudine & latitudine geographica, de triplici sphaeræ positione, de zonis, climatibus, divisionibus incolarum terræ, &c. Hæc a *pag. 3* ad *43*. Quæstionem de figura telluris attingit, argumenta

præcipua, quæ pro utraque sententia militant, in medium afferendo. Suum vero iudicium de re dubia hæcenus suspendit. Negat tamen, ex eo concludi posse Terræ figuram sphæroidico-latam, quod pendula tardius moveantur sub æquatore, quam in terris borealioribus. Effectum enim hunc unice provenire posse ab aucta penduli longitudine per intensum caloris gradum. Negat pariter contra alterius sententiæ promachos, ex dimensionibus in productione Meridianæ per Galliam factis, adstrui posse hypothesein sphæroidis oblongi, cum non constet, an solertissimorum cetera virorum operationes ab omni penitus errore immunes fuerint, instrumentaque ejus indo'is, ut a nulla aeris temperie vitari potuerint. Plura de hac Dissertatione non addimus. *Secunda Dissertatio* agit de mundi systemate. De qua scire volumus Lectores nostros, quod de tribus celebrioribus systematibus, *Ptolemaico*, *Tychonico*, *Copernicano*, perquam copiose tractet. Nescimus autem, an plerique approbaturi sint, quod tot argumenta contra systema *Copernicanum* congerere annis sit Cl. Autor, illaque enervare, quæ præclarissimum systema mirifice adstruunt. Sed facile crediderimus, id eam ob causam fieri debuisse, quoniam ordini sacro adscriptus est, adeoque decretis Congregationum adversari non audet. Concludit tandem, systema *Copernicanum* admitendum esse ut hypothesein, quæ conspiret cum phænomenis astronomicis, minime vero ut thesin aliquam. Ita, novimus, imperasse Ecclesiam Romanam. Systema vero *Tychonicum* sibi *videri Copernicano* præferendum, pronuntiat. *Dissertatio tertia* speciatim de astris agit, de Sole scilicet, Luna, Luminarium Eclipsibus, Planetis superioribus, inferioribusque, eorum distantis & magnitudine, de stellis fixis, de ortu & occasu siderum, de causa motus siderum, tandemque de Cometis. In qua uti multa occurrunt recte doctèque exposita, ita nonnulla observavimus, quæ nescio quam in philosophando *timiditatem* arguunt. E. g. pag. 97 ita loquitur Autor de incolis Lunæ: *De iis queri potest, utrum in Adamo peccaverint; an ad gloriam destinati sint; num suis, vel Christi, meritis beatitudinem consequantur. Alia certe providentia*, (ita inscius dubiis egre-

gie

gie respondet,) *debet esse erga illos, qui non sunt ex Adamo geniti. Hac, aliaque absurda, expendant Catholici. Ratum enim habeo, Lunares populos non nisi ab iis admitti posse, qui, ut male sentiunt in fide, ita perperam de rerum natura philosophantur.* Negat, circa Lunam dari atmosphæram, argumenta, quibus eam adstruere conatus est Cel. *Wolffius*, oppugnans. De causis motuum astrorum physicis systemata celeberrima copiose proponit, & quæ iis objici possint, indicat. Ipse interim Cl. Autor ingenue suam hac in re ignorantiam *pag. 133* fatetur. Cometas cum recentioribus *pag. 147* pro errantibus quibusdam sideribus habet, a ceteris astris natura quidem dissimilibus, sed ab initio simul cum aliis conditis, quæ certa constantereque periodo peculiare orbitas describunt, stisque subinde temporibus in mortaliū conspectum veniunt. Sequitur *Dissertatio quarta*, quæ occupatur in eo, ut exponat scitu maxime necessaria de tempore, ejusque partibus, stabiliatque Chronologiæ principia. Igitur iis copiosius recensendis supersedemus, ne limites transgrediamur. Pari ratione recensione *Tractatus secundi* breviter defungi liceat, qui *duabus Dissertationibus* absolvitur. *Prima* agit de partibus sphære elementaris, ea quidem ratione, ut primo determinentur partes sphære elementaris, deinceps de globo telluris, & phænomenis, in ejus superficie contentis, differatur, tertio exponatur natura aquæ, ubi de mari, de fontium origine, thermis & aquis mineralibus, tandemque inquiretur in aerem, & terrestrem atmosphæram, ubi de natura & origine vaporum & exhalationum. *Dissertatio secunda* ea pertractat, quæ spectant ad meteora omnis generis, spirantia, seu ventos, aquea, ignea, emphatica. Unicum notamus, Clarissimo Autori probabile videri *pag. 306*, quod *aurora borealis* oriatur ex tenuissimis terræ halitibus, qui, in sublimiorem aerem eVecti, refractos in atmosphæra terrestri solis radios excipiant, & in nos regerant, idque fortius vel debilius, pro diversa ipsorum indole. *Tractatus* denique *tertius*, isque ultimus, agit de corporibus viventibus, in octo *Dissertationes* distributus, quarum contenta paucissimis indicabimus, finem nostræ recensione facturi. *Pri-*

ma inscribitur de vita vegetante, sive de plantis, ubi expenditur, quid viventis nomine intelligendum sit; quæ plantarum sit structura & generatio; quæ earum nutritio & augmentum. *Secunda* verlatur circa animam sentientem, seu partem hominis sensitivam. Ibi itaque traditur anatome compendiaria partium solidarum corporis humani, de partibus ad sensationem spectantibus, sive de cerebro, nervorum propagine, & spiritibus. Tandem de animis belluarum differitur, excutiturque quæstio celebris, an belluæ mera sint automata, an vero cognoscendi aliquo principio polleant; de qua cum argumenta in utramque partem proposuisset, concludit tandem pag. 372, probabilius esse, belluas nulla cognoscendi & percipiendi vi polleere, sed eas pura esse automata. *Tertia Dissertatio* agit de sensibus externis, visu, ubi oculi structura exponitur, de triplici visione, directa, reflexa, refracta, de sensibus auditus, gustus, olfactus, tactus. *Quarta* de sensibus internis. *Quinta* de motu animalium spontaneo; ubi de muscutorum structura & motu in genere, item de animalium incessu, volatu, reptatu, &c. *Sexta* de parte hominis vitali; ubi de structura & motu cordis, deque sanguinis circulatione, de respiratione, & ejus organis. *Septima* de parte hominis naturali, prout a genitali distinguitur; ubi de chylosi, ejusque organis, de hæmatosi, ubi plura ad sanguinem pertinentia explicantur, nec non de animalium nutritione, fame, & siti. *Octava* denique de generatione animalium; ubi primo de generatione animalium, quæ vulgo imperfecta dicuntur, deinde de generatione animalium perfectorum, tandemque de formatione humani fœtus in utero materno, deque illius nutritione, augmento, & partu, luculenter differitur.

DE FUNGIS EX SILICE NASCENTIBUS
Observatio JO. LUDOVICI ALEFELD,
P. P. Giessensis.

Plantas quasdam, interque eas etiam fungos, vel lapideæ, vel alterius cujusciam, substantiæ, a materia vegetabilium, quarum

rum tamen naturam imitantur, valde diversæ, in rupibus præcipue marinis nasci, hodie satis certum, & a rei etiam herbariæ scriptoribus pridem annotatum est. Simile quid & nobis extra maris undas observare nuper licuit; quod, quoniam a nemine adhuc commemoratum legimus, in gratiam naturæ curiosorum paucis describemus. Inter *Silices*, quorum magna apud nos copia est, mense Julio superioris anni multos diversorum colorum, albos, nigros, rubros, cæruleos, virides, violaceos, &c. reperi, qui primo obtutu in parte extra terram prominente candido quodam pulvere conspersi videbantur: cum vero, microscopio adhibito, acrius eos intuerer, pulvisculos illos *fungos* esse deprehendi, unius ejusdemque omnes speciei, figura & colore terrestribus simillimos. Sunt enim *albi*, *pediculo vel nullo, vel brevissimo, capitulo globoso, pileolo rotundo & umbilicato, in superiori superficie striis seu sulcis admodum conspicuis, a centro ad peripheriam excurrentibus, signato, & margine extremo paululum elevato*; ut adeo tota illorum forma externa patellam murrinam, e qua calidam sorbemus, cui vasculum minus, seu catillus, inverse est impositum, referat. *Substantia* fungorum duplex est, alia *externa & corticalis*, qua extrinsecus velut vestiti, alia *interna & quasi medullaris*, qua penitus repleti sunt. Illa alba, mollis, & quodammodo tenax, qualis fere in fungis terrestribus esse solet, hæc vero rubicunda & ceruminosa est, magisque areculas tenuissimas, humore quodam conglutinatas, quam corpus aliquod continuum, repræsentat; rupto tamen vel ablato forte exteriori cortice, *globulos rotundos*, & quasi baccas, exhibet, quæ a lævi superficie lumen incidens, ceraforum instar, fortiter reflectunt; quanquam, si exaruerint, obscuriores, duræ, & in medio depressiores, fiant, striasque cum umbilico in stellæ fere formam superne exsculptas ostendant, hincque colore & figura trochiscis e succo liquiritiæ, quibus signum aliquod impressum est, perquam similes appareant. Qualis autem sit utriusque generis *materia*, ex iis, quæ observationibus & experimentis plurimis explorata habeo, judicari aliquo modo poterit; quorum præcipua tantum hic subji-
cio. Fungi ipsi per tempus bene longum *durant integri &*
ind.

inmutabiles, ut intra illud nec putrescant, nec corrugentur aut flaccescant: nam ii certe, quos una cum silicibus, quibus inhzrent, jam ultra quintum mensem domi habeo repositos, quantum oculorum judicio cognosci potest, nullam in hanc usque diem mutationem passi sunt. Aridiores tamen durioresque temporis successu fiunt, ut *aqua macerari* aut emolliri *nequeant*, & in pulverem triti, *crepitent sub dentibus*. Ab *aqua forti*, *spirituque acido*, non corroduntur neque corrumpuntur. *Calorem* pariter ac *frigus* satis intensum sine ulla sensibili alteratione sustinent, etiamsi vel centies iis exponantur. Quodsi vero ipse *ignis halitus* aut *flamma* immediate eos attingat; ruunt, ita, ut pilcolus defiliat, globulique rubri, de quibus modo dictum est, operculo nudati in conspectum prodeant, petiolo & parte capitelli reliqua illæsa. Idem fere accidit, si silices *aquæ ad ignem ferventi* aliquamdiu immittantur; nisi quod tunc substantia rubicunda medullaris maximam partem explodatur dispergaturque. Denique, si lapis igne *forti candesciat*, destruuntur quidem fungi, sed fragmenta tamen corticis externi, velut testulæ ollarum confractarum, confuse sparsa remanent, colore tantum in cinereum mutato. Ex his aliisque, quæ lubens jam prætereo, argumentis satis certo colligitur, substantiam fungorum corticalem *non esse vegetabilem*, sed ad *lapidum* potius *naturam* proxime accedere; quapropter etiam plantulas istas inter *lithophyta*, saltem latiori sensu accepta, referre nullus dubito. Omitto nunc brevitatis studio permulta alia, quæ notatu digna observavi, eaque prolixiori descriptioni servo; id unum adhuc addens, me non semel etiam *animalcula* exigua rubri coloris circa silices his fungis confitos hærentia, eosque, ut verisimile erat, depascentia, invenisse; quod mirum nemini videbitur, qui noverit, varii generis vermes & animalcula dari, a quibus corpora durissima, atque ipsa adeo saxa, alimenti causa exeduntur.

Tomi tertii Supplementorum ad hæc Nova Acta publicavimus haud ita pridem Sectionem IX.

NOVA ACTA ERUDITORUM,

publicata Lipsiæ

Calendis Junii Anno MDCCXXXIX.

Pars II.

Τὸ ἐν ἁγίοις πατρὶς ἡμῶν Γρηγορίου Ἐπισκόπου Νύσσης
Ἐπιστολαί Πι.
h. e.

**SANCTI PATRIS NOSTRI GREGORII, EPISCO-
pi Nyssæ, Epistolæ septem. Primo Latine vertit, & edit,
Commentariis nonnullisque animadversionibus adjectis,
J. B. CARACCIOLUS, C. R. in Pisano Lyceo Pu-
blicus Philosophiæ Professor.**

Florentiæ, typis Magni Ducis, apud Tartinium & Franchium,
1731, fol.

Alph. 1 plag. 7.

Gregorii Nysseni, Patris doctissimi, Opera & ingenii mo-
numenta, variis temporibus & in lucem prolata, & jun-
ctim edita, scimus, quibus tamen hinc inde quædam accessio-
nes sunt factæ. Atqui in his sunt omnino quoque quatuorde-
cim Epistolæ, ad varios datæ, diversique argumenti, quas cum
aliis Gregorii scriptis Alexander Zaccagnius, Vaticanæ Bibliothecæ præfectus, ex Codicibus MStis excerptas, primus Latine ver-
tit, & in publicum emisit; quibus nunc iterum Cl. Caraccioli
Audio & opera aliæ accedunt septem, illis omnino jungendæ.
Descriptæ illæ sunt e veteri libro illustris Bibliothecæ Medicæ,
quæ Florentiæ ad Divi Laurentii, qui est decimus tertius Plutei
LXXXVI membraneus, elegantibus literis exaratus, Seculi, ut

apparet, XIV; fuitque olim *Scipionis Carteromachi*, & præter hæc Epistolæ alia *Nysseni* scripta continet, de hominis opificio, de anima, de catechesi, jam Græce & Latine edita. Exscripsit eas *Antonius Cocchius*, Florentinus, Med. Doctor, Græcis literis apprime doctus, Medicinæ & Philosophiæ disciplinis eruditissimus, a quo Cl. Editor illas accepit. Epistola *prima* scripta est ad *Joannem* quendam, qua *Gregorius* de sorore sua *Macrina* quædam exponit, rerum sacrarum in Galatia cladem describit, Iboræ antislitem se invitum designatum declarat, Babyloniorum dissensiones moresque perditissimos enarrat. Epistola *secunda* hortos quosdam, Vanotas dictos, & natura mite decoros, in Galatia positos, florido stilo describit. *Tertia Abiabium* Antislitem, ut ad meliorem frugem redeat, rectorisque vitæ rationem sequatur, moderate admonet. *Quarta*, eaque brevissima, data est ad Antislites, qua eos ad preces Deo faciendas cohortatur, ut ipse ex afflictionibus liberetur. *Quinta* est sine inscriptione, & quarta adhuc brevior, nec quidquam memoratu dignum continet. *Sexta*, ad *Heraclianum*, hæreti; cum, rem Christianam ex duobus constare, docuisse Christum, tradit, ex doctrina decretorum, & ex parte morali, tres subsistentias esse in divina Trinitate, re ipsa, non vocabulis solum, distinctas, ostendit: in natura Dei, monet, quia non perceptibilis ipsa, nec dicto exponenda, nullam inesse separationem aut differentiam; bene tamen has & ordinem adesse in personis sine confusione, ac dictam fidem sacro lavacro consonam esse oportere, edocet. *Septima* denique est ad *Amphilochium* scripta, quem hortatur, ut idoneos opifices ad se mittat pro opere cuiusdam sacelli, quod moliebatur, faciendo: cuius operis ichnographiam & structuram universam accurate describit, quam Cl. Editor, ut oculis subjiceret lectorum, æri incidendam eleganter curavit. Singulis Epistolis adjecta est e regione interpretatio Latina, satis casta & luculenta, cui tamen, obscuriori maximam partem, inserviunt annotatiunculæ, singulis Epistolarum paginis subjectæ. Suus quamque Commentarius paulo copiosior sequitur, in quo doctissimus *Caracciolus* ea illustrat, quæ vel ex antiquitatibus Ecclesiasticis, vel ex historia illorum maxime

maxime temporum, vel ex Græcæ linguæ dictione, indigere quadam illustratione videbantur. Inprimis vero ad *septimam* Epistolam contra *Joannem Clericum*, mysterium divinæ Trinitatis passim infringentem, copiosius disputat. Subjungitur ad calcem Epistolarum Divi *Maximi* defensio, qua *Gregorium Nyssenum* vindicat contra eos, qui ipsum infimulabant, quod fallacem quandam immutationem status animarum in suis scriptis memorasset, quam pariter Commentario illustravit Doctiss. Editor. Tandem accedit series varietatum Epistolarum *Gregorii*, a *Zaccagnio* editarum, quas ex collatione Codicis Vaticani & Medicei observare licet, interposito de iisdem interdum judicio. In Præfatione satis fusa, præmissis, quæ tam ad Codicem harum Epistolarum MStum, quam ad vitam *Nysseni*, pertinent, causam suam perorat contra scriptorem præmii *Volumeinis quinti secunda Partis Prosarum Orationum Florentinarum*, qui *Caracciolo* in sententia de vocabulis peregrinis linguæ alicui ingerendis se opposuerat.

URIM ET THUMMIM PROPHE TARUM.

Prophetisches Licht und Recht, 2c.

h. e.

**LUX ET JUS PROPHETICUM, SIVE AC-
curata & ad mores accommodata explicatio singulo-
rum Prophetarum; cum Introductione in Apocalypsin
Joannis, viam aperiente ad enodanda loca difficiliora
Psalmorum Davidis & Prophetarum. Autore D. JO-
ACHIMO LANGIO, S. S. Theol. Prof. Hal.**

Halæ, sumtibus Autoris, 1738, fol.

Alph. 16.

Ultimum hoc est consummati Operis Biblici *Volumen*, quod Ecclesiæ exhibuit Summe Venerandus *Joachimus Langius*, Theologus Halensis, ordinis sui Senior. *Voluminum* majoris formæ, quorum recensionem *Acta* nostra exhibent, hæc est series. *Primum*, præmissa uberiore *Isagoge* in Scripturam sacram universam, Atheis, Scepticis, Judæis, ac Socinianis, opposita,

sistit *Commentarium in Libros Moſis*, cum Appendice *Antispen- ceriana*; ſecundum in *Libros Vet. Teſtamenti hiſtoricos*; tertium in *Pſalmos Davidis*, & in *Libros Salomonis*, nec non in *Danielem*; quartum in *Prophetas majores & minores*; a quo *Commentario* iſte in *Danielem* ideo fuit ſejunctus, & antecedenti adjectus, ne hujus moles eſſet juſto major. In Novi Teſtamenti Libros exſtant *Volumina tria*: primum in *Evangelistas & Acta Apoſtolorum*; ſecundum in *Episto- las Apoſtolorum*; tertium, reliquis mole longe minus, in *Apocalypſin*. Vaſtum hoc centum Alphabetorum Opus, quod non minus celeriter, quam feliciter, Summe Reverendus Autor duodecim annorum ſpatio abſolvit, mirandum ſane eſt: mirari tamen deſinet, qui, quibus ſubſidiis ipſi elaboratio ſub manibus ſucceſſerit, attente conſideraverit. Sunt ea in Præſatione ultimi *Voluminis* indicata, referenda partim ad animum, partim ad corpus. Ad animum notiſſima Philologiæ, & Archæologiæ, nec non Hiſtoriæ ac Hermenevticæ ſacræ, juvenili ætate ſatis mature & ſufficienter non acquiſita modo, ſed deinceps etiam in diverſis ſcriptis publice tradita. Huc acceſſit ſtudii Exegetici uſus, jam inde ab anno ætatis vigefimo uſque ad ſeptuageſimum continuatus, ita quidem, ut meditationes privatae cum ipſo actu docendi per annos complures fuerint conjunctæ. Nec parum debere ſe fatetur illi vitæ ſuæ literariæ conſuetudini, qua præter lectionem meditationi jam inde a juventute ſua fuit aſſuetus. Iſta enim ſibi hunc acquiſivit habitum, ut, poſthabita librorum Exegeticorum collatione operoſa, quæ tempus conſumit plurimum, *Commentarios* ſuos e ſuo propriae cognitionis penu potuerit deſumere. Ratione corporis ſortis rarioris felicitas obtigit Summe Reverendo Autori, nempe illud valetudinis integræ & nunquam interruptæ robur, quo labores hoſce ſacros, functionibus muneris Academici ordinariis non neglectis, a primo mane in ſeram noctem uſque per decem, immo duodecim, horas potuit tolerare. Ex hac elaborati Operis conſtitutione facile poteſt colligi, deprehendi in eo ingentem meletematum & obſervationum apparatus, qui in aliorum *Commentariis* fruſtra quaeritur. Et iſti ſolida-

ditatem cum ἀκριβείᾳ non deesse, lectio docet, & lectorum unanimis confessio comprobat; inprimis cum in exegesi ipsorum fontium, Hebræi ac Græci, curata fuerit habita ratio, &, supervacuis omiſſis, tractatio e textuum visceribus sit desumpta, & ita comparata, ut non solum intellectum solida instruat cognitione, sed voluntatem quoque ad praxin pietatis inflammet. Est & præter sermonis puritatem ac perspicuitatem non parum hoc Opus commendabile ab ordinis concinnitate, quæ in singulorum textuum tractatione servata est, nec non ab eo hujus modo, quo, facilioribus, emphaticis tamen, luculenta paraphrasi declaratis, & controversiis omiſſis, loca difficiliora, & ratione argumenti gravioris ponderosiora, pro emphasi sua ex instituto enucleantur. Atque ita, quod lectores, inprimis verbi divini præcones, quærunt, ad instituendas operas homileticas, sine mentis distractione, quam variarum sententiarum recensio parit, hic inveniunt.

Ad *Volumen* hoc *propheticum* quod attinet, hoc in materiis versari difficillimis, per se jam constat. Nec dubitamus, has ita esse tractatas, uti eorum, qui *Tomos* reliquos non sine approbatione & fructu se possidere fatentur, tulit expectatio. Quandoquidem enim Autor laboriosissimus suis in V. Testamentum Commentariis præmisit eum in Apocalypsin, in hac autem illud futurorum temporum mysterium, quod *Cap. X. 7, & XI. 15 seq. ἑντὼς* indicetur, & clavem hermeneuticam in abstrusiora Prophetarum loca exhibeat, penitus cognovisse sibi visus est, isti solidissima quoque a laboribus in Prophetas expectarunt: at, hæc in istis num inveniantur, aliorum judicio relictum esse volumus. Hæc ipsa vero materia, uti altioris est indaginis, ita non cujusvis quidem captui est accommodata, sed ita tamen & in se ipsa comparata, & ab Autore Venerando tractata, ut dissentienti libertas in ea locum inveniat facillimum. Non enim agit de dogmatibus, quæ ad salutis fundamentum & ordinem pertinent, sed de iis, in quibus fata futurorum temporum in ecclesia Christi per terrarum orbem inter Judæos & reliquos populos, ab Antichristianismo alienos, & ad Christum convertendos, dilatanda exhibentur, & quæ iis, quibus amplificanda

Dei gloria curæ cordique est, vel ipsa etiam appellatione sua merito est amabilis, & scrutatione dignissima. Qua in re attentione imprimis dignum est argumentum, quod ab usu antisceptico & antijudaico desumptum est: scilicet solvi hac ratione objectiones, quibus Sceptici Scripturæ sacræ autoritatem, & Judæi religionem Christianam, impugnant, & isti quidem, ut tot prophetias, quæ sine ulla veritate historica pro jam dudum impletis habentur, falsitatis arguant; hi vero, ut dicant, religionis Christianæ systema, quod impletionem jam per omnia factam urgeat, permultis Prophetarum oraculis repugnare. Ut vero lectorum operam in difficillimarum materiarum consideratione adjuvaret Autor, *Volumini* huic præmisit *Isagogen* uberiores in systema Apocalypticum, ita adornatam, ut suo se nexu momentorum catenato commendet, subjuncto usu ejus hermenevtico, quem illud in lectione ac dijudicatione rerum propheticarum, earum præcipue, quæ ad futuram operum divinorum consummationem pertinent, subministret. Cum inter Theologos Batavos celeberrimi nominis multorumque meritorum interpres, *Campegius Vitringa*, vastos duorum majoris formæ Voluminum Commentarios in *Jesaiam* ediderit, hunc quidem Vener. *Langius* in multis istius argumenti momenti apprehendit ὁμολογῶν, at in non paucis tamen adeo a systemate suo discrepantem, ut non potuerit non meletemata ipsius dissona modestæ suæ epierisi subijcere. Et, cum plane dissentientem habuerit clarissimum Theologum Gryphiswaldensem, B. *Brandanum Henricum Gebbardum*, in Volumine, quod is in Prophetas minores edidit, argumenta, quibus ille dissensum suum instruxit, modesto examini subjecit, laudabili inter Theologos exemplo, quod, salva amicitia & φιλαδελφία, in doctrinis ad salutis fundamentum & ordinem non pertinentibus dissensus locum habeat: siquidem, hoc non obstante, istam inter illos viguisse, Autor in Præfatione significavit. Ceterum is *Volumini* subjunxit *Appendicem*, quæ exhibet tres Tractatus minores, quos ille nutu potentissimi Regis Borussiae *de universali Dei gratia*, absoluto decreto opposita, seorsim ediderat, &, ut ætatem ferant, Operi Biblico adjecit. In eorum

tertio

tertio maxime notabile est *Epimetrum* illud de absoluto prædestinationis ac reprobationis decreto, quod, sub persona gravissime super eo tentati afflictique animi, exhibet difficultates & angustias, in quas istud evidentia logica applicantem conjiciat. Quod scriptum dicitur esse Theologi inter Helvetios celeberrimi, D. *Samuelis Werenfelsii*, qui, ut sincerus gratiæ universalis assertor, istud ante annos complures in usum alicujus amici privatum, ut eum de indole absoluti decreti noxia convinceret, in chartam conjecit, sed facta communicatione jam olim impressum. Præterea & hoc significandum esse existimamus, Autorem S. Reverendum, quamvis septuagenarium, pro sua tamen virium integritate & laborandi assiduitate, in Præfatione promississe Volumen majoris formæ Latinum, *Gloria Christi & Christianismi Apocalyptico-prophetica & Antisociniana* inscribendum: quod, *duobus Tomis* constans, in *prioris Parte prior* exhibebit *Commentarium in Apocalypsin*, Germanico non solum uberius, sed etiam ita adornatum, ut systematis *Vitringiani* defectus detectos suppleat, & emendet: in *posterio*re *Clavem hermeneuticam*, e systemate Apocalyptico, ad difficultiorum locorum in *Psalnis & Prophetis* interpretationem accommodatam. *Tomus posterior* erit *tripartitus*, exhibiturus *Parte prima*, eaque dogmatica, *Theologiam Anti-Socinianam & Anti-Judaicam*; *secunda Parte Catechesin Racoviensem*, & *tertia* libellum virulentissimum R. *Isaac, Chiffuck Emuna*, munimen fidei dictum, utrumque scriptum cum justo Commentario elenchico. Habebit etiam hoc *Volumen Appendicem* aliquam dogmatico-elenchicam *de gratia universali*, nonnullis ejus impugnatoribus novellis oppositam. Cui arduo instituto ex voto omnium perficiendo, ut Deus Summe Reverendo Autori uberimam Spiritus sancti gratiam, ad gloriam Christi digne illustrandam, adspiret, est, quod ipsi ex animo comprecamur.

Johann Lorenz Mosheims Sitten-Lehre der Heil. Schrift, x.
h. e.

JOANNIS LAUR. MOSHEMII THEOLOGIA
Moralis S. Scripture.

Pars

Pars II.

Helinstadii, apud Chr. Frid. Weygandum, 1738, 4.

Alph. 3 plag 4.

Prima Pars hujus Christianæ Morum doctrinæ, cujus compendiarium enarrationem in *Supplementis ad Nova Acta Tom. II Sect. IX pag. 388* exhibuimus, tanto cum plausu excepta fuit, ut, totius incepti operis finem citius, quam fieri potest, maturari, omnes adhuc in votis habuerint, qui sacram & eruditam ornant civitatem. Huic autem communi omnium expectationi aliqua nunc ex parte *secunda* hæc libri *Pars* satisfecit, in qua nunc breviter recensenda versabimur. In præmissa, quæ satis copiosa est, Præfatione & res proposita indicatur, & singularia, quæ hic loci præcipiuntur, cum Lectore communicantur, & denique ad dubia quædam, contra *primam Partem* in nonnullis eruditorum Ephemeridibus commota, brevibus respondetur.

- Pag. 1-3. Ipsa vero res, quæ illic pertractatur, ex hoc patet indice: *primæ Partis Theologia Moralis altera Sectio, de Mediis ex statu naturæ in statum gratiæ perveniendi, seu de Pœnitentia.* Hæc autem Sectio binis absolvitur Capitibus, in XII §§. distinctis,
4. quorum primum de natura & ratione pœnitentiæ copiose exponit. Explicata §. 1 pœnitentiæ necessitate, hujus natura ex hac generali, §. 2 fundamenti loci posita, definitione optime intelligitur:
 19. Pœnitentia est operatio virtutis gratiæ divinæ in animis corruptorum a naturæ & ad bonum ineptorum hominum, quæ impedimenta de medio tolluntur, quæ nos ad verum Dei cultum parum idoneos reddunt, & contra ejusmodi nobiscum qualitates ac vires communicantur, quæ ad eum nobis usum necessariae sunt, ut voluntatem nostram, ejusdemque cupiditates, Domino devoveamus ac consecremus, perque opera & actiones nostras ejus in nobis voluntatem perficere valeamus, in quantum quidem imbecillitas & imperfectio naturæ nostræ, quæ nunquam plane a nobis exuitur, istud concedit ac permittit. Potiora hujus definitionis momenta in iis, quæ deinceps consequuntur, uberius declarantur, & locis S. Scripturæ classicis commununtur.
 33. Pœnitentia hæc in animis hominum a Deo efficitur, §. 3, idque

idque non *immediate*, sed *mediate*, §. 4, cum ex *Lege*, tum Pag. 44.
 ex *Evangelio*, §. 5. Ac *Lex* quidem 1) illuminationem intel- 92.
 lectus in rebus ad *Legem* pertinentibus, 2) sinceram sui explo- 102.
 rationem, 3) vivum angorem, animique tristitiam, efficit.
Evangelium vero dat 1) intellectui peccatoris illuminationem 104.
 iis in rebus, quæ ad media salutis & redemptionem pertinent ho-
 minum, 2) singularem ac propriam convictionem de gratia,
 quam *Evangelium* nuntiat, ad ipsum singulatum pertinente, 3)
 vivam applicationem huius oblatae in Christo gratiæ Dei, 4)
 amorem erga Deum per Christum nobis reconciliatum. Ex
 quo nova demum obedientia paritur. Occurrunt hic nonnul-
 la, quæ, etiam in nostra ecclesia, in controversiam vocata sunt.
 In his Vir Summe Venerabilis modeste, ut solet, ac placide versa-
 tus est. Dicta, quibus *interiora, quæ a Lege efficiuntur*, §. 6 110.
 confirmavit, hæc sunt: *Apoc. III, 17, 18, Jo. IX, 41, Rom. III, 20,*
VII, 7, Jac. I, 23, Thren. III, 40, 42, 1 Cor. XI, 31, Psalm. LI,
5, 6, Jer. XIV, 7, Psalm. VI, 2, Jer. XXXI, 19, 2 Cor. VII, 10,
Luc. XVIII, 13, Hof. XIV, 3, Act. II, 37, III, 17, 19. Contritio 136 seq.
Evangelica ad statum renovationis pertinet; ii vero, qui *contri-*
tionem, ex amore Dei proficiscentem, ante *justificationem* sibi
 finxerunt, non *specialem* illum, quo Deus credentes, duce *Ev-*
angelio, complectitur, sed *universam & generalem Dei amo-*
rem, ante oculos positum habuisse videntur. *Tristitia legalis* 145.
 non est nimis verbis augenda, ac si a nullis aliis, nisi infernis
 cruciatibus, vincatur, nec frigidis *Mysticorum*, ut vocari so- 147.
 lent, locutionibus ullus hic locus dandus. Vox *desperatio* hac 150.
 de re olim adhiberi poterat, eo quod tum temporis ii, qui in sa-
 lutis negotio sibi diffidere, nihil plane a se suisque viribus spe-
 rare, debebant, commode desperare dicebantur. Hodie vero
 illa potestas ab usu recessit, & vocabulum istud nihil, præter
 rationem animi, omnis solatii ac spei expertem, significat. Un-
 de prudentia prohibemur, ne, hac quidem ætate, eo temere
 utamur. Ceterum ex hac una observatione multi primorum
 Ecclesiæ nostræ doctorum loci, qui inter se repugnare viden-
 tur, ullo sine negotio inter se conciliantur. *Phil. Melancthon*
 in Præfatione ad Orationem de *Officio sacerdotali*, A. 1521 Vi-
 tebergæ

- tebergæ separatim formis descriptam, *Quando Deus, inquit, iustificare vult hominem, terret ejus conscientiam per Legem, & facit, ut agnoscat peccata. Hic ille ad desperationem compellitur.* En bonum & idoneum sensum, quem voci adaptavit Vir olim meritissimus! Idem vero in *Apologia Aug. Conf. pag. 166 seq.* damnat scholasticos, desperationem aliquam a peccatoribus, ad frugem revocandis, flagitantes. *Quid aliud, scribit, nisi desperationem docent, qui in his terroribus tantum ostendunt legem.* En malum sensum, & ex sacra Domini civitate omnino proscribendum! Loci sacri, quibus *salutaria Evangelii effecta, §. 7*
- Pag. 157 seq. eleganter enodata, solide corroborantur, hi erunt fere: *Jō. VI, 69, XVII, 3, Matth. V, 6, Hebr. X, 19, Eph. I, 18, 19, Rom. III, 24, 25, IV, 24, 25, X, 9, Act. X, 43, Luc. VII, 38 seq. Eph. I, 18, III, 18, 19, 1 Jō. IV, 18, 19, Rom. VIII, 37, Gal. V, 6, 1 Jō. V, 2, 229. 2 Cor. V, 15.* His expositis, §. 8 planum fit, *pœnitentiam diver-*
236. *versam esse, partim ratione mensuræ, partim ratione durationis*
242. *ac diuturnitatis, quæ cum a natura, tum a gratia, proficisci*
248. *potest. Verum est etiam, id quod §. 9 declarat, necessaria pœ-*
- nitentiae continuatio, quæ sic instituenda, ut & miseræ, qua*
- ante conversionem septus fuit peccator, & felicitatis, quam in*
- justificatione adeptus est, memoria quotidie renovetur. Nam-*
256. *que hac ratione ostendit se genuinum donatarum divinitus gra-*
- tiae virium robur in quotidiana pœnitentiæ renovatione. Cujus*
- postea fructus cum in interna, tum externa, Christiani hominis*
- vita conspicitur, §. 10. Is, qui salutariter emendatus est, inus*
- percipit maximam animi quietem & securitatem, Rom. XIV, 17,*
- vivum impulsum ad Deo obsequendum, Rom. VII, 22, 24, di-*
- vinamque virtutem huic re ipsa satisfaciendi, Phil. IV, 13,*
- 1 Thess. IV, 1, 3. Externa vita, duce illa interiore animi emen-*
- datione, in dies sanctior redditur, atque ad exemplum Redem-*
- toris nostri conformatur, Eph. III, 13, 14, Matth. III, 8. Bre-*
- vider: interior pœnitentiæ fructus est sanctificatio, exterior vite*
278. *sanctimonia, seu practica in Deum pietas, Phil. I, 9 seq. 2 Petr.*
- I, 8. Atque hæc doctrina S. Scripturæ de pœnitentia ex præci-*
- puis est una, quæ præstantiam & excellentiam Christianæ mo-*
- rum doctrinæ §. 11 luculenter declarat. Nemo etenim eorum,*
- qui,

qui, solis rationis ac naturæ præsidii freti, virtutem mortalibus
 eominendare voluerunt, idonea excogitare media potuit hunc
 propositum finem consequendi. *Vitia* moralis Philosophiæ Pag. 283.
 doctorum vel sunt *generalia*, vel *specialia*. *Vitiorum genera-*
lium primum est scitum illud: *emendationem sui in hominis ar-*
bitrio sitam esse. Alterum: *intellectus est dominus ac magister* 284.
voluntatis, quæ si flecti debet, principiis quibusdam, iisdemque
seu veris, seu falsis, instructus est. Tertium est opinio ista: 288.
virtus erit infixa & manebit animis, ubi voluntas hominis fir-
rum cepit consilium ad certam aliquam normam sese accom-
modandi. Quartum est: *auxilia, quibus animus emendari* 289.
debet, ejusmodi sunt, ut in locum vitiorum, quæ expellenda sunt,
alia sufficiant multo sæpe capitaliora. Quintum: nemo ho- 290.
 rum doctorum verum erga virtutem amorem, ferventemque il-
 lius colendæ cupiditatem, animo instillare potuit. Sextum: Do- 292.
 ctrina morum, quam acutissimi viri præceperunt, non nisi illis
 inservit, qui ceteros intelligentia vincunt. His declaratis, *spe-* 293.
cialia quorundam recensentur & convelluntur vitia, ut *Socra-*
tis, Aristotelis, Epicureorum, Stoicorum, aliorumque. Effa- 297 seq.
 tum istud antiquum, ac toties decantatum: *virtutis cultori fal-* 301.
sa de rebus hujus orbis exuenda sunt opiniones, cum usu caret 305.
 omni, tum vero inter ejusmodi homines, qui, ipsam humanam
 essentiam in morte interire, sciscunt, valde periculosum est. Nec 311.
 vero illi multum in virtute proficere potuerunt, qui eam non
 alio, nisi eo, loco haberi voluerunt, ut *ejus ope tranquillitas*
totius cujusdam populi firmetur. Qua oblata occasione, virtus 313.
 ac morum doctrina veterum *Spartanorum*, quæ inter Græcos
 & Romanos maximi olim habita fuit, ac *Sinensium*, cui hodie 328.
 eximium ponitur pretium, accuratiori judicio ponderatur. Sunt
 enim hac ætate viri, qui Servatorem nostrum O. M. cum *Lyc-*
curgo, Spartanorum legislatore, compararunt. Inter hos princi- 319.
 patum tenet Gomes *Albertus Radicati de Passerani*, in libro, *Na-*
zarenius & Lycurgus mis en parallele inscripto, quo sacræ & eru-
 ditæ civitati haud parum luculenter declaravit, se omnis quidem
 salis vacuum, at immortali armatum esse audacia. Lites de *Con-*
fucio, ejusque sapientia, in Ecclesia nostra non ita pridem coortæ,

- hic loci non attinguntur, sed omnem rem ita candide eximius
 Juliae Theologus enodavit, ac si in istis, quæ motæ sunt, seditio-
 nibus peregrinus atque hospes esset. Hactenus eorum senten-
 tiæ expenduntur, qui felicem & infelicem animi immortalita-
 tem virtutum cultoribus haud inculcarunt. Aliter vero sentie-
 bant olim, qui eam tuebantur. Hi nimirum, animum a cor-
 pore impediri, constituebant, quo minus futura, cum secun-
 da, tum adversa, fata vividius spectet. Unde hæc bina duce-
 bant corollaria: ergo 1) corpus domandum, & 2) animus altius
 evehendus. Quid porro inde? Ergo sensibus omnis occasio ani-
 mi corrumpendi præcidenda. Ex his principiis tot *pœnitentes*,
 hoc est, *cremitæ*, in Syria, Ægypto, & India, exorti sunt. Ex iis-
 dem *vita monastica* jam olim in Ægyptiacis & Syris desertis co-
 orta est, quæ *pœnitentia* non a sacris & divinitus eruditis scripto-
 ribus, verum a *Platonis* & *Pythagoræ* discipulis, Indicisque sapien-
 tibus, dicta est. Vid. *Synesius*, Episcopus Platonicus & semi-
 christianus, *de insomniis*, pag. 139. At enim vero hæc *corporis*
exercitatio ad pauca utilis est, 1 *Tim. IV*, 8. Contra ea Jesus
 Christus eam nobis ad pœnitentiam aperuit viam, qua nihil
 excellentius fieri potest. Hæc Domini doctrina iis fulta est ve-
 ritatibus, quarum lucem & evidentiam ipsa purgata capit ratio.
393. Harum *sedecim* hic recitantur, ab iis in posterum melius putan-
 397. dæ, qui Christianam de pœnitentia doctrinam irridentes adspers-
 401. nantur. Ultimo hic loco, nimirum §. XII, *præjudicata opinio-*
 403. *nes ac errores sub judicium vocantur*, iique & *generales*, id est,
 qui totam pœnitentiæ naturam evertunt, & *speciales*, hoc est,
 qui vel ad certas pœnitentiæ partes, vel ad fructus, pertinent.
 Ex tribus *generalibus* primus hic est error: *pœnitentia est ma-*
lum, quod homo, suo arbitrio impulsus, sibi imperat, quo sibi
ipse pœnas suorum det vitiorum, divinamque a se iram amolia-
 405. *tur. Alter: pœnitentia est exercitatio, ad certa tantummodo*
tempora adstringenda, & tunc inprimis, ubi ad S. cœnam
 406. *eundum est, instituenda. Tertius: pœnitentia est cerimonia,*
qua homo creatori suo ac judici obsequium suum testificari co-
 409. *gitur. Errores speciales* paucis verbis indicantur, ille vero
 414. multo verbosius consideratur, qui in *dilatione pœnitentiæ* con-
 sistit.

fistit. Quo loco digna est, quæ cum cura & meditatione legatur, sapiens admonitio, ad usum publicorum quorundam hymnorum pœnitentialium pertinens, qui, cum non nisi de magna & prima, uti vocatur, pœnitentia agant, ab omnibus tamen promiscue canuntur. Unde homines a pœnitentia averſi & alieni arripiunt occasionem argumentandi, se omnino vera pœnitentia duci, propterea quod verbis saltem utantur, quæ interiorrem animi angorem declarent.

Sequitur, ut *Caput II* contemplemur, quod *de indiciis, unde, pœnitentiam actam esse, concludi potest*, inscribitur, & in *VIII* §§. distribuitur. *Causis hujus tractationis* §. I enodatis, unicum verum ac certum commendatur indicium, unde homo colligere potest, se pœnituisse, Deumque placatum habere, interior nimirum emendatio animi, ac commotionum cordis, §. II, vi dictorum S. Scripturæ, *Matth. XVIII, 3, 2 Cor. V, 17, 2 Tim. II, 19, 1 Jo. III, 3, Rom. VIII, 14, 1 Jo. IV, 13, 1 Jo. III, 18, 19, 20, 24.* Verum emendatus homo ad animi sui securitatem conturbandam hoc sæpius abutitur indicio, dum, illud sibi plane deesse, ex infirmitate fidei concludit. Impius autem istud male sibi tribuit, §. III. Præterea & pii & impii varia sibi falsa conversionis ac pœnitentia ipsimet fingunt indicia, §. IV. Unicum certum indicium, ex quo aliorum pœnitentia intelligi potest, emendatio est externæ vivendi rationis, §. V. Conf. *Matth. VII, 20, 21, 1 Jo. III, 6, 7, 10, seq.* At fieri tamen potest, ut a sanctitatis simulatoribus fallamur, *Act. VIII, 13.* Quo itidem loco istud etiam atque etiam cavendum, ne hoc indicio abutamur, aut ad securitatem impœnitentium, §. VI, aut ad rationes sanctorum conturbandas, §. VII. Tandem incerta & falsa indicia pœnitentia aliorum §. VIII recitantur, quibus & amor & inertia sæpenumero violari solet. Quibus recitatis, ipsa finitur tractatio.

Tres adjuncti sunt Indices, 1) *Scriptorum*, 2) *dictorum S. Scripturæ*, & 3) *rerum præcipuarum*. Methodus hic eadem oculis patet legentium, quæ in *Parte I* adhibita fuit. Dicta etiam sanctiora in usum sic convertuntur, ut, nervo demonstrandi enucleato, illustri perspicuaque paraphrasi illustrentur.

JO. LUDOV. SCHLOSSER, V. D. M. AD AED.
D. Catbar. Hamburg. *Lutherus Lutheranus, Luthero
reformato* JO. MAURITII MOMMERS oppositus.
*Accedit Lutherus Lutheranus, qua argumentum de SS.
Cæna, antehac editus, itemque Appendix gemina, altera
specimen exhibens Historiæ Lutheri reformati litera-
riæ, altera in argumenta inquirens, quibus consensum
Protestantium de prædestinatione nuper denuo probare
voluit Cl. JO. HEN. RINGER. Præfatione, præter in-
stituti rationem expositam, nova, quæ JO. VAN DEN
HONERT minatus est, & nonnulla Cl. DAN.
GERDESII, expenduntur.*

Hamburgi, apud Christ. Wilh. Brandt, 1739, 8 maj.

Alph. 2 plag. 14.

Jo. Mauritius Mommers, Hemmensis in Gelria dynastiæ Ec-
clesiastes, omnem operam in eo infumit, ut demonstraret,
B. *Lutherum* nostrum cum Calvinianis sensisse, & illorum do-
ctrinas in suis scriptis propugnasse. Tentavit itaque cum Re-
formatis Lutheranos conciliare etiam in *Luthero* reformato, ex-
positurus, *Lutherum* rebus Calvinianorum maxime fuisse.
Laudandi itaque sunt Rev. *Schlosseri* conatus, qui sese huic
Mommersio strenue opposuit, & non solum olim a corruptelis
ejusdem orthodoxiam B. *Lutheri* vindicavit, sed etiam nunc
idem fecit per potiora capita *Lutheri* reformati. Id vero egit
potissimum Rev. Autor, ut, verbis *Mommersii* considera-
tis, *Lutheri* mentem a depravationibus & abusu ejusdem libe-
raret, difficultates ex *συζυγία* solveret, illum depravatorem
redargueret, nostrumque *Lutherum* non Calvinianis favere,
per omnia Opera *Lutheri* Lutherani dilucide probaret. *Mom-
mersius* raro fontes suos indicavit, raro verba *Lutheri*, vel
locorum indicia, adduxit, indeque laborem nostro Autori
auxit. Constitutum ipsi erat initio, satisfacere *Mommersio* non-
nullis generalioribus animadversionibus elenchticis, præsertim
cum jam alii, *Stephano Vito* superlapsariam de prædestinatione
ser-

sententiam *Luthero* Lutheranisque intentante, se Calvinianorum opposuerint audaciæ, inprimis vero *Jo. Laur. Mosbemi* responsionem promiserit. Sed, cum nos ea spes hæcenus fefellerit, se ad hoc negotium *Schlosserus* noster accinxit, & doctè ac solide in eodem argumento versatus est. In Præfatione mentionem facit illorum non modo, quæ Cl. *Jo. van den Honert* minatus est, se ex symbolicis Lutheranorum libris, maxime ex libro *Lutheri* de servo arbitrio & Commentario in Epistolas ad Romanos, demonstraturum spondens, eos, qui articulos in synodo Dordracena sub iudicium vocatos & reprobatos, tanquam suæ doctrinæ capita, adoptant, ab ipso *Luthero* & ejus doctrina recedere, sed etiam varia argumenta *Dan. Gerdesii* expendit, & doctè refellit. Sed ipsum *Schlosseri* Opus paulo propius inspiciamus. Non curat in præsentia ea, quæ *Mommersius* de fidei capitibus, sibi suisque cum ecclesia nostra communibus, jactitat, sed tantum de *Lutheri* orthodoxia & cum Lutheranis concordia verba facere suscepit, examinaturus, quæ *Cap. II* & sequentibus *Lutheri* reformati tradita sunt. Inde *Cap. I* sistit *Lutherum* Lutheranum, quod ad argumentum de necessitate & utilitate doctrinæ de prædestinatione. Non tacent de eo nostrates Theologi, ut Calviniani memorant, sed hoc potius ad Calvinianos devolvendum, simulque monstratur, *Mommersium* verba *Lutheri* male interpretari atque accipere, & pro mente ipsius *Lutheri* hæc explicantur. *Capite II* argumentum de natura & constitutione prædestinationis tractat, ubi duo loca *Lutheri*, quæ sollicitavit *Mommersius*, vindicat, & quæ ejus vera fuerit sententia de prædestinatione, exponit. *Cap. III* prædestinationis divinæ æternitatem atque immutabilitatem, nec non particularitatem, vindicat. *Cap. IV* orthodoxiam Lutheranam de prædestinatione non absoluta, sed prævisæ fidei intuitu facta, asserit, & *Lutheri* veram sententiam profert ex satis dilucidis verbis, a suspitione adversarii illa liberans. *Cap. V* proponit electionis ex fide & sanctitate certitudinem, electorumque perseverantiam, quæ non solum ex libris nostris symbolicis & Theologorum scriptis satis dilucide exponitur, sed etiam *Lutheri* verba adducuntur, & quomodo sint intelligenda, doctè evincitur. *Cap. VI* reprobationem ex arbitrio
summi

summi Numinis mero & absoluto derivandam esse negat. Hanc sententiam cum omnes nostrates propugnent, illis non adversatur *Lutherus*, quando odium æternum Dei & prædestinationem æternam affirmat, quod contra *Mommerfium* satis declaratur. *Cap. VII* docet, *Lutherum* cum Lutheranis de divina providentia sensisse, quod in suspicionem adducere conatus fuerat *Mommerfius*; in prius in eo versatur, ut demonstret, *Lutherum* non statuisse absolutam rerum omnium prædefinitionem. *Cap. VIII* evincit, *Lutherum* Lutheranam de ratione & modo indurationis sententiam fovisse. Non aliam *Lutherus*, quam nos, permissivam indurationem statuebat, quod ejus verba satis loquuntur. *Cap. IX* cum Lutheranis iterum sentire scribit *Lutherum* in negata in spiritualibus humani arbitrii libertate. Ipse *Lutherus* cum libris synbolicis, & omnibus Theologis statuit, vires hominis ad salutare bonum nullas esse, quæ plenius disputat, & contra *Mommerfium* strenue defendit Autor. *Cap. X* enarrat *Lutheri* mentem de gratiæ salutaris divinæque vocationis efficacia nec ad electos solos restricta, nec irresistibili. Ex ejus Commentariis hæc satis demonstrantur, & ex eo, quando contra *Erasmum* disputans, tractum patris nec violentum, nec moralem tantum, aut externum, esse probat, nec tamen irresistibilem, & electis proprium. Multum operæ in confutandis hic calumniis *Mommerfii* & Cl. *van den Honert* insumit Rev. Autor. *Cap. XI* monet, *Lutherum* de naturarum in Christo personali unione, & communicatione idiomatum, Lutheranis non contraria docuisse. Omnipræsentiam enim & majestatem carni Christi communicatam statuebat, quod ex ejus verbis liquido apparet. *Cap. XII* pro *Luthero* pugnat, satisfactionis & meriti Christi catholicissimum eum docuisse, quæ iterum ex variis locis *Lutheri* confirmantur, & os *Mommerfii* obtunditur. *Cap. XIII* in eo versatur, ut demonstret, *Lutherum* interpretationem oraculorum divinorum, quibus universalitas gratiæ Dei adstruitur, eandem, quam Lutheranos, admisisse. Hæc enim male *Mommerfius* pro sua sententia allegaverat. Omnibus tandem accedit Epilogus, quo de Lutheranorum appellatione, & *Lutheri* apud nostros autoritate, nonnulla monentur, & ipsa *Lutheri* verba

verba hac de re allegantur. His absolutis, legitur Rev. *Schlosseri Lutherus Lutheranus, Luthero Reformato Jo. Maur. Mommers oppositus, qua argumentum de S. S. Domini nostri Jesu Christi Cæna.* Antea jam prodierat hoc Opusculum, iterum nunc, & nonnihil auctius, evulgatum. Index rerum memorabilium totum Opus claudit. Nec tamen hic desinit laudabilis Cl. Autoris labor, sed Appendix duplex est adjecta. Prior specimen exhibet historię *Lutheri* Reformati literarię, ubi omnes Reformatos non modo Theologos enumerat, qui, secum sensisse *Lutherum*, contenderunt, sed etiam *Lutheranos* recenset, qui illius orthodoxiam vindicarunt. Hęc omnino lectu sunt digna, & insignem catalogum continent partium illorum, qui *Lutherum* in suas partes vocarunt, partim illorum etiam, qui se illorum conatibus opposuerunt. Posteriori Appendice argumenta V. C. *Jo. Henr. Ringeri*, Bernensis Prof. Theol. sub iudicium vocantur, quibus consensum Protestantium in doctrina de prædestinatione probare voluit in singulari Dissertatione, ante undeviginti annos edita, & nuper in *Tempe Helvetica* recusa. Dissensum omnem *Lutheranos* & Reformatos inter de prædestinationis negotio meram de verbis esse pugnam, contenderat *Ringerus*, cui se masculè opposuit *Schlosserus*, suamque rem præclare gessit. Non possumus non hoc, quamvis non magnę molis, Opus cultoribus sacrarum literarum etiam atque etiam commendare. Habebunt enim non tantum veram & orthodoxam doctrinam contra Reformatos ex nostris Theologis frequenter demonstratam, sed etiam inde exemplum petere poterunt, qua ratione falsę doctrinę, quibus castra nostra Calviniani oppugnarunt, doctè, dextre, & feliciter, eludi possint.

Pag.
614 - 692.

CAROLI LINNÆI, MED. DOCT. SOC. ACAD.
Imper. Nat. Cur. Classes Plantarum, seu Systemata
Plantarum omnia, a fructificatione desumta, quorum
XVI universalialia, & XIII partialia, compendiosè pro-
posita, secundum classes, ordines, & nomina generica,

cum clave cujusvis methodi & synonymis genericis.
Fundamentorum Botanicorum Pars secunda.

Lugduni Batavorum, apud Conradum Wishoff, 1738, 8 maj.
 Alph. 1.

Postquam suam de ordinibus Plantarum sententiam proposuit rei herbariæ lumen, *Linnaeus*, sua opinione, quæ prorsus nova est, ita abundare noluit, ut non principum in arte virorum placita magni faceret. Quapropter omnes, quæ huc usque obtinuerunt, methodos recensendas suscepit, & universum Regnum Vegetabile viginti novem diversis seriebus, prout suo tempore vilius fuit præstanti alicui viro, enumerandum aggressus est, ne sibi soli sapere videretur, haberentque herbariæ artis studiosi, quam ex tot tantisque methodis sibi præ ceteris seligerent. Propriis Autoris verbis, ne ex nostro aliquid accessisse videatur, rem proponimus:

Pag. 4.

I. ANDRÆ CÆSALPINI, *Arctini, Professoris quondam Patavini*, methodus a receptaculo. 1) *Prima vera & solida Botanices a fructificatione desumpta fundamenta jecit Cæsalpinus, dum primus plantas in classes secundum fructificationis principium digessit experientia summa.* 2) *Obscurus semper fuit ob terminos artis proprios, a recentiorum terminis diversos.* 3) *Florem concepit uti interanea planta rupto cortice patentia; Calycem uti crassiores corticem rami debiscentem; Petala uti corticem interiorem tenuiorem; Stamina uti ligni interiores fibras, & Pistillum uti ipsam medullam plantæ.* 3) *Situm Corculi vel in apice vel basi seminis (seu exterius aut inferius versus cor) hic solus magni fecit, certe & res magni momenti est. Nec latuere Autorem semina univalvia & bivalvia, seu monocotyledones & dicotyledones, quamvis vegetabilia primario in Arbores & Herbas distinxerit.* 4) *Numerum distributionis seminum per ipsum receptaculum pro fundamento suæ methodi assumpsit, ideoque ejus methodus sola a receptaculo deducta est.* 5) *Receptaculi floris situs supra vel infra germen, ipsi sedes floris vel in summo fructus, vel in sede fructus, idem est cum Tournefortii Calyce vel Pistillo in fructum abenn-*

abeunte. 6) *Dissepimenti in siliquis situm parallelum vel oppositum hic in usum traxit.* 7) *Multiloculares & Multicapsulares fructus egregie distinguere novit.* 8) *Classes naturales observavit hic facile tam multas, ac recentiores, licet primus.* 9) *Genera certa non obtinuit; proin nec nostrum erit, synonyma ejus generibus adjicere, hinc tantum, quæ in transcurso incidebant, addidimus.* II. ROBERTI MORISONI, Scoti, Professoris Pag. 36.
Botanices quondam Oxoniensis, methodus a fructu. 1) *Systematica plantarum distributio, principio fructificationis inædificata ex lege ipsius dictantis natura, quanquam a Cæsalpino dudum felici sub sidere detecta, exculta, & toto orbi exposita erat, inculta tamen, intacta, & neglecta, per integrum ferme Seculum permansit, usque dum felici omine a Morisone in Botanicam nato primum resuscitata fuit.* 2) *Ausu certe audacissimo & animoso reformationem Botanice, aggreditur Autor, omnes ejus cultores Prælu diis suis, singulari prorsus methodo exaratis, ad se trahit, methodumque a fructificatione per leges affinitatum, quasi modo genitam proponit; nec usu & effectu caruit summo. Mox enim præstantissimi omnes Botanici moniti, conjunctis viribus idem opus cum eo aggressi sunt, & ab illo tempore tanta præstiterunt.* 3) *Altum quidem de Cæsalpino silentium facit, sed neque hoc mirum videbitur illis, qui, quantum recesserit Morisonus a legibus Cæsalpinianis datis, examinant, certe magis inde recessit, quam reliqui deinceps a Morisone systematici, qui nec ipsi dignas laudes cecinerunt.* 4) *Methodum desumit a fructu, (nec unquam a corculo seminis, vel receptaculo, sic in tantum a Cæsalpino differt, quantum eo in pura methodo inferior permansit,) huic adjungens quam arctissime affinitatum vincula, classes quærens naturales, quas cum nimis prosequitur, filum receptum Ariadneum in gordios implicat, solo gladio explicandos. Nec mirum! Roma certe non uno die, nec ab uno condebatur viro. Ille tamen faces extinctas incendit, a quibus ignem mutuati sunt subsequentes, quibus datum, ad lucidum magis focum objecta rimare.* 5) *Ipsæ aggreditur systema hoc vasto Opere, & in immensi laboris Historia plantarum Parte secunda classẽ quartam, quintam, & sextam, A. 1680,*

Pag. 68.

subsequentes autem classes, mortuo Autore, cura Bóbarti publici juris sunt, exantlatis interim viginti circiter annis: tres vero classes prima ab Anonymo publicatae prostant. III. JOANNIS RAJI, Angli, Theologi, methodus a fructu. 1) Magna sunt opera Jo. Raji in scientia Botanica, qui constantia summa, omnia, quae beneficio seculi innotuerant de plantis, manu plus quam ferrea descripsit. 2) Quamprimum Morisonus artis fundamentum restaurasset, eidem mox suam superstruxit methodum Rajus, quam dein toties reparavit, usque dum in ultima senectute emendatam & auctam emitteret. Discedit in ea non parum a Cæsalpino, quod, cum ille plantas primum a numero fructus distribuit, distributas secundum semina nuda vel tecta subdividit, hic noster contraria methodo primum plantas secundum nuda aut tecta semina considerat, dein vero secundum numerum. Differt adhuc magis a Morisone, cum quo modo convenit in classibus quibusdam naturalibus, uti conferenti classsem Raji 4 cum Morisoni 14; 11 cum 12; 14 cum 14; 17 cum 16; 18 cum 15; 21 cum 6; 12 cum 5; 24 cum 7; 25 cum 11, patebit; sed politiora hic ubique omnia. 3) Classes obtinuit (quod methodo ejus præprimis auctoritatem conciliavit) multas naturales, uti Class. 1, 3, 4, 6, 11, 12, 13, 14, 16, 21, 22, 25, reliquæ vero classes ex diversissimis contexta sunt, uti classis 2, 5, 9, 10, 15, 17, 18, 19, 20, 23, 24, 26, 28, 29, 30, 32. 4) Arborum & Herbarum difficilior antea distinctio ex sola duratione fuit; hinc plantas in Gemmiparas (arbores) & geminis carentes (herbas) dispefcit. 5) Arbores dein & herbas generali divisione in monocotyledones & dicotyledones subdividit, ut classes observet naturales eo facilius; hoc facto, ad Pericarpia accedit, a quibus classes format. 6) In Methodo emendata generum characteres exhibuit, vel a Tournefortianis mutatos, vel iisdem admodum affines. 7) Imperfectas dictas plantas Cels. Dillenius industria incomparabili digessit, & Rajanis adjevit, heteroclitas vero exclusit, variaque alia, quæ methodo puritatem afferunt, conciliavit. IV. CHRISTOPHORI KNAUTII, Germani, methodus a fructu. 1) Methodo Rajanæ (ex priorî editione) proxime accedit hæc Christophori Knautii, quæ & ex

304

pra-

precedenti manifeste exculta est. 2) Recedit Autor a Rajanis principijs in eo, quod, cum Rajus, in prima editione, ab arboribus incipiat, & gymnospermas herbas angiospermis praeponat, Noster hic contraria metodo arbores postponat herbis, uti gymnospermas angiospermis. 3) Angiospermas plantas secundum petalorum numerum subdividit in monopetalas, tetrapetalas regulares, tetrapetalas irregulares, pentapetalas, hexapetalas, polypetalas; Gymnospermas vero secundum feminum numerum subdividit. 4) Plantas solum disposuit Autor Halenses, nec alias ullas; hinc generibus paucioribus ditata fuit ejus methodus, quam ulla alia; hinc & pauciores invenit sectatores, qui eandem rite excoluerint. 5) Cum hac methodus a praedictis parum differat; cum genera definita, certa, & demonstrata, non admiserit Botanicis fastigium, ad quod tum deducta erat; cumque liber ad manus non sit, compendiose eam recensemus, prout eandem quondam descripsimus absque nominibus ab Autore receptis, nostris solum contenti, praesertim cum vix ulla nova introduxerit nomina. V. PAULI HERMANNI, Germani, Professoris Botanices Leida, methodus a fructu. Quantum in Botanicis meruit Paulus Hermannus, doceat Flora tam Zeylonensis, quam Capensis; doceat Hortus Lugduno-Batavus. Revocatus enim Autor ex longo & periculoso Indico itinere, hortus ut praeeset Lugdunensi, infinita diligentia hortum ita instruxit solus, ut bis plures plantas aluerit, quam omnes ejus antecessores simul, Bontius, Clutius, Pavius, Clusius, Vorstius, Schuylius, Syenus, spatio 150 annorum, in hortum intulerant. Ostendit enim in horto A. 1681 plantas 1537, Anno vero 1689 plantas 3029. Vid. Boerh. Hist. hort. pag. 31. Ne vero quid decisset, quod scientiam promoveri posset, primus erat in Belgio; qui A. 1685 fructificationis assumpsit principium, uti istud pridem Morisonus demonstraverat; recessit tamen parum tam a Morisono, quam Rajo, licet methodi affinitas summa sit. Dividit herbas in Gymnospermas & Angiospermas, subdividit illas secundum feminum numerum, has vero secundum loculamentorum numerum; hinc assumpto fructus principio arctius adhaesit, quam vel Rajus, vel Morisonus ipse. Quod autem incipiat classes suas a

Pag. 124.

Pag. 156.

seminibus multis nudis, & descendat ad simpliciora, hoc fecerat, ut plantas haberet florentes, demonstrandas primo vere studiosis, non vero ut naturæ leges observaret. Zumbac Hermannianam methodum cum plantis, uti easdem demonstraverat Clarus Autor in horto publico, ori exposuit primum. Ol. Rudbeck (filius) eandem methodum Hermannianam mox recognovit, ubi in paucissimis ab ordinibus Autoris recedit, incipiens a Gymnomospermis, seu simplicissimis, equali gradu ad composita ascendens. Hermannus eandem ipse manum propriam proprio operi admovit, & in Flora altera varia emendavit, classes repurgavit, genera & genera subalterna exstruxit, sed, cum pervenerat Autor ad Ficoidis familiam, fatalis obstitit hora, quæ opus, cum ejus Autore, orbi erudito eripuit. VI. HERMANNI BOERHAAVII, Belga, Professoris Botanici Leida, methodus a fructu. 1) Hermannus Boerhaave, Vir meritis clarissimus, horti Lugduno-Batavi curam A. 1709 in se suscepit, per integros viginti annos feliciter gessit, & laboriosissimum non minus, quam dulce, munus sponte renuntians, dignissimo successor, Clarissimo Adr. Royeno, A. 1729 tradidit. En autem, quæ in Botanicis per quatuor lustra præstitit ille, qui una eademque annorum serie tres simul, publice docens & privatim, obivit professiones, Medicinam scilicet, Chemicam, & Botanicam; imo qui tanto insuper & tam denso egrotantium agmine in dies obruebatur, quanto vix ac ne vix quidem ullus inter Medicos alius. 2) Tria millia plantarum & ultra, in amantissimum ab Hermanno Viridarium introducta, non tantum sedulus & assiduus coluit, sed & quotidie (dira licet hyems anni hujus Seculi noni tantam Floræ cladem intulisset,) cum in modum locupletavit hortum, ut in Indice, A. 1720 edito, quinquies mille sexies centum & quinquaginta plantas demonstraverit & adauxerit; unde constat, solius Boerhaavii cura in tantum accrevisse stirpium numerum, ut nullus unquam in Europa hortus plures aluerit, quam Lugduno-Batavus. 3) Digessit idem tantum plantarum numerum, secundum methodum Hermannianam, quam repurgavit, emendavit, & excoluit, ut plane distincta habeatur; Submarinas & imperfectas dictas plantas adje-

adjecit; cum Rajo dicotyledonum & monocotyledonum divisionem primariam assumpsit, quo magis classes servaret naturales; cum Tournefortio arbores secundum flores distribuit; papilionaceos vero recte combinavit. Verbo, methodum Hermannianam cum Rajana & Tournefortiana conciliavit. 4) Characteres a facie plantarum & ex partibus fructificationis omnibus collegit, adeoque & primus calicem, stamina, & stilos florum in generibus determinandis recepit. 5) Varia nova genera condidit; specierum numerum auxit; splendidissimam extrema Africa familiam, obscuram ante, *Lepidocarpodendrorum*, *Hypophyllocarpodendrorum*, *Conocarpodendrorum*, absolvit; synonyma ubique selecta apposuit. VII. AUGUSTI QUIRINI RIVINI, Germani, Professoris Botan. Lipsiensis, methodus a Petalorum æqualitate & numero. 1) Cum flos omni fructui præcedat, ex lege dictantis naturæ consultum videbatur Rivino, a Flore classes formare, a Fructu vero ordines, contraria plane methodo, ac incessere antecessores. Prima itaque gloria Rivino, quod a floribus classes condiderit primus. 2) Ut facillimam induceret methodum, solummodo corollæ æqualitatem & petalorum numerum in classibus æstimavit, in ordinibus vero receptam antea in gymnospermas & angiospermas divisionem fructus retinuit. 3) Receptam a seculis plantarum in herbas & arbores distinctionem, uti principio fructificationis non innixam, merito rejectit. 4) Propria in compositis floribus delectabatur theoria, ubi scilicet flores duplicatos intellexit, unam nempe intra alteram contentam corollam; e. g. *Nymphaeam* statuit compositam ex flore regulari pentapetalo in ambitu (calix) & regulari polypetalo (corolla) in medio; *nigellam* compositam ex regulari pentapetalo in ambitu (corolla) & irregularibus monopetalis (nectariis) in medio. Non enim assumptus adhuc erat floris character, quo tenebatur singulus flos propriis gaudere antheris vel germine proprio. 5) Cum assumpto, unice ex petalorum æqualitate & numero, adhaerere tenebatur principio, classes servare naturales, uti præcedentes, leges systematicæ non admittebant. 6) Inceptam methodum tantum quoad classes irregularium florum Monopetalorum, Tetrapetalorum, & Pen-

- & Pentapetalorum, iconibus splendidissimis exposuit, reliquas
 vero absolvit Ill. Jo. Heucherus, cujus ductum secuti fuimus.
- Pag. 232. VIII. HENR. BERNH. RUPPII, Germani, Medicina cultoris,
 methodus a Petalorum æqualitate & numero. 1) Methodum
 Rivinianam multis modis expolivit Henr. Bernh. Rupprius, Autor
 in generibus circumspectus, in methodo facilis, in synonymis
 accuratus, in speciebus detegendis & distinguendis felix. 2)
 Discessit præprimis a Rivino in compositis, flores duplicatos ex-
 cludens. 3) Varia plantarum genera detexit, recepta intelle-
 xit, cautus species generibus, & genera ordinibus dignis, inse-
 ruit. 4) Occubuit Vir juvenis præmaturo fato, ad Botanicem
 qui prorsus natus erat, in investigandis & memoria mandan-
 dis plantis sine pari.
260. IX. CHRIST. GOTTL. LUDWIGII,
 Germani, Medici, Docent. Lips. methodus a petalorum æquali-
 tate & numero. 1) Deficiebant in Systemate Riviniano Generum
 characteres, quibus unum ab altero facile & certo distinguere-
 tur, donec defectum hunc suppleverat Cl. Jo. Ernest. Heben-
 streit in Definitionibus plantarum, Lipsiæ A. 1731, 4, exhibitis
 sub Dissertationis forma; in quibus (brevis antequam præclarum
 iter Africanum aggrediretur,) doctissime, sed compendiose, ge-
 nerum artificiales characteres reliquit. 2) Idem argumentum,
 absoluto hoc itinere, excepit itineris socius, M. Christ. Gottl.
 Ludwig; exhibens generum characteres naturales, collectos ex
 iis, quæ de generibus sapienter dixere magni in arte Viri,
 Tournefortius, Rajus, Boerhaavius, Dillenius, auctos & reple-
 tos observatis ubique propriis haud paucis. 3) Invaluit apud
 nonnullos falsa opinio & fundamentum a priori desumptum, quo
 planta, quæ non omnibus convenirent fructificationis partibus,
 absque exceptione ulla genere distinguerentur diverso, quam-
 vis natura aliter dictitaret; ino tandem & extra fructifica-
 tionem distinctionis argumenta hausta sunt; orta inde fuere
 genera, heu quam multa! falsa & hypothetica, præsertim recen-
 tionibus temporibus, quæ magno numero, nec frustraneo labore,
 rejecit, reduxit, & ad sua naturalia revocavit Cl. Autor. 4)
 Cum intra Corollam & Perianthium limites sufficientes non in-
 notuerint Seculi beneficio, nec posuerit natura, ad evitandum
 dubia,

dubia, consultum visum fuit Rivino, flores omnes incompleti, sicut tum gauderent magis manifeste corolla, sive perianthio, conjungere, & pro petalodibus omnes sumere. Cum vero hoc minus arderet quibusdam ex recentioribus, in ceteris praesertim plantis, e. g. Alchimilla, Percepter, &c. novam ex his classsem constituere placuit Clariss. Autori, ad quam incompleti & dubii amandarentur flores. 5) Methodum demum Rivinianum magis universalem reddidit, instruens eam magno generum exercitu, Tournefortianis scilicet omnibus, aliisque. X. CHRISTIANI KNAUT, Germani, Medici Halensis, Methodus a petalorum numero & aequalitate. 1) Autor negat, Perianthium, Stylum, aut Stamina, essentialiter florem constituere, sed solummodo Petala. 2) Hinc contradictorium ipse videtur, quod daretur flos Apetalus, cum ad floris essentiam unice requiratur, ut Petalodes sit; hinc & Stamina & Pistilla uniformitatem vel diffinitatem floris causare nequeunt. 3) Negat, in rerum natura dari semina nuda, sed omnia Capsula tecta statui, eo quod in seminibus ante eorum maturitatem spatium inter corticem & substantiam observatur. Ergo omnia semina, ipsa Umbelliferarum & Verticillatarum, imo etiam Compositorum, semina (licet saepe papposa), ipsi Capsulae sunt monospermae, cum tamen Pericarpium sit ovarium & Semen ovum. 4) Pericarpium omne, si vel Bacca, Strobilus, aut Pomum, ipse Capsula est, quae proin membranacea aut carnosae statuitur. Capsula simplex vocatur Pericarpium omne uniloculare, composita vero capsula multiloculare; hinc Ranunculi, Hellebori, &c. fructus uniloculares plures nominantur, qui alias compositi aut diant. 5) Cum Capsula aut Nux, intercedente pulpa, tegitur tunica externa, sit Pomum aut Drupa; hinc singulari prorsus calculo loculamenta numerat Autor; e. g. Pyri pomum quinqueloculare est, & Corni Drupa nucleis biloculari gaudet; at Autori ob tunicam pulpa externam dicitur Pyri fructus sextcapsularis, & Corni tricapularis. 6) Minima nota fructificationis in duabus speciebus congeneribus diversa, praesertim in numero, distincta absolute ipsi imponit genera, nec genere conjungi posse florem tetrapetalum cum pentapetalo, nec

Pag. 297.

Pag. 329.

fructum quadricapsularem cum quinquecapsulari docuit. 7) Situm fructificationis in ipsa planta pro nota characteristica genera distinguente assumit; hinc fundamentum quamplurimum novorum generum. 8) Multa paradoxa, falso assumpta, methodum notarunt hanc. XI. JOSEPH. PITTON. TOURNEFORT, Galli, Professoris Botanices Parisini, Methodus a corollæ figura. 1) Nullus in Systematica Botanices scientia plura præstitit, quam J. P. Tournefort. Ille enim primus puram & elaboratam absolvit Methodum; ille Systema rei herbaria in distinctas Classes, Ordines, Genera, & Species, subdivisit. 2) Classes a Corollæ figura condidit, ne ob solum numerum genera frangerentur naturalia: latius enim figura, quam numerus, sumi potest; sed hanc ipsam ob causam difficilior evasit methodus; classes, quantum assumptum admisit principium, naturales quaesivit; alterum systematis argumentum. 3) Ordines a situ receptaculi floris supra aut infra germen primario deduxit: titulo Pistilli aut Calycis in fructum abeuntis. Observaverat enim olim Cæsalpinus, Florem vel in apice fructus, vel sede fructus, situm esse. 4) Genera certa & naturalia primus instruxit, ea vere præsertim a fructu definiuit, & accurate delineavit. Eum proin secuti fuere in his Botanici facile omnes; ante eum certe vacillabant genera omnia. 5) Species ad data genera tanto numero reduxit, ut majorem copiam a condita scientia obtinuerit nunquam ullus. 6) Varietates utinam Vir summus speciebus non immiscuisset, & pro speciebus assumisset! Attamen, cum video, qua solertia maxime affines proxime ad se invicem collocaverit, vix nisi numerum appositum quæro. Hanc itaque affinitatem observent omnes, qui Tournefortium cum fructu legere volunt. 7) Plantæ 8846 ad genera 673 in Institutionibus Tournefortii, 1356 ad genera 25 in Corollario Tournefortii, 40 ad genera 16 in Actis Par. 1705, 1706, a Tournefortio, 229 ad genera 106, in Generib. Amer. Plumierii, 737 ad genera⁴ Tournefortii data, in Speciebus Americanis, a Plumiero enumeratæ fuere secundum calculum superficiale. 8) Plumierus (Tournefortius ille Americanus) sola divisione plantarum in Herbas & Arbores a Tournefortio recessit,

cessit, qui in calidis plures legerat fruticosas plantas. XII.

JULII PONTEDERÆ, Itali, Professoris Botanices Patavini,

Pag. 369.

Methodus a corollæ figura. 1) Tournefortii assumfit methodum

Clarissimus Autor, eamque emendare solum aggressus est. 2)

A Gemmis plantarum primariam subdivisionem petit, qua eas

in Gemmiparas & Gemmis carentes dividit, sub his Herbas,

sub illis vero Arbores, comprehendens: est enim Gemma pars

plantæ, at duratio solum accidentale quoddam. 3) Imperfe-

ctos dicit Tournefortii Apetalos, eosque in duos ordines distri-

buit, in Filamentosos scilicet, a stylo sic nominatos, quibus Gra-

mina, Juncos, Rumices, Poterium, comprehendit, & Apetalos,

proprie sic dictos, quibus Arum. 4) Campaniformes distribuit

in quatuor ordines: in proprie sic dictos, Tubulatos, Globosos,

& Patentes. 5) Conglobatos vocare amat plantarum flores,

quos alii Compositos dicunt. 6) Liliaceos Tournefortii ad di-

versas classes trahit Autor; monopetalos partim Campanifor-

mibus, partim Infundibuliformibus, inferens, solos polypeta-

los pro Liliaceis agnoscens. 7) Amentaceos expungit, eorum-

que loco Filamentosos gemmiparos inducit. 8) Arbores omnes

flore monopetalo conjunxit sub eadem classe Tournefortius

pag. 363 & 364; has vero secundum corollæ figuram, ex as-

sumtis principiis in Herbis, distinguit Autor in plures classes.

9) Incipit Cl. Autor ab imperfectis, & progreditur ad per-

fectiora; hinc apetalos, antequam petalodes, irregulares, ante-

quam regulares, assumit. 10) Methodi hujus delineationem ge-

neralem in Dissertationibus proposuit; Systema vero ipsum

etiamnum non absolvit Doctissimus Autor. 11) Eo præsertim

a Tournefortio dissentit Autor noster, quod principia assum-

ta, absoluta existimat, at Tournefortius magis de classibus na-

turalibus obtinendis sollicitus fuit. XIII. PETRI MA-

377.

GNOLI, Galli, Professoris Botanices Monspeliensis, Me-

thodus a Calice, Perianthio, & Pericarpio. 1) Distincta pla-

ne a reliquis est Methodus illa, quam conceperat Petrus Magnol,

& certe mirum, singulare adeo & plane novum Systema tam

paucos in sui oblectamentum rapuisse Botanices cultores, ut pla-

ne ab omnibus in hunc usque diem intactum relictum sit, licet

alijs nullo modo inferius sit, sed certe plurimis longe præferendum. An causa, quod pauci calicem ejus intelligere potuerit, vel quod Autor in leves difficultates, quas magno Tournefortio obficere posset, inquirendo nimis curiosus fuerit, sua cum interdum non puriora prædiderit principia? 2) Fundamentum methodi a Calice petiit Autor; Calicem hunc duplicem esse, cum veteribus assunxit, externum, qui perianthium, & internum, qui Pericarpium bodie & olim dictum est. Inde triplex principium deducitur. α) Calix externus tantum, ubi Perianthium nullum, sed Pericarpium solum. β) Calix internus tantum, ubi Perianthium quidem, sed Pericarpium nullum. γ) Calix externus & internus simul, ubi Perianthium & Pericarpium simul existunt, 3) Præsentiam Calicis in omni planta requirit Autor, quem, ut obtineat calicem externum, florem vel includere, vel sustentare, statuit; calix ille, qui florem involvit, est Perianthium; qui vero florem sustentat, est Germen, vel Pedunculi apex obtusus. Vide Valerianam, Passerinam, Helxinem, Runnicem, Rheum, Clematitidem, in Classe II, 1, & VII, 6. 4) In Ordinibus nunc Calicem, nunc Corollam, nunc Fructum, assunxit. 5) In Generibus præprimis ea cum Tournefortio assunxit; loco Characterum vero unam alteramve speciem singuli generis secundum omnes partes fructificationis describit. 6) Flores Papilionaceos omnes pentapetalos (nec, ut creditum vulgo, tetrapetalos,) esse docet. 7) Flores Radiatos Tournefortii Semislossulos & Flosculosos simul nominat. 8) Novum methodi fundamentum, classes sat naturales, observationum novarum copiarum descriptiones, &c. ut opus omnium manibus tereretur, suaderent. XIV. CAROLI LINNÆI Methodus a Calycis speciebus. 1) Calyx prima pars fructificationis est, prima, que oculis nostris sese offert, qua florem præservat ab externis injuriis, quaque dein fructum conservare, cadente licet flore, ad ejus maturitatem solet. Mira itaque in Calyce structura diversitas; major facile, quam vel in ulla alia fructificationis parte. 2) Magnolius solus fundamentum methodi a Calyce sumpsit, sed modo in primis Fundamenti co usus, mox ad fructum cum reliquis se contulit, ut classes (laudabili maxime instituto) naturales servaret.

detret. 3) Voluit itaque in tyronum gratiam methodum aliam plane proponere; inque ea Calycis species, differentias, proprietatesque facile omnes primarias, describere, ut facilius assueferent Calycium dissectionibus juniores Botanici. 4) Imputet itaque mihi bonus nullus, quod Systema quoddam novum finxerim, qui tantummodo Calyces generali qualicumque conceptu delineavi, studio frangens Classes naturales omnes, modo distinctiones clariiores reperirem. 5) Species Calycis sunt 5: Spatha, Gluma, Amentum, Involucrum, Calyptra, omnibus notæ Botaniciis, alibi (Philos. Bot.) tradende. 6) Involucrum est vel remotum, vel proximum. In hac methodo proximum solum assumimus, adeoque; solius umbella qua ex receptaculo communis oritur; in umbella composita duplex est receptaculi ramificatio, adeoque duplex locus involucri, sive hoc tum adsit, sive absit. 7) Floribundi intra calycem ad ejus latera diffunditur receptaculum, e quo stamina & corolla (si qua adsit) procedunt. 8) Coronatrices calyces sunt, quo fructus seu germi insident, quoniam calycem abire in fructum, dixit Tournefortius. 9) Cum flores calyce (non corolla) carentes & flores corolla (non calyce) destitutos distinguere non admisit natura, evidentissima exemplo in Daphne, Parnaceo, &c. has distinximus hypothetice secundum durationem floris externi ad absolutam fecundationem solummodo, vel ad absoluta demum semina, persistentes. 10) Calyptratos omisimus ob paucitatem numeri. XV. CAROLI LINNÆI, Sueci, Medici, Systema a sexu: staminibus & pistillis. 1) Neglexerant Stamina & Pistilla antecedentes Systematici facile omnes: singularis eorum structura vero, & insignis officium, animum allicuit meum, ut in his inquirerem, quid considerit natura. 2) Commendabant se munere, quo fungebantur; cum his solis omnis plantarum propagatio innitebatur; latebat in his tam nullis ipsa floris essentia: Flos enim nil est nisi Actus generationis plantarum. Generatio hac absolvitur solis staminum Antheris, pistillorumque Stigmatibus: adeoque sine his nullus fructus. 3) Classes vel ordines naturales admisit tot, quot ulla methodus alia, numerus tamen generum ubique fructus sui; obsacula, qua methodo contraria erant, collegi; candidus

Pag. 441.

aus impertivi; Naturalem methodum nec hanc, nec aliam vocaverim ullam. 4) Tanti est Stamina notitia in generibus determinandis, ut ea destitutus nullus certo & tuto genera designare queat, licet plane nibilo ante habita. 5) Nomina systematica metaphora proxima a sexu petii, ne definitiones loco nominum, uti vulgo receptum, obtruderem. 6) Characteres generum ab omnibus partibus fructificationis, secundum cujuscunque numerum, figuram, proportionem, & situm, collegi. Vide Genera plantarum. 7) Genera artificialia, vel extra fructificationem petita, ad sua naturalia, quantum observationes docuerunt, reduxi. 8) Nomina falsa, quantum vidi, exclusi, eorum licet non captarem gratiam, hisce qui innutriti erant. Vide Critic. Bot. 9) Varietatum myriades ad suas veras species referre incepti, cum nullius momenti sint, sed scandalum Botanicis. Vide Hort. Clyff. 10) Specierum differentias inquirere, nominaque inde specifica plantis inscripta, nec ex memoria labili petita, condere incepti. Boni continuabunt, si quid bene inchoatum. XVI. SEBAST. VAILLANTII, Demonstr. Pl.

Pag. 517.

Hort. Paris. Methodus Compositorum. 1) Magnum opus aggressus est Seb. Vaillantius, omnes examinando plantas quam accuratissime, examinatas referens ad genera certa. 2) Incepit opus, cujus partem, quam edidit, tanta absolvit doctrina, ut accuratiorem Systematicum non viderit orbis. Immensa enim copia specierum, (quam habere potuit Parisiis ex collectaneis Tournefortii, Plumieri, Suriani, Feuillei,) accuratum examen, & intima plantarum cognitio, reddidere incepta tam matura, ut Autoris præpropera fata satis nunquam dolere possit orbis literatus. 3) Optandum foret, ut Romana veste induta prodiret scorsim methodus omnibus Botanicis adeo necessaria hac Vaillantii in Compositis, ut a pluribus teri possit incomparabile Opus. 4) Classis quartæ definitio difficile elicitur. 5) Genera multa habet nova, exoticas plantas, antea vagas, studiose collegit, varietates speciebus non raro subjunxit, genera tamen fere nimium multiplicavit. XVII. JULII PONTEREÆ, Prof. Bot. Patavini, Methodus Compositorum. 1) Flores compositos aliorum vocat Cl. Autor Conglobatos, quos in tres classes cum

525.

Tour-

Tournefortio (pag. 354 seq.) dividit, sed flosculosis præmittit semiflosculosos, tanquam irregulares, minusque perfectos, & expungit minus aptum semiflosculi nomen conglobati Radiatis capitulis. In Ordinibus totus recedit. Semiflosculus enim Cl. Autori is est, qui aut stamina sine pistillis, seu steriles, aut pistilla sine staminibus, seu fertiles, producit. 2) Ordines faciliores tradit Autor, quam ullus unquam antea; nec pares darentur, nisi genera nonnulla obstarent naturalia. Dividit primo plantas Classis cujusve in eas, quæ fructum aut infra florem, aut intra florem, gerunt. Quæ infra florem gerunt fructum, in omnibus tribus classibus dividuntur ex triplici Receptaculo communi: Thalamo scilicet, α) nudo, β) squamato, γ) papposo. Singula harum eadem lege iterum trifariam subdividuntur secundum coronas seminum: in Semina scilicet α) nuda, β) squamata, γ) papposa. 3) Xanthium & Ambrosia ad filamentosos secundum flores fertiles, qui Autori majoris momenti sunt, amendantur; certe ad Compositos nec spectant secundum steriles. Amaranthoides (Gomphrena) ad infundibuliformes simplices rectius refertur. 4) Cyanoidis speciem III, 9, facit Jaceam C. B; Jacex speciem II, 8, facit Serratulam C. B; Cyani speciem III, 3, facit Crupinam; Jaceas reliquas T. Carduum melitensem; Centaurium majus, III, 10, licet caractere nullo a Cyano III, 10, differebat, ob usum frequentem nominis non expungendum existimabat. Coma Aurea II, 6, a Conyza II, 3, distinguitur, ad quam tamen refert Absinthium corymbiferum annuum. Asteripholis III, 8, est Aster novæ Angliæ altissimus hirsutus, floribus omnium maximis. T. ratio cur distinxit, patet collato Astere III, 5, cum III, 8. Seriphium II, 1, ab Absinthio III, 9, & quidem marino removetur genere.

XVIII. ROBERTI MORISONI, Scoti, Profess. Botan. Oxon. Pag. 533.
 Methodus Umbellatarum. 1) Prima rudimenta, quæ in Methodo systematica tentavit Rob. Morisonus, in umbellatis deponebat plantis, quas secundum leges & vincula earum affinitatis proponere aggressus est. 2) Pulchre semina umbelliferarum juxta se invicem delineata exhibuit, eaque simul tanquam in speculo demonstravit, ut quivis plantas facile ex solo semine distinguere.

gueret. 3) Historiam dein plantarum umbellatarum dedh, characteres tenuavit, excludere tamen debuisset umbellas improprie dictas, solo calo diversas. 4) Quoad leges systematicas, seu classis subdivisiones, recedit longe ab hodierna luce; nec Deo Auctori imputandum, qua seculi conditio ipsi negavit. XIX.

Pag. 551.

JOANNIS RAJI, Angli, Theologi, Methodus Graminum. 1) Qui omnes Botanices partes perferutatus est Jo. Rajus, etiam Graminum difficultissimam classeni enodare tantavit, tenuavit & eventui, pro ratione sui seculi, non infelicit. 2) Divise Gramina cum veteribus in Spicata & Particulata, ista dein secundum similitudinem spica cum vulgarissimis Cerealibus, hac vero secundum locustas Simples & Compositas; minimas vero glutinorum partes non perferutatus est. 3) Facilitavit sic multum hanc partem Botanices, Genera licet latius sumserit. XX. JO-

559.

ANNIS SCHEUCHZERI, Helveti, Soc. Ac. Imp. & Prof. Tigurini, Methodus Graminum. 1) Stupenda industria, labor, & constantia, Graminum familiam, antea ab omni seculo difficultissimam, eamque suo labore, facilem omnibus reddidit. 2) Species Graminum quater centum circiter ex omni orbis plaga cura summa conquirit, omnesque has synonymis geminis nominatis, quoad partes omnes, imo minimas, descripsit ita, ut incertus de specie dimitteretur nullus. 3) Dislinxit has secundum fructificationis partes & situm quam accuratissime; ut divisas phalanges facilius esset separare, adque questam speciem primo gradu pervenire. 4) Folliculus Auctori est ista pars fructificationis, qua a nobis titulo Corollae describitur; Gluma vero ejus nobis Calyx graminis est; & Locusta tandem, quam nos florem integrum dicimus, sive Calyx tum sit uniflorus, sive multiflorus. XXI. PETRI ANTONII MICHELI, Itali,

575.
Pag. 569.

Bot. Princ. Hecuriae, Methodus Graminum. Brevem delineationem methodi Graminum in priori Parte Generum dedit P. A. Micheli, cujus integram explicationem sequentem promissit, quae ita se habet. 1) Locustae compositae; Flore a semine non separato: Frumentum, Zea, Agrostarum, Pseudo-Triticum, Lolium, Gramen, Festuca, Bromus, Arundo, Avena. 2) Locustae simplices; Flore a semine non separato: Hordeum, Parnix, Pba-


Tab. 3

Pba-

Phalaris, *Spartium*, *Oryza*, *Polydactylon*, *Ischaemum*, *Panicum*, *Milium*. 3) Locustæ simplices in eadem planta, aliæ solum floriferæ, aliæ floriferæ & seminiferæ. *Ægilops*, *Sorgum*, *Schœnanthum*. 4) Locustæ simplices in eadem planta aliæ floriferæ, aliæ seminiferæ. *Ægilopoides*. 5) Locustæ compositæ in eadem planta, aliæ floriferæ, aliæ seminiferæ. *Sesamum*, *Sesamistrum*, *Lacryma job*, *Coix*, *Mays*, *Zea*. 6) Culmiferis affines Apetalæ. *Panicastrella*, *Cenchrus*, *Juncus*, *Juncus*, *Juncoides*, *Juncus*, *Calamus aromaticus*, *Acorus*, *Juncago*, *Triglochin*, *Cyperus*, *Cyperus*, *Melanoschœnus*, *Schœnus*, *Scirpo* *Cyperus*, *Scirpus*, *Scirpus*, *Scirpus*, *Scirpoides*, *Scirpus*, *Cyperella*, *Schœnus*, *Linagrostis*, *Eriophorum*, *Pseudo-Cyperus*, *Cyperus*, *Cyperoides*, *Carex*, *Carex*, *Carex*, *Zannichellia*, *Zannichellia*, *Buccaferrea*, *Ruppia*. XXII. CAR. LINNÆI Methodus graminum. Secundum Stamina & Pistilla facili negotio a se invicem distinguuntur Gramina, hinc secundum nostras, a sexu petitas, leges sequenti modo dividi possunt. 1) Diandria Digynia. *Anthoxanthum*. 2) Triandria Monogynia. *Schœnus*, *Cyperus*, *Scirpus*, *Eriophorum*. 3) Triandria Digynia calycibus unifloris. *Cornucopia*, *Nardus*, *Saccharum*, *Phalaris*, *Pbleum*, *Alopecurus*, *Panicum*, *Milium*, *Melica*, *Agrostis*, *Lagurus*. 4) Triandria Digynia calycibus multifloris. *Aira*, *Poa*, *Briza*, *Uniola*, *Cynosurus*, *Bromus*, *Festuca*, *Avena*, *Arundo*, *Lolium*, *Triticum*, *Secale*, *Hordeum*. 5) Hexandria Digynia. *Oryza*. 6) Hexandria Monogynia. *Juncus*. 7) Monœcia Triandria. *Zea*, *Coix*, *Carex*, *Sparganium*, *Typha*. 8) Polygamia Monœcia. *Holcus*, *Ægilops*, *Cenchrus*. XXIII. JO. JAC. DILLENII, Germani, Profess. Botan. Oxon. Methodus muscorum. 1) Nova certe detexit regna Cl. Dillenii, dum solus, & uno eodemque tempore, tantum plantarum protraxit exercitum ex obscuro, in quo a seculis latuit, ut majorem certe nullus unquam. 2) Antea persuaserant Botanici, plantas Europæ facile omnes dudum esse cognitatas, cum tamen Cl. Autor plus quam ducentas, maximam partem plane incognitas, licet ubique vulgares, detegere potuerit. 3) Has omnes plantas minimas, seu Muscos, tam eleganter in

Pag. 578.

579.

certas  fuit phalanges, ut nullus, qui dein novam tentavit methodum, ullo modo cum Autore nostro certare possit. 4) Quae antea de Muscis dedere Bobartius & Rajus in Historiis suis plantarum, cum nil nisi scapas dissolutas exhibuerint, paucioribus gratos se praestitere. Vaillantii quidem icones egregiae sunt, methodus vero nullo modo comparanda. 5) Ad majorem longe perfectionem, sive genera ipsa, sive specierum numerum, sive synonyma, respicias, hanc Muscorum methodum deduxit Cl. Autor in tertia editione Synopsios Rajanz. 6) Nil magis superest, quam ut publici juris faciat egregius Autor integram Muscorum Historiam, figuris adeo nitidis, in quibus singula quaeque depinguntur species, ut pulchrius quid me vidisse vix meminerim, quam collectionem hanc, cujus inspiciendi copia in

- Pag. 591. Museo Dilleniano nobis data quondam fuit. XXIV. PETRI ANTONII MICHELI, *Hetrus. Botan. Princ. Ducis Etruriae*, Methodus Muscorum. Algarum flores, vix ulli assequendi, delineavit egregie Micheli, ut nullus unquam inter Botanicos equiparari possit; certe ultra oculos humanos suis microscopiis progressus est. 1) Floribus campaniformibus a fructu remotis. *Marchantia*, *Marchantia*, *Hepatica*, *Marchantia*, *Targionia*, *Sphaerocarpos*, *Lunularia*, *Marchantia*, *Marsilea*, *Jungermannia*, *Jungermannia*, *Muscoides*, *Jungermannia*, *Blasia*, *Anthoceros*, *Anthoceros*. 2) Floribus apetalis nudis a fructu distinctis. *Lichen*, *Lichen*, *Lichen Agaricus*, *Lichenoides*, *Riccia*, *Riccia*, *Salvinia*, *Marsilea*, *Muscus*, *Muscus*. XXV.
394. JO. JAC. DILLENII, *Germani, Soc. Ac. N. C.* Methodus Fungorum. 1) Primus, qui solidam Methodum in Fungis dedit, Jo. Jac. Dillenius est. Quicquid enim praestitere Clusius, Sterbeck, & Rajus, in systematicis vix ullius momenti erat. 2) Species plus quam 162 dedit in Flora Gissensi, quem numerum longe auxit in Synopsi Angl. 3) Fungos simul & ubique Muscis annexos conjunctim dedit Cl. Autor. 4) Genera, quantum fieri potuit, naturalia condidit, quae dein male a quibusdam recentiorum in plures artificiales, ad nauseam usque, subdivisa sunt.

Accesse-

Accesserunt locupletissimi Indices, qui Lectorem dirigunt, ut juxta omnes methodos, vel unam, quam præoptaverit, plantam quæsitam invenire possit.

Einleitung zur Schleswig-Holsteinischen Historie, &c.

h. e.

INTRODUCTIO IN HISTORIAM SLES-
vico-Holsaticam, ab initio regiminis etiamnum floren-
tis stirpis Oldenburgicæ ad Seculum usque XVIII pro-
lata, Autore ADAMO HENRICO LACKMANNO.
Pars tertia, cui subjungitur Historia Ordinationis Ec-
clesiasticæ regnorum Daniæ & Norvegiæ, atque
Ducatum Slesvico-Holsaticorum.

Hamburgi, apud viduam Felgineri, 1739, 8.

Alph. 2 plag. 2.

Postquam de laboris hujus, ad historiam patriam apprime fa-
cientis, prioribus *duabus Partibus* in his *Actis A. 1731 Mens.*
Jul. pag. 327, & A. 1734 Mens. Jan. pag. 38 seq. pro more no-
stro relatum est, nunc etiam de *Parte tertia*, quæ nuper de-
mum accessit, breviter, sed quod satis est, commemorabimus.
De ipso Autore, præstantissimo *Lackmanno*, id statim in li-
mine monendum ducimus, hunc ex eo tempore, quo *priores*
illas Partes edidit, tum, cum, posito Rectoris Utinensis munere,
vitam privatam ageret, elucubratis, in publica iterum luce ver-
sari, & splendidis muneribus fulgere; siquidem & in Acade-
mia Kiloniensi Historiam extra ordinem docendi provincia ei
demandata, & a Duce Slesvico-Holsatico hodiernum regente
in supremo senatu Ecclesiastico Assessoris ordinarii dignitas
collata est; quam pristinae suæ sortis mutationem cum ipse
Autor in Præfatione aliqua ex parte commemorat, id simul te-
statum facit, non fore, ut inde quis metuat, ne severis illis
historiæ legibus, quæ fidem ubique illibatam adhibendam,
veritatemque nudam sine omni furo proferendam, requirunt,
hinc aliquid decedat. Nobis vero hoc, quicquid ad præsen-

tem Autoris statum pertinet, prætereundum non fuit, ut Lectoribus nostris inde constare queat, tum unde id contingerit, ut laboris huius, alacrius quondam cæpti, *Pars* hæc nova diutius quodammodo expectanda fuerit, tum etiam unde sperandum sit, ut Autor, majori subinde præsidiorum copia instructus, Operi huic posthac feliciter persequendo par omnino sit futurus. Ipsa hæc *Pars III* eadem quidem, qua priores *duæ*, ab Autore methodo conscripta est; ut autem major hic, quam in illis, scribendorum copia fuit, ita hoc minus temporis intervallum Cl. Autori hac vice emetiri licuit: &, prolata historiarum serie ab A. 1626 usque ad 1630, vix quinquennium est, quod integrum hoc Volumen complectitur. Incidit hæc periodus in difficillima belli tricennalis tempora, ubi Danorum Rex, *Christianus IV*, & Gottorpiensium Dux, *Friedericus III* ille sapiens, terris Slesvico-Holsaticis cum summa principatus autoritate præfuerunt. Regem illum *Christianum IV* illis belli calamitatibus id temporis partem præcipuam implicitum fuisse, in vulgus notum est. Quicquid igitur ad ambiguum post infelix illud Regio-Lothariense prælium belli sortem, quam non modo ipsæ Slesvico-Holsaticæ, sed & finitimæ Saxoniz inferioris, provinciæ expertæ sunt: quicquid hinc ad pacem Lubecensem, felicioribus auspiciis A. 1629 his terris redditam, pertinet, id omne, una cum aliis domesticis eventibus, Cl. Autori hic se obtulit commemorandum. Ut autem non modo ipsæ Slesvico-Holsatorum res per hoc intervallum diligentius, quam usquam alibi adhuc factum, explicatæ sunt; ita & vicinarum aliarum regionum fatis, quæ in partem communis illius calamitatis tum venerunt, egregia simul lux accensa est: qua in in re ita se gessit Autor, ut nihil adduceret, quod non vel ipsorum fontium, vel optimorum alias, & æqualium cum maxime, scriptorum, patrocinis munire potuerit; ex iisdem vero & aliorum lapsus, passim occurrentes, modelle notaret atque corrigeret. Præter generaliore hanc tractationis ideam, specialiora ex libro rerum optimarum pleno decerpere haud vacat: nec licet ex concatenata annalium serie, quam Autor tenacius, atque interdum aliquo Lectoris tædio, sibi fer-

servandam duxit, quidquam Lectoribus nostris ita exhibere, ut non potius ad ipsum librum evolvendum, & inde hauriendam tot singularium rerum copiam, eosdem ablegare debeamus: a quo labore nec tamen eximere licebit eos, qui in rebus domesticis fructu carere nolunt operæ, in ipsorum gratiam potissimum impensæ. Restat nobis præterea dicendum de historia Ordinationis Ecclesiasticæ, quæ appendicis loco subjuncta est, & vel quartam Voluminis partem conficit; cujus aliquam notitiam ut hic exhibeamus, ex plurium usu futurum existimamus. Ut Commentationi huic peculiari Cl. Autor animum adjiceret, primum occasionem ei præbuit memoria secularis, quam Oratione, in Academia Kiloniensi publice recitata, sibi recolendam duxit, postquam A. 1737 ipso die Luciz, inde a vulgata prima Ordinatione Ecclesiastica in Dania, integra bina Secula exacta fuerunt. Enatam hinc sibi tractationem noluit invidere aliorum usibus, sed hanc Latino, quo primum concepta fuit, sermone magis magisque perpolitam, accessionibusque & observationibus necessariis auctam & instructam, ita prelo paravit, ut tum huic, quæ nunc primum prodit, *Parti III* Historiæ Slesvico-Holsaticæ juncta esset, tum quoque in exemplis quibusdam separatim excusis prostaret, quo & ab illis seorsim comparari possit, qui integro isto Opere historico hand ægre carent, & Latine ab Autore, quam Germanice, scriptorum librorum lectione magis delectantur. Docemur autem in ipsa Commentatione de ordinatione Ecclesiastica, hanc, quæ omnium prima pro Daniæ Norvagiæque Regnorum atque Ducatum Slesvicensis atque Holsatiæ usibus vulgata est, lingua Latina omnino consignatum esse, atque Hafnienfiam typis excusam, in forma chartæ octipertita A. 1537 prodisse. Autorem illius primum atque solum, quod vulgo persuasum habetur, fuisse *Joannem Bugenbadium*, hand temere admittit Noster, qui, primas jam ejusdem apud ipsos Danos ductas lineas, & ante *Bugenbadii* in Daniam adventum Wittebergam transmissas, luculentissimis testimoniis comprobat: quas vero idem in aptanda eadem, & in justam formam redigenda, cum

adjunctis sibi e Danorum gente sociis partes habuerit, minime reticet: atque de autoritate etiam publica, quam Ordinatio hæc mox ab illo tempore consecuta sit, ita differit, ut, quibus hæc res ambigua adhuc visa est, iis nullus dubitandi locus amplius relictus esse videatur. Proxima, quæ primævam illam editionem Latinam excepit, interpretatio ejusdem Danica fuit, eaque Rothschildiæ typis itidem in forma octava exscripta lucem vidit A. 1539, atque, ut prior illa præcipuorum Ecclesiasticorum Doctorum subscriptionibus roborata atque communita fuit, ita, istis quidem omittis, hæc nomina & suffragia fert præcipuorum Danicæ Procerum & virorum politicorum, in comitiis Othoniensibus, hoc anno celebratis, eidem adjecta. Quæ plura de Danicæ hujus editionis interprete, qui *Petrus Palladius*, Seelandiæ tum Episcopus, fuit, & de modo in vertendo ab eodem servato, commemoravit Noster, hic quidem transmittimus, & tertiam nunc adducimus hujus Ordinationis editionem, eamque in idioma Germanicum secundum dialectum Saxonie inferioris transfusam. Hæc, usibus Ecclesiarum in Ducatibus Slesvicensi & Holsatico cum maxime destinata, in forma quadripartita Magdeburgi prodiit A. 1542, ac, licet prius in eadem transferenda *Bugenhagenio* partes denegare haud sustineat *Lackmannus* noster, ex indiciis tamen haud levibus colligit, non modo *Herm. Tastum*, sed & alios forte quosdam cordatos Cimbricarum Ecclesiarum Doctores, ab eodem circa hoc negotium in consilium adhibitos fuisse. Plura sunt, quæ hinc de differentia inter singulas hæc versiones, quam vel ipse diversorum regnorum & provinciarum status admittendam jussit, itemque de valore & autoritate earundem iterum iterumque stabilita & confirmata, ex proluxa Constitutionum Regio-Ducalium serie ab Autore allata sunt, de quibus omnibus referre hic nimis prolixum foret. Illud autem notasse sufficit, quod illi sanctioni primævæ in utroque Ducatu Slesvicensi & Holsatico sua adhuc dum constet autoritas, licet ex parte utriusque regiminis ingens novarum Constitutionum accesserit cumulus, quibus laboranti Ecclesie summi imperantes subinde prospectum voluerunt. In ipsa autem Dania cum mutata su-

periori

periori Seculo totius imperii forma & ipsam Ecclesiasticæ Ordinationis faciem innox mutata esse, probe Nostro observatum est, ubi novum Rituale Ecclesiarum Daniæ & Norvegiæ, post promulgatum corpus Juris patrii, seorsim quoque A. 1685 in 4 vulgatum, in locum ejus successit, a *Petro Terpagero* ex Danico sermone etiam A. 1706 Latine redditum, quod, licet in præcipuis Capitibus priorum legum tenorem retinuerit, antiquæ tamen sanctioni isti omnem, quam olim habuerat, auctoritatem penitus abrogavit. Cum denique in variarum editionum Ordinationis hujus Ecclesiasticæ enumeratione versetur Autor, autographi illius Latini non nisi unicam illam, supra memoratam, Daniæ versionis vero numero plures, Germanicæ autem tres tantum, in universum prodiisse affirmat, &, quid inter singulas differat, ex sedula exemplorum collatione planum facit. Ut autem huc usque adducta tractationis principalis præcipua capita sunt, ita in argumenta cognata etiam, occasione ita ferente, liberiores excursionem sibi indulgit Autor, adeo, ut de Confessionis Augustanæ receptione in Dania, de Academiæ Hafniensis instauratione, quæ id temporis, cum prima illa Ordinatio Ecclesiastica cuderetur, contigit, de *Bugenhagii* laboribus & diversis in Daniam susceptis itineribus, plurima occurrant, quorum omnium distincta ratio in aliorum scriptis impeditior huc usque reddita est: in quibus tamen & pluribus aliis operæ non pepercit Noster, ut singula, quantum daretur, ad liquidum perduceret, & non modo ab aliis, sed & a se ipso quondam, in his rebus admissos errores corrigeret & retractaret, atque adeo ubique & ingenui Historici, & Critici accurati, partes expleret.

MEMOIRES POUR SERVIR A L' HISTOIRE, &c.

h. e.

COMMENTARII, HISTORIÆ CELEBR-
rimorum in Republica literaria Virorum inservientes.

Accedunt Catalogi librorum, a singulis editorum,
de iisque judicia.

Pars

Tomus XXVIII & XXIX.

Lutetiae Paris. apud Briassonium, 1734, 8.

Tomus quisque habet plag. 18, & totidem plag. dim.

En hic vitam *Jacobi Gretseri*, mortui A. 1625, d. 29 Jan. quem, testis est *Bibliotheca Jesuitica*, tanta fuisse modestia & humilitate, ut, cum urbs illa, in qua natus est, depictam cuperet habere ipsius imaginem, depingi recusaret, addens, ipsis asinum esse pingendum, si *Gretseri* vellent habere effigiem. Noster præcipue notat ejus acrimoniam stili erga antagonistas. Ac sane ea satis superque cognoscitur vel e titulis librorum ejus eristicorum, quorum permagna est multitudo. Quanquam enim fatendum, nec adversarios ejus mollibus usos esse verbis, operam tamen is navavit strenuam, longo ut eos antecederet intervallo. Vita hinc sequitur *Samuelis Marefii*, mortui A. 1673 d. 18 Maji; *Guilielmi Britonis*, Poetæ Seculi XIII præstantissimi, ab alio *Guilielmo Britone* discernendi, *Chronici* scriptore, quod MStum in Bibliotheca Regis Galliae reperitur; *Benedicti Aria Montani*, mortui A. 1598, Hispanorum eruditissimi, qui vino pariter & carne semper abstinuit; *Joannis Argenterii*, mortui A. 1572 d. 13 Maji; *Davidis Hæschelii*, m. A. 1617 d. 20 Sept. *Antonii Rudolphi Cevallerii*, m. A. 1572; *Rodulphi Glabri*, Historici Seculi XI; *Guilielmi de Nangis*, Historici Seculi XII; *Antonii Riccoboni*, m. A. 1599; *Claudii Quilleti*, mortui A. 1661, mense Octobri, cujus sub anagrammatico nomine *Calvidii Leti* A. 1655 editam *Callipadiam*, seu de pulchra prolis habenda ratione Poema didacticum, Noster haud facit magni, cum & versus sint admodum mediocres, & argumentum ipsum minus erudite persecutus sit Autor, deditus etiam superstitioni de vi siderum in humana corpora, deque observanda concubitoris parentibus constellatione; *Henrici Bullingeri*, mortui A. 1575 d. 17 Sept. *Theodori Agrippæ d' Aubigné*, sive *Albinai*, mortui A. 1630 d. 29 Apr. cujus *Historia universalis ab A. 1550 usque ad A. 1601* publice combusta Lutetiae est ob nimiam scribendi libertatem, quique & satyrici illius libri conditor est, qui inscribitur *Confession Catholique du Sieur de Sancy*;

Mat-

Matthæi Bossi, mortui A. 1502; *Christiani Adrichomii*, m. A. 1585 d. 20 Junii; *Stephani Jodelli*, m. A. 1573; *Francisci Balduini*, m. A. 1573 d. 24 Octobris; *Francisci Bernardini Ferrarii*, qui A. 1638 successit Patavii *Balthasari Bonifacio* in præfectura Collegii Nobilium, sed post duos annos, relicta hac sparta, rediit in patriam civitatem, Mediolanum, ibique anno vitæ nonagesimo secundo diem obiit supremum A. 1669 d. 30 Januarii: cujusque omnia scripta (scripsit autem *Libros tres de antiquo Ecclesiasticarum Epistolarum genere*, totidem *Libros de ritu sacrarum concionum*, *septem Libros de veterum acclamationibus & plausu*,) Noster judicat esse eruditissima & plena elegantiz; *Joannis Lelandi*, mortui A. 1552 d. 18 Aprilis; *Josia Simleri*, m. A. 1576 d. 2 Julii; *Thomæ Dempsteri*, m. A. 1625 d. 6 Sept. vigesimi quarti inter patris sui liberos: cui natalis suus dies adeo fatalis fuit, ut eo excesserit patria, Scotia, eo creatus sit Doctor Juris, eo factus sit Professor Academiz Ne-mausensis, eo e causa quadam forensi magni momenti discesserit victor, eo denique Professor constitutus sit in Academia Pisana; *Caroli Bernardi*, Regis Galliz Historiographi, m. A. 1640 d. 25 Junii; *Simonis Majoli*, m. A. 1597; *Felicis Hemmerlin*, Latine *Malleoli*, cujus mortis, in Seculum XV incidentis, annus latet; *Jacobi Sadoleti*, m. A. 1547 d. 18 Oct. *Francisci Petrarchæ*, m. A. 1374 d. 18 Julii, cujus vitam viginti quinque viri docti scripserunt, inter quos excellit *Muratorius*, qui optime compositam eam A. 1711 edidit. *Africa* Petrarchæ, sive *Libri novem de bello Punico*, qui olim maximo erant in pretio, contemnuntur a Nostro, qui Poema hoc longe abesse judicat a laude Poematis excellentis. Postrema est vita *Laurentii Surii*, Lubeczæ nati Lutheranis parentibus, sed, cum Coloniam se contulisset ad colendum literarum studium, a *Petro Canisio*, studiorum suorum tum socio, perducti in castra Pontificis Romani: ubi cum annos natus viginti adscriptus esset Ordini sacro Carthusianorum, totum se dedit scribendis libris usque ad A. 1578, quo mortuus est, & quidem d. 23 Maji. Edidit namque *Opera Tauleri*, *Opera Rusbrochii*, quæ e Belgico sermone in Latinum convertit, *Michaelis Sidonii*, Episcopi Martisburgensis, *Conciones XV de Missa*, quas e Germanico

traduxit in Latinum, *Florentii Harlemensis*, Carthusiani, *Libros V Institutionis vite Christiana*, quos e Belgicis Latinos fecit, *Joannis Gropperi Opus de Eucharistia*, quod, Germanice conscriptum, Latine reddidit, *Apologiam Friderici Staphyli de S. Scripturae vero intellectu & in vulgare idioma translatione*, sermone Germanico conversam in Latinum, *Eisengreinii Sermonis*, cur tam multi deficient ad Lutheranismum, & *Henrici Susonis*, clari Mystici, *Operum*, versionem Latinam, *Homilias Doctorum Ecclesiae in Evangelia totius anni*, ab *Alcuino jussu Caroli M. collectas*, *Concilia omnia*, in *Tomos quatuor distributa*: pro quorum Dedicatione, *Philippo II*, Regi Hispaniae, facta, quingentos accepit florenos; quamquam haec editio valde contemnitur a *Salmonio* in suo de *Conciliis Opere*; *Vitas Sanctorum*, a *Lipomanno* conscriptas, *Tomis sex*, denique *Commentarium rerum in orbe gestarum ab anno 1500 usque ad annum 1566*: qui liber (ita Noster judicat,) incertas multas exhibet narrationes, totus spirat genium monachalem, plenus est meditationibus plane puerilibus, maledictis item in Protestantes tam inconditis, ut eos dicat doctrinas suas hausisse e libris *Mubammedis*, denique ita compositus, ut non minus Pontificiis, quam Protestantibus, sit contemptui.

Accedimus ad alterum horum *Tomorum*, in quo luculenter descripta est; adjecto librorum Catalogo, vita utriusque *Friderici Spanhemii*, quorum alter mortuus A. 1649 d. 30 Apr. alter A. 1701 d. 18 Maji; *Josephi la Brosse*, m. A. 1697 d. 29 Dec. cujus *Gazophylacium linguae Persicae* prodiit A. 1684; *Danielis Eremita*, mortui A. 1613, cujus *Opera*, a *Gravio* A. 1701 edita, valde placent Nostro ob stili puritatem, ob exemplorum multitudinem & selectum, ob genium satyricum; *Gotthofredi Vallée*, propter atheismum combusti A. 1573 d. 9 Febr. qui unum duntaxat librum edidit, inscriptum *la beatitude des Chretiens*, non, ut vulgo putant ob locum quendam *Maldonati* male intellectum, *de arte nihil credendi*: quo tamen in libro, Noster docet, non tradi atheismum proprie dictum, sed Deismum, sive agnitionem Dei sine metu Dei suppliciique aeterni; *Viti Ludovici Seckendorffii*, m. A. 1692 d. 18 Dec. *Petri le Givre*, medici, m. A. 1684 d. 5 Junii; *Lilii Gregorii Gyraldi*, m. A. 1552

menfe

menſe Februario, qui ſibi ipſe hoc condidit Epitaphium, longe magis conveniens homini ethnico, quam Chriſtiano, quam Protonotario Apoſtolico:

D. M.

Quid, hoſpes, adſtas? Tymbion

Vides GYRALDI LILII,

Fortuna utriusque paginam

Qui pertulit, ſed peſſima

Eſt uſus altera, nihil

Opis ferente Apolline.

Nil ſcire refert amplius

Tua aut ſua: in tuam rem abi.

Lilius Gregorius Gyraldus, Protonotarius Apoſtolicus, mortalitatis memor, annum agens 72. S. P. CUR.

Sequitur vita Jo. Baptiſta Gyraldi, mortui A. 1573 d. 30 Dec. Franciſci Bianchini, m. A. 1729 d. 2 Martii; Jacobi Sylvi, m. A. 1555 d. 13 Jan. cujus Opera medica omnia A. 1630 ſunt edita; Joannis Georgii Triffini, m. A. 1550, cujus Opera, Italice conſcripta, Scipio Maſſeus Veronæ edidit A. 1729; Guarini Guarini, qui, Veronæ A. 1370 natus, magiſtrum habuit clariffimum tum temporis Grammaticum, Joannem Ravennatem, cujus ſchola plerique prodierunt, qui in Italiam reduxerunt Muſas elegantiores. Tum ad Græcam linguam addiſcendam Conſtantinopolim petivit, ubi per quinque annos doctore uſus eſt Emanuele Chryſolora. Redux hinc in patriam primus fuit ex Italis doctor linguæ Græcæ, partim Venetiis, partim Ferrariæ, partim Veronæ, partim Florentiæ. Mortuus eſt A. 1460, qui nonageſimus erat vitæ ipſius annus, relicto doctiſſimo filio, Baptiſta Guarino, cujus, ſub exitum Seculi XV exſtincti, etiam hic recensentur opuscula. Vita nunc ſequitur Franciſci Turriani, m. A. 1584 d. 21 Nov. Joannis Henrici Maji, m. A. 1719 d. 3 Sept. Jacobi Philippi Tomaſini, m. A. 1654 menſe Decembri; Joannis Baptiſta Moliarii, Comicoꝝ Galliæ clariffimi, mortui A. 1673 d. 17 Febr. cujus Comædiarum optima ea eſt editio, quæ A. 1734 prodiit in publicum, ſex conſtans quadratæ-forinæ Voluminibus; Joannis Sturmii, m. A. 1589 d. 3 Martii; Ludovici Regii, m. A. 1577 d. 2 Julii, cui magnam eloquentiæ

sainam peperit *Vita Guil. Budai*; *Jo. Vincentii Gravinae*, m. A. 1718 d. 6 Jan. *Thomæ Ittigii*, m. A. 1710 d. 7 Aprilis; *Petri Crespeti*, m. A. 1594; *Nicolai Comitii*, m. A. 1689 d. 10 Febr. *Joannis Caramuelis Lobkowiz*, qui, Madriti natus A. 1606 parentibus nobilibus, matre Germana gentis *Lobkowiziae*, ingenio præditus præcoci, primum in Academia Complutensi factus est Theologiæ Professor, hinc A. 1638 creatus Lovanii Doctor Theologiæ, tum Abbas, postea Episcopus titularis. Cum A. 1648 urbs Praga a Suecis obsideretur, is, non indignum ratus monacho, pro patria capere arma, præfici se passus est centuriæ Clericorum armatæ, eamque prospero successu hostibus opposuit. Bohemia in potestatem Cæsaris redacta, tantum ostendit ardorem in convertendis hæreticis, ut insigniretur titulo Episcopi Regiogrætsensis. Postea A. 1655 Papa *Alexander VII* eum creavit Episcopum duarum diocesium regni Neapolitani, sed e quibus tenues proveniebant redditus. Ad ultimum A. 1673 Rex Hispaniæ eum fecit Episcopum Vigevanensem: qua in urbe vitam finiit A. 1682 d. 8 Sept. tumulo ejus his duntaxat verbis inscriptis: *Magnus Caramuel, Episcopus Vigevani*. E regione vero hujus tumuli pila quædam hæc verba habet: *En ubi lingua silet & calamus magni JOANNIS CARAMUEL, qui vel undecimo ætatis anno libros scribens, mox Monachus, Pontificibus carus ac Regibus, triginta hominum millia revocavit ab hæresi, obsessam ingenio & ense liberavit Pragam, linguas omnes edoctus & disciplinas, vitæ annis æquavit Volumina in 77, ita vegetus, ut nunquam otiosus, demum suis in operibus immortalis, nuntio Cometa, tum nato, cum obiit, dum in hac Cathedrali Episcopi æternum clari pro nata Virginis festo vespere solvebantur, cælo natus terras reliquit anno 1682*. Nostro judice *Caramuel* hic fuit homo amplissimæ, verum haud solidæ, eruditionis, pollens insigniter facultate imaginativa, disertus & meditabundus, sed judicii inops. Sequitur vita *Theodori Gaze*, mortui A. 1478; *Petri Nicolii*, Jansenistæ polygraphi, m. A. 1695 d. 16 Nov. cujus scripta, partim *ἀναγνώμης*, partim *ψευδωνύμης*, emissæ, singulari diligentia recenset Noster, docens etiam pag. 298, magnam partem *Artis cogitandi* eum habere

auto-

autorem; *Guil. Canteri*, m. A. 1575 d. 18 Maji; *Joannis Leusdenii*, m. A. 1699 d. 30 Sept. *Caroli Annibalis Fabroti*, m. A. 1659 d. 16 Januarii; *Simonis Goulartii*, m. A. 1628 d. 3 Febr. *Conradi Pellicani*, m. A. 1556 d. 5 Apr. *Melchioris Goldasti*, m. A. 1635 d. 11 Aug. *Marci Hieronymi Vida*, m. A. 1566 d. 2 Sept. anno ætatis nonagesimo sexto.

BIBLIOTHECA VOLANTE, &c.

h. e.

BIBLIOTHECA VOLANS JOANNIS CINELLI CALVOLI, continuata a D. DIONYSIO ANDREA SANCASSANI. Editio secunda, in commodiorem formam redacta, variisque accessionibus & observationibus locupletata. Tomus I, dedicatus Marchioni Perillustri LUDOVICO RANGONI.

Venetis, typis Joannis Baptistæ Albrizzii, 1734, 4.

Alph. I plag. 8.

Tomus hic volantis Bibliothecæ primus complectitur viros doctos, qui volumina ac scripta concinnarunt, ad alphabeti seriem recensitos. In præsens duo tantum prima elementa, A & B, in lucem prodierunt. Formula Dedicationis elogio in Marchionem Rangonem congesto est commemorabilis, cujus majores ad Theodorum Rangonem usque, A. 532 Belisarii centurionem secundarium, prorogantur ac revocantur. Cinellius Bibliothecam suam volantem in diversa armaria, seu repositoria, non uno in loco typis excusa, distribuerat, singulisque peculiare honorificas præmiserat Dedicationes, quæ hic separatim formis publicis descriptæ adjiciuntur, ac 15 plagulas, quater complicatas, conficiunt. *Sancassanius* addidit quoque *Cinelli*, Medici Florentini, vitam, nati d. 26 Febr. A. 1625 patre *Dominico Joannis Cinelli*, usi contubernio condiscipuli *Evangelista Torricellii*. Medicinam Pisis primo fuit professor. A. 1651 revertit in patriam. Museum ejus erat instar oraculi Delphici, ad quod literatorum numerus haud exiguus confluebat. *Magliabechium*,

- chium*, Palatinæ Magni Ducis Bibliothecæ præfectum, consuetudine sibi devinxerat. Ipse Florentiæ A. 1677, 8, *Bibliothecæ volantis Repositorium primum*, seu potius *della Biblioteca volante Scanzia prima*, haud ultra pag. 96 excurrrens, typis publicis describendum curavit. Eodem anno succedebat *Tomus II. Tertius* prodibat A. 1685; Neapoli *quartus* A. 1682, quem consecraverat *Josepbo Vallette & Bernardino Ramazzini*. At in Dedicationis Epistola inerant nonnulla, quæ honoratiores habebant aliquos ægre. Ex eo fonte tantum mali fuit enatum, ut ipse *Cinellius* custodiæ fuerit datus, in qua doctissimum & distentum volumen *de Incarnatione* conscripsit. Ejus liberatus acerbitate, manum denuo admovit operi, sed variis conflictatus cum inimiciis. Repositorium XVII & XVIII
136. ante mortem Autoris in lucem haud exiit. Obiit *Cinellius* A. 1706 d. 18 Apr. octogesimum primum ingressus annum. Scripta haud sane pauca elucubravit ipse, quorum multa reliquit
140. manuscripta, e. g. *Origine della Città di Borgo san sepolcro*; *Errori del Volgo Fiorentino intorno ad alcune Cantastavole erroneamente credute*; *Errori di chi assiste agl' infermi*; *I Gemelli*; *Orazione per Ss. Cosmo e Damiano, nella cui Compagnia queste due Orazioni recitate furono*; *I Titoli*; *tre Panegirici per S. Girolamo detti in una Compagnia del Santo, per San Filippo Neri*; *Orazione nell' Accademia de' Sargenti, per ill' Santissimo Sacramento*; *Orazione recitata in una Compagnie di notte*. Omitimus Orationes & Epistolas alias, in abdito adhuc latentes, dummodo addiderimus ejus Opusculum, ex accessionibus ad *Lexicon medicum Stephani Blancardi* compositum, *Aggiunta al Lexicon medicum* &c. Si indicem librorum ejus percurrerimus, haud dubitandum esse videmus, *Cinellium* Oratorem, Poetam, & Medicum, fuisse insignem, Historicum & literatorem eximium, annumerandum vero literatis infelicioribus, qui calamo mordaci exitium sibi et conciliarunt. Bibliothecæ volantis finis in eo consistit, ut scriptorum, Italicorum cumprimis, colligantur tituli cum anno locoque, quo typis publicis excusa prodierunt. Non est autem, quod quis hic judicia de scriptis, & elogia de scriptoribus, venetur. Nomen Autoris in fronte apparet ubique. Postpositum est prænomen unum & alterum. Subditur semicirculus.

circulus. Exponitur deinde scripti titulus, seu rubrum. Additur annus & locus impressionis. Ne tamen nullius frugi hic videamur, pauculas ex aridiori hortulo decerpemus rosas. Mantuz in deambulationibus publicis Jurisconsultus Medico jungitur, unique prae altero per vices tribuitur locus princeps. *Antonius Brescianus Alferius* A. 1707 Patavii Orationem in cathedrali Basilica habuit, cui fuit inscriptio: *Medica facultas Jurisprudentiae palmam eripit.* *Leonis Allatii* scripta debite recensita & sigillatim indicata fuisse, gaudemus ex jure, quantum ad libros fugitivos attinet, ex quibus hæc quippe Bibliotheca volans constat. Passim ea, quæ ad sese vel amicos suos attinent, *Cinellius* intexit, eisque tædium lectoris minuit. Continuatoris augmenta signis a *Cinelliano* Opere sunt discreta. Ad hos corymbos spectant duo scripta historica *Joannis Andreae de Aflezatis*, ante paucos annos edita. De *Stephano Baluzio* Tutelenfi præter morem nonnulla afferuntur singularia. *Cinellium* operam dedisse enarrandis scriptoribus Venetorum, intelligimus ex pag. 93. In scriptis medicis Autor Danos quoque & Germanos subinde attingit, e. g. *Thomam Bartholinum* pag. 110, ejusque filium, *Casparum*, pag. 111. De transplantatione morborum hæc fuit *Cinellii* sententia: *Credat Judæus apella, non ego.* Ipse laudat *Academiam Naturæ curiosorum*, eamque nonnullis lucubrationibus suis illustravit. *Antonium Magliabechium* vocat *literarum prodigium.* *Antonia Burignonia* unicum scriptum, *Marci Zuerii Boxbornii* tria, *Erhardi Weigelii* Dissertationes aliquot, *Roberti Boyle* pleraque commemorat scripta. Multa, alibi vix obvia, hic in memoriam revocantur scripta minora; plura tamen, eaque satis cognita, omittuntur. Libris ejusmodi ea utilitas est propria, ut libri majores, quibus scripta Autorum continentur, inde possint nonnunquam augeri subsidiisque instrui. Nostrium est, Continuatori publicas habere gratias, eumque exhortari, ut spatium, quod ingressus est, porro alacriter decurrat.

Pag. 27.

29 seq.

65.

90 seq.

112.

120 seq.

184.

NOVA LITERARIA.

Francofurti ad Viadrum proxime prodibunt *Annales literarii Magnæ Russiæ, Poloniæ, Lithvaniæ, Prussiæ, Livoniæ, & Curoniæ*, octava forma excusi, in posterum etiam, si bonos conatus fortuna secun-

secundet, per partes continuandi. Recensentur in his, addito modesto judicio, omnia scripta literaria, maxima, minima, quæ per universos longe lateque patentium imperiorum fines, in quovis scientiarum genere, inde ab initio anni 1739 sunt vulgata; omnes Libri, Diaria eruditorum, Dissertationes, Orationes, Conciones sacræ, Programmata, quin & Carmina præstantiora, quæ vel in Imperiali Societate Scientiarum Petroburgensi, vel in Academiis perantiquis, Cracoviensi, Vilnensi, Regiomontana, Dœrpatensi, vel in Gymnasiis florentissimis, Dantiscano, Elbingensi, Rigeni, aliisve urbibus, Latina vel vernacula gentibus lingua, verbo, quæcunque in Typographiis horum Imperiorum sunt excusa. Adduntur præterea vitæ Virorum eruditione clarissimorum, quos satis, quovis anno, intra vastorum Imperiorum terminos, fungi contigerit, subjuncto indice scriptorum, a singulis editorum; historię controversiarum, inter doctos forte oriturarum, nova in re literaria inventa, & observationes, & quicquid præterea notatu dignum, & ad eruditos pertinens, in provinciis ante nominatis acciderit. Singulari vero cura Latine puritati studetur, nec quidquam, quantum fieri poterit, eidem contrarium admittitur facile, præter locutiones cuiusvis scientiæ proprias, (*terminos* vulgo vocant,) quæ typorum etiam diversitate distinguuntur. Inprimis cavetur, ut omnia sine partium aut religionis studio recenscantur. Quin contra multa cura allaboratur, ut annotationibus Geographicis, Genealogicis, Historicis, & Criticis, interjectis lectoris commodo & curiositati consulatur. Singulis *Tomis*, in posterum prodituris, subjicientur, in majorem Lectorum utilitatem & deletionem, *Nova literaria, Suecica, & Danica*, quæ in reliquis Diariis eruditorum vel parcius enarrata, vel penitus omissa, desiderantur. Prohibet autem quovis trimestri *Annalium* horum *Tomus unus*, 16 vel 18 plagulis constitutus, sub finem mensium *Januarii, Aprilis, Julii, & Octobris*. Ceterum, quo minus cognitæ eruditæ gentibus Europæis reliquis sunt res literariæ memoratorum ante imperiorum & regnorum, eo acceptiorem operam fore suam sperat Editor, publici boni & temporis subservi bene collocandi studiosissimus. Sed & sperat idem, neminem fore, qui sumtus ab eodem haud exiguos, in opus erogandos, in eventu dubio prænumerandos arbitretur. Itaque ea, qua par est, humanitate rogat omnes literariæ Historiæ amatores, qui editionem horum *Annalium* promovere cupiunt, ut nomina sua apud Bibliopolas, Francofurtensem, *Joannem Godofredum Conradi*, Lipsiensem, *Jacobum Schusterum*, & Regiomontanum, *Joannem Godofredum Eccard*, profiteantur, quo ex numero subscriptorum constet, Editorem oleum & operam non perdere. Pretium annuum erit uncialis seu thalerus unus, cujus pars quarta, seu grossi seni nostrates, quovis trimestri, ubi *Tomus primus* & subsequentes in publico comparebunt, numerabitur.

NOVA ACTA ERUDITORUM,

publicata Lipsiæ

Calendis Julii Anno MDCCXXXIX.

GENEALOGIÆ DIPLOMATICÆ AUGUSTÆ gentis Habsburgicæ Volumen II, Codicem probationum exhibens; quo continentur Diplomata, Chartæ, aliaque antiquitatis monumenta. Pars I, ab A. C. DCCXLIV ad annum usque MCCLXIX, numero D; Pars II, ab A. MCCLXIX ad A. MCCCCLXXI, a numero DI usque DCCCCCLIV. Accedunt Indices locupletissimi, qui rebus tum Habsburgicis, tum plurium illustrium Germaniæ familiarum genealogiis, deservient; accurante R. P. MARQUARDO HERGOTT, Ord. S. Bened. Congregationis S. Blasii in nigra Sylva, Capitulari & magno Cellerario, S. Cæs. Regiæque Catholicæ Maj. Consiliario & Historiographo, Ordinumque anterioris Austriæ per Brisgoviam ad Aulam Cæs.

Deputato.

Viennæ Austriæ, ex typographia Leop. Jo. Kaliwoda, 1737, fol. maj. Alph. 10 plag 4.

En alteram tertiumque Volumen æterni Operis, cujus prior Tomus primam superioris anni paginam in Actis nostris illustraverat. Ita vero evenit nunc, quod, licet votis civitas literata sæpius expetisset, sperari vix ac ne vix quidem poterat, ut idem Reverendissimus Autor, qui, Historiam Augustæ gentis Austriacæ adornaturus, industriam plane singularem, lectionem

indefessam, vigilatasque noctes quamplurimas, ostenderat, mox sit amplis veterum Chartarum Voluminibus Operi suo coronidem, nomini adderet perennitatem. Nos non tam Cel. Viro talem feliciter absolutam, quam orbi historiarum curiofo cimentum, vix ulli comparandum, gratulamur. Etenim novum invenit vetustatis thesaurum, Cæsaris Augustissimi beneficio, atque solertia *Hergotti*, e pulvere ac tenebris protractum, de quo eo magis lætari par est, quod huc usque in scriniis Bibliothecarum, & Monasteriorum arcis, depositus, blattis tineisque gratas ministrare epulas sit visus. Uberrimam Diplomatum messem Rev. Autori Ecclesiæ suppeditarunt, in quibus Sangallensis, Einsiedelensis, Basileensis, atque Fabariensis, nomina præ reliquis inclarcere. Sed potissimum Bibliotheca Vindobonensis profuit, atque inter alios Codices librum *Udalrici Babenbergensis*, quo varix Pontificum, Imperatorum, & Cardinalium, literæ ab anno inde 1125 continentur, a *P. Lambecio* in *Bibl. Vindobon.* pag. 48 seq. multis verbis collaudatum, subministravit. Tanta felicitate præclare usus est *Hergottus*, ita scilicet, ut & nova ederet quamplurima, & chartas, mancas huc usque, ex autographis suppleret. Notas insuper Diplomatum adjecit singulis, quæ veram prodant ex iis proficiendi rationem, atque præter res præclarissimas insignem antiquarum vocum copiam illustant. Bigam Diploma L exhibet, ad usum fori Germanici pertinentem, at plerisque tamen, ni toti fallimur, inauditam. Quis jus illud singulare, *Bettebur* vocari solitum, vel sando percepit unquam? quod facultatem a russicis tributa exigendi denotare, primus Autor docuit. Conf. *Klockii Consil. LXXVII n. 19.* Cui *Cepponis* occurrit mentio, quod nomen & instrumento ad constringendos reorum pedes adhibito, & loco reis publice proponendis dicato, competere, probatum evictumque *Hergottus* dedit. In notis ad Diploma LXVII, quo *Ludovicus Germanicus* A. 867 d. 16 Cal. Sept. hominibus de *Argengulve* plenam legem *Phaath*, qua usi fuerant majores, pro mansis IX cum mancipiis eorum concedit, contra *Tschudium* erudite notavit, *τὸ Phaath* non violentiam, sed potestatem a censu sese redimendi, apud Alemannos significasse.

Pag. 118 n. 5. In Dipl. CLXXVIII vox *incisura* occurrit, quam pro exactione suavi,

sumi, ex Charta *Manassis*, Guinensium Comitis, apud *Cangium* apparet. Sed obscurus præ reliquis locus est in Diplomate *Henrici V* monasterio Engelbergenfi, A. 1125 d. 28 Dec. dato: *Liceat Abbati cum consilio fratrum ad utilitatem monasterii emere, vendere, mutuari, & loca monasterii longe disjuncta sine contradictione advocati defendenda alteri committere. Advocatus denique, patre monasterii petente, a Rege accipiat bannum legitimum, & bis in anno, si opus fuerit, quodocunque patri monasterii placuerit, invitatus ab illo veniat, & ibi placitum iustum pro causis & necessitatibus matrimonii rite peragat. Nullum autem aliud servitium, jus, aut beneficium, sibi per hoc concedi recognoscat, nisi æternam mercedem, & tertium bannum, & consuetudinariam justitiam, in illis duorum placitorum diebus: in utroque duo modii speltæ, & unum frilchingum, valentem siculum, & unum siculum de vipo, & in his duobus nihil aliud speret nec pro justitia nec pro caritate.* Adsumt hic varix voces, quæ uberiori explicatione indigebant, quarum nullam Rev. Autor intactam prætermisit. Sic per *bannum legitimum* potestatem, advocatis ecclesiarum concedi solitam, Regis nomine jus dicendi, pœnasve irrogandi: per *tertium bannum*, tertiam multæ, ab advocato dictatæ, partem: per *speltam* tritici genus; per *frilchingum* annual, quod nondum ad justam magnitudinem excrevit: per *siculum de vino* cadum ejusdem potionis, intelligi, ex glossis *Rhabani* MStis & aliunde satis demonstravit. Nolimus jam in amplissimam rerum gestarum messem excurrere, quam præiens Diplomatum Volumen suppeditat, cum, illud conari, idem foret, ac integrum Opus velle describere. Ita lectu dignissimum est Diploma 159, propterea, quod insignem circa jus forestale Imperatorum curam declarat. Attentionem meretur Instrumentum de A. 1268, quo *Rudolphus*, Habsburgi, & *Meinhardus*, Tyrolis, Comites mutuos sibi amicitiae perpetuæ sponsores constituunt. Memorabile est literarum commercium, inter *Gregorium X*, Pont. Rom. & *Rudolphum*, Regem Romanorum, in quo de mediis controversiam, circa Ducatum Sueviæ cum *Alphonso*, Castellæ & Legionis Rege, obortam, sopiendi disceptatur. Jungi merentur *Urbani VIII* literæ apud *Leibnitium* in *Prodr.*

Num. CCI
pag. 144.

145 not. 4
seq.

Num. D.

DXLV.

Num.
CCXVIII
pag. 164.

Cod. J. G. n. 14. Publici Juris cultoribus commendanda Chartæ 557 lectio, quippe accuratam juris de non evocando notionem datura. Neque tamen, ut est in rebus humanis perfectum nihil, omnes n̄vros evadere Rev. *Hergottus* potuit, quorum nos in præfenti aliquos, non tam intempestivo emendandi pruritu ducti, quam eo potius sine, indicabimus, ut nostrum Autori in Opere versando studium comprobemus. Omnis tractatio ad binas classes commode referri poterit, cum partim in ipsis *Imperatorum titulis*, partim in *subscriptionibus* Chartarum, notanda quædam deprehendamus. Turpis est scribarum oscitantia, quæ nominibus Principum non pepercit, atque numeros, ipsorum nominibus adjectos, frivole corruptit. Ita in Dipl. 193 diversa Codicum est lectio, dum *Henrico* in aliis nota *quarti*, *quinti* in aliis, adscribitur. In Dipl. 212 *Lotharius alter*, *quintus* vocatur, cui vitio nullam, nisi ex Seculi tenebris, excusationem peti posse, statuit Rev. Ecclesiæ Gotvicensis Abbas. Inprimis vero circa nomen *Conradi*, qui *Lothario* successit, chartæ variant. Nunc enim plane numerum omittunt, ut in Dipl. 220, nunc *alterum*, nunc *tertium*, appellant, ceu ex Dipl. 212 & seq. apparet: unde & hoc simul discimus, falli omnes ad unum, excitatos a *Struvio*, scriptores, dum A. 1136 vel insequenti vita functum narrant *Lotharium*. Aliud sane prodit usitata a *Conrado* computandi ratio, quippe qui in Diplomate excitato, quod A. 1039 scriptum est, annum regni primum numerat. Ad alteram pergitur errorum classem, *subscriptionum* vitia paucis indicaturi. Atque hic tam amplam voci *subscriptionis* notionem subjungimus, ut & *temporis notam*, & *nomina Cancellariorum*, complectatur. Ita nonnunquam factum est, ut in annis *imperii* atque *ordinationis Principum*, a quorum liberalitate Diplomata fuere profecta, itemque in *Indictionibus*, vitium admitteretur calculi. In Diplomate *Otonis III* (n. 153) pro anno imperii *altero tertius* scribi debebat, qua in re multoties erratum, *Mabillonius Annal. Bened. T. IV n. 66* observavit. In Diplomate 159 & 160 *primi* indictionis anni loco *tertius* collocandus, utpote qui in A. C. 1004 incidit. In Diplomate 165 *Henrici II* Imperatoris annus regni 18 loco 17 reponendus; quemadmodum & in Dipl. 168 epocha regni a *Conrado II*

do II administrati emendanda, atque pro anno *tertio quartus* collocandus, cum is cum A. C. 1027 conveniat. Singularis computandi ratio, *Carolingis Ottonibusque* incognita, circa Seculi XI medium coepit frequentari, ubi *Henricus III* annos *ordinationis* persequitur, regni autem epocham ab eo, quo solus regnavit, tempore orditur. Sed circa hanc quoque annorum rationem in Chartis apud Rev. Autorem aliquoties peccatum est. Ita in Diplomate de A. 1045 (n. 176 & seq.) 16 pro 17, de A. 1050 (n. 181) 21 pro 22, & mox (n. 187) 23 pro 22, reperiuntur positi, id quod oculatissimum Ecclesiae Gotvicensis Praesulem praeteriisse, non satis demirari possumus. Eadem facit observatio, ut Chartam *Henrici III* de A. 1050 (n. 182) ex autographorum numero proscribentes, ad vitiosa originalis a *Tschudio* tractati apographa amandemus. Epochas regni, imperii, atque ordinationis, penitus neglexit scriba, simulque gravissimum Indictionis errorem, a Rev. *Hergotto* jam enodatum, admisit. Praeterea sub finem scribere non erubuit, Diploma in praesentia *Henrici Co-Imperatoris* datum, cum tamen, *Henricum IV* anno demum 1054 ordinatum, ex fide dignis rerum gestarum monumentis constet: atque nullum superest dubium, verba haec, *Tschudio* omissa, manui impostoris historiarum ignari esse tribuenda. Plura nam in Indictionibus commissi specimina in Diplommatibus 191, 192, 195, & 197, occurrunt. Circa *Cancellarios* unicum deprehendimus errorem. Scilicet in Diplomate *Henrici III* de A. 1050, quo Ecclesiae Beronensi praedium in Melficon permisit, *Waltherii* Cancellarii fit mentio, atque is vice *Bardonis*, Archipraesulis Moguntini, recognovisse dicitur. Quodsi Cancellariorum Germaniae sub *Henrico III* syllogen, a *Gotfrido Gotvicensi* adornatam, evolvas, altum de *Waltherio* silentium. Quare *Wintherii* nomen in laudato Diplomate arbitramur substituendum, quippe quod in plurimis Chartis apud *Leuckfeldum* atque *Heineccium* occurrit. Contra vero eximium hunc usum praestat diplomatica Rev. *Hergotti* collectio, ut circa rem propositam & *Gotvicensi Chronico*, & *Mallinkrotiana de Archicancellariis* tractationi, addere non pauca queamus. Ex Diplomate *Henrici IV* de A. 1070 (n. 184)

Num.
CLXXXI.

apparet, *Gotvicensem Lib. II Cap. 9 §. 15* humani quid passum, dum, in anni demum sequentis Diplomatibus *Adelberonis* recognitionem occurrere, arbitratur. *Philippum* Cancellarium, imperante *Henrico V*, vice *Adelberti*, Archiepiscopi Moguntini, recognoscentem, ignorat *Mallincrotius*. Hunc *Gotvicensis* supplevit, sed ita, ut post A. C. 1111 nullum amplius Diploma ab eo subscriptum memoret, cum apud Rev. Autorem unum de A. 1123 (n. 197), bina de A. 1125 (n. 198 & 201), reperiantur.

THOMÆ BOSTON, ECCLESIAE ATRICENSIS apud Scotos Pastoris, Tractatus Stigmatologicus Hebræo-Biblicus, quo accentuum Hebræorum doctrina traditur, variusque eorum in explananda S. Scriptura usus exponitur. Cum Præfatione Viri Reverendi & Clarissimi, DAVIDIS MILLII.

Amstelodami, apud J. Wetstenium & G. Smith, 1738, 4.

Alph. 1 plag. 6½.

Qui de doctrina accentuum Ebræis familiarium commentantur, respiciunt potissimum ad duo momenta. Primo quidem de autoritate accentuum exponenda sunt solliciti; deinceps vero vim ac potestatem eorum tum theoretice, tum practice, docent atque ostendunt. Juvat perspexisse, quid Cel. Editor, quid ipse *Bostonus*, de hoc senserint argumento. Prior, in Præfatione præmissa, de eis, qui accentus Biblicos vehementer contemnunt & oppugnant, ita judicat, ut eos putet abuti fere præcipiti judicio, præpostero versionis alicujus Biblicæ amore, vel partium studio abripi, aut peccare inscitia accentuum & linguæ sanctæ. Addit hæc deinde: *Accentuum accuratior notitia comparari non potest sine molestia & labore; quemadmodum nec aditus patet ad penetralia linguæ sanctæ, nisi sudantibus & argentibus: quem cum reformident, aut tempore, illa ad studia opportuno, suscipere detrectaverint, declamant in accentus, & scientiam illam vituperant, quæsitis fere & tenuibus argumentis, ne sine ratione fecisse censeantur.* Qui accentuationem oderunt, vel minoris faciunt, id inprimis urgent, nullam lin-

linguam, quamdiu nationi sit vernacula, habere accentus. Respondet Cel. Prologus, Græcam linguam tum, cum maxime vigerit, accentus habuisse, quo nomine provocat ad Jo. Rudolphi Weistemi contra Henninium Dissertationem epistoliceam de Accentibus Græcorum. Idem de lingua Augustei ævi Latina fatetur ipse, argumenti vice usus vetustissimis Cenotaphiorum Pisianorum tabulis, ac suffragio Cardinalis Norisii, in calce præclari Operis contra Vossium de arte Grammatica aliosque commentati. Doctissimos Viros, qui pro summa accentuum auctoritate militant, Buxtorfios, Ousefios, Boblios, Læscheros, Dachselsios, aliosque, maximi facit, eorumque argumenta validiora judicat quibuscunque secus sentientium opinionibus. Inprimis laudat Magnif. Val. Ern. Læscheri librum de causis lingue Hebrææ, utpote in quo objectiones adversariorum sint confutatae. Addit & hoc, accuratam accentuum considerationem plurimis locis obscuris lucem afferre satis luculentam. Lingua omnino Ebræa stilo constat conciso, sensuque abrupto, ac eapropter parenthesis crebra, crebriori autem ellipsi, gaudet. Accentibus parentheses & ellipses indicantur, insigni quodam sane beneficio. Judæi fatentur, accentus esse perantiquos, ipsique adventum Redemptoris ardentius optant eo etiam sine, ut, eo duce, veram accentuum notitiam consequantur, uti e R. Calonymi libro שער טעם המקרא apparet in fine. Subdit Autor Præfationis: nec propterea tamen divinam prorsus originem & auctoritatem accentibus asserere audeo. Id qui affirmaverit, in plurimas & inexplicabiles difficultates, meo quidem judicio, se conjecerit. Nec characteres divine originis & Θεοπνευστίας luculentos adhuc videre in accentibus potui, quorum munus est dividere & conjungere, emphasin, affectum, ellipsin, indicare, & similia, quæ facultas perspicaci & exercitatissimo, quales vastissimi Hebræi sine dubio fuisse, inesse posse videtur, quam opus sit, ut ad summum illud Θεοπνευστίας miraculum illico recurras. Reverendus Boston, in Scotia quondam Pastor Atrienensis, libellum hunc adornavit, quo doctrinam de accentibus Hebræorum perspicue & accurate persecutus est. Idem peculiari scripto per 23 Geneleos Capita idem docere conatus fuit, qui

- qui in MSto Anglicano ponitur, cui titulus: *An Essay on the first twenty three Chapters of the Book of Genesis in a twofold Version of the Original Text.* Tractatio, quæ præ manibus est, in *Partes duas* est distributa. *Parte prima* differitur de punctis Ebraicis in genere, de accentuum figuris & appellationibus, de triplici accentuum usu, de Stigmatologiz necessitate ac existentia. *Sectione prima* exponit Autor de Accentuum usu, in obtinendis ideis, quibus constat sensus grammaticus. *Sectione secunda* commentatur de Accentuum usu in obtinenda notione conjunctionis & disjunctionis idearum. Exequitur porro tractationem suam, ac disputat de accentuationis origine ac auctoritate divina, de generali accentuum divisione in distinctivos & conjunctivos, de diversis accentuationis generibus, de accentuum habitudine mutua, de accentuum consecutione generatim, de potestate distinctivorum in genere. Additur deinde *Sectio prima* de potestate distinctivorum, an sit semper eadem, an vero varia. *Sectio altera* exponit de potestate distinctivorum ejusdem classis, an par sit, an vero impar. Subjungitur Caput de officio conjunctivorum, ac inquiritur, an perpetuum sit, an invariatum, nec ne. *Parte secunda* differit de *Silluko*, Domino absoluto, de officio *Silluki*, de sede *Silluki*, de potestate *Silluki*, ac de observatis ad *Sillukum*. Deinde exponit Dominos primarios, majores, inferiores, ministros. Tum agit de accentibus extraordinariis, & *Schal/scheleth* metrico. Tandem *Capite* ultimo differit de Parentheseon, Interjectionum, & Interrogationum Ebræo-Biblicarum, notis, de Parenthesi Ebræo-Biblica. Addita sunt etiam schemata & tabulæ, quibus Autor consecutionis accentuum catenam illustravit, atque peculiaris *Sectio*, qua illam enodavit. Pro interpunctionum & continuationum moris notandis singularia excogitavit adhibuitque signa, quibus recensendis hic possumus supersedere. Puncta Ebraica dividit in *verbalia*, quorum refert *Dagesch*, *Mappik*, & *Makkaph*; in *monitoria*, quorum unum vel plura simul reperiuntur impressa superne vocibus quindecim in Codice Ebræo: ac *accentalia*, seu accentus. Accentum unum, nempe *Metbeg*, pro mere euphonico habet; reliquos vero pro syntacticis, quos dili-

Pag. 5.

6.

7.

diligentissime percenset. Notitia accentuationis, ejusque usu, Judæi carent. Christiani superiore demum Seculo eam resumere, vel potius duntaxat tentavere. Autorem amicus, literaturæ Ebraica insignis, docuit, amissam a Judæis esse illam notitiam sub aut paulo post adventum Servatoris nostri, secundum Judæorum computationem, extinctam prorsus sub tempus Masoretharum Tiberiensium. Usum Grammatici statuunt accentuum triplicem, musicum, tonicum, stigmalogicum, seu positum in distinctione sententiarum per certa membra clausulasque certas. Usum musicum statuit in canticis, psalmis, & carminibus, *Joannes Buxtorfius*, pater; filius vero agnovit modo rhetoricum, quocum fecit *Wasmuthus*. *Augustus Pfeifferus*, licet accentus pro notis musicis non habuerit, putavit tamen, accentuationi metricæ inesse *μετρικόν τι*. At cur canticis, quæ in *Esaia*, *Hubacuco*, libris *Samuelis*, ac *Mosis*, occurrunt, nulla adjecta fuit metrica accentuatio? Cur, obsecramus, tituli psalmorum *Davidicorum* eadem ratione, ac psalmi ipsi, accentibus fuerunt metricis ornati? Numquid & tituli ipsi fuerunt decantati? Quare fatendum, non dari usum accentuum directe & formaliter musicum. Id vero *Pfeiffero* Noster largitur, inesse aliquid musici canticis, in sacro V. T. Codice ubique exstantibus. Certe pro vario effectui, variaque vocum vel conjunctione, vel disjunctione, cantus fuit moderandus. In medio versus vox erat sufflaminanda; si versus esset longior, denuo pausa erat post verba nonnulla, sensu haud invito, adhibenda. In fine versus vox erat sensum demittenda, & pausæ submittenda. Hoc est fundamentum accentuationis metricæ. Modulabantur Judæi in Oriente pro more reliquarum ibi gentium quoque profani, sed minus adstrictè, minori contentione, non eisdem servatis morarum vicibus. Modulatio ad sensum erat accommodanda, ideoque insisteret certis legibus de vocibus vel jungendis, vel disjungendis. Eis, qui sensum accurate callebant, accentibus haud erat opus. Sed in gratiam tironum hi fuerunt additi; quam ob causam præcentor Judaicus ex veteri ritu in synagoga, tanquam magister sensus haud expers, nec accentus, nec puncta vocalia, in Codice, quo utitur, tenet. Unde porro patet, ac-

Ddd

centus

centus esse testimonia virorum doctorum atque priorum de sensu sacri Codicis rite assequendo, qualem ipsi Autores habuerunt pro optimo & genuino. Nec minus illud verum est, varietatem satis gravem ex defectibus describentium, in dies crescentibus, in accentus irrepsisse, cui vix mederi licet. Quis vero inficiabitur, sensum sacri Codicis posse ab eis quoque satis feliciter erui, qui doctrina accentuum carent? Expediit tamen, eam nosse, ut explorare liceat, an sensum veteris orthodoxæ Ecclesiæ Judaicæ in exponendis dictis sacris teneamus. Id vero dolendum, nos nescire, an consensu universorum, quorum intererat, accentus fuerint textui adiuncti. Jubet nos prope-modum de eo dubitare vetustus ille ritus præceptoris, quo is ab exemplo accentibus instructo sese abstinet. Unica tamen accentuandi ratio duntaxat exstitit, certe tantum recepta est. Quis enim per tot Secula produxit Codices, accentuum signis diversis notatos? Sed hæc obiter. Redeundum nobis ad Autorem. Ipse dilucide ostendit, accentus haud universos esse tonicos, nec usum, accentibus præfixum, primum esse tonicum. Restat itaque, usum primum eorum esse stigmatologicum, ex quo deinde usus secundarius, nempe tonicus & modulatus, derivari debet. Stigmatologicus summa sese commendat utilitate, eo quod amphibologiis & incertis sensibus, alioquin nascituris, medetur. Exemplis id illustrat Autor. *Jobi X, 8*, illud ita vertit: *manus tue gravi dolore affecerunt me; atqui fecerunt me*. Fuerunt illæ una circumcirca; atqui

16 seq. *absorbuiſti me*. Ita certe suadet accentuatio. Dictum illud *Eſ. XVI, 1*, ab interpretibus varie elatum, secundum accentus ita est vertendum: *Mittite agnum dominationis terræ ex Petra* (urbe), *desertum versus sita: ad montem filia Sionis*. Per eam urbem Bochartus intelligit caput Moabitidis, Crach-Moab, seu Rabbath-Moab, Areopolin. Dictum *Eccles. VIII, 5*, pro contextu & accentibus sic est proferendum: *Custodit (Rex) præceptum: non noſcet rem malam?* i. e. nonne mala puniet? Hoc autem posito interpretationis fundamento, perspectu est facillimum, septuaginta Interpretes nimia ubertate esse usos, caruisse etiam exemplo punctato ac accentuato, certe illud haud adhibuisse.

Pag. 9 seq.

18.

buiffe. Dictum obscurum Ez. VI, 9, sic vertendum: *Et recordabuntur elapsi vestri me, inter gentes nempe, quot sum captivi ducti fuerunt, me, inquam, qui fractus fuerim.* Dictum Ez. XVI, 7, sic vertendum: *Quantum ad incrementum attinet, instar germinis in campo copiose procrefcentis reddidi te.* Indicatur inodus augescendi, a sola providentia Dei pendens, citra operam & culturam hominum, quæ ad germina horti producenda aliquid confert. Dictum Ps. LXVIII, 5, sic cape: 25. *Cantate Deo. Psallite nomen ejus, aggerate ei viam, qui equitat in solitudinibus, In Iab consistit nomen ejus. Ac exultate coram eo.* Conf. Es. XL, 3. Ostenditur utrobique, Filium Dei honoribus esse in terris excipiendum. Psalter differit de Christo 26. exaltato, tanquam victore triumphante, per totum terrarum orbem sterilem ac infrugiferum albo Evangelii equo vecto. Conf. Apoc. VI, 2, Ps. XLV, 5. Illam Christi in Jehovah 27. ejusque gremio quietem Servator ipse sic edisserit Jo. XIV, 11: *Ego in Patre sum, & Pater in me est.* Laudandi argumentum ponderis infiniti! Locum varie obscuratum Es. XLIX, 3, nitore suo restituit, ita vertens: *Tu (Messia) es servus meus. Tu es Israel (repræsentativus): is, in quo me condecorabo.* Conf. 2 Cor. IV, 6. Accentus porro designant actionem dicentis, gestum, affectum, admirationem, vocem interruptam, resumptionem & quasi allisionem spiritus. Variis id exemplis illustrat 29 seq. Autor. Eadem verba: *Sit nomen Jehovæ benedictum*, Ps. CXIII, 2, Job. I, 21, diverse accentuatur pro diverso dicentis affectu. Psalter exultantis verba quasi torrens feruntur rapide; Jobi, cujus animus in rebus inæstis erat sedatus, tardius, licet leniter, fluunt. Verba, Gen. III, 22, Autor ad normam accentuum ita vertit: *Ecce hominem! qui fuit, sicut unus ex nobis* (sanus & sanctus, Gen. I, 27,) *ad cognoscendum bonum & malum* satis aptus. At hac cognitione & felicitate laud contentus proli dolor! decidit. Subest ellipsis vocis *וְאֵל* qui, ut Thren. III, 1, Ps. LII, 9. Pauza enim inest voci *וְאֵל*. Utinam genuina & ad hasce leges accentuum composita superesset modulatio in eis, qui Codicem legunt Ebræum! Accentus iidem ostendunt, quænam voces actu construantur, quænam sint distrahen-

- Pag. 33. dx, minùsque conjungendæ. Notum est dictum Habacuci pal-
marium ex II, 4, *וַיִּצְרֵק בְּאַמְּוֵנִי יְיָהוָה*. Sensus est: *Justus*
34. *coram Deo ex justitia imputata, per fidem recepta, certo est victu-*
rus vitam, scilicet sanctitatis ac sanitatis, quæ ex ipso momen-
to, quo infunditur, qua talis in animo fidelis, nunquam peritura
est, verum æternum duratura. Conf. Jo. VI, 29, 1 Jo. III, 23,
35 seq. *Actor. XVI, 31, Jo. XVII, 3.* Egregie idem exponit locum
Ez. XVI, 6. Locum vero 1 Sam. IV, 8, ita vertendum judicat:
Hi illi sunt Dii illi, qui percusserunt Egyptum; omni plaga;
40. *in deserto scilicet Israelitis adfuerunt.* Eadem ratione vertit
dictum 2 Sam. XVII, 29, ita: *Cum dicerent: populus ille est, fa-*
melicus & lassus & sitibundus, in hoc deserto, ubi ipsis nulla
vasorum cibariorumque copia, quam ideo Shobi aliique ad Da-
videm attulerunt, v. 27, 28. Sic partes periodorum minus
42. *principales per vim accentuationis distinguuntur.* Sed & pri-
marie sic distinguuntur. En exemplum! Autor locum vexa-
tum, Gen. XX, 16, ita transfert: *Sara vero dixit Rex Abimelech:*
ecce dedi mille siclos argenteos fratri tuo, (ecce is tibi est operi-
mentum oculorum apud omnes, qui tecum futuri sunt,) atque
44. *hac omnia, & ipsam dilucide monstratam.* Subest parenthesis
hoc modo: *Ecce illum maritum tuum (quem dixisti fratrem*
tuum) operimentum oculorum, oculorum scilicet omnium, quibus
tecum esse unquam contingere possit. Cetera ita coherent:
Ecce dedi fratri tuo mille argenteos, & præterea illac omnia
(greges, armenta, servos, ancillas, ipsamque Saram, ei jam red-
ditam, indicat,) ac præsertim feminam, solo nomine sororis
Abrahami prius cognitam, atque eo nominis involucri occulta-
ram, nunc vero dilucidatam & patefactam, utpote dilucide &
divinitus quidem monstratam, esse ipsius uxorem. Nam *וְכַח*
ex *וְכַח* est dilucide monstrare id, quod occultum, perplexum, &
46. *controversum est.* Locum perdifficilem, Gen. XV, 13, obvium,
enodat ex accentuatione, quæ parenthesis subesse significat,
hunc in modum: *Certo scito, peregrinos fore posteros tuos in*
terra aliena (atque servire facient eos & affligent eos,) quadrin-
gentis annis. Afflictio illa, a nonnullis metuenda, non est ad-
stringenda ad annos quadringentos. Eadem ratione locus dif-
ficilis

ficilis *Exod. XII, 40*, promptissime extricatur: *Et quod attinet ad*
sedem Israelitarum, (qui commorati fuerunt in Aegypto,) ea
fuit 430 annorum. Indicatur universus peregrinationum com-
 plexus. Præterea ex accentuum observatione apti reddimur ad
 periodos debite distinguendas. Quare dictum *Ez. XVI, 20, 21,*
 ita reddendum: *Præterea accepisti filios tuos & filias tuas, quos*
procreaveras mihi: atque immolasti eos illis ad comedendum:
minima hæc est ex scortationibus tuis. Nam *maclasti etiam*
filios meos (primogenitos puta): *& dedisti eos, dum transdu-*
xisti illos, illis. *וַיִּדְּוֹן* similiter occurrit *Deut. VII, 7.* Primo-
 geniti Deo erant proprii, atque solenniter coram Deo erant
 transducendi, *Exod. XIII, 12.* Addit Autor aliud specimen ex
Esth. V, 7, 8, docetque ex accentibus, *Estheram* ipsa Regis verba
 mirabundam repetere, nihil vero petere, petitionem potius suam
 in crastinum differre, hunc in modum: *Postulatum meum! pe-*
titio mea! An inveni gratiam in oculis Regis? Ac porro aliud
 ex *Deut. XX, 19,* ita vertens: *Cum obsederis - - non perdes*
arborem ejus (civitatis) - - atque eam non succides. Sed,
o homo, succides arborem campæ (i. e. arbores foris enatas, infru-
 ctiferas). Ita dictum *Ecclef. VIII, 2,* ob accentus jubet verti:
Quantum ad me attinet meumque consilium, præceptum Regis
observa; & quantum ad supremum, observa locutionem jura-
menti Dei. Vox *לַי* est epitheton Dei Optimi Maximi, *Hos.*
XI, 7, 2 Sam. XXIII, 1. Quare illud *לַי* *Es. LXIII, 7,* vertit
 secundum Supremum. Tandem vero subdit, accentuationem
 Codicis Ebræi esse ejusdem cum verbis ipsis divinæ originis
 & autoritatis. Sententia hæc omnino omnium est tutissima.
 Dolendum vero, testimoniis confici haud posse, accentus ab
 initio textui fuisse adjunctos. Autor ita ratiocinatur: Si accen-
 tuatio sit inventum humanum, sensus, quem illius ope fundit
 textus, est modo humanus; ad summum non est nisi sententia
 humana de verbo divino, quæ fidei divinæ fundamentum esse
 nequit. Causæ hujus cardinem in figuris accentuum invenien-
 dis nequaquam pono; verum in accentibus, ut sensus modera-
 toribus, textui apponendis. Id si hominibus spiritu divino non
 afflatis assignandum sit, sensus eorum vi constatus ac præfinitus

Pag. 47.

48.

50.

51.

- nihilominus est sententia Commentatorum. Accentuum vi profecto mutantur vocales, & accentus sunt ejusdem antiquitatis, ac textus ipse. Alia autem denuo recurrit quaestio, an eadem signa, quibus accentus ac vocales nostra ætate in Codice sacro Ebræo exprimuntur, ab initio & semper exstiterint. In Talmudico quidem Codice fit mentio *mercedis pause accentuum* מֵעֵיט חִירָה (Tract. *Medarim* fol. 37) & מֵעֵיט חִירָה (Tract. *Brachoth* fol. 62). Sed quaestio identidem recurrit, an accentus illi fuerint scripti; an ea figura fuerint spectabiles, quæ nunc est in usu. Non vacat repetere argumenta, quæ *Cappellistis* opposuit Autor, siquidem ea jam apud alios leguntur. Miramur tamen, ipsum existimare, descriptionem exemplaris accuratam, singulis accentibus punctisque vocalibus præditam, esse perdifficilem, ni
57. moraliter impossibilem. Quod enim si est verum, vix constabit amplius de unico Ebræi Codicis exemplo, rite descripto. Autor accentus Ebræo-Biblicos discernit in ordinarios atque in
59. extraordinarios. Extraordinarii sunt *karne phara*, *mercach'pula*, & *Schalbeleth*, in prosa. Reliqui omnes ordinarii: *Reges* distinguunt; *ministri* voces connectendas ob sensum continuandum indicant. Desideramus adhuc versionem Vet. Testamenti ad amussim accentuum textus archetypi factam. Inde accentuationem distribuit Autor in planam simplicemque, quæ est grammatica & logica: ac in artificiosam, quæ præterea ad affectus exprimendos, & dictioni vitam conciliandam, accessit, priori haud repugnans. Accentuationis rhetoricæ usus sunt quinque, nempe constructio remota, flatus verborum absolutus, repetitio vocis seu vocum, ellipsis, ac emphasis. Ad
62. constructionem remotam refert dictum *Gen. III, 8*, quod sic vertendum censet: *Et cum audissent vocem Domini Dei, deambulantem in paradiso.* Intelligit Filium Dei, siquidem הוֹרָה de personis duntaxat adhibetur. Nec non illud *Exod. XXV, 12*, quod sic vertit: *Et fundes ei annulos quatuor aureos: indesque eos super quatuor angulos ejus; & fundes ei duos annulos: & inde 5 super latus ejus, nempe latus primum: & fundes duos, nempe annulos: & inde 5 super latus ejus, puta*
latus

latus secundum. Sic annuli aurei octo elueant, quorum quatuor, singuli singulis, angulis affigendi, insuperque bini singulis lateribus. Horum sane nulli videbuntur supervacanei, si rationem habueris gravitatis tabularum lapidearum & operculi propitiatorii aurei, cum Cherubinis aureis. Ad statum verborum absolutum denotandum adhibentur accentus itidem, e. g. *Gen. I, 2*, וְהָאָרֶץ הָיְתָה תֶּהוֹמָה, quantum ad terram attinet, ea erat inanitas. Dictum *Pf. XI, 3*, ob eandem rationem sic vertit: Cum fundamenta ipsa destruentur, quid fuerit operatus justus? Repetitio indicatur in illo dicto *Ezech. XV, 2*: Quid esset arbor vitis præ omni arbore? Quid esset palmet, qui inter arbores silvæ existit! Quid ex eo palmitē, de silva natali delato, posset confici? Comparatur ibi populus Judaicus viti, verum non sterili, sed agresti, quæ גֶּפֶן שֵׂדֶה, vitis campi, dicitur *2 Reg. IV, 39*. Ellipsis latet e. g. in vocibus illis *Amos VI, 6*, ubi accentus distinctivus est in fine nominis pluralis, in statu constructo positi: הַשְׂתִּים בְּמִזְרְקֵי יַיִן, bibentes in crateribus vini vinum. Ita *Gen. III, 22*, verba הֵן הָאָדָם, vertenda sunt: ecce hominem illum! Inter hæc sedulo est inculcandum, usui accentuum grammatico & logico ubique primas esse deferendas, nec ab eo, nisi urgente necessitate, esse recedendum. Nostrium non est, ex *Bostono* plura delibare. De diligentia Autoris, utilitate libri, ac exemplorum, illustrantium regulas, copia, ex eis, quæ jam allata sunt, nemo non esse potest satis superque convictus. Ad parentheses refert verba illa וְשָׁמַר אֱלֹהִים שְׂכֵם, *Sam. III, 3*. Nam *Samuel* in templo obdormivit. Nec non illa *Pf. XLIX, 9*: Est enim cara redemptio vitæ eorum, immo cessat in seculum. Parentheses vero signantur per distinctivos, ac clauduntur digniori, quam is fuit, cujus interventu fuerunt inchoati. Quare, præeunte minimo, clauduntur minore: præeunte minore, clauduntur majore: præeunte majore originario, clauduntur aucto: præeunte majore, clauduntur primario: præeunte primario, clauduntur absoluto. Quamvis parenthesis quoque rite satis per pares distinctivos constituatur, per pares majores, per pares primarios, denique per duos absolutos. Addit Autor hanc quoque

observa-

observationem: *Parenthesin*, cui praeit *Dominus superior*, alio superiore ex inferiori classe, sed neutiquam domino inferiore, claudi fas est. Ex qua fimbria facile de texto reliquo licet
 Pag. 218. judicare. Ad extremum suffragatur Autor *Salomoni Glassio*, qui in *Philol. sac. Lib. IV Tr. I Obs. I* perhibet, octodecim exstare loca, in quibus π interrogativum desit. Loca, a *Glassio* ostensa, vindicat *Bostonus* sigillationem, eisque inesse scribit interrogationem. Tandem vero ita tractationem concludit: Nullus dubito, quin in Testamento Veteri his longe plures dentur quaestiones, ab Interpretibus, Criticis, & Commentatoribus, absque ulla idonea auctoritate confictae. Ceterum has, quarum dedimus vindictas, nobilissimas esse arbitror, unde de reliquarum ratione constare possit.
 220.

JO. LAMII, PUBLICI ECCLESIASTICÆ
 Historiæ Professoris, & Riccardianæ Bibliothecæ Præse-
 di, de recta Christianorum in eo, quod Mysterium Divinæ
 Trinitatis attinet, sententia Libri VI.

Florentiæ, ex typographia Reg. Cels. apud Tartinium & Fran-
 chium, 1733, 4.

Alph. 2 plag. 2½.

Studium historicum, si quidem recta judicandi virtute juve-
 tur, maxima omnino utilitate sese commendat, & historia
 imprimis sacræ civitatis ejusmodi est, ut a nullo divinæ sapien-
 tiæ interprete, in campis Theologicis erudite versaturo, negligi
 aut abjici debeat. Hanc nos rem novo suo, eoque eximio,
 erudivit exemplo Clarissimus *Lamius*, utpote qui veram orbis
 Christiani de sacrosancta Trinitate doctrinam, ex ultimis histo-
 riarum monumentis illustratam, cum erudita communicavit ci-
 vitate. Qui, duce *F. Socino*, male de hoc sentiunt dogmate,
 illi tres ineunt adscitam suam opinionem corroborandi vias ac
 rationes. Sunt, qui obscure illud in sacris Literis significari
 ajunt. Alii, non unam Orthodoxos de eo fovisse sententiam,
 contendunt. Nec denique desunt, qui, e profana hominum,
 qui Deos coluerunt, philosophia ejusmodi decretum emanasse,
 & sibi

& sibi & aliis persuadere conantur. Atque huic potissimum sacrilegæ audaciæ obviam ivit *Lamius* in hac ipsa, cujus indicem recitavimus, Commentatione. Spartam ille suam omni, quas est, accuratione ornaturus, ab ipso mundi exordio ducit argumenta, eandemque ultimis temporibus fidem, apud sanctissimos Judæorum Patriarchas, obtinuisse demonstrat. Ab his deinceps ad recentiores procedit ætates, & Servatoris amicos cum illis minime dissentire, nec unquam dissensisse, extra omnem ponit dubitationem. Totum scriptum sex inclusum est *Libris*, & horum quilibet singularia quædam complectitur *Capita*. Haud videmur nobis ab re facturi, si, quæ hic uberius pertractantur, in compendio exhibeamus, & studiosos harum rerum Lectores ad ipsum illum Tractatum ordine perlegendum invitemus.

Liber I sex supra decem continet Capita. In *Cap. I* laudes *Pag. 1.*
Ægypti summam celebrantur. Huc *Abrahamus* profectus est, 2-9.
 isque Astronomiæ ac literarum expertus haud fuit secundum *Cap.*
II & III. *Abrahamus*, & ejus posterum, non procul ab *Ægypto* 10 seq.
 habitavere, & hic varia, *Josephi* ætate, studia vignerunt, quæ
Cap. IV recensentur. *Caput V* Israelitarum, qui in *Ægyptum* 12-23.
 migravere, numerum & incrementum, religionem item ac
 placita, commemorat, ac de doctrina Chaldaica quædam. *Caput*
VI ostendit *Ægyptiorum* & *Israelitarum* consuetudinem, & il- 24 seq.
 lorum ea tempestate religionem; *Cap. VII* Græcorum & *Ægy-*
ptiorum literaturam, & horum posteriorum doctrinam; *Cap.* 25-28.
VIII quarundam *Ægyptiacarum* opinionum & dogmatum cum 28-37.
Ebraicis consensionem. Notitia *Judaicarum* legum & instituto- 38.
 rum ad *Ægyptios* pervenisse, docet *Cap. IX.* Hi incredibili jam 39-45.
 olim erga disciplinas amore, & Bibliothecas instituendi studio, te-
 nebantur: cum his etiam *Judæis* intercedebant commercia, quod
Cap. X ostenditur. Certa est decem tribuum dispersio; nemo Re- 45-49.
 gum *Judæ* cum *Ægyptiis* bella & fœdera in dubium vocat; unde
 & *Judæorum* in *Ægyptum* fugam nemo unus negat, docente
 id Autore *Cap. XI.* Exstant *Cap. XII* testimonia scriptorum, qui 50.
 bus manifestum redditur, *Judaicas* Scripturas apud *Judæos* existi-
 tisse, & *Cap. XIII* probatur, easdem ab aliis quoque gentibus sacras 51 seq.
 Eec habitas.

habitas. In tribus postremis *Capitibus* nomina excitantur eorum, qui olim in Ægyptum, antiquissimam sapientiae sedem, concesserunt, scientiam inde suam adaucturi, ut *Cap. XIV Orpheus, Musaeus, Melampus, Daedalus, Homerus, Lycurgus, Solon,*
 Pag. 52-61. *Thales*; *Cap. XV Pythagoras, Pherecydes, Thales Milesius, ac*
 61-75. *Democritus*, qui & Chaldaeos convenerunt; *Cap. XVI Heraclitus, Euripides, Eudoxus Cnidius, & Enopides Chius.*
 75-80.

Liber II quatuor supra decem Capita in se continet. Plato in Ægyptum profectus est, nec tamen Euripides ejus itineris comes fuit (Cap. I), nec Eudoxus illuc cum ipso concessit (Cap. II), Plato tredecim ipsos annos ibidem cum sacerdotibus versatus, eorum studia (Cap. III) ac literas Ægyptias (Cap. IV) didicit. Hoc tempore multi Judæi Ægyptum incolebant (Cap. V). Quanquam istud quidem, invita veritate, traditur, Platonem Jeremie vati æqualem fuisse; hoc tamen omni vacare dubio videtur, eum cum Judæis in Ægypto congressum (Cap. VI, VII,). Ipsos profanos olim scriptores Judæos celebrasse, ostenditur Cap. VIII, & IX vindicatur. Non est vero absimile, Platonem aliquam Ebraicarum Scripturarum notitiam habuisse (Cap. X), quam quidem facilius haurire potuit, si tum Græca jam conversio quædam exstitit earum (Cap. XI). Idem ipse præ se fert, multa Græcos a Barbaris accepisse (Cap. XII). Quo nomine non unum Græcorum genus, sed plures, Ægyptios, Babylonios, Thraces, Assyrios, & alios, inprimis autem Ebræos, indicari, contra Jo. Clericum Cap. XIII docetur. Caput XIV lectu vel eo nomine dignum a nobis censetur, quod loca, in quibus Judæos ipse Plato commemoravit, examinantur. His Cl. Lamius præfultis, ad rem propositam convertit se propius in Libro III, qui decem Capita suo concludit ambitu. In Cap. I scriptores nominantur, qui Platonem Judaicarum Scripturarum vel dogmatum cognitione imbutum, memoriae ac literis prodiderunt. Cap. II Platonice ac Judaice doctrinae similitudo declaratur, quam Clericus etiam concedit, sed & pervertit & conturbavit. Contra hunc ipsum doctissimum Virum Cap. III & IV demonstratur, ex hujus rerum universitatis contemplatione ad τὴν τριῶν ἀρχικῶν ὑποστάσεων, sive sacrosanctæ Trinitatis, ac τῆς λόγῳ

λόγος cognitionem, perveniri haud posse. Ergo Plato de Demiurgica Trinitate doctrinam sigillatim aliis Judæis debet (*Cap. V, VI, .*). Hi vero Judæi divinæ Trinitatis notitiam habuerunt; id quod *Cap. VII & VIII* probatur, & *Cap. IX Clerici* objectio diluitur. Cui eidem etiam *Cap. X* infusæ cujusdam conjecturæ ac divinationis dies dicitur, quod, in Trinitatis Demiurgicæ cognitionem falsa ratiocinatione venisse Platonem, censuit.

Pag.

159 - 162.

162 - 180.

180 - 183.

184 - 190.

190 - 193.

193 - 203.

204 - 208.

208 - 215.

216 - 224.

225 - 228.

228 - 233.

In *Libro IV octo Capita* exstant, quorum *I, Platonem*, ac ceteros Philosophos, doctrinam περί τῆς λόγος ab Ebræis accepisse, vero reddit simile. In *Cap. II* inquitur, cur id, quod Ebræi sapientiam dixerunt, λόγος a Græcorum sapientibus appelletur. Sed & Judæos vocem λόγος, ad divinam aliquam hypostasim designandam, adhibuisse, *Cap. III, IV, & V*, extra omnem ponitur controversiam. *Cap. IV* ostenditur, Scriptorem *Libri Sapientie Cap. XVIII* in his verbis, καὶ ἔρανε μὲν ἡπλτο· βεβήκει δὲ ἐπὶ γῆς, nec Homerum, nec alium quendam Græcorum Poetam, imitatum. *Cap. VII & VIII* contenditur, *Sap. XVIII* locutionem παντοδύναμος λόγος, omnipotens sermo Latine omnino convertendam esse. In Platone vero λόγος ratio commodissime redditur, nec tamen vis ejus inferetur sententiæ, si quis etiam sermo hanc vocem apud Philosophum interpretetur, præsertim cum *Sapientie* Autor τὸν λόγον cum sapientia confudisse videatur. Nec Philoni inusitatum, sapientiam modo τὸν Θεὸν λόγον, modo τὸν Θεῖον λόγον, appellare. Nec desunt loca, ubi hic nomen λόγος, cum ut rationem, tum ut sermonem significet, usurpavit. *Liber V viginti*, atque adeo plurimis, absolvitur *Capitibus*. Et *Cap. quidem I atque II* divinitas τῆς λόγος, hoc est, Christi, ex disertis sacrarum Literarum testimoniis demonstratur. *Cap. III* tuetur Latinam nominis λόγος, in Evangelii Joannis principio occurrentis, versionem per sermo, seu verbum, autoritate Ignatii Epist. I ad Magnesianos §. 8, Origenis, Tertulliani, Novatiani, Cæcilii Cypriani, Athanasii, & aliorum. *Cap. IV* Patres Apostolici in auxilium vocantur, atque planum fit, eos de Christi divinitate recte sensisse. Hactenus demonstratum est, & Platonis & Philonis λόγον ex Moysi oraculis ac Judæorum traditionibus derivandum esse. Nunc ab

- omni veritatis specie abhorre declaratur, *S. Joannem* ex *Philonis, Platonis*, ut *Clericus* vult, imitatoris, libris *Λόγων* suum hausisse. *Prima* ratio ex Græcarum doctrinarum & Philosophiæ apud Judæos insolentia, & rara admodum cognitione, (*Cap. V, VI, VII, VIII, IX,*) altera ex ipsius *S. Joannis* ruditate, ac *Platonicarum* commentationum imperitia (*Cap. X*), nec non ex communi Apostolorum a profanis doctrinis aversione & horrore (*Cap. XI & XII*), *tertia* ex ætate, qua Evangelia scripta perhibentur (*Cap. XIII, XIV, XV, & XVI*), & *ultima* denique partim ex causa, quæ *Joannem* ad scribendum impulit, ipsoque modo, quo illum Evangelium suum exorsum esse tradere solent, ducitur (*Cap. XVII, XVIII, XIX, & XX*). Quemadmodum vero in hæcenus disputatis Clarissimus *Lamius Jo. Clerico* omni sese objecit occasione; ita in *Libro VI*, eoque postremo, qui *duodecim Capitibus* constat, eam figillatim Doctissimi Viri infirmavit opinionem, qua censuit, profanos Philosophos sententiam de anima mundana ex sacris oraculis, vel Ebræorum traditione, male intellectis, haurire minime potuisse. *Cap. I* indicit propositum. 303 seq. Habuerunt antiqui olim Judæi *Spiritus S.* notitiam (*Cap. II*). 304-307. Opinio de mundana anima ex *Mosis* narratione, male explicata, dum *Spiritum S. Gen. I, 3*, de vento quidam intellexerunt, orta esse potuit (*Cap. III*). Ventum esse animam, multi veterum existimarunt (*Cap. IV*), eidemque virtutem gignendi & fœcundandi attribuerunt (*Cap. V*). Alia via *Cap. VI* aperitur, qua ethnici in animæ cujusdam generalis suspicionem, verbis *Mosis* aliter acceptis, venire potuerint. *Cap. VII* anquir, an opinio de mundo animato per se ipsa divinis sit Literis contraria. Quæ reliqua sunt, *Capita* tantum non omnia ad *Platonis* historiam propius spectant. *Caput* enim *VIII* ostendit, *Platonem* non omnia literis mandasse, ejus item scripta quædam intercuisse: qua occasione loca nonnulla *Clementis Alexandrini* exponuntur (*Cap. IX*). *Cap. X* lectorem vetat dubitare, *Platonem*, & alios Græcos scriptores, multa ab aliis furto abstulisse, nec id falsos esse. *Cap. XI* de *Platoniorum* Dialogorum interlocutoribus exponit. *Caput* tandem *XII*, idemque ultimum, iis patrocinari videtur, qui, adumbrata illa sacrosanctæ Trinitatis imagi-

immagine, in *Platonicis* monumentis obvia, Christianæ veritati divinam providentiam quodammodo proluisse arbitrantur. Accedit Appendix, in qua nonnulla hætenus dicta illustrantur, & rerum Index notabilium.

Ceterum non est hoc dissimulandum, Doctissimum *Lamium* nil intentatum reliquisse, quo institutæ ac susceptæ rei omni ex parte satisfaceret. *Clerici* inficetam esse conjecturam, nemo unus negat, qui sapit. Nomen τῷ λόγῳ, Servatori tributum, a viris divinitus eruditis ortum esse, omnes, qui veri aliqua valent perspicientia, non inviti largiuntur. Hoc autem in dubium vocari forsitan possit, an ea, quæ olim *Plato* de tribus rerum naturalium principiis scivit, ex Judaica traditione derivari debeant. Nam & *subjecta* propositionum, quæ in ejus scriptis & illis inveniuntur, aliter vocantur ac concipiuntur, & *prædicata*, ipsis apposita, in eam, quam puriores olim Judæi admisserunt, & Christiani hodieque admittunt, vix & ne vix quidem conveniunt & quadrant Trinitatem. Is certe cum illis, qui olim ab ipso erant, obscure, ambigue, atque eum in modum, locutus est, ut ex illo Mysterio vix aliqua similis dicendi ratio, hoc est, umbra quædam, supersit. Hoc vero caret dubio, juniores *Platonicos*, qui post Servatorem natum vixerunt, & de quibus *Cel. Lamius* ipse pag. 272 seq. erudita lectuque valde digna in medium attulit, obscura & ambigua *Platonis* dicta Christianis scitis adaptasse. His inprimis solenne erat, a Christi amicis verba, dogmata, mores, ac ritus, furari. De his itaque valent, quæ pag. 332 seq. dicuntur. Atque huic eidem recentiori *Platoniorum* sectæ *Philo* etiam, Judæus Alexandrinus, qui post C. N. (pag. 263 seq.) vixit, fuisse videtur. Hoc modo credendum esset, *Philonem* non ex *Platone*, sed ex amicis Domini, non vero hos ex illo, Trinitatis arcessivisse Mysterium. Nemo est, quin suapte sponte perspiciat, his sumtis principiis, bonam, cui orandæ *Lamius* vacavit, causam egregie juvari. Qui & in eo laudandus est, quod in hac sacra investiganda historia temporum rationem habendam existimaverit. Ex his perspicuum fit, non male tempus Virum collocasse doctum, quod

hunc librum composuit, cum in Galliis A. 1730 ac sequenti versaretur.

JOANNIS GUILIELMI HOFFMANNI,
D. & Histor. Prof. in Acad. Witteb. Publ. Ordin. Ob-
servationum Juris Germanici Libri duo.

Francofurti & Lipsiæ, Sumtibus hæredum Lanckisianorum, 1738, 8.
Alph. 1.

Præfat.

Dapes ex veterum Germanorum Jurisprudentia quæsitæ ap-
ponit Cel. Hoffmannus, eo delicatiores, quod ante eum pau-
ciores præstantiam illarum degustarunt. Ipse de se quam mo-
destissime sentit, ludendoque magis, quam seria cogitando, ena-
tos hos Observationum libellos scribit, cum, quod otiosi fa-
cere solent, de amoribus suis cogitaret. Ibi vero rancum Sa-
licæ legis carmen crepare, & Francica proponere ænigmata, &
in opacam vocum barbararum sylvam descendere, jucundum
habuit, neque horrorem illum, qui suæ ætatis caligine reveren-
tiam sibi quandam conciliat, reformidavit. Maximam Opuscu-
li partem derivationibus verborum legitimorum, & detegen-
dis Germanicæ linguæ originibus, absolvi voluit, cum hanc de-
prehenderet potissimam ignorantie in legibus Germanorum
rationem, quod ne verba quidem Jcti caperent. Patrocinium
Operi suo binis præcipue argumentis quærit, quorum alterum
ex titulo humanioribus Belgii Jctis familiari, alterum ex fervido
patriæ amore, repetit. Rectius enim illos facere arbitratur,
qui domi nata apud exteros vendunt, quam qui aliunde accita,
ingenti pretio coemenda, ad patrios lares deferunt. En ipsam
Observationum tabulam. *Lib. I Cap. I* de Glossis Malbergicis,
variisque earum interpretationibus, disserit, iussis illos decorans
encomiis, qui in id incubuere sedulo, ut novi quidquam ad
Germanicam linguam, & hoc potissimum vetustatis monu-
mentum, conferrent; qua in re palnam, eamque lemniscatam,
Jo. Georg. Wachtero, Germaniæ *Varroni*, tribuit, secundumque
ab eo locum *Jo. Georg. Eccardo* assignat, cujus tamen in emen-
dando audaciam subinde, & mox hoc ipso *Capite*, reprehendit.

Pag. 4.

Nam

Nam, cum adscriptam in Glossis ad *Salicæ Legis Tit. VII §. 6:* *Si quis furaverit anserem aut anatem domesticam &c.* vocem *Sundleno* in *Ganta vel Ento* commutandam censuisset, Cel. *Hofmannus* veterem lectionem defendit, cum *Sundleno* vel *Sundlero* natatorem, adeoque & anserem & anatem, commode significet. *Cap. 2* ad *Legis Sal. Tit. X §. 2* commentatur, &, quomodo legendum sit *Stalacha*, explicat. *Cap. 3* de voce *Chrenecruda* ex *Leg. Sal. Tit. V §. 2*, & *Tit. LXI §. 2*, disserit. *Cap. 4* vocem *Affectu* in *Tit. XXII §. 1* vindicat, derivat, similesque conjecturas de vocabulo *Idulgu* proponit. *Cap. 5* *Leg. Sal. Tit. II §. 18 seq.* aliter, atque vulgo fieri solet, explicat, simulque, quid sit *Babene*, contra *Eccardum* disquirat. *Cap. 6*, quid sit *Friolassa* & *Theurora* in *Tit. XV §. 1, 2, 3*, divinat. *Cap. 7* de *Changichaldo* ex *Leg. Sal. Tit. XIV §. 10* agit. *Cap. 8* *Bumadam* definit pecuniam ab hominibus propriis domino fundi, in eorum matrimonia consensuro, solvi solitam: indeque locum egregium ex pervetustis *Lotharii Aug.* tabulis apud *Rethmeyerum Chron. Brunsv. pag. 297 seq.* illustrat. Derivatione vocis nihil incertius. Etenim Cel. *Estor* pro *Brutmeda*, *brautmiethe* positum existimat. Doctiss. *Wachterus* a *bu*, domus, & *mede* deducendum statuit. Neutrum Cel. *Hofmanno* probatur, quippe qui vel ex *bu vacca* natam vocem, propterea quod census ille vaccis absolveretur, ex *Scoticis* apud *Skeneum* legibus concludit, vel *buggan*, emere, & *made*, virgo, originem nomini dedisse, redemptionemque sponsæ indicari, arbitratur. *Cap. 9* de jurejurando viduæ, quo quantitatem *Morgengaba* a marito sibi datæ probat, *Nastaid* ab *Alemannis* vocari solito, disputat, illudque nomen *Nestel-Eyd* denotare, & ad ritum, mulieribus servatum, quo crines in nodum collectos, digitis adjectis, in pectus sinistrum protraherant, censet respici. *Cap. 10* ad *Leg. Sal. Tit. XXXIII §. 1*, & vocem *Quintus*, nonnulla notat. *Cap. 11* varia de injuriis, præsertim *von Schelten aus der Christenheit und Christlichen Scheltworten*, profert. *Cap. 12* quasdam clamandi formulas, in antiquis *Juribus Germanicis* obvias, & ipso judiciorum usu frequentatas, ut *Jodute*, *Wapen*, *Wrack*, &c. repræsentat. In *Libri II Cap. 1* totus est in illustrandis Glossis ad *Salicam Legem Malbergicis*,

85 seq.

94.

gicis, velut *Chalip Subdupio tit. XLIV §. 3, Nuchala ib. §. 14,*
 Pag. 168 seq. *Authumia Tit. XIV §. 1. Cap. 2* vocem *Focichalta* in *Leg. Sal.*
Tit. II §. 7 vindicat, & a *Foch*, quod ex *foden*, nutrire, est, æque
 ac *fud*, matrix, descendit, atque a *Chalt*, pretium nunc mul-
 ctam annotante, derivat, mulctam furis definiens, qui scrofam
 abstulit cum fœtibus. Atque opus omnino hic erat vindiciis,
 cum in alia *Eccardus* abiisset omnia, *Folcichalta* reponens, &
 pretium populi seu gregis suum innui existimans: quæ quidem
 sententia vel inde exiguum habet veritatis speciem, quod de
 quadrupedibus rarissime, de suis nunquam, vox Theodisca
Volck adhibeatur. *Cap. 3* iterum aliquot Glossas Malbergicas,
 quæ *Salica Lege Tit. XXXII* continentur, digitorumque mutila-
 tiones significant, ut *Alatham briorodero §. 4, repphano §. 6,*
elechano §. 7, expendit. *Cap. 4* de vulneribus membrorum cor-
 poris nobiliorum ex *Salica Lege* disputat, & cur in Glossis Mal-
 bergicis *Tit. XXVII §. 12* oculi excussio *Liclamina*, §. 13 nasi
 amputatio *Frasito*, §. 15 linguæ exscissio *Alchaltua*, §. 16 den-
 tis evulsio, *clanina*, & denique §. 17 & 18 obscenarum par-
 tium exsectio *Wiradardi & Alacharde*, dicatur, inquit. Le-
 ctu præ reliquis digna sunt *Cap. 5 & 6*, quæ de vulnerum æsti-
 matione & gentium Germanicarum circa hanc indagationem
 sollicitudine, tractant. In *Salica Lege vulnera a debilitatibus*
 212. discernuntur, ita, ut per illa Germani plagas leviores, nil nisi ci-
 catricem relinquentes, aut officuli minutioris jacturam afferen-
 tes, per has membrum ruptum, fractum, vel penitus ablatum,
 judicant. Pleræque gentes ad longitudinem profunditatemque
 vulneris respexerunt, eaque in re solliciti inprimis fuere Fri-
 siones, prout ex lege ipsorum *Tit. XXII* apparet, cui sanctio
Ælfredi Regis in legibus Anglo-Saxonicis apud *Wilkins pag. 44*
 jungi meretur. *Cap. 7*, quid denotet *Silave* in *Leg. Sal. Tit.*
LVIII §. 4, & Rabanal in Tit. XLIV §. 10, conjicit, sicuti *Cap. 8*,
 quid *Theophano Tit. VI §. 3*, quid *Chunnovano ibid. §. 4*, quid
Hutchie Tit. XLI §. 5, quid *Chanco ibid. §. 1*, quid *Stalastbo §. 16*,
 quid *Abazym peder*, significant, exponit. *Cap. 9* Glossam Malber-
 gicam *Mosedo*, passim in Legis Salicæ Capitibus obviam, illustrat,
 simulque, quid *Opdopus Tit. XXVII §. 1, 3, & Ferthebero*, sibi ve-
 lint,

lint, dispicit. *Cap. 10* de Glossis Malbergicis *Schuisara Chrogins Tit. XXVIII §. 2*, & *Widresa Thalo Tit. XLVIII §. 1*, item de *Stringere, Chamni, & Manecharde, Tit. XVIII*, varias proponit conjecturas. *Cap. 11*, unde nomen *Zeuge* trahat originem, & quo referenda sit vox *delatura*, toties in *Salica Lege* occurrens, disquirat. Sic & *Cap. 12* conjecturas de vocibus *Alethardis Tit. IX §. 3*, *Chanaswido Tit. VII §. 5*, & *Solampina ibid. §. 7*, proponit. Plura non addimus, satis persuasum nobis habentes, quemvis nobiscum in hoc fore consentientem, Cel. *Hofmannum* æquis passibus ad propagandam Fratris desideratissimi gloriam grassari, nec nisi magna & egregia ab ingenio ejus posse expectari.

A TREATISE ON THE FORCE AND ENERGY
of crude Mercury, &c.

h. e.

TRACTATUS DE VIRTUTE ET ENERGIA
Mercurii crudi, demonstrans utilitatem & innocentiam ejus, quoad usum internum, variis experimentis, & historiis casuum acuti chronicique morborum generis; Autore THOMA HARRIS,
Chirurgo.

Londini, impensis E Symon, 1734, 8.

Plag. 8.

Mercurii crudi æque ac præparatorum inde factorum usus, suspectus plerisque hactenus visus per Britannos, eruditissimorum quorumcunque inter illos virorum suffragio ita invaluit, ut nihil in ore plerisque sit frequentius Hydrargyro. Persuadere tamen huc usque non potuerunt exteris, ut simili fiducia ponderoso metallo, decima parte ponderis specifici pondus sanguinis superante, adeoque ad motus leges inepto, & in cavernis ossium facile quiescente, uti susciperent. Interea rationibus haud carent, qui Mercurium collaudant. Aperientium omnium medicamentorum dicitur præstantissimum. Plantis aperitivis omnibus, ipsis thermis aquisque chalybeatis, dicitur carere posse, qui Mercurio uti norit. In fronte libelli habetur:

FFF

Quod

*Quod non sanat medicamentum, Ferrum
Sanat, quod Ferrum non sanat, Ignis
Sanat, quod Ignis non sanat, Mercurius sanat,
Quod non sanat Mercurius, insanabile est.*

Refelluntur dubia, quæ Hydrargyri usum suspectum reddere possent. Corrosivus ille in corpore humano fieri nequit, calor vitalis producendæ sublimationi impar est, nec eidem adeo facile salia corporis adhærent. Ob formæ innocentem habitum, cum rotundæ sint omnes minimæ ejus moleculæ, nec tundere, nec pungere, nec lacerare, valet, sed solo suo pondere specifico in præstructa viscera & vasa eorundem capillaria agit. Nec metus subesse dicitur, ne superari a pulsu sanguinis haud possit, cum Mercurius in sanguine exstinguatur. Experimenta illius rei facta fuerunt; liquor gastricus canis semivivi Mercurium in magna, simile illi, quod cum saliva fit, permutavit; bilis sanguisque Mercurium absorpserunt; cum salibus volatilibus itidem amice conspirasse deprehensus fuit. De usu Mercurii externo, deque via ejus per venas, prout Auctori videtur, lymphaticas, breviter, de interno autem utendi modo prolixius, agitur. Recensentur morbi, quibus saluti fuit, & adducuntur uberrima rerum testimonia. Accedunt Fratris literæ, docentes, intestinorum mutuum ingressum, ileon seu volvulum dictum, epoto Mercurio sanari. Additur, acidum ventriculi alio remedio efficacius corrigi non posse. Obstructa etiam tubulorum lacteorum oscula hoc ipso aperiuntur, dum exstinctus chylo hydrargyrus subintrare annititur, nec ulla proinde salivatio metuenda est, ob vasorum, quibus decurrit, amplissimum habitum. Præterea laudatur decoctum hydrargyri, simplici aqua factum, quod calculosis prodest. Cognovit enim Auctor, injecto per arteriam emulgentem Mercurio, ipsos ureteres hinc repletos fuisse: strumas, quæ malum regium, *the Kings Eil*, Britannis dicuntur, eo quod Rex attractu strumosos sanat, Mercurius referat, omnesque corporis humani scirrhus resolvit. Rheumaticos Arthriticorum dolores crudi Mercurii usu persanatos fuisse, in exemplis habet. Abundent suo ingenio exteri. Neminem de humano corio ludere decet, ne experimenta per mortales fiant, vel occidisse videamur, quos servare non possumus.

AFFE.

AFFECTUM IN LIBRIS ET PRAXI RARISSIMUM, ab HERMANNO BOERHAAVE in nosocomio Lugduno - Batavo sanatum, descripsit CHRISTIANUS ANDREAS KOCH, Med. D. Brunsvicensis.

Lugduni Batavorum, apud Philippum Bonck, 1738, 4 maj.

Plag. 4.

Quandoquidem multum omnino rei medicæ interest, morbos graviores, eosque feliciter persanatos, in fastos referri, bene de illa meretur Cl. Kochius, quod similem affectum accurate describendum, & pro sua virili parte illustrandum, suscepit. Summa narrationis huc redit: Fœmina quædam, satis bene alias valens, graviditatis tempore in vehementissimam incidit ischuriam, qua Chirurgi arte demum sublata, urina fœtida, sanguinolenta, & quasi corrupta, ac intra breve temporis intervallum tam copiosa, reddita fuit, ut pondus quatuordecim librarum minimum adæquarit. Postridie ejus diei, cum abortus quinquemestris insecutus esset, remansit dysuria, in ipsoque fœminali tumor laxus, mollis, vesicalis, vaginam opplens, fuit detectus. Aliquando etiam in urethra in conspectum prodiit corpus molle, laxum, rugosum, vesicale, asperum, lapillis quasi conspersum, & membranatum per flexuras, laciniz instar, digestum, quo sine magnis fœminæ molestiis ex urinæ meatu protracto, tumor tamen ille in uteri vagina haud subsedit, maxima e contrario urinæ incontinentia accessit, hacque cessante, dysuria quædam rediit, effecitque, ut lotium sub summis semper micturiendi senesmis, difficillime, magnoque dolore circa ultimum mictionis nixum recrudescente, excerneretur. Quo tempore nosocomium adiit ita affecta mulier, in qua febricula etiam, pulsus debilis febrilis, totumque corpus projectum, ac si lecto fuisset affixum, urinaque flammea, sanguinolenta, fœtida, in qua sedimentum viscosum, crassum, albicans, purulentum, cruoris & saniei particeps, copiose subsidebat, observabantur. Omnem hanc morbi historiam, & quæ multo adhuc uberius persequitur, in ratiocinio suo Cl. Autor posthæc enucleat, & quælibet ad suas causas revocat, medendi-

que rationem extremo loco subnectit. Ex ipsius itaque sententia ischuria potissimum graviditati debetur, sub qua urina vesicam erodit, distendit, irritavit, & deterso muco inflammavit, fibras destruxit, & vasa sanguifera aperuit, ut cruor exsillans cum lotio commisceretur. Ut vero facile intelligitur, quia ratione abortus hinc contigerit; ita ex mente Celeberrimi *Barbaavii*, nuper maximo artis salutaris damno demortui, ex paralytico per gradus, inflammatorio, suppuratorio, & ulceroso statu, qui post ischuriam interjecto spatio vesicæ obvenit, nervæ vesicæ membrana excoriata, atque sub laciniz superius commemoratz forma extracta fuit, quam interiorem vesicæ pelliculam hac ratione exuviarum instar, in puerpera quadam perfecte posthæc sanata, & feliciter adhuc pariente, abraham esse, quondam jam *Ruyfchius* in Adversariis Anatomicis animadvertit. Ex eadem vesicæ excoriatione ingens urinz incontinentia ortum habuit, dysuria autem diuturna & pertinax ex *Barbaavii* sententia ita nata esse videtur, quod forte vesica lotio suppresso mire expansa, ingenti illa tam urinam emittendi, quam parturiendi, pressione, vaginam adeo dilatavit, ut sub ore matricis, ubi minor resistendi vis est, sacculus sub herniæ vesicalis specie fuerit formatus, qui tumorem illum laxum vesicalem in vagina constituit. In quo subsistens urina quoniam pressioni non amplius fuit exposita, vesicæ actio in lotium non tam egit, illudque expulit, quam potius, sacculum illum dilatando, mictionem difficiliorem reddidit. Urinz sedimentum glutinosum, cruoris, saniei, purisque ichorosi, particeps, ulcus vesicæ serpens, cum magna humorum coctorum, semicoctorum, & crudorum, in hac parte colluvie indicavit, febriculam vero cum vesicæ inflammatio, tam pus ichorosum, per venas absorptum, aluit. In curando hoc morbo atroci dubique eventus *Barbaavius* primum eo respexit, ut vesicæ exulceratio sanaretur. Quo consilio remedium catharticum validissimum in usum vocavit, ut tentaret, an forte materia glutinosa vitrea, in vesica hærens, incidi, resolvi, eliminari, simulque diathesis ulcerosa corrigi, queat. Fuit id Mercurius præcipitatus albus, cujus grana duo, cum radice Jalappæ, Scammon. & Sacchar.

char. mixta, triginta & plures alvi dejectiones excitarunt, cum quibus ingens semper aquæ copia ex vesica prodiit, haud secus, ac si pyralismi species inferiora invalisset. Virium prostratarum causa postea per tres hebdomades septimo quovis die unicuique tantum ejus granum, cum aliis mixtum, vesperique haustus anodynus datus fuit. Deinceps de pristino vesicæ robore restituendo laboravit. Propterea mulier ipsius jussu & omni semihora lotium reddidit, & diebus a purgatione liberis quavis hora unciam unam decocti blande detergentis, acrimoniam temperantis & traumatici, ex rad. Bardan. Eryngii, Glycyrrhizæ, Nitroque puro, parati, ebibit, ut ita ad vesicam, tanquam corruptorum humorum sentinam, blandi semper humores adveherentur. Tertio providit, ne tumor, vaginam opplens, amplius prolaberetur, sed potius sensum magis magisque repelleretur. Hinc mulieri autor suæque fuit, ut spongiam siccam, huic negotio accommodatam, in pudenda immitteret, tam felici successu, ut post aliquot menses tumor minueretur, &, cum antea pugni minoris magnitudinem superasset, jam mole sua vix nucem juglandem exæquaret. Omnibus his mixtura quædam, putredini resistens, ex aqua Fœniculi, Opio, Spir. Salis dulc. & Rob Sambuci addita fuit, hocque modo ægrota, mutatis tamen iis; quæ pro morbi statu & symptomatum præsentia mutanda erant, tredecim hebdomadum spatio ita convaleuit, ut prioribus ex symptomatibus vix unicum, & tantum reliquæ superessent quædam, sicque ipsa nosocomio dimitteretur.

**INVESTIGATIO ANALYTICA THEOREMATIS
BERNOULLIANI, pro Rectificatione Curvarum, quod
absque Analyfi & Demonstratione legitur in hisce Actis
A. 1697 Mens. Octobr. pag. 463. Autore JO. THEO-
PHILO WALZIO, A. M.**

I. **S**ub finem Seculi superioris Vir summus, Jo. Bernoullius, cujus opera incredibiles ad Geometriam reconditiorem factæ sunt accessiones, Theorema exhibuit universale, rectificationi Curvarum inserviens, cujus ope ad datam Curvam irrecti-

ficabilem alia inveniri potest, quæ cum propofita summam confluat vel differentiam absolute rectificabilem. Ita autem paucis habet: „Si, pofitis Curvæ datæ Coordinatis x & y , fiat „alia Curva, cujus coordinatæ fint $\frac{x dy^2}{dx^2}$ & $\frac{3x dy^2}{2dx^2} - \frac{1}{2} \int \frac{dy^2}{dx}$, „erunt ambæ Curvæ fimul sumtæ absolute rectificabiles, & confluent rectam, quæ fe habebit ad abfciffam Curvæ datæ x , ut „Cubus Tangentis ad Cubum Subtangentis in eadem Curva data.,

II. Analyfin Theorematis excellentis fupprimere tum temporis placuit Viro Celeberrimo, cum calculum depofceret paulo profufiorem. Fuere fortaffis aliz adhuc rationes, illa præcipue, quod non nifi Geometris primi ordinis, nequaquam vero tyronibus, fcripferit. Quicquid vero hujus fit, ego quidem, lecto Theoremate, id maxime in votis habui, ut in analyfi ejus inquirenda mihi liceret proficere. Quæ vero eam in rem imeditatus fui, nunquam in lucem emittere animus fuit, nifi in *Actis A. 1737 Menf. Febr. pag. 82* vidiffem, ipfum Virum Cel. exhibuiffe Analyfin Quadraturæ cujusdam Curvæ exponentialis, quam superiore itidem Seculo jam dederat, eo fane animo, ut iis, qui Geometriæ fludent, facilius ad ea aditus pateat, quæ alias non nifi ingenti laboris & temporis difpendio percipiuntur. Quæ cum ita fint, non ægre laturum fpero Virum Cel. quod calculum, quem ad investigandum Theorema inii, ea, qua poffum, perfpicuitate hic proponam.

III. Sit æquatio differentialis Curvæ cujuscunque, cujus Coordinatæ funt x & y , talis, $dy = p dx$, ubi p eft functio qualiscunque ipfius x . Elementum Curvæ erit $= dx \sqrt{1+p^2}$. Ejus integrale (per methodum integrandi Bernoullianam in *Actis Erud. A. 1694 pag. 437*) $= x \sqrt{1+p^2} - \int \frac{x p dp}{\sqrt{1+p^2}}$. Igitur, fi adjiciatur $\int \frac{x p dp}{\sqrt{1+p^2}}$, fuma foret Quantitas finita & algebraica, fcilicet $= x \sqrt{1+p^2}$. Res igitur eo rediret, ut conftitueretur Curva, cujus elementum fit $= \frac{x p dp}{\sqrt{1+p^2}}$, quod dicatur du , igitur $du = \frac{x p dp}{\sqrt{1+p^2}}$ & du

& $du^2 = \frac{x^2 p^2 dp^2}{1+p^2}$; hoc itaque Quadratum deberet dividi in duo alia, cujus latera vel sint integrabilia, vel saltem ad constructionem redigenda. At vero inveniuntur hæc latera $= \frac{x p dp}{r(2-2r-p^2)}$ & $\frac{x p dp}{r(2+2r-p^2)}$, adeoque Curva, cujus coordinatz forent $\int \frac{x p dp}{r(2-2r-p^2)}$ & $\int \frac{x p dp}{r(2+2r-p^2)}$, constructu semper est impossibilis. Quamobrem hac ratione scopo potiri non datur.

IV. Quæ cum ita sint, de eo dispicio, ut efformare possim quantitatem finitam universalissimam, cujus differentiale includat aliquem terminum, qui simpliciter sit $= r(dx^2 + dy^2)$ vel $(dx^2 + dy^2)^{\frac{1}{2}}$. Cumque finita quantitas terminis infinitesimalibus exprimi possit, formo ex potestate quadam ipsius $(dx^2 + dy^2)^{\frac{1}{2}}$ & unius ex coordinatarum elementis hanc quantitatem finitam, $G = \frac{A(dx^2 + dy^2)^{\frac{n}{2}}}{dx^n}$, dividoque potius

per dx^n , quam per dy^n , quia $dy^n = p^n dx^n$, nullaque adeo mutatio foret, nisi quod loco A scribendum esset $\frac{A}{p^n}$. Differentiando hanc quantitatem, ponendo dx constans, erit $dG = \frac{dA(dx^2 + dy^2)^{\frac{n}{2}} + nA(dx^2 + dy^2)^{\frac{n-2}{2}} dyddy}{dx^n}$. Quodsi

loco $(dx^2 + dy^2)^{\frac{n}{2}}$ scribatur $(dx^2 + dy^2)^{\frac{1}{2}} \cdot (dx^2 + dy^2)^{\frac{n-1}{2}}$, & $dx^2 + dy^2$ actu elevetur ad dignitatem $\frac{n-1}{2}$, erit $dG =$

$[dA(dx^2 + dy^2)^{\frac{1}{2}}(dx^{n-1} + \frac{n-1}{2} dx^{n-3} dy^2 + \&c.) + nA(dx^2 + dy^2)^{\frac{n-2}{2}} dyddy]: dx^n$. Ex quo perspicuum est,

Terminum hunc $\frac{dA dx^{n-1} (dx^2 + dy^2)^{\frac{1}{2}}}{dx^n}$ simpliciter exhibi-

turum $(dx^2 + dy^2)^{\frac{1}{2}}$, si sit $\frac{dA dx^{n-1}}{dx^n} = 1$, unde $A = x$, ergo

quanti-

quantitas $G = \frac{x(dx^2 + dy^2)^{\frac{n}{2}}}{dx^u}$. Quicquid igitur pro n substituitur, in differentiatione semper proveniet terminus $(dx^2 + dy^2)^{\frac{n}{2}}$.

V. Huic itaque Quantitati G æquari pono summam ex arcu Curvæ propositæ, qui respondet coordinatis x & y , & ex arcu Curvæ adjiciendæ, quam, in eo sum, ut inveniam. Ubi statim patet, coordinatarum quamlibet exprimi debere per fractionem, cujus denominator sit $= dx^n$. Una coordinatarum igitur sit $= \frac{z dy^2}{dx^n} = r$, ut modo, quam fieri potest, simplicissimo

exprimatur. Altera sit $= \frac{u}{dx^n} = t$; ubi jam per calculum determinandæ sunt z , n , & u . Est vero per conditionem Probl. $r(dt^2 + dr^2) + r(dx^2 + dy^2)^2 = dG$, unde $dt = r(dG^2 - dr^2 - 2dGr(dx^2 + dy^2) + dx^2 + dy^2)$, & $du = dt dx^n = dx^n r(dG^2 - dr^2 - 2dGr(dx^2 + dy^2) + dx^2 + dy^2)$.

VI. Est vero $dG^2 dx^{2n} = dx^2(dx^2 + dy^2)^n + 2nxdx(dx^2 + dy^2)^{n-1} dy ddy + n^2 x^2 (dx^2 + dy^2)^{n-2} dy^2 ddy^2$, id est, si termini evolvantur, $= dy^{2n} dx^2 + ndy^{2n-2} dx^4 + \frac{n \cdot n-1 dy^{2n-4}}{2} dx^6 + \&c. + 2nxdx dy ddy [dy^{2n-2} + (n-1) dy^{2n-4} dx^2 + \&c.] + n^2 x^2 dy^2 ddy^2 (dy^{2n-4} + (n-2) dy^{2n-6} dx^2 + \&c.)$. Porro est quoque $dr = \frac{dz dy^n + n z dy^{n-1} ddy}{dx^n}$,

adeoque $dr^2 dx^{2n} = dz^2 dy^{2n} + 2nz dz dy^{2n-1} ddy + n^2 z^2 dy^{2n-2} ddy^2$. Quamobrem erit $(dG^2 - dr^2) dx^{2n} = dy^{2n} dx^2 + ndy^{2n-2} dx^4 + \&c. + 2nxdx dy ddy [dy^{2n-2} + (n-1) dy^{2n-4} dx^2 + \&c.] + n^2 x^2 dy^2 ddy^2 [dy^{2n-4} + (n-2) dy^{2n-6} dx^2 + \&c.] - dz^2 dy^{2n} - 2nz dz dy^{2n-1} ddy - n^2 z^2 dy^{2n-2} ddy^2$. Comparando jam inter se terminos $dy^{2n} dx^2$ & $dy^{2n} dz^2$, item $2nxdx$

$2nzdzdy^{2n-1}ddy$ & $2nx dx dy^{2n-1}ddy$, nec non $n^2z^2dy^{2n-2}ddy^2$ & $n^2x^2dy^{2n-2}ddy^2$, manifestum est, Terminorum numerum minui, adeoque expressiones jam maxime simplices fore respectu z , si sit $z = x$, adeoque

$$\frac{z dy^n}{dx^n} = \frac{x dy^n}{dx^n}. \text{ Erit igitur } (dG^2 - dr^2) dx^{2n} = n dy$$

$$^{2n-2} dx^4 + \frac{(n.n-1)}{2} dy^{2n-4} dx^6 + \&c: + 2nx dx dy$$

$$ddy [(n-1) dy^{2n-4} dx^2 + \frac{(n-1.n-2)}{2} dy^{2n-6} dx^4 + \&c.]$$

$$+ \frac{1}{2} n^2 x^2 dx^2 dy^2 ddy^2 [(n-2) dy^{2n-6} dx^2 + \frac{(n-2.n-3)}{2} dy^{2n-8} dx^4 + \&c.]$$

VII. Ex potestatum vero genesi patet, esse $n dy^{2n-2} dx^4 + (n.n-1) dx^{2n-4} dx^6 + \&c. = n dx^2 (dx^2 + dy^2)^{n-1}$; pariter, $(n-1) dy^{2n-4} dx^2 + (n-1.n-2) dy^{2n-6} dx^4 + \&c. = (n-1) dx^2 (dx^2 + dy^2)^{n-2}$; nec non, $(n-2) dy^{2n-6} dx^2 + (n-2.n-3) dy^{2n-8} dx^4 + \frac{(n-2.n-3.n-4)}{2}$

$$dy^{2n-10} dx^6 \text{ esse } = (n-2) dx^2 (dx^2 + dy^2)^{n-3}.$$

Quamobrem non difficulter perspicitur, posse sic scribi:

$$(dG^2 - dr^2) dx^n = dx^2 [n dx^2 (dx^2 + dy^2)^{n-1} - \frac{1}{2} (n.n-1) dx^4 dy^{2n-4} - \&c.] + 2nx dx^3 dy ddy [(n-1) (dx^2 + dy^2)^{n-2} - \frac{1}{2} (n-1.n-2) dy^{2n-6} dx^2 - \&c.] + n^2 x^2 dx^2 dy^2 ddy^2 [(n-2) (dx^2 + dy^2)^{n-3} - \frac{1}{2} (n-2.n-3) dx^4 dy^{2n-6} - \&c.]$$

$$\text{Quare, cum sit } 2dGdx^{2n}r(dx^2 + dy^2) = 2dx^{n+1}(dx^2 + dy^2)^{\frac{n+1}{2}} + 2nx dx^n dy ddy (dx^2 dy^2)^{\frac{n-1}{2}} \& (dx^2 + dy^2) dx^{2n} = dx^{2n+2} + dy^2 dx^{2n}, \text{ erit tan-}$$

$$\text{dem } dx^{2n} (dG^2 - dr^2 - 2dG r (dx^2 + dy^2) + dx^2 + dy^2) = dx^2 [n dx^2 (dx^2 + dy^2)^{n-1} - \frac{1}{2} (n.n-1) dx^4 dy^{2n-4} - \frac{1}{2} (n.n-1.n-2) dx^6 dy^{2n-6} - \&c.]$$

$$- 2dx^{n+1} (dx^2 + dy^2)^{\frac{n+1}{2}} + dx^{2n+2} + dy^2 dx^{2n} \quad \text{Ggg} \quad + 2nx$$

$$\begin{aligned}
& + 2nx dx^3 dy ddy [(n-1)(dx^2 + dy^2)^{n-2} - \frac{1}{2}(n-1, n-2) \\
& dy^{2n-6} dx^2 - \frac{1}{4}(n-1, n-2, n-3) dy^{2n-8} dx^4 - \&c.] \\
& - 2nx dx^n dy ddy (dx^2 + dy^2)^{\frac{n-1}{2}} \\
& + n^2 x^2 dx^2 dy^2 ddy^2 [(n-2)(dy^2 + dx^2)^{n-3} - \frac{1}{2}(n-2, \\
& n-3) dy^{2n-6} dx^2 - \&c.] \dots \text{cujus Radix quadrata est} = \\
& du = dt dx^n.
\end{aligned}$$

VIII. Superest jam determinandus valor exponentis n , ut expressio hæc, quam fieri potest, simplicissima evadat. Quemcunque numerum pro n substituere volueris, semper habebis valores coordinatarum curvæ quæsitæ, tales, ut proveniat $r(dr^2 + dt^2) + r(dx^2 + dy^2) = dG$, ut ex ipso, quem hæcenus instituimus, processu satis est manifestum. Erit tamen inter omnes valores possibiles aliquis, quo hæc quantitas, vinculo radicali inclusa, ad maximam simplicitatem redigitur. Quem ut invenire liceat, considerandum est, ut expressio maxima gaudeat simplicitate, id agendum esse, ut termini complicatissimi se mutuo, quantum fieri potest, destruant. Complicatissimi procul dubio ii sunt, quos ingreditur aliqua potestas ipsius $dx^2 + dy^2$. Comparando igitur, vel potius identificando, $dx^{n+1}(dx^2 + dy^2)^{\frac{n-1}{2}}$ & $dx^4(dx^2 + dy^2)^{n-1}$, statim invenio $n = 3$. Pariter, identificando, neglectis coefficientibus, $dx^3 dy ddy (dx^2 + dy^2)^{n-2}$ & $dx^n dy ddy (dx^2 + dy^2)^{\frac{n-1}{2}}$, patet, n iterum esse $= 3$. Nec minus perspicitur, posito $n = 3$, terminum $(dy^2 + dx^2)^{n-3}$ in unitatem, & reliquos post ipsum in nihilum plane abire. Nulla vero alia substitutione talem simplicitatem obtineri posse, satis est clarum, modo levis adhibeatur attentio, nec operosiori explicatione indigere videtur.

IX. Invento jam hoc valore exponentis n , nihil amplius agendum est, quam ut legitime substituatur; quo facto, invenietur $dx^6 (dG^2 - dr^2 - 2dGr(dx^2 + dy^2) + dx^2 + dy^2) = dx^4(dx^2 + dy^2)^2 + 6xdx^3(dx^2 + dy^2)dy ddy + 9x^2 dx^2 - 2dx^6 dy^2 - 6xdx^5 dy ddy \quad dy^2 ddy^2$,
 $- dx^8$

hoc

hoc est, terminis evolutis,

$= dx^4 dy^4 + 6x dx^3 dy^3 ddy + 9x^2 dx^2 dy^2 ddy^2$,
quod est quadratum perfectum, cujus radix $= dx^2 dy^2$
 $+ 3x dx dy ddy$. Est igitur $dt dx^3 = dt dx^2 = dx^2 dy^2$
 $+ 3x dx dy ddy$. Adeoque dt , five Elementum alterius ex
coordinatis curvæ quæsitæ $= \frac{dy^2}{dx} + \frac{3x dy ddy}{dx^2}$, & $t = f.$

$\frac{dy^2}{dx} + 3f. \frac{x dy ddy}{dx^2}$. Ponatur $3f. \frac{x dy ddy}{dx^2} =$
 $\frac{3x dy^2}{2dx^2} + R$. Differentiando jam, & dx , ut hætenus,

constans ponendo, erit $\frac{3x dy ddy}{dx^2} = \frac{3x dy ddy}{dx^2} + \frac{3dy^2}{2dx}$
 $+ dR$. Igitur erit $\frac{3dy^2}{2dx} = -dR$, vel $-\frac{3dy^2}{2dx} = dR$,

unde $R = C - \frac{3}{2}f. \frac{dy^2}{dx}$, ubi C quantitatem constantem de-

signat. Quamobrem est $t = \frac{3x dy^2}{2dx^2} + C - \frac{3}{2}f. \frac{dy^2}{dx} + f.$

$\frac{dy^2}{dx} = \frac{3x dy^2}{2dx^2} - \frac{3}{2}f. \frac{dy^2}{dx} + C$, vel sine constante $=$
 $\frac{3x dy^2}{2dx^2} - \frac{3}{2}f. \frac{dy^2}{dx}$. Inventæ igitur sunt coordinatæ curvæ

adjiciendæ, scilicet, $r = \frac{x dy^2}{dx^2}$, & $t = \frac{3}{2} \frac{x dy^2}{dx^2} - \frac{3}{2}f. \frac{dy^2}{dx}$.

Quantitas autem G est $= \frac{x(dx^2 + dy^2)^{\frac{3}{2}}}{dx^3}$, huicque æqualis

est summa ex arcu Curvæ propositæ & ex arcu Curvæ modo
inventæ. Est vero $dx^3 : (dx^2 + dy^2)^{\frac{3}{2}} = x : G$, & cubus
Elem. abscissæ (dx^3) ad Cub. Elem. Curvæ $(dx^2 + dy^2)^{\frac{3}{2}}$
ut Cubus Subtangētis ad Cubum Tangētis: Ergo Cub. Sub-
tang. Cub. Tang. $= x : G$, vel invertendo, $G : x = \text{Cub.}$
Tang. : Cub. Subtangētis. Q. E. I.

X. Quoties igitur cunque $\int \frac{dy^2}{dx}$ integrari poterit, toties Curva adjicienda erit algebraica, prout Vir Celeb. loco citato notavit. Interim tamen, quicunque numerus pro n ponatur, Curva quaesita construi saltem poterit, quoniam $dy = p dx$.

E. g. Quodsi $n = 2$, erit $r = \frac{x dy^2}{dx^2}$, & $dt = (r(2dx^6 + 3dy^2 dx^4 - 2dx^3(dx^2 + dy^2)^{\frac{3}{2}} + 4x dx^3 dy ddy - 4x dx^2(dx^2 + dy^2)^{\frac{1}{2}} dy ddy)) : dx^2$, quæ construi poterit, loco dy ponendo $p dx$. Interim excipiendus videtur casus, qui videri posset simplicissimus, quando $n = 1$, tunc enim series $n^2 x^2 dx^2 dy^2 ddy^2 [(n-2)(dx^2 + dy^2)^{n-3} - \frac{1}{2}(n-2)(n-3) dy^{2n-6} dx^2 - \&c.]$ nunquam abrumpitur.

XI. Atque sic quidem exposui calculum, quo in investigando hoc Theoremate usus fui, prolixum potius, quam arduum; quem si inprimis Viro Celeberrimo, cujus merita impense colo, non prorsus displicere intellexero, erit, de quo multum mihi gratuler. Annus effluxit, ex quo analysin hanc primum institui; quam in publicum nunquam emissem, nisi ratio §. II allegata me eo adduxisset.

THE USEFULNESS OF THE STAGE TO RELIGION and to Government, &c.

h. e.

USUS THEATRI SCENICI IN ECCLESIA & Republica, seu commoda varia, quæ ex Dramate, a prima inde ejus institutione ad hoc usque tempus, ad omnes gentes redundarunt. Editio altera.

Londini, apud Cooperum, 1738, 8.

Plag. 4.

Haud adeo magnæ molis libellus, quippe sexaginta tantum paginis absolutus, vix equidem ea præstiturus, prima specie, videtur, quæ satis amplo, quem fronte gerit, titulo promittit. Nisi tamen omnino fallimur, satis recte, quanquam
non

non minus breviter ac succincte, munere se suo exsolvit Autor. Anonymus is esse peroptavit; forte, quo liberius, quæ sentiret, liceret edicere. Quæ tamen ita dixit, ut, quid & hic

fit verum, quid turpe, quid utile, quid non,

Rectius & melius

censuisse judicandus sit, quam plerique censuerunt, qui nostra ætate de re scenica memoriæ aliquid prodiderunt. Namque & in his, quæ durius quodammodo ab ipso pronuntiata sunt, ita se gessit, ut ex veri æquique amore provenisse ea videantur. Secunda hæc est, uti titulus præ se fert, libelli editio, cujus vero priorem nos adhuc quidem ignoramus, nemini fortasse magis cognitam. Sine dubio tamen, ut aliquam fingeret, suæ Autori fuerunt causæ; quas inquirere, jam nostrum non est, licet invenire cuvis facile. Præfationis, libro præmissæ, hæc fere sententia est: Lapsum rei scenicæ vulgo, nec injuria, adscribi præpostero ludicrorum spectaculorum amor. Non parum tamen ejus mali ad imprudentiam & iniquitatem eorum referendum esse, quorum cura & autoritate apud cives suos theatra administrantur: quippe qui omnes Dramaticorum Poetarum operas contemptum rejiciant, quas amplissimo sibi lucro fore, Autores ipsarum certissimo pignore contendere non possint. Inde repelli scribendi conatum, & ardorem scriptorum exstingui. Unicum fabularum autoribus illud esse refugium, quod eas prelo subicere adhuc licuerit. Ipsius autem tractationis tria velut Capita sunt. Primum illud est, quod de usu a theatris ad religionem dimanante exponit. Ubi breviter deducit Autor, quemadmodum religionem naturalem eo scena juvet, quod præsupponat atque stabiliat omnes ejus articulos; esse scilicet Deum providentiamque, immortales esse nostros animos, futura præmia ac pœnas, ideoque officiis Deum, socios naturæ, nos denique ipsos respicientibus satisfaciendum. Concedit deinde, expositionem quidem mysteriorum divinitus patefactorum non convenire tragicis comicisque ludis: quo tam modo & ad ista his præparetur animus virtutis commendatione, docet; exemplis rem declarat, liberumque esse vult iis, qui pro scena scribunt, omnium ætatum, opum, dignitatum, perstringere vitia,

atque explodere. Ac, ne quis se, qui pro re scenica flet, indiscriminatum defendere putet ipsos quoque lapsus & vulgaria vitia sive scribentium, sive in scenam prodeuntium, solenniter ac sedulo monet, non nisi puritati spectaculorum (*the Stage in its Purity*) sese patrocinari. Eaque fini, falso scripturæ genere, histrionum, pantominorum, scurrarum, petauristarum, catadromorum, imo & eorum ludorum, quos Itali, ipso etiam vocabulo ceteris linguis nauseato, *Opere* nuncupant, ineptas nugas traducit: argumenta vero, quibus aliquid præsidii ludicrarum ejusmodi artium patronis inesse videatur, strenue refellit; quamque parum adhuc scriptores ac mimi Anglici bonæ scenæ legibus satisfecerint, succincta Londinensis theatri historia subiecta declarat. *Secundi Capitis*, quo id sibi sumisit Auctor, ut, scenam generatim hominibus utilem esse, & ad ipsorum felicitatem conducere, ostendat, hæc fere summa est: Felicitatem hominis in delectatione ipsius sitam esse. Delectationem ab affectionibus animi proficisci; ea tamen lege, ut nec repugnante voluntate, nec ratione contradicente, motus illi oriantur. Inde, quo quisque *voluntarius* habeat animi motus, eo magis eum delectari. Quo quis minus ejusmodi affectuum regimini & temperamento adfuetus sit, ut Angli, hoc illi magis eam & commotionem & mansuetudinem utilem esse. Hanc ipsam scenæ legitime instructæ esse negotium. Inde vero apparere, quantum juvent boni ludi mortalium felicitatem. Neque esse, quod, doceri vitia fabulis, quisquam putet. Illa enim ipsa vitia, quorum introductorum aut defensorum rea habeatur scena, tantum abesse, ut ipsius factus judicari possint, ut, præterquam, quod ibi quoque sæpissime vigeant, ubi nullum unquam datum sit spectaculum, eadem potius quaqua ratione in scena derideantur, in contemptum adducantur, spectatorum exponantur odio. *Tertium Caput* agit de utilitate reipublicæ & dramatibus capiendâ. Et Principum & civium vitia spectaculis corrigi, Auctor asserit. Ostendi enim fabulis tristes proventus mollitiæ, inconstantiz, imprudentiz ducem. *Æschylum, Sophoclem, Scipionem, Lælium, Lucullum, Pompejum, Mæcenatem, Julium, Augustum*, omnes scenæ amatores, maximam partem

partem & scriptores, simul summos in republica viros fuisse. Apud Gallos vero Purpuratum Patrem *Richelieu* complures fecisse fabulas: nec designatam *Elisabetham*, Anglorum Reginam, quæ *Euripidis* aliquod Drama ex Græco converteret. Deinde Theſſalorum tyrannum, hominem crudeliſſimum, ſpectaculo, quo *Euripidis Hecuba* agebatur, ante finem fabulæ excedentem, (ne ſcilicet nimium moveretur *Polyxena* malis,) vix ac ne vix quidem a lachrymis temperaſſe. Idem enim a Tragedia ſperandum eſſe, quod Arcadaſ a Muſica impetraſſe conſlet. Ceterum a theatro dejectæ ſuperbiæ exemplis ambitionem reſrenari, rebelles contineri in officio animos, inculcari juſtitiā. Hiſtoria teſte conſtare, eaſdem reſpublicas quam maxime floruiſſe, ubi maxime theatra floruerint. Græcorum gentem a *Theſeo* ad *Theſpin* DCC annos rudem contentamque, mox a *Theſpi* ad *Sophoclem* tragicis ludis, ſolos C annos cultam, claram armis, artibus, eloquentia, factam, Orienti terrorem inculciſſe. Nec Romanos ſive tutos a vicinis, ſive etiam terrarum dominos, exiſtiſſe, niſi a tempore *Livii Andronici*. Gallos tum fuiſſe potentiſſimos, cum plurimus Dramati apud eos fuerit honor. Anglos vero, cives ſuos, nunquam rectius cognitum habuiſſe, quid reipublicæ libertatiſque ſuæ conducatur, quam ex quo culta apud eos fuerint theatra. Appendicis loco adjecta eſt libello Episto-la, ad Anglos ſpeciatiſimè pertinens, in qua ipſius Autor, ingenium & mores civium ſuorum reſpectu ſcenæ correcturus, nævos ipſorum, epidemici ac peſtilentialis morbi nomine, non lepido minus, quam acuto & falſo, dictiōis genere perſtringit. Nos, ſi quid amplius hoc in libello præſtari debuit, atque præſtitum eſt, id fere unum optaſſemus, ut quædam argumenta quodammodo diductiora daret, & nomina quædam, primis tantum notata ſtigmatibus, ſed vel ſic Angliſ ſuis nota, (e. c. *L—d Ch—n*, *Lord Chamberlain*,) plene exprimeret, in gratiam eorum, quibus, ſufficienti Londinenſium rerum cognitione non inſtructis, iſti literarum defectus aliquam in legendo creant moleſtiam.

QUA-

QUATUOR PRIMA CAPITA GENESEOS,
Turcice & Latine, ex gemino Pentateuchi Mosaiici
MS to Codice Turcico eruit, Latine vertit, Notulasque
adsperfit, NICOLAUS GUILIELMUS SCHROEDE-
RUS, J. J. Filius, Marpurgensis, Hassus.

Lipsiæ, 1739, 4.

Plag. 6½.

Editor hujus Opusculi, Juvenis admodum eruditus, Professo-
 ris Linguarum Orientalium Marburgensis celeberrimi fi-
 lius, laudem omnino meretur, quod versionis Turcicæ Codic-
 is sacri Specimen hoc imprimendum suis sumptibus curare vo-
 luit. Est quidem illud exiguum integræ Bibliorum S. transla-
 tionis ἀποσπασμάτων, sed ob raritatem atque præstantiam
 omni æstimatione dignum. Quippe in eo textum ex duobus
 Manuscriptis, Amstelædamum Constantinopoli allatis, pre-
 tiorumque haud levi sane coemptis, exhibuit. Versionis hujus Autor
 est *Albertus Bobovius*, patrio idiomate, quia natione Polonus fuit,
Bobovski appellatus, qui a Tataris in adolescentia captus, &
 Turcis dein venditus, viginti fere annis in palatio Imperatoris,
 quod *Sarai*, seu Italice *Seraglio*, vocant, educatus fuit. Multa-
 rum vero linguarum, Hebrææ, Græcæ, Latinæ, Arabicæ, Per-
 sicæ, præter Polonicam vernaculam & Turcicam, peritia, ac
 conjunctis cum ea variis disciplinis & artibus, probe imbutus
 atque excultus cum esset, a *Mohammede IV* Imperatore splen-
 didum Interpretis primarii munus, ac titulum *Ali Begii*, ob-
 tinuit. Attamen, agnito religionis Mohammedicæ errore, ad
 Christianam revertit, &, Constantinopoli relicta, in Angliam
 abire voluit, sed in laudabili hoc consilio mors præveniens ipsum
 impedivit. Præter hanc versionem Codicis sacri, Grammati-
 cam quoque, & Lexicon linguæ Turcicæ, & librum de Tur-
 carum Liturgia, a Cl. *Hydio* editum, conscripsit, Catechismum
 insuper Ecclesiæ Anglicanæ, & Januam Linguarum auream,
 in dialectum Turcicam transtulit. Interpretis venusti & ac-
 curati laudem ei non immerito tribuit Editor, qui in versione
 Latina

Latina illum *κατὰ νόδα* secutus est, & servato plerumque verborum ordine, in gratiam tyronum, singularum vocum veram significationem expressit, variantes lectiones ex binis Codicibus, quos possidet, punctato & non punctato, notavit, atque observationes quasdam, textum illustrantes, ex Scriptoribus Arabicis, Persicis, & Turcicis, adjecit. In fine Præfationis totum Pentateuchum, Compendium Juris Mohammedici sacri & civilis, *Abu Schagjæ Ahmedis Hasanidis*, Ispahanensis, Arabice scriptum, & quædam Æthiopica, edenda promittit.

SYNTAGMA HISTORICO - PHILOLOGI-
cum de re militari veterum, præcipue Romanorum, ac-
curante JO. CHRIST. KIESENWETTERO, Gymna-
sii Vinar. Rectore.

Erfurti, sumptibus Caroli Friderici Jungnicolii, 1736, 8.

Alph. 2 plag. 5.

Nullum profecto argumentum, ex rituum antiquorum historia depromptum, majori difficultate laborat, nullaque res perlustrantibus scripta veterum magis remoram injicit, quam vestium Romanarum facies, & cerimoniarum in bello adhiberi solitarum. Illa disquisitio infinitis fere minutis nititur, quarum in-curiosa fuit gens Romana, supra fidem alias in consignandis rebus suis sedula: hæc, quamvis ab eruditis neglecta non sit, tantum tamen abest, ut clara satis luce coruscet, ut spinosa adhuc, & nervis polluta, maximam partem videatur. Causa illorum defectuum vel in tractatione, qua isti rerum antiquarum scrutatores adhuc usi sunt, vel in quibusdam aliis eruditorum vitiis, quaerenda est, qui sæpissime summum vendere, & obscurare magis res veteres, quam illustrare, solent. Non enim in extricandis ejusmodi rebus arduis compilare aliorum scrinia sufficit, nec, quicquid veterum scripta subministrant, in nostras elucubrationes transferre satis est, sed argumenti gravitas poscit, ut temporis rationem habeamus, ne, quæ libera re publica evenerunt, commisceamus cum ritibus, collapsa jam & Imperatorum legibus obsequente Roma usitatis. Ita egregie tenelli juvenes

sepe numero falluntur, qui, dum disiectas ubivis, & nullo adductas ordine, doctrinas memoriæ mandant, nescio quos errores, difficillime postea eradicandos, animo imbibunt. Non poenitebit Lectorem pauca hæc legisse prius, quam ipse ad libellum a nobis indicandum accedat. Ex his enim satis abundeque constabit, sitne Cl. Autoris labor ea laude mactandus, qua operam literis elegantioribus impensam alias afficere lubentissime solemus. Multa quidem collegit Syntagmatis hujus conditor, ad intelligentiam veterum Scriptorum facientia, sed nulla ordinis, si ne quo frustra talis labor infumitur, ratione habita. Optaremus igitur, ut *Nieuportii* vestigia pressisset, & perpetua narratione rem militarem veterum delineasset, ipsa vero scriptorum veterum loca textui subjecta dilucidius exposuisset. Nam, quid emolumenti illæ alphabetico ordine digestæ res legentibus sint allaturæ, nos non perspicimus. Nauseat jam tales scriptunculæ ætas nostra, & aspernatur merito Commentationes Lexicorum more evulgatas, utpote quæ ob deficientem nexum juvenes ad alias atque alias res avocant pensitandas, & diligentissimo etiam lectori fastidium movere solent. Si igitur Cl. Autor, commodis Gymnasii Vinariensis inserviturus, rem militarem Romanorum illustrare in animo habuit, præclare suam collocaturus erat operam, si, adhibitis temporum notis, militiæ Romanæ conditionem sub Regibus primo exponeret, deinde ad liberam progressus rempublicam, ostenderet rationem dilectuum, exercituum, cohortium, legionum, turmarum, castrorum, signorumque, varietatem, quibus cives suos præmiis pellegerint Romani ad fortitudinem bellicam, quo imperio usi fuerint duces, quibus ritibus, quanta humanitate, senatus in æde Bellonæ reductus ex bello victores exceperit, & quæ sunt aliæ hujus generis utiles pariter ac jucundæ disquisitiones. Denique potuisset delabi ad disciplinam militarem, ab Imperatoribus introductam, cujus certe facies adeo immutata fuit, ut procedente tempore ne umbram quidem pristini splendoris, pristinaeque gloriæ, servaret. Interim tamen, cum Cl. Editor, recte ita suo se defunctum esse officio, arbitratus sit, perlustrabimus jam pau-

paucis ejus corrasas undique de re militari observationes, ut Lectores sagaciores de Opere ipso judicium ferre incorruptum & a partium studio alienum possint. Ordine alphabetico, uti jam diximus, satis a se dilucidatas putat varias rei militaris notiones, apposita nempe integrorum locorum, ex *Polybio*, *Vegetio*, *Cæsare*, *Dione Cassio*, *Herodoto*, *Herodiano*, descriptorum, congerie. Sed exponendo nonnunquam fecit, ut nihil fere exponat. Non enim rei naturam & conditionem descripsit, sed contentus classicis illis testibus, vocabulo eodem aut eadem formula utentibus, interpretationem suam plane omisit. Quod si eadem cura omnes elaborasset titulos, qua priorem, ubi pag. 1 de *Ablectis* loquitur, *Polybius* de re militari Rom. Cap. 4 §. 4, nihil equidem haberemus, quod monere possemus, sed, si quid ex ipsius verbis, suspectis sane, divinare licet, paucissima inspexisse antiquorum Scriptorum loca nobis videtur. Nam in *Præfamine, se textum*, ait, *Græcum Polybii ex eruditissimo Pœschelii de re militari Romanorum Commentario*, paucis abhinc annis in lucem edito, quoad *Capita & Paragraphos similiter atque uno modo in hoc Syntagma transtulisse*. Hinc mirum non est, cur tam frigide & perfunctorie res suas pertractet. Sic pag. 47 conjiciat *Oedipus*, si potest, conditionem *Armamentarii* apud veteres ex testimoniis *Curtii*, *Livii*, *Ciceronis*. Nihil enim ibi occurrit, quam nuda vox, cujus passim mentionem injece- runt Scriptores. Ast, quæ forma sit hujus ædificii, quo loco exstructum fuerit, quibus cura armamentarii demandata fue- rit, sciunt juvenes cum ignarissimis, ideoque vel nullum in- de commodum capient, vel portentosas hac de re opiniones somniare incipient. Pag. 48 descripturus *Armaturam*, appo- nit verba *Vegetii*, ita dicentis: *Illo exercitii genere, quod ar- maturam vocant, & a campidoctoribus traditur, imbuendus est tiro; & paulo post: Armaturæ sunt duplices, quæ binas con- sequuntur annonas, simplares, quæ singulas*. Quid, quæsu- mus, conducunt hæc ex *Vegetio* translata? Nihil profecto ad rem illustrandam faciunt. Nam dicta *Vegetii* tam diu eadem obscuritate laborant, qua vocabulum *Armaturæ*, quam diu

sensus genuinus non eruitur, nec ipsa res graphica quadam descriptione vivisque, ut ajunt, coloribus depingitur. Possemus facile longiores esse, &, quæ animum legentis offenderunt, fuisse enarrare, sed dissimulamus reliqua, certissime persuasum nobis habentes, Autorem non inique laturum qualemcunque censuram nostram, quæ eo unice tendit, ut nostri homines aliquando majori scriptiones suas solertia elucubrare incipiant, nec adeo exterorum ludibrio se exponant, qui nostros plerumque labores, etiam non merentes, nauci habere solent. Prodidit se quidem Cl. Autoris in hoc Opere diffusa lectio, sed plus laudis ab omnibus tulisset, si ordinem hac tractatione dignum adhibuisset, nec ea deficerent, quæ literis elegantioribus robur & incrementum, juventuti autem uberrimos afferre fructus possunt.

ELOGIUM JOANNIS HENRICI LEDERLINI, *Philologi Argentoratensium clarissimi.*

Inter nobilissimos & cives & doctores suos numeravit haud ita pridem Academia Argentoratensis *Joannem Henricum Lederlinum*, carissimum iis omnibus, quibus elegantiores literæ in pretio habentur, Virum, domi forisque clarissimum, idque dudum multiplici linguarum, Hebraicæ imprimis atque Græcæ, cognitione consecutum, ut nemini majori jure inter Philologos ætatis nostræ principes locus sit tributus. Cujus, ante paucos menses ad meliorem vitam evocati, sanctam omni tempore memoriam habebimus, &, ut feri posteri virtutem ejus & doctrinam admirentur, earum rerum, quæ pertinent ad laudes tanti Viri, commemoratione vel brevissima efficiamus. Patriam, ut diximus, Argentoratum habuit, præstantissimorum ingeniorum matrem & altricem, patre hic *Joanne Georgia*, lactore & cive hujus urbis, matre *Susanna Reinigia*, natus. Præter consilium parentum, qui suæ eum arti destinaverant, factum est, ut, auspiciis *Joannis Leonhardi Fræreisenii*, Viri Consularis & Tredecimviri, qui felicissimam pueri indolem

dolem penitus inspexerat, nobilioribus Musarum sacris initiaretur, & in Gymnasio patrio, postea etiam in Collegio Wilhelmitano, studiorum suorum tirocinia poneret. Septennio hic exacto, A. 1690 Musas Academicas salutavit, eodemque anno primam Philosophiæ lauream obtinuit. Ab eo tempore totum se dedit studiis sublimioribus, institutione usus celeberrimorum virorum, in Logica *Wagneri*, in Mathesi *Reichelti*, in Physica *Sebizii*, in Eloquentia *Artopæi*, & in doctrina morali *Zentgravii*, quo etiam conflictum moderante A. 1692 Dissertationis *de Jure affectuum Partem alteram* e cathedra defendit, hoc quasi specimine futuris Magistri honoribus, eodem anno 1692 ipsi collatis, præluens. Præ ceteris autem in scholis *Joach. Kühnii*, linguas Orientales magno cum applausu tunc docentis, & *Jo. Casp. Khunii*, in arte oratoria vix parem sui habentis, plurimum profecit. Constitutum ipsi fuerat tunc temporis, Theologiæ nomen dare, hocque animo in disciplinam *Isaaci Faustii*, Theologi egregii, se dederat, jamque ex suggestu sacro publice verba faciendi facultatem impetraverat; sed, mutato postea consilio, studiis se philologicis addixit, & in agro hoc colendo strenue per omnem vitam desudavit. Primum industriæ præclaræ præmium tulit A. 1695, quo Gymnasii superioris nominatus est Vicarius, & anno sequenti, *Joannis Bæcleri*, insignis famæ Medici, qui filii sui *Joannis* educationem ei commendaverat, autoritate, scholas philologicas aperiendi ei venia concessa est. Idem *Bæclerus* ei autor fuit, ut, eruditionis exornandæ causa, iter in regiones externas susciperet. Abiit igitur primum A. 1700 Francofurtum ad Illustrem *Obrechtum*, huic operam suam accomodaturus in adornanda nova Operum *Jamblichi* editione. Sed, cum huic instituto familia typographorum remoras injiceret, iter suum prosecutus est in Belgium, ubi jucundam cum *Brouckbusio*, *Triglandio*, *Jac. Gronovio*, *Perizonio*, *Schalbruchio*, *Jo. Meiero*, *Scherpezelio*, *Francio*, *Hochstratano*, *Clerico*, *Limborchio*, *Brantio*, *Jac. de Wilde*, imprimis vero *Jo. Georg. Gravio*, cui ob id, quod magni *Kühnii* officinam redoleret, imprimis gratus fuit, amicitiam contraxit.

Ejusdem suasu *Gravii*, *Onomasticon Pollucis* cum *Kiibniani* aliorumque Notis edendi, nobile in Belgio consilium suscepit. Cui rei ut aptiorem se efficeret, & Philologi aliquando nomen cum laude sustineret, Amstelædami in Hebraicis *Surenbuijsio*, in Rabbinicis, Chaldaicis, & Syriacis, doctissimo Rabbino, *Jacobo Meza*, inter Judæos Doctore Medicinæ, usus est præceptore. Id diligenter agenti, urbis patriæ Senatus Pædagogus in Collegio Wilhelmitano, nec ita multo post Canonici Thomani, munus obtulit. Quæ ille fortunæ suæ primordia minime negligenda ratus, maturavit, quantum potuit, iter suum, Amstelædamo A. 1702 Bruxellas, atque inde Lutetiam Parisiorum, digressus, cujus urbis viris doctissimis salutatis, inspectaque præceteris Regis Christianissimi Bibliotheca, ad patrios penates sospes A. 1703 reversus est. Vix ingressus Argentoratum, publicus Hebrææ Græcæque Linguae Professor nominatus est, ejusque muneris eleganti *de mutuis Hebrææ Græcæque lingue subsidii* Oratione auspiciis fecit. Nec unquam poenituit senatum Academicum, *Lederlinum* sibi socium adscivisse; quandoquidem nihil eorum, quæ pertinerent ad ornandam hanc provinciam, prætermisit unquam, & ex doctissimis ejus in omni generis Scriptores veteres, tam profanos, quam sacros, prælectionibus plurimum ad auditores emolumenti redundavit. Id vero magnam ei cum primis laudem peperit, quod arte critica, qua, omnium judicio, præ multis aliis excelluit, non usus est ad id, ut sacri Codicis auctoritatem ex Scriptoribus profanis, tanquam ex arce quadam, oppugnaret, sed ad id potius, ut majori eam robore confirmaret, & adversus quascunque pessimorum hominum machinationes tutam & incolumem præstaret. Quod ut felicius succederet, Rabbiorum etiam, Chaldæorum, & Syrorum, scripta, paucis cognita, evoluit, & obscurum horum sensum suis interdum discipulis aperuit. In tanta linguarum cognitione una ipsi deesse videbatur Arabica, quam cum studiis suis prorsus necessariam existimaret, domi suæ aluit juvenem, non hujus minus linguæ, quam Orientalium fere omnium, callentissimum, *Carolus Dadichi*, Antiochiæ natum, & patria & se-

cta

cta Græcum, cujus privata institutione adeo profecit brevi tempore, ut, illo duce, Alcoranum integrum Latine redderet, singulasque hujus voces cum analysi grammatica exciperet, nec ita multo post proprio studio Codicem illum optimæ notæ Arabicum, Bibliothecæ Argentoratensis cimelium, quo quatuor religionis *Eslam* fundamenta explicata sunt ab *Abmade*, filio *Mohammadis*, filii *Saidi Gaznanensis*, in sermonem Latinum converteret. Sed non adeo his literis affixus hæsit, ut graviores curas prorsus animo deponeret. Sunt enim in omnium manibus præstantissima industriæ & doctrinæ ejus monumenta, non uni aut alteri, sed iis omnibus, qui philologicis pascuntur dapibus, in magno pretio habenda. Insignes ei gratiæ debentur de opera præclara, edendis partim, partim exornandis & insigniter locupletandis, aliorum scriptis insumta, quam nemini obscuram esse sinunt *Pollucis Onomasticon*, Amstelædami A. 1706 fol. *Biblia Germanica*, ibidem A. 1704, sumtibus *Henr. Wetstenii*, 8, *Ilias Homeri usque ad π. cum nova versione*, ibidem, A. 1707, 16, *Vigerii de præcipuis Græcæ dictionis idiotismis libellus*, Argent. 1708, 8, *Brissonii de regno Persarum principatu liber*, ibid. 1710, 8, & *Æliani varia historia*, ibid. 1713, 8, editæ. Quam vero manu scriptam reliquit novam *Progymnasmatum Theonis* versionem Latinam, interest rei literariæ, aliquando publicari. Scripsit præterea & publice defendit Academicas nonnullas Dissertationes, quarum nulla est, cujus non sive argumentum, sive genus scribendi, mirifice placere possit. Harum præcipuæ sunt: *de Clypeo Achillis, ex Homeri Il. Σ. v. 478 seq.*; *Miscellæ Observationes in Græcos Scriptores*; item *ad loca nonnulla Actorum Apostolicorum*; *de πνευματικῆς τοῦ ὁσῆ, ad Ephes. VI, 13 seq.*; *in Psalmum CXIII, atque in Psalmum CXIV*; *de Græcorum & Hebræorum εὐφημία, in Genes. IV, 1*; *de Νησεία, ad Actor. XXVII, 9*; *de dono linguarum, ad Actor. II, 4 seq.*; *de Templis argenteis Dianæ Ephesiæ, ad Actor. XIX, 24*; *de Galeis veterum*; *de Sale insatuato, ad Matth. V, 13*; *de Filia Jephthæ, ex voto patris nec immolanda, nec immolata*; & *in verba Caini Genes. IV, 13*. Plures dedisset, nisi maximam temporis partem abstulissent ei muna-

nera

nera publica, & numero multa, & satis gravia, quibus ad extremam usque senectutem magna cum laude functus est. Academicam rempublicam ter supremus Rector gubernavit; duodecies Decani in Philosophorum ordine honores gessit. Præterea A. 1707 Collegiorum Wilhelmitani & Marciani Visitaturæ præfuit; A. 1725 utriusque Gymnasii Gymnasiarcha, & A. 1732 Capituli Thomani Decanus, dictus est. Singula hæc munera incredibili dexteritate administravit, omnibusque aliis solertia, fide, & prudentia, præluxit. In matrimonium duxit A. 1703 *Mariam Barbaram, Friderici Wiegeri*, Jcti Argentoratensis, filiam, quæ filios ei duos peperit, *Joannem Henricum*, & *Joannem Fridericum*, utrumque præmature defunctum, filiasque tres, quarum una tantum, *Maria Salome*, adolevit, nupta *Jo. Frid. Scherero*, Ecclesiastæ Palæopetrino. Coniuge hac ad cælestes domos evocata, novam sibi vitæ sociam adscivit A. 1712 *Annam Margaretam, Jo. Saltzmanni*, Medici incomparabilis, filiam, viduam nunc mœstissimam, matrem filiarum quinque & unius filii, ex quibus una superest filia, *Maria Cleophe*, Viro amplissimo, *Bened. Henr. Marbachio*, Capituli Thomani Quæstori, superiore anno in matrimonium data. Hæc vita *Lederlini*, Viri probi & honesti, religiosi, temperantis, omnibus obvii, ad officia prompti, publica & privata fuit, quam ut longius pertraheret, partim salus Academiæ & literarum postulabant, partim virtus ejus & doctrina minime vulgaris merebatur. Sed ita in fatis fuit, ut, præfinitum sibi vitæ cursum emensus, superioris anni die 3 Septembris, ætatis anno sexto & sexagesimo, Oberbrunnæ, nobilissimo ex acidulis oppidulo, quo valetudinis causa se receperat, humanis rebus valediceret *Lederlinus*, supersitem in fera secula habiturus doctrinæ & virtutis famam, & in animis eorum, qui tam præclaris meritis suum didicerunt pretium statuere, immortalem sui memoriam conservaturus.

Cum hoc Mense prelo nostro exit Tomi tertii Supplementorum ad
Nova hæc Acta Sectio decima.



NOVA ACTA ERUDITORUM,

publicata Lipsiæ

Calendis Augusti Anno MDCCXXXIX.

DE ANTIQUIS ECCLESIAE RITIBUS LIBRI,
ex variis insigniorum Ecclesiarum Pontificalibus, Sa-
cramentariis, Missalibus, Breviariis, Ritualibus, seu
Manualibus, Ordinariis, seu Consuetudinariis, tum
MStis, tum editis, ex diversis Conciliorum Decretis,
Episcoporum Statutis, aliisque probatis Autoribus
permultis, collecti atque exornati a R. P. Domino ED-
MUNDO MARTENE, Presbytero & Monacho Bene-
dictino e Congregatione Sancti Mauri. Editio secun-
da, ab eodem Autore tertiam ultra partem aucta, &
novis Indicibus exornata.

Tomi III.

Antverpiæ, typis Jo. Baptistæ de la Bry, 1736 & 1737, fol.
Tom. I Alph. 6 plag. 2, cum 5 Tabb. æn. Tom. II Alph. 6
plag. 9, Tom. III Alph. 6 plag. 9.

Antiquitatibus Ecclesiasticis optime quondam consuluit Cla-
rissimus Martenius, cum universos Ecclesiæ ritus accurate
pleneque describere, omniaque illa una facie exhibere, quæ in
editis Ritualibus, libris Pontificalibus, & aliis ejusmodi monu-
mentis, solent exhiberi, instituit. Jam olim, cum prima hujus
Operis editio Rothomagi A. 1700, 4, prodiret, commendavimus
eam eruditis, & potiora ejus momenta adduximus in *Actis A. 1701*
Mens. April. pag. 156. Nunc alia forma, & magis auctum

emendatumque, hoc Rev. *Martenii* Opus orbi erudito traditur, quod ut fieret, propterea videbatur esse necessarium, quod prima editio non nisi gravi pretio comparari posset. Ipsi *Martenio* id contigit, quod sculptori aut pictori solet, qui statuam vel effigiem, quam sub manibus habet, nunquam satis expolire, novisque lineis exornare, cessat. Eodem modo Cl. *Martinius* hoc Opus additionibus & autoritatibus multis, privato plurimum annorum studio collectis, augere studuit, atque illustrare. Alios etiam Codices nactus, ex quibus novæ divitiæ ad rituum sacrorum cognitionem & ornamentum exprimi poterant, suos thesauros iisdem locupletavit, & tertia fere parte auxit. Inde igitur factum est, ut hæc nova editio multis modis priorem & copia & utilitate superet. Hujus editor, qui suum nomen eruditus ignotum esse voluit, inscripsit hoc Opus Ill. & Rev. Præfati *Alberico Simonetta*, Papæ *Clementis XII* Præfato domestico. Ipsius etiam Autoris Dedicationses & Præfationes, quæ priori in editione legebantur, adjecit, singulis *Tomis* Indicem addidit, curavitque, ut omnia emendate & nitide typis exprimerentur.

- Tomus I* hujus editionis solum, nec totum, *primum Librum* continet, & ritus pertractat in Sacramentorum administratione usitatos, quotquot a Pontificiis vulgo solent numerari. *Caput I* ritus Baptismi recenset, &, quo tempore, quibus in locis, quorum ministerio, Baptismus fuerit peractus, tradit. Huic *Capiti* accessit *Articulus 12*, in quo varii ad faciendum Scrutinium ordines referuntur, ex MSto Wertinensis monasterii, porro *Scrutini* in Ecclesia Leodiensi hæcenus celebrati. Postea *Artic. 17* *Magni*, Senonensis Archiepiscopi, libellus legitur de mysterio Baptismi, jussu *Caroli M.* editus, ex MSto *Coisliano*. *Articulo 18*, in quo varii ad Baptismum conferendum ordines referuntur, accessit Ordo 14, ex MSto Codice Gladbacensis monasterii in diocesi Colonienfi. *Cap. II* de ritibus, ad confirmationis Sacramentum spectantibus; *Cap. III* de Eucharistia, ut est sacrificium in genere, agit. *Cap. IV* singulares sacræ Liturgiæ ritus commemorat. Addita est huic *Capiti* expositio brevis antiquæ Liturgiæ Gallicanæ, Autore, uti conjicitur, *Sancto Germano*, Episcopo Parisiensi, aut aliquo ejus discipulo; item *Missæ*, ex MSto monas-

monasterii S. *Theodorici* prope Rhemós, ex MSto Codice Sta-
bulensis monasterii, qui videtur olim fuisse Ecclesiæ Vindunen-
sis, porro ex MSto Codice annorum circiter 700 monasterii S.
Gregorii in Valle Gregoriana Diocesis Basileensis, ex Missali
Tullensi annorum circiter 300, ex MSto monasterii S. *Gregorii*
in Valle Gregoriana Diocesis Basileensis. Tandem his omni-
bus accedit de officio Diaconi Cardinalis, festivis diebus Papæ
celebranti ministrantis, libellus. *Cap. V* ritus, ad evcharistiam
extra sacrificium spectantes, *Cap. VI* ritus, ad Sacramentum
pœnitentiæ pertinentes, & *Cap. VIII* ritus, ad Sacramentum ex-
tremae unctionis referendi, edisseruntur. Huic *Capiti*, ubi va-
rii ad ungendos infirmos ordines referuntur, accedunt nonnulla
ex *Theodulfi*, Aurelianensis Episcopi, secundo Capitulari, or-
do 7 ex MSto Bibliothecæ Regiæ, & ordo 13 ex MSto Pontifi-
cali Narbonensi.

Pag. 582.
594.649. 653.
679.

845.

Tomus secundus in iisdem antiquitatibus Ecclesiæ veteris
pergit. Agit enim *Cap. VIII* de ritibus, ad Sacramentum or-
dinis spectantibus, & *Cap. IX* de ritibus, ad Sacramentum Matri-
monii pertinentibus. *Liber secundus*, de antiquis Ecclesiæ ri-
tibus, exponit de benedictionibus, ubi *Cap. I* de benedictione seu
ordinatione Abbatum & Abbatissarum, *Cap. II* de benedictione
Monachorum, disseritur. Adiectus est huic *Capiti* ordo 2
ex MSto Pontificali S. *Dunstani*, Cantuariensis Archiepiscopi,
quod exstat in Bibliotheca Regia, & ordo 6, ex MSto Codice
monasterii S. *Petri*, Vivi-Senonensis. *Caput III* de benedi-
ctione reclusorum, *Cap. IV* de benedictione Canonicoꝝ regu-
larium, tradit. Accessit ordo 3 & 4, de modo & ordine
professionis Præmonstratensium. *Caput V* de benedictione seu
receptione Canonicoꝝ secularium, *VI* de consecratione
seu benedictione solenni Virginum, *VII* de viduarum & Dia-
conissarum benedictione, disserit, ubi simul ordo 3 ex MSto
Pontificali Metropolitanæ Ecclesiæ Apamiensis in Syria exhibe-
tur. *Cap. VIII* puerorum seu puellarum benedictionem, & reli-
giosum habitum, ex devotione suscipientium, describit. *Ca-
put IX* solennem Imperatoꝝum benedictionem sistit, X vero
benedictionem Regum. Huic denuo accedit ex monasterii S.

I.
335.
405.

451.

455.
461.
496.504.
508.
517.
558.560.
562. 594.

601.

- Pag. 638. *Theodorici* prope Rhemos ordo 3, & præterea antiqui ritus, observati in impositione coronæ Regi Hierosolymitano facta, ex MSto Illustrissimi *Chauvelin*, regiorum Sigillorum custodis;
652. ritus benedicendi & coronandi Reges Hungariæ, qui obtinuit, dum *Albertus V*, Dux Austriæ, Rex Hungariæ coronaretur, ex *Tomo VI Anecdotorum Bernardi Pezzi*; & tandem Instrumentum publicum de inauguratione *Caroli*, Regis Navarræ, A. 1390
657. celebrata, ex MSto Codice Colbertino. *Caput XI* benedictionem Principum & Ducum exponit. Accedit officium ad Ducem Normannorum constituendum, ex collectione *Andrea du Chesne*. *Cap. XII* de benedictione novi militis; *XIII* de benedictione & dedicatione Ecclesiarum, agit, ubi ordo 4 adjectus est ad benedicendam basilicam ex pontificali S. *Dunstani*, Archiepiscopi Cantuariensis, & ordo 8, ex veteri Pontificali Narbonensi. *Caput XIV* exponit, quæ fuerit veterum disciplina circa idolorum templa, synagogas Judæorum, & hæreticorum Ecclesias. *Cap. XV* de reconciliatione Ecclesiæ violatæ differit. Accedit reconciliandi basilicam vetustus ritus, ex veteri ordine Romano Vallis cellæ. *Cap. XVI* de benedictione altaris, *XVII* de benedictione altaris portatilis, porro de altarium confractione *Cap. XVIII*, de benedictione ciborii *Cap. XIX*, de benedictione cimiterii *Cap. XX*, de benedictione seu baptismo signorum *Cap. XXI*, de benedictione turris *Cap. XXII*, de variis aliis benedictionibus *Cap. XXIII*, differitur; in quo ultimo *Capite* accedit benedictio retium ad capiendos pisces, & benedictio furnelli seu lapidis coctorii. Succedit *Liber tertius*, qui de ritibus, ad Ecclesiasticam disciplinam spectantibus, aliisque nonnullis, differit. *Cap. I* celebrationis Conciliorum antiquitates comprehendit. *Cap. II* de depositione seu degradatione & restitutione Clericorum, *Cap. III* de clamore pro tribulatione, tradit. Accedunt huc nonnulla ex MSto *Fontanellensi*. De formula & ritu promulgandæ excommunicationis *Cap. IV* varia exponuntur, & ex MSto monasterii Fiscannensis novæ formulæ adjiciuntur. *Cap. V* de reconciliatione excommunicatorum varia ex antiquitate afferuntur, quemadmodum *Cap. VI* de reconciliatione hæreticorum

ticorum non contemnenda monentur. *Cap. VII* varia judicia seu probationes ad detegenda occulta seu dubia crimina commemorat, ubi ex variis MStis fit satis clarum, quid in judiciis olim fuerit in usu. *Cap. VIII* de probatione sanctarum reliquiarum; *IX* de arreptione, seu energumenum adjurationibus; *X* de separatione leproforum; *XI* de agendis circa ægrotos in exitu animæ laborantes; *Cap. XII* de obsequiis, defunctis statim post eorum obitum exhibitis; *XIII*, quo tempore & loco sepelirentur defuncti; *XIV* de reliquis sepulturæ ritibus, & *XV* de variis ritibus ad juvandos morientes & sepeliendos mortuos, exponit. Pag. 926. 968. 970. 1003. 1014. 1024. 1035. 1054.

Superest adhuc hujus Operis *Tomus tertius*, qui etiam a nobis paucis est perlustrandus. Continet ille Tractatum de antiqua Ecclesiæ disciplina in divinis celebrandis officiis, quamplures diversarum Ecclesiarum ritus & ceremonias exhibentem. Ut paucis etiam de hujus *Tomi* contentis Lectores nostros certiores reddamus, age, summa capita commemoremus. *Cap. I* de institutione horarum canonicarum; *II* de locis, ubi sacra officia celebrata fuerunt, & quibus signis Clerus & populus convocati fuerint; *III* de precibus in divinis officiis olim adhibitis, de ritu eas persolvendi, de Psalmis, & Canticis; *IV* de hymnis & antiphonis; *V* de lectionibus & responsoriis; *VI* de collectis, & uniformi ratione in divinis officiis servata; *VII* de nocturnis vigiliis & matutinis laudibus; *VIII* de prima, tertia, sexta, nona, vespers & completorio; *IX* de quibusdam ritibus & consuetudinibus diebus Dominicis aut intra hebdomada olim observatis; *X* de adventu Domini; *XI* de vigilia natalis Domini; *XII* de festo natalis Domini; *XIII* de octava natalis Domini; *XIV* de Festo Epiphaniæ; *XV* de Festo Purificationis B. Mariæ; *XVI* de Septuagesima; *XVII* de feria quarta in capite jejunii, disquirat; *XVIII* generales Quadragesimæ consuetudines, & *XIX* singulares ejusdem ritus, investigat. *Cap. XX* de Dominica Palmarum; *XXI* de majoris hebdomadis ritibus, præsertim feriæ, secundæ, tertiæ & quartæ; *XXII* de Cœna Domini; *XXIII* de feria sexta Parasceves; *XXIV* de Sabbato sancto; *XXV* de Paschatis festo; *XXVI* de

- Pag. 513. diebus infra octavam Paschatis; XXVII de Litania majore in festo Sancti Marci, & triduo Rogationum ante Adscensionem; 539. XXVIII de Adscensione Domini, & octava Pentecostes, & de festo sanctissimæ Trinitatis; 549. XXIX de festo sacratissimi corporis Christi; XXX de festivitatibus Sanctorum, quæ in adventu celebrari solent, & tandem XXXI - XXXIV de reliquis festis singulorum mensium, copiose traditur. Ex variis manu exaratis Codicibus etiam huc pauca accedunt, quibus hæ augmentur antiquitates. Tandem in hoc *Tomo III* loco Appendicis nonnulla Opuscula, quæ nunc primum luce donantur, adjecta leguntur; nempe antiquæ consuetudines Canoniorum regularium insignis Monasterii Sancti *Victoris* Parisiensis, ad usum 701. Monasterii S. *Euvræ* accommodatæ; antiqua Statuta S. *Victoris* pro fratribus in obedientiis commorantibus, ex MSto 817. Codice S. *Victoris* annorum circiter 500; antiquæ consuetudines Canoniorum regularium insignis monasterii Rhemenfis 825. S. *Dionysii*, ex MSto ejusdem monasterii desunt; consuetudines Canoniorum regularium, subjunctæ regulæ S. *Augustini*, 843. nunc primum editæ ex MSto Morbacensi; primaria instituta Canoniorum Præmonstratensium, ex MSto Bibliothecæ S. *Victoris*; 891. antiquæ consuetudines Oigniæensis monasterii, nec non Statuta, A. 1250 edita, additis ad calcem reformatoriis Statutis, A. 1405 concinnatis, omnia e MSto Codice Oigniæensi 927. nunc primum luce donata. Nos in præsentis hac brevi harum antiquitatum delineatione contenti esse debemus, cum amplio-rem earum expositionem instituti nostri ratio non permittat. Facile tamen ex his intelligetur, quales antiquitates Ecclesiæ in hoc splendidissimo Opere, Mediolani, non, quod titulus mentitur, Antverpiæ, excuso, reperiantur, & quantum gratiarum doctissimo *Maternio* ab Historiæ sacræ studiosis de præstita hac insigni opera sit persolvendum.

RECENSIO CHRONOLOGICÆ SACRÆ ET PROFANÆ VIGNOLIANÆ continuata. Vide Nova Acta
Anni præsentis Mens. Mart. pag. 97.

Ad politissimi Operis Chronologici *tertium Librum* accedimus, cum benevolis Lectoribus & hujus argumentum

communicaturi. Agitur hic de *Characteribus Chronologicis*, quorum ope tempora & anni a se invicem distinguuntur, ac dignoscuntur. Eiusdem *duobus* prioribus *Libris* (quos *Mense Martio* hujus *Anni* recensuimus,) annorum intervallum, quod sibi præfixerat, & collectis ab *Exodo* numeris ad *Captivitatem Babyloniam*, hanc sibi relictam esse curam videbat Venerabilis *Vignolius*, ut inquireret, num *Annus Exodi*, quem ipse repererat, aliquot characteribus in S. Scriptura insigniretur. Hoc enim deprehenso, suam Chronologiam mirifice suffultam, & a multorum contradictionibus liberatum iri, videbat. Id Cel. Autor *Libro* hoc *tertio* plenissime præstitit, quem propter accuratam rei pertractationem, & multiplicem elegantissimamque doctrinam, non sine magna animi voluptate pervolvimus. Principio itaque demonstrat, *Annum Exodi* concurrere cum anno *periodi Julianæ* 3069, qui est annus ante *Christum natum* 1645. De summa *periodi Julianæ* per universam Chronologiam utilitate differere superfedemus. Hanc cognitam putamus omnibus, qui hæc legunt, etiam si rudimenta Chronologiæ vix a limine salutarint. Itaque annus 37 captivitatis *Jechoniæ*, Regis Judæ, est annus primus *Evilmerodachi*, Regis Babylonie, 2 *Reg. XXV, 27*. Annus primus *Evilmerodachi* in *Æra Nabonassaræ* Canonis *Ptolemæi* (cujus ratio *Libro V* prolixè explicabitur,) respondet A. 187, qui concurrit cum Anno *Per. Jul.* 4153. Jam ab *Exodo* ad annum 37 captivitatis *Jechoniæ* collegit Cel. Autor annos 1085. Detractis itaque 1084 a 4153, residuum est P. J. 3069, in quem incurrit *Exitus ex Ægypto*. *Secundo* Moles 554. affirmat *Exod. XIII, 4*, Israelitas exivisse in mense *Abib*, quo fruges incipiebant maturescere, sole existente in signo Arietis, ut *Iosephus* bene addit *Antiqu. III, 10*; nam secundum *Plinium* aliosque *sub Aprilis initium segetes succidunt, messem autem mense Majo Ægyptii peragunt*. Atqui *Æquinoctium vernum* *Anni P. J.* 3069 incidit in currentem *Aprilis* diem 4. Nos quidem ipsi calculo nostro eruimus, *Æquinoctium* hujus anni fuisse *Alexandriæ April. 4*, post horam a media nocte 7. *Tertio* ostendit Venerabilis Autor, *Annum* illum *Exodi* incepisse *Martii* die 22. Extra dubium constituit, a *Mosis* temporibus Judæos

§. I

pag. 553.

554.

§. II

pag. 556.

- Judæos esse usos *Annis-lunaribus*; cum *David* affirmaverit, *Deum lunam fecisse propter tempora*, & mensis quoque apud Hebræos a *Luna* (לַיָּרֵךְ) nomen acceperit. Vetustissimos autem Judæos, cum Astronomiæ scientia caruerint, *neomeniam* non a conjunctione Lunæ cum Sole, sed a Lunæ visione, inchoasse. Jam *Anno Exodi* Solem cum Luna coisse *Mart. 20*, post horam matutinam 8. Atqui *Scaligerum*, Chronologorum procul dubio principem, scribere, *Lunam se raro ostendere, nisi secundo post coitum die*: hinc manifestum fieri, primam Lunæ phasim ab Israelitarum turba *Martii 22* primum esse conspectam. Sed in his quidem, quæ hucusque dicta sunt, habuit prædecessores *Vignolius* noster: in eo, quod sequitur, inventionis gloriam soli illi relinquamus. Monstrat enim, Israelitas exiisse *primo* quoque *Ægyptiorum mense*. Pervulgatam esse admodum sententiam, Annum nati orbis exordium accepisse in Autumno. Hinc quoque Judæos annum civilem mense *Tisri* inchoasse. *Mosen* vero, mutata hac anni ratione, initium constituisse circa vernal æquinoctium; id esse *annum Ecclesiasticum*, & probari *Exod. XII, 1*, ubi Deus sic *Mosen* alloquitur: *Mensis iste (Abib, sive Nisan,) vobis principium mensium, primus erit in mensibus anni*. Hinc enim apparere, ajunt, *Nisan* antea non fuisse mensium principem, sed in posterum divino jussu futurum. Verum rectissime demonstrat Venerabilis Autor post *Simsonium*, verba *Mosis* plane contrarium significare, videlicet mensium *Abib* ea ætate re vera continuisse principium anni: *Mensis iste vobis caput sive principium mensium est, primus est (non erit) vobis mensium anni*. Quo posito, observandum, Israelitas, ad quos sermonem direxerat *Moses*, per aliquot jam Secula in *Ægypto* habitasse, & fieri non potuisse, ut illi diversam ab *Ægyptiis* anni rationem sequerentur; dura enim servitute oppressos, *Ægyptiorum* legibus obtemperasse, imo sese iisdem in rebus plerisque accommodasse: porro antiquissimum *Babyloniorum* annum ab *Ægyptiaco* non discrepasse, ex *Canone Ptolemæi* constare: illum vero ab *Hebræis*, ex *Chaldæa* oriundis, observatum, neminem facile in dubium vocaturum. Cum itaque mensis ille primus apud *Mosen* sit idem primus Anni *Ægyptiaci*; viden-

6. III
pag. 561.

6. IV
pag. 569.

videndum, quo die *Annus Exodi* apud Ægyptios inceperit. Hunc Venerabilis Autor eruit beneficio *Cycli Canicularis*, sive *periodi Sothiacæ*. Postquam enim ex notabili loco *Censorini* ostendisset, Anno Christi 136 & Per. Jul. 4849, Julii 20 die, Cyclum Canicularem novum iniisse, retrogradiendo monstrat, Cycli præcedentis exordium incurrisse in A. Per. Jul. 3389, d. 20 Jul. porro ait, & suo loco multis argumentis adstruxit *Libro VI*, ante hunc annum Ægyptiorum annum tantum fuisse dierum 360. Itaque, cum hoc modo principium Anni per singulos menses vagetur, perquirendo tandem reperit, in Anno Per. Jul. 3069, qui est, ut vidimus, annus Exodi, Ægyptios d. Martii 22 initium anni celebrasse. Nostrum institutum non patitur, ut calculum hic exhibeamus, præcipue cum aliqua periodi Sothiacæ cognitio a Lectoribus requiratur. Malumus itaque, ex ipso fonte Lectores avidos hoc elegantissimum inventum haurire. Progrediamur cum doctissimo *Vignolio*, qui ex *litera dominicali An. Per. Jul. 3069* elicit, hunc diem *Martii 22* fuisse *diem Jovis*, id quod post *Scaligerum*, aliosque Chronologos, ex ipsis Scripturæ S. verbis, præcipue *Exod. XVI*, demonstrat. Hinc enim patet, diem 15 mensis secundi fuisse *Sabbatum*, cumque menses fuerint *τρεῖς μηνες*, mensis primi, totiusque anni, primum diem, cum feria hebdomadis quinta, sive Jovis die, necessario concurrisset. Hac sententia fusius exposita, & ab objectionibus quorundam vindicata, contra vulgarem opinionem ostendit Autor, *diem civilem* antiquissimis temporibus mane ab ortu solis cepisse initium. Sane contrarium statuit nubes Virorum doctissimorum. *Langius* de anno Christi pronuntiat: *primum & antiquissimum diei exordium a vespera est, sive occasu solis. Ita enim primum diem incipit* Mose Gen. I. *Et fuit vespera & mane die primo, secundo, &c. Hinc igitur Judæi diem civilem inchoant.* Sed excipit Autor, etiamsi primo *Genesis* capite vespera præcedat mane, aliis tamen in locis ejusdem libri, & alibi passim, dies præponi noctibus. In diluvio dicitur Gen. VII, *Deum pluisse per 40 dies & per 40 noctes.* Post diluvium Deus promittit, *diem & noctem nunquam destituros.* *Jacobus* queritur Genesi XXXI, *se de die astu, & de nocte gelu,*

§. V
pag. 573.

confectum esse. Sed porro *Mosen* ipsum *Genes. I* lucem memorare ante tenebras *com. 4, 5: Deus lucem secrevit a tenebris, & lucem diem, tenebras vero noctem, appellavit.* Verba vero: & fuit *vespera*, & fuit *mane*, denotare terminos ad quem; primum videlicet diem finisse *vesperi*, & primam noctem *mane*. Non enim potuisse *vesperam* existere, nullo precedente die. Quæ cum satis clara videantur, Autor tamen aliorum testimoniis confirmat, & ulterius illustrat: ac, postquam ostendisset, *Chaldæos, Babylonios, & Ægyptios*, cum sole oriente inchoasse diem, idem quoque fecisse *Israelitas*, magna verisimilitudinis specie colligit. Itaque annum suum *Exodi* his characteribus insignem reddidit:

I *Annus Exodi incidit in Annum Per. Jul. 3069.*

II *Qui idem Annus est Annus ante Nat. Christum 1645.*

III *Quo Anno Mensis Ægyptiorum & Israelitarum primus concurrebat cum Martii 22.*


IV *Qui Martii 22 erat dies Jovis.*

V *Cujus Mensis 20 accidebat Novilunium verum.*

VI *Sed phasis prima apparebat ipso illo 22 die.*

VII *Æquinoctium autem observabatur April. 4, sive Mensis primi Nisan aut Abib die 14.*

- §. VII *pag. 589.* His ita pertractatis, Autor celebrem quendam locum chronologicum *Clementis Alexandrini* sub judicium vocat, & defectum, quo ille ex sententia *Marshami* laborasse credebatur, supplet. Deinde *Pezronii* opinionem, *Mosen Inachi* tempore floruisse asserentis, lanci appendit, & multa cura refutat, quod cum minus ad scopum hic faciat, Lectores harum rerum curiosos ad ipsum librum ablegamus. Nos, filium Autoris secuti, ad ipsam *Israelitarum Exodum*, & transitum per mare rubrum, pervenimus, quam memorabilem historiam ille mirifica luce perfundit. Queritur inter doctos, quam ob causam *Israelitæ* singula novilunia celebraverint. *Spencerus* hanc consuetudinem a gentibus repetendam censet, ad quorum imitationem *Israelitis* tempora neomeniarum sacrosancta fuerint. Sed recte *Vignolius* noster, hac conjectura explosa, docet, consecrata esse *Novilunia*, quoniam *Annus Exodi* cum nova luna inceperit, eodem
- que



que tempore jussu Dei *Moses* Israelis liberationem ex servitute Ægyptiaca annuntiaverit. Hoc probari *Exod. XII, 1*, & præcipue *Pf. LXXXI, 4-6*: *Clangite in Novilunio tuba, nostro solenni die festo. Nam is Israelitarum ritus est, jussu Dei Jacobi institutus: ut esset documento Josephi posteris, quo tempore egredere-
retur contra Ægyptios, ut onus ab humeris eorum removeret.* Digna sane res, quam frequenti memoria Israelitæ in neome-
niis repeterent. Primo itaque die mensis primi, in prima lu-
næ phasi, Deus per *Mosen* jussit Israelitas *decimo ejusdem men-
sis* die Agnum Paschalem separare, *Exod. XII, 3*; eundem autem *decimum feriam* fuisse *septimam*, in transitu notat Autor. *De-
cimo* porro *quarto* ejusdem mensis, die Mercurii, mactatos
esse agnos Paschales, & noctu manducatos, quo tempore Sol
intraverit primum Arietis gradum: eadem nocte primogenitos
Ægyptiorum occisos, & Israelitas Regis mandato Ægypto sum-
ma festinatione exire jussos esse. Jam, ut iter Israelitarum ad
mare rubrum cum Autore prosequamur, operæ pretium est
oculos conjicere in Tabulam æneam exactissimam & elegantis-
simam, unde de dicendorum veritate maxime Lectoribus constab-
bit. Cairo ad montem Sinai proficiscentibus, ut liquet ex plurium
Itinerariorum fide, quæ Autor consuluit, via patet per areno-
sum ingentemque campum, quæ recta ducit ad Sueciam, in ex-
tremate maris rubri situm oppidum. Hæc via est passuum
circiter 26 millium, & intra triduum peragitur. Ultra Sue-
ciam converso ad dextram itinere, putei *Mosis* occurrunt, qui
adhuc apud Arabes magna sunt in veneratione. Hoc iter, quod
nonnulli existimant, Israelitas non tenuisse, ex *Mosis* narratione
ostenditur, agentis, Israelitas, difficultate itineris perplexos, sub-
stitisse, ut deinceps clarius videbimus; hæc vero, quam descri-
psimus, via plana est, nullis montibus aut angustiis intercisa.
Quodsi vero aliquis consistat ad puteos *Mosis*, trans mare ru-
brum, Ægyptum versus,

- ab adversa surgit vastissima parte
Vallis in abruptos montes, avulsaque saxa,
Et scopuli horrendi ferientes æthera surgunt
In duo divisi loca,

Kkk 2

ut

Pag. 619.

Tab. IV.

Pag. 620.

Pag. 629.

ut ait *Schulemburgius Comes* in *Itinerario*, significans, mare rubrum, qua parte Ægyptum spectat, montibus altissimis cingi, excepta unica via, per quam iter ad mare aperiatur. Per hanc Israelitas pervenisse ad mare, *Vignolius* porro demonstrat. Postquam enim in transitu de *Pithomo* & *Ramefe* urbibus ab Israelitis exstructis egisset, ex *Itinerario Monconysii*, per eandem viam profecti, omnes circumstantias exitus Israelitici expendit, & scrupulis liberat. Israelitæ iter ingrediebantur die 15 mensis primi, die Jovis, summa festinatione. Relicta Ramefe, cujus urbis reliquæ & rudera conspiciuntur, castra metabantur ad Succoth. Is locus hinc nomen accepisse videtur; Succoth enim tentoria notat, & primus occurrit in valle proficiscentibus, quam montes intercipiunt, quos diximus. Hac re ad aures *Pharaonis* allata, quod fieri non potuit nisi sero admodum eodem die, tempore vespertino cum intellexisset, populum viæ tam periculose implicatum & fere captum esse, jussit currus & equites ad persequendos fugitivos parari. Die sequenti *Veneris*, mensis 16, Israelitæ, a Succoth profecti, pervenerunt ad *Etham*, ad extremitatem deserti. Est itaque *Etham* in exitu vallis, haud procul a litore maris. Qua occasione, *Calmetum* in hujus loci situ a veritatis tramite deflexisse, monet. Die 17 mensis primi, qui erat Sabbathum, Israelitas ab *Ethamo* profectos jussit Deus *Exod. XIV, 2*, ut deflectentes castra ponerent ante *pi-bachi-roth*, inter *Migdot*, & inter mare ante *Baal-Tze-phon*, ita, ut castra extenderentur juxta mare. Arbitraturum enim *Pharaonem*, illos regionum ignaros hære, & montibus conclusos teneri. Hic Venerabilis *Vignolius* ostendit, Israelitas non potuisse retrogredi, propter exercitum Ægyptiorum in valle jam hærentem; non recta progredi: mare enim obstitisse; non deflectere ad dextram: sic enim Ægyptiorum in manus incidisse; itaque debuisse deflectere ad sinistram: angustam enim superfuisse viam inter montium altitudines, & maris litora, interceptam, quemadmodum in Tabula clarissime conspicitur, qua sola poterant evadere. Cum hac sententia divina verba optime congruunt. *Pi-bachi-roth* significat *os*, sive *portam* & *introitum angusti hujus callis* inter montes & mare; nam

nam *חור* foramen est. Hinc plerique interpretes vertunt *fauces montium*. Notum est, angustos per montes transitus vocari fauces & portas, *portas Caucasias, Syrias, Amanas*. *Baal-Tzephon* urbs erat ad septentriones maris rubri, & forsitan *Heroopolis*, quod magna probabilitatis specie adstruitur. Itaque, cum Israelitæ antea mare & ortum versus prospicerent, nunc conversa facie respiciebant Baaltzephonem ad septentrionalem plagam. *Migdot*, denique, neutiquam confundendum cum *Migdoto* sive *Megiddante* Palaestinae, potuit esse arx munita in introitu angustiarum, aut oppidum, cuius locum postea occupavit Arsinoe. His expositis, videmus, exercitui Israelitarum inter mare, montes, & hostes, intercepto effugium non patuisse, nisi Deus per mare rubrum salvos traduxisset. Hujus facti memoriam scriptores profanos etiam conservasse cognovimus, sed in modo transitus non omnes consentiunt. Itaque primo gentilium testimonia sub censuram vocantur. *Justino* teste, *Moses, leprosum dux factus, ab Aegyptiis territorio expulsus, res sacras secum abstulit. Ad quas recuperandas cum Aegyptii arma cepissent, tempestatibus compulsi, retro cesserunt.* Nulla hic aut maris, aut submersionis, memoria. *Diodorus Siculus* refert, apud *Ichthyophagos*, maris rubri accolae, traditionem invaluisse, *estu ingenti quondam aquas hujus maris, nudato penitus fundo, regressas esse.* Quæ Autor ex *Ariapano* adducit, itidemque ex *Nonno*, de *Baccho*, qui *Moses* habetur, & ex Poeta *Ezechiele*, libenter omittimus. Cum gentilium testimonia faveant narrationi *Mosaica*, mirandum videtur, *Josephum* ivisse in alia omnia, & transitum Israelitarum comparasse cum transitu *Alexandri* per mare Pamphylium, in quo neque *Strabo*, neque *Diodorus Siculus*, aliquid miraculosi deprehenderunt. Sed, haud semel *Josephum* in gratiam gentilium aliquid remisisse constat. Ex Christianis nonnulli miraculum mirum in modum augent. *Origenes*, se audivisse, ait, *a majoribus mare in ista digressionem pro numero 12 tribuum in duodecim vias divisum esse.* Hoc *Origenes* a Judæis audire potuit, similia tradentibus. *Orosius* addit, *vestigia rotarum & curruum non solum in littore, sed & in fundo maris, ad suam ætatem conservata adhuc vide-*

Pag. 643.

- Pag. 653. xi: quibus adjecit scriptor admodum credulus Seculi X: *Recedente mari apparere omnem submerſionem Pharaonis, & omnia arma in marmora mutata.* In his diverſitatibus nihil melius eſt, quam ut inhæreamus ſacris literis, & ex illis facti hujus veras circumſtantias perdiſcamus. Itaque, rejecta vulgari alioquin ſententia, Iſraelitas per *ſemicirculum* ex marinis undis evaſiſſe, Autor accedit ſententiæ *Clerici*, quam ille ſingulari Diſſertatione *de maris Idumæi trajectione* in Appendice Pentateuchi expoſuit. Videlicet trajeciſſe Iſraelitas, cum fundamentum maris inſolito æſtu aquis reſluentibus plane eſſet denudatum. Hanc ſententiam ut impiam & profanam nonnulli ex templo rejiciunt cum *Genebrardo*, audacter affirmantes, *mare rubrum nequaquam fluxui & refluxui obnoxium eſſe.* Sed non ſolum *Herodotus* ac *Diodorus Siculus*, verum etiam noſtri temporis Itineraria, expreſſe teſtantur, *mare rubrum ſingulis diebus æſtu commoveri*: eumque æſtum eo magis obſervari, cum mare, ubi eſt profundiffimum, vix habeat pedes octodecim, unde propter Syrtis & ſcopulos periculofiſſima fertur ejus navigatio.
659. Superius intelleximus, Autorem eviciſſe, *menſis 1 die 17* Iſraelitas marginem Erythræi maris attigiſſe: qui ipſe dies 17 tertius erat poſt plenilunium & æquinoctium, quo tempore ſecundum Geographorum teſtimonium mare & magis intumeſcere, & magis detumeſcere, ſolet. Jam, cum inter lunæ curſum & æſtum maris magna deprehendatur convenientia, Autor docet, eodem die 17 menſis primi, poſt horam 10, lunam orientem ſupra horizontem Iſraelitis apparuiſſe, eodemque momento maris detumeſcentiam incepiſſe, ac duraſſe ad horam uſque 4 matutinam. Nemo exiſtimet, Autorem voluiſſe hunc tranſitum numero miraculorum eximere. Hanc conſequentiam a ſe amolitur: fuiſſe enim re vera miraculum ingens, quod *Mofes*, qui alioquin nihil niſi ſolitum æſtum exſpectare potuit, prædixerit, ſalutem Iſraelitis, exitium inſtare Ægyptiis. Deum autem in miraculis ſuis ſæpius naturæ vires adhibere, & iis in hoc negotio uſum eſſe, ex hiſtoria *Mofaica* mirifice confirmari. Nam principio memoratur *Exod. XIV, 19, 20*, Deum elevaſſe nubem caliginofam, eamque poſitam inter Ægyptios & Iſraelitas, illos impediſſe, quo

quo minus his appropinquare possent. Deinde, quæ verba sunt notatu digna v. 21, *ope venti vebementioris per totam noctem Deum aquas abegisse, & mare exsicasse.* Is ventus equidem vocatur **קָיִץ**, orientalis; verum cum Eurus aquas in littus Troglodyticum, ubi consistebant Israelitæ, eiecisset, rectius intelligitur ventus violentior, quod fufius probatur, cuius ope fluctus maris, æflu adjuvante, celerius protrudebantur, & per fretum in Oceanum regurgitabant: quo pacto totus ille sinus maris Idu-mæi, juxta quem castra posuerunt Israelitæ, aquis privabatur. Duo hic obflare videntur, primo, *Mosen* asserere, aquas fuisse fissas sive divisas; deinde, fluctus maris Israelitas loco muri a dextris & a sinistris defendisse. His phrasibus æstum illum, & retrocessionem maris rubri, plane everti. Quæ *Vignolius* ad hæc dubia respondet, apud ipsum legantur. Nos addimus, vento vehementiori omni aquas maris disscindi. Hoc fatebitur, quisquis vel semel æquor vento exagitatum conspexerit. Posteriori phrasi autem innuitur, aquas marinas fuisse Israelitis firmissimi instar munimenti, non solum a dextra & sinistra, sed & antro-rsum & retrorsum. Sic *David* murus fuerat gregibus *Nabal* in deserto. De significatione phrasidis, *ad dextram & sinistram*, conferatur *Pf. XCI, 7.* Hoc pacto sinu maris satis longo exsiccato, Israelitæ, qui antea septentrionem versus proficiscebantur, per angustias, quas diximus, nunc conversa ad Orientem facie, lata fronte mare ingrediebantur, &, quia timor pedibus addit alas, & sinus ille maris non ultra millia terna est latus, ut canit Poeta, intra exiguum temporis spatium illum trajicere, & in siccum, periculo liberati, evadere, potuerunt. Ingressos Israelitas Ægyptii sine mora sequuntur, æslui fidentes. Quis autem, ut hoc in transitu moneamus, potest sibi persuadere, Ægyptios voluisse mari se committere, si erectos in altum muros vidissent aqueos, solo miraculo, nullis aggeribus aut fulcris, sustentatos? Sane Ægyptii, tot incommodis propter Israelitas eruditi, facile poterant cogitare, his fluctibus corruentibus de suorum omnium vita actum esse. Periculo adeo manifesto neque *Pharao* se ipsum, neque exercitum, exposuisset. Sic Israelitæ mensis 1 die 18 exierunt solis undis & hostibus manibus erepti
Epiai-

Pag. 670.

- §. XI. Epinicion caneant. Erat autem ille dies 18 *dies Solis*. *Isact-*
 pag. 675. *dar*, Ægyptiaca servitute oppressos, Calendarium Ægyptiacum
 adhibuisse, superius didicimus. Merito itaque queritur, utrum
 iidem, in libertatem asserti, eodem fuerint in posterum usi, an
 potius novam anno suo formam induxerint. Quod postre-
 mum festorum Judaicorum ratio postulasse videtur. Itaque Ve-
 nerabilis Autor ostendit, primo Deum in deserto *Sabbathum*
 instituisse, non solum ad memoriam creationis, verum etiam,
 ad quod præcipue attendendum, propter transitum per mare
 rubrum, & liberationem e manu Ægyptiorum, *Deut. V, 15*.
 Hos enim in ipsa Sabbathi nocte in aquis esse suffocatos, salvos
 in oppositum maris littus evadentibus Israelitis. *Sabbathum*
 porro fuisse Sacramentum docet, signum Fœderis divini, *Exod.*
XXXI, 13, 17. Primum adeo Sabbathum in deserto esse celebra-
 tum mensis secundi die 22, secundum ejusdem mensis die 29,
 tertium mensis tertii die 6, eoque ipso die Deum legem Deca-
 logi e monte Sinai promulgasse, & Sabbathi celebrationem de
 novo inculcasse. His demonstratis, Autor ejusdem anni Ca-
 lendarium instruit, ex locis passim collectis, & præcipue tria je-
 junia *Mosis* dierum 40 distinctius explicat. Quo facto, ponit,
 682. Ægyptiorum annum, quod alibi fusius demonstrabitur, tempo-
 re exodi fuisse dierum 360. Ejusmodi annum Israelitis plane
 fuisse inutilem. Illius enim principium per quatuor tempesta-
 tes vagari; Deum vero fixum & immotum anni exordium sta-
 tuisse, dum dixerit, *mensē Abib, in quo incipiant fruges ma-*
turefcere, in posterum fore mensum omnium caput & princi-
pium. En primam Calendarii reformationem. Ex anno va-
 go Ægyptiorum Israelitæ accipiebant annum fixum. Secundo
 681. menses Ægyptiaci erant omnes *τρεῖς μηνες*. Quia vero
 Deus paschatis celebrationem ad mensis primi diem 14 & ad
 plenilunium alligaverat, necessario ex mensibus solaribus red-
 dendi erant lunares: cumque annus lunaris ordinarius dierum
 sit 354, eidem per intercalationem succurrebatur. Tertio dies
 antiquissimis seculis inceperat a mane, ut suo loco evicit Autor;
 tertiam itaque mutationem accessisse in festorum celebratione:
 hanc cepisse vesperi, cum civilium dierum exordium matuti-
 num

num perduraverit, utrumque multis exemplis confirmat Venerabilis *Vignolius*, & his *Libri III Capiti I* finem imponit. *Capite II* agit de annis periodicis, aliisque notabili caractere distinctis, quorum spectant præcipue *anni Sabbathici & Jubilai*. Post occupatam Terram sanctam Deus jussit septimum quemvis annum celebrari, *Levit. XXV*. Hoc anno agri non erant colendi, & servi in libertatem asserendi. Hanc annorum hebdomadem constanter fuisse servatam, Autor cum plerisque Chronologis recte statuit, atque adeo colligit in singulari tabula annos Sabbathicos, ab Historicis notatos, de principio & radice annorum Sabbathicorum deinceps §. III acturus. Pergit §. II ad Jubilæos, quorum institutio legitur *Levit. XXV, 8*. In his numerandis cum diversis plane vestigiis insistant viri docti, Autor singulas sententias accuratius excutit, ac tandem demonstrat, annum quemvis Jobelæum non discrepasse a septimo Sabbathico: quo posito, sequitur, annum natæ Christi 1189, secundum *Matthæum Parisium*, ob eadem Judæorum in Anglia memorabilem, fuisse Jobelæum. Cum itaque radix Sabbathicorum & Jobelæorum una haberi debeat eademque, Venerabilis *Vignolius* ad hanc e caligine eruendam progreditur ad annum introitus in Terram sanctam. *Mosis* enim in anno 40 Exodi, mense undecimo, mandaverat, ut quolibet septennio, sive anno Sabbathico, in festo Tabernaculorum lex populo publice prælegeretur, *Deut. XXXI, 10, 11*. Post mortem *Mosis*, & luctum 30 dierum, *Josua* anno 41, mense primo, die 10, populum Jordanem traduxit, qui ejusdem mensis die 14 Pascha celebravit, *Jos. V, 10*. Quo facto, per integrum septennium *Josua* in expellendis Cananæis, & capiendis urbibus, fuit assiduus, *Jos. XIV, 6*. Tum demum Gilgalæ cæpta est distributio Terræ sanctæ, ac tribus *Judæ*, *Ephraimi*, ac dimidiæ *Manassis*, attributæ possessiones cis Jordanem. Cum autem tribus *Rubenis*, *Gadi*, & altera dimidia *Manassis*, trans Jordanem hæreditates adiissent, septem omnino supererant tribus, quibus nondum ulla assignata erat portio. *Josua* itaque, illis convocatis, significat, ut, excusso torpore, ad occupandas reliquias terræ promissæ alacriter pergerent, *Jos. XVIII*. Utque eosdem excitaret, misit viros

Pag. 696.

§. III
pag. 715.

- Pag. 721. peritos, qui fines totius Palæstinæ describerent. Quibus demum redeuntibus, altera facta videtur divisio. Hæc omnia eum in finem diligentius Autor pertractat, ut *Radicem annorum Sabbathicorum* eo certius determinaret. Sunt enim, qui existimant, annum septimum *Josue* primum exstitisse in annorum hebdomade, alii annum ejusdem ducis 15, plerique, cum quibus Autor facit, annum 1 ducatus *Josue* & introitus in Palæstinam, adeoque 41 post Exodum, respondentem anno *Per. Jul.* 3109 & anno ante Christum 1605. Hoc enim probari ex ipsis verbis legis, ex historia *Josue*, & ex antiquissima traditione. Lex jubet *Levit. XXV, 2: Cum ingressi estis in terram, tunc terra ipsa Jehova Sabbathum feriat; sex annis fundum tuum serito, &c. Septimo autem anno terra Sabbathi serias Jehova agito.* Hæc consentiunt facto *Josue*, qui, ut vidimus, septimo anno captam omnem terram, regione a bello quieta, id est, *Anno Sabbathico*, Israelitis distribuit possidendam, *Jos. XI, 23.* His per testimonia & per vetustas traditiones confirmatis, Autor ostendit, omnes annos Sabbathicos, ab Historicis annotatos, ex suo calculo exactissime reperiri, si radix, uti diximus, sit annus Exodi 41 & Periodi *Jul.* 3109. Sed hæc, cum cancellos nostri laboris excedant, Lectores apud ipsum Autorem non sine insigni voluptate evolvant. Ad rei denique confirmationem in fine §. III adjecta est tabula Jobelæorum ad annum Christi 1189, quæ facili negotio ad nostra tempora continuari potest.
- 729.
- 744.

Cum in Libro Judicum nullus annus reperiatur notabili caractere instructus, totum hoc intervallum obiter tangit Autor §. IV, & sequenti §. V ad foundationem & inaugurationem templi *Salomonici* progreditur. Cumque plurimi in ea hæreant opinione, anno *Salomonis* 11, sive septimo post foundationem, encenia templi esse celebrata; Autor ostendit ex ipsius historię serie, id demum anno 20 sive 24 *Salomonis* factum, adhibito eum in finem loco ex versione τῶν LXX admodum memorabili 1 *Reg. VIII, 1: Factum est, cum perfecisset Salomo exstructionem domus Dei, & domus suæ, post annos viginti, convocavit omnes seniores &c.* Ubi verba, *post annos viginti,* in

in Codice Hebræo desiderantur, quod multis mirum videri possit. Aliud nunc factum sequitur, videlicet *Jerobeami institutio novi Festi Tabernaculorum*, quam pluribus Doctissimus *Vignolius* illustrat, rem ipsam ab Ægyptiorum annis repetendo, apud quos *Jerobeamus* diu habitaverat. Digna sunt hæc omnia, quæ legantur, præcipue cum plerique interpretes hic hæserint, & Lectores avidos destituant. Sed ad finem festinamus. *Josum* anno & Sabbathico & Jobelæo throno fuisse admotum, post interfectam *Atbaliam*, deinde probat Autor; tum accedit ad *Ezechiam*, qui quoniam statim in regni exordio festinanter pascha celebrari jussit, Regem hoc fecisse statuit Autor propterea, quod idem ille primus annus *Ezechia* cum Jobelæo concurrerit. Exponit porro locum *1 Reg. XVIII, 13, πολυθρύλλητον*, eumque mirifice illustrat. Denique in regno *Sedecia* annum Sabbathicum reperit ex *Jer. XXXIV, 8 seq.* quem ab objectionibus virorum doctorum vindicat, & toti huic commati faciem satis lucidam præfert.

§. VI
pag. 756.

§. VII
pag. 764.

§. VIII
pag. 768.

Ceterum, quoniam præter opinionem recensio hujus *Libri III* excrevit, reliquas in proximam occasionem differimus. Cum autem rerum notabilium, in eo contentarum, vix centesimam partem innuimus, rem judicamus nos Lectoribus haud ingratam fecisse: neque enim Opus totum hoc Chronologicum pro merito a nobis satis laudari aut prædicari potest.

EDMUNDI MERILLII, TRICASSINI FCTI,
a Consiliis Regis, Antecessoris in Academia metropolis Biturigum primicerii, in quatuor Libros Institutionum Imperialium Commentarii principales, instituti A. 1636, ætatis Autoris 58, Professionis 36. Quibus adjecta est earundem Institutionum Synopsis, per definitiones & divisiones, in qua totum earum artificium expansum est. Ex mente & MStis ejusdem E. MERILLII, opera & studio CLAUDII MONGIN, Juris utriusque Professoris, concinnata. Cum Præfatione C. H.

TROTZ, Fcti.

Lll a

Trajecti

Trajecti ad Rhenum, apud Jo. Brœdelet, 1739, 4.

Alph. 3 plag. 9.

Vivit adhuc, & in anîis omnium, qui veram, non simulatam, amant Jurisprudentiam, tacita admiratione suspicitur *Edmundus Merillius*, JCtus ævi sui præstantissimus, cujus quippe lucubrationes non vulgarem redolent doctrinam, sed summi potius judicii, ingenique felicissimi, Autorem, quasi in speculo quodam, conspiciendum nobis præbent. Inter hæc ejus scripta cum liber ad *Institutiones Justiniani* Commentarius ob raritatem suam difficillime, & non nisi magno pretio, comparari potuerit; novam ejus editionem, eamque longe nitidissimam, plaudentibus Musis, in se suscepit nobilissimus typographus, *Joannes Brœdelet*, atque hoc ipso, quam studiosus sit non boni tantum publici, sed famæ etiam *Merilliana*, luculentissimo specimine comprobavit. Præfationem Operi comitem dedit JCtus Batavorum Celeberrimus, *Christ. Henr. Trotzius*; cujus vero negotia, quibus obrutum se tunc temporis fuisse ait, non concesserunt, ut, pro more nostri seculi, singulare pertractaret argumentum, quod eo gravius ferent complures, qui Themidos sacris addicti sunt, eruditi, quo certius inter omnes constat, quam avide excepta semper fuerint politissima *Trotziani* ingenii monumenta. Interim tamen, ne plane nihil in hoc Opere præstitisse putes Virum Consultissimum, hoc scire tua interest, Lector, quod textum *Cujacianum* ad Clariss. *Joannis van de Water* editionem secutus, notas illi omnes accommodaverit, singulis etiam verbis, ad quæ respicit potissimum interpretatio, diligenter præmissis. Ad ipsas quod attinet observationes *Merillii*, eas, quantum quidem fieri potuit, ab erroribus, qui primum editorem fugerant, purgavit, textus legum atque paragraphos ubivis adjecit, imo, si quando id postulavit necessitas, justam quoque & decentem emendationem adhibuit. Jam, quomodo comparatæ sint *Merillii* notæ, exemplis quibusdam docebimus. Per antiquas fabulas quid intellexerit *Justinianus* in *Præm. Inst. §. 3*, non adeo liquide inter Criticos constat. Arbitratur tamen *Merillius*, & ex nostra quidem sententia, verisimillime, his vocibus Jus anti-

Pag. 21.

quum

quum & obsoletum denotari, & sic idem vocasse ait Imperatorem antiquæ subtilitatis ludibria *l. un. C. de nudo Jure Quirit.* toll. eodemque sensu Divum Paulum in *Epist. ad Tit. Cap. I vers. 14* Judaicas nominasse fabulas, id est, ceremonias & traditiones Judæorum, ad legis novæ differentiam. Quam etiam interpretationem secutus est *Theophilus*, qui persuasum sibi met habet, *Justinianum* per antiquas fabulas intellexisse Jurisprudentiam veterem, & ab usu plane remotam, novisque suis legibus opponere illam voluisse. Si plures ex testamento, vel inquisitione, dati fuerint tutores, non omnes semper administrationem gerunt, sed hoc potius uni eorum committitur, & ille quidem præferri ceteris solet, qui satisfactionem obtulerit. Sin autem, qui cavere velit, nemo inveniatur, illi bonorum, pupillo relictorum, demandatur cura, quem testator ipse elegit, ut in se tutelam susciperet: & tunc sane reliqui tutores sunt honorarii, *l. 3 §. 1 D. de Administrat. & peric. tutor. & curat. & l. 14 §. 1 D. de Solut. & liberat.* Nullo contra electo a testatore, ex majoris partis consensu uni tutelæ munus defertur: illis vero non consentientibus, judex eligit, cui quippe semper curæ esse debet, ne per plures spargatur tutela, quod res pupilli majori cum emolumento per unum administrari tutorem queant, per *d. l. 3 §. 6 D. de Administr. & peric. tutor. & curat.* Sed quid, si omnes tutores satisfactionem præstare velint? Respondet Autor noster ex *l. 17 D. de Testam. tutela*, judicem omnibus concedere administrationem posse, & quod observavit ille de tutoribus, id eadem ratione ad curatores quoque pertinere, monet. *Theophilum*, Græcum Paraphrastem, sine autore ullo scripsisse ait, testamenta calatis comitiis bis in anno fieri consuevisse. Longius enim fuisset semestris temporis interval- lum, quo testamentum facere liceret, multique interim inter- flati decedere potuissent. Affirmat potius Autor, certos fuisse dies comitiales, quibus comitia haberentur, & ageretur cum populo, istosque in singulis mensibus fuisse distinctos a fastis, nefastis, nundinis, & feriis, & proinde diebus hisce, non expectato tempore semestri, testandi facultatem liberam fuisse Quiritibus. In *Proæmio Instit. de Milit. testam.* pro verbis, vel

Pag. 85.

176.

178.

- suis adibus*, alii legere malunt, *suis sedibus*. Sed, illam lectionem hac esse meliorem, docet *Merillius*, eamque Βασίλειον quoque Autores secutos esse refert. Et sic, ex ejus sententia, retineri debet isthæc lectio *l. ult. C. de Restitut. milit.* quæ est portio *l. penult. C. de Milit. testam.* Obstare hoc loco videri posset *Theophilus*, cujus vero mentem satis feliciter explicat Noster, quod scilicet milites, si in aliis locis degant, quam in sedetis, vel in his locis, ubi agere necesse est, jure militari non possint testamentum facere; & quia *Theophilus* sedeta, id est, castra, valla, seu fossata, & alios locos, comprehenderit, ubi milites agere necessario debent, dici omnino queat, etiam milites, dum in stativis sint atque præfidiis, jure militari testari posse, licet in expeditione non sint constituti. Ex
- Pag. 204. *§. ult. l. Quibus mod. testam. infirm.* manifesta colligitur, Principem non pœnariis modo legibus solutum fuisse apud Romanos, veluti Lege Julia & Papia, ut Græci conjiciunt ex inscriptione *l. 31 D. de LL.* sed aliis etiam Constitutionibus scriptis, ut nominatim *Dio* refert *Lib. LIII Histor. Rom.* Et ita suas ipse leges egrediebatur *Augustus* apud *Tacitum Lib. III Annal.* atque *Valentinianus* in antiqua quadam inscriptione dicitur *Dominus legum Romanarum*. Addit tamen *Merillius*, optimos quosque Principes suis etiam legibus se subjecisse, idque exemplis nonnullis, ex *Juris Romani Collectione* desumptis, luculenter probat.
205. Non satis accurati videntur Auctori, qui, inofficiosi testamenti querelam Lege *Glicia* inductam esse, dicunt, & inscriptionem *l. 4 D. de Inoff. testam.* hujus rei causa in partes vocant. Ejus potius originem prudentibus adscribit, qui, testamentum inofficiosum impugnari posse, admiserunt,
429. quasi a furioso aut demente conditum. Non expeditum prorsus certumque hodie est, quodnam fuerit furtum conceptum, quodque per lancem & licium concipiebatur, ut est apud *Gellium Lib. XII Cap. 2*, & *Sextum Pompejum* in verbo *Lanx*, ubi existimat, furtum conceptum fuisse per lancem, quia lictores, seu viatores Magistratuum, qui res furtivas conquirebant, lancem, quam ferebant, ob oculos ponerent, ubi in conclave aliquod matronarum venissent; at, quia concipi dicebatur

per

per lanceam & licium, putat *Merillius*, lanceam gestatam fuisse a lictoribus, qui libripendes erant, & servi publici, & hac lance dignoscebantur, ut a licio, quod insigne erat lictoris. Plura specimina non accumulamus, vel paucis his, quantum boni insit Operi huic *Merilliano*, ostendisse contenti. Id unum adhuc non possumus non repetere ex *Celeb. Trotzii* Præfatione, ex his animadversionibus notisve de eruditione & doctrina *Merillii* non satis rectum ferri posse iudicium. Elegantiora enim ingenii monumenta exstant in Libris ejus *Observationum*, ante paucos annos Neapoli recensis, quas, dici non potest, quanti semper æstimaverint præstantissimi quique Jcti, & humaniorum literarum cultores.

CAROLI LINNÆI, MED. DOCTORIS, SOC. ACAD.
Imp. Nat. Curiosorum, Critica Botanica, in qua nomina plantarum, generica, specifica, & variantia, examini subjiciuntur, selectiora confirmantur, indigna rejiciuntur, simulque doctrina circa denominationem plantarum traditur, seu Fundamentorum Botanicorum Pars quarta.

*Accedit JOANNIS BROWALLII de necessitate
 Historiæ naturalis Discursus.*

Lugduni Batavorum, apud Conradum Wishoff, 1737, 8.
 Plag. 20.

Questio de eo, quod justum est circa impositionem nominum, Philosophos æque ac Medicos Botánicos haud mediocriter exercuit. Sunt, qui putent, cum vox sit notio omnium in arte peritorum consensu aut principis in arte viri arbitrio enata, & intrinseco significandi valore prædita, non licere uni, etiamsi in arte præstantissimo, deturbare a pluribus agnita, nec barbara aut sterilia, nomina. Alii contrarium sentiunt, & pro reipublicæ literariæ libertate, ex sufficientis rationis principio, omnibus in arte peritis licere titulos innovare, arbitrantur. Nostrium non est, tantas componere lites. Sicut nummi, ita & verba, valent ex arbitrio dantis & accipientis.

In-

Industria singularis & ingenii haud minor felicitas est, qua *Clar. Linnæus* a Pleudonymiis, Homonymiis, Polyonymiis, Caconymiis, purgare artem sustinuit. Quo successu id peractum fuerit, *Genera* edocuerunt, quæ, cum in omnium manibus sint, a singulis, prout unusquisque huic aliive methodo favet, diversum iudicium ferent. Clariss. Autor rejicit nomina nisi a Systematicis data; antiqua, nisi casu bona, ipsi non placent; nomina, ab alio, quam genuino, Botanico amicis inscripta, abesse jubet. Tituli, sanctimonie faciem præ se ferentes, gratia Dei, flos passionis, parum significant. Magnorum & bene meritorum hominum nomina, plantis *Bontia*, *Breynia*, *Ruyschiana*, *Drakena*, celebrata, expirant. Hinc stabiliuntur regulæ, ferendis nominibus idoneæ. Quæcunque plantæ genere conveniunt, eodem nomine generico sunt designandæ. Circa hanc regulam varii vario modo progressi sunt, aliis ex specie genus conficientibus, quæ methodus est recentiorum, aliis genera reducentibus ad species, quod *Tournefortius* præstitit, cum *Elatinem* & *Cymbalaria* *Linariis* accenseret, *Alisma*, *Populagine*m, *Hepaticam*, *Ranunculis*. Doctiss. Autor multiplicandis generibus favet secundum regulam: Quæcunque plantæ genere differunt, diverso nomine generico designandæ sunt. Tunc quæstio oritur de genere ipso constituendo, & artificio methodico, quo characterum vis & indoles declaratur, & a qua parte plantæ signum summorum generum vel his inferiorum desumendum sit, disquiritur. Rejicitur habitus foliorum externus ob conceptus vagos, & folii ipsius aliquando in plantis absentiam, vel nominis, quo circumstantia sensualis describi possit, inveniendi impossibilitatem. Hinc trifolia, millefolia, bifolia, quinquefolia varia, nunc diversis indicantur nominibus, *Loti*, *Menianthis*, *Hepaticæ*. Unicum etiam nomen unico generi postulatur. Interea, si quis ingenio abundare, & memorie felicitatem ostentare, voluerit, nec illicitum, nec indecorum est, synonymias, quibus antiquis, mediis, novissimis, hæc vel illa planta appellata fuerit, describere, vel mente tenere, id quod ad polymathiam Botanicam, Autori ipsi adeo familiarem, pertinet. Homonymia ipsa Synonymia pejus est dictionis vitium, quando

do una dictio plura genere diversa denotat. Hinc nomen genericum unum idemque, ad diversa designanda genera assumptum, altero loco excludendum erit, sicut uno nomine impossibile est leonem & ursum significari. Sic e. g. male Canabina, modo plantam, galeopsidem post dictam, modo plantam, inter diœcias aut diversi sexus habitam, floriferam scilicet, denotabit, & sic porro. Cui autem in potestate relictum sit, nova nomina constitutere, quæritur; & respondetur, illi licere, qui sit Botanicus. Hinc modestos nimis esse, qui suis inventis nomen denegent. Ast faciunt id alii, modestorum brabeutz, sicut Tithymaloidem nunc *Kleiniam* appellamus, sicut & dubiam plantam Yervain moram horti *Bosiani* ipse Autor nunc *Bosiam* appellavit. Hortus ille non obscuri nominis haud ægre tulit, alium quempiam nomen conveniens imposuisse plantæ illi, quam nuper admodum in iconæ dedit, flore monopetalo irregulari decandrio monodynamio baccam moliente, floribus pluribus in spicam digellis, cui similis alius in omni re herbaria haud exstitisse visus est. Hæc planta sequenti nomine in catalogo Horti *Bosiani* nuper edito exstat: *Pseudo-Acacia Virginiana, non spinosa nomine missa*, (misit autem *Sberardus*, immortalæ nomen,) *anonyma, donec nomen detur a peritis*. Hanc plantam postea in Horto *Clyffortiano* amorpham dictam fuisse intelleximus. Descripsit tamen eandem ante *Linneum* Hortus *Bosianus*, & Iconæ expressit. Certe dignus est, qui filium genuit, ut & nomen imponat. Nihil monendum contra onomatopœiæ rationem philosophicam; ast condonandum est aliquid societati, in qua vivimus, & cum qua loquimur, dum spurca, incondita, impia, nomina expellantur; reliqua patienter ferantur, ne, dum breves esse laboramus, fiamus obscuri. Habiturus est pro sua causa eruditos optimus *Linneus*, dummodo, quod ipse fieri debere fatetur pag. 24, certos assumat limites. Impatienter ferunt magni quandoque viri, prout eadem pagina factum, se durius & immerenter castigari. Recte monet, emendandam esse barbariem quarundam vocum mediarum, quæ dubium genus denotant, quales sunt *Chenopodio morus*, *Cytiso*

Genista. Quodsi autem quis evinceret, hæc genera vere mixta esse, nam natura nunquam committit saltum, & inter duo genera semper medium aliquod relinquit, quod utrinque tenet, liceret eidem tunc hybrido etiam nomine uti. Moris id est in aliis Historiæ naturalis disciplinis, habenturque Papilio Musca, Formica Leones, &c. In Lithologia Sinaragdo-Prasios, Sardachates, Sardonyches, nominamus. An Chamædris, Chamæpitys, Chamæfrenos, plantæ, sua nomina dimissuræ sint, tempus docebit. Sicut dissimilis est nostra elocutio prioribus aliquot Secula retro temporibus, ita abnepotibus obscurius dixisse videbimur. Futuri sunt, quibus nostra displiceant, sicut antiqua, non prorsus absurde dicta, nobis displicent. Actum est de re anatomica, nisi terminos pro arbitrio artis peritis flectere liceat. Quid fiet de tunica choroidea, plexu choroideo, allantoide osse hyoide? Fortasse & hæc barbare dicuntur. Quod Pseudo-Botanicos attinet, quorum mentio fit *pag. 31*; næ illi sese veros nondum esse docuerunt, qui falsos arguunt alios. Suum cuique pulchrum. Quod spectat ad Classium definiendarum nomina, laudandus est *Linnaeus*, in quo omnis Græcia suos thesauros prodiga deposuit, quod concinne admodum diversas notiones unica dictione extulerit. Jam nostris isti termini in ore sunt, & sono placent. Artis est, celare artem, & monendi sunt omnes eruditi, velint artis medicæ divitias Græcarum dictionum munimentis circumvallare, quo arceantur, qui Græca ignorant. In eo dabit veniam, si novorum generum, quæ uberrima adsunt, vel nominum immutatorum, usum nondum fecerimus. Nam certum nondum existit, cui ex tot nominum novorum artificibus (siquidem aliquando plures uni plantæ diversa dederint nomina,) assensum præbere debeamus. Relinquendum est aliquid temporum opportunitatibus; interea loquimur cum pluribus, & sentimus eum *Linnaeo* & eruditis.

BREVE RAGGUAGLIO DELLA NATURA E QUALITÀ dell' acqua nominata dal volgo in Alissi di Mojano, &c.

L. E.

BRE-

BREVIS EXPOSITIO DE NATURA ET QUALITATIBUS aquarum, quibus vulgo *Affisiensium* *Mojanarum* nomen est, instituta a **NICOLAO ANTONIO CATTANI**, Medico abhinc *Spoletano*, nunc *Bevagnensi Umbriae*. Accedit sub finem *Dissertatio compendiaria Epistolaris*, de usu nunquam satis laudandæ dietæ aquæ.

Affisi, per Andream Sgarigliam, typographum Episcopalem & publicum, 1737, 4.

Plag. 17.

Post medicas aquas, quibus regnum Neapolitanum abundat, Lucullianas, variasque in sinu Bajano erumpentes, post Ischianas, seu eas, quibus Enaria Insula abundat, laudantur fontes, qui prope urbem Assisium, Metropolitanam Episcopalem, scaturiunt. Mons Jani forte hodie Majanus dicitur locus, quo fons erumpit. Dulces sunt frigida & subpingues aquæ, æstate argentes, hieme calidiores; id quod optimorum quorumque fontium est. Cito incalescunt, citoque defervent; nempe id *Hippocrati & Celso* inter signa salubrium fontium adducitur. Nihil epotæ ventriculum aggravant, sed cito per alvum, urinam, & udorem, depluunt. Quamvis parum mineræ istis aquis inesse deprehendatur, neque proinde laudabiles minus sint aquæ, quo ferro aliove fossili pauperiores; cognitum tamen fuit, sal subesse alcalinum, quod sapore sal tartari fixum exprimeret; siquidem & fervor cum acido, & mutatio syrupi violarum in colorem viridem, id uberius confirmavit. Cum oleo tartari per deliquium lactescit, cum rhabbaro in rubrum mutatur colorem, cum pulvere gallæ levi rubore tingitur. Terra inest dulcis, subadstringens, samia haud absimilis. Quapropter virtutes terræ samia, quas *Dioscorides* prædicat, huic etiam aquæ attribuantur. Externe æstum partium reslinguit; fluxum mensium, floribus Punici mali infusa, coercet; secundum principium suum martiale hypochondriacis favet. Diuresin etiam movet, nec quidquam exinde metuendum, quod terræ abundantis particeps sit: cum nec Thermæ Carolinæ in Bohe-

nia, quas pecora potant & homines, quidquam topi in corporibus eorundem produxisse observentur, quas tamen lapidea materia factas esse, abunde constat. Accedit politissimo Operi Epistola, quam Cl. *Hieron. Martelli*, Ferrariensis, ad Autorem doctissimum, & rerum naturalium scientia ornatissimum, de præstantia aquarum montis Jani dedit. Ultimus Sermo, qui de aquæ in medicina præstantia peroratur, secundum regulas hydraulicas, hydrostaticas, & omnem de circuitu sanguinis doctrinam, perpolitus est. Peracta digestionem, omnique cibo superato, frigida bibitur: determinata aquæ quantitas intra bihorium sorbetur. Exacerbato morbo non bibitur, sed exantlato paroxysmo: inedia frigidæ usum comitetur: eo usque abstineant a cibis ægri, donec summa eosdem cibum appetendi necessitas invadat ad languorem usque. Frigida, vel calida, secundum ægri dispositionem bibitur; juncula carniū una proponuntur. Ad colatoria corporis respicitur, num aperta eadem sint satis ad transitum aquæ concedendum, num sudet, mingat æger, epota aqua largius. Dentur, quæ hæc omnia juvare possint, remedia: sin effluere ocyus detrectent, abstineatur quantocyus. Omnes febres acutæ & chronicæ, morbique contumaces quam plurimi, frigidæ usu exsuperantur & debellantur.

THE DOCTRINE OF FLUXIONS, &c.

h. e.

JACOBI HODGSONI DOCTRINA FLUXIONUM, methodo ISAACI NEWTONI supersstructa.

Londini, 1736, 4.

Alph. 2 plag. 12.

Licet non desint hodie libri, quibus fluxionum doctrina traditur; operæ tamen pretium se esse facturum existimavit Cl. Autor, si de eodem argumento fuerit commentatus. Nam, ut ad hunc librum scribendum adjiceret animum, eo potissimum fuit commotus, quod intellexit, plurimos, qui de fluxionibus exponere instituerint, nomine magis, quam re, fuisse usos, & methodum differentialem cum methodo fluxionum com-

commiscuisse ; quod magno hujus scientiæ incommodo accidisse arbitratur. Quanquam enim hæ methodi in ipso quidem calculo minime discrepant ; tamen, cum ab initiis proficiscantur longe diversis , factum esse putat earum confusione , ut multi methodi fluxionum neque naturam penitus perspexerint, neque certitudinem satis tenuerint. Itaque consilium cepit Cl. *Hodgsonus*, suam de methodo fluxionum tractationem solis illis superstruere fundamentis, quæ summus *Newtonus* in Libro de *Quadratura curvarum* jecit. Totum Opus in tres divisum est *Partes*, quarum *prima* naturam fluxionum explicat, & præcipuas regulas methodi fluxionum demonstrat, reliquæ *duæ* usum utriusque methodi, tam directæ, quam inversæ, ostendunt. Et in *prima* quidem *Parte*, præmissis Arithmetica exponentium, cujus regulæ ex natura & generatione potentiarum demonstrantur, & doctrina de seriebus infinitis, in qua extractio radicum, elevatio polynomiarum quantitatum ad dignitates quascunque, cum theorematibus binomiis, infinitinomiis, ceteris, traduntur, pergit Autor ad veram indolem fluxionum ex generatione mathematicarum quantitatum per continuum motum & perennem fluxum explicandam ; deinde fluxionum omnium ordinum notationem & Algorithmum exponit, regulas inveniendi fluxiones exponentialium quantitatum demonstrat, denique ex fluxionibus fluentes inveniendi varias docet methodos, quæ cum & ad quasdam tantum fluxionum species sint restrictæ, & hodie satis vulgatæ, iis recensendis non immorabimur. *Alterâ Parte* methodi fluxionum directæ ad Geometriam curvarum præcipue applicatio ostenditur ; & cum maximus hujus methodi in tangentibus curvarum ducendis, in Problematibus de maximis & minimis solvendis, in puncto flexus contrarii curvarum inveniundo, in evolutis curvarum definiendis, in curvis catacausticis & diacausticis determinandis, sit usus, omnem operam Autor impendit, ut ejus methodi ad hæc Problemata applicationem perspicuis regulis & selectissimorum exemplorum apparatu declararet. Sed adjunxit etiam Problematum quorundam Physicorum & Mechanicorum solutiones, in quibus magna apparet hujus methodi utilitas ; v. c. de legibus reflexionis & re-

fractionis luminis, de curva celerrimi descensus, de curva, cujus circa axem rotatione solidum gignitur, quod, in fluido quiescenti motum, minimam resistantiam offendit. *Tertia Pars* tradit rectificationem curvarum quarundam, nimirum sectionum conicarum, spiralis logarithmicæ, *Archimedææ* & reciprocæ, cycloidis, cissoidis, & logarithmicæ, quadraturam earundem curvarum, inventionem superficiei, soliditatis, centri gravitatis, & percussione vel oscillationis variorum solidorum. Hæc summa fere capita sunt, quæ hic Liber complectitur, in quibus singulis pertractandis Cl. Autor ita versatur, ut, quam in usu methodi fluxionum viam & rationem Analystæ huc usque maxime fuerint secuti, distincte quidem & perspicue exponat, docere tamen exemplis, quam præceptis, maluisse videatur; ut adeo nullum sit dubium, quin divinæ hujus artis tirones hisce Institutionibus magno cum emolumento uti possint.

A COURSE OF EXPERIMENTAL PHILOSOPHY, &c.

h. e.

CURSUS PHILOSOPHIÆ EXPERIMENTALIS,

Autore J. T. DESAGULIERS, LL. D. & R. S. S.

Volumen I.

Londini, apud Jo. Senex, W. Innys & Rich. Manby, J. Osborn,
& T. Longman, 1734, 4.

Alph. 2 plag. 18, cum Tabb. æri incisis 32.

Clarissimus Autor jam diu summa ope nifus est, ut Philosophiam naturalem, & maxime ea ejus capita, quæ magnus *Newtonus* pertractavit, variis, partim jam antea factis, partim etiam novis, experimentis atque tentaminibus illustraret, suisque Auditoribus exponeret. Neque vero eos sibi sequendos putavit, qui ipsis experimentis contenti, de ordine eorum & nexu in Cursibus suis ac scriptis parum solliciti fuerunt; sed, *Jo. Keilii* exemplo, non tam de Cursu Experimentorum, quam potius de

de Cursu Philosophiæ experimentalis, cogitavit. Itaque omnia ordine mathematico inter se connectenda, verisque rationibus confirmanda, censuit: difficiliore etiam Geometrarum demonstrationes non plane omittens, sed partim in ipso Opere, quod, Anglorum more, in Lectiones divisit, partim in subjunctis copiosis Annotationibus, nunc propriis, nunc *Newtoni*, aliorumque verbis, afferens. Anno 1710, quo *Keilius* Academiam Oxoniensem reliquit, ipse Cursus suos experimentales methodo *Keiliana* exorsus est, eosdemque deinde Londini, ab A. 1713 ad præsens usque tempus, non intermisso studio continuavit, auditores & spectatores nactus (quod etiam publici nuntii sæpius testati sunt) utriusque sexus & omnium ordinum quam plurimos. Tam indefessus tamen hac in re fuit, ut ab A. 1710 ad 1734, quod mirum sane videtur, 121 Cursus absolverit, atque ut ex undecim vel duodecimi viris doctis, quoad præsens in Anglia atque aliis orbis terrarum regionibus Cursus experimentales instituere putat, octo suos numeret discipulos. Hoc certum est, eum esse non minus, quam *Keilium*, sectæ *Newtonianæ* penitus addictum, de aliis Philosophis, atque imprimis de *Cartesianis*, parum benigne sentientem. Itaque dogmata ejus nova sunt. Experimentorum magna est varietas: inter quæ non pauca, quanquam nihil aliud conficiunt, quam quod per simpliciora tentamina, vel æque facile, vel etiam facilius, confici potest, ad scopum tamen Clarissimi Viri, atque ad captum auditorum ejus, utique videntur accommodata. Restat, ut, quæ hoc *primo* magni Operis *Volumine* (nam plura expectanda sunt) continentur, breviter commemoremus. Post Dedicationem & Præfationem, notabilesque catalogos Dominorum Subscriptorum, & erratorum typographi, quinque sequuntur Lectiones, cum adjectis annotationibus, de quibus supra dictum est. Accedunt, præter descriptionem Planetarii, ab Autore inventi, addenda quædam, & Index. *Prima Lectione* id agit, ut doceat, proprietates illas corporum, quales sunt gravitas, attractiones, & repulsus, non esse occultas qualitates, sed vere existere, & ipsis sensibus exhiberi per varia experimenta posse: eademque certos producere effectus, certis legibus con-

conformes. *Altera Lectione* de viribus & motibus corporum in genere, de celeritate & linea directionis, de centro motus & gravitatis, de quantitate materiae & vacui: *tertia* de machinis simplicibus & compositis: *quarta* de frictione machinarum, agit. *Quinta* denique tres leges motus *Newtonianas* interpretatur: qua occasione etiam de motuum compositione & resolutione, de motu pendulorum, de motu projectorum ipsorumque astrorum, complura affert notatu digna.

CHRISTOPHORI AUGUSTI HEUMANNI, D. S. S. Theol. & Hist. Lit. Prof. Primitiae Gottingenses Academicae, hoc est, Dissertationes, partim Theologicae, partim Historico-criticae, in Georgia Augusta ante ejus inaugurationem ab ipso editae. Accedit Exauguratio Gymnasii Gottingensis.

Hanoveræ, in officina Fœrsteriana, 1738, 4.

Alph. 1 plag. 15.

Cel. Antor, cum A. 1717 prioris sui muneris Gottingensi primitias edidisset, in his *Actis A. 1718 Mens. Januar. pag. 39 seq.* recensitas, nunc in nova Academia constitutus Professor, hujus quoque sui muneris primitias conjuncte publicandas censuit, hoc est, triennio ante inaugurationem edita Programmata, partim suo solius, partim publico, nomine scripta, Disputationes item, illo temporis tractu habitas, duas denique Epistolas, & Orationem unam. Nec alienum duxit, Orationem annexere exauguralem, una cum præmissis ei Programmate. Primum quidem locum tenet ejus invitatio prima ad Lectiones suas Theologicas. Sequitur Dissertatio de *fictitio Joannis Apostoli Pontificatu maximo*. Scilicet, quæ de hoc Pontificatu leguntur in *Eusebio & Hieronymo*, mirum in modum exercuerunt doctissimorum hominum ingenia. Noster autem, omnes secutos esse falsam verborum *Eusebii* interpretationem, docet, observatque, verba illa non ad *Joannem* esse applicanda, sed ad
Chri-

Christum, Pontificem utique vere maximum a patre suo constitutum. *Tertia* Dissertatio *historiam* exhibet *gladii Academici*, docetque, inde demum a bello Germaniæ tricennali Studiosos cœpisse cingi gladio: quam in rem iustæ & idoneæ proferuntur demonstrationes historice. *Quarto* loco e *Jacobi III*, 17, consideratur *idea Theologi Jacobæa*, eoque diligentius, quod nemo adhuc hunc hujus Apostoli locum debita illustravit diligentia. Omnes igitur Noster intendit nervos, ut singulorum hujus Apostoli verborum sensum recte perciperet, minusque probas aliorum interpretationes refutaret. E. g. cum, ἀγνῶν esse oportere Theologiam, *Jacobus* pronuntiet, Noster accurate docet, verbo isto significari puritatem doctrinæ sive orthodoxiam: hac occasione ostendens, etiam a priscis quibusdam Philosophis *veram doctrinam* appellatam fuisse δόξαν ὁρθήν. Quid sit hoc loco ἐπιστήμη, quid ἀδιάρκτος, etiam hic edisseritur haud perfunctorie. In *quinta* Dissertatione nomen *Schilob Gen. XLIX. 10*, excutitur, contenditurque, vetustissimos Hebræos non שִׁלֹּב (*misit*) dixisse, sed שָׁלַח, atque hinc natum esse nomen *Schilob*, & proinde *legatum* significare: ut adeo Christus & primo & ultimo (*Malach. III, 1*) Veteris Testamenti loco nominetur *legatus Dei*. *Sexta* Dissertatio est *de Christi passione majestatica*. Videtur scilicet scandalum crucis & ea re tolli, si perpendamus, qualem se gesserit Christus in ipsa cruce & in tota sua passione: quod nimirum omnia ita fecerit, ita locutus, ita passus sit, uti conveniebant personæ filii Dei, personæ Messie, personæ ejus, qui erat Rex hujus universi ac dominus eorum, qui in ipsum exercebant injustum iudicium. Oportebat eum, inquit Noster, hoc tempore minime *disimulare, se esse Messiam*: nullas debebat ad iudices emittere preces supplices, nullam animi abjectionem, nihil vitiosa humanitatis, ostendere: factis etiam mere divinis oportebat eum docere, affixum esse cruci Dei filium. Jam igitur perlustrans historiam passionis Christi, sedecim observavit specimina majestatis, a Christo tempore passionis suæ edita. Non licet nostræ brevitati recitare singula. Illud fatemur, hanc meditationem multum facere ad confirmandum animum de divinitate Christi

stianæ religionis. Nec illud prætermittere possumus, Autorem nostrum narrationem *Matthæi XXVII, 52, 53*, ita interpretari, ut credat, eos, qui tum in vitam redierint, novissime fuisse vita defunctos, cum agnovissent, Jesum esse verum Messiam, resuscitadosque, in urbem Hierosolymam reverbos, suam quemque domum repetiisse: atque ita multis obviam factos esse, qui ipsos viderint ferali adhuc veste illa indutos, in qua elati fuerant. In *septima* Dissertatione accurato examini subijcitur testimonium militum de resurrectione Christi, *Matth. XXVIII, 11 - 15*, & simul singula hujus historię verba illustrantur, allatis pluribus, alibi non obviis, animadversionibus. Hic etiam nota stultitiæ liberatur dictum illud militum: *Discipuli corpus ejus abstulerunt nobis dormientibus*. Dissertatio *nona* illustrat locum *Pauli Eph. III, 18, 19*, de Christi amoris erga homines immensurabilitate, ostenditurque, interpretes infirmas proferre subtilitates de hujus amoris & latitudine, & longitudine, & profunditate, & altitudine: cum mere proverbialis hæc sit dictio, immensam significans & infinitam rei cujuscumque magnitudinem. In Appendice huic Disputationi subiecta primo locus ille *Matthæi II, 23*: *Christus vocabitur Nazareus*, consideratur, doceturque, a *Matthæo* respici verba *Judic. XIII, 5*, de *Simone* prolata; deinde ostenditur, duo presbyterorum genera, 1 *ad Tim. V, 7*, commemorata, esse Episcopos & Diaconos primitivæ Ecclesiæ, frustra que sudasse in hujus loci interpretatione viros doctissimos. *Undecima* Dissertatio est *de ortu nominis Christianorum*, ad *Act. XI, 26*. Hic primo probatur, nec Judæos, nec ipsos Christianos, fuisse hujus appellationis autores: deinde pluribus demonstratur argumentis, factum fictumque esse nomen *Christianorum* ab ethnicis. Hac occasione etiam ratio redditur, cur Germani non dicant *die Christianer*, sed *die Christen*: itemque ostenditur, quomodo factum sit, ut nomen *Christiani* fieret nomen proprium. In Dissertatione *decima tertia* disputatur *de tribus mensuris effusionis Spiritus S. in N. Testamento*, & adhibetur hæc meditatio ad eripienda enthusiastis sui erroris præsidia. *Decima quarta* Dissertatio *historiam Estheræ* ita illustrat, ut illi sua vindicetur divina autoritas, evulsis & piarum & impiarum men-

mentium scrupulis. Dubitationes de *de Syria* atque auctoritate canonica hujus libri proferuntur septem §. V, ad easque singulas deinceps respondetur. Nos hæc tantum inde referimus, *Abaserum* Regem esse *Artaxerxem Longimanum*, novis hic probari argumentis, ex ipso hoc libro petitis; ostendi, scriptorem hujus libri fuisse *Mardocheum*; collocari hunc librum in sacro Codice oportere medium inter *Historiam Esdra & Historiam Nehemiae*. Hic simul contenditur, dictum illud *Jeremia XXXI, 22*, esse vaticinium de liberando per matrimonium *Estheræ* e captivitate populo sacro. Dissertatio decima quinta sollicite adstruit & vindicat Spiritus S. testimonium internum de religionis nostræ divinitate. Subsequens vitam & scripta *Isidori Pelusiota* considerat, horumque editiones & versiones, simul docens, & aliquot argumentis confirmans, plerasque ejus *Epistolas* esse fictitias, hoc est, non ad eos, quorum præscripta sunt nomina, missas, sed in usum discipulorum Rhetorices elaboratas. Tolluntur etiam aliquot errores publici de hoc *Isidoro*, e. g. quod fuerit Abbas, quod discipulus fuerit *Chrysostomi*. In decima septima Dissertatione docetur, ubi & qualis Episcopus fuerit *S. Hippolytus*, Seculi tertii scriptor ecclesiasticus. Cum scilicet & *Eusebius* & *Hieronymus* frustra quæsierint Ecclesiam, cujus Episcopus hic fuerit *Hippolytus*; Noster docet, eum plane non fuisse Episcopum ecclesiasticum, sed, cum ethnicus adhuc esset, Romæ fuisse Episcopum navium publicarum. Hac occasione ostendit, nomen *Episcopi* etiam civilis dignitatis olim fuisse appellationem: quem in modum & *Superintendentis* titulus æque de politica, ac de ecclesiastica, dignitate usurpari consuevit. Ultimo loco & illa sententia fundamento carere dicitur, qua vulgo creditur, martyrem fuisse illum *Hippolytum*. Locum decimum octavum occupant *Elogia doctorum Gallorum Seculi quinti, ex Apollinaris Sidonii Operibus excerpta*. Horum cum plerorumque mentio ne in diligentissimi quidem *Fabricii Bibliotheca mediæ ævi* fiat, & in *Leyseri Historia Poetarum mediæ ævi* ne unius quidem horum, accessione hac Noster locupletare studuit Historiam literariam. Observatur hic pag. 264, *versus leoninos* nomen accepisse a *Leone* quodam, hujus Seculi Poeta insigni,

signi, eodemque duorum Regum Gothorum Confiliario. Observatur hic item, *Probam Falconiam*, illam *Cenonis Virgiliani* autorem, non fuisse uxorem *Adelphii* Proconsulis, quæ quidem inveterata est opinio, sed *Adelphii* Rhetoris, de quo sola superest mentio *Sidoniana*. Sequitur pag. 271 seq. *Exauguratio Gymnasii Gottingensis, majori scholæ cedere jussu*, constans Programmæ & Oratione. Agmen claudit *Oratio, primo Academia Gottingenses Collegio* (quod vocant) *Theologico* a Cel. Autore nostro *præmissa*: in qua tractatio doctrinæ religiosæ systematica defenditur, ac simul magnis laudibus afficitur B. *Buddei Theologia dogmatica*.

BIBLIOTHECA VOLANTE, &c.

h. e.

BIBLIOTHECA VOLITANS JOANNIS CINELLI CALVOLI, continuata per D. DIONYSIUM ANDREAM SANCASSANUM. Editio altera, in meliorem formam redacta, ac variis accessionibus observationibusque locupletata. Tomus secundus, dedicatus Reverendissimo Patri ALEXANDRO ROSSI OLIVETANO, Abbati Cœnobii di

Rovigo.

Venetiis, typis Joannis Baptistæ Albrizzi, 1735, 4.

Alph. 1.

Præfatio partes Tomi ac potiora momenta denuntiat. Vindicæ D. Joannis Cinelli Calvoli, quas ipse emisit in controversia medica contra *Bernbardum Ramazzinium* ac alium quendam, sequuntur deinde, quibus plus caloris ac imaginationis inflammata, quam judicii sobrii, inesse intelligitur. Hasce excipiunt literæ & *Vallisnerii* & *Calvoli* ad *Sancassanum*. In Bibliotheca ipsa recensentur Autores librorum ac opusculorum ad legem Alphabeti, & quidem secundum literas C, D, E, & F. Accessiones in calce Tomi adjiciuntur pag. 355-360. Decerpemus passim nonnulla, quæ videntur jucunda. In monasterio primo S. Matæ novæ Florentino veteres sunt pictu-

re de Creatione mundi, quarum una sacrificium *Abelis & Caini* Pag. 2 &
exhibet cum hoc vulgari versu retrogrado *Politiani*: 165.

Sacrum pingue dabo, non macrum sacrificabo.

Abeli hæc mens ab initio orsa tribuitur. *Caino* tribuuntur ver-
ba retrorsum lecta. Singularia nonnulla de hoc versu attulit
Frid. Otto Menckenius, Collega noster, in *Vita Angelii Politiani*,
A. 1736, 4, edita. *Constantini Cajetani*, Abbatis Cassinensis, scri-
pta curate & copiose hic recensentur ex Abbatis D. *Mariani*
Armellini Bibliotheca Cassinensi. In eis obvia est brevis de- 4 seq.
scriptio eorum, qua in Anglia gesta sunt adversus Catholicos
a ruptis cum Hispano conjugii fœderibus, & cum Gallo iniri
ceptis, per M. Antonium de D. C. cum in urbem redisset, sua 6.
sanctitati fideliter representata. Reliquit Abbas *Cajetanus*
multa MSta sacra, eaque in Tomos *Miscellaneorum sacrorum*
nonnullos distribuit. Notamus, in Tomo secundo contineri
vitam D. *Bennonis*, *Episcopi Misnensis*, autore *Hieronymo Em-*
sero scriptam. Addit *Sancaassanus*: *Litera nuncupatoria data* 10.
est A. 1512 ad Sergium, Saxonie Ducem - - Notat præterea,
deesse annum impressionis. Sed Dux ille vocandus erat *Geor-*
gius. Liber vero ipse formis publicis Lipsiæ fuit expressus.
In fine enim ejus hæc leguntur: *Melchior Lotterus, Lipsensis*
Calcographus, imprimebat anno salutifere incarnationis domini
millesimo quingentesimo duodecimo. In Bibliotheca eadem ex-
istit *Constantini Cajetani Liber apologeticus de fidei sinceritate* 14.
ac vita innocentia Joachimi, Abbatis monasterii S. Joannis de
Flore in Calabria. Commendandus hic est Ven. *Joanni Lamio*,
qui nuper *Joachimum* in suspensionem Tritheismi adduxit. In
Tomo V MStorum Bibliothecæ *Cajetani* memorantur *Quinque*
prudentes Virgines Evangelicæ Benedictinæ, Elisabeth, Hildegardis,
& Gertrudis, Abbatissæ, Rosvida, Metbildis, sanctimoniales,
a D. Constantino una cum earum libris Spiritu Sancto dictante
conscriptis, scholiis illustratis & recensitis, mundo exhibitæ.
Cajetanus A. 1632, completo ætatis suæ anno 72, adhuc libros 16.
MStos descripsit. *Platinam* conscripsisse etiam Cardinalis *Jo-* 17.
annis Milcini vitam ad *Celsum Milcinum* Latine, ex Catalogo Bi-
bliothecæ *Cajetani* discimus. *Episcoporum Forojulensium*

- series emendatur pag. 48 seq. unde D. *Ferdinandi Ughelli Italia sacra Tomus II* suppleri potest. *Christophori Cellarii, Smalcaldienfis, Historia antiqua, ex genuinis documentis declarata, ab initio Imperiorum usque ad Constantini Magni aetatem, cum Notis perpetuis & Tabulis synopticis*, Cizæ, 1685, 12, edita, recusa fuit Senis in Italia A. 1697. *Hermanni Conringii* scripta laudantur, ac magnam partem nominantur, ipse autem appellatur vir medicinæ peritissimus, & Philosophia, bonis literis, ac Jure publico, suæ ætatis in Germania inter primos cultissimus. De *Henrico Catharino Davila* afferuntur memorabilia, isque perhibetur libros suos de bello Gallico civili in bello, & Zaræ quidem in Illyrico, finivisse. In *Christianum Daumium*, Scholæ Cyguæ Rectorem, elogia conferuntur exquisita. *Thomæ Dempsteri* scripta recensentur pleraque. *Bodini* Heptaplomeres concise exponitur. Plerorumque librorum titulis nihil adjungitur, quod vel libri summam, historiam, & fata, vel Autoris historiam, detegat, excepto, quod Medicus ad recensionem scriptorum medicorum subinde paucula fuerit commentatus. Memoratu digna est *Clementis XII Oratio Consistorialis, Litera Apostolica, & Breve, quibus bona ecclesiastica in ditione Saxonica iis, qui ad catholicam ecclesiam redierint, remissa declarantur. Romæ, 1732, ex typographia Reverendæ Cameræ Apostolicæ, fol.* Unde patescit, Constitutiones, quæ ab Imperatore, Regibus, & Principibus, sanciantur, Romæ pro irritis haberi, nisi approbatio Pontificum accedat. Quid enim de bonis ecclesiasticis in pace Passaviensi, ac regia Augustana, nec non Westphalica, fuerit decretum, nemini est obcurum.

PARERGA, SIVE ACCESSIONES AD OMNIS
generis eruditionem.

Tomus I Libri IV.

Gottingæ, apud Abr. Vandenhœck, 1736, 1737, 1738, 8.
Alph. 2 plag. 8.

Est

Est hæc Sylloge Dissertationum de selectis varii generis argumentis, compositarum a novæ Academiæ, quam Gotingæ condidit Rex magnæ Britanniæ tanquam Princeps Elector Germaniæ, Professoribus: quibus tamen aliquot exterorum Dissertationes adjunctæ sunt rari solideque tractati argumenti. Præfationem præmissam huic Operi esse novimus a Cel. *Heumanno*, in qua consilium hujus instituti exponitur, certæque iis, qui *συγγραφοί* esse voluerint, præscribuntur regulæ. Non licet nobis per brevitatem nostram, singulas has Dissertationes recensere plenius. Sufficiet igitur, nominatim laudare singulas, ad quas perlustrandas facile invitabit ipsa instituti novitas.

Liber primus exhibet Joach. Oporini *Gloriam obscurioris de Messia testimonii Prophetici*; G. S. Treueri *Observationem de significato honorum, qui in feudorum concessione commemorantur*; Magni Crusii *Observationes in Judicium Revisorum de libro Gallico: Histoire du peuple de Dieu*; a Jo. Matth. Gesnero editas *duas Epistolas Lipsii, & duas Jos. Scaligeri*; G. Mascovii *Præteritum institutum ad l. 3 C. de inoff. test.*; S. C. Hollmanni *de vermiculis seu animalculis seminalibus Observationem*; C. A. Heumannii *Dissertationem apologeticam pro Davide omnis turpitudinis notis insignito a Bælio*; J. D. Kœleri *Dissertationem, an Romani ad unumquemque nummum formandum novo typo usi sint*; J. C. Kœcheri *Dissertationem de vera Academia notione*; C. A. Heumannii *Observationem, qua numero Jurconsultorum eximitur Minutius Felix*; Ejusdem *Dissertationem de hostili Judæorum excussione pulveris, ad Actor. XIII, 51.*

In *secundo Libro* prodit D. G. Strubenii *Observatio de Officio lironico*; G. S. Treueri *Monstrum arbitrarii Juris territorialis, a legibus Imperii & Germania profligatum*; G. C. Gebaueri *Observatio de Plinii loco Hist. nat. Lib. III Cap. 16*; H. C. Senckenbergii *Diff. de occasu inferioris Alsatiæ Landgraviorum sive Comitum de Werde*; Ejusdem *de communibus decretis (gemeinen Bescheiden) summorum Imperii dicasteriorum*; J. C. Harenbergii *de Metim & Rephaim, Jes. XXVI, 14, 19*; F. H. Witzen-

Witzendorffii *de etymo & primordiis Luneburgi*; Christ. Sandii & Huetii *Epistola aliquot amabae*, ineditae; *Nodi Quintilianei*, propositi a J. M. Gesnero; *S. Bonifacii Epistola visionalis*, emendata & atro carbone notata a C. H. Heumanno: cujus & sequitur *Interpretatio initti Canonis Sexti Concilii Niceni*.

Tertius Liber continet tres veteres *Epistolas* de Joanne Hiltenio, nunc primum editas a C. A. Heumanno; J. A. Segneri *Dissertationem de tubis capillaribus vitreis*; C. A. Heumanni *Illustrationem novam historiae sacrae de Melchisedeco*; *Gottingsia* quadam circa initia *Seculi XVI*, eruta a J. M. Gesnero; C. D. *Dissertationem*, qua tollitur error historicus e *Vita Alberti Ursi*; G. S. Treveri *Padiam Juris feudalis universalis*; E. F. Parergon *Botdingicum*, vom Botdings-Steine zu Stade; H. C. Senckenbergii *Conjecturas de Gunthero*, scriptore *Ligurini*, quod scilicet sit scriptor supposititius; D. G. Strubenii *Observationem de vestitu vasallorum*; *Varias lectiones Codicis MSi Gotbani Lactantii*, cum animadversionibus J. M. Heusingeri & C. A. Heumanni; J. M. Glæseneri *Disquisitionem de testimoniis Judeorum pro veritate religionis Christianae caute allegandis*; C. A. Heumanni *Refutationem fabulae*, qua *Dionysius, Siciliae Rex*, in exilio suo factus esse traditur magister puerorum.

In quarto denique *Libro* subijcitur oculis eruditorum G. H. *Memoria Henrici Minnike, Hildeshemii A. 1225 haereseos condemnati*, & ignis supplicio affecti; J. K. *Indiculus doctrinarum*, ob quas *Augusta Vindelicorum A. 139^t* complures cives ignis supplicium sustinuerunt; J. F. Bertrami *Interpretatio meteorismi Lucæ XII, 29*; J. P. Kohlii *Consultatio de scribenda Bibliotheca Slavonica*; J. A. Danzii *Dissertatio*, nunc primum edita, de *Tryphone, Justinii Martyris collocutore*; L. M. Kahlui *Descriptio & Explicatio annuli rarissimi & antiquissimi*, in *Anglia asservati*; Ejusdem *Observatio* *περί τῆς ἐσμυνομένης* *Marci XV, 23*; Ejusdem *Dissertatio de editione rarissima Indicis librorum prohibitorum & expurgatorum*; C. A. Heumanni *Observatio de Bibliotheca Pauli Apostoli, 2 Tim. IV, 13*; A. C. Wernerii *Observatio philologica de nomine Abrech, Josepho*
bono-

honoris ergo impositio, Gen. XLI, 43; *Epistola de nova arte typographica*, A. 1734 scripta a J. B. de Lana ad Professores novæ Gottingensis Academiae, nunc edita a C. A. Heumanno.

Ingenue fatemur, & argumenta harum Dissertationum sua se partim raritate, partim novitate, commendare, & elaborationes earum non esse perfunctorias, sed demorfos sapere unguis. Quare vehementer optamus, ut *Tomo huic primo* non solum *secundus* succedat, sed aliquando etiam *centesimus*, atque sic ex novæ Academiae Georgiæ Augustæ epulatibus plurimum ad literariam rempublicam commodi redundet.

JO. HENR. A SEELEN, S. S. THEOL. LIC. ET
Gymn. Lubec. Rectoris, *Meditationum Exegeticarum,*
quibus varia utriusque Testamenti loca expendun-
tur & illustrantur, Pars tertia.

Lubecz, sumtu Jonæ Schmidii, 1737, 8.

Alph. 2 plag. 17, cum Tab. æn. 1.

Doctrinam & veritatis divinæ studium, lumina duo fulgentissima, dudum in Cel. Seelenio suspeximus. Ut magni faciamus merita ejusdem literaria & orthodoxiæ plena in posterum, nos adducit hæc quoque *Pars Meditationum Exegeticarum*, inscripta Viris summe Venerabilibus Celeberrimisque, *Erico Benzelio*, S. S. Theol. D. & Episcopo Lincopiensi, nec non *Georgio Wallino*, itidem Theol. Doctori, & Superintendenti Gothico. Ne autem doleamus, hanc *Partem* vocari ultimam, efficit promissum Autoris, in Præfatione datum, quo spes nobis facta est, fore, ut aliam posthæc inscriptionem adhibeat. Celebrat merito D. *Georgii Gatzii*, Norimbergensis, institutum Noster, quo *varias Observationes celeberrimorum Medicorum*, quibus multa *Veteris ac Novi Testamenti loca doctè illustrantur*, edere in animum induxit. Pleraque in *tertia* hac *Parte* comparent auctiora. Recentes plane sunt *Observationes II, III, IV, V, XXI, XXXII, XXXIII, XXXIV*. Nostrium est, e singulis aliquid in usus decerpere communes. *Observatione prima* disseritur de *Codice rarissimo Psalterii, in Saxonia inferioris linguam translato, & glossis aucti*. Ipsa vero vocatur

- tur *Commentatio prior*. Psalterium jam enarravit Autor MStum Latino-Germanicum, quod Maxime Rever. *Neumeisterus* possidet. Recensionem ejus scholiis exegeticis instruxit Noster in *Parte II* harum *Meditationum pag. 517 seq.* Nunc aliud illustrat Psalterium, rarissimum, Luneburgo in Angliam ad Bibliothecam
- Pag. 5. Illustris *Sloani* instructissimam deportatum. Constat illud versione Saxonica antiqua, membranæ impressa, figuris & literis deauratis brevi post artem typographicam inventam decorata, 257 foliis, quibus in fronte desunt alia 23. Typotheta vel librarius fuit Saxo superior, eo quod ex sua dialecto admiscuit voces pauculas. Lubecæ videtur id debere sua incunabula. Annus editionis, & Autor versionis, ignorantur. Autor Papismo satis crasso fuit imbutus, affectavit studio nimio sensum mysticum,
7. nonnunquam tamen veritatis exhibet testimonia, e *Lyra* fortassis hausta. In inscriptionibus Psalmorum sæpius historiz *Davidica* habet rationem, ac præterea indicat, ubi in iisdem agatur de Christo. Glossæ permultis locis infartæ. In fine adjecta sunt nonnulla additamenta. Vocem *Sela* interpretæ Saxonicus, quippe quam non intellexit, omisit plane. Per solem ad *Psf. XIX, 5, 6, 7*, intellexit corpus *Mariæ*, ansam præbente vulgata. Per *tentorium* quid ibi declaret Hieropsaltes, interpretes non satis conveniunt. Interpretæ vetus Saxo in *Psf. XXV, 11*, justificationem hominis ex solius meriti Christi imputatione repetivit. Ad *Psf. LIII, 2*, opinatus fuit, atheum intelligi practicum, cum tamen theoretici, quales ad tempus omnino dantur, excludendi haud sint. *Observatione II* exhibetur *Oratio secularis de integro Opere Biblico Lutherano, lingua Saxonie inferioris Lubecæ primum excuso, & A. 1534 d. 1 April. finito, ac felicitate ad Saxones, laude ad Lubecam, inde redundante.* Agitur in ea de festorum causis, discrimine, & multitudine: de scriptoribus, festa illustrantibus: de festo, in memoriam versionis Lutheranz a *Jo. Bugenhagen* quotannis celebrato: de utilitate, quam *Mart. Lutherus* cœtui sacro versione Bibliorum Germanica attulit: de providentia divina, quæ in hoc negotio sese exseruit: de Bibliis in Saxonie inferioris linguam translatis: de *Bugenhagii* & aliorum huic rei navata opera: de civibus

vibus Lubecensibus, qui opus Biblicum sumtibus suis excudendum curarunt, & præsertim de *Ludov. Dietzio*, claris typographis annumerato: de Saxonum inferiorum felicitate, e facultate legendi S. Scripturam ostensa; de *Nicolao le Maire*, qui notatur: de Psalterio, Lubecæ A. 1493, 4, edito: de Bibliis, ibidem A. 1494 in folii forma evulgatis, in quæ jam commentatus fuerat Autor in *Select. Liter. pag. 211 seq. 657 seq.* *Observatio III* complectitur *Commentationem posteriorem de Codice rarissimo Psalterii, in Saxonie inferioris linguam translati, & glossis aucti.* Vocabulum *Hor* in eo occurrit, hoc est, lutum, *Ps. XL, 3, & LXIX, 3.* *Haquinus Spegelius* in Glossario Sueo-Gothico *pag. 187* notavit, in lingua Gothica *stercus & lutum* vocari *boro*, ac in Anglo-Saxonica *sordidos* appellari *bor-rig*. Addimus cum Cl. *Frischio*, mensem *Hornung* inde dici, quasi lutulentum. De vocula *Hort*, qua Lutherus *rupem* expressit *Ps. XIX, 15*, disserit Autor, ita, ut eam denotare existimet thesaurum & locum custodiendi thesauri. Addimus, ad Visurgin & Leinam exstare eam vocem, & simplicem, & in compositione. Vocant ruslici crates, quibus noctu conclusæ asservantur oves in agris, *Hort*, *ene Schaper-Hort*, ac quadratum e viminibus contextum pro caseis ficcandis receptaculum *eine Kase-Hort*. Unde patet, designari ea voce receptaculum, quo aliquid securitatis causa asservatur & custoditur. Gothis veteribus *birda* est *custodire*. Quare *birte* est *custos*. Lucke vero est fors. Unde olla sortilegorum vocatur *Lückepot*. Calix notat *demensum calamitatis Ps. CXVI, 13, Marc. X, 38, Matth. XX, 22*, ex sententia quorundam. In primo loco accedendum omnino est *Theodoro Daffovio*, qui poculum paschale quartum, gratiarum actioni adjectum, pro symbolo benedictionis habet, dummodo demonstratum fuerit, illud ætate *Davidis* moribus fuisse receptum. Habent versiones nostræ veteres usum non contemnendum in explicandis vocum radicibus, ac in comparatione caliginis temporum superiorum cum luce, qua fruitur ætas nostra. *Observatio IV* illustrat *Psalterii Codicem MStum, quem asservat Bibliotheca Lubecensis*, insertis passim annotationibus exegeticis. Scriptor ignoratur. Exegesis ejus nimia

Pag. 68 seq.

76.

78.

87.

89.

92 seq.

- sensus mystici affectatione laborat. Tralucet tamen sapius
 Pag. 96. veritas. Errores vulgatæ versionis fideliter retenti. Monachus Cœnobii S. *Anne* Lubecensis videtur in eo elaborando desudasse. Vox *ee* pro *œdere* passim in illo occurrit. Recte refellitur ingeniosus *Theodori Hasai* lusus, qui incisum primum primi Psalmi de Christo per vocum dilacerationem, ac punctorum vocalium immutationem minus justam, violenter exposuit. Interpres Berleburgensis merito castigatur, qui generationem Christi a Patre æternam, *Psalmo II* significatam, extendit ad generationem Fanaticorum, qua Deus in animis in nihilum redactis Christum generasse & generare perhibetur.
113. Vox *buchel*, vel *buckel*, quod addimus, non scuti tantummodo mediam partem seu umbonem denotat, sed proprie indicat rotundum ad mediam partem, acclivem & exporrectum, locum, qualis est umbo. Nostri librum umbilicis seu umbonibus ornatum *en bok mit puckeln beslagen* vocant. In phaleris equorum pariter occurrunt umbilici e metallis facti, vulgo *puckeln*. Gibbum nostri vocant *puckel*, & gibbosum *puckeligt*. Solida est emendatio versionis *Lutheri*, qua Autor dictum illud *Pf. XXXVII, 25*, ita legit: *Ich bin jung gewesen und alt worden - oder seinen Samen, nach Brod gebend*. Justus enim, ejusque progenies, eidem virtuti operans, non deseritur a Deo, licet hæc, licet ille, panem etiam ostiatum ad tempus conquireret. In Ebraico enim legitur *מבקש* participium, non infinitivus. In *Mosis* Pentateucho de Christo oracula exflare, constat ex *Pf. XL, 7, 8, 9*. Urinam hoc Interpres Wertheimensis notasset! Per montem *Pf. LXVIII, 17*, Noster intellexit ecclesiam, per *Benjaminem parvum* v. 28 *Paulum* Apostolum. Apostolorum ultimus & minimus *1 Cor. XV, 9*, nomine denominatus *Pauli*, id est *צעיר*, *parvi*. Quod vero per *דבר*, *dominantem ipsis*, designetur præceptor cum imperio, *Paulus* cum virga, id nonnullis fortassis videbitur longius repetitum. Per montes *rapina* *הררי שדה* *Pf. LXXVI, 5*, intelligit montes, in quos olim prædones secedebant, in viis spolia exercentes, ac in occulta petrarum congerentes. Egregius ex historia exemplis hanc cogitationem illuminat. Miraculum
- 105 seq. mum primi Psalmi de Christo per vocum dilacerationem, ac punctorum vocalium immutationem minus justam, violenter exposuit. Interpres Berleburgensis merito castigatur, qui generationem Christi a Patre æternam, *Psalmo II* significatam, extendit ad generationem Fanaticorum, qua Deus in animis in nihilum redactis Christum generasse & generare perhibetur.
123. Vox *buchel*, vel *buckel*, quod addimus, non scuti tantummodo mediam partem seu umbonem denotat, sed proprie indicat rotundum ad mediam partem, acclivem & exporrectum, locum, qualis est umbo. Nostri librum umbilicis seu umbonibus ornatum *en bok mit puckeln beslagen* vocant. In phaleris equorum pariter occurrunt umbilici e metallis facti, vulgo *puckeln*. Gibbum nostri vocant *puckel*, & gibbosum *puckeligt*. Solida est emendatio versionis *Lutheri*, qua Autor dictum illud *Pf. XXXVII, 25*, ita legit: *Ich bin jung gewesen und alt worden - oder seinen Samen, nach Brod gebend*. Justus enim, ejusque progenies, eidem virtuti operans, non deseritur a Deo, licet hæc, licet ille, panem etiam ostiatum ad tempus conquireret. In Ebraico enim legitur *מבקש* participium, non infinitivus. In *Mosis* Pentateucho de Christo oracula exflare, constat ex *Pf. XL, 7, 8, 9*. Urinam hoc Interpres Wertheimensis notasset! Per montem *Pf. LXVIII, 17*, Noster intellexit ecclesiam, per *Benjaminem parvum* v. 28 *Paulum* Apostolum. Apostolorum ultimus & minimus *1 Cor. XV, 9*, nomine denominatus *Pauli*, id est *צעיר*, *parvi*. Quod vero per *דבר*, *dominantem ipsis*, designetur præceptor cum imperio, *Paulus* cum virga, id nonnullis fortassis videbitur longius repetitum. Per montes *rapina* *הררי שדה* *Pf. LXXVI, 5*, intelligit montes, in quos olim prædones secedebant, in viis spolia exercentes, ac in occulta petrarum congerentes. Egregius ex historia exemplis hanc cogitationem illuminat. Miraculum
140. petitum. Per montes *rapina* *הררי שדה* *Pf. LXXVI, 5*, intelligit montes, in quos olim prædones secedebant, in viis spolia exercentes, ac in occulta petrarum congerentes. Egregius ex historia exemplis hanc cogitationem illuminat. Miraculum

culum columnæ nubis ac ignis, *Pf. LXXVIII, 14*, decantatum; Pag. 148.
 debite vindicatur adversus Cl. *Hardtium*, præeunte *Christiano*
Miindenio, *Francofurtensium* Ephoro merentissimo. *Petrum*
 exstitisse Romæ, Noster cum *Friderico Spanhemio* inficiari vi-
 detur. Controversiam de anima, a *Davide* manibus gestata, 150.
 ad *Pf. CXIX, 109*, recenset, flammis involutam A. 1723 in Sa-
 xonia inferiori. Obiter observamus, dissidentium sententias 155 seq.
 posse inter sese conciliari. Qui enim, de *solicita animæ cura*
Davidem fuisse locutum, existimant, animam periculo exposi-
 tam fuisse largiantur, necessum est. Unde enim est animæ sollici-
 tudo, nisi a periculo? Ubi vacamus periculo, ibi cessat sollicitudo.
 Idæ illæ sunt relativæ, ac una earum complectitur alteram.
 Alteram de periculo manifesto expositionem exemplis solide 179 seq.
 adductis congestisque comprobat Autor. *Observatione V* dis- 186 seq.
 serit de *Psalterio MSto Capelliano*, ob singularem elegantiam
commemorabili. Dicitur illud ita a *D. Rudolpho Capello*, Pro-
 fessore quondam *Hamburgensi*, qui illud olim possedit. *Obser-* 196 seq.
vatione VI de *Timotheo confessore*, ad *1 Tim. VI, 12*, exponi-
 tur. Sapit illa ungues demorsos, lucernamque olet. In fine
 nonnulla adjiciuntur de confessione *Salisburgensium* Protestan-
 tium, qui arva patria nonnullis ante annis ob religionem de-
 ferere coacti sunt, & læti reliquerunt. *Timotheum* fuisse ba- 211.
 ptizatum, ipse ex eo comprobat, quod aperte vocatur *μαθη-*
της, *Act. XVI, 1*. Succedit de *Christo Confessore*, ad *1 Tim. VI,*
13, 14, *Observatio VII*, lectione omnium admodum digna. 231 seq.
Observatione VIII de *Magistratibus ministris Dei*, ad *Rom.* 264 seq.
XIII, 6, Ecloga exhibetur. De Liturgis, Liturgia, ac Liturgiis
 supposititiis, ac Fanaticis, magistratui politico perperam infe-
 stis, egregie in ea disserit Autor. *Observatione IX* agitur de 281 seq.
Electa domina, cujus fit mentio *2 Jo. v. 1*. *Joannem* Com-
 mentator Apostolum credit dici presbyterum, eique secundam
 hanc Epistolam asserere contendit, accipiens electam dominam
 eum *Lutbero* appellative. Ecclesia nequit denotari per eam,
 quia Apostolus, teste inciso *12*, scripsit ad matronam, quacum
 sese coram collocuturum sperat, & cui sororem, nec non so-
 roris liberos, tribuit. *Observatio X* agit de *vincente*, a *Deo be-*
rede & filio nominato, ad *Apoc. XXI, 7*. Beatitudinem regeni- 297 seq.

- torum in hac vita non nisi spei esse, conjunctæ cum lachrymis & pugna, ostenditur; beatitudinem & rei & victoriæ ad vitam sempiternam pertinere, pulchre monetur. Vocem עֲרִיךָ *Luthe-
rus* vertit *deine güldene Rose*, id est, decor tuus, quasi legisset
 Pag. 335 seq. עֲרִיךָ ex עֲרִי, vel עֲרִי. Sed salva res est. Sequitur enim ter-
 tia persona generis fœminini וְהָיָה, *veniet*. Adjuvat accentua-
 tio. Quid impedit, quo minus vox ipsa exstiterit עֲרִי, ac in-
 telligatur *complexus omnium ornamentorum, quodvis decus*,
 quale quid in rosa consecrata, quam Romani pro præstantissi-
 ma habent & aurea, recentior ætas consistere credidit. Ad tur-
 rim Ader seu gregis decus quodvis redundavit, dum pastores,
 ad eam excubantes, ovibus custodiendis intenti, gloriam Do-
 mini & Angelorum doxologiam in eo tractu animadverterunt,
 ea, ut Bethlehemum irent, incitati. Turris Ader vocatur *cli-
vus Zionis*, eo quod per colles & montes inde ad Zionem, ec-
 clesiæ Christi typum, iter patuit adscendenti. Ex forma עֲרִי vel
 עִיר fluere potuit עָרִים, uti ex עִיר est עָרִים. Forma כָּלָה
 & כָּוֵל, סָפָה & סוֹק non differunt significatibus. Digredi-
 tur Autor ad rosarum virtutes, ac *Observatione XII de filio sa-
 365 seq. piente patris gaudio*, ad Prov. X, 1, exponit. *Observatio XIII*
 387 seq. *inscripta est de proba conjuge cum navibus mercatoris*, Prov.
 XXXI, 14, *eleganter comparata*. *Observatione XIV* disseritur
 426 seq. *de Joanne lumine ardente & splendente*, ad Jo. V, 35. *Obser-
 vatio XV de Thesauro Jacobi*, ad Jer. X, 16, LI, 19, agit. *Obser-
 vatione XVI* exponitur *de Deo solis & clypei nominibus insigni-
 to*, ad Ps. LXXXIV, 12. *Observatione XVII* disseritur *de firma*
 506 seq. *Davidis in Jehovam fiducia*, Ps. XXVII, 1. *Observatione XVIII*
 tractatur *de Ornatu Ecclesiæ spirituali cum sponsi & sacerdotis*
quidem, ac sponse, ornatu, Es. LXI, 10, *comparato*. *Obser-
 vatione XIX* exhibetur *Judas, Apostolus junior, Anti-Fanaticus*.
 Habes hic magnam Theologiæ anti-fanaticæ partem. *Obser-
 573. vatione XX* delineatur *pastorale divinum* ex Jer. III, 15. *Ob-
 servatione XXI* exponitur illud *Cobcl. VII, 29, de homine uno*
e millibus invento, hoc est, Messia. *Observatione XXII* re-
 præsentatur *divinus Judex sanctioris reipublicæ salvator*, ad
 Es. XXXIII, 22. *Observatione XXIII* exponitur *de Patria a*
fidelibus Vet. Testamenti quaesita, ad Ebr. XI, 14. *Observatio*
 XXIV

XXIV inscripta est de Ornatu sanctarum seminarum, ad 1 Petr. III, 5. Observatio XXV laudibus Joannis Alberti Fabricii est sacrata, inscripta de fama egregia praestantia, ad Prov. XXII, 1. Observatione XXVI agitur de Jehova, Jacobi, in patriam re-
 vertentis, Deo viali, ad Gen. XXXI, 3. Observatio postrema, nempe XXXII, offert philologema de integritate vocis Ἀπὲ-
 ρου Marc. XIV, 41. Subjecta sunt Operi analecta nonnulla ad Partem I, II, & III, atque Index satis accuratus. Gaudemus, Exegetam solidum, ac novitatis pruritu haud infectum, spem nostram non solum implere, sed etiam superare.

FRIDERICI HOFFMANNI, CONSILIARII ET
 Archiatri Regii, Com. Pal. Prof. Med. Primar. Scient.
 Imper. Carol. Russ. & Boruss. Sodalis, Medicus Politicus,
 sive Regulae prudentiae, secundum quas Medicus juve-
 nis studia sua & vitae rationem dirigere debet, si sum-
 mam sibi felicemque praxin & cito acquirere &
 conservare cupit.

Lugduni Batavorum, apud Philippum Bonk, 1738, 8.

Plag. 18.

Incidit librarius Phil. Bonk in Praelectiones has Illustris Hoff-
 manni, quondam privatissime habitas, atque ita manu exaratas,
 prout ex ore summi Viri a quodam Auditorum celeriter tum
 calamo fuerant exceptae. Quas, quoniam ipsi variis ex causis pla-
 cuerunt, inscio & inconsulto primo earum Autore prelo tradidit,
 ut in plurimum manus elegantissimae praeceptiones venirent. Di-
 viditur Opusculum in Partes tres, quarum prima prudentiam
 circa personam ipsius Medici exponit, atque Cap. 1 de religione
 & studiis Medici, 2 de adminiculis in studio medico, 3 de
 virtutibus peculiaribus, ad famam conservandam summe neces-
 sariis, 4 de peregrinatione Medici, & 5 de promotione ejus-
 dem, agit. Pars II officium Medici circa personas externas,
 idque Cap. 1 circa Pharmacopœum, 2 circa Chirurgum, ejusque
 operationes, 3 circa obstetricem, ejusque munus, 4 circa testi-
 monium

monium exhibendum, complectitur. *Pars* denique *III* prudentiam Medici circa ægrotos explicat, atque inprimis *Cap. 1* de officio Medici circa visitationes ægrotorum, 2 de eo, quod Medico observandum est in ægro sub morbi statu per varia experimenta, quo loco iudicium ex inspectione urinæ, ex oculis, ex saliva, & lymphâ, ex temperamentis, ex consuetudine ægrotantium, occurrere videas, 3 de Medici prudentia respectu sui erga ægros, 4 de officio Medici circa specialiora objecta, specialissime circa Principes & magnates ægrotantes, 6 circa pauperes, 7 circa infantes, eorumque morbos, 8 circa variæ ætatis homines, 9 in morbis acutis & chronicis, 10 circa solum, cautiones inculcat. Ea vero ubique est methodus, ut in singulis *Capitibus* breves regulæ, sive aphorismi, proponantur, & deinceps copiosius deducantur, explanentur, atque illustrentur. Quas etsi pulchras, Medicoque pragmatico pernecessarias, esse non diffitemur, facile tamen eadem plurium accessiones, atque longe ampliorem expositionem, paterentur. Testatur verò tum argumenti tractatio & ordo, tum rerum nexus, imò & dictio, Opusculum hoc non ipsius Illustris *Hoffmanni* curis prodidisse, sed, prout ex recitationibus, quas tunc maximam partem ex tempore habuerat, exceptum conflatumque fuit, in publicam lucem evasisse. Ut ea diversitas luculentius pateat, exempli causa regula 6 *Capitis 1*, quæ Medicum esse eruditum cupit, & propterea de scientiis eidem necessariis, atque libris, qui eo potissimum pertinent, tractat, contendatur cum *Prefatione Hoffmanniana*, *Conringii* Introductioni in artem Medicam præmissa, quæ idem argumentum, sed longe alia & multum excellentiori, ratione enucleat. Ceterum, ut facile intelligitur, si quem alium, Celeberrimum certe *Hoffmannum* esse, qui ex longo rerum usu, atque amplissima artis exercitatione, de illo prudentiæ genere commentari pro dignitate queat, ita lætum hic nuntium ex ipsius literis afferimus, se laborem hunc suscepturum, & longe diligentius perfecturum esse, quam primum, Medicina systematica ad umbilicum perducta, licuerit. Quod ut proxime eveniat, integram corporis valetudinem, otiumque & senectutem tranquillam, ipsi ex animo comprecamur.

NOVA ACTA ERUDITORUM,

publicata Lipsiæ

Calendis Septembris Anno MDCCXXXIX.

Pars I.

RERUM ITALICARUM SCRIPTORES AB
Anno *Æræ Christianæ* M ad MD. LUDOVICUS
ANTONIUS MURATORIUS, *Sereniss. Ducis Mu-*
tinæ Bibliothecæ Præfectus, collegit, ordinavit,
& *Præfationibus* auxit.

Tomus XXIV.

Mediolani, ex typographia Societatis Palatinæ, 1738, fol.

Alph. 7 plag. 7.

Eat igitur jam *Muratoriana* Musa, &, post confectum difficile & complurium annorum iter, post exornatas mirifice, & nova quasi quadam luce illustratas, res *Italiæ*, regionis *florentissimæ*, & antiquam adhuc dignitatem sustinentis, post ditatam incomparabili thesauro literariam rempublicam, debitas suis meritis laureolas ferat, publicosque bonorum omnium applausus & congratulationes colligat. Jam enim, quæ cœpta olim auspiciato fuerant, postea Augustissimæ Imperatoris *Caroli VI* commemoranda seriis posteris munificentia, Societatis Palatinæ sumptibus & curis nobilissimis, *Philippi Argelati*, Viri optimi & eleganter docti, studio præclaro, denique ipsius *Muratorii* fatigata nunquam & prorsus ferrea industria, felicissimos successus habuerunt, ad bonum atque lætum tandem, quem votis omnes expetierant, sperarant pauci, bene multi desperaverant,

Ppp

non

non videmus tantum, sed effusissime etiam gaudentes, exitum perducta. Nimirum *Scriptorum Italia*, quos sordidissimis eductos latebris, & tanquam ab inferis revocatos, honestissimo hospitio non Italia tantum, sed omnis etiam, qua patet, orbis cultior, accepit. *Volume* omnium *postremum* prodit, tanto maiorem sine dubio apud lectores quosque gratiam habiturum, quanto magis ex omnium id voto accidit, ut Bibliothecas nostras ornare in posterum Opus plenum, & omni ex parte absolutum, possit. Nos igitur, quos iustos omni tempore suorum meritorum æstimatores habuit Vir summus, *Muratorius*, jam, cum universam hanc Scriptorum Italie coloniam & tanquam reipublicam ante oculos habemus, &, ab uno homine præstari tantum potuisse, quantum nec integræ Societates præstiterunt unquam, intelligimus, spectatam hanc virtutem, in uno Italorum cive eminentem, laudibus præconiisque omnibus maiorem decernimus, & pulcherrimum illud, quod ipse vivus vidensque sibi posuit, ipsi æternitati mōnumentum consecramus. Quandoquidem vero ita in satis fuit, ut spes ipse & incolumis longissimum illum ac pæne immensum cursum conficeret, jamque ei ad tentandū, si non amplitudinis ejusdem, ejusdem tamen pretii & dignitatis, Opus adhuc vigoris satis atque roboris superfit; porro tuendum servandumque Superis nobile hoc dignumque immortalī vita caput commendamus, & ita semper bene esse artibus præclaris rectioribusque studiis precamur, sicut salvo hoc Viro efflorescere, & ad maturitatem suam contendere, bonas literas videmus. Interēa, dum partus æque nobiles & gloriosos ex officina *Muratoriana* expectamus, jucunda lectio nos teneat præsentis Operis, in quo perficiendo, & in dies magis eliminando, adeo defatigari se non passus est Vir magnus, ut lautiores quodammodo in ultimo *Volume*, quam in prioribus illis, nobis epulas instruxerit. Quam enim Parti huic adjecit, ad supplendum Opus universum pertinet *Appendix* amplissima, nec, quod suspicari quis possit, levia tantum, aut ubivis obvia, sed selecta quæque, continet, non aliam ob causam, quam quod tardius in manus Editoris venerint, ad ipsam universi Operis calcem collocata. Sequemur igitur

igitur exemplum *Muratorii*, nec minorem in recensendo ultimo *Volumine*, quam in prioribus, quæcunque nos præcones olim habuerunt, diligentiam adhibebimus. In hujus fronte fulget splendidissimum gemmarum par, *Franciscus Stephanus & Maria Theresia*, magni Duces Etruriæ, quorum immortale nomen, tanquam tutelare quoddam sidus, suis rebus in posterum præsidio futurum, supplices venerantur Palatini Socii. Scriptorum, quos liberalis manus *Muratorii* ex tenebris in lucem jam protraxit, primus est *Marinus Sanutus*, *Leonardi* filius, cujus hic legitur *de Bello Gallico, sive de rebus in Italia gestis a Carolo VIII & Ludovico XII, Gallia Regibus, ab A. 1494 ad A. 1500*, Italico sermone scriptus Commentarius. In Codice Estensi, unde huc migravit Opus, non adscriptum est *Sanuti* nomen; ideo tamen huic tribuendum putat Editor, quod *Vitis* ejus *Venetorum Ducum* in Codice eodem, tanquam pars hujus Historiæ, subjunctum exstet, nec de eo sit dubitandum, fuisse omnino de Bello Gallico aliquid literis proditum a *Sanuto*, quod quale sit, si præsens non sit Commentarius, vix dicere cuiquam liceat. Ut vero præ multis aliis, qui belli Gallici in Italia turbas descripserunt, hunc maxime Scriptorem publicandum duceret, ad id satis sibi habuisse causæ videtur, tum quod grata futura, quæ sunt nova, speret, tum quod aliis ingenii exculsi monumentis ita clarum sit *Sanuti* nomen, ut ab hoc etiam labore vulgare nihil expectari debeat. At cessit ex magno commodo Lectorum, quod, resectis fabulis & inutilibus narratiunculis, a quibus non satis sibi caverat *Sanutus*, ea saltem legenda nobis dedit *Muratorius*, quæ usum aliquem afferre rerum illo tempore gestarum curiosis possent. De Autore ipso, cive Veneto, *Aldi Manutii* æquali, jam olim in *Scriptorum Italiae Tomo XXII*, cum *Vitas Ducum Venetorum* evulgaret, amplissime commemoravit *Muratorius*, unde & nos nonnulla dedimus excerpta in *Actis A. 1734 Mens. Aug. pag. 346 seq.* Historiam hanc subsequitur *Diarium Ferrariense, ab A. 1499 usque ad A. 1502*, ab Autoribus variis, iisque synchronis, sed quorum nomina prorsus latent, sermone Italici patrio contextum. Pertinet hoc ad supplendos *Annales*

Jacobi de Delayto, jam olim *Tomo XVIII Scriptorum Italiae* publicatos, quorum narratio cum in anno 1409 subsistat, in hoc *Diario*, quaecunque ab illo tempore per integrum fere Se- culum a Principibus Aetlinis Ferrariensibusque gesta sunt, ita commemorantur, ut simul finitimorum populorum historia lucem hinc accipiat. Accesserunt his nonnulla, quae leviora & notatu vix digna videri possint, sed a quibus falcem abstinuit Editor, quod usum aliquem afferre, si non omnibus, saltem- nis, possint, qui res non publicas tantum, sed privatas etiam, ve- tustiorum temporum, moresque majorum nostrorum, cupiunt cognoscere. Stilum operis humilem & plebejum facile ferent, qui rerum majori, quam verborum, in hujus generis libris stu- dio tenentur, &, fieri vix posse, ut elegantiam sectetur Dia- riorum scriptor, probe sciunt. Jam legendum se nobis exhi- bet Opus magnum, & hoc inprimis tempore, quo barbarum Corsicarum fama universum terrarum orbem implevit, mul- tos lectores habiturum, Petri Cynzi, *Clerici Aleriensis, de Rebus Corsicis Libri quatuor, a temporibus Romanorum usque ad annum 1506*, quorum copiam Cel. Editori ex unico Biblio- thecae Regis Christianissimi Codice liberaliter olim fecit Jo. Boivinius, dignissimus ejusdem Bibliothecae praefectus, & Galliae suae ornamentum maximum. Jucundissimum fuerit, ex hoc Scriptore efferos omni tempore Corsorum mores, & ingenium seditiosum, novarumque rerum studiosum, cognoscere. Nam, si nulla unquam gens civilium dissidiorum fluctibus agitata se vi- dit, & alia ex aliis bella movit, certe Corsi moverunt. Omnem Historiam Autor *Libris quatuor* complexus est, quorum *primo* ultimas Insulae origines persequitur, & antiquissimam ejus fa- ciem, qualis ad aetatem usque Imperatorum Romanorum fuit, notatis simul *Strabonis* erroribus nonnullis, spectandam exhi- bet; *altero*, neglecta priorum a Christo nato Seculorum hi- storia, Saracenorum incursiones, & urbis Bonifacii obsidio- nem, ab *Alphonso*, Siciliae Rege, A. 1420 susceptam, & subse- cutas atrocissimi belli turbas, tam copiose & diffuse, ut nemo sine taedio hae possit legere, describit, rem eandem laboriose agens *Libro tertio*, quo, quicquid in Republica Corsorum ad annum

annum usque 1474 gestum est, ne his quidem, quæ levissimi momenti sunt, prætermisiss, memoratur. *Libro* denique *quarto* narrationis filum ad A. 1506 deducit, nec ultra illum terminum scribendo progreditur. Multa hic passum de se ipso, & fati suis tristioribus, loco non satis oportuno admiscet, parcior in his, quæ rem Corsorum publicam spectabant. Jure in hoc Opere Lector delicatior desiderabit monumentorum veterum, quæ rudior Autoris ætas negavit, delicias, nauseabit vero copiam narrationum de intestinis civium dissidiis, quibus ita redundat liber, ut præ his utiliora vix agnosceas. Sed, utut hæc se habeant, minime est dubitandum, quin in paucitate illa Scriptorum, qui de rebus Corsicis commemorarunt, Opus hoc, ipsi *Philippino*, diligenti Corsicæ historiæ scriptori, ignotum, multis sit gratissimum futurum. Gente Corsus *Cyrneus*, patriam Alifianum, ditionis Aleriensis oppidum, habuit, anno hic 1447 natus. Nomen *Cyrnei*, rejecto gentilitio *Filicis*, ipse sibi imposuit amore patriæ, quam constat olim *Cyrnen* dictam. Pater ei *Picinus Filix*, avus *Guilhelmuccius*, proavus *Joannes*, fuit. Urgente re familiari domo patria egressus, permisit se fortunæ fluctibus jactandum, donec, pervagatus diu Italiam, Venetias appelleret, qua in urbe, præceptore usus per annos duodecim *Benedicto Brugnolio*, Græcæ & Latinæ linguæ Professore, inter Sacerdotes professus est nomen suum. Postea, cum vix haberet, unde viveret, ludum literarium aperuit, & corrigendis librorum mendis egestatem sustinuit. Scripsit ibidem *Commentarios* hos rerum *Corsicarum*, nec non alterum Opus *de Bello Ferrariensi*, cui jam olim in *Tomo XXI Scriptorum Italiae* lucem videre contigit. Corsicanam Historiam comode sequuntur *de Rebus Genuensibus Commentaria* Bartholomæi Senaregæ, *Genuensis*, ab A. 1488 usque ad A. 1514, ex Codice MSto Bibliothecæ Vaticanæ, cum suis, forte accuratiores, civitas Genuensis negaret, nunc primum publicata. Auget hic *Senarega* numerum Scriptorum Genuensium, quibus in magna hac Collectione locum dedit *Muratorius*, in hac historiæ Italicæ parte, a Scriptorum plurimis illustrata, quam in ulla alia, felicior. Ortus Genuensis

fuit, cujus ideo non potuerunt mentionem non facere *Justinianus, Oldoinus, Sopranus*, & quicunque virorum in Liguribus illustriorum memoriam scriptis conservarunt, non eum nominantes tantum, sed laudantes etiam, & in doctissimis annumerantes. Inprimis, quæ ejus in Republica Genuensi munera publica fuerint, quid commodorum præstiterit civibus suis, diligenter annotavit *Federicus de Federicis* in amplissimo de *Familiis Ligusticis* Opere, nondum edito, & adhuc in Bibliotheca Patrum Capucinorum Genuæ latente, unde potiora attulit *Muratorius* in Præfatione, huic Scriptori præmissa. Anno adhuc 1514 in vivis eum fuisse, ex ipsis his *Commentariis* cognoscas; cui tempori an diu superstes fuerit, nemo nos docet. Si quid forte in Opere hoc vitiose positum, aut per incuriam omissum, animadverterit Lector, culpam hanc Codex Vaticanus, unde desumptum est, aut librarius, qui descripsit, præstabit, non *Muratorius*, justas querelas movens de invidia civium suorum, quorum nullum fuisse scribit, qui ad communicandos secum hujus Operis Codices MStos, magno numero per Italiam obvios, ullis adduci precibus potuerit. Hic finis est Scriptorum, quibus in magno hoc *Rerum Italicarum* Corpore locum destinaverat *Muratorius* doctissimus, non item *Voluminis* hujus, cui, ut prioribus omnibus ipsa mole æquale esset, adjecit Noster amplissimam *Appendicem*, Opuscula continentem aliquot historica, serius ad ipsum perlata, quæ, si alii Scriptores in promptu fuissent, justam huic *Volumini* formam daturi, in *Appendicem Antiquitatum Italicarum ævi mediæ*, in quibus jam edendis occupatur *Muratorii* industria, migrassent. Legitur hic primo loco illa Autoris ignoti de *Constantio Choro, Constantino Magno, & aliis Imperatoribus, Excerpta*, quæ jam olim, annotationibus *Hadriani Valesii* illustrata, hujus frater, *Henricus Valesius*, ad calcem *Ammiani Marcellini* posuit, jam, ad insigne Lectorum commodum, forte etiam, quod paucarum paginarum spatium implerent, hic repetenda duxit Editor. Quæ his subjuncta sunt, e tenebris nunc primum prodeunt *Historia Pisane Fragmenta*, Autore non uno, nec eodem tempore, conscripta. Conjunxit enim eodem in loco *Murato-*
rius

rius Scriptores duos, alterum Anonymum, ad vetustiora tempora referendum, qui res Pisanas ab A. 1191 ad 1294 ordine continuo descripsit, tum, interrupta paululum narrationis serie, quod ipsum occasionem præbere suspicioni potest, ad Autores uno plures pertinere hoc Fragmentum, recentioris ætatis gesta ab A. 1328 ad 1337 persecutus est, sermone usus Italico, & Pisana quidem dialecto, multum æruginis, & ob id obscuritatis, habente, quam, ut discrimen hinc Lectores, quod est inter Florentinum & Pisanum sermonem, discerent, ita, sicut in Florentino Codice vetusto Bibliothecæ *Antonii Nicolini* exstabat, retinendam hic putavit Editor; alterum *Guidonem de Corvaria*, sive *de Vallechia*, qui gesta Pisanorum ab A. 1271 ad 1290 literis Latinis prodidit. Nobilissima, unde genus duxit Autor, & olim fuit, & nunc est, *Corvariorum & Vallechiorum* domus, adhuc superstes in duobus ramis, *Galeffis & Albianis*, & ante paucos annos novis Nobilitatis insignibus a Magistratu Florentino donata. Et ipse *Guido* apud cives suos plurimum autoritate valuit, variis illorum nomine ad exterarum Respublicarum legationibus functus, supremæ etiam Judicis illustri dignitate ornatus. Postea vero, anno nempe 1286, addixit se Fratrum Minorum sacris, quibus brevi post relictis, nomen suum A. 1287 inter Regulares Sancti *Fridiani* Canonicos Lucenses professus est, anno demum 1290 Sacerdotio inauguratus. Uxorem ipse suam *Ciociam*, filios tres, *Baciomeum*, *Bonaccursum*, & *Landum*, fratrem *Orlandum*, nominat. Scriptor est hoc fide dignior, quod rebus, quas descripsit, ipse testis & spectator interfuit. Codicem MStum membranaceum, unde huc transferre hoc Fragmentum licuit, Cel. Editori ex Bibliotheca *Stroziana* pro humanitate sua lubenter suppeditavit *Franc. Maria Biscionius*, J. U. Doctor, & Bibliothecæ Medicæ, quæ urbem Florentinam nobilitat, præfectus. In eodem Codice duo alia ejusdem *Guidonis* Opuscula legebantur, alterum sic inscriptum: *Liber primus Vassalorum, fidelium hominum, commandorum, terrarum, fictuum, & totius redditus filiorum quondam Domini Ugolini de Vallechia, factus seu inceptus a me Guidone Judice quondam dicti Domini Ugolini sub Annis Domini 1265, Indictione 13, die Veneris.*

ris, 12 intrante Mense Martii; alterum hæc in fronte verba gerens: *Hæc est memoria facta a me Guidone Iudice quondam Domini Ugolini de Vallechia, Instrumentorum veterum, in quibus potest esse aliquid utilitatis, quæ inveni in domo, & quæ tunc habeo, & etiam aliorum Instrumentorum & Contractuum a me initorum pro me, & meis fratribus. Incepta Pisis in domo Hospitalis Carrariæ S. Andreae in Kinscha, Dominica Incarn. Anno 1269, die Veneris, 7 die excunte Mense Januarii.* Sed hæc, utpote privata magis, quam publica, parum, si ederet, habitura apud Lectorem gratiæ putavit Editor. Ordine ducimur ad *Fratri Bartholomæi Ferrariensis Polyhistoriam*, quæ Principum Ferrariensium res gestas, omnemque illius Reipublicæ ab A. 1287 ad A. 1367 historiam, mirifice illustrat. Partem hic habes majoris Operis, quo, quicquid ab ipsa inde mundi origine ad ætatem usque recentissimam, annum nempe 1367, quæqua terrarum parte gestum est, more illis temporibus familiari, complexus est Autor, eo quidem ordine, ut *Libris tribus* magnam earum rerum varietatem, quæ imperium *Octaviani Augusti* præcesserunt, quarto cetera omnia, descripta dederit. Quorum cum pars maxima ita comparata videretur Editori, ut parum hinc Lectori, aliunde rectius hæc cognituro, sperari utilitatis posset, bene facturum se putavit, si, relectis his, quæ ad vetustiora tempora spectabant, ea saltem publicaret, quæ aut vivente Autore contigissent, aut ætatem ejus proxime attingerent. Fecit igitur exordium narrationis in anno 1287, finem in anno 1367, ultra quem nec ipse Autor progressus est. Hic ad A. 1348 *devotissimum* se dicit *servum* Aldrovandini, Principis Estensis, quem Episcopatu primum Mutinensi, postea Ferrariensi, donatum refert; ad Annum vero 1353 inspectum a se testatur luctum acerbissimum, quo suprema Marchionis sui, *Obizzonis*, funera prosecuti sint Ferrarienses cives. Opus suum inscripsit *Nicolao II*, Marchioni Estensi, quem copiose laudat ad A. 1367. Ex quibus omnibus ætatem Autoris facile cognoscet Lector. Nomen ipse suum Operi non inscripsit; at clarissime id patet ex *Peregrini Prisciani Libro VII Annalium Principum Estensium*, ubi hæc legas: Bartholomæus, Reverendus

duc Pater ille, hereticae pravitatis Inquisitor, qui immensum quoddam Opus illud scripsit, quod Polistorium appellavit. Unde simul, quis fuerit Bartholomaeus iste, discimus. Nec ignotus fuit aliis Scriptoribus, inprimis Plodio, Gozzio, Antonio Senensi, Ambros. Taegio, Altamura, Rivalio, & Rovetta, qui inter illustriores Ordinis Praedicatorum Scriptores ei locum tribuunt. Hi ad unum omnem Ferrariae natum dicant, & vitam ejus inter annum 1343 & 1390 ponunt. Iidem scripta ejus nominant Sermones varios, Tractatum moralem de illis, qui pestilentiae tempore e civitate egredi non deberent, & alia Opuscula; de Polyhistoria, quod mireris, omnes tacent. Codex MStus, unde huc migravit Opus, Mutinae servat Marchio Bonifacius Rangonius, adolescens nobilis & praeclare doctus. Scripsit hunc Ferrariae A. 1387 d. 25 Sept. Frater Nicolaus Ferrariensis, S. Theol. Magister, & Monasterii S. Bartholomaei prope Ferrariam Abbas, qui & ipse addidit nonnulla ad annum usque 1387, memorans inprimis violentam Joanne I, Reginae Apuliae, mortem, & Francisci Carrariensis, Senioris, vitam. Sed haec, nescimus qua de causa, conjungenda cum Opere Bartholomaei Cel. Editor non putavit. Offert is jam nobis ignoti Autoris Annales urbis Aretinae, ab A. 1192, si rubro fidem habeas, ab anno vero 1200, si opus ipsum inspicias, usque ad 1343, qui, etsi perbreves, vel ideo tamen luce digni videbantur Editori, ne una Aretina civitas, satis & antiqua & nobilis, rerum suarum in magna hac Collectione Scriptorem desideraret. Servat Codicem, ex quo descripta est opella, Bibliotheca Gregorii Redii, Equitis S. Stephani, unde in manus Muratorianas venit parario Paulo Redio, Monacho Aretinae civitatis Benedictino. De Autore nihil constat, nisi vixisse eum A. 1330, quo ipso obiisse matrem suam Pucciam, ipse refert. Fuisse & huic anno superstitem, alia, quae passim commemorat, suspicari jubent. Annales hos sequitur Chronicon Neritanum, sive brevis historia Monasterii Neritini, ab anno 1090 usque ad 1368, Autore Stephano, Monacho Benedictino, Abbate Montis Alti, compositum, sed ab alio Scriptore continuatum usque ad A. 1512. Auget hoc Opus nobilem Monasteriorum histo-

riam, nec facile quidquam hic prætermissum est, quod ad noscenda Ecclesiæ Neritinæ fata ullo modo pertinere videbatur. Lucem hinc etiam ipsæ urbis res accipiunt, &, quæ de Japygia hic memorantur, haud parum faciunt ad illustrandum *Ant. Galatei de Situ Japygia* libellum. Autor Chronici, *Stephanus Neritinus*, Monachus Benedictinus, qui A. 1361 præfectus est Abbatæ Monasterii S. Mariæ Montis Alti, historiam suam ad annum usque 1368 deduxit. Addidit nonnulla Autor quidam Anonymus ad annum usque 1413, quo ipse *Joannes XXIII*, Pontifex, huic Monasterio Episcopum præfecit. Codicem, unde transcripta est opella, utendum *Muratorio* concessit *Jo. Bernardinus Tafurus*, ortu Neritinus, Vir doctrina & scriptis clarissimus, qui & ipse eruditas huic Chronico annotationes adjecit, hisque Præfationem præmisit lectu utique dignissimam. Accedit huic *Chronico* Appendicis loco Angeli Tafuri, *Neritonensis, historica Descriptio bellæ Veneti A. 1484 adversus Galipolitanos, Neritonenses, aliosque populos Hydruntinæ provincie*, brevior illa quidem, sed accurate & diligenter scripta. De Autore id unum constat, fuisse ei patrem *Stephanum Tafuri*, matrem *Catharinam Manfredi*, nepotem *Bartholomeum*, qui studiose conservavit hoc Opusculum, traduxitque ad filium, *Joannem Bernardinum*, adhuc viventem, qui cum suis id annotationibus jam in lucem, obstetricante *Muratorio*, produxit. Convertimur ad *Monachi Sublacenensis Anonymi Chronicon Sublacenſe, sive Catalogum Abbatum Monasterii Sublacenſis*, ab anno circiter 595 usque ad 1390, paucarum plagularum opus, sed unde plena satis Abbatum hujus monasterii, nulli nec antiquitate, nec Antistitum fama, secundi, & ab his gestorum, notitia hauriri potest. Sed aliud etiam, longe copiosius, hujus Monasterii Chronicon dedisset *Muratorius*, si ad exhibendum id, & in communes usus concedendum, paulo minus morosos invenisset hos, qui secum tenent. Idem scire se negat, an præsens Chronicon idem sit illud, cujus in *Museo Italico* mentionem fecit *Mabillo-nius*. Munusculum hoc debere se ait *Dominico Maria Jacobatio*, Mutinensi, Ducis Mutinæ a Consiliis & Secretis, qui Opus hoc Romæ olim satis diligenter ex antiquo Codice descripsit. Adjecit non-

nonnulla Editor, ex tabularii Sublacensis monumentis decerpta, quæ, periti erit Lectoris, conjungere cum ipso Chronico, aut saltem conferre. Subsequitur *Diarium Romanum*, ab A. 1404 usque ad 1417. Autor est *Antonius Petri*, cujus nomen an ab eo sit, quod pater ei *Petrus* fuerit, an quod ex majoribus ejus *Petrus* aliquis posteris cognomen dederit, non satis liquet. *Antonius Joannis Petri* ipse sibi in hoc Diario vocatur. Vixit ineunte Seculo XV, & in Basilica Vaticana munus *Beneficiarii* gessit, ibidemque rem sacram administravit. Quæ in Urbe gesta sunt ipsius tempore, stilo simplici narravit, nihil admiscens exterarum rerum, quarum non adeo fuisse curiosus videtur. Nullam ejus, quod mireris, mentionem fecit *Odoricus Raynaldus* in *Annalibus Ecclesiasticis*; ut suspicari hinc liceat, frustra hunc in ipsa Urbe quæri. *Muratorio* Codicem MStum, sed parum emendate scriptum, Bibliotheca Estensis suppeditavit. Idem Opus, Italico sermone scriptum, obvenit olim Editori Celeberrimo in Ducis Massæ, *Alderani Cybo*, Bibliotheca. Inscriptum hic nomen Autoris *Antonio di Pietro Tosti*, o *Torti*, legebatur. Dubitari igitur possit, sitne hoc, an alterum, quod publici jam fecit juris *Muratorius*, verum Autoris opus dicendum. Pugnat pro Latino *Muratorius*, vel ideo inprimis, quod erroribus non careat Italicum, & multa ex Latino sint supplenda. Addidit tamen & subinde Italicus interpres, quæ in Latino frustra quæras. Eam in rem exempla affert Editor, qui opusculum utrumque diligenter inspexit. Editione hujus Diarii gratissimam operam iis præstitit, qui res Romanas noviorum temporum cognoscere, & cum vetustioribus conferre, cupiunt. Illustratur hic inprimis nobiliorum illius urbis familiarum historia, unde universæ rebus Italix lux accendi potest. Quod *Ladislaus*, Rex Neapolitanus, passim hic vocetur *Wenceslaus*, id vitio librariorum factum est, qui commune id habuerunt cum aliis Chronicorum scriptoribus, nomine hoc *Ladislaum* ex more vulgi appellantibus. Progredimur ad perbreve Antonii Nerlii *Chronicon Monasterii Mantuani S. Andreae, Ordinis Benedictini*, ab A. 1017 usque ad 1418. Habes hic seriem Abbatum Monasterii S. *Andreae* in urbe Mantuana,

olim florentissimi, sed ejus jam non nisi vastissima Basilica superest, expulsis jam dudum monachis, & parte reddituum Clericis Secularibus concessa. Autor Chronici, *Nerlius*, ipse in Abbatum numero fuit, muneri hunc A. 1393 præfectus. Ejusdem, sicut & successoris, *Joannis de Cumis*, vita in hoc Chronico descripta legitur, quam ab ipso *Antonio* non fuisse additam, ipsa facile narrandi ratio nos docet. Codicem autographum Ferrariæ fervant Ordinis S. *Benedicti* Monachi. Sed alius, ex illo descriptus, in Bibliotheca Monachorum Padolironensium Monasterii S. *Benedicti* latet, unde in *Cassiodorii Montagioli*, Monachi Mutinensis non indocti, &, hujus beneficio, in Cel. Editoris nostri, manus pervenit. Comitatur hanc Historiæ monasticæ particulam *Anonymi Fragmentum Sicula Historiæ*, ab Anno 1287 usque ad 1434, ex majori Opere, historiam Siciliæ a Seculi XI initiis ad annum usque 1434 exhibente, cui ideo, quod parum differre a publicata dudum *Gaufridi Malaterræ Historiæ* videretur, hic locum concedendum non putavit Editor, decerptum, res Seculi XIV & ex parte XV maxime commemorabiles exponens. Autor, cujus ignotum est nomen, sermone usus fuerat Latino; sed in Siculum deinde maximam operis partem transtulit Frater, *Simon de Lettio*, Ordinis Minorum, quem vixisse A. 1358, certum est. Acceptum referret hoc, quicquid est operis, posteritas munificentia *Innocentii Rochafortis Bonadies*, Nobilis Catanensis, Viri antiquitatum Sicularum peritissimi, qui Codicem, quem tenebat, MStum *Muratorii*, amici sui, usibus libenter permisit. Subjiciuntur huic *Fragmento Miscellanea historica*, ab A. 1433 ad 1446, quorum Autor est *Paulus*, *Lalii* filius, *Petronus*, Romanus, quem *Odoricus Raynaldus* in *Annalibus Ecclesiasticis* *Paulum Laliū Petronum* vocat. Vixit sub *Nicolao V* Papa A. 1447, Commentariis his, lingua patria conscriptis, res Romanas sui temporis, maxime ecclesiasticas, complexus. Videtur autem a creatione *Martini V*, quæ incidit in annum 1417, aut ab *Eugenii IV* electione, hoc est, ab A. 1431, narrationis exordium cepisse; sed illa omnia, quæ annum 1433 præcedunt, e Codice MSto Vaticanæ Bibliothecæ, unde, opem ferente *Pompejo Frangepane*, Marchione, partem reliquam

huc

huc transtulit *Muratorius*, injuria temporis fustulerat. Majorem Autor rebus, quam sermoni, curam adhibuit, non eloquentis historici, sed humilis narratoris, laudem affectans. Jam, qui literarum Historiarum deliciis capiuntur, cum voluptate legent Michaelis Sovanorolæ *Commentariolum de laudibus Patavii*, A. 1440 compositum, nec ad hunc diem publicatum, etsi, vel ob id inprimis, quod nobilissimi omni tempore Gymasii Patavini fata eleganter hic descripta legantur, luce dignissimum. Latuit hæc usque Codex MStus in Bibliotheca Comitum *Sertorii Ursati*, cui avus fuit *Sertorius* ille *Ursatus*, Scriptor de Italiae suæ antiquitatibus meritissimus. Inde ut ad *Muratorium* perferretur, sua opera effecit *Adamus Rivatus*, S. Theol. Doctor, & Sacerdos Patavimus. Autor Operis, *Michael Sovanorola*, civis Patavinus, nobilissimo ortus genere, dignitatem olim tenuit Equitis Hierosolymitani, sed, ea deposita, a Pontifice Romano veniam impetravit ducendi uxorem, ex qua filios, non degeneres, procreavit. Præcipuam operam navavit Physicæ ac Medicinæ studiis, successu tam felici, ut eo nomine commendatus *Nicolaus III*, Marchioni Estensi, ab hoc laudatissimis conditionibus evocatus fuerit Ferrariam, ubi stabile sibi posterisque suis domicilium fixit. Erga pauperes ægrotantes ita se liberalem gessit, ut nihil ab his mercedis pro medicina poposcerit. Nepos ei ex filio *Nicolaus* fuit *Hieronymus* ille *Sovanorola*, cujus sanctimoniam vitæ, & atrocissimum mortis genus, nemo facile ignorat. Obiisse *Michaelem* nostrum A. 1431 Ferrariæ, annos unum & septuaginta natum, *Bernardin. Scardeonius* & *Angelus Portenarius* scribunt; sed verius mortem ejus in anno 1466 *Guarinus* ponit, & rationibus firmissimis, ex ipso hoc Opere ac aliunde petitis, Cel. Editor ostendit, ad annum saltem 1461 vitam ei productam. Libros ejus, ad rem medicam spectantes, & dudum publicatos, *Scardeonius* memorat *Introductionem Præcticæ medendi*; *Opus ad componendas medicinas maxime idoneum*; *Canonicam de Febribus, de pulsibus, &c. de usu vitalis aquæ, & quomodo conficiatur, & Physionomie Speculum*, a *Theodoro Gaza* Græce conversum. Sed latent adhuc in Bibliotheca Estensi, inde forsan aliquando proditura, varii argumenti

Opuscula; *Opus* nempe *Asceticum*; *Confessionale*; *de Aqua ardente Liber*; & *de Nuptiis Dialogus moralis*. Claudunt hoc Volumen, & simul pretiosissimum hunc Scriptorum Italiz thesaurum, *Fragmenta Chronici Forojulienfis*, a *Juliano*, Canonico Cividatenfi, scripti, sed ab aliis nonnullis aucti, ab A. 1252 ad A. 1364. In paucitate Scriptorum, qui rerum Forojulienfium notitiam suppeditant, vel tenuem hanc majoris Historiz particulam grato animo accipient Lectores. Hujus duplex Codex MStus ad manus fuit *Muratorio*, alter ab Abbate *Josepbo Bivio*, Forojulienfi cive, alter a *Laurentio del Torre*, Canonicorum Forojulienfium Decano, in publicos usus concessus. Quorum miram inter se diversitatem animadvertens Editor, utrumque diligenter recognovit, alterum ex altero supplevit, vitia scripturæ sustulit, annorum inprimis notas emendavit, & ex duabus quasi Historiis unam confecit, non neglecto lectionum variantium, quæ momenti esse non nullius videbantur, indicio. Præter *Julianum*, quem A. 1293 Canonicum Cividatensem, hoc est, Forojuliensem, nominatum fuisse, ex ipso hoc Chronico intelligitur, aliquid operæ huic libello frater ejus, *Joannes*, impendit; nec aliorum defuit industria, quandoquidem per se patet, *Julianum*, A. 1293 in Collegium Canonicorum cooptatum, res A. 1364 gestas describere non potuisse, & id indicare quodammodo videtur Codex *Laurentii del Torre*, manu quippe non una scriptus.

RECENSIO CHRONOLOGIÆ SACRÆ ET PROFANÆ VIGNOLIANÆ continuata.

Vide *Nova Acta Anni præsentis Mens. Mart. P. I. pag. 97, & Mens. Aug. pag. 438.*

Libro IV & V *Chronologia* suæ sacræ Venerabilis *Vignolius* res gestas gentium Palæstinæ finitimarum, quarum in sacris monumentis memoria recurrit, sibi perlustrandas suscepit, tum ut antiquissimis temporibus veluti face præluceret, tum præcipue, ut fidem Autorum divinorum tueretur. Præmittitur *Libro IV Tabula Chronologica generalis*, qua Reges Judæorum, Tyri

Tyri itidem, Syriæ, Assyriæ, Mediæ, Babylonæ, ac Persiæ, οὐγ-
 χεροι, adjectis & suis annis, & annis Periodi Julianæ, itidem-
 que annis ante Christum, ordine collocantur.

Cap. I
 pag. 17.

Tyrii chorum ducunt. Tyrus, urbs quondam navigatio-
 nibus, mercatura, divitiis, opibus, nobilissima, extremum litoris
 Phœnicii angulum occupabat, ducentis infra Sidonem stadiis,
 cum qua urbe sæpissime ita conjungitur, ut primo loco collo-
 cetur. Sidonem nihilo minus Tyro esse antiquiorem, imo no-
 biliorem, & ipsius Tyri matrem, rectissime statuit, & multis
 confirmat Autor. Jam notæ sunt virorum doctissimorum,
Maribami præcipue, *Perizonii*, *Relandi*, *Vitringa*, aliorum,
 de Tyro disceptationes, de Tyro scilicet insulari, deque Palæ-
 tyro in continenti exstructa. Autor, ad dirimendam hanc li-
 tem, primo ex *Plinio* magnitudinem Tyri totius eruit; dein-
 de urbis antiquitatem, quam nonnulli in dubium vocaverant,
 destruit, & scrupulis liberat. Tyrios jactasse suam antiquita-
 tem, Propheta testatur *Ez. XXIII, 7: Hæcine est civitas exul-*
tabunda, cujus est antiquitas a diebus vetustis? Porro, *Cad-*
mum & Phœnicem ætate *Josue* regnavisse, apud *Eusebium* no-
 tatur. Erat autem *Cadmi* pater *Agenor*, quem Tyrum con-
 didisse, memòrant Scriptores. Vetustiore tamen *Agenore* fuis-
 se Tyrum, ex templo *Herculi* consecrato apud *Herodotum*, &
 ex fragmento *Santhoniathonis*, Autor ostendit. Sane, apud
Josue Tyri, ut urbis conditæ, nomen exstare, mox videbimus.
 Ratio autem, cur de origine Tyri tantopere dissentiant viri do-
 cti, quærenda videtur in ipsius hujus urbis varia conditione
 & vicissitudinibus. Invaluit quidem opinio, Tyri in princi-
 pio fundamenta fuisse in continenti constituta, & hinc ortam
Palætyrum. Sed, Tyrum insularem præcessisse, recte conclu-
 ditur, primo ex ipso nomine *צור*, *Tzur*, petra. Rupes videli-
 cet insula illa erat, mari circumdata, cui Tyrus incunabula de-
 bet, de qua re post *Bochartum* consulatur *Simsonius* in *Chro-*
nico. Secundo *Herculi* duo templa a Tyris erant dedicata, in
 insula unum, in continenti alterum; sed, insulare templum an-
 tiquitate præcessisse, apud *Arrianum* legimus. Tertio constat
 ex *Santhoniathonis* fragmento, primos Tyrios sibi construxisse
 calas

20.

29.

37.

casas ex arundine & juncis, piscationi rebusque marinis operam dedisse, quæ omnia insularis magis conveniunt, quam continentem incolentibus. Accidit autem, ut, cum Tyriorum res sub *Salomone* florent, per *Hiramum* insulari Tyro adiceretur altera Tyrus in continenti, quam & *Salmanasserem* & *Nebucadnezarem* oppugnasse, Tyriosque, qui cladem evaserant, insulam de novo munitam habitasse, cognoscimus, unde sensim factum, ut altera illa in continenti sensim diceretur *Palætyrus*, *Tyrus antiqua*, cujus rei prolixior commemoratio ex Autore repetatur.

Pag. 42.

42 seq.

Nunc progreditur ad Reges Tyrios, de quibus ex *Anna-libus Tyriis Menandri* Ephesii duos nobis catalogos, vel potius catalogorum fragmenta, conservavit *Iosephus* in *Antiquit. Lib. VIII.* Prioris catalogi insignis est usus in *Chronologia sacra*. Reges enim occurrunt, quorum sancta oracula nobis conservarunt nomina, regnante *Davide* , *Salomone* , & *Achab* . Itaque, cum in numeris catalogi apud Scriptores aliqua discrepent, doctissimus *Vignolius* illos inter se & cum aliis comparando restituit, quæ res nos non morabitur. Fixa deinde *Epocha* ex *Iosepho*, annum *Hirami XII* concurrisse cum *Salomonis IV* memorante, ad res Regum Tyri, in sacris obvenientium, ordinandas accedit. Cum in catalogo *Menandri* primus Rex dicatur *Abibalus*, secundus *Hiramus*, *Salomoni* coævus, quæritur, quisnam haberi debeat *Hiramus*, *Davidis* amicus, 2 *Sam. V*, 1. 9. Hunc enim non confundendum cum *Hiramo* posteriori, ex annorum intervallo manifestum est. Autor, aliorum sententiis examinatis & reiectis, statuit, catalogum *Menandrianum* capite esse truncatum. Id minus ad rem *Iosephi* fecisse. Igitur *Abibali* patrem agnoscit *Hiramum*, *Davidis* familiarem, filium quoque *Abibali* *Hiramum*, *Salomoni* amicitia & fœdere junctum. Hanc sententiam ex ipso sacro Codice roborari. 2 *Chron. II*, 13, hæc *Hiramus* scribit *Salomoni* ex versione vulgata: *Misi tibi virum prudentem & scientissimum*, *Hiram*, patrem meum, *filium mulieris de filiabus Dan*, cujus pater fuit *Tyrius*, qui novit operari in auro, & argento, & ære, & ferro. Qua ratione Rex Tyriorum

Tyriorum fatetur, se patre artifice oriundum, eundemque patrem suum, *Salomoni* ut inserviret, transmissurum. Rem incredibilem, & quodammodo absurdam, tollit *Clericus* meliori interpretatione: *Nunc ergo ad te mitto virum peritum & doctum, qui fuit patri meo Hiram.* Nihil frequentius in sacris literis ellipsi pronomini *TON*. Addit *Vignolius* noster, avum in sacris saepenumero *patris* nomine venire. Itaque fieri potuisse, quod jam *Dodwellus* fatetur, ut inter duos *Hiramos* medius vixerit *Abibalus*, illius *Hirami* decessor, cuius annus XII cum anno *Salomonis* IV conferatur.

His ita evolutis, ad ipsos Reges acceditur. *Hiramus I* decessit *Abibalo*, cui in catalogo anni XX assignantur. Is igitur diem obiit regni *Davidici* anno XXXII, quo ipso *Hiramus II* sceptrum regium capeffivit, socius non solum & amicus, sed & quodammodo beneficiarius, *Salomonis*, cui munera misisse legitur. Ceterum, hunc *Hirantum* Tyrum reddidisse ampliore, adjecta urbe continentis, deinceps dicta *Palætyro*, eandemque ope aggeris in freto exstructi cum insula conjunxisse, ex *Salomonis* *Dii* ac *Menandri*, apud *Josephum Antiqu. Lib. VIII* extantibus, docte probat *Vignolius*, objectioni simul satisfaciens, quæ ex aggere *Alexandri M.* moveri posset. Lucem quoque affundit loco *Theophili*: *Salomonem misisse Hiram columnam auream, in templo Jovis dedicandam, cui includebatur statua filie ejus (Hirami), quam forsitan in matrimonium duxerat Salomo.* Qui Reges in catalogo *Menandriano Hiramum II* excipiunt, ad *Ithobolum*, in Scriptura S. silentio transmittuntur. Hujus autem mentionem injicit *1 Reg. XVI, 31*, ubi *Achabum*, *Israelis* Regem, *Isabelem*, *Ethbaalis*, sive *Ithobalis*, filiam, uxorem duxisse reperimus. Intervallum in annis catalogi cum Scriptura S. exacte congruit, & cum nota sit fames, ætate *Achabi* *Palæstinam* affligens, ejusdem quoque meminit *Menander*, uti legere est apud *Josephum Antiqu. Lib. VIII*. Ultimus primi catalogi Rex est *Pygmalion*, cuius exordium incidit in regnum *Jebu*. Post hunc *Menander* Regis *Elulei* meminit, qui nec in priori, nec posteriori, catalogo deprehenditur. Hujus *Elulei* ætatem incidere in annos *Salmanassaris*, Regis *Assyrio-*

Pag. 60.

62.

69.

72.

- Pag. 74. syriorum, Autor ostendit, & hac occasione de *Cittiensibus*, quibuscum Tyrii bellum gesserant, de Palætyro, deque aquæductibus Tyriorum, quorum rudera adhuc conspiciuntur, multa lectu sane digna in medium adducit. Posterior catalogus Regum Tyri excerpitur ex *Josephi Libro I* contra *Appionem*. Hujus Regis primi *Ithobalis* tempore *Nebucadnezare*m Tyrum per 13 annos obsidione cinxisse, refertur. Unde patet, quomodo catalogi anni cum *Per. Jul.* connecti possint. Reliquorum deinde Regum appellationes ad ætatem *Cyri* sequuntur, in quibus, cum nihil occurrat, quod ad Scripturam illustrandam faciat, Venerabilis Autor verbosus esse noluit.

CAP. II
pag. 89.

- Sequuntur *Syrie* Reges, de quibus apud profanos Scriptores altum est silentium, si a *Nicolao Damasceno* discefferis, qui tamen sua ex sacris fontibus hausisse videtur. I) Primus *Hadad Ezerus*, aut *Hadarezerus*, Rex *Sobæ*, a *Davide* victus legitur 2 *Sam. VIII*. *Sobam* forsitan esse *Syriam Sophenen*, disceptatur, ut hinc appareat, hunc Regem ultra *Euphratem* sui regni limites extendisse. II) Iisdem temporibus floruit *Tboi*, Rex *Hebræen*sium, *Hadadezero* infensus, quem filium ad *Davidem* gratulandi gratia misisse, sacer Historicus commemorat 2 *Sam. VIII, 9*. III) Tunc quoque *Damascenorum* nomen observatur, 2 *Sam. VIII, 5, 6*, Regis nulla facta mentione, quem *Josephus* tamen nuncupat *Adadum*, cum quo *Nicolai Damasceni* testimonium consentire videtur. IV) *Salomoni* ad finem vergenti duos excitaverat Deus adversarios, *Adadum*, *Idumæum*, & *Rezonem*, Syrum, quem posteriorem *Damasci* regnasse, apparet ex 1 *Reg. XI, 25*. Difficultatem aliquam parit postremum, quod allegavimus, comma, quod Venerabilem Autorem induxit, ut fere statueret, *Hadadum* æque ac *Rezonem* *Damasci* imperasse. Sed, modo ad *Hebræa* attentius respiciamus, omnis difficultas evanescet. Nobis verba ita transferenda videntur: *Congregavit (Rezon) viros, quorum Dux & Princeps factus est, qui, Damascum profecti, ibidem sedem fixerunt, & regnum contribuerunt. Ipse (Rezon) autem infestus fuit Israelitis, regnante Salomone, quod accessit illi malo, quo Hadad illos afflixerat.*
- Mote-

Molestè autem tulit (Rezon) Israelitas, & regnavit Damascus. Pag. 98.
 V) Sequuntur *Hezion*, VI) *Tabrimmon*, & VII) *Benhadad I.*
 Illorum quidem nomina tantum exhibentur 1 *Reg. XV, 18*;
 ad hunc autem *Baesa*, Rex Israelis, dona misit, ut sibi contra
 Judæos auxilio veniret. VIII) His omnibus illustrior est *Ben-* 100.
hadadus II, cujus res gestæ cum *Achabo*, & aliis Israelitarum
 Regibus, copiose referuntur. Venerabilis Autor hæc omnia,
 quantum in tanta monumentorum raritate fieri potest, illustrat,
 & ad annos suos quælibet reducit. *Benhadadum* excepit IX) *Ha-* 105.
zael, rebus gestis, sed & crudelitate, notissimus; cujus filius
 X) *Benhadad III* fere omnia amisit, quæ pater acquisiverat.
 Denique postremum Regum Damascenorum XI) *Retfinum*
 Rex Assyriæ vicit, eoque occiso, Syriam in formam provinciæ
 redegit, 2 *Reg. XVI, 8, 9*, de quo in Chronologia Assyriæ Re-
 gum plura disseruntur. Autori facile fuit, constitutis semel
 Annalibus Regum Judæ & Israelis, res gestas Syrorum suis cer-
 tis annis assignare, quod indicasse hic iussit.

Festinemus ad Reges *Ægyptiorum*, ubi Venerabilis Autor CAP. III
 in principio rationem reddit diuturnæ illius pacis, quæ per pag. 114.
 sex circiter Secula *Ægyptios* inter & *Israelitas* duraverit. Primus,
 quem bellum intulisse Judæis legimus, nuncupatur *Sesacus*, qui
 anno *Rehabeami* quinto Hierosolymam ἀπαχνητέω cepit, &
 expilavit, 1 *Reg. XIV, 25*. Cum similis historia occurrat apud
Herodotum, sed *Sesoftridi* attribuitur, Autor ostendit post do-
 ctissimum *Perizonium*, in nomine solo aberrasse patrem histo-
 riæ. Deinde in Dynastiis *Ægyptiorum*, acri studio in *Sesacum*
 inquirens, reperit Regem primum *Dynastiæ XXII Sesonchi-*
dem, cujus inventi veritatem in fine hujus *Capitis* ex collatio-
 ne omnium Regum manifestam facit. Post *Sesacum* sacra ora- 124.
 cula memorant, *Saram*, aut *Serachum*, Cuschæum, cum ingenti
 exercitu Judæam invasisse, 2 *Chron. XIV*; sed totam illam mul-
 tudinem divino auxilio fere ad internecionem deletam. Per-
 peram hunc *Saram* existimari Regem *Æthiopum*, notat Autor,
 cum potius inter *Ægyptios* sit collocandus. Partim igitur ex
 nomine ipso, partim ex annorum intervallo, hunc *Saram* esse
 Regem secundum *Dynastiæ XXII Osoroth*, sive *Uforthon*, colli-

- Pag. 127. git. Post longam intercapedinem *Hoseas*, postremsus Israeli-
tarum Rex, legatos misit ad Regem Ægyptiorum *So*, 2 Reg.
XVII, 36. Hunc *Soum* Autor deprehendit in *Serecho*, Rege se-
cundo *Dynastia* XXIV. Anno 14 *Ezechia* Regis memoratur
Tbirhaca, Æthiops, five Cuschæus, cujus metu *Sanberib*, Rex
130. Assyriorum, relicta Palæstina, retro cessit. Hunc *Tbirbacam*
Autor affirmat esse *Tarcum*, tertium Regem ejusdem *Dynastia*
XXV. Ætate *Josia* innotuit *Neco*, de quo multa lectu dignif-
sima attulit *Herodotus*. Sed & sacrae literæ hujus *Necbaonis*
gesta non plane prætereunt. Is enim, *Josia* victo, Hierosoly-
mam cepit, & Regem Judæis ex arbitrio dedit, 2 Reg. XXIII.
Eandem historiam dum tangit *Herodotus*, addit, superatis Pa-
læstinis, *Necbaonem* cepisse *Cadytin*, magnam Syriæ urbem.
Notæ sunt virorum doctorum de Cadyti disputationes. Vene-
rabilis Autor cum *Clerico* arbitratur, non differre ab urbe *Cades*
Naphthalitarum. Sed nondum satisfactum credimus argu-
mentis, & a *Prideauxio*, & ab *Heinio*, utroque Viro doctissimo,
adductis, quibus plane evicerunt, *Cadytin* ab *Hierosolyma*
neutiquam esse diversam. Ceterum *Necbao* in *Dynastia* XXVI
sextum locum occupat, ubi Autor in transitu observat, huic Dy-
148. nastiæ plurimum lucis ab *Herodoto* affundi. Denique postre-
mus Regum Ægypti, in sacris memoratus, dicitur *Hopbra Jer.*
XLIV, 30, in *Dynastia* XXVI, octavus *Apries*, de quo pluscula
habet *Herodotus*. Jam Autor venerabilis, ut demonstraret con-
sensum suæ Chronologiæ cum *Dynastiis* Ægyptiorum, exhibet
Dynastias XXI usque ad XXVII singulari Tabella, annosque ex
collatione *Julii Africani* & *Ensebi* emendat, tum Epocham
fixam reperit in anno *Cambysis quinto*, quo Ægyptum hic
Persarum Rex occupavit; cum autem ex Canone *Ptolemæi*
ernatur, annum 5 *Cambysis* concurrere cum A. Per. Jul.
4189; facillimo negotio Regis cujuslibet anni determinantur,
quod felicissime præstitisse Autorem, fatebuntur omnes, qui
Caput hoc tertium cum aliorum laboribus comparabunt.

CAP. IV
pag. 161.

Ad annos Regni, aut, si mavis, Imperii, *Assyriaci* digerendos *Capite IV* se confert Venerabilis *Vignolius*. Duplex Re-
gum Assyriorum familia notatur, prior & posterior. De
priori,

priori, ut antiquiōri, hoc *Capite* disputatur. Exstat *Catalogus Regum Assyriae* apud *Julium Africanum*, in quo ordine Reges XLI producuntur, quorum primus *Beli*, postremus *Sardanapali*, nomine citatur. Hunc Autor integrum, cum annis Regum excerptum, exhibet: &, quoniam tam apud *Eusebium*, quam alios, quædam reperiuntur varietates, ante omnia eundem suæ integritati restituit. Affirmatur autem in hoc Catalogo, regnum Assyriæ a *Belo* ad *Sardanapalum* annos 1459 floruisse. Contra hunc numerum, totamque illam Regum seriem, plerique nostri temporis Chronologi insurgunt, fabulis ac figmentis omnia accensentes: cum & in Sacris Monarchiæ Assyriacæ nulla fiat mentio, & *Herodotus* asserat, Imperium Assyriæ stetisse tantum annos 520. Ad silentium Scripturæ postquam Autor respondit, auctoritatem *Herodoti* in rebus Assyriacis aggreditur, & pluribus argumentis ostendit, hujus, alioquin laudatissimi, Historici hic exiguam vel nullam esse peritiam, præterquam quod fieri potuerit, ut numerus 520 annorum apud ipsum *Herodotum* sit corruptus. Deinde, quoniam Catalogus *Africani* per testimonium *Ctesia* confirmatur, de *Ctesia* prolixius agit, ejus auctoritatem cum *Herodoti* fide comparat, ac tandem docet, etiamsi *Ctesias* in aliis scriptis fabulas imeras commemoret, hic tamen ejus testimonium præferendum esse, cum scripserit inter Persas, in aula Regia, & Archivum Regium ipse consuluerit. Hanc sententiam aliorum Scriptorum testimoniis stabilit, *Castoris Rhodii*, *Diodori Siculi*, *Trogi Pompeji* ex *Justino*, *Æmilii Sura*, *Velleji Paterculi*, *Cephalonis*, *Theophili Antiocheni*, *Simplicii*, aliorum, ut inde appareat, veteres plerosque fecisse cum *Ctesia*, & Reges agnovisse in Catalogo *Africani* existentes. Hæc omnia ita sunt pertractata, ut in compendium redigi nequeant. De Epochâ veri imperii Assyriaci, & annis Regum, *Capite* sequenti plura docentur.

Pag. 163.

182.

190.

Hoc videlicet *Capite V* rebus *Medorum* tantam lucem accendit, quanta quidem in his tenebris accendi potuit. Principio ex *Herodoto*, qui in rebus Mediæ satis copiosus est, Catalogum & Historiam Regum Mediæ exhibet. Commemorat autem ille Reges IV, *Dejocem*, *Phraortem*, *Cyaxarem*, & *Asty-*

CAP. V
pag. 211.

gem, qui postremus ex historia *Cyri* satis innotuit; & his omnibus anni assignantur vel 150 vel 156. Ab altera parte ex *Ctesia* (quem *Diodorus Siculus* sequitur,) discimus, post interitum *Sardanapali*, ultimi Assyriorum Regis, *Arbaces*, *Medum*, regni novi fundamenta posuisse, cujus octo successores nominibus plane diversis a Catalogo *Herodoti* commemorantur, videlicet 1 *Arbaces*, 2 *Mandaucæ*, 3 *Sofarmes*, 4 *Artias*, 5 *Arbianes*, 6 *Arteas*, 7 *Artynes*, 8 *Astibares*, 9 *Apandas*, qui & *Astyages*. Hos omnes Reges *Vignolius* accuratiori examini subjicit, & eorum res gestas ex aliis scriptoribus illustrat. Quo facto *Usserii* singularem sententiam sub incudem revocat, sed, quia eandem, una cum *Eusebii* & aliorum opinionibus, ad solvendum nodum sufficere non existimavit, ipse concordiam *Herodoti* atque *Ctesia* tentavit, quod ut eo melius lectores benevoli intelligant, Tabulam conciliationis ex pag. 235 & 263 hic inferemus.

Pag. 226.

<i>Per. Jul.</i>	<i>Ctesiar.</i>	<i>Herodotus.</i>
3814	1 <i>Arbaces</i> 28	
42	2 <i>Mandaucæ</i> 50	
92	3 <i>Sofarmes</i> 30	
3922	(4 <i>Artycas</i> 33)	
57	5 <i>Artias</i> 50	
4005	6 <i>Arbianes</i> 20	
15	7 <i>Arteus</i> 40	1 <i>Dejoces</i> 53
24	8 <i>Artynes</i> 22	2 <i>Phraortes</i> 22
67	9 <i>Astibares</i> 40	3 <i>Cyaxares</i> 40
89	10 <i>Apandas</i> , qui	4 <i>Astyages</i> 35
4129	& <i>Astyages</i> (35)	
	350	150

235. Ab ultimis fiat conciliationis exordium. *Apandas Ctesia*, cum appelletur quoque *Astyages* a Græcis, ab *Astyage Herodoti* discrepare non videtur, cumque *Astyagi* competant anni 35, totidem sunt tribuendi *Apanda*; hujus enim anni apud *Diodo-*

rum non reperiuntur. Nono *Ctesia Astibari* dantur anni 40. Totidem sunt *Cyaxaris*. *Cyaxares* itaque idem, qui *Astibares*. In annis quoque consentiunt octavus *Ctesia Artynes*, & secundus *Herodoti Phraortes*. Possemus probare, si hoc jam ageremus, nomina *Apandas*, *Astibares*, & *Artynes*, parum differre a nominibus *Astyages*, *Cyaxares*, & *Phraortes*: quo ipso sententiae *Vignoliana* robur accedit. In primo *Herodoti Dejocē*, & septimo *Ctesia Arteo*, annorum est dissonantia. Illi 53, huic 40, assignantur. Itaque credit Autor, duos hos distinguendos Reges, & *Arteum* quidem *Susis*, sed *Dejocem* *Ecbatanis*, sedem fixisse, in *Phraorte* autem, *Dejocis* successore, utramque sedem uni paruisse. Quartum Catalogi *Ctesiani* Regem, *Artycam*, a nobis parenthesi inclusum, ex conjectura admodum probabili Autor inferit, & hoc modo durationem regni Medici ab *Arbace* ad *Cyrum* per annos 350 superius allegatos extendit. Jam, cum necessarium videatur, ut Epocham quandam fixam & indubitatam nanciscamur, cujus ope res Medorum cum notiori Epochā combinari possint, Autor selegit nobilem illam solis defectionem, quam *Thales Milesius* produxit, & quam *Herodotus* refert accidisse, cum *Lydi* ac *Medi* praelio certare parati essent; *Lydi* quidem dūce *Alyatte*, Rege, *Cræsi* patre, *Medi* autem dūce *Cyaxare*, vel *Astyage*. Tunc enim, ait *Herodotus*, *Lydi* ac *Medi*, ubi diem noctescere viderunt, a pugnando desistunt, & pacem inter se constituunt. Cum *Herodotus* anni, quo hæc Eclipsis contigit, nullos præterea characteres indicaverit, Chronologis aqua sapius hæsit. Itaque Autor primo omnium illorum testimonia protulit, qui hujus Eclipsios meminere. Deinde sententias virorum doctorum in fasciculum collegit. Sunt autem omnino novem, quorum primus Eclipsin Anno Per. Jul. 4107, postremus eandem Anno Per. Jul. 4133, alligavit. Expensis omnium sententiis, docet, Solem defecisse Anno Per. Jul. 4129, Maji die 28, circa horam sextam vespertinam: quod prolixè, sed & exactè, demonstrat, ut adeo in posterum nequicquam de hoc negotio deliberandum videatur. Cum vero adhuc dubitetur, quo Rege sol in tenebras inciderit, nonnullis *Cyaxarem*, aliis *Astyagen*, allegantibus, hunc scrupulum eximit

mit Autor, docendo, utrumque prælio adfuisse, patrem filiumque, sed *Cyaxarem* patrem, paulo post mortuum, eodem anno regnum *Astyagi* filio reliquisse. Hoc modo anni Regum tam apud Medos, quam apud Assyrios, facili negotio ordinantur. Annus enim *Per. Jul.* 4129, Eclipsi insignis, annus est 4 Olympiadis 48, annus postremus *Cyaxaris*, ac primus *Astyagis*, itidemque annus ante Christum 585; quo pacto retrogradiendo Autor tabellas Chronologicas tam Regum Assyriæ, quam Mediæ, construxit, & pluscula curiosa, de bello Trojano, Rege *Teutamo*, *Titbono*, *Memnone*, aliis, in medium attulit. Huc vero delatus, novam hypothesein ad illustrandam Historiam *Estheræ* proponit. De *Estheræ* marito si quis avertet opiniones & conjecturas interpretum cognoscere, *Jungmannum* adeat in *Danicle referato*. Venerabili *Vignolio Abasverus Estheræ* non differt ab *Astibare Ctesia* & *Cyaxare Herodoti*. Circumstantias utrobique consentire, ait. Susas tum temporis sedem fuisse regiam Medorum, Judæos quamplures in captivitatem Susas abductos, *Cyaxarem* populos Asiaticos primum in Provincias & Satrapias distribuisse, & quæ alia sunt, apud Autorem ipsum legenda. Addimus tamen, quod huc maxime facit, *Cyaxarem* & *Achasverum* eodem gaudere nomine. *Cyaxares* componitur ex *Cy* & *Axares*. *Cy*, vox Orientis populis haud incognita, significat dominum, Regem magnum ac potentem. *Axares* autem ab *Achasveros* derivari, sola pronuntiatio ostendit. Ceterum arbitramur, novam hanc hypothesein sese æquis lectoribus mirifice probaturam esse.

CAP. VI
pag. 279. Progredimur cum Autore ad alteram familiam Regum Assyriæ, recentiore, quam fere solis sacris literis debemus. Postquam monuisset, majora imperia sæpe in multas partes discindi, & pluribus regnis originem dare; hoc idem ait prisco Assyriorum imperio evenisse: ex quo post *Sardanapali* discessum & regnum Mediæ, & Babylonix, & novum Assyriacum, præcreatum sit. Hujus incunabula etsi vix appareant, *Castorem* tamen *Rhodium* apud *Syncellum* asserere, post *Sardanapalum* imperium apud Assyrios obtinuisse *Ninum II*, & huc collineare locum quendam *Diodori Siculi*, qui ex *Athenæo* suppletur ac emenda-

emendatur. *Nini II* ortum Autor connectit cum A. Per. Jul. 3814 & A. Chr. 900, eidemque ex conjectura largitur annos 19. Post mortem *Nini* nihil occurrit, quod huc referri possit, excepta historia *Jonæ*; in ejus enim prophetia memoratur Rex *Ninives*, sed nomine tacito. Hoc potuit diebus *Jerobeami II* convenire. Tandem sacræ literæ Regem Assyriæ suo nomine produnt, *Pbulem*, qui, *Jerobeamo II* mortuo, Syriam invasit, & Reges Israelitarum sibi beneficiarios reddidit. Hujus Regis annum 1 conjungit Autor cum A. Per. Jul. 3937 & A. Chr. 777, eidemque tribuit annos 30, ubi obiter *Ufferio* aliisque errores evelluntur. *Pbulem* in Sacris excipit *Thiglat-pbul-assar* A. Per. Jul. 3967, A. Chr. 747, qui *Rezinem* occidit, Syriam subegit, & tribus transjordanicas in captivitatem abduxit. Qua occasione locis quibusdam Scripturæ, præcipue vaticiniis, lux accenditur, ac differitur de Rege *Jareb*, cujus est mentio apud *Hoseam V, 13*. Sequitur *Salmanassar* A. Per. Jul. 3987, A. Chr. 727, cujus nomen in Tyriorum Annalibus reperiri, testatur *Josephus*. Hunc tandem, expugnata Samaria, regnum decem tribuum excidisse, & abductis Israelitis, Samaritanorum regionem novis colonis impleisse, narrant sacræ literæ. Ubi Autor illos refutat, qui hunc *Salmanassarum* aut cum successore *Senacheribo*, aut cum *Nabonassaro*, confundunt. Post regnum annorum 15, A. Per. Jul. 4002, A. Chr. 712, succellit *Senacherib*, qui anno 14 *Ezechia* Judæam invasit. Hanc memorabilem expeditionem Venerabilis Autor pluribus illustrat ex *Esaie X*, ubi Propheta ipsum ejus iter describit, addens, Regem deinde, Hierosolimam prætergressum, post varias nūinas in *Ezechiam* ac Deum ipsum frustra jactatas, misisse *Thartanem*, qui Azotum obsidione cingeret, adeoque *Sargonem Es. XX* esse ipsum *Senacheribum*; hunc vero festinasse in Ægyptum, & eandem valde afflixisse, donec, elapso triennio, a *Thirbaca* coactus, retro cessisset. Cum vero hujus expeditionis memoriam quoque conservaverit *Herodotus*; ejus narrationem confert Autor cum Historia sacra, & præcipue quoque *Nabumi* vaticinium interpretatur. Occiso a filiis anno regni 15 *Senacheribo*, regni habenas capeffit *Asarhaddon*, qui cum in

Pag. 286.

291.

292.

306.

316.

320.

Canone *Ptolemai* exstet, cumque adeo hic *Asarbaddon* imperium Assyriæ & Babyloniz conjunxerit, & ab ejus tempore historia velut e caligine extracta in luce versari incipiat, *Libro* sequenti *V* de eo, ejusque successoribus, disputabitur. Clauditur *Liber IV*, adjecta Tabella chronologica Regum Assyriæ, a nobis memoratorum. Ex his, quæ breviter recensuimus, apparet, quanta rerum varietas hic recondatur, & quanta lux vetustissimæ historiis etiam ex *Libro III* & *IV* hujus sacræ Chronologiæ affulgeat. Superfunt *V* & *VI*, in quibus de rebus Babyloniorum, & Anno vetusto, magno cum eruditionis apparatu differitur; sed de his proxima occasione avidos Lectores copiosius instruemus.

LA THEORIE ET LA PRATIQUE DE LA COUPE
des Pierres & des Bois, &c.

h. c.

THEORIA FT PRAXIS SECTIONIS LAPIDUM
& Lignorum, pro construendis fornicibus, aliisque
ædificiorum tam civilium, quam militarium, partibus;
sive Tractatus Stereotomicus, in usus Architectonicos.
Autore FREZIERIO, Ordinis militaris S. Ludovici
Equite, Architecto militari Regio & primario
Landaviensi.

Tomus II.

Argentorati, apud Jo. Daniel. Dulsseckerum, fil. & Parisiis apud
Carol. Antonium Jombert, 1738, 4 maj.

Alph. 2 plag. 17, Tabb. æn. 42.

Non minori cum voluptate secundum eximii hujus Operis Tomum, quam primum olim, de quo satis diximus in *Actis A.* 1737 *Mens. Julii pag. 312 seq.* accepimus lustravimusque. Jactis scilicet in superiori Volumine fundamentis theoreticis scientiæ Stereotomicæ, jam in eo versatur Cel. Autor, ut ipsam Tomotechniam, id est, artificiosam solidorum sectionem, fornicumque constructionem, quæ tota exinde pendet, copiose & luculenter tradat. Cumque

que jam in *prioris Tomi* recensione præmonuerimus, fornices ab ipso distingui in simplices & compositos; facile consequitur, universæ tractationis eam esse rationem, initium ut a simplicibus, progressus deinceps ad compositos, fiat. Tantum vero abest, ut pauca sint, quæ dici possint de simplicibus, ut illorum explicatione integrum hocce *Volumen secundum* implere necesse habuerit Autor. Animus enim Viro Cel. fuit, omnia tradere, quæ apud Autores alios passim leguntur, sed ita tradere, ut praxium demonstrationes ex principiis suis semper exhibeat. Id enim maxime desiderabatur huc usque, ut ars solida secandi, empiricis Architectorum vel opificum praxibus ut plurimum innixa, ad formam scientiæ revocaretur, & fundamentis inconcussis superstrueretur. Cum hoc ageret Autor, errores detexit quamplurimos, ex defectu Theoriz oriundos, qui in praxibus ordinariis non solum huc usque obtinuerunt, sed variis quoque Autoribus pro veritatibus habiti sunt, ex quibus recentissimum, *de la Rue*, nominasse sufficiat. Hos igitur correxit atque sustulit, novaque addidit quamplurima, tam ex sua penu hausta, quam ex Lectionibus Architectonicis *B. de la Hire*, quæ tamen, cum absque demonstratione essent proposita, hic ex suis confirmanda principiis fuerunt. Omnia vero complexus est *Capitibus* numero *decem*, de quibus singulis expressius dicere, nostrum est. Igitur *Cap. I* traduntur elementa Tomotechniæ, sive sectionis Lapidum & Lignorum. Varia superficierum genera, usum in arte habitura, explicantur, nec minus angulorum positio determinatur, quos efficiunt partes superficierum resectæ a planis, variis modis ipsas secantibus. Superficies vero, quæ maxime hic considerandæ veniunt, sunt Sphæricæ, Cylindricæ, Conicæ, Sphæroidicæ, aliæque. Maxima difficultas in eo est posita, ut corpus irregulare, v. g. lapis, in solidum aliquod figuræ desideratæ conformetur, superficie curva, veluti Sphærica, Sphæroidica, &c. præditum. Quod cum non nisi auxilio superficierum planarum fieri queat; tres methodos exponit Cel. Autor, quarum in hoc negotio usus est insignior. Prima in eo consistit, ut corpus irregulare reducat ad formam parallelepipedum, super quo deinceps projectio solidi desi-

derati designatur. Hanc methodum appellant *par Equarissement*. Secunda in eo ponitur, ut superficiei desideratæ formetur exemplar, & solido irregulari applicetur; quam priori longe præstare, manifestum est. Gallice appellant *par panneaux*. Addidit B. de la Hire tertiam, quæ media veluti est inter duas modo recensitas, Autori eapropter dicta *par demi-equarissement*. Hisce præstructis, ostenditur, quomodo segmenta Sphærica, Conica, Cylindrica, Sphæroidicaque, fieri debeant. Pro segmentis Sphæroidicis Problema solvendum fuit sequens: Per data tria puncta in superficie Sphæroidis, cujus projectio habetur, describere Ellipsin, quæ basis sit segmenti, facti a plano, per hæc tria puncta transeunte. Quo facto, aliarum adhuc superficierum, magis irregularium, effectio traditur, quarum frequens usus est in variis fornicum generibus. *Capite secundo* ostenditur, qua ratione anguli, acclivitatem habentes, (*angles en Talud*,) ad rotunditatem sint reducendi, cujus præxeos frequens usus in Architectura militari existit. Quoties enim sunt nimis acuti, e. g. minores 60 gradibus, præstat rotunditatem ipsis inducere, quo solidiores sint. Rotunditas iis vel cylindrica, vel conica, dari potest, prout visum fuerit. Dantur casus subinde difficiles, ubi artifices non semel hæcere observavit Autor, præsertim ubi duo anguli, crura, vel latera, acclivitates diversas habent. *Capite quarto*, (*quarto*, inquam, *tertium* enim non numeratur, typothetæ forsan incuria, adeoque re vera volumen *Capita* solum *novem*, non *decem*, habet,) agitur de Fornicibus planis, tam horizontalibus, quam inclinatis. In eorum equidem constructione ordinaria non ita magna vis est Tomotechniæ, sicut in aliis; ne vero quidquam desiderari possit, de iis, cum subinde usu veniant, mentio utique fieri debebat. Quacunque ratione construuntur, eo premuntur incommodo, quod energiam omnium maximam erga pilas sustentantes exerceant, quibus adeo plus roboris, quam in alio quocunque casu, tribuendum est. Plurimi Architectorum in id incubuere, ut majorem hisce fornicibus soliditatem tribuerent; quæ tentamina cum recensuisset Cel. Autor, suum quoque de iis iudicium ponit. Ceterum novum for-

fornicis plani genus A. 1699 inventum est ab *Abeillio*, Architecto militari, & ab Academia Scientiarum approbatum, ceu videre est in *Tomo I Machinarum & inventorum* ab Academia approbatorum, pag. 159. Nos quoque in *Actis A. 1737 Mens. Januar. pag. 30* de eo quædam dixisse meminimus. Cel. Autor suas de hoc invento, satis ingenioso, conjecturas affert, quod ipse magis perfecit, cum in eo iam pridem defudasset *P. Sebastianus*. Quinque omnino sunt methodi, quæ ad constructionem proponuntur; subditur tamen, totum inventum magis videri ingeniosum, quam utile. Difficilior est constructio fornicis plani ad horizontem inclinati, qui non nisi duobus lateribus inferioribus & contiguis innititur; Architecti appellant *Trompe plate*. Est quædam fornicum conicorum imitatio. *Capite quinto* tractatio habetur de fornicibus cylindricis cujuscunque generis, quos generali nomine appellant *Berceaux*. Ubi statim reprehenduntur opificum praxes in designandis ellipsis, quas ex arcibus circularibus, invita Geometria, componunt, quo quidem errore nihil est communius inter homines Theoria destitutos. Formatio fornicum cylindricorum generalissima hæc proponitur: Concipiatur quadrilaterum quodcunque super curvæ cujuscunque perimetro moveri, ita quidem, ut latus, super curva incedens, sibi ipsi semper maneat parallelum, & perpendicularare ad Curvam in quolibet puncto, vel, quod idem est, ad Tangentem Curvæ; tunc alterum latus arcum fornicis cylindrici designabit. Exinde statim patet, commissuras Lapidum (*joints*) ita designari debere, ut ad arcum fornicis, cujuscunque Curvæ portio sit, recti existant. Falsa igitur opificum praxis est in arcibus ellipticis, qua commissuras omnes versus centrum ellipseos dirigunt, cum re vera dirigendæ sint ad Curvam illam, ex cujus evolutione Ellipsis describitur, id quod ratione perfacili obtineri potest. Ex quo certissime liquet, quantum absque Geometriæ præsidio a perfectione sua absint artes, quamdiu manibus Empiricorum duntaxat tractantur. Omnis autem fornicum cylindricorum variatio ad duo capita commodè revocatur. Etenim illa consistit vel in curvis, ex quibus formari arcus possunt; vel in directionum varietate, quam axes

fornicem habent cum planis anterioribus & posterioribus; quodsi enim axis fornicis est ad hæc plana rectus, habebitur fornix rectus, seu cylindri recti sectio per axem horizontalis; si non est rectus, habebitur fornix obliquus, seu sectio cylindri Scaleni per axem. Curvæ autem, quarum in formandis arcibus (*ceintres*) usus maxime invaluit, sunt Circulus & Ellipsis. Monet tamen Autor, alias esse, quæ ei negotio inservire possent. Certe, si lapides cæsi (*voussoirs*) omnes sumantur æquales, nulla convenientior esset Catenaria, quæ ad parabolam satis accedit, ut differentia in praxi insuper haberi queat; sed ejusmodi arcus, verendum est, ut oculos delectet, parum quippe a Gothicorum forma recessurus. Qua ratione adducti Architecti lapides potius inæquales sumserunt, diminutione versus verticem arcus continua; unde accidit, ut arcus interior & exterior curvatura prorsus differant. Quodsi vero lapides sumantur inæquales, curvas alias proponit Autor, quæ formando arcui interiori inservire possunt; verbi gratia, ovalem *Cassini*, cujus hæc est natura, ut, ductis ex duobus focus ad quodlibet curvæ punctum rectis, earum rectangulum sit constans, porro cycloidem, & spiralem, tam *Archimedeam*, quam *Varignonianas*, pro arcibus repentibus. Certissimum est, arcus hosce formas satis pulchras exhibituros. Præterea in iis facile ducuntur Tangentes, quod in delectu Curvarum semper est observandum, ob lapidum commissuras. *Blanchardus* ex duobus arcibus Parabolicis arcus formavit suos, quæ delineandi ratio defectibus non omnino caret. Quod ad obliquitatem fornicum ulterius attinet, in illa plurimum inest differentię. Sæpiissime accidit, ut facies sive pars anterior aut posterior fornicis ad horizontem non sit recta, sed inclinata, in munimentis præsertim, quorum muri semper aliquam acclivitatem habent, ut valli energiam eo melius sustineant. Nec minus usu venit, ut basis fornicis, sive sectio Cylindri per axem, non sit horizontalis, sed inclinata, unde nova varietas. Quantuscunque autem variationum & combinationum numerus existat, res omnis unice reducitur ad varias Cylindri sectiones. E. g. quando pars anterior fornicis non ab uno, sed a duobus planis,

nis, angulum constituentibus, comprehenditur, liquet, duas ibi obtinere ejusdem Cylindri sectiones; exinde in ipso opere difformitas aliqua nasci posset, nisi in seligendo arcu primario, ex quo scilicet reliquorum omnium in quavis delineatione determinatio pendet, circumspectus sit Architectus. Celi Autor in omnibus hisce explicandis, & ad praxin commodissimam certissimamque traducendis, perquam industrius & copiosus est. Nunquam non refellit receptos nimium errores, & tutiora ipsis substituit, Geometria duce utens. Sub finem *Capitis* hujus tradit explicationem methodi universalis, qua olim usus est *Desargues*, qui & eam dudum publici juris peculiari scripto fecit. Autor iste, cum terminorum obscuritatem summam affectaverit, nec fundamenta methodi suæ satis retexerit, adeo parum lucis Tomotechniæ affudisse visus est Architectis, ut a libelli, quem publicavit, lectione deterriti fuerint quamplurimi, methodum hanc repudiandam existimantes. Noster autem in aprico eam collocat, bonamque esse, luculenter demonstrat, explicando terminos insolentes, adeoque libellum ad captum hominum magis accommodando. Quo ipso haud sane ingrata Architecturæ studiosis operam præstitisse dicendus est. *Caput quintum* occupatur circa fornices conicos, qui duplicis sunt generis, prout ex semi-cono integro, vel ex semi-cono truncato, constant. Priores generaliter appellant *Trompes*, posteriores autem *Voutes en Canoniere*. Majores conici fornices non nisi raro executioni dantur. Unicum ejus generis profert Autor, a famigeratissimo *Bernino* Romæ in Vaticano constructum. Frequentissimus vero minorum usus est in plurimis Architecturæ utriusque operibus. Basis conici potest esse circularis, elliptica, vel, si placet, portio curvæ cujuscunque, cujus Tangentes expedite duci possunt. Ut enim proba constructio sit, in conicis perinde ac in cylindricis fornicibus commissuræ lapidum axem conici vel cylindri respicere debent, si basis sit circularis; sin portio aliæ curvæ, ad Tangentes recti sint. Nullum est dubium, quin formari quoque fornices conoidici possint, id est, tales, qui gignantur revolutione parabolæ, hyperbolæ, &c. circa axem. At verendum, ne opifices difficultate deterreantur. Ceterum, quæ in fornicibus cylin-

cylindricis inest varietas, eadem omnino in conicis obtinet, ut adeo plura in eam rem dicere superfedeamus. *Caput sextum* circa Fornices Sphæricos versatur, quorum insignis est usus. Completi sunt, quando integro constant hemisphærio; incompleti, quando segmento minori. Plurimæ in constructione talium fornicum, quantumvis usitatorum, difficultates sese produnt. Superficies sphærica in rectam explicari nequit, ut exinde formari possint lapidum exemplaria (*panneaux*). Præterea duplici superficie sphæricus fornix constat, interiori & exteriori, quæ sunt inæquales, & spatium inter utramque conis truncatis repleri debet, qui differentes induunt facies; nec minus lapidum commissuræ haud leve negotium facessunt, quæ variis modis disponi solent, quorum tres cum recensuisset Autor & explicasset, quartum, in quem ipse incidit, subjungit. Quodsi strata lapidum horizontalia vel verticalia desiderentur, fornix sphæricus construi poterit, formando segmentum sphærae, cui inscribuntur latera lapidis, vel reducendo sphæram in cylindros inscriptos, aut conos truncatos, aut denique Polyedra inscripta circumscriptave. Possunt autem aliæ stratorum dispositiones usu venire, exindeque fornix tribus iterum methodis constitui. Quod ad constructionem fornicum incompletorum attinet, ea fule satis traditur sub finem *Capitis*. *Septimo & octavo* agitur de Fornicibus sphæroidicis, in quibus extruendis plurimum erraverunt Architecti, & qui ea de re scripserunt. Errores recenset Autor, & quantum res patitur, corrigit. Dicimus, quantum res patitur; prorsus enim eos tollere non licet, nisi alia construendi ratione substituta. Dividit fornices hosce in regulares & irregulares. Regulares quidem, qui generantur revolutione Ellipseos circa axem suum majorem; irregulares vero eos, in quibus strata lapidum horizontalia in planum horizontale projecta, efficiunt Ellipses similes & concentricas. Tales enim ex revolutione gigni nequeunt. Vulgaris error est, Ellipses similes & concentricas simul parallelas esse, id quod maxime a veritate abhorret. Lapsum hunc sæpissime observavit Vir Cel. ac emendavit. Quæ methodi in fornice sphærico construendo usum præstare possunt, in sphæroidicis non minus adhiberi queunt. Irregulares, quos etiam Ellipsoidi-

lipsoïdicos vocat Autor, in templis frequentissimi existunt, qui Tholis (vulgo vocant *Cupolas*) ornantur, non exiguo splendoris ac majestatis augmento. Observationes suas de Tholorum figuris exterioribus subnectit Autor; quo facto, inserit solutionem Problematis sequentis, quod huc pertinet, olim a Cel. *de la Hire* in Lectionibus Architectonicis absque demonstratione datam. Invenire scilicet duos axes conjugatos Ellipseos, quæ tale sphæroides generet, ut in data distantia & altitudine visa apparentiam corporis sphærici exhibeat. Ceterum fornices sphæroidici truncati non minus fieri possunt ac sphærici. *Caput nonum* tractationem de Fornicibus annularibus exhibet, quos Gallice vocant *Voutes sur le noyau*. Eorum formatio ita exponi potest, ut concipiatur semicirculus vel semiellipsis verticaliter erecta super curva quacunque in plano horizontali descripta ita moveri, ut centrum ejus semper in perimetro curvæ sit, & diameter ad Tangentem curvæ recta; ea enim ratione una diametri extremitas exteriorem fornices perimetrum, altera vero interiorem, sive nucleum, describet. Constructio eadem ratione, qua sphæricorum fornices, perfici potest, vel per inscriptionem cylindrorum, vel conorum truncatorum. Dantur quoque fornices annulares incompleti, ad imitationem sphæricorum; quibus breviter expositis, ad eos progreditur Autor, qui helicoides, (*berceaux tournans & rampans*) audiunt, quorum generatio ab annularibus in eo duntaxat differt, quod semicirculus genitor, dum revolvitur, juxta helicem aliquam sese attollit, salva interim inclinatione plani sui & diametri, nec non directione versus axem helicis. Dantur quoque tales incompleti, ad analogiam præcedentium. Tandem *Capite decimo*, quod coronidem toti *Volumini* imponit, de iis fornices agitur, quorum superficies sunt irregulares. Ii autem in duas classes distinguuntur. Ad primam pertinent conico-cylindrici, qui utriusque horum solidorum proprietatibus gaudent; ad secundam ii, quorum superficies duplicis est curvaturæ, quales sunt conico-sphærici, sphærico-cylindrici, & sphærico-prismatici. Atque sic quidem de omnibus Fornicum simplicium generibus copiose & luculenter egit Cel. Autor, atque ita egit, ut

non minus doctum sese Geometram, quam eximium Archite-
tectum, præstiterit. In dubium revocat Vir egregius, an plu-
res excogitari Fornicum formæ possint, quæ ab iis, quas ex-
posuit, multum, & quidem intrinsece, differant. *Tertium* igitur Operis *Tomum*, qui de eo, quod in Tomotechnia difficil-
limum est, de Fornicibus nempe compositis, aget, cupide ex-
spectamus, eumque in lucem publicam brevi proditurum, con-
fidimus. Dum vero id fiat, fruamur præsentibus.

AN ENQUIRY INTO THE NATURE AND PRIN-
ciples of the Spaw - Waters, &c.

h. e.

SCRUTINIUM NATURÆ ET PRINCIPIORUM
*Soterii fontis Spadani, cum mechanica explicatione vir-
tutum ejus in diversis morbis. Accedit Disquisitio bre-
vis de natura & facultatibus Thermarum, quæ sunt*
Aquis Capellæ. Autore CAROLO PERRY,
Med. Doct.

Londini, impensis Jacobi, Joannis, & Pauli Knapton, 1734, 8-
Plag. 9.

Chorographia urbis Spa præmittitur, locique salubritas, ob-
montium circumjacentium juga, describitur. Diversi
sunt fontes, ex quibus aquæ salubres hauriuntur: *Pouhon,*
Geronster, Souveniere, Tonnelet, & Wartroz. *Pouhon* fons
princeps est, qui suas aquas Britannis aliisque gentibus trans-
mittit. Ideo volatilitatis majoris particeps dicitur, quod me-
diocri ignis gradu, cum frigidissimus sit, parvaque temporis
mora, ebulliat, & calidissimus fiat. Hinc fons, qui frigidus,
visui gustuique gratus acceptusque erat, nunc, postquam
deferbuit, nauseosus admodum turbidusque habetur. Oleum
vitrioli turbavit aquas, quas tamen vitrioli seu martis jam
participes esse constat, ideo, quod aqua marte jam satis sar-
cta sit, nec plures istarum partium suslinere posset. Ma-
gna aquarum quantitas excocta mediocrem secum quantita-
tem

tem cinamomei coloris reliquit, quas nullius sulphuris participes intellexit Autor, sicut nitri vestigia in aquis excoctis, ne-
tquam autem aluminis rudimenta, quod aliis ita visum fuit,
deprehenfa fuerunt. Ex omnibus una suntis experimentis
infert Autor, Martem, Nitrum, Vitriolum, partemque Salis
acrioris, elementa aquarum istarum salubrium constituere. Oc-
casionem ferri in aquis Spadanis deprehenfi, partim de ferri
effectu in corpore humano, partim de ejus genesi & confi-
stendi modo, plura commentatur Autor. Allegatur *Nestelii*
sententia de aquis Spadanis, qui easdem secundum ideas divi-
nitus concessas, quæ humorum diversis texturis sese accommo-
dare norint, agere arbitratur. Ad normam methodumque me-
chanicam, quam passim laudat, magnos, illam secutos, viros,
præsertim *Freindium*, *Berhaevium*, *Morgagnium*, commendans,
virtutes aquæ ita describit, ut melius quis nequeat, dum omnia
ad numerum, proportionem, figuras, actiones, resistentias supera-
tas, & sic porro, revocat. Allegantur denique magni aquarum ista-
rum in variis morbis effectus. De aquis Capellanis habentur se-
quentia. *Heveschius* calorem thermarum istarum ab alcalino sale
dependere affirmat. *Blondellus* & *Didierius*, sal marinum, alu-
minosum, & nitri una mixtum, inesse, putant; *Franciscus de le*
Boe Sylvius, sal gemmæ vel nitrum subesse, negat. Aliis alia pla-
cet sententia. Sal, ex aquis coctum, neutrum est, prout thermarum
esse solet. Recensentur thermarum virtutes. Calefaciunt
intestina, & motum eorundem peristalticum obfirmant, vermes
eorundemque seminum destruunt, tussi asthmaticæ medentur,
ictero prosunt, rheumatismis opitulantur, præstantissimum
sunt calculosorum remedium. Annectitur aquarum calidarum
urbis Huy, inter Liegani & Namurium sitæ, breve scrutinium,
itidemque aquarum Cheveronensium & Louranæ ejusdem agri
expositio, iisdem, quibus antea factum fuerat, experimentis.
Præsertim problema de fluxu & refluxu aquarum Louranæ,
num æstui & recessui maris non procul distiti sit achronos
vel synchronos, & qua ratione phaenomenon illud exponi de-
beat, sistitur.

EXERCITATIONES MEDICÆ QUATUOR,
I) de Motu vitali, II) de Somno & vigilia, III) de
Fame, IV) de Siti; Autore JOANNE DE GORTER,
Med. D. & Professore Ordinario.

Amstelædani, apud hæredes J. Ratelband, 1737, 4.

Alph. 1 plag. 1½.

Pluribus jam dudum scriptis orbi erudito notus, & in *Actis* nostris aliquoties merita cum laude commemoratus, Cl. *Gorterus*, potiora quædam in corpore nostro phænomena, nondum ex dignitate explicata, denuo sub judicium vocare, suamque de iis mentem his Exercitationibus, quarum modo indicium fecimus, cum eruditis communicare operæ, pretium duxit, e quibus pauca pro more nostro deliberare liceat. *Primam* motui vitali dicavit. Esse nempe in nobis motum, qui neque a mentis imperio dependeat, neque soli structuræ partium mechanicæ obediatur, experientia testatur. Si enim a voluntate penderet, uti motus animalis, interdum remitteret: at hic ad vitæ finem constanti motu perseverat; si a sola structura deducendus esset, non cum ipsa vita exstingueretur, qua cessante, neque elasticitate partium, neque textura organi, neque in fluore conservatis liquoribus, illum refuscitari posse novimus. Maxime conspicua hujus motus vitalis organa in cordis & pulmonum motu videmus. Cor enim per omne vitæ tempus alterne constringi & relaxari constat; quæ actio ab influxu spirituum vitalium per nervos e cerebello ad cor jure derivatur; sed, cum interpolatus sit ejus motus, non solum spirituum influxus, sed etiam pro tempore impeditus transitus, explicandus est. Inter varias sententias, hujus phænomeni gratia expositas, assensum meretur illa, qua, arterias aortam & pulmonalem, tempore constrictionis majore sanguinis copia dilatatas, interpositum nervum comprimere, fluxumque spirituum in cor intercipere, existimatur. At vero hæc explicatio cum in aliis organis, motu vitali agitat, locum non inveniat, & illius tamen leges ubique eadem esse debeant, aliam, magis generalem, assignandam putat, nimirum ipsas fibras contractas spirituum influxum intercipere. In respirationis negotio alterno expli-

explicando non minores occurrerunt difficultates. Et si enim respiratio pro lubitu accelerari aut retardari possit, & sic animali etiam motui pareat; tamen, hoc etiam remittente, solo motu vitali, ut in dormientibus, continuari novimus. Quæ cum potissimum ab actione diaphragmatis pendeat, causa querenda, cur alternis vicibus diaphragma relaxetur, quod putant ob defectum sanguinis, versus cerebellum tempore inspirationis parcius fluentis, hincque turbatum influxum spirituum in diaphragma, fieri. Sed, hanc causam non esse adequatam, inde patere censet Cl. Autor, quod sic omnes partes, motu vitali gaudentes, & a cerebello nervos accipientes, eodem tempore deberent paralyticæ fieri, cum tamen constet, cor ad minimum ter vel quater constringi, tempore, quo semel attrahitur aer. Pluribus difficultatibus laborat illorum assertum, qui ab alterna constrictione duræ meningis hunc motum deducunt, cum neque illius cum cranio cohesio talem admittere motum videatur, neque explicetur, unde hæc membrana alternatim se movendi vim obtineat, & sic æque obscura maneat motus vitalis ratio. Quod si a cerebello causam motus reciproci derivemus, admittendum esset, in principia fibrarum nervosarum in cerebello, ad partes discrepante motu gaudentes deducendarum, alterne majorem vel minorem spirituum copiam derivari; quæ vero causa esset, hos motus diversos dirigens, æque obscurum maneret. Quare nihil aliud restat, quam ut in ipsa organi motu vitali agitati fabrica causa lateat, quæ, licet spiritus a cerebello lento & æquabili motu ad partem derivetur, nihilo minus alternam reddat contractionem & relaxationem. Requisitum hujusmodi organi esse, ut, dum tenditur fibra vitalis motus, sensim ipsa sua tensione vel intumescencia comprimat eam fibram nervi, per quam fluit spiritus, æquabili motu hanc fibram muscularem constringens. In fibris autem muscularibus, motus vitalis instrumentis, observarunt Anatomici, fibras, secundum longitudinem muscoli decurrentes, in medio crassiores esse, atque inter se necti filamentis tenuissimis ad minutissimos usque fasciculos. Et si vero ulterius in abscondita muscoli fabrica detegenda progredi non licuerit, ex concessis tamen colligit, longi-

tudinales simplicissimas arteriis vel cruentis, vel lymphaticis, originem debere, atque intus cavas plenas esse liquoribus, transversales autem esse fibras nervosas, quæ, impletæ suis spiritibus, comprimentes fibras longitudinales, figuram illarum cylindricam mutarent in aliam, ex multis quasi vesiculis constantem. Si jam ab intumescencia harum fibrarum longitudinalium vesiculosa comprimatur nervus, sufficientem spirituum copiam transmittere ad constrictam retinendam fibræ non poterit. Hinc relaxabitur fibra, & libertas iterum concedetur spiritibus, fluendi per fibras nervosas, unde renovabitur fibræ muscularis constrictio, & sic motus vitalis alternus excitabitur. Ab hoc motu vitali transitum humorum per vasa, viscera, & membranas, derivandum esse, fusius ostendit, & plura inde phænomena, in œconomia animali obvia, resolvit. *Secunda Exercitatione* de Somno & vigilia, quæ ad corpus sanum conservandum mutuo se excipere debent, disquirat Cl. Autor. Cum vero in vigilia non solum æquabilis spirituum per nervos sensus & motus fluxus requiritur, sed illos etiam ad motum muscularem præstandum majori copia ad partes ferri, atque ad sensus exercendos organorum nervos largius implere, necesse sit; utrisque diutius continuatis inutiles redduntur spiritus, novaque ex aliis requiritur restitutio. Major enim illorum fit consumptio, quam per circulationem eorundem expectanda est secretio. Ad horum productionem requiri monet partim præparationem humoris, qui materiam spiritibus præbeat, partim ex illo spirituum elaborationem. Materiam gelatinosam, ex qua spiritus in cerebro generari possint, rectius tempore somni elaborari, illorum vero separationem in vigilantibus promptius succedere, tuetur. Cum ergo in vigiliis ob motus auctiores, cum animales, tum vitales, partim auferantur spiritus animales, partim confectio succi gelatini præpediatur, varii effectus in corpore ex illorum defectu oriuntur, solo somno iterum tollendi. Qua occasione contra *Sanctorium*, & qui illum sequuntur, defendit, insensibilem transpirationem in vigilantibus majorem esse, quam in dormientibus. Etsi enim post somnum placidum semper corpus sentiat alacrius & levius, post vigiliæ autem lassum

sum & ponderosum, illam gravitatem non pendere a majore humorum accumulatione, sed a diminutis viribus, existimat, cum, ponderato corpore post vigilias, illud comparative semper levius sit, quam post somnum placidum. Cum subinde quaeratur, an coctio alimentorum juvetur aut prohibeatur in vigiliis, distinguendum putat inter alimentorum mutationem in chylum & digestionem in sanguinem, quæ promoveantur in vigiliis, humoribus solventibus copiosius ad viscera delatis, & actione viscerum chylum elaborantium fortiori; at vero, ulteriorem chyli in succos nutritios conversionem, sola moderata circulatione obtinendam, in vigiliis impediri, somnique tempore commodissime absolvi, statuit. Deficientibus igitur spiritibus, eorumque materia, somni ingruit necessitas, quæ tamen cum a variis subinde causis, in sanitate æque ac morbis, cum insigni virium jactura eludatur, illas pluribus indicat, & noxas inde metuendas ostendit. Somni accurata idea semper formatu difficilis visa est; hanc tamen phaenomenis hominis sani perfecte quiescentis, sine perceptione sensuum internorum, & promptitudine ad motum animale ac sensus externos, contineri censet. In phaenomenis somni recensendis copiose contra illos disputat, qui, motum vitalem in somno auctiorem esse, contendunt, eorumque observationes refellit, non solum motum animale penitus cessare, sed & vitalem remissiorem esse, ac in nervis cerebri æque ac cerebelli spiritus lentissime moveri, pluribus ostendens. Cum, in somnolentis, omnia phaenomena testentur, vel deficere spiritus, vel tam tarde fluere, ut nervi minus impleti vigilias continuare nequeant, somni naturalem causam constituit tardiorem spirituum fluxum per nervos ad sensuum & motus animalis organa, qui cum a variis causis pendere queat, spiritibus vel exhaustis, vel inviscatis, vel interceptis impedito affluxu sanguinis, vel nervo compresso, de causis remotioribus copiose agit, ut pateat, quid boni vel mali præstet somnus, ex variis causis inductus. Effectus somni moderati ad vigorem corporis conservandum insignes pluribus persequitur. Inprimis reparatio materiae spirituum in somno placido optime succedit, quam materiem gelatinosam sanam, nostrorum humo-

humorum actione elaborandam, appellat, cerebri ope in spiritus commutandam; cuius sit sufficiens nata sit copia, evigilare hominem, si vero diutius quiescat, tarda nimis circulatione inviscari hanc materiem, ut inde spiritus promte expediri nequeant, unde gravitas totius corporis, capitis inprimis, oritur, excitata demum validiori circulatione iterum dissipanda. His positis fundamentis, pluribus regulas dieteticas, quamdiu dormiendum sit, an corpore repleto, an inanito, multisne, an paucis, stragulis opertum, an prorsus nudum, somnum capere præstet, qualis decubitus maxime conveniat, proponit, & de somni inquieti ac nimii in corpore effectibus pluribus agit. *Tertia & quarta Exercitatione* de Fame & siti Cl. Autor disquirit. Cum enim corpus nostrum actione vitali quoad solida & fluida perpetuo se ipsum destruat, nutrimento convenienti illam quotidie refarciri jacturam necesse erat, quod triplex potissimum esse censet, aerem, aquam, & cibum, ad quæ appetenda inditus est peculiaris sensus, qui ad ea appetenda nos invitat. Qua occasione fusius ostendit, famem æque ac sitim ad sensus pertinere, & quidem distinctam illorum speciem, neque ad sensum tactus, quod multi fecerunt, simpliciter referri debere, sed in peculiari organo diversa a reliquis ratione excitari. Expositis ac refutatis aliorum de causa famem generante sententiis, putat, illam pendere partim a perceptione defectus chyli in sanguine, partim a dispositione ventriculi ad nova alimenta accipienda & subigenda. Sitis vero causam naturalem censet improporcionatam humiditatis quantitatem ad reliquas humorum partes, dum evacuatio naturalis humidi spissiorein & densiorem reliquerit massam; tales enim humores, ad nervos, sitim percipientes, delatos, in his sensum singularem producere, dum vascula & partes reliquæ firmæ exarescunt, atque bibulæ & constrictæ redduntur. His præmissis, causas, sitim atque famem morbosam inducentes, exponit, & qua ratione operentur, quæ item hos sensus obtundere & corrumpere possint, allegat, quibusve remediis ad naturalem conditionem reduci possint, fusius ostendit, quæ tamen rectius ex ipso Opere cognosci poterunt, quod cum studio perlustrasse neminem pœnitebit.

ELO-

ELOGIUM JOANNIS SALTZMANNI,
Medici celeberrimi.

Et si laudes & merita Celeberrimi *Saltzmanni*, a compluribus, qui ex ejus quondam institutione profecerunt, nunc vero ipsi egregie de arte salutari merentur, grata mente prædicentur, neque scripta, quæ edidit, doctissima famam ejus perire patiantur; nostris tamen Annalibus nomen ejus pariter consecrare, fas & æquum ducimus. Lucem adspexit Argentorati anno Seculi præterlapsi nono & septuagesimo, patre Plur. Reverendo *Balthasare Friderico Saltzmanno*, S. S. Theol. D., matre *Catbarina*, nata *Schmidia*. Univerſa vero gens *Saltzmannia*, dudum a literis nobilissima, multos, cum in sanctiori disciplina, tum in arte medica, conspicuos Viros, omnes de republica Argentoratensi optime meritos, longa annorum serie produxit, quorum de sanguine natus, quorum & exemplis incitatus, ad summa quæque Noster adspiravit. Et si enim congenitus quemque ardor potissimum ad laude digna stimulare debeat, atque, hoc deficiente, heroum quoque filii non raro degeneres inveniantur; illud tamen dissimulari non potest, ad alendos nobiles spiritus, augendosque animos, non parum valere proposita majorum exempla, ipsosque conatus favore gentis bene meriti multum juvari, ut emergere facilius, & in aprium producere insitas ingenii dotes, possint hoc natalium splendore gaudentes viri. Id ipsum *Saltzmanni* fata luculenter testantur. Postquam enim in Gymnasio publico studiorum fundamenta cum laude jecisset, & jam tum, quantum de eodem sibi promittere posset respublica, pluribus speciminibus comprobasset, ad altiora studia in Academia patria prosequenda alacriter progressus, in Philosophorum antea scholis bene præparatus, totum se arti medicæ consecravit, & ex *Sebizii*, *Mappi*, *Scheidii*, atque *Bæcleri*, summorum Virorum, doctrina profecit. Neque illo tempore, quo discipulorum adhuc subselliis inhærebat, prorsus in occulto delitescere potuit, sed in publicum subinde progressus, nunc de *Urinatoribus* & arte urinandi, Præsidente *Sebizio*, nunc de *Sanguine*, dilecto naturæ filio, Præsidente *Scheidio*, nunc de *Sanguine*, degeneri naturæ filio, disputavit, qua ultima

Exercitatione jura Doctoris anno hujus Seculi tertio obtinuit. Inprimis per omne illud tempus in laboribus anatomicis, & perscrutanda corporis fabrica, indefessus fuit; utque tanto magis jacta domi fundamenta confirmaret, Lutetiam Parisiorum se contulit, ubi non solum in Anatomia excolenda, duce Celeb. tunc *du Verneyo*, strenue perrexit, sed *Tournefortium*, *Lemerium*, *Varrignonium*, & *Andrium*, cum fructu audivit; inde, salutata Basilea, nostram quoque Academiam & Halensem invisit. Sub finem vero quinti in hoc Seculo anni patriæ redditus, fructus laborum suorum ad alios quoque redundare voluit. Apertis enim scholis physicis, omnium meruit applausum, unde brevi post locus ei Canonici in Collegio ad D. Thomæ est assignatus, cum, cum aliquando munus Professoris Publici cum laude ornaturum, omnes intelligerent. Quod etiam anno octavo hujus Seculi ex merito obtinuit, sparta Anatomen publice docendi, omnibus bonis congratulantibus, eidem collata, quam Oratione *de imperfecta post tot noviter inventa Anatomia* auspicatus est. In hac vero palæstra, ad quam ornandam natus omnino videbatur, per 23 annos tanta alacritate atque dexteritate versatus est, ut undique ad ejus theatrum advolarent, qui majores in hoc studio progressus optarent, qui, domum quisque suam repetentes, famam ejus in dies celebriorem reddiderunt. Inter nos etiam superstites sunt, qui, multum ejus se doctrinæ debere, grati profitentur. Quin tantus ejus fuit erga hoc studium, quod suis ceteroquin molestiis & tædiis non caret, amor, ut, mutata licet A. 1731 cum Professione Pathologica Anatomen docendi provincia, tamen, successore ejus, Cl. *Nicolai*, post biennium præmatura morte exstincto, postliminio veluti ad eandem reversus, per annum labores Anatomicos iterum administraverit. Non minorem eidem famam conciliarunt elaboratissimæ Dissertationes, per id tempus editæ, pleræque argumenti Anatomici aut Chirurgici, quarum potiores nominasse, non ingratum Lectoribus fore censemus. Prodiere sub ejus nomine *Specimen Anatomie curiose & utilis*; *Theses Anatomica selectiores*; *Encheiresis ductum thoracicum inveniendi*; *de articulationibus Artuum*; *de miraculo nature utero muliebri*;
de

de sanguinis in fœtu circulo; de ætatibus vite humana & mutationibus; de vena porta; de mirabili cranii fractura; de Articulationibus analogis, quæ fracturis ossium superveniunt; de luxatione ossis femoris rariore; de tumoribus quibusdam serosis externis; de aure humana; de dubia spirituum animalium existentia; de ratione observandi medica; de ossificatione præternaturali; de verme naribus excusso; de tumore tunicato membranaceo; de novo membra amputandi modo; Observationum Anatomicarum Decas; de fœtu rupto utero in abdomen prorumpente; de præcipuis partium fœtus ab illis adultorum differentiis; de morte subitanea a sanguine intra pericardium effuso; de utero geminato; de vesicæ urinariæ hernia; de glandula pineali lapidescente; de Podagra; de plurium pedis musculorum defectu. Plures etiam ejusdem Observationes lectu dignæ in Ephemeridibus Academiæ Casaræ Leopoldo-Carolinæ, a qua, ut & Regia Berolinensi, inter Socios receptus est, prostant. Inter hos labores publicos ea etiam munera, quæ in Academiæ ensolumentum a Professoribus obeunda sunt, summa cum laude fideque administravit. Nimirum quater eum Academia patriæ Rectorem, decies septies Decanum, novies Promotorem Doctorum sui ordinis, vidit. In Capitulo Thomano ad Decani usque dignitatem, quam paucis ante obitum mensibus obtinuit, per gradus adscendit. Cum felicibus auspiciis in urbe patriâ sedem fortunarum invenisset, A. 1707 vitæ thorique sociam elegit *Margarctham Salomen*, natam *Zeysothiam*, in quo matrimonio quatuor filiorum, & unius filiæ, parens factus est, quos omnes, præter unicum, vigesima statim septimana mortuum, feliciter adolescere vidit. Omnes boni cum florentissima gente omnino optassent, ut Vir tantis meritis conspicuus diutius superstes fuisset, qui, post aliquot septimanarum morbum, anno præterito, mense Februario, vitam finivit, cum annos 58, cum septem mensibus, atque sex diebus, vivendo complevisset, cujus tamen nomen laudesque grata adhuc celebrabis posteritas.

NOVA LITERARIA.

Augebit proxime, aut potius mirifice locupletabit atque exornabit, rem herbariam, nitidissime hoc tempore efflorescentem, Opus novum, dubia spe diu expectatum, adspectu ipso magnificum, omni ex parte præclarum, nec eorum, quibus, ad hunc diem gloriatur ars Botanica, sive diligentiam Autoris, sive splendidum herbarum apparatus, spectes, ulli secundum *Amboinense* dicimus *Herbarium*, a maximo in arte sua Viro, *Georgio Eberhardo Rumphio*, molestissimis olim itineribus studiose collectum, Belgicoque, ipsi patrio, sermone descriptum, sed, quod edi sine sumtibus prætoriiis ac pæne regalibus vix posset, indignissimis huc usque tenebris sepultum, jam vero, nobili *Joannis Burmanni*, celeberrimi in Batavis doctoris, studio, & liberali Amstelædamensium Societatis Indicæ Rectorum munificentia, in publicam, qua tot eruditorum hominum fruuntur scripta, lucem proxime proditurum. Prodit autem sic inscriptum: *Georgii Everhardi Rumphii, Med. Doct. Hanavenfis, Mercatoris Senioris, & in Amboina Consulis, nomine Plinii Indici celebris, & Membri Illustris Societatis Academia Naturæ Curiosorum Germania, Herbarium Amboinense, plurimas complectens Arborea, Frutices, Herbas, Plantas terrestres & aquaticas, quæ in Amboina & adjacentibus reperiuntur Insulis, accuratissime descriptas, juxta earum formas, cum diversis denominationibus, cultura, usu, ac virtutibus. Quod & insuper exhibet varia Insectorum Animaliumque genera, plurima cum naturalibus eorum figuris depicta. Omnia magno labore ac studio multos per annos collecta, & duodecim conscripta Libris. Nunc primum in lucem edita, inque Latinum versa sermonem, cura & studio Joannis Burmanni, Med. Doct. & in Horto Medico Amstelædamensi Professoris Botanici, qui varia adjecit Synonyma, suasque illustrationes. Cujus instituti ut omnibus herbariarum suavitatum amatoribus ratio constaret, ipsius Operis haud ita pridem Cel. *Burmannus* specimen, Palinam Indicam vinariam secundam, *Saguerum* sive *Gomutum*, exhibens, simulque Literas ad Viros doctos, publicavit, universam Operis edendi rationem explicantes, satisque dignas, quas & nos, ad commendanda hominum doctorum salutaria consilia natura proni,*

proni, in his Annalibus conservemus. Ita vero præstantissimus *Burmamnus*:

Dimidium circiter lapsum est Seculi, ex quo Georgius Everhardus Rumphius splendidum suum de Plantis Opus ex India parte Orientali, Amboina nempe, in Europam, & quidem Amsteladamum, per partes Nobilissimis Societatis Indica Præfectis transmiserit, ea spe & consilio, ut hi cura sua atque autoritate magnificum illud ac sumtuosissimum in lucem emitterent Opus, quod in hunc usque diem ob maximos sumtus, arduosque labores, dilatum fuit. Ne autem diuturnus continuusque summi & indefessi Senis labor (qui vehementes solis aestus aliaque incommoda ad hoc perficiendum Opus adeo perpeffus fuit, ut eo anno, quo Amboinam relinquere ipsi esset animus, tam vehementer cataraëta fuerit afflictus, ut intra trium mensium spatium omnem fere amitteret oculorum usum,) irritus foret, amicorum desideriiis, hujusque studii & libri peritorum votis, impulsus, atque commotus, tandem Amsteladamenses Societatis Indica Rectores & Præfectos supplici rogavi prece, ut mihi ejus copiam facerent, & imprimendi ubique exoptati ac celebris hujus Libri curam mandarent: per quorum generosam, nec satis laudabilem, munificentiam tandem, Deo volente, vitamque mihi largiente, hoc Opus in publicum prodibit, & cuiusvis inservire dabitur. Superfluum puto, multa hic Autoris nostri proferre præconia, cum cuiusvis rei naturalis perito, imo fere tironi, tam per alia ejus præclara, & imprimis de Conchyliis, Opera, quamplurimorum Autorum encomiis, Actorumque publicorum eruditorum testimoniis, ubivis sit notus, quæ omnia citare & enarrare, non hujus est loci. Opus vero ipsum inscribitur Herbarium Amboinense, non quia solius Amboinae describit plantas, sed quia in Amboina est conscriptum & elaboratum. Hujus enim non tantum regionis, sed omnium adjacentium Moluccarum Insularum, Banda, Ternata, & aliarum ad Javam usque, continet & describit plantas: dividiturque in duodecim Libros, quorum quinque priores de arboribus agunt, tam domesticis, quæ fructus nempe, panem, vinum, vestimenta, aliaque ad victum necessaria, præbent, quam quæ aromata etiam suppetunt; hisque simul silvestres adduntur species. Prio-

rum vero quedam ab aliis, præsertimque in Horto Malabarico, sed pauca, sunt descripta; nusquam tamen adeo accurate, atque elaborate, cum earum usu, tam domestico, culinario, vestuario, ac mechanico, quam medico & sæpe etiam mire empirico, tam ab Autore ipso, quam a sagacissimis incolis instituto & detecto: posteriorum vero, silvestrium nempe, rarissima describuntur plantæ, cum nemo æque ipsas penetraverit silvas ac solitudines, atque hic Autor, vel alii, ejus cura & impensis ad hunc sustinendum laborem excitati. Sextus autem Liber omnes complectitur frutices erectos. Septimus procumbentes dabit frutices, longis prorepentes surculis vel flagellis, ac alias sese circa arbores volventes. Tres subsequentes Libri cunctas exhibent herbas, octavus nempe plantas hortenses, nonus vero convolvulaceas, decimus & undecimus sylvestres detegit herbas. Duodecimus peculiare describit lithophytorum marinorum genus, quæque mixtam ex lignea & lapidea massa habent naturam, Corallia vulgo vocata. Plantarum vero nomina aliquando septem, imo sæpius decem, diversis populorum linguis, plurima vero tribus quatuorve denominationibus sunt notata, Latina nempe, Belgica, Malaccensi, Amboinenti, Ternateni, Bandea, Macasserenti, Baleya, & Javana, imo quedam Arabica & Sineni, & ut ibi convenit, Portugallica & Indostana. Cujusque etiam generis varia & detecta recensentur ac describuntur species, & si quæ sint, etiam varietates; dein locus ac solum, quod amant, cultura, anni tempus, quo flores suos proferunt, ac fructus maturescunt: quæque cum omnibus etiam subtilissimis partibus accuratissime sunt notata, vires insuper superius notatæ, quam luculentissime singulo populo usitatæ, recensentur. Quæ omnia ut evidentissime cuivis appareant, pro specimine caput quoddam, Palmæ describens viniferæ speciem, subjunxi, ut cuique constaret, quo modo, quave methodo, singulæ plantæ ab Autore nostro fuerint examinatæ atque descriptæ. Omnibus insuper capitibus descriptæ plantæ vivæ Icon accuratissima fuit junctæ, ut descriptionis melior species, ac plenaria Lectori redundaret notitia: cujus & Iconem aliquam addidi, sancta fide Lectores, harumque deliciarum aestimatores, certiores faciens, reliquas figuras

guras aequae accuratas, imo saepe magis expressas, in hoc contineri Opere: quas omnes, ne Opus hoc mutiletur, editioni nostrae inferemus. Antea autem constitueram, ob sumtus illas omittere figuras, quae in Horto Malabarico, vel apud alios, licet paucos, occurrebant Autores; cum vero repererim, plurimas variare, imo omnes plantas, licet re vera ut eadem, ratione loci ac soli differre; nec cuiusvis lectori aut ad manum esse illos libros, qui saepe laudantur, aut ex re esse, pretiosissimum emere Hortum Malabaricum, aliosve sumtuosissimos libros; ac hisce destitutum lectorem, si non simul post plantae descriptionem videat ejus Iconem, rudem sane atque incertam sibi formare ejus figuram & speciem, qui defectus ne Operi huic inesset, per subjunctas suppleri unice potest tabulas; hinc singulis capitibus suam subnectere constitui figuram. Quod licet pretium hujus Libri aliqua ex parte augeat, non erit tamen tanti, ut hanc ob rem mutilatus ac defectu laborans prodeat liber. Cum vero ingentes ad splendidum & magnificum hoc Opus nitide imprimendum, figurasque aeri artificiose & accurate insculpendas, requirantur sumtus; arduum sane foret & fere damnosum ob necessarias statim impensas, Bibliopolis, qui Operis curam susceperunt, solis sustinendas. Hinc, ut illorum justis subvenirem petitionibus ac votis, subscriptione, ut vocant, hunc Librum in lucem emittere decrevi: cui si elegantiarum harum fautores & aestimatores benigne assentiant, suaque benevola subscriptione sumtus hosce sublevent, erit, quo cito, splendide, ac magnifice, hoc absolvi poterit Opus, mihi quoque de suscepto gratuler, quem ipsi impendo, labore & opera. Uique omni inservire posset populo seu nationi, in Latinam convertere incepti linguam, primumque jam absolvi Tomum, adjectis plantarum synonymis, meisque illustrationibus. Hoc autem Opus, quam utile, jucundum, exoptatumque, sit futurum, ad plurimas non tantum illustrandas ab aliis descriptas plantas, sed quod innumeras simul detegit & exhibet plantas in hunc usque diem penitus incognitas, quodque & aliam Historiae naturalis simul suppetit partem, ut, quod saepe describit insectum singulis arboribus vel plantis proprium, altave in vel sub arboribus nidulantia animalia, judicent illi, qui alia Auctoris hujus attento lustrarunt oculo scripta, vel qui

aquo

æquo animo subjunctum perpendant descriptæ plantæ specimen,
 ita, ut magno encomio hoc Opus Lectori prædicare inutile sit. Va-
 le, fave, promove. Subscriptionis conditiones sunt subsequentes:
 Totum Opus ex sex constabit Voluminibus in folio, ea forma, li-
 tera, ac papyro, seu charta, impressum, ac publicatum a no-
 bis exhibet specimen, excepto, quod nova erit litera, quæ hoc
 ad Opus formabitur. Continebit 500 juxta computationem cir-
 citer integras chartas literis impressas, quarum singula vale-
 bit uno, ut dicunt, stuvero, quod in totum constat florenis 25.
 Tabula 370 æri incise, quarum singula tribus valebit stuveris,
 valent floren. 55 st. 10; Autorum effigies, titulus, aliaque insignia,
 seu ornamenta, floren. 3 st. 10. Conjuncta hæc valent flor. 84.
 Subscriptores vero solvent tantum floren. 80. Subscriptionis tem-
 pore solventur floreni 26. Peracta primæ secundæque Operis Par-
 tis impressione, cum traditione solventur floreni 25, post tertiæ ac
 quartæ Partis impressionem floreni 25, finita tertiæ ac quartæ
 Parte floreni 10. Quædam itidem exemplaria magna imprimen-
 tur forma, sed non plura, quam subscribentium sit numerus.
 Subscriptionis initio solventur floreni 30, cum prima secunda-
 que Operis Pars tradetur, floreni 37 st. 10, cum tertiæ ac
 quartæ pars sit absoluta, floreni 37 st. 10, post duarum ul-
 timarum Partium impressionem ac traditionem floreni 15.
 Post subscriptionem Exemplaria minori forma impressa haud
 minus vendentur, quam 100, & majori forma non minus, quam
 150 florenis, si supersint exemplaria, cum non plura quingen-
 tis imprimentur, nisi subscribentium copia illum excederet nu-
 merum. Si vero Opus ipsum plures paucioresve contineat char-
 tas vel tabulas, plus minusve pecuniæ addent vel subtrahent
 subscriptores. Subscriptionis tempus prolongabitur ad ultimum
 Octobris A. 1739, hancque suscipient primarii Bibliopola non
 tantum in Hollandia, sed totam per Europam. Totum vero
 Opus absolutum erit, atque subscriptoribus usui dabitur, intra
 trium annorum spatium post peractam subscriptionem: bini
 nempe primi Tomi post annum, sub finem scilicet Octobris
 A. 1740: tertius ac quartus ultimo Octobris A. 1741: quintus &
 sextus demum post annum. Subscribentium nomina & nu-
 merus primæ Operis Parti præfigentur.

NOVA ACTA ERUDITORUM,

publicata Lipsiæ

Calendis Septembris Anno MDCCXXXIX.

Pars II.

CEREMONIES ET COUTUMES RELIGIEUSES DE
tous les Peuples du Monde, &c.

h. e.

RITUS SACRI OMNIUM TOTIUS ORBIS GEN-
tium, repræsentati Figuris splendidis, in æs incis, ma-
nu BERNARDI PICARDI. Accesserunt harum Fi-
gurarum explicatio historica, & Dissertationes
aliquot lectu dignæ.

Tomus III.

Amstelodami, apud Jo. Frid. Bernardum, 1733, fol. max.

Alph. 4 plag. 8, Fig. æn. 19.

Merito Latinæ Græcam Autor Ecclesiam subjungit, quæ
pari certe, nisi majore, cum illa decertat antiquitate, tanto-
que olim splendore enituit, ut vix umbram referre nostris
temporibus videatur illius dignitatis, qua se sub Imperatoribus
Constantinopolitanis extulit. Tribus Dissertationibus ea absol-
vuntur, quæ Græcam fidem spectant. In fine enim adjectos
esse Protestantium ritus, ut justa moles constaret Volumini,
infra videbimus. *Dissertatione prima* historiam Schismatis
occidentalis & orientalis Ecclesiæ e libro *Maimbourgi*, data
opera id exponente, & *Fleurii* Historia Ecclesiastica, exsequitur.

Originem mali quærit in *Photto*, quem ita depingit, ut non virum egregiis meritis in utrasque literas insignem, non Præsullem amplissimi coetus, non hominem, sed diram quandam bestiam, sed venenatam viperam, sed monstrum, quo pejus terra non aluit, intelligas. Nemo scilicet illo tempore, aut postea, Græcorum exstitit, qui, qua *Photius*, ea magni animi constantia, virtute, ac doctrina, surgentes Romæ cristas represserit, frendentemque livore ac rabie eluserit superbiam. Describit præterea Autor tentatam sæpius a Græcis Imperatoribus, sed nunquam confectam, utriusque partis conciliationem. Novimus, A. 1112 *Alexium* cum *Pascale II*, A. 1249 *Vatacem*, Imperatorem Nicænum, & *Manuelem Caritopulum*, Patriarcham, cum *Innocentio IV*, huiusque legato, *Jo. Parmensi*, Generali Ordinis Minoritarum, (quem Autorem credunt *Æterni Evangelii*,) A. 1261 & subsequens *Michaelem Paleologum* & *Jo. Veccum* cum *Urbano IV* & *Clemente IV*, A. 1351 *Jo. Cantacuzenum* cum *Clemente VI* & *Innocentio VI*, & A. 1439 *Cantacuzeni* successorem, *Joannem VI*, nec minus *Joannem VIII*, *Paleologos*, cum *Eugenio* in Conciliis Basileensi ac Florentino id fuisse operis molitos. Sed coire nunquam poterant animi, acerrimis utrinque distracti diffidiis, cum Græci tutelam vindictamque in hostes deslagitarent, Latini contra fidei fœderisque sociis imperare ceu mancipiis, ac communem rem versare pro arbitrio, quod solebant in Occidente, cuperent. Norant Pontifices, irridente undique Tatarorum, Turcarum, ac Saracenorum, vi labascentes jam ac tremiscentes Græcæ Dynastiæ columnas brevi succissum ac eversum iri. Norant quoque scitis artibus Græcos eludere ac frustrari vana spe submittendi auxilii, cum malis patriis oppressi in Italiam confugerent, & ad Vaticani numinis pedes prostrati fidem pollicerentur. Accedebat, quod Latini Græcos vexare & contumeliis afficere nunquam dubitarent. Non obscurum est, quanta temeritate *Humbertus* Cardinalis A. 1054 cum aliis S. *Sophiæ* templum ingressus, *Michaelem Cerularium* sacrorum societate ejecerit, cum peculiari libro *Leoni IX* Pontifici panis azymi usum & jejunia Sabbathica exprobrasset. Constat, quam insolenter A. 1097 Constantinopoleos confiniis insultarint Cruciani milites.

tes. Novimus, quam impie, quam crudeliter, Latini A. 1185 in Thessalonicenses fuerint grassati. Fieri itaque aliter non poterat, quam ut animi, metu infracti sopitique, (eo præsertim Seculo, quo Latini Reges Constantinopolin tenebant,) interdum resumerent spiritus, gliscentesque sub cineribus ignes, vel levissima adspirante aura, erumperent. Latinos A. 1182 sub *Alexio Comneno* ingenti numero cæsos affirmant Annales, qui, in civitatem recepti a *Manuele*, arroganter despectos pro more Græcos afflixerunt. Legimus etiam, paulo ante captam a *Morade* Constantinopolin dixisse Græcos: se malle dominantem videre Turcarum tiaram, quam insulam Latini Cardinalis. Radices tam altas egit odium, tot Sæculorum decursu, tot acceptis injuriis, tot editis documentis Christianæ in Christianos perfidiæ, ut, coemptis licet mutui consensus buccinatoribus plurimis, institutis etiam Seminariis, deleri prorsus ad hunc diem non potuerit. Sed ad alia. Pag. 25 faciem & conditionem Ecclesiæ Græcæ describere Autor aggreditur, duasque e *Simonio* notitias affert, quarum unam, secum communicatam a *Nilo Doxopatrio*, primus exhibuit *Allatius* in *Conf. Eccl. Occ. & Or. Lib. I Cap. 24*, alteram *Thomas Smith*, Anglus, in libello egregio *de Græcæ Ecclesiæ hodierno statu* suppeditavit. Ita autem per totum Opus partes suas agit Autor, ut *Richardi Simonii* integrum librum, *de fide & ritibus Orientalium*, in partes scilicet concisum, inserat, illustret ex aliis, quæ luce indigent, suppleat omissa, & mori suo accommodet, quo dogmata primum, deinde ceremonias, solet exponere. Pag. 29 locus *Simonii* legitur, quo e fide Patricii cujusdam Veneti, *Cauci* puta, Missionarii Apostolici, & Archiepiscopi tandem Corcyrani, tredecim theses recensentur, quibus Græci a norma Tridentini Concilii recedunt. Historia *Cauci* illius *de Græcorum recentiorum hæresibus* in Bibliotheca Regia Parisiensi asservatur inedita, quam, cum *Allatius* nec honeste factis, nec fideliter, impugnasset, *Simonius* vindicandam ab injuriis judicavit. Magnis quoque motibus diu fuit disceptatum, quid Græci de transubstantiatione sentiant. Necesse ergo fuit, ut non *Simonium* tantum in scenam produceret, qui Protestantes,

Pag. 73.

præsertim *Tb. Smithiam*, admodum cautos & dubios hac in re, convelleret, sed & amplissimis suis notis ostenderet, multâ nos affinxisse Græcis, ut nostrum simillimi viderentur. Nec minoris erat momenti, definire *pag. 59*, num Eucharistiam isti homines adorent. Ad sua compilanda Autor *Christophoro Angelo, Ricauto, la Croixio, Haberto, Dandino, Aimonio, Arnauldo, Claudio*, præter citatos, usus est. *Aimonium* tamen non adeo magni factum a Nostro fuisse, ut pluribus locis, ita *pag. 29*, apparet, ubi illum falsarium appellat. *Ge. Feblavium*, *Angeli* interpretem, *pag. 34* citat, eo addito encomio, ut hominem contentiosum dicat, loquacem, inconditum. *Covelum*, Anglum, quem semel tantum nominat, e Diariis literariis tantum cognosse videtur. *Heineccium* nostrum, ignarus sine dubio linguæ Germanicæ, neglexit. *Dissertatione secunda* ritus sacros complectitur. Patriarcharum electionem, tot tricis implicitam, tot infamem nequitias, tot difficilem largitionibus, tot meticulosam periculis, e *Ricauto* audire, fuerat operæ pretium. Commemorat quoque, qui sint horum reditus, qui ministrorum ordo, quæ munia, synodi, liturgiæ, homiliæ, preces, missæ, communio Laicorum, & quæ sunt alia, his affinia. Quibus mysteriis templorum ponantur fundamenta, quæ sint Græcorum, quæ Turcarum, quæ Arabum, Talismanes seu *τελέσματα*, quæ *ἀντιμήνοια*, seu aræ portatiles, quæ jejunia, qui festi dies, secundum mensium ordinem recenset. *Pag. 113* Sacramenta enumerat, ubi omnia occurrunt, quæ Baptismum, sacram Cœnam, confirmationem, excommunicationem, protractionem e sepulchris, ejectionem dæmonum, *ἐυχέλαιον*, seu oleum sacrum, connubium, funeralia, ministrorum munerumque sacrorum institutionem, Monachorum statuta, eorumque imprimis vivendi morem, qui celebratissimum montem Athos tenent, aliaque, quoquo possunt modo attingere. In fine addit, quæ habebat de superstitiosis quibusdam Græcorum ritibus monenda, quo pertinent oraculum illud Archipelagi non ignotum, urna scilicet Amorgos, sacer ignis, qui pridie Paschatos cœlo delabitur, aves, quæ per magnam hebdomadem in tractu Hierosolymitano obmutescunt, lapilli albi circa Bethlem, qui, lacte B.

Vir-

Virginis prognati, lacte implent, siccas mulieres, terra Nilotica, quæ proximo ante Paschatos festum die (observatis prisca Calendarii temporibus,) evomere inortuos, exactoque triduo rursus absorbere dicitur. *Tertia Dissertatio* non tam de Pag. 147. Græcis ipsis, quam eorum sectis & propaginibus, commentatur, quas multas in Africa & Asia deprehendi novimus. Primi sunt Melchitæ, quos excipiunt *pag. 149* Georgiani, e fide *Tourneforti, Zampi, & P. Archangeli Lamberti in Relatione de Mingrelia.* Sequuntur *pag. 162* Nestoriani, e *Petro Stroza, Bruni Liturgiis, Brerewoodo, Bessono, Kirchero, & Renaudoto*, de quo id notetur, verba *pag. 168* nota *b* Lectorem ablegare ad *pag. 228 seq.* ubi occurrere dicuntur *Renaudoti* Dissertationes quædam de *duabus antiquis Indorum & Chinarum relationibus.* Sed, consilium fuisse mutatum, judicamus; loco enim allegato tale quidquam non deprehendas. Trahunt illi *pag. 171* Christianos S. Thomæ seu Indos, e *la Croze*; quorum vestigiis *pag. 185* Jacobitæ inhaerent. His *pag. 187* adjunguntur Coptæ ex ore *Wanslebbii & Luca* in *Itin. Ægypti.* *Pag. 197* Abyssini seu Æthiopes occurrunt, e *Grandi* in *P. Lobi Itinera* Dissertationibus recensiti; in quibus majorem scilicet vim doctrinarum mireris, quam in *Ludolfi* Latinis Commentariis. E *Galani & Monier* testimoniis Armeni habentur *pag. 210.* Quæ de Maronitis disliceret *pag. 232*, suppeditarunt *Assemanni, la Rocque, Dandini.* *Pag. 242* Nasserii, Kelbitæ, Christiani S. Joannis, Drusi, ac Kurdi, (non tam Christiani furculi, quam miscella horum ac Muhammedanorum colluvies,) leguntur e *Char-dino, Hyde, Thevenot, & Herbeloto.* Adjungere quædam voluit Autor de Abrahamitis, quos nuperum aliquod Græciæ & Ægypti Itinerarium commemoravit. Sed, cum ita illos ille descripserit, quisquis est, homo, ut a Batavorum Anglorumque consuetudine proxime abesse viderentur; Autori suspecta aliquantum illius fides fuit, ut non nisi breviter notis illa inferere voluerit. Ne tandem aut pios *Simonii* manes irritaret, aut offenderet æquitatem, quæ integra servare, non truncare, jubet doctorum hominum scripta, ultimum modo dicti *Simoniani* libri

Caput nequaquam negligendum duxit *pag.* 250, quamvis, cum de Muhammedanis agat, ultimo *Tomo* fuisset reservandum. *Simonius* Russos neglexit, hinc e *Perry Statu Russia* designatos illos *pag.* 258 videmus.

Pars secunda tertii hujus *Tomi* circa Christianos versatur, qui communi Protestantium nomine, vel speciali Evangelicorum aut Reformatorum, definiuntur. Quos illis nominibus notet Autor, cuique facile intellectu erit. Sunt Lutherani, Reformati, Angli, quorum illos duos priores hoc *Tomo* exhibet, hos vero cum aliis *quarto* destinavit. *Prima Dissertatio pag.* 277 ortum ac progressum Lutheranismi depingit, ductu Cl. *Maichelii*, in quibus tamen satis observes, quæ sit Autoris de fide nostra sententia, cum nonnulla in notis afferat, quæ *Lutheri* famæ detrahare possunt, neque ea tamen, quæ par erat, æquitate excuset, aut diluat. *Secunda Dissertatio pag.* 312 Albigensum & Waldensium, priscorum pariter ac recentiorum, mores exsequitur, ex *Legero, Gilles, Bossueto*. *Tertia* Fratres Bohemos describit *pag.* 325 e *Comenio* & *l'Enfant*. *Quarta* in Lutheranorum speciales ceremonias digreditur *pag.* 335. *Quinta pag.* 380 ultimo loco Calvinianorum ritus exponit.

JACOBI GRETSERI, SOCIETATIS JESU
Theologi, Opera omnia, antebac ab ipsomet Autore accurate recognita, Opusculis multis, Notis, & Paralipomenis pluribus, propriis locis in hac editione insertis, aucta & illustrata, nunc selecto ordine in certos titulos revocata.

Tomus VII & VIII.

Ratisbonæ, sumptibus Jo. Conradi Peez, & Felicis Bader, 1736 & 1737, fol.

Tomus VII Alph. 10 plag. 17, Tomus VIII Alph. 11.

Diu deliberavimus, num fas sit nobis dicere de scriptis ejus hominis, quo non atrocior *Lutherus* olim noster, & quicun-

quicumque ab eo nomen ducimus, hostem habuimus, cujus & ferocia cum tanto divinarum veritatum contemptu conjuncta fuit, ut abolenda potius, quam conservanda, tam indigni capitis memoria videatur. Sane enim, quo longius extenditur hæc Operum *Gretseri* collectio, hoc magis effœta, in quam conjiciamur, maledictorum & conviciorum latrina est, a qua, nemo est hoc tempore tam adversus rebus nostris, qui non oculos naresque removendos putet. Tandem muneris, in quo versamur, rationem expedientes, & rei judicantes interesse literarum, librorum, quicumque exstant, omnium, a Troe Rutilove scripti sint, notitiam suppeditari, haud difficile a nobis impetravimus, ut homini, quantumvis immerenti, locum hic concederemus, imprimis cum inter recte sentientes satis jam de turpitudine dictorum factorumque blateronis Ingolstadiensis constet, penes ceteros vero parum habiturum momenti silentium nostrum videatur. Docemus igitur Lectores nostros, satis ex voto procedere Typographis Ratisbonensibus magnæ Collectionis hujus, ad amplificanda regni Pontificii pomœria susceptæ, negotium, sexque illis *Voluminibus*, de quibus jam olim in his *Actis* dictum est, quatuor jam alia prioribus non mole tantum, sed externo etiam splendore, prorsus sumillima, accessisse. Horum singulis quid libellorum insit, summam breviterque dicemus. Commodum in eo ordinem tenuit, quicumque colligendi operam suscepit, quod ad unum quasi caput revocavit, & eodem *Volumine* conjunxit, quicquid scriptorum convenire aut scribendi ratione, aut ipso argumento, videbatur. Inscriptus est igitur *Tomus septimus Romanorum Pontificum Defensio*, quippe quo scripta continentur, ad id composita, ut summx Pontificis Romani in rebus Ecclesiasticis potestati novum robur ac præsidium daretur. Horum primum est: *Βασιλικὸν δῶρον, sive Commentarius exegeticus in Sereniss. M. Britannia Regis Jacobi Præstationem monitoriam, & in Apologiam pro Juramento fidelitatis, Apologiæ pro Juramento fidelitatis, a M. Britannia Rege, Jacobo, editæ, oppositus, & Ingolstadii A. 1610 primum vulgatus. Capita*, quibus Autor institutum suum exequitur, numero

XVIII sunt, quorum prioribus *quatuor*, *fidem*, quam Rex *Jacobus* profitetur, nec *esse vere Christianam*, nec *Catholicam*, nec *Apostolicam*, nec *primitivæ Ecclesiæ*, aut *Martyrum*, sanguine *firmatam*, probare conatur. Inde *Capite quinto* ad exempla Regum & Principum respondet; *sexto* id agit, ut, in iurjurando, quod *Jacobus* civibus suis Pontificiis proposuit, contineri vere Christianæ, Catholicæ, & Apostolicæ, fidei ejurationem & abnegationem, doceat; *septimo* in originem hujus iurjurandi inquit, & sententiam, qua nulla unquam prodiit monstrosior, propugnat, *Reges hereticos a summo Pontifice posse excommunicari & deponi*; *octavo* judicem agit quæstionis, utrum Rex *Jacobus* sit superior Pontifice, vel eidem saltem par; *nono* primatum summi Pontificis extollit & defendit; *decimo* & sequentibus, usque ad *decimum quintum*, ad confutandam Regis *de Antichristo* Disputationem progreditur, & de *duobus testibus ex Cap. II Apocalypscos*, de *persona Antichristi*, de *quatuor versionibus Apocalypcticis*, de *bonis ecclesiasticis*, & *immunitate ecclesiastica*, denique de *electione Regum*, copiose agit; *decimo sexto*, falli in eo *Jacobum*, quod neminem in Anglia religionis & conscientiæ causa interfectum dixerit, variis exemplis ostendere laborat; *decimo septimo* de *lectione Scripturarum* agit; *decimo octavo*, quod ultimum est, nihil valere tela illa, quibus Brevia Apostolica, & Card. Bellarmini Epistolam ad Archipresbyterum Angliæ, oppugnaverit *Jacobus*, audacter pronuntiat. Librum hunc sequitur *Mystra Salmuriensis*, seu *Mysterium iniquitatis*, editum quidem a Philippo Mornayo, Plessiaci Domino, nunc autem a Jacobo Gretsero, Societatis Jesu Theologo, revelatum, & dilucide explicatum. Id olim Ingolstadii A. 1614 prodierat. Amplissima ei præmissa sunt *Prolegomena*, meritis contumeliis, ut solent *Gretseri* omnia, referta. Nam *dedicatoriam* *Mornai* Epistolam ad *Jacobum*, *M. Britannicæ Regem*, & ad *Catholicos* Præfationem, *seditiosam*, & *publicæ pacis turbatricem*, Præfationem vero ad *Regem stultitiarum plenissimam*, vocat, fidem ejus, & cui se addixerat, ecclesiam, execratur ac detestatur, sententiam de Antichristo fraudis & imposturæ postulat, Scripturæ testimoniis utendi rationem per-

verfissi-

versissimam pronuntiat, & quæ sunt alia calumniarum monstra, nemini nisi cum fastidio & sacro quodam horrore spectanda. Opus ipsum *Capita* habet LXXVII, de quibus si unum id dixerimus, ita hic summorum Pontificum, a *Victore* inde Martyre ad *Leonem* usque X, laudes celebrari, ut, quæcunque his objecerat *Morneus*, ad calumnias & fabulas rejiciantur, tantum dixisse, quantum satis est, putabimur. Inde locum dedit Editor *Considerationum de Controversia inter S. D. N. Paulum V, Pontif. Max. & Rempublicam Venetam Libris tribus*. Satis est notum, quæ A. 1602 & sequentibus controversiæ intercesserint Senatum Venetum & Pontificem M. *Paulum V*, illo supremam sibi in rebus ecclesiasticis potestatem vindicante, & bona Clericorum suæ jurisdictioni adstringente, hoc vero ad Superos inferosque inauditum facinus deferente, & ad fulmen suum, tanquam ad sacram anchoram, confugiente. Neutri parti patroni defuerunt ac defensores sui. Nominat *Gretserus* Scriptores 67, quorum 38 pro Pontifice, ceteri 29 pro Senatu Veneto, pugnarunt. Ipse, quod facile credas, a partibus Pontificis stetit, ceteris omnibus, si non fortior, animosior tamen clamoriorque, defensor. Legitur jam *Responsum ad Theses* Ægidii Hunnii, *Prædicantis Wittenbergensis*, de *Colloquio cum Pontificibus incundo*, A. 1602 editum, in quo non pauca de proxima *Disputatione Ratisbonensi*, deque *Controversiarum norma & iudice*. Huic accesserunt *Digressiones sex adversus ejusdem Hunnii calumnias*, quas effudit partim in *Relatione sua de Colloquio Ratisbonensi*, partim in *Notationibus ad Epistolam Anonymi*. Præmissa est de modo, quo *Hæretici S. Scripturam citant*, Præfatio. In *Responsò*, Scripturam esse unicam omnium controversiarum normam, *Gretserus* negat, pro Conciliorum & summorum Pontificum autoritate acriter pugnans. *Digressionum* prima est de *Latrone cum Christo crucifixò*; altera docet, quo remedio peccatum originis deletum sit in infantibus sub lege natura, & in sæmellis post institutam circumcisionem, itemque in masculis ante octavum diem defunctis; tertia de *Aaronis lapsu*, factoque *Uriæ Pontificis*; quarta de *fermento Phariseorum*; quinta & sexta de *Judice controversiarum*, agit.

Ejusdem argumenti est, quod sequitur, *Antimonium pro deliro quodam Medico*, qui nominis sui oblitus se *Basilius de Varna* nominat, deliranti eo sine per distinctas doses porrectum, ut, expurgato cerebro, cum alia, tum etiam hoc, discat, quanam sit controversiarum norma, & quis iudex. Discas vel ex rubro humanitatem & modestiam hominis, & quam paratum ei, cum in aciem processit, ad dicta jocularia ingenium fuerit. Nec minus ineptus est in subsequente hanc, edita A. 1705, opella: *Bavius & Mavius*, ille, ut delirus *Alchymista*, antimonio, hic, tanquam inspiens predicans, *belleboro nigro*, curatus, ut tandem, expurgato cerebro, intelligant, quis sit controversiarum fidei iudex, & quæ norma. Accessit portiuncula quadam *bellebori* pro male sano capite cujusdam *Padotribæ Wittebergen-sis*, & *Lithi Miseni, Calvinistæ*. Claudīt hunc *Tomum Palamon*, sive *Judicium super controversia de Norma et normato inter Rudolphum Goclenium, Philosophiæ Professorem Marpurgicum, & Bavium, Tubaro-Rotenburgensem Arsenicarium*, propter *Jacobum Gretserum exorta*. Arbitrum hic agit inter duos, nostris sacris addictos, viros doctos, de norma & normato disceptantes, talem quidem, qualem expectabant omnes. Nam, cum facere cum ipso non una ex parte videretur *Goclenius*, non poterat non vicissim huic æquiores se, quam *Bavio*, præbere.

Tomus octavus & nonus scripta, quæcunque spectant ad defensionem librorum *Bellarmini*, continent, inscripti ideo: *Defensio Operum Bellarmini*. Horum lectione pascat, per nos licet, ingenium suum, quisquis rudein & vix a sordidissima plebe auditam unquam verborum amat insolentiam, & conviciis delectatur non sale, sed aceto, tinctis, & tanquam ab una sororum infernalium dictatis. A nobis, cum titulos acceperis, nihil præterea expectes. Dicemus jam de *Tomo octavo*, *nonum* proxime addituri. Primum in *Tomo VIII* locum occupat *Controversiarum Roberti Bellarmini, S. R. E. Cardinalis amplissimi, defensio*; *Tomus primus de verbo Dei, adversus Witackerum, Junium, Danzum, Sibrandum, Hunnium, aliosque sectarios*. *Tomo hoc priori Controversiarum*
Bel-

Bellarmini *Libri quatuor* defenduntur. Scripta, quæ hic impugnanda sumus Gretserus, hæc sunt: Wilh. Witackeri *de Verbo Dei scripto & tradito Disputatio*; Sibrandi Lubberti *de Ecclesia Liber*; Lamberti Danzei *primus & secundus Tomus Operum Bellarmini refutatus*; Franc. Junii *Animadversiones in controversias Bellarmini*, & ejusdem argumenti liber *Ægid. Hunnii*. Accessere *Defensioni Libri primi Controversiarum Bellarmini Appendices quatuor*, prima *adversus Joannem Pappum, Prædicantem Lutheranum Argentoratensem*, altera *contra Rullum, Calvinistam Basileensem*, tertia *contra novellum quendam Prædicantem Lutheranum*, quarta *de vanitate & impudentia extrema Sibrandi Lubberti, Calvinistæ*. Alterius *Libri Defensioni* adjunxit Autor *Tractatum de novis Hæreticorum translationibus Biblicis*, quæ *insulse, insipide, profane, omni spiritu destitutæ, & ideo fugiendæ*, dicuntur; præterea *Appendices duas*, quarum prima *in Savobrandum Lubbertum, Calvinistam*, altera *adversus patellarios quosdam Prædicantes, Gripum, Lawinganum, Labracem Wittebergensem, Mortopum Mortualem, & similes, arma stringit*. *Libri tertii Defensioni* addidit Gretserus *Appendices duas*, alteram *contra Rullum Basileensem, & Pareum Heidelbergensem, Calvinistæ sectatores*, alteram *contra Gripum Lawinganum, Labracem Wittebergensem, & Mortonum Anglicanum, directam*. *Libri quarti Defensionem* comitatur *Tractatus de Questione, unde scis, Scripturam cum generatim, tum speciatim hanc vel illam ejus partem, canonica autoritate constare? adversus Pareum, Rullum, Pappum, aliosque Calvinianos & Lutheranos Prædicantes, illustrissimi Cardinalis Bellarmini calumniatores*; tumque alius *Tractatus de Questione, unde scis, hunc vel illum esse sincerum & legitimum Scriptura sensum? quem excipit Examen secundæ Disputationis Pappicæ, de S. Scriptura versionibus, & de ejusdem necessitate*. Finem huic Tomo imponit libellus, ita inscriptus: *Trophæum Pappicum constat quinquaginta axiomatis, quorum pleraque sunt mendacia: quibus post verba D. Augustini subjunguntur semper alia mendacia, ut principium respondeat fini.*

VIE DE L' EMPEREUR JULIEN, &c.

h. e.

VITA IMPERATORIS JULIANI, CUM DUABUS Tabulis Geographicis, ad intelligenda eventa inibi enarrata.

Partes II.

Amstelodami, typis Francisci Honorati, 1735, 8.

P. I plag. 8, P. II plag. 9.

Autor hujus Commentationis, adhuc incognitus, *Tomum I Libris III*, totidemque *Tomum II*, sexque adeo *Libris* universum Opus, distinxit. Ipse, *Juliani Opera* editurus, hoc præmissio opere vianæ Præfationis loco sibi ut pararet, studuit. *Cunæus* in Præfatione ad *Satyras de Cæsaribus Julianum* ex professo defendit, quas *Spanhemius* in sermonem Gallicum transtulit, ac docto exornavit Commentario. *Leunclavius* in *Apologia pro Zosimo*, nec non *Gothofredus Arnoldus*, malis patrociniis, bonos notans, *Hæresiologie Lib. IV Cap. I pag. 132*, eundem callem insisterunt. In omnia alia ivit *Petavius* in *Præfatione* ad *Opus Imperatorum Juliani*, nec non *Rupertus* in *Observationibus ad Synopsin Besoldi pag. 436 seq.* *Philippus Heroaldus* scripsit *Julianum Imperatorem Philosophum* *Pisis A. 1641, 4*, recensum in *Meuschenii Viris summorum Virorum Tom. II pag. 65 seq.* *Observator Halensis* studuit eis, quæ *Sozomenus* de *Juliano* memorizæ prodidit, fidem detrectare *Tom. I Obs. XXII §. 1 pag. 376*, negans, *Julianum* a religione Christiana descivisse, quam quippe nunquam fuerit amplexus, *Tom. III Obs. IX*. Cui opposuit *M. Joannes Joachimus Weidnerus Rostochii A. 1703* per modum *Dissertationis Julianum ex Historicis genuinis vere Apostatam*. Præter scripta *Juliani Ammianus, Zosimus, Zonaras, Libanius, Theodoretus, & Sozomenus*, hic solent consuli. Opera *Juliani Ezechiel Spanhemius A. 1696 Lipsiæ* curavit pulchre edenda. *Apostasiam Juliani Autor* *Cl.* in dubium haud revocat, credens, vitam ejus esse complexum virtutum perquam eminentium, defectibus nævisque insignem, ac male conformatum, liqui-

liquidem nec religio, nec ratio, actionibus ejus præfederit, sed vanitas & ostentatio. Historici duobus sese immerferunt præcipitiis, de *Juliano* commentati. Alii enim panegyrico sermone eum extulerunt, alii eum accusationibus continuis fœdarunt. Hos inter medius incedit Autor, cujus Librum in compendium sumus redacturi. Ipse in expeditionibus *Juliani* militaribus delineandis non est multus, id potissimum respiciens, ut characteres animi vitæque ejus exponat, quem putat fuisse hominem, non magnum, sed singularem. Tanto gloriæ æstu flagrat *Julianus*, ut ad eam non trahi, sed fanatico furore rapi, videretur. Notabilibus sese subtrahit vitiis, delectatus subtilibus, quæ amor sui immodicus non nisi in aliis observat. Genealogiam ejus ita instruxit Autor:

Pag. 2.

3 seq.

Eutropius, uxor Claudia

Constantius Chlorus, ux. 2 Theodora

Julianus Constantius, ux. 1) Galla, 2) Basilina,
filia præfecti Juliani, Christo addicti, cito mortua.

I.	I.	I.	2.
Filia, nupta Constantio Imp.	Filius.	Gallus, Cæsar A. 351, ux. Constantina, Constantii foror.	Flavius Claudius Julianus, natus A. 331 d. 6 Decembr. † A. 363 d. 26 Jun. ux. Helena.

Quod *Juliano* sincerus erga Christianam religionem amor haud fuerit instillatus, id ex variis rationibus deducit ipse. Inprimis *Mardonius*, eunuchus & Scythæ; qui mores illius formavit, *Homerum* ac Philosophiam ei potius ingessit, quam Christi doctrinas. Ingenium inerat *Juliano* vivax, indoles prompta, & memoria prodigiola. Latine loqui & scribere norat; Græcam linguam callebat; Musicam magni æstimabat. In Macello, archiepiscopus Cappadociæ, Christiana religione fuit diligenter imbutus, ac ipse cum fratre Gallo Nicomediæ in Ecclesia publice egit Lectorem. Cum vero magis ad doctrinam Christi cogeretur, quam duceretur, fastidire eam cœpit, homo quippe ingenii liberioris.

6 seq.

11.

Y yy 3

Gallum

- Pag. 13. *Gallum Constantius* appellavit Cæsarem A. 351 d. 15 Martii, elocata ei in matrimonium sorore sua *Constantina*. *Gallus* itaque cum *Juliano* ivit Constantinopolin. *Julianus* in disciplinam Christiano Sophistæ, *Ecebolo*, traditus, minarum sensit impedimenta, ne *Libanio* auscultaret, cujus nihilo minus scripta clanculum legit. Controversiæ Christianorum de Trinitate, *Constantii* ardor in Arianismo defendendo, amor scriptorum veterum, mens admodum scientiarum cupida, *Julianum* a Christiana religione reddere alienum valebant. Adde, quod plerique Grammatici, Poetæ, Sophistæ, & Philosophi, paucissimis exceptis, simulacrorum cultui erant adhuc addicti, qui fabulis stolidissimis sensus reconditos, physicos, morales, & theologicos, adjungebant. Platonici eam fingendi artem jam tentarunt, ut absurda popularium dogmata emollirent. Sed expositiones eorum mysticæ destituebantur omni fide historica, nec quemquam reddebant meliorem. Platonici, qui *Juliani* ætate flore-
24. bant, Orientalium emblemata adfuerant suæ Philosophiæ instar centonum. *Ædesius*, princeps Platoniorum, discipulus ac successor *Jamblichi*, Pergami, urbe Mysiæ, agebat. Ejus fama allexit *Julianum*, ut in senis hujus decrepiti colloquium veniret, ac ab eo reciperet consilium, audiendi discipulos *Ædesii*, *Eusebium* & *Chrysanthum*, qui ex composito alter alterius gloriæ serviebant. *Maximus* vero, Ephesi Sophista, oculis ac voce adeo ad sese traxit *Julianum*, ut ipse, perhibente *Libanio*, oraculo hoc novo impulsus, instar leonis omnia, quibus adhuc religioni Christianæ erat adstrictus, vincula rumpere. Quo facto, *Julianus* mysteriis Platoniorum theurgicis, præeuntibus *Maximo* & *Chrysanto*, fuit initiatus, ac *Maximus* ei imperium prædixit. Hæc ejus fuit *apostasia*, quam tamen studiose dissimulavit, siquidem ad cutem usque capitis tonsus, vitam coluit monasticam, ac explevit munia Lectoris in Ecclesia Nicomedienfi. Inter hæc *Constantius Gallum*, *Juliani* fratrem, quasi rebus novis studentem, perire jussit. *Julianum* ni Imperatrix *Eusebie* texisset, aulicorum delationes etiam ipsum morti addixissent, cui cum jam reddiderant vicinum. *Julianum Constantius* paullo post Cæsarem appellavit. Atque hoc est
- primi

primi Libri argumentum. Fuimus copiosi, ut naturam apostasie exponeremus, tantis obseptam difficultatibus. *Libro secundo* Cæsar's novi exercitationes, expeditiones, obsidiones, & victoriæ bellicæ, enarrantur. *Juliani* de bello Gallico Commentarios interiisse, dolemus, opus tam insignis Historici. Adversus Gallos, Salios, Alamannos, & Germanos, insignis illius emicuit virtus, qui in egenos misericordiam, in oppressos clementiam, in omnes æquitatem, ostendit. A militibus ipse proclamatus fuit Imperator A. 360 ineunte vere, cum tertium esset Consul. *Constantius* hæc tulit ægerrime, sed mutare haud valuit. *Libro tertio* Autor id ipsum copiosius exposuit, studiose ammonens, *Julianum* huc usque sese Christianæ religioni addictum simulasse. Uxore *Helena* mortua, *Julianus* creditur inviolata castitate enituisse, nec venereum quidquam agitasse. Sed falso. Ipse enim, sibi spurios fuisse, non abnuvit. Cum arma in *Constantium* sumeret, bellumque aggrediretur intestinum, publice professus est idololatriam. *Gregorius Nazianzenus*, *Constantium* a *Juliano* fuisse veneno sublatum, tradidit, quam narrationem Autor ostendit esse penitus vero absimilem. Reducere cœpit *Julianus* religionis idololatricæ speciem, sed non aperta violentia, usus potius astutæ & artificii occultis, quorum expositione admodum pragmatica concluditur *Tomus primus*, ejusque *Liber tertius*. *Liber quartus* a Calendis Januarii A. 362 procedit, ac a sacris inchoatur Calendarum, in quibus *Mamertinus* in *Juliani* honorem publice dixit panegyricum. *Maximus*, qui *Julianum* ad Græcam Philosophiam amplectendam, & a religione Christiana discedendum, sollicitaverat, in aulam vocatus superbe egit, a *Valente* postea in vincula conjectus, liberatus tandem, ad ultimum capitis supplicio plexus interiit. Epistolæ *Juliani* ad *S. Basilium*, & hujus ad illum, datæ, suppositionis nota laborant. Non vacat, persecutionis momenta, quam *Julianus* Christianis intentavit, repetere, egregie hic exposita & deducta. Divi & Serendivi, qui ex India ad *Julianum* miserunt Legatos, iudice nostro Autore, fuerunt incolæ Insularum Divi & Ceylan, quarum posteriorem Arabes vocant *Serandib*. Justitiam de cetero *Julianus* exercuit æquali temperamento, urbium privilegia

Pag. 68.

97 seq.

104 seq.

109.

116.

124 seq.

136 seq.

154.

160.

198.

- legia & flōrem inſtauravit, delatores fecit parvi, patronis cauſarum dedit multum licentiæ, munimenta reparavit, copias firmas inſtruxit, terroremque nominis ſui ad barbaros uſque diſjunctiſſimos tranſmiſit. Bellum vero in Perſas ſuſcepit, magis vana gloria impuſſus, quam ſolida ratione. Iter ejus per Aſiam, Syriam, ac porro, conſectum, Autor, diligentia non vulgari adhibita, egregie exponit, ac eleganter exequitur.
- 220 ſeq. Eventuum futurorum ſeries ex extis *Julianus* noſcendi cupidus, dicitur homines enecuiſſe, quōd Autor in medio relinquit. Chriſtiani Antiocheni certe ſævitiā *Juliani*, philoſophicā moderationem alioquin affectantis, ſenſerunt haud mediocrem,
- 228 ſeq. nec obſcura ibi erat Dei, Chriſtianos tegentis, gloria. Nec minus inſignis emicabat veritatis divinx honor, cum *Juliani* conſilium, templo Hieroſolymitano in gratiam Judæorum reedificando intenti, ignis eludeſet. De expeditione ejus Perſica ac fatali nihil addimus, id unice adjungentes, Autorem erudite ac ſolide proſtraviſſe famam illam vulgarem, qua permulti perhibent, *Julianum*, mortifero jaculo ictum, exceptum ſanguinem verſus cælum projeciſſe, ac exclamaſſe: *Viciſti tandem, Galilæe*. Tria *Juliani* capita, ex numis rarioribus deſumta, libro ſunt præfixa. De cetero ingenuè fatemur, Autorem tam ſolide, tamque venuſte & pragmatice, vitam *Juliani* pinxiſſe, ut operis glorioſi ac pulchri ipſum nec pœnitere, nec pudere, queat unquam, tantum abeſt, ut ratio ullā ſit reliqua, cur nomen ſuum debeat diſſimulare. Eſt ipſe quidem Pariſienſis, ac Pontificiæ religioni addictus, ſiquidem Apoſtolicis ſeculis doctrinam, ſacrificio incruento faventem, tribuit; ita tamen ſeſe in deſcribendo *Juliano* geſſit, ut nec veritati per partium ſtudia nocuerit, nec fidei Chriſtianæ per laudes nonnullas in *Julianum* collatas detraxerit.

TRAITE' DU VRAI MERITE DE L' HOMME, &c.

h. e.

TRACTATIO DE VERO MERITO HOMINIS,
conſiderati ſecundum ſingulas ætates & conditiones.

Acce-

Accedunt principia educationis recte instituendæ, adolescentibus ad virtutem formandis accommodata, Autore LE MAITRE DE CLAVILLE, Thesaurario Franciæ Rothomagi. Editio altera, revisa, correctæ, & ab Autore aucta.

Parisiis, sumptibus Salgranii (Saugrain), 1736, 8.

Alph. I.

Facetum & jocosum est libri exordium, licet in hac editione paulisper immutatum. Tractatio ipsa est de re seria ac minus jocosa sic instituta, ut ad conversationis honestæ ac virtutis commercia excolenda nullus facile liber amœniorem aperiat aditum. Educationis principia libro non sunt subjuncta, sed per librum omnem disseminata. Ipse Autor Illustris *mores ridendo castigat*, ac, dum adolescentes ad virtutem adducere studet, stilum adhibuit, retinendis teneris mentibus attemperatum. Quo fine interstrepunt subinde versus Gallici venustiores sermonem pedestrem, inprimis ex *Horatio* desumpti, quem summi æstimat. Historiam inprimis excoli legique vult ab eis, qui honeste & cum gloria meritorum florere cupiunt. Ipse credit, Deum inde ex ultimis temporibus Romam voluisse efficere Hierosolymam doctrinæ Christianæ ac sedem suæ religionis primariam. Exprobrat deinde conterraneis suis neglectum, quo feruntur erga reliquas Europæ linguas. Addit egregie: *Germanis profundam eruditionem denegare non possumus. Si ipsorum lingua paulo est difficilior, necessitas eo est major, non solum ob orbis Christiani caput inter Germanos commorans, sed etiam ob varias Principum Germaniæ potentiorum aulas, in quas Rex Galliarum nonnunquam Legatos dimittit.* Nobilibus ac genere excelso editis viris ex favore quodam natali attribuit sanguinem puriorem ac limpidiorem, quocum judicii lumen purius, quantum ad facultatem attinet, soleat esse conjunctum. Virtutem ac veri meriti naturam pro rebus eisdem reputat, quarum fons & scaturigo sit studium sapientiæ. Virtus, ipso judice, est exercitium vivendi secundum æquitatem, fortitudinem, & sapientiam. Galli discernunt *homme galant* & *galant*

Pag. 5.

20.

23.

25.

27.

38.

51.

57.

- Pag. 63. *galant homme*. Prior est nugivendus, amoris studiosus, & ardelio; posterior est limatus homo & expolitus, cujus destinationes sunt certæ & jucundæ, cui sunt dotes nativæ & adscitæ, quibus navi insunt nulli. Autor Illustris, postquam ea, quæ ad hominem meritis gravem attinent, delineavit, nulli parcit operæ, ut adolescentes a vitiis revocet, & ad virtutes amplectendas invitet, quem in finem momenta ingenii suavis, docilis, modesti, taciturni, exponit. *Caput III* lectioni recte instituendæ est proprium, quam non exigit continuam vel prægravatam, sed ad bene vivendum, recreandum, & conservandum, accommodatam. Poetica lectionis commendat opera *Boilavii*, *Molierii*, *Cornelii*, *Cervarii*, *Abbatis Regnerii*, illustris *foeminae des Houlleres*, *Quinalti*, *Pavillonii*, ac *Fontanii*. Oratores suadet legendos *Flechiærum*, Sermones R. P. *Cheminis*, *Telenmachum Fencelonii*, opera *Fontenellii*. Versus, quos *Cornelius* ætate media scripsit, imitationem respuunt, reliqui sunt vix medioeris pulchritudine. *Boilavii* poemata senilia sapiunt ætatem imbecilem & decrepitam. *Capite quarto* agit Cl. Autor de utilitate feligendi ac adhibendi voluptates, de lusu, de differentia inter lutores, de venatione, saltatione, spectaculis, musica, mensa, de cura valetudinis, deambulatione, refugio opportuno, ac de commercio cum foeminis honeste instituendo. *Capite V* disserit de excellentia voluptatum animi ac mentis præ voluptatibus corporis, de justitia, grati animi officio, ac generosa animi indole. *Capite VI* pertractat cautiones, iniquitati hominum, avaritiæ, & immoderatæ cupiditati, opponendas. Addit certi vitæ generis delectum necessarium, parallelismum seu comparisonem inter eloquentiam & fortitudinem instituit, luxum dissuadet, animi constantiam, intrepidumque ejus robur, celebrat.
341. *Capite VII* disserit de matrimonio, modisque eo feliciter utendi, de conjugio secundo, officiis parentum & liberorum mutuis, de officio patrum familias educandis liberis proprio, de testamentis, de fortuna familiarum conjunctarum prospera, de officio erga vicinum, quemvis alium, & amicos, de amicitia. Ad ultimum exponit *Capite octavo* officia moralia, de tempore recte locando, de excellentia religionis catholicæ, de observan-

tia erga honoratiores, de favore, de ira & vindicta, de maledicendi studio & calumnia, de gulæ studio, de hyprocrisi, de lectione sacrorum librorum, de Protestantibus, de bonis operibus ac eleemosynis, de precibus, verbo Dei, Missa, & observantia Sacerdotibus Clericisque exhibenda, de meditatione, de miseriis ac dignitate hominis, de fastu & impietate, ac de morte citra pavorem expectanda. Sed quid de Protestantibus disserit? Dabimus ejus verba Latine reddita: *Deploremus illos, qui improspere nos dereliquerunt. Amisimus homines excellentes, quorum ardor pietati infusus ac eruditio religioni Christiana potuissent insigni esse ornameto, ac quorum vis haud fuit tanta, ut novitatibus, quæ Europam diviserunt inde a Seculis duobus, resistere valuerint. Abadius, cujus nomen est ipsa eloquentia, qui tantum poterat, qui tantum ardoris susceperat pro causa communi, quique excellentiam religionis Christiana tam præclare habuerat cognitam, nobis fuit elapsus. Addit plura, quæ ponuntur, non comprobantur, nec ad arcem causæ ipsius pertinent. Deprecantur Protestantes novitatem dogmatum, iplis vulgo tribui solitam, detestantur ea, quæ oraculis Dei sunt adversa, & eandem Synboli Apostolici, Nicæni, Constantinopolitani, Ephesini, ac Chalcedonensis, fidem tenent. Si qua de interpretatione locorum difficiliorum, & de modis adminiculorum gratiæ, inter ipsos est varietas, ea non est tanta, quantum Patres sancti & orthodoxi per singula Secula, ac inprimis Ordinum monasticorum sectæ, Scotistarum, Thomistarum, Jansenistarum, & aliorum, familiæ, amplectuntur.*

Page 477

Zusammentrag der Stadt Nürnberg erteilten Freyheiten, &c.

h. e.

HISTORIA NORIMBERGENSIS DIPLOMATICA, Prodroma instructa, ac in tres Partes divisa, nec non Annotationibus referta, ad illustrandam Historiam mediæ ævi, & inprimis Reformationem Noricam.

Lzz z

Norim-

Norimbergæ, apud Jo. Andr. Endteri hæredes, 1738, fol.
Præf. Alph. 4 plag. 4, P. I Alph. 3 plag. 9, P. II Alph. 5 | plag. 7,
P. III Alph. 3 plag. 1.

- I**n Præfatione Autor instituti sui, ut moris esse solet, reddit rationem, simulque, si veritati quædam in hoc Opere deprehendantur contraria, pro non scriptis habiturum declarat, ac colligendi Acta publica necessitatem & utilitatem generatim commendat. Sequitur Prodromus, sive introductio in Historiam Noribergensem Diplomaticam, quasdam continens animadversiones in Privilegium, a *Friderico II* Imp. Noribergensibus A. 1219 concessum. Hujus autem Prodromi initium facit hoc ipsum Privilegium, figura ænea in fronte exornatum. Illud excipiunt animadversiones, quarum præmonita, ut vocare solet Autor, X inclusa *Sectionibus*, primo loco comparent. Horum *Sectio I*, quæ de eo privilegio generatim, & circa illius introitum & subscriptiones speciatim, notari merentur, persequitur. Ostendit e. g. in *Wagenseilii* Commentatione de Noriberga Cap. XXVII sub annum 1209 illud locari, & in *Limnei* Jur. publ. Lib. VII Cap. 3, *Goldasti* Constit. Imper. Tom. I pag. 291, *Knipschildii* Tract. de Juribus & privilegiis Civitatum imperialium Lib. III Cap. 38 n. 56, & *Lunigii* Archivi Imper. Vol. XIV pag. 85, deprehendi quidem, sed ex parte manuum ac mutilum. In annotatione adjecta prima Autor copiose de Imperatorum veterum sigillis, nec non aquilæ bicipitis signo, ejusque origine, disserit. Iphis Observationibus insertæ leguntur *Henrici VII*, *Ludovici IV*, & *Caroli IV*, confirmationes illius privilegii Norici. Generatim adeo multa in his annotationibus deprehenduntur, quæ forsitan nemo hic quæsierit, vel divinando etiam facile quæret, ut ea ne in compendio quidem commode fisci queant. Ita verbi causa e *Zschackwitzii* notitia mercaturæ omnem præne mercaturæ Germanorum historiam Autor dedit. Quid? quod neque porro Statuum Imperii notitiam, & civilem Germaniæ originem, & quæ super *Wittichindi* sede, ubi *Henrici* Saxonis de urbibus instituta exponit, a Juris publici Doctoribus, magno numero excitatis, & a *Zschackwitzio* potissimum, disputari solent,

lent, prætermisit. Hac quippe via ipsi incedendum fuit, ut tantæ molis opus conscriberet. *Sectio*, quæ sequitur, *secunda* privilegii, de quo diximus, argumentum exponit, ac rationibus sat validis comprobat, esse illud fundamentum omnium reliquorum privilegiorum Noricorum. Ex illa autem tantum adduxisse sufficiat, Autorem sub ejus imprimis initium, in causas, quæ Noribergenses impulerint, ut id ab Imperatore peterent privilegium, cum tamen eo jam tempore immediate imperio subjecti fuerint, quis porro sensus verborum, *quilibet ejusdem loci civis*, & quæ vocis *Advocatus* genuina sit indoles; inquire. *Sectio III* exhibet argumenta, quæ comprobant, Noribergam inter civitates imperiales debere referri antiquissimas; ubi quidem Autor ostendit: 1) Noribergam ante *Caroli M.* tempora jam conditam, ibique partim repetita, quæ in notis ad Cod. Statut. dicta sunt, partim fufius explicata, deprehenduntur; 2) Noribergam *Henrici I* ævo civitatis jura vel obtinuisse, vel jamjam habuisse; 3) Noribergam *Henrici IV & V*, nec non *Lotharii II*, ætate infelicissimam obsidionem & excidium pæne perpeffam; ac 4) *Friderici II* tamen tempore ita rursus floruisse, ut Imperator ille eam civitatem carissimam sibi nominaverit. *Sectio IV* monstrare debet, Noribergam semper tractum terrarum peculiarem, Cæsari & Imperio immediate subjectum, sub se continuiffe. Quem in finem tres statuit periodos Autor: primam a *Carolo M.* ad *Fridericum II*, secundam a *Friderico II* ad *Carolum IV*, & tertiam denique a *Carolo IV* ad nostra usque tempora. *Sectio V* Advocatiæ Noricæ (*Land-Vogtey*) antiquæ naturam & indolem describit, Advocatorum imperialium conditionem generatim, & Noribergensium speciatim, horumque historiam & singularia jura, explicans. *Sectio VI* de Burgwardiis (*Burg-Hütten*) & feudis castrenfibus, quæ olim ad castrum imperiale Noricum pertinere, agit, & quæ 1) generatim hic notanda occurrunt, nec non 2) Burgwardiorum Noricorum rationem, eorumque 3) jura, persequitur, feudorum pariter, & imprimis eorum, quæ a castris nomen accepere, originem indolemque sistit. Quæ sequitur *Sectio VII*, summation omnia documenta, in hac Historia

Sect. II

pag. 38-67.

39 seq.

40-43.

Sect. III

pag. 67-128.

68-87.

87-94.

94-107.

107-128.

Sect. IV

pag. 128-151.

Sect. V

pag. 151-163.

Sect. VI

pag. 163-177.

Sect. VII

diplo.

- Pag. 177-238. diplomatica collecta, & quæ illustrationi privilegii Norici, A. 1219 concessi, ejusque penitiori cognitioni, & veræ territorii Norici rationis dijudicationi inservire possunt, prout illius inscriptio docet, enumerat, eorum argumenta exponit, & notis illustrat copiosissimis. Sed hic nihil tamen aliud Autor agit, nisi ut, præmissa tractatione generaliori, doctrinæ de territoriorum clausorum & non clausorum in Germania indole sequentia expendat momenta: I) Noribergam ante, nec non ipsius *Friderici II* Imp. & post ejus ævum, territorium clausum ignorasse; quod assertum inde probat, quod jam A. 1219 ea civitas juribus mox enarrandis gavisa sit, quæ id, de quo sæpe diximus, privilegium tantum confirmarent. Immediatam putæ erga Imperium qualitatem, & plenam immunitatem ab omni advocatia, jus porro monetæ, telonii, mercatus, immunitatem a jure feudali, judiciis provinciali & duellico, & quæ sunt
- 181-192. alia XII numero adducta. II) Noribergam ab A. 1273 ad 1427 pariter territorio clauso fuisse destitutam, idque locis nonnullis,
- 191-217. ex publicis Actis excerptis, probare Autor annititur. III) Noribergam ab A. 1427 ad 1587 territorii clausi naturam non induisse, suamque hic sententiam Autor firmam reddere allaborat ex venditione jurium *Friderici*, Burggravi Norici, civitati facta, & quidem 1) ex ejus occasione, 2) Cæsaris consensu & confirmatione, 3) venditione ipsa, 4) desuper confectis documentis, 5) venditis, & 6) reservatis juribus. IV) Noribergam & totam Franconiam omni tempore territorium clausum abhorruisse, & adhuc abhorrere, idque evincere studet Autor antiquorum Ducum & Comitum hujus terræ indole, & quod districtus non a Comitum nominibus, ut alibi, sed a limitibus suis, signati fuerint, ac aliis denique ejusmodi argumentis, quæ non adeo firmo semper talo stare solent. Sectio VIII
- pag. 238-258. verba privilegii: *Item, quicquid aliquis Noribergensis ibidem delinquat, pro quo delicto puniendus esset, in persona aut rebus, si satisfecerit Sculteto nostro, nulli amplius respondere debet de hoc delicto, & gratiam nostram percipiet*, explicat, simulque ostendit, quis eo ævo magistratus & jurisdictionis criminalis (*der Fraiſſlichen Obrigkeit*) status fuerit. Docet nimirum

rum Autor hoc loco 1) nexum cum superioribus articulis, & quæ hic veluti sint præsupponenda, 2) exponit judicem, 3) locum judicii, 4) reos, 5) delicta, ac denique 6) horum pœnas.

Sectio IX huc usque (scilicet in omnibus antecedentibus *VIII Sectionibus*) deductorum cum aliis scriptis harmoniam, si ita dicere fas est, ostendit, vel ostendere debet. Hoc enim ut probet Autor, sequentia momenta affert & explicat, ac fusc quidem satis: I) in *Gylmanni* & *Tilemanni* scriptis statum controversiæ & causæ (nimirum civitatis Noricæ cum Sereniss. Marchionibus Brandenburgicis lineæ Franconicæ) nec integrè adductum, nec accurate tractatum, tam quoad formalia, quam materialia; II) dictos scriptores præcipuè & antiquissima Noribergensia documenta vel prorsus omittere, vel falsa & a veritate aliena ratione citare; e. g. eos tot vicibus laudatum privilegium, Noribergæ A. 1219 datum, plane ignorare; & in investitura prima Burggravi Norici de A. 1273 & 1282 plura se reperisse credit Autor, e. g. Advocati officium (*Schultheissen-Amt*) Burggraviatui subordinatum fuisse, de quibus tamen ibidem ne hilum quidem reperitur, ubi simul Autor in adjecta nota quam amplissima varios scriptorum recentiorum modos explicandi dicta monumenta de A. 1273 & 1281 persequitur; III) loca indicat, ex quibus, ut asserit, patet, excitatos scriptores contra jura & constitutiones Imperii generales scripsisse. In quo quidem momento: Autor fundamenta jurium Burggravium Noricorum contra civitatem, & hujus contra illos, summatim indicat, expendit, & quæ sunt pro civitate, fuscus explicat, priora, Sereniss. scilicet Marchionum, ubique refutans, simulque catalogum proscriptionum ex agro Noribergensi, ex antiquo libello, *Aschl-Büchlein* dicto, ab A. 1308 ad 1359, & longam seriem casuum jurisdictionis criminalis, a civitate Noricæ in agro Noribergensi ad nostrum usque ævum exercitæ, asserit. IV) Exponit ea, quæ tot vicibus memorati scriptores contra Historiæ antiquæ & novæ fidem protulerunt, e. g. Burggravium Noribergæ in causis criminalibus judicasse. V) Enumerat loca, quæ testari ex mente Autoris debent, illos Scriptores documentis ab utraque parte in lucem editis adversari. Ita ab illis adduci

Sect. IX

pag.

258-314.

260-262.

266-270.

270-291.

271.

278 seq.

279-286.

291-295.

291.

295-297.

296.

vissimam continuationem relationis, seu notitiæ *Mullerianæ* ad nostra usque tempora, ac summam libri, Ratisbonæ A. 1665 in lucem editi, *de numis monetarum in Imperio nostro*, apponit, simulque Prodromum claudit, addita pariter, ut in fronte, figura ænea. Prodromum excipit *Diplomaticæ Noricæ Historiæ Pars vel Periodus I*, continens 116 documenta, ad annum usque 1347, seu initium imperii *Caroli IV*. Periodi seu *Partis* hujus initium denuo exornat figura ænea. Inter Documenta autem primo comparet *Copy eines alten Pergamenen Salbüchleins, worinnen verzeichnet ist, was zu der Reichs-Vesten zu Nürnberg vor Jaren gehörig gewesen, und woraus zugleich erbellet, das zu und um Nurmberg ebenhin eine Kayserliche und Reichs-Landvogtey angeordnet sich befunden, das seind die Guter, die zu dem Reich gehörend auf die Burg zu Nurmberg*. In adjectis annotationibus Autor de *Præfectis provincialibus* generatim agit, in tempus conscripti hujus Documenti inquit, & loca ibidem contenta fuscè describit. *Diplomatum hujus Partis* agmen claudit num. 116, vi cuius *Conradus ab Asche*, judex provincialis Noricus, *Albertum*, Episcopum Eychstadensem, ab intentata contra eum actione absolvit. Sequitur *Pars vel Periodus II* *Historiæ Diplomaticæ Noricæ*, sistens Acta publica ab A. 1347, *Caroli* scilicet *IV* imperio, ad tempora usque *Caroli V*. Sub initium statim rursus conspiciere licet figuram æneam. Documentorum autem primum est num. 317 in ordine, *Caroli* scilicet *IV* confirmatio omnium privilegiorum & immunitatum, Noribergæ a suis antecessoribus Imperatoribus & Regibus Romanorum collatis, de A. 1347. In annotationibus Autor, quæ sub regimine *Caroli IV* & *Wenceslai* filii notatu inprimis digna, tam intuitu totius Imperii, quam Noribergæ, acciderunt, persequitur, & potissimum, quot vicibus *Carolus IV* & *Wenceslaus* Noribergam venerint, fuscè exponit. Periodum claudit num. 323 summa sententiæ, A. 1518 inter *Fritzen, Koler, Cunzen, Humbser, & Hansen*, rusticos *de Elltersdorff*, & *Hansen Sauern* ac *Barbaram Staudacherin*, latæ, quam Autor annotationibus destitutam reliquit. Huic Periodo adjecta est Appendix, indicis veluti loco, summam indicans, quæ in Prodromo, nec non

Pars I.

Pag. 1 - 7.

7 - 22.

Pars II.

Pag.
315 seq.

316 - 323.

318 - 323.
783 seq.

785-800.

- Pars III.** I & II Periodo hujus Historiæ, dicta sunt. Quæ autem hanc excipit Periodus vel *Pars III* Historiæ Diplomaticæ civitatis Noricæ, Documenta a *Caroli V* imperio ad nostrum usque ævum comprehendit, in fronte pariter atque in fine figura ænea, ut in usu esse solet, exornata. Documentorum quasi exercitum ducit *num. 324* in ordine Charta *Caroli V*, qua omnia ab antecessoribus suis Noribergensi civitati concessa jura & immunitates confirmat, de A. 1520. Annotationes seriem de religionis negotio & reformatione in politicis ecclesiasticis, intuitu totius Imperii ab A. 1517, Noribergæ autem ab A. 1431, & ratione utriusque ad A. 1650, ductu relationum quarundam MStarum, ob oculos ponunt, amplissimis instructam notis, in quibus, quæ in modo citatis relationibus MStis breviter dicta sunt, fusius deducuntur. Postremum vero in hac Historia Diplomatica occupat locum *num. 471* confirmatio præsentis Imperatoris *Caroli VI* privilegii divi *Leopoldi*, senatui Noribergensi A. 1697 de usu tituli *Edel* concessi, in qua simul tribus supremis Præfectis (*Obrist-Hauptleuten*) titulus Consiliariorum Cæsaris actu talium, cum juribus huic annexis, gratiosissime confertur, de A. 1721. Operi finem imponit Index, pro libri mole, brevitate pæne laborans. Sicuti autem in vasto illo Annotationum ad Codicem Statutarium Noribergensem Opere, ita & hic, plurima deprehendere licet, a scopo profus aliena, haud pauca quoque vulgaria, levia, & parum accurate dicta, ut adeo vel solo multa congerendi studio sese commendare Autor iste videatur. Nec genus dicendi denique ita comparatum est, ut ad præsentis Seculi palatum esse queat.
- Pag. 803 seq.**
- 806-877.**
- 1071-1076.**

GOTTFRIDI MASCOVII, D. NOTITIA JURIS
 & Judiciorum Brunsvico-Luneburgicorum. Accessit
 Notitia Juris Osnabrugensis & Hildesienfis, ad
 usum Auditorum.

Gottingæ, apud Abramum van den Hoeck, Academix typographum, 1738, 8.

Alph. 1 plag. 14.

Læto serenoque vultu res Jctorum publica tollit eruditum hunc Musæ *Moscovianæ* partum, tanto amplioribus commendandum ornandumque laudibus, quo clarius nemo non perspicit, qui Germanicæ Jurisprudentiæ studio delectatur, quantum lucis ex ejusmodi scriptis capiant complures majorum nostrorum Constitutiones. Occasionem scribendi hujus dedit Compendii nova Academia, quæ Gottingæ nuper rite solenni inaugurata est. Cum enim docendi Juris provinciam in ea suscepisset Celeberrimus Autor; prima hæc ipsi cura, primus labor fuit, ut cives Academicos, in terris Brunsvicensibus & Luneburgensibus natos, ejus, quod receptum ibi est, Juris notitia probe imbueret, eorumque animos ad recte gerenda aliquando civitatis negotia præpararet. Sed circumspicienti undique, quem commode sequeretur in Prælectionibus suis ducem, invenire plane neminem licuit, eamque ob causam ipse manus admoveere operi instituit, in quo concinnando nec diligentia pepercit ulli, nec ceteras boni laudandique scriptoris virtutes neglexit. In Præfatione periculum fecit præstantissimus *Moscovius* tradendi instituta Luneburgensium & Ultzensium, qui Statutum quidem Luneburgense sequuntur, ita tamen, ut singularibus consuetudinibus ab eo nonnunquam recedant. Ante vero, quam ad enarrandam ipsam Juris Brunsvico-Luneburgici noticiam se converteret Vir Amplissimus, præmittere ipsi visum est Proœmium, in quo copiose eleganterque docet; in Ducatu Luneburgico, aliisque terris omnibus, eo comprehensis, per longum temporis spatium servatas custoditasque fuisse leges Saxonum, quas illibatas iis *Carolus M.* reliquerat. Hoc tamen non inficiatur, pagis, vicis, & oppidis, sensim sensimque crescentibus, id concessum datumque fuisse, ut suis, non aliorum, adstringerentur Constitutionibus, id quod ex Statutis Luneburgensibus & Solfatenibus luculenter apparet, quorum illa sponte recepit Ultzena civitas, hæc Lubece, recens condita, tributa ab *Henrico Leone*, cujus urbis leges ultro deinceps receperunt civitates Vandalicæ, Hainburgum, Wismaria, Roslochium, Stralsunda. Præterea invaluit quoque Jus Romanum atque Pontificium, Sacerdotibus pro hoc, amicis

vero Principum pro illo, mascule pugnantibus, usque dum ipsis tandem Principum Constitutionibus peregrina Jura patriis anteponerentur. Ad Feudorum quod attinet jura, quæ in terris Saxonice antiqua sunt, illa magnam partem consuetudinibus cesserunt Langobardicis, ita quidem, ut ad Jus provocanti Saxonicum incumbat probatio, Jus Feudale Saxonicum hac in re ab usu non recessisse, nisi observantia unicuique fuerit cognita, qualis in simultanea investitura est, cen novissime adhuc pronuntiatum refert Doctiss. Autor in supremo, quod Cella est, Provocationum tribunali. Non pauca etiam Recessibus Provincialibus, pactis hæreditariis, & Ordinationibus judicialibus, fuisse immutata, exemplis quibusdam confirmat. Jam ipsum ædificium, ex atrio velut egressi, contuebimur. *Paras prima quatuor distincta Capitibus est, quorum primum de Jure agit Brunsvico-Luneburgico in Calenbergico Principatu & Gottingensi.* Sublata Principum Calenbergicorum stirpe A. 1584, Principatus Calenbergicus Guelpherbytano accessit, & sic ipse quoque, Jurium Saxoniorum loco, peregrinis fere solis uti cepit, litesque, inter cives motæ, in Cancellaria, &, ut suspicatur Ill. Autor, in Curia etiam Guelpherbytana, ad Juris Civilis regulas compositæ fuerunt. Postquam deinceps Principatus Guelpherbytano separatus fuit A. 1636 Calenbergicus, ex auctoritate Ordinationis Judiciæ Aulicæ, a Duce *Georgio*, atque Ordinationis Cancellariæ Calenbergicæ, a *Georgio Guiljelmo* latæ, soli communi Juri Cæsareo, aut, si mavis, Justiniano & Canonico, locus fuit concessus. Obtenet ibidem, ut & in Principatu Gottingensi, Comitatu Spiegelbergensi & Hohensteinensi, in Ecclesiasticis *Corpus Julium*, a *Chonnitio* & *Andrea*, Doctoribus Theologis, confectum, porro *Julii*, Ducis, Ordinatio Ecclesiastica, A. 1569 promulgata, Recessus Gandersheimensis Articulus I, Recessus Elzensis de A. 1614, Recessus Hannoveranus de A. 1639 & 1642, & Constitutiones aliz complures. Reliqua, notatu in hoc Capite dignissima, instituti nostri memores prætermittimus, paucis ex eodem Collegia, quæ in his terris florent, juridicæ enarraturi. Pertinet hæc Cancellaria justitiæ Hannoverana, quæ in prima, ut vulgo dicunt, instantia in omnibus causis, contra

Officia-

Officiales Regios, Præfecturas Regias, Capitula & Monasteria, Nobiles, & majores omnes, quasdam etiam minores, civitates, Procuratores Cancellariæ, & alios, jurisdictioni ejus subjectos, institutis, jus dicit. Eodem in altera devolvuntur instantia appellationes quæcunque ex Præfecturis Regiis, judiciis Nobilium, civitatibus, aliisque primis instantiis, in quibus tamen omnibus Cancellaria concurrentem habet jurisdictionem cum Regia & Electorali Curia Provinciali, exceptis tantum Criminalibus & Grubenhagensibus causis. Ad Consistorium referuntur omnes Clericorum causæ, res causæque spirituales & ecclesiasticæ, tam ex Principatu Luneburgico, quam Calenbergico, cujus postremi nomine Principatum quoque Gottingensem & Grubenhagensem Cel. Autor complectitur. Ab his vero judiciis, si summa appellabilis fuerit, provocationes ad supremum Cellensium tribunal devolvuntur. Res metallicæ in saltu Hercynio a Præfectura metallica, & res forestales a forestali, curantur. In montanis civitatibus civili non minus ac criminali jurisdictione gaudet Senatus in officiales suos, scansores, cives, fossores metallicos, & reliquos incolas & peregrinos. Concurrent tamen in criminalibus causis rei metallicæ Præfecti, seu Capitanei, qui in civilibus etiam Acta poscere ad inspiciendum, & mandata dare possunt de justitia administranda. Provocare autem licet ad Cancellariam justitiæ Hannoveranam, & Supremum Appellationum tribunal, Cella constitutum. Quibus erudite traditis, de jure Comitatus Hojensis, cum ecclesiastico, tum seculari, itemque Comitatus Diepholtini, potiora subjecit capita Amplissimus *Mascovius*, tandemque inter scriptores Calenbergicos *Jo. Stuckium* laudat, cujus *Consilia* Francofurti A. 1666 in folio edita sunt. *Caput II de Jure Brunsvico-Luneburgico in Principatu Cellensi* inscribitur. Jus in his terris Saxonicum jam Seculo XVI videtur abolitum, ejusque loco introductum est, quod hodie quoque ibi servatur, Civile Jus atque Canonicum, quamvis nec desint singulares Principum Constitutiones, & Statuta Civitatum quarundam, quæ hic diligentissime commemorantur. Ut ex *Capite III* intelligimus, quod de *Jure Brunsvico-Luneburgico in Principatu Grubenhagensi*

gens exponit, Juri quoque communi locus in eo est relictus; ideoque separatim de hoc Ducatu agitur, quod ejus causa Serenissimæ Domui Hannoveranæ votum & sessio in Comitibus Imperii competat. Quod sequitur, *Caput IV Jus Brunsvico-Luneburgicum in Principatu Guelfherbytano & Blanckenburgico* ante oculos Lectorum ponit. Refert in eo Ill. Autor, Ordinationes, Constitutiones, & Edicta, cum Recessibus Provincialibus, vim legis habentibus, nondum in unum collecta corpus esse, datumque id aliquando Illustri *Leysero*, lucido Leucoreæ fideri, ut cum aliis quibusdam Jctis ejusmodi in se laborem susciperet; quæ vero tela, ob discessum forte eximii Viri ex Academia Helmstädiensi, ad hunc usque diem non fuit absoluta. Pars hujus *Libri Juris Lauenburgici* notitiam completitur. Sub initium statim monet Noster, non id accurate vulgo dici, quod in hoc Ducatu ex pristino more Juris Saxonici instituta vigeant, cum id non sine restrictione quadam sit intelligendum: fuisse enim olim his in terris hujus Juris usum observantiæ quasi limitibus circumscriptum. Succedit *Pars III de Jure Brunsvico-Luneburgico in Ducatu Bremensi & Verdensi*, qui uterque non multo ante terris feliciter accessit Luneburgicis. Intentatum ab aliis opus hic aggressus est Illustris *Masovius*. Tenuerunt vero has terras, *Caroli M. ævo*, Saxones, & ante illos Cauci, de quibus Commentarium, duobus absolutum *Libris*, *Jo. Schildius* evulgavit. A Francis devicti Saxones, & Christianorum sacrorum mansuetudini assueti, Episcopum inter ceteros Bremensem acceperunt, cui postea Archiepiscopi dignitas concessa. Illius sedes primo fuit Hamburgi, tunc Bremæ, tandem, Ecclesia Cathedrali Hamburgensi pariter ac Bremensi a *Nicolao*, Pontifice, A. 858 ita unitis, ut utraque unam efficeret Ecclesiam, Breinevordæ; hac tamen conditione, ut Bremæ etiam Palatium esset Archiepiscopale. Creati primum ab Imperatoribus, deinde postulative ab Ecclesiæ Cathedralis Capitulo electi sunt Archiepiscopi. Nec suis destitutus fuit Episcopis Episcopatus Verdensis, qui non, ut Episcopatus Bremensis, ad Saxoniam inferioris, sed ad Westphaliæ, Circulum pertinet. Inter hos vero Episcopos sæpe fuit Archiepiscopus Bre-

Bremensis; donec tandem in Pace Osnabrugensi hic Episcopatus, una cum Archi-Episcopatu Bremensi, & uterque quidem Ducatus titulo, tanquam perpetuum Imperii Feudum, ad Suecos perveniret. In utroque adhuc consuetudines & leges servantur, quæ antea in usu fuerant, & ideo tantum Juri annumerantur Brunsvico-Luneburgico, quia ab Augustissimis Magnæ Britanniæ Regibus sunt confirmatæ. At eo solum casu vigent adhuc illæ leges, cum a recentioribus non fuerint abrogatæ, facillique negotio ad statum hodiernum applicari queant. Ex Jure Bremensium militari illud videtur notatu dignissimum, quod miles, extra expeditionem constitutus, tam in criminalibus, quam in civilibus, causis judici subfit ordinario loci, in quo degit miles, id quod moris etiam esse apud Belgas, subiicit Celeberrimus Autor. *Part IV, de Jure & judiciis Episcopatus Osnabrugensis*, prioribus longe fusius ab eodem, pluribus Documentorum subsidiis instructo, pertractata est. *Capita hujus Partis hæc sunt: Caput I de Jurisdictione Ecclesiastica Episcoporum Osnabrugensium in genere*, in cujus limine Carolus M. Episcopatus Saxonie conditor laudatur; *Caput II de Jurisdictione Archi-Diaconali*; *Caput III de Judicio Officialatus*; *Caput IV de pristina Jurisdictione seculari Episcoporum Osnabrugensium in genere*; *Caput V de Judiciis hominum propriorum, & liberorum Ministerialium*; *Caput VI de Gjudiciis*; *Caput VII de Judiciis Forestalibus*; *Caput VIII de Judicio Fendali*; *Caput IX de Judicio Advocatia*; *Caput X de Judicio Vehmico*; *Caput XI de Statutis & Ordinationibus Osnabrugensibus Ecclesiasticis*; *Caput XII de Legibus Secularibus Osnabrugensibus*; *Caput XIII de Privilegiis, Statutis, & Consuetudinibus civitatum Episcopatus Osnabrugensis*; *Caput XIV de statu Jurisdictionis hodierno in Episcopatu Osnabrugensi*; *Caput XV de Scriptis ad Jus Osnabrugense pertinentibus*. Partem denique V conficit doctrina de Jure judiciisque Episcopatus & Urbis Hildesensis. Mantissæ loco adjecit Amplissimus Autor notitiam de Scriptoribus, qui Jus Brunsvico-Luneburgicum generatim attigerunt, item prisce Juris partem, das Wietzen-Mühlen-Recht, & Ordinationis Vehmica Osnabrugensis exemplum, quod

quod supra promiserat. Totum denique Opus, docte ac summa diligentia compositum, longe reddit aptissimum legentibus accuratus præcipuarum rerum Index, quem unum si perlustraverit Lector, complura deprehendet, non obvia ubivis, aut vulgaria, magnisque stimulis agitari se sentiet ad legendum relegendumque Opus hoc egregium Celeberrimi *Masceovii*, de Academia Gottingensi & universis terris Brunsvico-Luneburgensibus præclarissime inerentis, cui hoc cultissimæ doctrinæ specimen ex animo gratulamur, aclamantes eidem, ut, quod dudum bene cœpit, sic pede semper eat, nobisque occasionem suppeditet, alia utilissima ingenii monumenta, quæ jam sub lima habere ipsum certo scimus, quamprimum his nostris Annalibus, cum debita laudis præfatione, inserendi.

**OPUSCULORUM VARIORUM, QUÆ AD LITES
& contentiones, inter Medicos & Chirurgos Parisienses
superioribus annis de dubia utriusque partis dignitate
& prærogativa motas, spectant, brevior recensio.**

Incidit nuper in manus nostras, Excellentissimi cujusdam Viri insigni humanitate, horum Opusculorum, sparsim ab aliquo inde tempore editorum, integra collectio; unde ut fructus aliquis ad Lectorem redundet, & titulos singulorum hic apponemus, & summa argumenta indicabimus. Scripta igitur, quæ ab utraque parte evulgata constat, hæc sunt: 1) *Guil. de Magny* Quæstio medico-chirurgica, an Chirurgus in arte sua Medico certior? Parisiis, 1737, 4, plag. $\frac{1}{2}$; 2) *Ludovici de Santeul* Quæstio medico-chirurgica: Estne Chirurgus Medico certior? Gallice & Latine, Parisiis, 1736, 4, plag. 2; 3) *Memoire*, ou l'on fait voir, en quoi peut consister la préeminence de la Médecine sur la Chirurgie, Parisiis, 1736, 4, plag. 2 $\frac{1}{2}$; 4) *Question de Médecine*, dans laquelle on examine, si c'est aux Médecins, qu'il appartient de traiter les maladies veneriennes, & si la sûreté publique exige, que ce soient des Médecins, qui se chargent de la cure de ces maladies, par *M. B. L. F.* à Paris, 1735, 4, plag. 4; 5) *Lettre d'un Docteur en Médecine à un maître Chirurgien*, 4, plag. 1; 6) le Bail-
lon,

lon, ou Reflexions adreſſées à l'Auteur de la Lettre inſérée dans le Mercure du mois d'Août dernier, au ſujet de la diſpute qui s'eſt élevée entre M. *Maloet* & un Quidam ſoi-diſant Médecin Anglois d'une part, & les Chirurgiens de l'autre part, par M*** Médecin du Roi, à Amſterdam, chez Pierre Mor-tier, 1737, 4, plag. 1½; 7) Réponſe de Mr. D* Maître Chirurgien d'Orléans, au Médecin Auteur du *Baillon*, 4, plag. 1½; 8) Second Mémoire pour les Chirurgiens, à Paris, 1737, 4, plag. 4¼; 9) Lettre de M. *Aſtruc*, Médecin Conſultant du Roi, & Profefſeur Roial en Médecine, à Mr. N . . . Docteur en Médecine de la Faculté de Montpellier, ſur un Ecrit intitulé, Second Mémoire pour les Chirurgiens, à Paris, 1737, 4, plag. 2¾; 10) Seconde Lettre de M. *Aſtruc* à Mr. N . . . &c. ſur un Ecrit intitulé, Second Mémoire pour les Chirurgiens, à Paris, 1737, 4, plag. 2; 11) Réponſe d'un Chirurgien de S. Coſme à la première Lettre de M. *Aſtruc*, au ſujet du Mémoire des Chirurgiens ſur les Maladies Veneriennes, à Paris, 1737, 4, plag. 12½; 12) Troiſième Lettre de M. *Aſtruc* à Mr. *Delaire*, ſur un Ecrit intitulé, Réponſe d'un Chirurgien de Saint Côme, à Paris, 1737, 4, plag. 5; 13) Quatrième Lettre de M. *Aſtruc* à Mr. *Delaire*, &c. à Paris, 1737, 4, plag. 7; 14) Lettre de *Jean Louis Petit* à M. *Aſtruc*, 4, plag. 1; 15) Cinquième Lettre de M. *Aſtruc* à Mr. *Delaire*, ſur l'Extrait, que l'Auteur des Observations ſur les Ecrits modernes a fait de la IV Lettre, dans la feuille CLXII, à Paris, 1738, 4, plag. 1; 16) Lettres ſur les diſputes, qui ſe ſont élevées entre les Médecins & les Chirurgiens par M** Chirurgien de Rouen, à M*** Chirurgien de Namur, & Docteur en Médecine, 1737, 4, plag. 21; 17) Lettre d'un Médecin de la Faculté de Paris, ſur ce que c'eſt que le Brigandage de la Médecine, à Paris, 1736, 8, plag. 1; 18) Lettre de M. *** à un Ami de Province, à Paris, 1736, 12, plag. 1; 19) Lettre à l'Auteur des Observations ſur les Ecrits modernes, ſine loci & anni indicio, 8; 20) Cléon à Eudoxe, touchant la prééminence de la Médecine ſur la Chirurgie, par Mr. *Andry*, &c. à Paris, 1738, 8, plag. 16; 21) Réponſe à l'Ecrit intitulé Cléon à Eudoxe, touchant la prééminence prétendue des Médecins ſur les Chirurgiens, à

Paris, 1738, plag. 7 $\frac{1}{4}$; 22) le Brigandage de la Chirurgie, ou la Médecine opprimée par le Brigandage de la Chirurgie, Ouvrage posthume de Mr. *Philipp Hecquet*, &c. T. I, à Utrecht, 1738, 8, plag. 18 ; 23) accessit le Brigandage de la Pharmacie, &c. par Mr. *Hecquet*, &c. Tome II, à Utrecht, 1738, 8, plag. 9.

Jam dudum gliscebant Chirurgorum Parisiensium odia, qui, rerum suarum successibus elati tumidique, ex quo Collegium Chirurgorum, a Cosino dictum, instauratum fuit, & Regis indulgentia eo res devenerat, ut artem docere ipsi publice auderent suos, effrænata libidine grassari cœperunt in dominam Facultatem Medicam Parisiensem. Acerbius haud raro castigati, cumprimis in libello, *le Chirurgien moderne*, ab instituto tamen haud destiterunt, & nunc potissimum cœlum terramque movent, quo sperato fine, imperio Medicorum sese subtrahendi, potiri possint. Sunt, quæ Chirurgorum societati favent: sinistra Medicis fata; Aulæ favor; Chirurgi cujusdam primicerii, quem *Astrucius* castigavit, immensæ opes, quibus pauperuli alii in odia dominorum incenduntur; Chirurgorum quorundam insignis eruditio & in arte dexteritas, quam paucissimi Medicorum, si principes viros excipias, sunt assecuti; Medicorum denique plurimum oscitantia, & rerum ad Chirurgiam spectantium neglectus. His omnibus effectum fuit, ut Chirurgi in rebus artis suæ nunc libere agant, imperent, & sicut nova omnia plebeculæ placent, ita fieri aliter haud potuit, quam ut his, pro se, dum tondent, radunt, obligant, perorantibus, majora & mendicata suffragia aulæ urbisque sorte caderent. Nunc pulpita S. Cosini jubilis strepunt; audias, qui Physicam, Philosophiam, Mechanicam, doceant; proponuntur ei, qui optime de argumento quodam dixerit, præmia; jam de Doctoribus publice enuntiandis cogitant; nec dubium est, imperaturos proxime, quibus obedientiæ gloria suffecerat. Libelli, quibus Chirurgi rem suam acriter defendunt, id unicum persuadere imperitis laborant, Medicos morborum externorum, quos chirurgicos appellant, indolem ignorare; Medicos facienti Chirurgo a consiliis esse haud posse; Chirurgiam Medicinam esse & antiquiorem & nobiliorem, eandemque, ob omni ætate suis

suis propriis legibus & privilegiis usam, Medicinam dominam
 haud agnovisse; Chirurgum certitudine majore, quam quæ
 Medicorum, interna curantium, est, agere; Chirurgiam adeo-
 que imperare Medicinæ. Nec in eo acquiescunt, quod Medi-
 cos a limine corporis humani averterint, ipsi nunc se internis
 corporum affectibus immiscet, dietam ordinant, purgant,
 vomitum movent, clysterium administrant. Maximum id est
 & primarium, in quo totius contentionis cardo vertitur, ma-
 li Gallici medicationem ad Chirurgos pertinere. Lucri cupidine
 illecti, quæstuosam mali curationem nollent Medicis relinquere.
 Non desunt argumenta, Chirurgorum quæ pro causa militant.
 Gloriantur omnes, sed, paucos jure gloriari posse, putandum, se
 Anatomes & structuræ corporis peritissimos, æconomiz anima-
 lis haud ignaros, morborum ipsorum internorum & symptoma-
 tum, quæ externis morbis accidunt, conscios esse. Latina a
 se ignorari, se ab omni humanitatis studio alienos esse, spon-
 te fatentur in libellis; ast, multum interesse, negant, an sciantur
 illa; se naturæ simplicissimum ductum sequi, clamant. Non in-
 eleganter pro se perorarunt in libellis allegatis; omnis antiquitas
 in consilium adducitur; Chirurgia Medicina potior priorque
 omni ævo exstitit; *Philoxenes, Ammonius, Gorgias, Sostrates, A-*
pollonii, quos *Celsus* adducit, omnes Chirurghi ante *Hippocratem*
 fuerunt; morbi externi ipsi sollicitum magis, quam interni, au-
 xilium postulant; *Archagathus* Romæ artem professus est, & in-
 consultis Medicis secuit, usit: quam quidem, *Archagathi* for-
 tuna uti posse, voluptatem nemo Medicorum in votis unquam
 habuit; nam ob urendi secandique libidinem Roma exul
 factus est. Ipsa denique instrumentorum administratio pro
 Chirurgis causam dicit. Aut enim Medico faciendum est ipsi,
 aut Chirurgo fides habenda, quem, dum ferram ducit, mo-
 diolum circumagit, cathederem immergit, vulnus dilatat, tendi-
 nem proscindit, adjuvare in negotio Medicus nequit, cui in Chi-
 rurgi dexteritate unice acquiescendum est. Quod luis Ve-
 nereæ medicationem attinet, urgent, Chirurgum fuisse, qui
 inunctionem seu Hydrargyrosin invenerit; Chirurgos Parisiis
 jus, venereos administrandi omni tempore exercuisse. Con-

temturi habitos fuisse garrulos a primatibus Medicis, quorum fama ab obrectatoribus secuta est, res loquitur; nam Facultas ipsa medica armis cum hoste congredi dignata non est. Discipulis, ex cathedra disputantibus, rem reliquit. Interea, mala fortuna, Chirurghi blaterantes excitaverunt contra se eruditissimum magnæque inter omnes famæ Virum, *Joannem Astrucium*, Medicum & Chirurgum & scientem & facientem, qui mire depexos eosdem reddidit, exemplis docens, immerenter Chirurgorum nomine uti plurimos; barbitonsores esse plerosque, aut levis armaturæ milites; Chirurgos antiquorum temporum & Medicos eosdem fuisse, nec Medicum se esse gloriari hodie, qui non, quæ Chirurghi sunt, absente Chirurgo præstare audeat; *Berengarium Carpensum*, *Vigonem*, eruditissimos fuisse Medicos, nec Chirurgos simpliciter dictos; *Thierre de Heri* & *Parcum* imbelles esse rerum ad Chirurgiam spectantium doctores. Respondet *Petitus*, breviter admodum & dira comminatus, sed nihil effatur; prudenter admodum negat, se conscripisse, quæ defendere non poterat.

**ANIMALIS RARIORIS, CHIMPANZEE DICTI,
ex regno Angola Londinum advecti, brevior descriptio.**

TAB. V. Spectandum in Tabula, quam hic adjecimus, Lectori nostro Exhibetur miri & valde tetrici adspectus, formæ & staturæ humanam referentis, naturæ ferocissimæ, animal, vix ulli civium nostrorum visum unquam, auditum forte paucissimis. Patriam agnoscit Angolam, Africanum regnum, a cujus incolis nomen *Chimpanzee* accepit. Ex illis oris allatum est anni 1738 mense Augusto Londinum ab *Henrico Howero*, magistro navis, *Speaker* dictæ. Sexus est scæminei, altum pedes duos quatuorque pollices, incedens corpore erecto, aliqua membrorum parte hirsutum, cetera robustum & musculosum. Ex stercore suo alimenta petit; sed amat etiam potum Theæ, quam hominum more ex vaseulo bibit. Horum præterea somnum imitatur, nec prorsus ingenio caret, ipsa etiam voce garrulitatem huma-



nam exprimens. Mares, cum ad ætatem adultam venerunt, foeminas humanas stupro petunt, & viros, etiam armatos, ad pugnam provocant. Idem sæpissime ab hujus, in ære expressi, matre, pedum quinque altitudinem æquante, factum, quam nisi telo sustulisset Maurus quidam, vix in ejus nunquam manus foetus hic venisset. Hujus, menses unum & viginti nati, imaginem Londini affabre in ære insculpsit *Scotinus*, artifex peritus, consilium, si recte suspicamur, secutus *Joannis Sloanii*, Regiæ Scientiarum Societatis Præsidis, cujus etiam nomini, quicquid est peregrini hujus monstri, inscriptum videmus. Cujus imaginis nuper exemplum nacti, ut regni etiam animalis historia hinc lucem acciperet, eam dextra quadam manu repetendam hic curavimus.

MECHANICK DIALLING, &c.

h. e.

GNOMONICA MECHANICA, SIVE ARS NOVA
umbrarum; Autore CAROLO LEADBETTER,
Mathematico.

Londini, typis Eduardi Wicksteed, 1737, 8.

Plag. 13, Tabb. æn. 11.

In Tractatu hoc, erudite scripto, id inprimis agit Autor, ut artem Gnomonicam ab iis, quæ apud plerosque Scriptores obscura, superflua, atque erronea, visa fuerunt, omnino liberam sistat, methodoque tam plana ac facili exponat, ut a quovis promte addisci, & ope simplicissimorum quorundam instrumentorum, præceptorum, ac tabularum, exerceri possit. Præmissa sunt pauca quædam Problemata geometrica. Deinde ad rem ipsam accedit Autor, variisque exemplis præcepta & usum Tabularum illustrat. Adjecta etiam est Tabula latis ampla & correctæ, de elevatione poli & differentia Meridianorum in variis urbibus: denique nec methodum omittere visum fuit pingendi atque exornandi sciatæria.

MEMOIRES POUR SERVIR A L' HISTOIRE, &c.

h. e.

Bbb b 3

COM-

COMMENTARII, HISTORIÆ CELEBERRIMORUM in Republica literaria Virorum inservientes. Accedunt Catalogi librorum, a singulis scriptorum, de iisque judicia.

Tomus XXX & XXXI.

Lutetiæ Parisiorum, apud Briassonium, 1734 & 1735, 12.

Tomus quisque habet plag. 18, & totidem plag. dimid.

Post tot Vitas literatorum hominum, a doctissimo *Niceronio*, de cuius morte tristissimus nobis haud ita pridem nuntius venit, curate eleganterque expositas, sequitur nunc Vita *Joannis Jocundi*, Veronensis, Dominicani, qui & Græcæ linguæ præter suæ ætatis morem peritissimus, & magnus architectus, fuit, ac propterea versatus aliquot annis in aula Imperatoris *Maximiliani I*, posteaque in aula Regis Gallorum *Ludovici XII*, cujus cum jussu extruxisset pontes duos, ita ludit *Sannazarius*:

Jocundus geminum imposuit tibi, Sequana, pontem.

Hunc tu jure potes dicere Pontificem.

Discipulos habuit *Jul. Cæs. Scaligerum* Viennæ, & *Guilielmum Budeum* Lutetiæ. Utrobique enim & Latinas & Græcas docuit literas. A. 1514 eum Romam evocavit Papa ad perficiendum templum *Petri*. Mortuus est non ita multo post annum 1517. A. 1498 edidit *Plinii Epistolarum Libros decem*, a se e Codice MSto recognitos. Edidit item emendata a se & *Viruvii* & *Julii Cæsaris* Opera, & Scriptores Romanos rei rusticæ. Quorum nunc Vitæ sequuntur, eorum sola indicabimus nomina. *Joannes Dartis*, Jctus Parisiensis, mortuus A. 1651; *Guilielmus des Autels*, Poeta Gallus, sed illaudatus, m. circa annum 1584; *Philippus Bonannus*, Jesuita Romanus, scriptor Operis magni de *Papærum numismatibus*, m. A. 1725 octogesimo septimo vitæ anno; *Joannes Revius*, Theologus Leidenfis, m. A. 1658; *Carolus Clusius*, Medicus Leidenfis, m. A. 1609 octogenario major; *Bonus de Merbes*, Concionator Gallus, m. A. 1684 octogesimo sexto ætatis anno; *Alamannus Rinnucci-*

muccinus, Florentinus, m. A. 1504; *Josephus Acoſta*, Hiſpanus Jeſuita, m. A. 1600; *Thomas Reineſius*, m. A. 1667; *Domitius Calderinus*, Italus Philologus, m. A. 1477; *Petrus Lambecius*, m. A. 1680; *Eduardus Bernardus*, Anglus, m. A. 1697; *Bernardinus Teleſius*, Phyſicus Neapolitanus, m. A. 1588; *Chriſtianus Daumius*, m. A. 1687; *Suffridus Petri*, Hiſtoriographus Friſius, m. A. 1597; *Michael Neander*, Rector Scholæ, non Iſfeldenſis, uti Noſter ſcribit, ſed Ilfeldenſis, m. A. 1581; *Lucas Gauricus*, Aſtologus, m. A. 1558; *Seipio Claramontius*, m. A. 1652, ſeptem & octoginta annos natus; *Ciccus Aſculanus*, Aſtologus, ob hæreſis crimen combuſtus A. 1327; *Jacobus Leſcius*, Jctus Genevenſis, m. A. 1611; *Nicolaus Catherinotus*, Jctus Gallus, m. A. 1688; *Nicolaus Camuſatus*, Canonicus Trecenſis, m. A. 1655; *Elias Vinetus*, Philologus Burdigalænſis, m. A. 1587. Adjectus eſt huic Tomo Index alphabeticus Autorum, in *decem* ultimis hujus Operis Tomis deſcriptorum.

Accedimus ad novæ *Decadis* hujus Operis *primum Tomum*, qui totius Operis eſt *trigeſimus primus*. Cognosceimus ex eo, quam vitæ curſum peregerit, quidque librorum compoſuerit, *Robertus Bellarminus*, mortuus A. 1621; *Thomas Creechius*, Anglus, m. A. 1700 morte voluntaria; *Chriſtianus Kortholtus*, m. A. 1694; *Lancelotus Addiſonus*, Theologus Anglus, m. A. 1703; *Joſephus Addiſonus*, prioris filius, Poeta excellens, & Regius Secretarius Status, m. A. 1719; *Petrus Bertius*, e Theologo Leidenſi Geographus & Hiſtoriographus Regis Galliæ, m. A. 1629; *Petrus Marcaſſus*, Prof. Eloquentiæ Pariſienſis, m. A. 1664; *Paganinus Gaudentius*, m. A. 1659; *Claudius Perigardus*, m. Patavii, ubi Philoſophiæ doctor fuerat clariffimus, A. 1663, anno ætatis 85; *Joannes Marius Creſcimbenus*, celebriſ Academiæ Arcæ, cujus Academiæ ipſe fuit conditor, m. A. 1728; *Auguſtinus Lubinus*, Geographus in Gallia Regius, m. A. 1695; *Olaus Rudbeckius*, Autor *Atlantiæ*, m. A. 1702; *Hieronymus Amaltheus*, Medicus Italus, m. A. 1574; *Remigius Bellaqueus*, Poeta Gallus, m. A. 1577; *Balthaſar Beckerus*, ſcriptor *Mundi ſaſcinati*, m. A. 1698; *Joannes Eduardus*
Mo-

Moninus, Poeta Gallus, m. A. 1586; *Joannes Buxtorfius*, m. A. 1629; *Jo. Buxtorfius*, filius, m. A. 1664; *Michael Hospitalius*, magnus ille Galliz Cancellarius, m. A. 1573; *Lucus Holstenius*, m. A. 1661; *Otto Menckenius*, conditor æterna laude dignus illius Collegii, a quo inde ab anni 1682 initio usque ad hoc nostrum tempus describuntur, descripta publicantur, totumque literatum orbem pervagantur, *Acta Eruditorum*, m. A. 1707; *Joannes Burchardus Menckenius*, filius, & Collegii modo laudati felicissimus propagator, m. A. 1732; *Salmonius Marcrinus*, Poeta Gallus, m. A. 1557; *Renatus Cartesius*, m. A. 1650; *Franciscus Macedus*, Polyhistor Italiz gloriosus, dignusque, *Niceronii* nostri judicio, quem in suo *de Charlatanerie Eruditorum* libro non præteriret silentio B. noster *Menckenius*, m. A. 1681; *Conradus Lycosthenes*, m. A. 1561; *Emanuel Maignanius*, Philosophus eclecticus, m. A. 1676; *Guilielmus Gratarolus*, Medicus Basileensis, m. A. 1568; *Samuel Guichenonius*, Historiographus Ducis Sabaudiz, m. A. 1664; *Wolfgangus Lazius*, Historiographus Cæsareus, m. A. 1565; *Franciscus Garassus*, Jesuita Gallus, m. A. 1631; *Carolus Sorellus*, scriptor Bibliothecæ Gallicæ, m. A. 1670; *Andreas Duvallius*, Doctor Sorbonicus, m. A. 1638. Hactenus hic Tomus. Qui post eum jam prodierunt in lucem, eorum recensionem non diu expectabunt Lectores nostri.

NOVA LITERARIA.

Cultissimæ illi amabilique Gallorum genti, cui uni tantum debent, quantum aliis vix omnibus, elegantiores literæ, acceptam propediem ferent suavitatum literariarum & Historiz antiquioris studiosi novam *Scriptorum Gallie*, ævi a nostro remotioris, Collectionem, quæ quin dubiam thesauro *Chesniano*, *Pithæano*, aliisque, palmam sit factura, vel ipsa hujus instituti publica significatio, a præstantissimis Autoribus, quorum adhuc ignorantur nomina, copioso nuper Programme facta, dubitare neminem patitur. Videmur igitur rem nec Lectoribus nostris, nec ipsis illis, in labore hoc egregio & salutari occupatis, Viris politissimis, ingratam præstituri, si, quæ ex ipsa Gallia

Gallia nuper ad nos transmissa est, comtam hanc, nec parum suavitatis Gallicæ habentem, ad cultiores gentes Epistolam, huc, more nobis alioqui satis familiari, transcribamus. Ita vero docentem audi, quisquis est, elegantissimum Autorem:

Opus aggredimur a Viris non vulgariter doctis jam diutentatum, variis subinde probatum regni Ministris, qui ei patrocinium impertire honori duxerunt, novis tamen impedimentis semper retardatum. Opus sane tam in se utile, quam per se late patens; cum Regum nostrorum celebritate, nec non & cum gentis Francicæ laude, tam conjunctum, quam quod maxime. Exeunte Seculo XVI *Petrus Pitheus* præcipuos Franciæ Historicos, cum typis editos, tum manu scriptos, in unum corpus cogendi consilium cepit; quod quidem annis 1588 & 1596 executus est. Verum, perinde ac si Francia vicinis regionibus exemplum, quod illico imitatz sunt, dedisse satis habuisset, Seculi sequentis pars effluxit, nemine viam, quam *Pitheus* aperuerat, insistente; nemine vel supplere, quod ille omiserat, vel continuare, quod inchoaverat, tentante. *Andreas Cbesnius*, quem veluti nostræ Historiæ parentem merito suspicimus, libellum A. 1635 in lucem edidit, in quo novæ Collectionis, priori amplioris, ratio ac forma describitur. Prior duo tantum *Volumina*, alterum in 8, alterum in folio, complectebatur, æque in anno 1285 desinebat; cum posterior *quatuordecim Voluminibus* in folio ea omnia continere deberet, quæ ad generalem Franciæ historiam attinent, a gentis origine ad finem usque regni *Henrici II.* Priora duo *Volumina* publicavit *Cbesnius* A. 1636; *tertium* vero & *quartum* prelo dum subjicit, fato fungitur, ea ætate, qua, gloriam tanto dignam molimine se collecturum, sperare poterat. Prodiere hæc duo A. 1641; *quintum* vero non nisi A. 1649, editionem accurante *Francisco Cbesnio*, *Andrea* filio. Nulla hæctenus visa est amplior Collectio. Anno duntaxat 1676 *Colbertus*, literarum patronus, pro ea ingenii præstantia, quæ virum prodit ad reipublicæ administrationem natum, multos eruditos Viros apud se congregavit, ut, ipso præsentem, simul consilia conferrent, ac vias reperirent, quibus opus ab *Cbesnio* inchoatum absolvi

posset. Sed quoniam fato sæpe sæpius usu venit, ut nimia sui fiducia ac invidia scientiæ sint comites, atque vel in eos ipsos, a quibus exulare deberent, imperium exerceant? Adeo difficile est, sive in sua trienda, sive in aliorum impugnanda sententia, moderationis terminos non excedere! Suam improbari moleste tulit *Cangius*, nec unquam ad aliorum sensum adduci potuit: quæ quidem pervicacia voluntatem ac studium *Colberti* penitus rescidit. *Tellerii*, Remensis Archiepiscopi, conatus, quos juvabat Illustrissimi *de Louvois* gratia & auctoritas, in irritum quoque cecidere, sed dissimili prorsus ratione. Celeberrimus *Mabillonius*, humiliter de se sentiens, sibi quæ ipsi diffidens, onus detrectavit, cui forte solus par erat ferendo, & vehementissimis Præsulis efflagitationibus constanter refragatus est. Ut primum ad Cancellarii dignitatem promotus est Vir Illustrissimus, *Daguesseau*, literati viri, qui non minori plausu, quam Justitiæ Ministri, ejus promotionem comprobarant, suas vires simul cum spe senserunt accrescere. Quorum ardor ne tepesceret, ipsis nostrorum Historicorum Collectionem, velut opus plane dignum, ad quod operam, laborem, ac vires, conferrent, proposuit. In conventibus, quibus ipse præerat, de modo, quo hoc propositum ad exitum perduceretur, diu deliberatum est: expensis atque ad trutinam revocatis variis doctissimorum Virorum ea de re scriptis, tandem unanimi omnium consensu nova Collectionis forma delineata est. Rem exequendam susceperat Vir doctissimus æque ac laboriosissimus, *Jacobus le Long*, Oratorii Presbyter. Quis Historiæ nostræ fontes, quos in sua Bibliotheca historica ipse indicarat, melius noverat? Sed, dum operi totus incumbit, dum monumenta undequaque colligit, A. 1721 moritur. A. 1723 *Dionysius de Ste. Marthe* a regni Administris obtinuit, ut in Congregatione S. *Mauri*, cujus erat Præpositus generalis, operi, quod quasi derelictum videbatur, manus adinoverentur. Quam quidem provinciam nobis imposuit; nec ulla alia re, quam flagrantissimo in laborem studio, spem de nobis conceptam implere poteramus. Ex quo enim id oneris nobis impositum est, (liceat hoc de nobis proferre testimonium,) nunquam ardor il-

le deferbuit, nunquam manus ab opere continuimus. *Primum Volumen* jam typis est editum, *secundum* intra paucos menses edendum. In conventibus, tam apud *Colbertum*, quam apud Cancellarium *Daguesseau*, habitis, convenerat inter eruditos, præmittenda esse Collectioni ea prorsus omnia, quæ perfectam Gallorum, ante Francorum in Gallias adventum, cognitionem nobis dare possent. Hinc censebat *Cangius*, Historiæ, a *Scipione Dupleix* conscriptæ, primam Partem iterum edendam, prius Latinitate donatam. Verum, quantumvis accurata ea Pars videatur *Cangio*, non certe digna est, cui tantus honor habeatur. Præterea, ut optime notat Abbas *Gallois*, non hic condenda Historia, sed ea colligenda instrumenta, quibus Historia condi possit. Inde initium ducemus. Excerptetur itaque e Latinis & Græcis Scriptoribus, quicquid de Gallis dixerint: Græca Græce cudentur cum interpretatione Latina. Hac ratione omittentur, quæ sunt ab recentioribus tractata de Gallorum origine, legibus, institutis, &c. At, si quid habent, uti sane habent, quod veterum Scriptorum verbis lucem afferat, hoc in his paginis annotabitur. Locum sibi vindicant in priori hac Parte *Cæsaris* de bello Gallico Commentaria: eorum vero interpretationem, Græce a *Planude* factam, non videmus, quorsum *Cangius* censuerit edendam simul cum *Commentatoribus*, a *Jungermano* editis, & aliis, ab ipso non visis. Quibus ducti rationibus hac in re *Cangio* non assentiamur, dicere supervacaneum est; ipsæ per se patent. In eam partem, quæ veteres Gallos spectat, si *Cangium* & Abbatem *des Thuilleries* audimus, referenda essent vetera eorum monumenta, Obelisci, Aquæductus, Amphitheatra, Arcus triumphales, Balnea, Sepulcra, Inscriptiones, Nummi. Quod quidem eo facilius esset, quod hæc pleraque jam collecta, & in æs æstare incisa, repræsentent Antiquitates, a *Bernardo de Montfaucon* editæ. Verum, cum pars esse videantur Historiæ Provinciarum, in quibus reperiuntur, ea ad acta Historiæ singularis amandamus. *Primi Voluminis* fronti præfigetur Tabula geographica Galliarum Cisalpinæ & Transalpinæ, prout a veteribus Scriptoribus & Geographis describuntur. E Tabula *Peutingeriana* pars, Galliam

continens, scalpetur, & suo loco collocabitur. Volumen claudent quatuor Indices: primus urbium, locorum, & populorum, nomina continebit; secundus urbium nomina Gallica & Latina repræsentabit; tertius hominum nominibus, quartus rebus ipsis, inserviet. Non deerunt notæ criticæ, ubi res postulabit. In marginibus, quantum fieri poterit, anni annotabuntur, quibus gesta sunt ea, quæ narrantur. In computandis annis ab Roma condita, non *Varronis* cum *Petavio*, sed *Verrii Flacci*, Fastorum Capitolinorum Autoris, calculum cum *Sigonio* sequimur. Quæ quidem sententiæ unico anno discrepant, adeo, ut, qui *Varronianam* numerandi rationem adhibent, Romam a Gallis captam dicant anno ab urbe condita 364; qui vero *Flaccum* sequuntur, hanc Romæ expugnationem ad annum præcedentem retrahant. In Præfatione multa ad Gallos spectantia tractabuntur. Præfationem subsequetur Index Chronologicus, seu Annales Gallici & Francici, in quibus præcipua facta, huc illucque dispersa, temporum ordine collecta exhibebuntur. Hactenus de Collectionis prolusionibus; nunc de ipsa Collectione paucis agendum. Notum nobis erat, *Cbesnit* Collectionem, præterquam quod ultra *Philippi Pulcri* regnum non progrederetur, mancari esse in multis, atque ab ejus obitu innumera antiquitatis monumenta, quæ ejus oculos fugerant, e Bibliothecarum pulvere eruta fuisse. Nemo nescit, quantum Francorum Historiam locupletaverint *Labbei*, *Acherii*, *Mabilonii*, *Martenii*, *Baluzii*, & *Bollandianorum*, haud poenitendæ Collectiones. Ex variis Voluminibus, quæ hi Autores publicarunt, quicquid esset usui nostro, summa cura excerptimus: & successus, quem ex suo labore perceperant, adeo nobis addidit animos, ut & alias Bibliothecas, quas intactas reliquerant, perlustraverimus. In iis per multa repertum iri, quæ eos præterierant, spes erat non modica, nec fuit irrita. Nam vel juvantibus amicis, vel faventibus eruditis, quibus nos multum debere, confitemur non inviti, modo Codices manu exaratos, ab Editoribus non visos, modo Opera, nondum typis edita,prehendimus. Adeo tandem assiduus fuit labor noster, ut Acta Historiæ primæ & secundæ stirpis jam in gerisoliis collecta, &
suo

suo quæque loco disposita, prelo parata sint; Actorum vero tertiz stirpis Collectio eo usque processerit, ut, eam ad *Francisci I* regnum productum iri, spondere non vereamur, si tamen Deus dies, quos tenet pro manibus, nobis non fecerit breviores. Ut nostra fiducia animo par esset, opus erat, ut quis nobis lucem præferret, viamque monstraret, quam sequeremur. Verum quam præclare nobiscum actum est! Franciæ Cancellarius & Operi & nobis patrocinium dignatur impertire: atque hac in re plus accessit auxilii, quam sperare licitum erat. Primarius regni Magistratus nos ad se vocavit, viros doctrinâ conspicuos congregavit, qui totius Operis formam, a nobis adumbratam, recognoscerent. In his doctis congressibus variez sunt coram eo propositæ & expensæ rationes: ac tandem, eo vel suggerente, vel indicante, monstrata via est, quam insisteremus, regula præscripta, ad quam gressus nostri dirigerentur. De Chronicis, inter se plane convenientibus, aut certe parum discrepantibus, quid facto opus sit, varie pronuntiant eruditi. Placet aliis, integra dari, aliis vero, recentiora sic truncari, ut ea demum edantur loca, in quibus ab vetustioribus discrepant. Videtur hæc quidem sententia longe potior, eamque sequimur. Hujusmodi enim fœtus quid aliud possunt, quam aut tædium afferre studiosis, aut Volumini frustra molem addere? Quid ex eis fructus capi, quid extrudi novi, potest? Annales, exempli causa, qui *Eginhardo* tribuuntur, in initio nihil aliud quam transcribunt *Loisellianos* Annales: item Annales *S. Bertini Loisellianos* & *Eginhardianos* ad verbum exscribunt. *Loisellianos* edi, satis erit, & in imis paginis varias annotari lectiones, quæ in aliis occurrunt. Idem de Historia Epitomatâ, seu de Epitome Historiæ, a *Gregorio Turonensi* conscriptæ, idem de *Aimoini* Historia ex *Gregorii*, *Fredegarii*, aliorumque Autorum, verbis confecta, factum voluissimus: sed, cum plurimi sint, qui parvum velint Chronicis omnibus, a *Chesnio* editis, cumque pauca suppetant instrumenta, ad primam nostrorum Regum stirpem spectantia, visum est, multis suadentibus atque hortantibus, utramque Historiam iterum vulgare. *Chesnius*, quo commodior foret Collectio, Chronica quædam in varias secuit partes, quarum singulas iis aptavit regnis, ad

quæ spectarent. Divisionem hanc, sat sciimus, probant non pauci: quippe hac ratione, quæ cuique regno congruunt, in unum collecta corpus reperiuntur. At, in eo quicquid est commodi, certe non tanti aliis videtur esse, ut scripta, continenti orationis filo texta, frustatim discerpi conscindique debeant, maxime cum hoc alioqui suppleri abunde posse putent Indice, temporum ordini accommodato. Utrique sunt incommoda; verum in postrema opinione majora occurrunt. Si enim Chronica intacta relinquantur, atque ad regna, in quibus desinunt, collocentur, inter Acta cujuslibet stirpis nostrorum Regum nulla prorsus erit distinctio. Nam, cum Chronica ab una stirpe ad alteram transeant, in secunda multa occurrent Acta, quæ primæ conveniunt, in tertia nonnulla etiam reperientur, quæ primæ & secundæ congruunt. Cui malo ut medeamur, Chronica secamus, at non tam frequenter, quam *Chesniius*. Primo ex Chronicis, quod ad primam, secundo, quod quadrat ad secundam stirpem, excerpimus, omittis iis omnibus, quæ nostræ Historiæ præcedunt initium. Ad tertiam stirpem quod attinet, quasdam Epochas statuemus, ad quas Chronica secabimus; ut, exempli causa, ab *Hugone Capeto* ad finem usque regni *Ludovici VII*, id est, ab A. 987 ad annum 1180. Hac ratione minus secabuntur Chronica, nec tot erunt sectiones, quot regna. Nec est, quod obijciatur, Chronica sic discerpta plurimum de pretio deperdere; in iis enim facta duntaxat quærentur, ac sæpe sæpius hæc facta nullam habent inter se connexionem. Præterea ex his Chronicis bene multas res exoticas, atque a nostra Historia alienas, detrahi erit necesse: quodsi nonnihil refecari de Chronicis potest, cur ipsa secari non possint, non videmus. Gallica *S. Dionysii* Chronica edentur e regione Latinorum Scriptorum, quorum interpretationem continent. Desinet in *Francisco I* Actorum Historiæ generalis Collectio. Primæ & secundæ stirpi, & in tertia cuilibet Epochæ, subjiicientur Appendices quatuor. Prima illud omne continebit, quod e *Vitis Sanctorum* excerpetur, in quibus bene multa, & quidem optima, reperire est, quæ frustra alibi quæras. *Sigiberti Regis, Pippini Ducis, Leodegarii, & quo-*
rum.

rundam aliorum, Vita, quæ directam habent cum Historia cognationem, integræ dabuntur, atque inter Historicos collocabuntur. Secunda Appendix historicas Regum, summorum Pontificum, Episcoporum, Abbatum, &c. Epistolas complectetur, secundum temporum ordinem dispositas, nisi forte satius sit, ejusdem Auctoris Epistolas simul conjungi. Cuilibet Epistolæ summariū præmittetur. Tertia capiet Leges, Formulas, Regum Constitutiones, & quædam ex Conciliis & Capitularibus excerpta, quæ ad mores, vel ad historiam, pertinent. In prima stirpe edentur tantum Leges Salicæ & Ripuariorum: Burgundionum ac Wisigothorum Leges prætermittentur. Quarta Appendix Regum nostrorum Diplomata exhibebit, quæ proferentur tantum ad exitum usque regni *Philippi Augusti*: ex sequentibus vero seligentur, quæ præcipua sunt atque historica, ut Ecclesiarum & Monasteriorum foundationes, Regum ac Principum matrimonia, Fœdera pacis, alia Pacta atque Conventa, Donationes, ad Regium patrimonium Additiones, Possessiones fiduciariæ, Testamenta Regum, Reginarum, ac Principum, atque alia hujusmodi. Diplomatum vero, quæ in iis regionibus emissæ sunt, quæ Monarchiæ Francicæ pars esse desierunt, inscriptio duntaxat & subscriptio exhibebuntur. Videntur sane Diplomata Historiis Provinciarum singularibus accenseri debere; satius tamen fore ducimus, si ad cujusque stirpis finem simul colligantur. Cum ad Historias singulares ventum erit, Lectorem admonere sufficiet, quo sint Volumine ac loco edita Diplomata, ad illas spectantia. Est enim illud ab Abbate *des Thuilleries* sapientissime observatum, Historiæ generalis Acta ita cum Actis Historiarum singularium apta esse atque conferta, ut unum in corpus coalescere debeant, & vicariam sibi operam impendere. Augēbitur unumquodque *Volumen* Præfationibus, Notis criticis, & Indicibus. Anni in marginibus apponentur, quando ab Autoribus omittentur; vel, si quid erratum est, emendabitur. Quæ quidem omnia in editione *Chefni* desiderabantur, si tamen Indices exceperis, sed quos indiligenter factos judicant harumce rerum æstimatores. Præter Indices, quos *Volumini primo* subdendos diximus, hic & adjici possent alii duo, quorum

rum primus exoticas obsoletasque voces contineret, addita earum explanatione; alter Principum ac aliorum Procerum genus describeret, deductis ex ipso Volumine probationibus. Cuique Regum stirpi præfigetur Tabula geographica, quæ ditioris ejus fines exhibeat. Titulus Operis, Præfationes, Annales seu Indices Chronologici, atque alia nonnulla, Latine & Gallice edentur. Bellorum sacrorum actis potest suus in Historia generali locus dari. At vero qui locus, quive ordo? Si suis quæque regnis illigantur, sane, quot regna sunt, totidem in partes Acta distraherentur. Annon convenientius est, ea simul colligi, maxime cum in eodem versentur argumento, ac præterea satis multa sint, ut in unum corpus, idque amplissimum, coalescant. Plura quidem & *Bongarsius* Volumine duplici, & *Cbesnii* in quarto Collectionis suæ Tomo, edidere; latent vero in Bibliothecis alia bene multa, spemque adeo non mentitur seges, ut *Voluminibus quatuor vel quinque* complendis jam sufficiant. Restant Francicæ Antiquitates; Imagines, dico, Regum Francorum, Reginarum, Principum, Optimatum, quas etiamnum asservant Ecclesiæ, Monasteria, Ædes publicæ, Sepulcra, Libri veteres; dico & Annulos, insculptas Gemmas, Sigilla, Nummos, & alia id genus, quæ Collectioni nostræ non usui minus, quam ornamento, forent. Verum hanc laboris nostri partem occupavit *Bernardus de Montfaucon*, editis quinque Voluminibus de Monumentis Monarchiæ Francicæ. Quid jam superest, nisi eruditos rogemus, ne suum nobis ingenii lumen, sua consilia, suum favorem, invideant. Quod ut nobis impertiant, videtur non suus modo literarum amor, sed ipsa Regum celebritas, atque universa prorsus Gallia, postulare. Typographi, *G. Martin, Coignard, Mariette*, ambo fratres *Guerin*, qui hujus magnæ Collectionis impressionem curant, nec labori, nec sumptibus, parcunt, ut jam partem in sua arte famam retineant, iino & augeant. Sive chartam, sive typos, inspicias, nihil fere melius. Cui rei fidem facit *primum Volumen*, jam impressum, quod omnibus hac in parte probatur.

Cum altera hac *Mensis Septembris Parte* prelo nostro exit *Tomus tertii Supplementorum ad hæc Nova Acta Sectio XII*, cui accesserunt titulus *Voluminis* universi, Præfatio, & Indices necessarii.



NOVA ACTA ERUDITORUM,

publicata Lipsiæ

Calendis Octobris Anno MDCCXXXIX.

HISTOIRE DE L' ORIGINE ET DES PREMIERS
progrès de l' Imprimerie, &c.

h. e.

HISTORIA ORIGINIS ET PRIMORUM PRO-
gressuum Artis Typographicæ, Autore PROSPERO
MARCHANDO.

Hagæ Comitum, apud Viduam Vieri & Petrum Paupie,

1740, 4 maj.

Alph. 1 plag. 20.

Vix literarium ullum est argumentum, in quo illustrando plus a Viris doctis sit laboris atque studii consumtum, quam in præclaro illo & jucundo de artis typographicæ, magno hominum bono inventæ, originibus, autore primo, patria, progressibus lætissimis, felicissimisque a superiori ætate ad hoc usque tempus incrementis. Videbatur enim horum, quicunque vetera rei typographicæ monumenta vestigarunt, nobilem industriam excitare publica hominum noscendi literariæ Historiæ partem hanc suavissimam cupiditas, quæ omni tempore tanta fuit, ut nunquam satis doctissimorum Virorum studio restin-
gui potuerit. Auxit hanc inprimis ipsius ratio argumenti, copiosi admodum, plenissimique earum rerum, quæ cum volap-
tate cognoscuntur. Vix enim, qui de arte typographica dili-
gentissime scripserunt, in his unus est, cujus, si non omni, saltem aliqua, ex parte industriam non vicerint, quicunque sub-
secuti sunt, scriptores, in eo prioribus feliciores semper, quod

Ddd d

in

in monumenta aut numero plura, aut magis singularia, inciderint. Erunt igitur, qui, novi Operis, de quo jam dicere instituimus, inspecto saltem rubro, nec Autoris adhuc nomine audito, non hinc trita aut omnibus dudum nota, sed nova & lectissima quæque, expectent, & præclarum hoc, rem literariam ditandi, institutum omni dignum plausu & approbatione judicent. Sed major horum confirmatioque spes erit, cum eum Operis Autorem cognoverint, qui, præter alia cultissimæ doctrinæ specimina, *Pereyra* olim Cymbalo mundi, denuo a se edito, doctissimam de Autore hujus libri Præfationem præmisit, novas, easque politissimas, Commentarii *Baliani* in verba: cogite eos intrare, *Roquiana* variorum de Evcharistia Scriptorum Collectionis, & *Chardiniani* in Persiam Itineris, rariori libello, *Couronnement de Soliman III*, insigniter aucti, editiones curavit, *Balii* item Gallicas Epistolas, a Cl. *Des Maizeaux* olim publicatas, in concinniore ordinem redegit, & doctrinæ non vulgaris annotationibus instruxit, nuper etiam Historiam admirabilis Equitis *Inigo de Guipuscoa*, Hagæ A. 1758 iterum vulgatam, notissimo illo scripto eristico, *L'Anti-Cotton*, & eleganti Dissertatione, præcipua libelli hujus capita illustrante, locupletavit, inprimis vero, *Baliani Lexici* eam editionem, quæ A. 1720 prædiit, diligenter adornando, & novis ipsius Autoris Supplementis adaugendo, insignem a bonis omnibus gratiam laudemque tulit; porro, cum in Opere hoc conscribendo non, quod multi solent, leviter, sed a viginti inde annis diligentissime, versatum, idque unum egisse curis omnibus, didicerint, Autorem, ut anno proxime secuturo, typographorum filiis solenni maxime ac seculari, justam hi quandam elaboratamque artis suæ, jam jure suo inter florentissimas numerandæ, historiam haberent. Sed huic deinde, quanta quanta fuerit, expectationi satisfactum omni ex parte judicabunt, cum ad ipsius lectionem Operis se converterint, viderintque ea omnia, quæ a scriptore diligentissimo præstari possunt, plenissime ab Autore præstita. Si quid enim in hoc genere tractationum aut pertinax legendi optimos scriptores, & colligendi undique selectiora monumenta, studium, aut in æstimandis his, & ad usum aliquem accom-

modan-

modandis, criticum acumen, aut denique in ipsis rerum narrationibus solertia & fides, valent, hic certe valuisse plurimum cognoscimus, nec erit Lectorum unus, qui non, insigni illo rerum minime vulgarium selectu, & narrationis suavitate, captus, omnibus Cl. *Marchandum* scriptoris accurati & plausu digni publico defunctum partibus existimet. In eo ipse sibi præsiliturus parum videbatur, si, quæ obvia sunt vulgo, & scriptoribus sexcentis memorata, ea tantum dicendo repeteret, & volumine rem literariam oneraret, præter formam & Autoris nomen novi nihil habituro. Est enim hæc inutilis diligentia, parum laudis acquirens, si cum fructu, inde ad lectores redundante, comparetur. Illud potius ad gloriam laudemque comparatum recte judicavit, si, non prætermisissis iis, quæ a ceteris scriptoribus vere sunt ac diligenter memorata, suumque adeo in artis typographicæ historia pondus ac momentum habent, certioribus hæc ipsa testimoniis firmaret, tum præcipuum in his, quæ satis adhuc obscura, & paucis cognita, putari poterant, industriam illustrandis poneret, collectas undique ex veterum librorum apparatu annotationes singulares expromeret, perperam ab aliis narrata ita emendaret, ut quilibet agnoscere veritatem posset, dissidia scriptorum, intempestivo sæpe gloriæ inanis studio coorta, tanquam ad id constitutus arbiter componeret, inprimis vero dirimendæ, quam magnis sæpe animorum motibus agitatam constat, nobili de artis loco fatalitio controversiæ curam studiumque adhiberet. In quibus omnibus cum satis ingenium & doctrinam suam Lectorum unicuique approbaverit; erunt etiam, qui præcipuas quasdam ipsi dicendi rationi, & aptæ rerum narratarum dispositioni, laudes decernant, bene in eo commodeque factum judicantes, quod ipsa rerum inter typographos gestarum narratio continua quadam, quam *textum* vocant, oratione fluat, singulorum autem plenior probatio ac disputatio in subjectas paginæ cuique annotationes, non præter rem accumulatas, nec lectorem fatigantes nimium, sed, quantum fieri potuit, restrictas, & tanquam in nervum contractas, sit rejecta. Quo genere scribendi imitatus Autor felicissime exemplum *Balii* videtur, a cujus quippe *Lexico*, si

formam externam, & hanc tractandi rationem, spectes, Cl. *Marchandi* Historia ne minimum quidem discrepat. Tantis ac tam eximiis dotibus, quæ requiri facilius in nostri Seculi scriptoribus historiarum, quam inveniri, solent, præclare exornato homini, si ad illustrandum rei literariæ argumentum nobile & tempore hoc opportunum se converteret, metuendum minime fuit, ne fiducia majore virium, quam facultate, accessisse ad id operis cuiquam diceretur. Commodum inprimis visum est Autori, dicendorum apparatus omnem *tribus Partibus* distinguere, sicque institutum suum exequi, ut primo ipsam artis originem, & ut passim hæc in justam formam sit redacta, adductis simul vetustissimis editionibus, & suppeditata typographorum principum notitia, describeret; tum, quo successu postea, ad decimi usque sexti Seculi initia, cœleste hoc inventum sedem fixerit in plurimis Europæ cultioris civitatibus, doceret, & quæ dispellendæ urbium quarundam, maxime Harlemi & Argentorati, artis penes se inventæ ostentationi sufficerent, rationes afferret; his denique Scriptorum, qui de artis typographicæ historia ex instituto tradiderunt, quorum ipse circiter tercentum & quinquaginta collegit, Bibliothecam amplissimam, non mera nomina ac titulos, sed accurata etiam de singulis judicia, exhibentem, subjungeret. Insignem, Lector, rerum scitu maxime utilium varietatem cognoscis, unde jam specimina selecturi, continebimus nos intra fines quosdam; cumque in tanta opinionum de primo artis inventore diversitate nemo futurus sit Lectorum, qui non ipsam Autoris ea de re cupiat sententiam cognoscere, jucunda *Capitis prioris*, tanquam omnium præcipui, & annotationum singularium plenissimi, paululum nos lectio morabitur. Qui artis typographicæ originem ad *Saturnum*, aut ad *Adamum*, aut ad ipsum Deum, retulerunt, nec obscura rei tam novæ in *Boetio*, *Aufonio*, & ipso *Cicerone*, invenisse sibi sunt vestigia, argumentis illi valde negatoriis nituntur, & ingenio fabularum studioso nimium indulgent. Prima inventionis gloria debetur sine dubio *Joanni Guttenberg*, cognomine *Gensfleisch*, antiqua *Zumjüngiorum* domo nato, quem, valde probabilis est opinio, ortu Moguntinum, domicilio Argentinensem, fuisse.

Pag. 4 seq.

5.

fuiſſe. Equeſtrem ei dignitatem tribuere vel ideo non dubitat *Marchandus* noſter, quod alius quidam *Joannes de Guttenberg* ab A. 1485 ad 1538 Canonicus fuiſſe templi Cathedralis Moguntini, Capituli Herbipolitani Decanus, & Præpoſitus *S. Albani* & *S. Victoris* Moguntiae, ab anno vero 1517 ad 1529 *Petrus de Guttenberg* Canonicatum tenuiſſe templi Cathedralis *S. Albani* in urbe Moguntia, legatur. Is *Joannes* circa A. 1440 prima artis hujus quaſi rudimenta animo concepit; quam cum perficere diu fruſtra laboraſſet, adſcivit tandem in laboris atque ſumtum ſocietatem nobiles aliquot urbis Moguntinae cives, inprimis *Joannem Meydenbach* & *Joannem Faſt*, quem, ſunt, qui, *Guttenbergio* excluſo, primum ſalutare illud libros prelo excudendi cepiſſe conſilium, nos doceant. His adjunxit ſe poſtea *Petrus Schoifferus*, unus ex *Faſti* famulis, hujusque deinde gener, quem inter majores ſuos *Jo. Schefferus*, magnum illud Sueciae & literarum ornamentum, numeravit, cujus & inter typographos principes [nomen poſtea factum eſt clariffimum. Hi propoſito ſuo exequendo conſilia & ſumtus contulerunt, remque generi humano tam auſpicatam a tenuiſſimis initiis ad juſtam maturitatem, ſed lento, ut fit, ſucceſſu, deduxerunt. Id ipſum extra omnem poſiturus dubitationem Autor, certiffimis utitur Scriptorum ſeptem, illi tempori æqualium, teſtimoniis, ipſi *Mallinkrotio*, quo nemo diligentius artis typographicae hiſtoriam deſcripſit, aut ignotis proſus, aut non ſatis accurate adductis. Ex his unum, ab ipſo *Schoiffero* verſibus, ſed, ut tulit ætas illa, ſatis barbaris & inficetis, expreſſum, & *Inſtitutionibus Juſtiniani*, quæ *Schoifferi* hujus prelo Moguntiae A. 1468, iterumque A. 1472, exierunt, ſubſcriptum, partim quod in argumento iſto ponderis non parum habeat, partim quod ingenioſae obſcuritatis laudem alijs omnibus præripiat, dignum nobis, quod hic repetatur, viſum eſt. Ita vero ille:

Pag. 6.

7.

8.

10.

Scena tabernaculi Moïſes, Salomon quoque templi,

Haud præter ingenuos perficiunt Dedalos.

Sic Decus Eccleſie majus major Salomone

Jam renovant renovat Beſelebel & Hiram.

*Hos dedit eximios sculpendi in arte magistros,
 Cui placet en mactos Arte sagire Viros.
 Quos genuit ambos urbs Moguntina Johannes
 Librorum insignes Protocaragmaticos:
 Cum quibus optatum Petrus venit ad Poliandrum,
 Cursu posterior, introeundo prior;
 Quippe quibus prestat sculpendi lege sagitus
 A solo dante lumen & ingenium.
 Natio queque suum poterit repetere Caragma
 Secum, nempe stilo preminet omnigeno.
 Credere difficile est Doctores quam preciosa
 Pendat Mercede Scripta recorrigere.
 Orthosyntheticum cujus Syntagma per Orbem
 Fulget, Franciscum presto Magistrum habet.
 Me quoque conjunxit illi non vile Tragema,
 Publica sed Commoda, & terrigenum Columen.
 O! utinam exscobere falsis moliantur Ideam,
 Qui Syntagma regunt, & Protocaragma legunt!
 Aurcola indubie premiaret eos Logothece,
 Quippe Libris Cathedras mille suberudiunt.*

Pag. 13 seq.

Prima artis specimina in tabulis ligneis incisos literarum typos exhibebant, & ob id difficultatis plus, quam elegantiae & usus, habebant. Constat, in hac typographiae infantia produisse *Alphabetum*, & *Donatum*, in scholarum usum, *Grammaticam* etiam, *Rhetoricam*, *Poeticam*, *Joannis Januensis Catholicon*, *Confessionalia*, *Breviarium*, *Psalterium*, *Horologium Beatæ Virginis Mariæ*, a *Josephi Scaligeri* avia adornatum, *Artem memorandi* notabilem per *Figuras Evangelistarum*, librum *Figurarum Biblicarum*, *Canticum seu Historiam B. Mariæ Virginis in Figuris*, *Historiam S. Joannis Evangelistæ in Figuris*, *Artem moriendi*, *Speculum humanæ salutis*, aliosque plures libros, nullum anni, quo excusi sunt, indicium præbentes, sed probabiliter circa annum 1450 publicatos. Sed, hæc cum plurimis laborare defectibus primi illi artifices intelligerent, quippe destituti adhuc arte illa separandi literas, easdemque librorum

uno

uno plurium editioni adhibendi, longius progressi meditando sunt, idque inprimis operam dederunt, ut modum fabricandi typos literarum plumbeos, æneos, & cupreos, hosque apte componendi, invenirent. Sed horum fortassis nihil effectum unquam fuisset, nisi rei pæne desperatæ subvenisset ingenium *Schoifferi*, hominis ad nova excogitanda nati, qui solus tandem formas illas, quibus literarum typi cuduntur, omnemque prelorum fabricam, & quicquid ad artem universam instrumentorum pertinet, invenit, integrumque Alphabetum in æs incisum *Fausto* obtulit, qui, auspiciato rei diu frustra tentatæ successu mirifice exultans, præmii loco filiam ei suam in matrimonium dedit. Huic igitur *Schoiffero* vera inventæ, aut, si mavis, plane perfectæ, & ad usum communem accommodatæ, typographiæ laus debetur. Comparatis igitur jam rebus omnibus, suæ artis nobiles quatuorviri, excudendo libri omnium sanctissimi, Scripturæ nempe sacræ, interpretationem Latinam, periculum fecerunt, & illustre hoc dignumque memoria æterna opus, majori literarum genere expressum, foras prodire anno circiter 1450 jusserunt. Sed, quod facile credas, tanta postea cimelii hujus literarii raritas est facta, ut nusquam ejus nostro tempore vestigium appareat, nec, præter *Zach. Conr. Uffenbachium*, qui, si ipsum testem audias, vetustissimam hanc editionem inter librorum suorum ornamenta numeravit, unum ostendas, qui aut sibi unquam, aut aliis, inspectam hanc testetur. Æque incognitum multis est typographiæ veteris monumentum alterum, *Joannis Januensis Catholicon*, cujus mentionem faciunt *Jac. Quetif* & *Jac. Echardus*, notissimi Scriptores, & quod, parum abest, quin in suis esse manibus ipse credat *Marchandus* noster. A duabus his editionibus, omni sive anni, sive loci, natalis indicio destitutis, quicquid librorum ab illo tempore evasisse prela constat, originem sine dubio genusque ducit. Officinam suam, unde exierunt nobiles hi partus, instruxerunt illi artis inventores Moguntiæ in domo *Guttenbergi*, *Zumjungen* dicta, quæ postea nomen *Impressoriæ* obtinuit ad annum usque 1508, quo eam habitare cœpit *JCtorum* ordo, & ab

Pag. 19^{seq.}

22.

23.

24^{seq.}

Ivone

Yvone Wittigise, Juris Canonici Doctore, Inscriptione hac ornata est:

*Joanni Guttenbergensi
Moguntino
Qui primus omnium
Literas ære imprimendas invenit
Hac arte de orbe toto bene merenti,
Yvo Witigisis
Hoc Saxum pro monumento posuit
M. D. VIII.*

- Pag. 26. Hujus inscriptionis nihil hodie superest, sed in ejus locum successit alia, longe plenior & elegantior, non *Guttenbergi* tantum, sed *Fausti* etiam & *Schoifferi*, laudibus consecrata, quam, qui scire cupit, ex ipso Autore, qui diligenter eam descripsit, petat. Inventum novum diu in arcanis habuerunt Moguntini Socii, omnemque familiam suam, huic rei operantem, ne tale quidquam divulgaret, sacramento obstrinxerunt. Nata hinc est fabula, *Joannem Faustum*, Lutetiae Parisiorum commorantem, a civibus illius urbis, quibus novum Bibliorum opus venale obtulerat, rei novitatem & singulorum inprimis exemplarium inter se similitudinem mirantibus, criminis Magiæ postulatum, ejectumque urbe, primum Moguntiam, postea Argentoratum, confugisse; quam idoneo carere teste, confidenter negat Autor, & ad supremos usque vitæ dies rei typographiæ in urbe Moguntina operam dedisse *Faustum*, lectoribus persuasum cupit. A *Kælero* inprimis, Altorfino olim, nunc Göttingensi, Professore, culpam adducti in magiæ suspicionem *Fausti*
27. in monachos conjiciente, quos, in describendis olim libris occupatissimos, non mediocri lucro novum typographiæ inventum privaverit, adeo dissentit, ut, prius potius fuisse monachos, qui acceptam a *Guttenbergo* & *Schoiffero* artem modis omnibus sint prosecuti, nec nisi tum typographiæ nomen monachis invisum factum, cum exstiterint homines, qui, sacris instaurandis ab ea occasionem suppeditatam, dicerent, ostendat. Rupit tandem trium, quos diximus, artificum societatem commune

mune lucri studium, optimis plerumque hominum consiliis inimicum. Nam, cum partem impenfarum, quas ex lege societatis communes ferebant, *Fausto* restituere *Guttenbergus* recusaret, isque tandem autoritate iudicis impositam sibi solvendi necessitatem videret, tædio societatis A. 1455 Argentoratum abiit, novæ hic officinæ fundamenta positurus. Sed, ea urbe, in qua non satis res succedere ex voto videbatur, paulo post relicta, typographicam suppellectilem Harlemum secum abduxit, librisque hic excudendis ab A. 1459 operam navare cœpit. Scriptores, qui illas *Guttenbergi* cum *Fausto* lites & contentiones memorarunt, nullam mereri fidem, ostensurum se libello integro, *Kælerus* promisit; de cuius labore quid sperandum sit, vel ex eo posse colligi existimat *Marchandus* noster, quod *Trithemium* hæc narrantem somniet, cui nihil unquam ea de re in mentem venerit. Novæ, Harlemi institutæ, officinæ fama cum ad aures perlata esset *Thomas Bourchieri*, Academiæ Oxoniensis Cancellarii, misit is civium suorum duos, æque nobiles ac callidos, *Robertum Tournour*, *Henrico IV* a vestimentorum cura, & *Guilielmum Caxton*, tunc mercatorem, postea typographum, in Belgium, inde, si fieri posset, artis arcana secum in Angliam abducturos. Nec hi diu frustra laborarunt; quandoquidem unus operarum *Guttenbergi*, *Friedericus de Corfelles*, pecunia Anglorum facile se passus corrumpi, clam Harlema se subduxit, artemque satis adhuc occultam Oxonium transportavit; unde factum, ut inter primas fuerit hæc civitas, quæ libros suis prelis excusos ad posteros transmiserunt. Harlemi minime subsistendum ratus *Guttenbergus*, aliquot annos post urbem patriam Moguntiam repetiit; satisque constat, A. 1465 inter Aulicos *Adolphi* Electoris locum tenuisse, ibidemque d. 24 Februarii A. 1468 mortuum. Inscriptionem sepulcralem, memoriæ ejus positam, alii Moguntia, alii Heidelbergæ, ostendunt. Utramque profert Autor noster, Moguntinæ majorem, quam Heidelbergensi, fidem habens. Dum ita per nobiles quasque urbes artem suam *Guttenbergus* circumferret, Moguntia constantem sedem *Fausti* & *Schoifferi* tenuit typographia, qui, minime dubitantes, a *Guttenbergo* dudum cum aliis communicatum hoc inventum, & ipsi sensum de occultan-

Pag. 28.

30.

31.

32.

33.

Ecc e

de

- do eo laborare desierunt, suisque libris notas subscripserunt, non obscura artis & supellectilis typographicae indicia praebentes. Primus, quod constat, tali signatus nota, A. 1457, Augusto mense, prodiit *Psalmorum Codex*, liber paucis notus, cujus hodie non nisi duo exstant exemplaria, alterum in scholae (Academiam non satis accurate dicit Autor noster) Freibergensis, alterum in Caesarea Vindobonensi, Bibliotheca. Huic verba notatu prorsus digna sunt inscripta; *Presens Psalmorum Codex, venustate capitalium decoratus, rubricationibusque sufficienter distinctus. Adinventione artificiosa imprimendi ac characterizandi, absque calami exaratione, sic effigiatus. Et ad eusebiam Dei industrie est summatus. Per Joannem Fust, civem Moguntinum, & Petrum Schoiffer de Gernszheim. Anno Domini Millesimo CCCCLVII. In vigilia assumptionis.* Librorum, quos Argentorati aut Harleimi excuderit *Guttenbergus*, nihil est cognitum; illorum vero, quos aut ipse cum sociis *Fausto & Schoiffero*, aut hi soli, absente *Guttenbergo*, Moguntiae publicarunt, quatuor & decem collegit Autor noster, qui, cum re vera sint omnium, unquam editorum, vetustissimi, quidni hoc in loco nominari mereantur? Sunt autem horum priores quinque omni sine typographorum indicio ante annum 1455 editi. Et quidem in tabulis ligneis impressos, librum *Alphabeti, Donatum, & Catholicon Joannis Januensis*, typis vero inobilibus excusos *Bibliorum Latinorum Codicem, & Catholicon Joannis Januensis*, supra diximus. Ceteros novem soli *Faustus & Schoifferus* ediderunt:
- 36 seq. *Psalmorum Codicem*, 1457, in folio minori; *Durandi Rationale divinorum Officiorum*, 1459, in folio; *Clementis V, P. M. Constitutiones*, 1460, in folio; *Catholicon Joannis Januensis*, 1460, in folio; cujus libri editionem hanc fuisse tertiam, praeter rationem *Jo. Alb. Fabricius* negaverat; porro *Dietheri, Electoris & Archiepiscopi Moguntini, Scriptum publicum in causa sua adversus Adolphum, Comitem Nassovium*, exiguae molis libellum, cujus vix usquam hodie vestigium appareat; *Bibliorum Latinorum editionem secundam*, duorum formae majoris Voluminum, 1462, Opus elegantissime excusum, & ad hunc diem vix simile sui habens; *Bibliorum Germanicorum* editionem Moguntinam,

1462, in folio, quam omnes Bibliographi & artis typographicæ Scriptores tacent, unus vero copiose describit *Jo. Alb. Bengelius* in *Apparatu Criseos sacra*, nuperæ *Testamenti Novi Græci* editioni subjuncto; *Bonifacii VIII Sextum Decretalium Librum*, 1465, in folio, quem an, præter Scholæ Freibergensis Bibliothecam, usquam invenire liceat, incertum est; denique *Ciceronis Officia & Paradoxa*, in folio minori, aut quarto majori, 1465 & 1466, quam utramque annorum notam diversa Operis hujus exemplaria ostendunt. Addit his libris alios *Marchandus* noster, nec annum indicantes, nec *Fausti* & *Schoifferi* nomine signatos, sed, quod chartæ & typorum similitudo docet, horum omnino prelo emissos. Sunt hi *Liber Regule pastoralis Sti. Gregorii Papæ ad Johannem Archiepiscopum Ravennensem*, in 4, antiquissimum sine dubio rei typographicæ Specimen; *Magistri Mathei de Cracovia Dialogus Rationis & Conscientie, an expediat vel debeat quis raro vel frequenter celebrare vel communicare*, & *Magistri Henrici de Hassia Expositio super Orationem Dominicam, super Ave Maria, & Speculum Anime*, in 4; *Vincentii Beluacensis, Fratris Ordinis Predicatorum, Speculum Hystoriale*, in quatuor formæ majoris Tomis, quorum quisque octo Libros continet; *Liber Sermonum sancti Leonis primi Pape, Doctoris floridissimi ac eloquentissimi*, in folio; & *Augustini de vera vite cognitione Libellus*, in 4, quem Ulmæ Bibliotheca *Krafftiana* asservat. Cum post annum 1467 editioni nulli adscriptum sit *Jo. Fausti* nomen, & prima harum, quas solus curavit *Schoifferus*, d. 8 46. Octobr. A. 1467 prodierit, hinc facile colligitur, anno aut 1466, aut 1467, diem suum obiisse *Faustum*, cujus posteros, muneribus publicis insignes, scriptisque clarissimos, hic & accurate nominat, & copiose laudat, Autor noster. Defuncto *Fausto*, solus 47. artem exercuit Moguntiæ *Schoifferus*, ad annum usque 1492, ipsi, ut videtur, vitæ ultimum, librosque prelo suo emisit complures, quorum primum, *Clementis Quinti Opus Constitutionum clarissimum*, 1467, in folio, & postremos duos, *Psalmodum Codicem, cum Prophetarum Canticis, Musicis Notis illustratum*, 1490, in folio, & *Cronik der Sassen*, 1492, in folio, hic adductos legi-

- mus. Filios reliquit tres, non minorem, quam parens olim, artis diligenter excultæ famam consecutos. Primus horum, *Joannes*, officinæ paternæ successor, ab anno inde 1503 ad 1533 prelo suo exire libros & numero multos, & eleganter excusos, jussit, quorum indicem sat accuratum, sed ab Autore nostro
- Pag. 48 seq. aliis sex locupletatum, nobilis Annalium Typographicorum scriptor, *Mattarius*, dedit. Alter, *Petrus*, Moguntiz primum, postea Wormatiz & Argentorati, tandem Venetiis, typis exscripsit aliquot Opuscula, quorum hic septem nominantur. Tertius, prænomine *Ivo*, & ipse substitit Moguntiz, sed libros non nisi quinque edidit; saltem plures in notitiam Autoris nostri non venerunt. Qui deinde ex gente hac *Schoifferiana* prodierunt nobiles typographi, maximam partem penates suos in Belgium transtulerunt. Horum multos ex vetustis monumentis diligenter collegit *Marchandus* noster, & varia de his singularia afferendo, memoriam eorum æternitati consecravit.
50. De *Joanne Meydenbachio*, quem supra diximus a *Gutenberg* in artis societatem adscitum, quid factum fuerit, haud satis constat; librorum enim, nomine ejus signatorum, nihil usquam apparuit. Sed legitur filii aut cognati ejus, *Jacobi Meydenbachii*, nomen inscriptum libro huic valde memorabili: *Hortus Sanitatis, id est, Liber de Herbis, Animalibus, Avibus, Piscibus, &c. cum eorum Figuris in Ligno incis*, Moguntiz A. 1491 in folio excuso, de cujus Autore & Germanica interpretatione, Lubece A. 1492 edita, æque diligenter, ac de multis aliis typographiæ monumentis vetustissimis, hic differentem videas Autorem. Pulcherrimam coronidem ipsi de ortu artis typographiæ narrationi impositurus Autor præstantissimus, rem facturum se lectoribus suis satis gratam & jucundam putavit, si, per nobilissimas quasque Europæ cultioris civitates eundo, quo anno unaquæque harum cœlesti illo viderit se munere donatam, & quam editionem paraverit primam omnium, indicaret. Dedit igitur locupletissimum urbium 187, totidemque librorum,
- 54 seq. quibus antiquiores non viderunt urbes illæ, Indicem, literarum annotationibus, mira eruditione refertis, tanquam gemmis quibusdam, exornatum. Eorum, quæ de ipsa artis typographiæ origi-

origine & tanquam incunabulis copiose attulit Cl. *Marchandus*, momenta hic præcipua summam attigimus, quibus plura addere, observatione nostra æque digna, angustia nos spatii, & instituti nostri leges, prohibent; quæ nisi essent, ceterorum etiam libri elegantis capitum, in quibus non minorem diligentiam, quam acumen criticum, ostendit Autor, recensione, tanquam pabulo quodam, ingenium Lectorum pascere. Sint igitur illa omnia, quæ nos inviti prætermittimus, Lectoris, harum suavitatum cupidi, non lectioni tantum, sed approbationi etiam, relicta, quæ, si Operis insigne merita spectentur, prorsus summa est futura, atque satis ad id valebit, ut ingenio excul- to & polito porro Autor doctus ad ornandas bonas literas utatur, & cui nostro tempore delicati quidam sublimiorum studio- rum sectatores parum solent pretii statuere, Historiæ literariæ honorem tueri atque dignitatem pergat.

HISTOIRE DE L' EGLISE GALLICANE, &c.

h. e.

HISTORIA ECCLESIAE GALLICAE, AUTORE
JACOBO LONGUEVAL, e Societate Jesu.
Tomus V & VI.

Lutetiæ, apud Franc. Montalantium, 1733, 4 maj.

Tom. V Alph. 3 plag. 9, Tom. VI Alph. 3 plag. 11½.

Hujus splendidissimi Operis, cujus *quatuor* jam *Tomos* A. 1734 *Mens. Nov. pag. 495 seq.* recensuimus, *quintum* nunc *Tomum sextumque* recensituri, initio docemus Lectores nostros, eandem, quam prioribus in *Tomis*, servatam esse methodum, singulosque & hic *Tomos* *tribus* constare *Libris*, singulorum Conciliorum hic exhiberi Canones præcipuos, historias Episcoporum hujus ævi & Abbatum describi diligenter, itemque de Scriptoribus ecclesiasticis, eorumque scriptis, curate disseri, nec silentio prætermitti traditiones de miraculis, hoc ævo frequenter patratæ a Sanctorum emortuis ossibus. Servat item Autor ordinem Chronologicum, progressus in *Libro XIII* ab

anno 788 ad 814; *XIV* usque ad annum 829; *XV* ad annum 849; *XVI* ad annum 866; *XVII* ad annum 899; *XVIII* ad annum 987. Nostrum nunc est, ex hoc historiarum cumulo seligere, quæ Lectori nostro putaverimus cognitu jucundiora. *Libro* igitur *decimo tertio* describere pergit Noster Ecclesiæ Gallicæ sub *Carolo M.* statum, totum hunc *Librum* consumens hujus Regis & Imperatoris historia. Ac initio etiam hoc laudat nomine, quod se præstiterit obedientissimum Episcopis in opprimendis hæresibus, ac strenuum se præbuerit *executorem sententiarum*, ab ipsis in hæreticos latorum. Nata hoc tempore erat *Elipandi Toletani* & *Felicis Urgelitani* hæresis, Christum habentium pro filio Dei adoptivo. Quod hac in causa A. 788 Narbone habitum fuisse perlubetur Concilium, ejus Acta Noster existimat esse corrupta, nec assentitur secus sentientibus *Baluzio* & *Fleurio*. Certiora sunt acta Concilii, Ratisbonæ A. 791 jussu *Caroli M.* habiti, in quo præsens *Felix* suum ipse errorem condemnavit. At, quanquam Romæ, quo ipsum *Carolus* ire jusserat, condemnationem illam & abjurationem repetiit, redux tamen in Episcopatum suum perrexit errorem suum tueri & propagare. Cumque nec *Elipandus* desineret idem facere, scriptis etiam ad ipsum *Carolum* literis, hic A. 794 senatum sacrum vocavit Francofurtum: ubi *Paulinus*, Aquilejensis Patriarcha, librum composuit, huic errori oppositum. Eodem in Concilio cum actum fuerit de cultu imaginum; Noster primo laudat Concilium Nicenum secundum ob restitutum confirmatumque cultum illum, condemnatamque Iconoclastarum hæresin. Quorum velligia cum postea institerint Reformati, feliciter, si Diis Criticis placet, conjicit, nomen *Hugenot* ortum esse ex *Iconoc*, priori parte nominis *Iconoclastarum*. Deinde factum esse judicat partim ex odio erga Imperatricem *Irenen*, partim ex Græcæ linguæ imperitia, ut damnaretur Francofurti Nicenum illud Concilium. An *Libri quatuor Carolini contra cultum imaginum*, qui supersunt, ab *Alcuino* sint compositi, & a *Carolo M.* comprobati, pag. 39 & 43 dubitat, creditque, aliud fuisse scriptum, quod ad Papam miserit *Carolus* adversus Concilium illud Græcum. Non tamen

men sibi constat, pag. 40 agnoscens, ad libros *Carolinos*, quos adhuc habemus, accurate respondisse *Hadrianum* Papam. Hinc reliqua historię Adoptianę, ut ita loquamur, persequitur, ac libri, contra *Felicem* ab *Alcuino* scripti, recensionem exhibet. Cetera omittimus, indicasse contenti, historiam hujus controversię vel, ut nonnulli arbitrantur, logomachię ecclesiasticę, uberrime esse ab Autore nostro expositam. Pag. 69 refert, hoc ipso temporis tractu docuisse quosdam, confessionem peccatorum non esse edendam ad sacerdotem, sed ad solum Deum: commemoratque epistolam *Alcuini*, errorem hunc refutantis. Cum autem inde concludit, errasse *Cbennitium* nostrum, docentem, ante decimum tertium Seculum confessionem illam non fuisse habitam necessariam, nos respondeamus e *Cbennitiani Examini Concilii Tridentini Part. II Lib. IX §. 40*, hanc ejus fuisse sententiam, ante illud tempus (en ipsius verba!) non existisse præceptum in Ecclesia de enumerandis sacerdoti omnibus delictis, quorum quis remissionem a Deo quaerat. Seditionem, adversus Papam *Leonem III* excitatam Romę, Noster pag. 77 seq. commemorat, traditionemque, quod tum Papę eruti fuerint oculi, & abscissa lingua, quodque paulo post miraculo eximio recuperarit & oculos & linguam, ita defendit, ut indignetur Criticis, eam inter fabellas referentibus. Ac sane pluribus documentis Noster in hoc Opere docet, se non esse Historicum criticum, sed eas habere pro veris narrationes, quę suę Ecclesię videntur utiles ac gloriosę. Pag. 88 referens, *Carolum M.* a morte uxoris *Luitgardis* quatuor successive habuisse concubinas, has putat (id quod pag. 145 & pag. 211 & pag. 314 repetit,) veras fuisse uxores, sed non solenniter ab eo ductas in matrimonium. Hinc describit iter a *Carolo M.* Romam A. 800 susceptum, postquam ad ipsum *Paderbornam* venisset Papa *Leo III*. Hic quoque Noster credit, *Carolum* renuntiatum a Papa fuisse Imperatorem & ignarum consilii Papę, & invitum. Postea, quę a *Carolo* Imperatore, & sub eo Imperatore, gesta sunt in Ecclesia, enarrat, leges inprimis *Caroli* recensens illas, quę pertinent ad Clericos. Describit hic item *Alcuini* & eruditionem & mo-

res, simul scripta ejus commemorans cum genuina, tum supposititia.

In *Libro XIV* multa exhibentur Conciliorum, sub *Ludovici Pii* regno habitorum, decreta, Statuta item, ad reformandum statum monasticum edita: ubi & commemoratur monachorum, in pluribus monasteriis irregulari vitæ assuetorum, tumultuosa contumacia. Alia quæque Statuta hic occurrunt, statum reformatura ecclesiasticum. Inter hæc Noster *pag. 323 seq.* agens de legatione Imperatoris *Michaelis* ob cultum imaginum, omni cura causam agit superstitionis orientalis, sacrarumque imaginum cultores sollicitè defendit. Ac de Concilio agens, hac in causa Parisiis A. 825 habito, ubi cultus imaginum & simul Concilium Nicenum II damnatum fuit, defensionique *Libri Carolini* contra *Hadriani* Papæ Epistolam; imperitiæ accusat & præcipitantiæ (utriusque vitii ipse reus) Patres Parisiensis Concilii. Falsus præterea *pag. 333*, hoc tempore Episcopos Galliæ statuisse, sacras imagines non esse confringendas, sed retineri in templis posse, ita tamen, ut nullus iis exhibeatur cultus religiosus; id ægerrime ferens, atro carbone notat *Claudius*, Taurinensem Episcopum, acriorem superstitionis iconolatricæ infectatorem. Nec proinde placent ipsi scripta *Jona Aurelianensis* & *Agobardi* de imaginum cultu, Pontificiæ quippe, quæ postea invaluit, de sacris imaginibus doctrinæ minus faventia. Imo *pag. 346* docet, cultum Sanctorum hoc tempore a Deo confirmatum fuisse plurimis miraculis, preces ad eos emissas secutis: quorum multa recitat, nostram quidem fidem excedentia.

Quæ *Libri XV* initio narrantur fuse de rebellionem filiorum adversus patrem *Ludovicum Pium*, prætermittimus, magis quippe ad Historiam civilem pertinentia, quam ad ecclesiasticam. *Pag. 453 seq.* recitat Noster Canones Concilii Aquisgranensis, A. 836 habiti, pulchre observans, solere sub Principe tali, qualis *Ludovicus Pius* fuit, plurimas dari leges, sed servari paucissimas. Quæ deinde tradit de reliquiarum translatione hoc tempore facta, e. g. S. *Liborii* Paderbornam, S. *Viti* Corbejam, merito præterimus. Delatus ad mortem *Ludovici Pii*,
ejus

eius indolem ita describit, ut, ipsum solo zelo religioso fuisse similem patris, pronuntiet, bonosque inter Christianos, non item magnos Imperatores, numerari posse. Quæ post ejus mortem in Gallia gesta hic describuntur ad Historiam pertinentia civilem, omittentes, docemus, *pag. 512 seq.* copiose agi de *Hincmari*, Rhemensis Archiepiscopi, factis, moribus, & scriptis. Noster eum vocat *gloriam Ecclesie Gallicæ, sive eruditionem spectes, sive zelum, errorem hæreticorum, animam & ecclesiasticorum & politicorum consiliorum in aula Regia.* Pluribus hic etiam agitur de *Paschasio Ratberto*, & ejus scriptis.

In *Libri XVI* exordio multis exponitur historia *Gottheschalci*, errantis gravissime in doctrina de prædestinatione. Simul pergit Noster acta ecclesiastica describere *Hincmari Rhemensis*. Hic *pag. 89* agnoscit ingenue fabulam, hoc Seculo diditam, de æterna *Caroli Martelli* damnatione ob occupata bona ecclesiastica. Singulari studio *pag. 115 — 152* persequitur, quæ acciderunt ob *Lotharii* Regis secessionem ab uxore *Teutberga*, digna sane lectu vel propterea, ut cognoscatur, quam misera tum fuerit Regum conditio sub imperio vel potius tyrannide sacerdotali.

Initio *Libri XVII* laudatur *Nicolai I* Papæ fortitudo & prudentia, in schismate *Photiano* luculenter ostensa, simulque ejus, A. 867 d. 13 Nov. extincti, acerrimus prædicatur zelus tuendi auctoritatem sive majestatem Papalem. Postea *pag. 219* exemplo quodam docet Noster, quæ hoc tempore fuerit ratio examinis, ei subeundi, qui creandus esset Episcopus. Discimus inde, tantum eruditionis in eo requisitum fuisse, ut legere & intelligere posset unum Caput e *Gregarii M.* Pastoralis, & unum item Canonum ecclesiasticorum. Et tamen Noster *pag. 226* miratur & laudat circumspectionem, hac tempestate adhibitam, ut bonos acciperet Ecclesia Episcopos. Singulari etiam diligentia hic describit ritus ordinationis Episcoporum. *Pag. 241 seq.* persequitur bellum sacrum, ut sic loquamur, sive concertationem duorum *Hincmarorum*, Rhemensis & Laudunensis: quorum prioris a partibus Rex stabat, & Concilium, ea de causa habitum. Exauctorationem Laudunensis cum non

approbaret Papa *Hadrianus II*, quia scilicet facta esset non expetito ipsius consensu, atque ideo acerbiores literas mitteret in Galliam; Rex inter alia ipsi ita pag. 273 respondit: *Rogamus te per Deum & per Apostolos, ut in literis, sive ad me, sive ad Episcopos, scribendis, posthac abstineas stilo duriore, nec nobis causam praebeas literas tuas pariter & Legatos excipiendi contemtu.* Noster addit, Papam paruisse consilio huic, & postea scripsisse mollius. Pag. 321 seq. adventus *Joannis VIII* Papae in Galliam memoratur, & habitum ibi ab eo Concilium. Accidit hoc in itinere Papae, quod nec *Petro*, nec ulli Apostolorum, acciderat, ut ei furto surriperentur equi sui, & praeterea scutella argentea: quos profanissimos fures iusta ira incensus Papa confestim devovit Diris. Tum Concilium habuit in urbe *Trecensi*, quod hic describitur. Inito jam Concilio, accessit Rex *Ludovicus*, quem Papa tum coronavit. Venit huc etiam oculis privatus *Hincmarus* Laudunensis, suas ad Papam deferens querelas de *Rhemensi Hincmaro*. Ac ei Papa potestatem largitus est Missas faciendi in cecitate sua, & ex Episcopalibus vivendi reditibus. Ibi etiam Papa excommunicavit usurpatores Ecclesiasticorum bonorum. Postea Noster *Hincmarum* *Rhemensis*, A. 882 d. 7 Dec. mortui, post gestum 37 annis, septem praeterea mensibus & quatuor diebus, Episcopatum, tum morum, tum scriptorum, vitia pariter & virtutes indicat ingenue.

Seculum decimum exordiens Autor *Libro decimo octavo*, non solum fatetur, recte id vocari *ferreum* atque *obscurum*, sed dolet etiam, hoc Seculo a meretricibus fuisse creatos pariter ac depositos *Vicarios Christi*: gratulans tamen simul Ecclesiae de miraculo divinae providentiae, quae tam misera tempestate religionem conservavit incorruptissimam. Pag. 409 seq. describit transitum *Normanicæ* gentis ad religionem Catholicam; commemorans etiam ortum & prosperos successus monasterii *Cluniacensis*. Pag. 484 — 515 describitur concertatio duorum Archiepiscoporum *Rhemensium*, quorum alter quinquennis puer fuerat electus, alter postea Canonice in locum prioris. At pater hujus, Comes *Herbertus*, bello propterea suscepto cum Rege, qui puerum nolebat esse Archiepiscopum, valde

valde afflixit Galliam: quanquam tandem iustioris causa fuit victrix. *Pag. 532 seq.* exhibet Noster *Ratherium*, Episcopum Veronensem, postea Leodiensem, sed utroque exutum: quem ait non indoctum, nec sancti zeli expertem, fuisse, sed prudentia caruisse rectoria. Ejus fatis mirabilibus descriptis, scripta quoque recenset ejus: quorum vel tituli produnt mirum Autoris ingenium. *Pag. 555 seq.* de *Flodiardo* agitur, hujus temporis bono, Historico, & Monacho præclaro, deque ejus scriptis, e quibus se fatetur Noster multa hausisse ad rite componendam hujus ætatis historiam. Claudat *pag. 576* hunc *Librum* Noster mentione *Hugonis Capeti*, conditoris familiæ Regiæ, quæ adhuc regnat, nullum tam longæ successionis exemplum habente historia omnis ævi.

RECENSIO CHRONOLOGIÆ SACRÆ ET profanæ VIGNOLIANÆ continuata & finita.

Vide *Nova Acta Anni præsentis Mensis Martii P. I pag. 97*,
Mens. Aug. pag. 438, & *Mens. Sept. P. I pag. 494*.

Quam *Libro V Chronologiae suæ sacre Venerandus Vignolius* de *Regibus Babylonie* nobis exhibet elaborationem, eam, non dubitamus, in tanta scribentium multitudine, qui circa hoc argumentum calamos exercuerunt, reliquis palnam prærepturam esse. Nobis, qui jam aliquoties recensione hujus non satis prædicandi Operis Chronologici vacavimus, summas rerum hic attigisse suffecerit, ut Lectorum sitim non tam restringere, quam augere potius & incendere, videamur. Quoniam vero *Regibus Babylonie ex Canone Ptolemæi* lux lucidissima oritur, hic autem *Canon* ad *Æram Nabonassaræ* constructus est; Autor primo agit de *Æra Nabonassari*, tum quoque de ipso, quem diximus, *Canone*.

Postquam docuit, exiguum aliquod esse discrimen inter *Æram* & *Epocham*, quæ vulgo vocabula inter se confundi solent, videlicet, *Æram* esse rationem annos numerandi, & *Epocham* initium, unde anni numerantur; ostendit ex *Ptolemaeo*, *Æram Nabonassari* certum & fixum habere principium in *Anno Per. Jul. 3967*, ejusque *Febr. 26*, & hinc facillimo ne-

CAP. I
pag. 328.

gotio omnium annorum principium in annis *Jul. Per.* reperi-
 ri. Cum autem nonnulli viri docti exstiterint, qui negarent,
 ante *Claudium Ptolemaum*, Scriptorem Seculi post Christum
 natum secundi, hanc Epocham fuisse usitatam, eorum argu-
 menta Autor ordine expendit, & amotis scrupulis, concludit,
Alexandri Magni ætate hanc Æram a Babyloniis excogitatam,
 CAP. II sensumque adhiberi coeptam esse. Accedit deinde ad ipsum
 pag. 346. *Canonem Regum*, cujus primo editiones *Scaligeri*, *Overalli*,
Calvisii, *Bainbridgii*, *Dodwelli*, enumerat. Atque utinam
 licuisset conferre observationes de *Canone Regum Astronomico*,
 ejusque Autoribus, Editionibus, MStis, & quæ eo pertinent, a
 doctissimo Chronologo in lucem emissas Amstelodami A. 1735.
 Hinc enim hanc pertractationem non tam locupletare, quam
 348. ornare magis & confirmare, potuisset. *Secundo* exhibet ipsum
Canonem, in sex columnas distinctum, quarum 1 annos Periodi
 Julianæ; 2 annos Christi; 3 dies annorum primos; 4 nomina
 Regum Assyriorum, Persarum, Græcorum, Ægyptiorum, Im-
 peratorum a *Nabonassaro* ad *Antoninum Pium*; 5 annos regni
 cujuscunque Regis; 6 summam annorum, repræsentant. *Ter-*
 351. *tio* inquit in hujus Canonis Autorem, & probabili conjectura
 assequitur, eum fuisse *Berosum* Babylonium, ex ejus tempore &
 357. studiis, ex *Iosepho*, ex *Hipparchi* observationibus. *Quarto* de-
 clarat methodum hujus Canonis, eamque plurimis exemplis il-
 lustrat. Quæ res, cum debeat esse Chronologis notissima, hic
 nos ulterius non morabitur. Saltem hinc constat, nos tuto ve-
 stigiiis Canonis insistere, in quo errores calculi locum habere
 non possint. Adstructa hunc in modum Canonis autoritate &
 veritate, Reges ipsos perlustrandos suscipit Venerabilis *Vignolius*,
 illos præcipue, quorum nomina in sacris monumentis reperiun-
 CAP. III tur, facto tamen exordio a *Nabonassaro* omnium primo, cui
 pag. 367. *Æra* nomen, & forsitan originem, debet. De hoc *Nabonassa-*
ro cum taceant Annales, & de quo nihil prorsus sciremus, abs-
 que hac esset Epochæ, merito quæritur, quis fuerit, & cur ab
 ipso Epochæ, quam diximus, exordium cepit. Statuit Autor
 cum viris doctissimis, post extinctum antiquissimum Assyrio-
 rum imperium in *Sardanapalo*, apud Medos Asiæ principatum

resedisse: Babylonios autem præfectis Regis Mediæ paruisse, donec, excusso Medorum iugo, *Nabonassar* primus Regium sibi nomen vindicaverit. Accessisse restitutionem scientiæ Astronomicæ, diu in his turbis neglectæ, & postea a Babylonis maiorem in modum excultæ, quod fufius ab Autore probatur. Ceterum, ut diximus, annus *Nabonassari* primus est *Periodi Julianæ* annus 3967, & annus ante Christum 747. Sacræ literæ, regnante *Ezechia*, Regem nobis inducunt Babyloniorum *Merodach Baladanem*, quem nihil differre a *Mardocempado*, *Canone* Autor lucidissime demonstrat. Cumque *Mardocempadi* annus primus incidat in A. P. J. 3993, & A. C. 721, manifestus est synchronismus *Merodaci* & *Ezechia*. Hac occasione obiter agit de retrocessione Solis an Umbræ, deque causa legationis Babylonicæ ad *Ezechiam*, quæ melius in ipso Libro legentur. Interjectis duobus interregnis, & Regibus aliquot, sequitur in *Canone Assaradinus*. Quod viri docti dudum conjecerunt, *Assaradinum* ab *Assarbaddone* Sacræ Scripturæ non discrepare, illud synchronismus mirifice confirmat. Iisdem enim annis floruerunt; quandoquidem ex *Canone* primus *Assaradini* est Per. Jul. 4034, A. C. 680, qui ipse annus incidit in ætatem *Manassis*, quem synchronum fuisse *Assarbaddoni*, suo loco *Libro III* demonstratum est; ubi quoque vidimus, quomodo *Assarbaddon*, Rex Assyriæ, reperiatur in *Canone* Regum Babyloniorum. Hac occasione Autor brevibus disserit de Colonis in Palæstinam missis, & existimat cum *Clerico*, *Afnappare*, *Efra* IV memoratum, non ipsum *Assarbaddonem*, sed ejus fuisse præfectum ac belli ducem. Qui sequuntur in *Canone* *Saosduchinus* & *Ciniladanus*, neque in Sacris, neque alibi, memorantur. Itaque, postquam in transitu aliter sentientem *Pezronium* correxisset, ad *Napolassarum* transit Autor, patrem *Nebucadnezaris*, Regis Babylonæ, & rebus gestis & fati in S. Scriptura illustris-
simi. Ut autem eo melius intelligantur ea, quæ de hoc Rege, ejusque successoribus, in compendio dicemus, inserenda est *Tabella* ex *Canone*, cum annis Regnorum, annis ante Christum, & annis *Periodi Julianæ*.

CAP. IV
pag. 376.

CAP. V
& VI
pag. 385-
388.

CAP. VII
pag. 391.

CAP. VIII
pag. 397.

A. Regn. A. C. A. P. J.

<i>Nabopolassar</i>	21	625	4089
<i>Nabocolassar</i>	43	604	4110
<i>Iluarodorus</i>	2	561	4153
<i>Niricassolassar</i>	4	559	4155
<i>Nabonadius</i>	17	555	4159
<i>Cyrus</i>	9	538	4176

CAP. VIII Principium *Nabopolassari* incidit in annum P. J. 4089, & pag. 397.

ante Christum 625, quod non solum ex *Canone*, sed & ex memorabili Eclipsi Lunæ, confirmatur, cujus veritatem Autor pluribus adstruit. Hinc autem sequitur, *Nabopolassarum* cœpisse cum anno *Josæ* XV; &, etiamsi ejus nomen in Sacris non reperiatur, celebre tamen fragmentum nobis *Berosi* conservavit *Josephus*, in quo pater *Nebucadnezaris* vocatur *Nabucodonosor*, quod propter nominum convenientiam facile accidere potuit. Hoc fragmento illustrato, & cum historia sacra composito, Autor ad ipsum *Nebucadnezarem* progreditur, cujus memoriam sacri Historici in suis monumentis æternam reddiderunt. Hic autem propter rerum multitudinem

CAP. IX

pag. 409.

ordine perlustrat primo annos ejus regni. Ex *Canone* cœpit A. P. J. 4110, A. C. 604, qui ipse annus respondet anno quarto & quinto *Josakimi*, Regis Judæ; ex quo synchronismo simul immenso argumento evincitur, Canonis *Nabocolassarem* esse Scripturæ *Nebucadnezarem*: quod ipsum, propter insignie rei momentum, & quia tota sacra Chronologia per hunc synchronismum luce perfunditur, Autor copiosius explicat, & ab omnibus scrupulis liberat: quæ avidi Lectores ex ipso libro melius haurient. Nos nunc ad ulteriora festinamus. Nam Venerabilis Senex secundo agit de rebus gestis *Nebucadnezaris* ante regni exordium. Harum mentionem facit *Berosus* & *Daniel*, cujus in Prophetiarum initio hæc legimus: In anno tertio regni *Josakimi*, Regis Judæ, venit *Nebucadnezar*, Rex *Babylonia*, Hierosolymam, samque obsidione cinxit. Dedit autem Deus in manum ejus *Josakimum*, Regem Judæ, & partem vaforum

forum domus Dei, &c. Jam, cum superius dictum sit, ac deinceps probetur, *Nebucadnezaris annum primum* convenire *Jojakimi anno quarto*, quaeritur, quare *Daniel* hunc *Nebucadnezarem anno Jojakimi tertio* Regem *Babyloniae* salutaverit, cum Rex nondum esset. Nonnulli huic dubio respondent ex eo, quod pater filium ante mortem socium regni adsciverit; sed Autor melius statuit, per anticipationem Regio nomine illum citari, quod tot exemplis ex veteri & recentiori historia probat, ut omnibus hic satisfactum existimemus. Recensitis deinde reliquis rebus ante regnum gessis, *tertio* ad regnum ipsum accedit, cujus principium *Jeremias XXV, 1*, extra dubitationem constituit: *Verbum, quod fuit ad Jeremiam adversus omnem populum Juda anno quarto Jojakimi, filii Josia, Regis Jebuda, qui est annus primus Nebucadnezaris, Regis Babyloniae.* Quid egerit anno primo regni, ex *Beroso* lucem accipit. Anno secundo somnium mysticum per quietem vidit, quod *Daniel* interpretatus est, *Daniel. II.* Anno septimo *Jojakimum* rebellantem vicit & interfecit. *Jehoniam* itidem, regno privatum, in captivitatem abduxit, substitutoque in ejus locum *Zedekia*, quod *quarto* exponitur, *Cyaxari* Medo in obsidione urbis *Ninive* fuit auxilio, quocumque affinitatis vinculo erat conjunctus. Accidisse hoc anno nono *Nebucadnezaris*, ex synchronismis, & ex libro *Tobiae*, cujus testimonium spernendum non credimus, & aliunde, ulterius adstruit *Vignolius*, soluto simul nodo ex *Ezechielis XXXI*, & illustrato in transitu *Nabumi* tempore. Jam pergit ad obsidionem Hierosolymae sub *Zedekia*, de qua tamen cum ex professo egerit *Libro II*, hic tantummodo ea adducit, quae superioribus clarius intelligendis poterant esse adiumento. Itaque reperias hic *Diarium* hujus obsidionis accuratius expositum, & novis argumentis corroboratum; ipsa vero expugnatio incurrit in *Nebucadnezaris annum XVIII.* Ad res circa Tyrum gestas nunc se confert Venerabilis Senex. De hujus nobilissimi emporii satis vaticinatur *Ezechiel Capitibus XXVI, XXVII, & XXVIII.* Capituli *XXVI* hoc legimus exordium: *Anno undecimo, primo (die) Mensis.* Annus undecimus est a captivitate *Jehoniae*, qua Epochae *Ezechiel* uti solet. Is

Pag. 436.

441.

447.

453.

- antem componitur cum anno XVIII *Nebucadnezaris*. Cum vero Propheta diem quidem expresserit, omisso mensis nomine, conjicit Autor, hoc olim ex Codice Hebræo excidisse. Quod ad rem ipsam attinet, Tyri obsidionem refert ad annum *Nebucadnezaris* XX. Regem adeo Tyri fuisse *Etbbaalem*, sive *Itbobaalem*; qua occasione verba quædam sancti Vatis dilucidat
- Pag. 464. *Ezech. XXVIII, 2, 12*, iudemque historiam belli inter *Cyaxarem*, *Mediæ*, & *Alyattem*, *Lydiæ* Regem, quam apud *Herodotum* relatam legimus. Tandem, cum validissime resisterent Tyrii, post tredecim demum annos urbs in potestatem Regis venit, adeoque anno XXXIII. Hoc facto, Deus Regi, quasi in tam diuturna ac tam difficili obsidione operæ pretium non tulerit, Ægyptum præmii loco promittit *Ezech. XXIX, 17-20*. Itaque de bello Ægyptiaco, victo *Hophra*, sive *Aprie*, Ægyptiorum Rege, aliisque præclare gestis, Autor porro agit ad annum XXXV, quo post tot victorias, tot urbes expugnatas, tot gentium victor *Nebucadnezar* in patriam redux Babylonem exornare cœpit, & summa magnificentia exstruere. Sed, cum propterea sese ultra modum efferret, iudicium Dei incurrit, & per septennium ratione privatus est, donec, recuperato intellectu, supremam Dei in omnia potentiam agnosceret, ut apud *Danielem* legimus: & paulo post supremum diem obiisse videtur anno regni XLIII; quæ omnia, ex caligine temporum eruta, in plenam lucem protraxit Venerabilis Autor. *Nebucadnezarem* excepit filius *Evilmerodachus*, qui *Jechoniam*, Judææ quondam Regem, anno 37 captivitatis libertati restituit, 2 Reg. XXV. In *Canone* sequitur *Ilvarodamus*. Cum autem tum ex nominum convenientia, tum aliunde quoque, constet, *Ilvarodamum* ab *Evilmerodacho* non differre; illius autem annus primus sit *Æræ Nabonassaræ* 187, & Periodi Jul. 4153, & captivitatis *Jechoniæ* 37; certissimum habemus tandem *characterem*, cujus ope anni Regum Judææ cum annis *Nabonassaræ*, & Periodo Juliana, combinari possint: quod sane in Chronologia sacra summi haberi debet momenti, uti Autor ostendit pluribus, & nos
- CAP. X
pag. 472.
- CAP. XI
pag. 475.
- supra inuimus. *Evilmerodacho* in *Canone* dantur anni 2, nec dissentit *Berosus*. Sed in successoribus *Canoni* neque cum *Beroso*.

roso, neque cum sacris, satis convenire videtur. *Canon* nobis exhibet *Niricassolaffarem*, eique assignat annos quatuor. Hoc nomen repetimus in sacris. *Berosus* notat, *Evilmerodachum* propter vitia a *Neriglissaro* affine interfectum esse; eoque mortuo, successisse *Laborosoarchodum* per novem menses: quo etiam occiso, regnum pervenisse in potestatem *Nabonadii*. Itaque prima questio movetur circa *Neriglissarem*, in Sacris, ut credunt, tacitum, cum tamen eundem *Canon* ac *Berosus* exhibeant. Sententiam Autoris statim audiemus. Interim exillinamus, *Neriglissarum* fuisse eundem, quem *Jer. XXXIX, 3, 13*, vocat *Nergar-Sar-Ezerum*, quem Babyloniz Principibus accenset, & Magorum præfectum appellat. Principi tantæ autoritatis *Nebucadnezar* filiam in matrimonium denegare non potuit. Apud *Berosum* sequitur *Laborosoarchodus*, adolescentulus, Rex novem mensium. Cur hunc *Canon* omiserit, ratio patet. Nullius enim ibi Regis nomen comparet, cujus regni spatium intra annum concluditur. Neque affirmare possumus, *Laborosoarchodum* eundem esse, quem *Belschazarem* S. Scriptura nominat, etiamsi nomina consentiant. Hujus enim annus tertius in *Daniele* notatur. Cum autem in *Canone Niricassolassarum* statim excipiat *Nabonadius*, *Belsazaris* præterito nomine; recte quæstiones moventur tum de *Belschazare*, tum de *Nabonadio*. Et præstantissimi quidem Chronologi opinantur, his duobus nominibus unum eundemque Regem designari. Sed aliter videtur Venerabili *Vignolio*. Itaque primum pertractat argumentum de *Belschazare*, & tum ex diversis nominibus, tum ex annorum discrimine, & rebus gestis, clarissime evincit, *Belschazarem* cum *Nabonadio* neutiquam esse confundendum. Nos quidem hæc omnia, digna, quæ cum attentione legantur, & expendantur, hic in compendio exhibere non possumus. Probabile tandem putat, *Belschazarem* ipsum illum *Canonis* esse *Neriglissarum*, cujus modo meminimus; cumque simul satisfaciat objectionibus, quibus hæc sententia impugnari queat, non credimus, in tanta obscuritate meliorem excogitatum iri. Sed ecce alius nodus vindice dignus! Post trucidatum *Belschazarem*, *Daniel* memorat, Babyloniz regnum accep-

Pag. 477.

CAP. XII
pag. 480.

CAP. XIII
pag. 495.

pisse *Darium Medum*; in *Canone* autem vestigia *Niriglissari*, quem diximus esse *Belschazarem*, premit *Nabonadius*. Num itaque *Nabonadius* cum *Dario Medo* unam eandemque personam constituit? Vexatissima quaestio, circa quam ingenia Chronologorum mirifice sese exercuerunt. Autor sententias praestantissimorum Virorum, *Scaligeri*, *Petavii*, *Iosephi*, quem *Usserius* sequitur, *Marshamii*, *Pezroni*, *Genebrardi*, accuratiori iudicio submittit, & tandem pronuntiat, *Nabonadium* Canonis, & *Nabonnidam* Berosi a *Dario Medo* plane differre. *Nabonadium* ultimum fuisse Babyloniorum Regem, cujus tempore *Cyrus* Babylonem expugnaverit: eumque ante subactam Babylonem a *Cyro* victum, in *Borsippenam* urbem confugisse: ibi autem conclusum, & in angustias redactum, *Cyro* sese in manus tradidisse, & ab eo clementer habitum, ac *Caramaniam* praefectura donatum esse. Capta postea Babylone *Cyrum* Babylonis Regem dedisse *Darium Medum*, qui ipse fuerit frater *Astyagis*, ultimi Medorum Regis, & filius *Cyaxaris*. Hunc porro *Darium*, quia sexagenario major non integrum annum regnaverit, in *Canone* non comparere, sed *Nabonadium* proxime cum *Cyro* conjungi. Haec omnia, conjecturis ac tricis liberata, Venerabilis Autor pleniori luci exponit, & negotium feliciter exequitur, ut simul & *Historiae sacrae*, & *Canonis Ptolemaico*, sua veritas constet. Neque quemquam doctorum virorum in hoc perplexo argumento tam laudabiliter, & tanto acamine, versatum esse cognoscimus.

CAP. XIV
 pag. 524.

Hoc adeo perfunctus labore, ad *Cyrum* dilabitur, quem sibi in hoc Chronologiae suae stadio metam constituit. De *Cyro* triplex exstat narratio *Herodoti*, *Xenophontis*, & *Ctesiae*. Cum vero *Herodoto* in omnibus non conveniat cum *Xenophonte*, & multi hujus auctoritatem *Herodoto* praefendam existiment; Autor de fide horum in historia Triumvirorum copiosius agit, ac multis rationibus evincit, *Cyropædiam* *Xenophontis* *Herodoto* esse postponendam. Fieri nequit, ut argumenta in medium proferamus. Sed credimus, *Vignolium* in hac pertractatione lectu dignissima omnibus aequis Lectoribus plene satisfecisse. Hoc facto, inquit in natalem *Cyri* annum, eumque ex *Cicerone* ac *Dionisio* alligavit anno A. C. 599, ubi simul

de

de juventute *Cyri* quædam intersperguntur. Agit deinde de Pag. 549.

regno *Cyri* Persico A. C. 559, de bello Medico contra *Astyagem*, de bello contra *Crasum*, & aliis ad hoc intervallum spectantibus rebus. Tum accedit ad bellum Babylonium A. C. 555.

539, ubi passim vaticiniis sacris lucem accendit, & Historicos illustrat, & *Xenophontis* narrationem cum *Daniele* ac *Herodoto*, quantum fieri potest, componit. Tunc sigillatim pergît ad 569.

Darium Medum, cujus originem & regnum e tenebris eruit; & tandem *Cyri* imperium Babylonicum, annumque emortua-

lem, clarius constituit. Post tot casus & discrimina perventum est ad finem captivitatis Babylonicæ, quem cum Autores sacri CAP. XV
cum anno primo *Cyri* conjungant, iterum difficultas oboritur, pag. 580.

quisnam sit ille annus *Cyri* primus. Negotio penitus excusso, cum plerisque sentit Autor, annum hunc primum *Cyri* pri-

imum esse Monarchiæ Babylonicæ. Itaque historiam liberationis Judæorum singulari cura explicat, & ex *Xenophonte* mira-

bilem locum adducit: *Cyrum*, jam Babylonem urbem ingres-

sum, per vicos præcones dimisisse, qui clamarent, ut omnes *Syriace loquentes* intra domos se continerent, ne promiscue cum aliis in plateis occiderentur. His enim verbis *Judaos* si-

gnificari, nullus forsitan dubitaverit. His expositis, cum *Darius Hystaspis* filius super sit, cujus ætate templum secundum perfectum legimus, ad solvendo-
594.
s nodos, qui hic nequicquam ne-
cti solent, progreditur, tandemque ex harmonia totius syste-
matis sui Chronologici cum omnibus partibus docet, totum ædificium sacre suæ Chronologiæ firmo, solido, & immoto fun-
damento superstructum esse.

Librum VI inscripsit Venerabilis Senex de anno vetere, aut, si mavis, de anni antiquissimi forma. Etiam si hoc labore potuisset superfedere, cum intervallum temporis, quod illustrandum in se suscepit, antegrediatur; nihilo minus hunc *Librum* Chronologiæ sacre, totiusque materiæ Chronologiæ, Supplementum recte dixeris. Plenum enim reperies elegantissimæ disquisitionis, & rebus ac disceptationibus curiosissimis abundantem. Ceterum, cum fieri nequeat, ut propter frequentiores calculos hunc *Librum* in epitomen redigamus, summas res

- indicasse suffecerit, ut benevoli Lectores saltem cognoscant;
 CAP. I quantum eruditionis in hoc thesauro recondatur. Dum itaque
 pag. 610. tractationem exorditur ab *origine anni*, docet, primam temporis revolutionem esse *diem*, postea homines ex lunæ phasibus *mensē* didicisse, & tandem intercapedinem *anni* pervestigasse. Annum autem primis temporibus composuisse homines ex duodecim mensibus triginta dierum, adeo, ut annus ipse fuerit dierum 360. Hoc probari ex historia Diluvii, quæ in transitu luce hand exigua perfunditur; ex traditionibus Chaldaeorum vetustissimis, ubi explicantur Sari, Neri, & Sossi, CAP. III Chaldaicæ periodi, & evolvuntur anni 432000, quibus primi
 pag. 624. Chaldaeorum decem Reges regnasse leguntur apud *Berosum*; 630. ex loco *Alexandri Polyhistoris*, scribentis, post diluvium apud Chaldaeos 86 Reges floruisse per annos 34080, ex annis *Cal-*
 632. *listhenis* 1903, quorum memoriam asservavit *Simplicius*; ex 635. annis 720000 *Epigenis*, quot annis videlicet Babylonii habuerint cœlestes observationes, cochilibus laterculis inscriptas, ut testatur *Plinius*; ex annis porro *Berosi* 480000, quos idem *Plinius* allegat; ex annis itidem *Ciceronis* 470000, & *Diodori Siculi* 473000; ex annis quoque *Hipparchi* 270000, & aliis nonnullis monumentis historicis. Eandem rem, videlicet annum non excessisse dies 360, confirmari ex distributione Zodiaci in 643. signa XII; quodvis enim signum continere triginta gradus, pro 645. dierum in mense numero: & totum circulum gradus 360. Adde denique ambitum urbis Babylonix, quem *Ctesias* scripsit 360
 CAP. IV stadiorum fuisse. A *Chaldeis* progreditur Autor ad *Ægyptios*,
 pag. 649. de quorum in Astronomicis peritia primo disserit, deinde ostendit, illos anni *Juliani* notitia non fuisse destitutos, tametsi vulgaris annus fuerit dierum 360. Itaque annos illos veteres in antecessum cum *Julianis* confert; deinde, postquam *Ægyptiorum* 653. regulas, secundum quas tempestates observabant, eliciisset, præsertim ex observatione Caniculæ, accedit ad *Dynastias*
 655. *Deorum*, quas iactabant, & *Semideorum*: quas easdem *Dynastias* ex vetusto apud *Syncellum* Chronico dilucidat, & sic pervenit ad Catalogum Regum *Heliopolitanorum*. Discas hic præcipue *Cyclos* minores, *Ægyptios* usitatos; sed ex professo
 expla-

explanatur *magnus Cyclus Canicularis*, sive *Periodus Sothiaca* Pag. 669
 annorum 1461. Cedro digna ællimamus, quæ hic ex anti-
 quitate eruit Autor, de anno magno, ejusque hieroglyphicis,
 serpente in se revoluto, & phœnice. Porro, dum ex notabili
Genforini loco clarissime demonstrat, *Cycli Canicularis annum*
primum incepisse anno *Periodi Julianæ* 3389, *Julii die 20*, 675
 ostendit quoque, eodem die ortum esse Caniculam in Ægypto,
 sive Sirium, aut Canem majorem, Ægyptiis *Thoth* appelli-
 tatum, cujus ortum non Cosmicum, sed Heliacum, intelligen- 680.
 dum, simul monet, quando videlicet Sirius ante Solis ortum
 primum ex solaribus radiis emergere incipiat. Docet porro,
 ineunte hoc Cyclo majori annis adjectos esse dies quinque, *ἑπὰρ*
ῥομῆας. Atque ex his quidem, quæ de Cyclis, tum mino-
 ribus Ægyptiorum, tum præsertim de magno Caniculari, disse-
 ruit, ac ex parte primus in lucem produxit Celeberrimus *Vi-*
gnolius, petenda est *numeri enigmatici* resolutio, quem in
 effigie Autoris tabellæ, quam dextra tenet, ante frontispicium
 Operis insculptum reperias. Porro, quoniam dies 20 Julii in
Per. Jul. A. 3389 fuit *dies Saturni*, inquit in rationem, cur 685.
 septem hebdomadis dies a planetis denominationes acceperint,
 & cur eo sint collocati ordine, qui naturali plane non respon-
 dere videatur. Vocatis sub incudem, & rejectis, rationibus
 Harmonica, Astrologicis, aliis, ostendit, ex Ægyptiorum Calen-
 dario hanc consuetudinem esse repetendam; hinc simul pate-
 re, cur *Saturno* temporum & annorum regimen adscribatur.
 Nunc Autor historiam quandam *Cycli Canicularis* exhibet, ad 698.
 comparandos ejus annos cum annis *Periodi Julianæ*, ut Epo-
 chis quibusdam celebrioribus, quæ cum Cyclo connectuntur,
 lucis aliquos radios adspergat. Invenias itaque hic alligatam
Periodo Julianæ Æram *Nabonassaream*, Æram *Philippeam*,
 correctionem anni *Julianam*, Æram *Actiacam*, & novam anni
 formam *Alexandrinam*, cum multis atque curiosissimis obser-
 vationibus, quas Lectores benevoli ex ipso fonte cum majori
 voluptate haurient. His ita constitutis, accedit ad Chronolo- 716.
 giam *Regum Heliopolitanorum*; qua occasione *Plinius* illustra-
 tur, de his Regibus agens, itidemque de celeberrimo Obelisco

- Pag. 721. *Rameſis*, qui poſt varios caſus tandem Romam delatus eſt, haud proletaria in medium proferuntur. Affirmatur quoque, *Israelitarum* ope Reges in formandis obeliſcis & pyramidibus uſos eſſe, quod quoque *Perizonius* ſenſit. Tandem, cum ſcrupulus moveri poſſit, ex ejus Chronologia Regem *Ægypti* poſt tranſitum *Israelitarum* per mare rubrum fuiſſe ſuperſtitem, ait, ex Sacris neſcitum probari, Regem ipſum cum exercitu in undis periſſe.
732. Exſtat *Eratoſthenis*, *Historici & Aſtronomi doctiſſimi*, *Bibliothecæ Alexandrinæ præfecti*, ſub *Ptolemaeo Evergete* *lateralculum Regum Ægypti Thebanorum*, quod *Marſhamus* vocat *venerandiſſimum antiquitatis monumentum*, & *ad ſtabilienda Ægyptiorum tempora inprimis neceſſarium*. In hoc itaque explicando *Vignolius* nunc operam ſtudioque ponit. Ceterum, uti Reges *Heliopolitani* in inferiori *Ægypto*, ita in ſuperiori *Thebani*, principatum obtinebant. Primum itaque ipſum Catalogum exhibet Autor cum annis *Periſodi Julianæ*, annis ante *Chriſtum*, & annis ipſorum Regum. Tum nobiſcum communicat *Viri & ſingularis humanitatis, & egregiæ doctri-næ*, laude celeberrimi, *Jablonskii*, in *Academia*, quæ eſt *Tra-jecti ad Viadrum*, *Profeſſoris Theologiæ*, *Annotationes Latinas in hunc Eratoſthenis Catalogum*, quibus poſitiſſimum *inter-pretatio ejus Græca nominum Ægyptiacorum examinatur & il-luſtratur*. Ceterum, uti ex omnibus hujus *Diſſertationis* lineis magna linguæ *Copticæ* doctiſſimi *Jablonskii* peritia ſatis elucet,
765. ita, cum ad exitum ſpectemus, *Lectores benevoli* in malam partem non accipiant, quod nihil hinc extraxerimus. *Vigno-lius* vero ex fontibus *Hiſtoriæ & Chronologiæ* tum hunc *Erato-*
783. *ſthenis* Catalogum, tum ſeriem Regum *Memphitarum*, explanat; & repertis Regum ſynchroniſmis, antiquiſſimam illam hiſtoriæ *Ægyptiacæ* partem, obſcuriſſimam & intricatiſſimam, quæ doctiſſimos tot viros nequicquam fere fatigavit, multa caligine liberat, & ſua inventa omnia brevi tabella *Chronologica* ocu-
788. lis lectorum ſubjicit. *Græci* reſtant *Romanique*, de quorum annis vetuſtis Autor ſibi agendum exiſtimavit. A *Græcis* exor-
794. dium facit, quorum annum 360 dierum fuiſſe in principio af-firmat. Argumenta priora ex hiſtoria belli *Trojani* deſumun-tur.

tur. De hoc bello, velut in parenthesi, pluscula offendas, de *Helena*, belli causa, de exitu belli, Trojæ everfione, Græcis victoribus an victis, *Ænea* adventu in Italiam, aliis. Inprimis Trojæ captæ annus, mensis, ac dies, evolvitur. De Olympiadibus sequuntur nonnulla, huc pertinentia. Denique Autor sententiam suam de forma anni Græci plurimis testimoniis & factis adstruit. Sed hæc omittamus. Romani chorum claudunt. Horum annus priscus quam incertus fuerit, monetur, tum ex sententia *Tarruclii* disputatur de *Romuli* conceptione, deque Romanæ urbis fundatione, & pluribus aliis, ad hoc negotium referendis. Sic Autor Venerabilis, postquam tot annorum Opus, tanta cura elaboratum, cedro dignissimum, quod Bibliothecis ornamento esse possit, quo ipse sibi exegit monumentum ære perennius, regalique situ Pyramidum altius, quod nec imber edax, nec fuga temporum, possit dirnere, feliciter absolvit, de quo & ipsi & orbi literario gratulamur,

Pag. 819.

823.

848.

Castus artemque reponit.

A NEW TREATISE OF THE VENEREAL DISEASE, &c.

h. e.

NOVUS TRACTATUS DE MORBO VENEREO, tribus Partibus comprehendens efficaciore methodos restituenti tonum & vigorem variorum affectionum organorum, per omnes morbi hujus species vel stationes: cui additur Dissertatio de natura & proprietatibus Mercurii, ejusdemque in corpore humano effectibus, qua clare demonstratur perniciosus salivationis eventus secundum varias morbi Venerei circumstantias; Autore NICOLAO ROBINSONO, Collegii Medicorum Londinensium Membro.

Londini, sumtibus J. J. & P. Knapton, A. Bettesworth & C. Hitsh, W. Innys & R. Manby, 1736, 8.

Alph. 1 plag. 3-

Inter

Inter celebres de morbo Gallico Scriptores locum mereri stuit, & meritus re ipsa est, Cl. *Robinsonus*. Præmisit is libro suo Chronologicam de origine & progressu morbi venerei inter Europæos tractationem, cum rationibus, quibus inducti homines, nomen Gallici huic morbo fecerint. Hinc, quid Autores de morbi istius, cum novus Europam invasisset, affectionibus scripserint, & quam dira lues isthæc primum per Italiam post obsidionem Neapolitanam fuerit, exponit. Eruuntur ista rerum momenta ex *Laurentii Pbristi* Opere de morbo Gallico, A. 1496 edito, *Jacobi Catanei* de morbo Gallico libro, A. 1494 publicato, *Nicolao Leonicensi*, novam hanc luem, & nunquam a veteribus visam, appellante. Adducuntur *Prosper Borgia*, *Joannes de Vigo*, *Baptista Montanus*, alique; quorum omnium ob rei novitatem immanes sunt querelæ, & in teterrimum morbum declamationes. Mira fuit istius morbi infectio. Legi merentur, quæ *Alex. Trajanus Petronus* de morbo Gallico habet: *Pauci in Europa, præsertim vero in Italia, sunt, qui vel hac labe afflati vel infecti non sint. Senes, juvenes, mares, feminae, graciles, obesse, liberi, servi, tam æstate, quam hyeme, tam vere, quam autumno. Id enim malum sentiebant magistratus, sentiebat humilis plebs, veloci unius ad alterum transitu. Sentiebant & ipsi factus in utero, quippe ex inquinatis generati.* Primus istius morbi status, gonorrhæa virulenta, describitur, cum simplici materiæ purulentæ effluxu. Alter glandis præputii que perniciem intendit. Tertius denique, a suppressa & male curata gonorrhæa virulenta ortus, est ipsa lues venerea, a redundante viru ad sanguinem, genitalibus eo tempore non minus male mulctatis, quin Phimosi, Paraphimosi, Testiculus venereus, una affligant. Sub iudicium vocavit Autor ipsius veneni Venerei, quod ex genitali effluerat, naturam, oculo armato usus, & perspexit moleculas chrySTALLINA facie spiculis horridiusculis & peracutis instructas, unde in salina acredine effectus atrociam consistere autumat. Inde, difficile non est, vel propagationis modum, cum salia fermentativa sint sui multiplicativa, declarare, vel phænomena atrocissima derivare. Prognosis in junioribus corporibus eventum haud ita dubium indi-

indicat, sicut & gradus infectionis, & mali diuturnitas, rem definiunt. Cura adornatur regulis diæteticis, pro restituendæ gonorrhæa; liberius vitæ genus per aliquot dies permittitur; hinc cibi ordinantur diluti, lacticia, juscula carniū, carnes juniores; alvus servatur libera; sanguis e vena dimittitur. Præscribuntur remedia pro statu penis corrigendo, si vel exulceratus, vel spasmo musculorum libidinosorum, prout vocantur, incurvatus fuerit. Communicantur liberaliter præstantissimæ remedium formulæ, quorum nonnulla Æthiops mineralis, tanquam mercuriale, subingreditur. In ipsa lue venerea postquam se virus a parte genitali per totum corpus diffudit, agendi initium sit a vomitorio mercuriali, & præscribitur Turpethum minerale ad gr. viij. cum largo jusculo. Hinc decocta lignorum uberius epota adhibentur, donec ad efficaciora deveniatur remedia. Salivationem, a mercuriali inunctione excitatam, plurimi pro sacro luis venereæ curandæ Palladio agnoscunt. Sunt tamen, quæ moneri possint in contrarium. Ipso morbo interdum pejus est remedium, nec exterminatur malum tædiosa isthac administratione adeo, ut non metuendus subinde sit relapsus. Hinc optatur methodus, qua sine salivatione mercurialium usus adhiberi possit, quam gloriam hæcenus Medici Montis Pessulani retulerunt; quo factum, ut ex Anglia illuc migrarent varii, quibus non placuit os corporis cloacam efficere. Disquiritur paulo specialius Mercurii in corpora effectus. Gaudent moleculæ subtilissimæ Hydrargyri pondere specifico, quo omnes corporis humores superat. Accedit naturale frigus, quod iisdem connatum est. A rotunditate corpusculorum dependet motus vividus concitandi facultas, a volatilitate insinuandi potentia, a ponderis eminentia cohesiones impediendi vel dissolvendi robur, neque aliud efficacissimæ penetrationis sensibile exemplum, si Cantharides excipias, in omni materie medica, præter istud fluidum metallicum, apparet. Nam &, cantharidibus exterius admotis, interna renū viscera valide commoventur. Effectus equidem Hydrargyri, qui glandulas salivales purgat, sua luce clarus est; ast magna oritur quæstio, an legibus naturæ accommodata sit violenta

isthæc operatio. Si enim pro lege regia agnoscitur Hippocratis effatum: *Quæ ducenda sunt, eo ducenda, quo maxime natura viam affectat, per loca legi naturæ commoda*, sane hoc ipso clarum est, cum his Venereæ motus criticus fiat in cute, male eandem per alia loca purgari. Hinc methodus proponitur, qua sudorificis, laxantibus, diureticis, & mercurialibus, sine intentione salivam commovendi, virus venereum exturbatur.

AN ESSAY CONCERNING BLOOD-LETTING, &c.

h. e.

TRACTATUS DE VENÆSECTIONE, SISTENS
*varios effectus & singulares commoditates sanguinis, ex
 diversa corporis humani parte extracti, maxime vero
 in pede missi, cum norma selectus instituendi, qui fini,
 in variis casibus proposito, optime respondeat; Au-
 tore R. BUTLERO, Med. D.*

Londini, impensis W. Mears, 1734, 8.

Plag. 19.

Velocitas sanguinis ex corde ad partes moti accurate definitur. Una hora 5250 uncia, id est, 432 libra, sanguinis ex sinistro cordis ventriculo projiciuntur. Quo propiores cordi partes existunt, eo violentior sanguinis intra easdem motus esse solet, dum & directio vasorum rectilinea, vel obliqua, eorundemque divisio in pauciores pluresque ramos, momenta motus definire possunt. Arteriæ capillares omnes una sumuntur diametro trunci aortæ æquales censentur, sicut venæ capillares id ipsum sunt ratione venæ cavæ, in auriculam dextram confluentis. Quapropter effectus venæsectionis, qui in truncis venarum mediæ magnitudinis contingit, & capillares venas, & arterias minimas, his affines, tum etiam aortæ cordisque ipsius motum, maxime vero venam cavam, & sanguinis in illam influxum, variis modis afficit. Sanguis vel phlebotomia ex vena, vel arteriotomia ex arteria, vel scarificatione ex capillaribus utriusque generis cutaneis vasis, extrahitur. Antiquissima est illa, & ipsi Medicinæ cœva, operatio, quam Hippocrates & Gale-

Galenus magno cum successu exercuerunt. Consideratur primum venæsectio tanquam evacuans, cujus utilitas ad totius corporis humani ambitum redundet. Quicquid enim sanguinis abstractum fuit, paulo post, quam id factum fuit, in omni vase omnium magnitudinum deficere incipit, quamvis certum sit, vulneris in vena secta magnitudinem, propinquitatem venæ sectæ ad partem affectam, non nullius momenti esse, unde certum sit, selectum venæ secandæ aliquem in variis casibus jure meritoque institui, maxime si in gratiam derivationis & revulsionis venæsectio sit instituta. Revulsionis effectus eo ipso tempore, quo sanguis ex vena secta profluit, contingit, siquidem venulæ minimæ, fluentis trunci, inanes factæ celeriores sanguinis arteriosi illapsum necessario commovent; quapropter sanguis alicubi stagnans derivatur placido flumine, vel influxu sanguinis arteriosi aucto per vim avellitur. Hinc intelligi clare potest & perspicui, quid venæsectio in pede instituta mensium obstructione vel hæmorrhoidum anomalia laborantibus prodesse possit. Regulæ, quæ selectum unius alteriusve venæ imperare possunt, insulciuntur doctrina de distributione arteriarum. Quæcunque partes sanguinem ab ascendente arteriæ aliquo ramo accipiunt, vena inferioris cavæ ramo sublevantur. Quæcunque partes ramos arteriæ ab aorta descendente nanciscuntur, bene sese habent, si vena secetur, quæ cavæ descendente, vel superioris, pars est. Quæcunque partes medio modo sese habent, ut partim de ascendente, partim de descendente, aortæ ramis participant, quales sunt mammaræ, thorax, œsophagus, gula, diaphragma, æquali modo afficiuntur, ubicunque vena secta fuerit. Quodsi tamen pars ejusmodi majores ab ascendente, quam descendente, aorta ramos accipiat, vena saphena inciditur; quodsi descendens majora tulerit, brachii vena secatur. Venæ jugularis sectio improbat ideo, quod sanguis per arterias carotides majori copia & majori impetu sanguinis ad inflammatas vel dolentes cerebri partes adducatur, præter quod in genere periculosum sit, majores venarum truncos secare. Datur etiam selectus venarum dextri vel sinistri brachii, ideo, quia arteriarum momentum in dextro aliud est, quam in si-

nistro, latere. Sinistri lateris subclaviæ nihil cum Carotidibus commercii habet; quapropter in affectibus capitis, satius est, sinistrum brachium vulnerare, cum affluxus per Carotidem ad caput augeri nequeat, secus ac in dextro latere, cujus subclavia Carotidem dextram largitur. Elegans est libellus, lectu admodum utilis & jucundus, &, quod demonstrationem effectus venæ sectæ attinet, sublimis & prorsus novus.

IL NEWTONIANISMO PER LE DAME, &c.

h. e.

*PHILOSOPHIA NEWTONIANA AD USUM
sexus sequioris accommodata, sive Dialogi de Luce
& Coloribus.*

Neapoli, 1737, 4.

Alph. i plag. 15.

Ea est Philosophiæ *Newtoniana* indoles, ut viros duntaxat, qui judicio & Geometria pollent, huc usque sui cultores desideraverit. Insolens igitur plerisque videbitur, esse, qui eam ad captum vulgi accommodare, vel, si mavis, deprimere, contendant. Animam profecto ex ea tollere videntur, qui Geometriam tollunt. Nihilo tamen minus de publico, vel saltém de nomine *Newtoniano*, non male merentur, qui tanti Viri inventa, demonstrationibus equidem rigidioribus exuta, at salibus floribusque rhetoricis egregie conspersa convestitaque, disseminant. Inter eos merito connumerandus est scripti præsentis Autor politissimus & valde doctus, cui nomen *Franc. Algarotti*, quod in sua ad Cel. *Fontenellium* Epistola dedicatoria profitetur. Cum enim probe nosset, quantum floris & ornamentis rebus Astronomicis, Physicæque cœlestis parti, *Fontenellius* attulerit ingeniosis de pluralitate mundorum Dialogis; in mentem ei venit, ad ejus exemplum inventa *Newtoniana* de luce & coloribus, hoc est, Opticam *Newtoni*, eodem habitu indutam, in scenam producere. Nulli dubitamus, eum scopo suo satisfecisse, magnamque a fœminis suæ gentis gratiam initurum, novo quippe curiositati earum pabulo subministrato. Jam & in Gallicum sermonem transfusos esse hosce

Dia-

Dialogos, accepimus. Numero sunt *sex*, Autorem inter & Marchionissam quandam, quam loquentem introducit, habiti. Sermonis genus satis est elegans, æquabile, floribus absque tumore interspersis. Illustrem feminam ab initio colloquii *Cartesiana* Philosophiæ principiis ponit imbutam; quæ ad *Malebranchii* castra dein transit; quibus desertis, ad *Newtoniana* tandem rapitur. Tres itaque celeberrimas Philosophorum sententias de Luce & Coloribus hoc sermone agitari videas. Per totum Opusculum omnes exulant demonstrationes geometricæ, quin termini mathematici fere omnes; & quis id aliter expectaverit? Varia sermoni immiscentur scitu jucunda, ut inventorum optidorum historia, & quæ alia sunt, ne experimentorum continua recensio tedium pareret. Attractionum systema suo loco explicatur. Quæ cum ita sint, *Dialogi* hi Introductionis loco in universam Philosophiam *Newtonianam* esse possunt, quam quidem Autor a geometrica sua, quam vocat, austeritate ad jucundam plane & amabilem formam revocare inprimis studuit. Totum vero Opusculum feminis cum scriptum sit; nos, qui viris scribimus, plura de eo hic addenda non existimamus.

ALL SORTS OF WHEEL-CARRIAGE IMPROVED, &c.

h. e.

OMNE GENUS VEHICULORUM ET MACHINARUM, rotis instructarum, perfectius redditum, opera & studio JACOBI ROWE.

Londini, sumptibus Alexandri Lyon, 1734, 4.

Plag. 6, cum Tabb. æn. 5.

De frictione, quæ motui machinarum quarumque tam notabile impedimentum affert, vel parum solliciti fuisse superiores, vel nihil nos docere voluisse, videntur. Inter juniores inprimis *Casatus*, *Perraltius*, *Amontoni*, hoc argumentum sibi pertractandum sumserunt. *Sturmius* & *Leibnitius* in primo Volumine *Miscellaneorum Berolinensium* egregias quasdam observationes adjecerunt. Quos deinde alii secuti sunt, ac præter ceteros *Leupoldus* noster, in *Theatro suo Machinarum generali*.

rali. Autor præsentis Opusculi, *Jacobus Rowe*, ut Anglus, exterrorum inventa non magnopere curans, nova quædam se reperisse existimat, applausu & privilegio digna. Et fatendum est, attentionem mereri, quæ proponit, etiam si pro plane novis haberi nequeant. Ex consideratione variarum machinarum satis apparere arbitratur, plerasque frictionem non tam ex vi, quæ superficies fricantes comprimit, quam ex magnitudine illarum superficierum, æstimare: sibi vero, compluribus factis experimentis, contrarium innotuisse. Distinguit deinde frictionem occidentalem a naturali: illamque ab asperitate & inæqualitate superficierum, hanc a pondere sive vi comprimente, oriri docet. Denique id agit potissimum, ut theoriam suam de imminuenda frictione naturali ad vehicula rotis instructa applicet, & quantum inde commodum expectare possimus, ostendat. Præcipuum artificium, de quo etiam *Casatus*, *Sturmius*, *Leupoldus*, mentionem fecerunt, in eo positum est, ut axes rotarum mobiles, non superficiebus vel matricibus immotis, sed aliis rotis mobilibus, atque harum axes iterum rotis aliis, vel imponantur, vel quavis commoda ratione applicentur. Ejusmodi machinationem satis simplicem *Figura prima Tabula II*, quam & nos in ære exprimendam curavimus, & currum methodo Autoris perfectum *Figura I Tab. IV* sistit. Quoniam vero, propter inclinationes curruum, in viis minus planis incedentium, novæ quædam frictiones oriuntur, etiam has, adhibitis certis rotulis, imminuere docet Autor: ad cujus mentem aliquo modo exprimendam, *Figuram IV Tabula IV* addidimus.

TAB. VI

Fig. 1.

Fig. 2.

HERMANNI CONRINGII DE ANTIQUITATIBUS Academicis Dissertationes septem. Recognovit CHRISTOPH. AUG. HEUMANNUS, adjecitque Bibliothecam historicam Academicam.

Gottingæ, sumtibus Bibliopolii Academici, 1739, 4.


Alph. 4 plag. 15 $\frac{1}{2}$.

Raritas præstantissimi laudatissimique Operis *Conringiani* merito exstimulavit Editorem, ut id recudendum curaret.

Cum

TAB. VI. ad Nov. Act. Erud. A. 1739 Mens. Oct. pag. 614

Fig. I.



Cum autem priores ipsius editiones (primum enim A. 1651, iterum A. 1674, prodierat,) & chartæ vilitate, & literis admodum detritis, oculos legentium vehementer offenderent, prætereaque interpunctiones subinde essent vitiosæ, nec errores typographici accuratius sublatis, novos hos novæ editioni absterfit Cel. Editoris diligentia: qui & suum cuique Dissertationi argumentum præfixit, atque *Addenda* textui inseruit, ac *Supplementorum* loca indicavit in margine, cui & paginas præcedentis editionis inscripsit, rejectis simul *allegatis*, quæ vocant, e marginibus in extremum cujusque paginæ. Adjunxit item Dissertationem *Conringii* luculentam *de studiis liberalibus urbis Romæ & Constantinopolis*, emendans hac occasione locum quendam *Codicis Theodosiani*, quem minus feliciter correxerat *Conringius*. Ipse Cel. Editor nullas suas annotationes adjectas voluit huic Operi; in *Præfatione* tamen observationem protulit singularem de ortu Academicarum, deque appellationibus aliquot Academicis disseruit, docens, unde Collegia Professoria vocari cœperint *Facultates*, acroases sive lectiones *Collegia*, Studiosi *die Bursche*, Professores *Antecessores*.

Ipsam *Conringii* Opus recensere, ab instituto nostro alienum est, nec Lectoribus nostris necessarium, quos *Antiquitatum Academicarum* titulus satis docet, lectu dignissimum esse hoc Opus, a tanto Viro profectum. Quare statim convertimur ad Cel. Editoris *Bibliothecam historicam Academicam*, in qua Catalogus exhibetur librorum, ad historiam Academicarum pertinentium, ita confectus, ut verus libri cujusque titulus, annus & locus typographiæ, forma denique sive figura ipsa libri, indicetur. Imo iis libris, quos ipse vidit, asteriscum præfixit, omnem ita dubitationem exemturus lectoribus. Tanta vero hujus generis librorum multitudo venit sub oculos & in notitiam ejus, ut catalogus hic viginti sex impleat plagulas. Quamquam & hoc auxit magnitudinem libri, quod & pag. 125 – 142 inseruit, primumque nunc edidit, S. Rev. Jo. Christoph. Kæcheri *Historiam Academiae Osnabrugensis*, & de nonnullis libris uberius disseruit partim historice, partim censorie, e. g. de *Middendorpii Historia Academicarum universali* pag. 2 – 5; de
Bulæi

Bulai Historia Universitatis Parisiensis pag. 151 – 159. *Tria* autem hæc *Academica Bibliotheca* habet *Capita*, quorum in *primo* commemorantur *Scriptores universales*, id est, ii, qui historiam omnium totius Europæ Academicarum persecuti sunt; in *secundo* *Scriptores nationales*, hoc est, ii, qui de certæ nationis Academiis sunt commentati; in *tertio* *Scriptores speciales*, qui vel totam unius cujusdam Academicæ historiam condiderunt, vel partem aliquam talis historię specialis exposuerunt. Hos inter occurrunt multi libri summx raritatis, quos Cel. Autor penitus cognoscendos exhibet harum rerum curiosis. Nec vero libros solos hujus generis commemorat, sed etiam *Dissertationes Academicas*: ac præterea perfectiorem promittit hujus Catalogi editionem, si docti viri *Supplementa* ad ipsum mittere dignati fuerint, qui sive Academicarum, sive Gymnasiorum Academicorum, sunt Professores. Subjecit novissima Academicæ Gottingensis, ab Imperatore *Carolo VI* & a Rege *Georgio II* tributa *Privilegia*, summa diligentia descripta ex ipsis *πρωτογενήφους*.

DANIELIS GERDESII EXERCITATIONUM Academicarum Libri tres.

Amstelodami, apud Hadr. Wor. 1738, 4.

Alph. 4 plag. 12½.

Theologus hic prius Duisburgensis, nunc Groninganz, Academicæ Celeberrimus, hoc Volumine conjungens elaboratissimas suas Disputationes, haud dubie gratum fecit plurimis, quorum sub oculos venire iis nondum contigit. Ac optandum omnino, ut doctissimus quisque eodem modo breviora sua metemata conservare, multisque communia facere, studeat. *Tres* autem noster in *Libros* congeffit, quæ ad hoc usque tempus summa industria composuit atque edidit. Ac *primo* quidem in *Libro Historia Patriarcharum* illustratur, & plura huc pertinentia sacri Codicis loca, scilicet *Hebr. XI, 3, Genes. III, 20, Hebr. XI, 4, Numer. XXIV, 17, Genes. IV, 7, Juda v. 14 & 16, Genes. IV, 26, 2 Petri II, 5, Genes. VIII, 21, 1 Petri III,*

III, 19, 20, *Genes.* IX, 4, XI, 4, X, 21, *Hebr.* XI, 13 & 19, *Genes.* XIV, 14, XX, 16, XXV, 18, *Hosea* XII, 4, 5, *Genes.* XLVI, 27, *Hebr.* XI, 21, 1 *Chron.* VII, 21, 22, *Hebr.* XI, 22, *Genes.* XXI, 6, 8, 12, *Gal.* III, 16, *Genes.* XXII, 1 — 17, XXIV, 63, XXV, 21, XXXI, 42, XXV, 11, *Hebr.* XI, 20. Hunc librum cum S. Rev. Autor esse velit Supplementum, sive spicilegium, ad *Heideggeri Historiam Patriarcharum*, nobis proferre lubet ejus aliquot interpretationes locorum *Geneseos* obscuriorum. *Genes.* IV, 26, doceri contendit, natum tunc esse *Enosum*, qui & ipse solemniter sit invocaturus nomen *Jehovæ*, & id alios quoque docturus. *Genes.* VIII, 21, per *hominem* significari Christum, jam a *Jo. Matthæio*, *Lutheri* discipulo, observatum fuisse ostendit, eamque sententiam, quam etiam tuitus est e nostratibus *Rambachius*, suam facit. Addimus, hanc sententiam jam placuisse *Calovio* nostro in exordio *Chronici Biblici* pag. 55. Ad *Genes.* X, 21, docet, pluribusque evincit, *Hebræos* non aliunde nomen accepisse, quam ab *Hebero*. *Genes.* XXIV, 63, verbo שׁוּרָה significari docet sanctas *Isaaci* sive meditationes, sive preces, sive confabulationes. *Numer.* XXIV, 17, per *filios Sethi* intelligit semen sanctum, hoc est, omnes eos, qui aliquando sint sua vota *Messiae* addicturi, ipsique fideliter adhæsururi.

Libri secundi primum locum occupat singularis libellus de *Festo clangoris*, & ejus mysterio, pag. 235 — 304. Hic *Cap. I* de initio anni Judaici diligenter disputatur, ac vulgaris de alio sacri, alio civilis, anni exordio opinio rejicitur. *Cap. II* de ipsa festi hujus celebratione agitur. *Cap. III* festi hujus causa & scopus exponitur, potissimum contra *Spencerum*. *Cap. IV* mysteria hujus festi explicantur, atque inter alia docetur, illud festum etiam respexisse ultimam *Judæorum* conversionem adhuc instantem. Sequitur *Dissertatio de Mysterio circumcisionis Christi*, ubi & ostenditur, quo pacto *Christus* sua circumcisione sustulerit veterem circumcisionis ritum. Hanc excipit *Dissertatio de Mysterio baptismi Christi*, *Matth.* III, 13 — 17; id quod hac in re maxime situm esse docet *Maxime Reverendus Autor*, quod fuerit illustris re-

præsentatio totius operis satisfactorii. Hinc differitur copiose ad *Matth. XX, 1 — 16*, de *operariis in vinea*. Per *patrem-familias* scilicet, si Nostrum audimus, intelligitur Christus, per *operarios* omnia nascentis tum Ecclesiæ membra, per *botram tertiam* tempus ante passionem Christi elapsam, per *sextam* tempus commorationis Christi in terra post resurrectionem suam quadragesimalis, per *nonam* tempus vocationis Samaritanorum, per *undecimam* tempus vocationis ethnicorum Apostolicæ, per *vesperam* interitum reipublicæ Judaicæ, per *denarium* libertatem Evangelicam a duro sacrarum ceremoniarum iugo. Succedunt tres Disputationes ad *Psalmi XXII v. 23 — 32*: qui versus mystice explicantur de Christo & Ecclesia, postremo versu de futura ultimis temporibus conversione Judæorum exposito.

Tertii Libri principem locum implet eruditissima Dissertatio de *Synagoga Libertinorum, Actor. VI, 9*, commemorata. Propositis, iustasque ob causas rejectis, aliorum sententiis, de civibus *Liberti*, Africae Proconsularis oppidi, locum illum esse capiendum, contendit Noster. Cujus oppidi mentio cum fiat in Actis Conciliorum veterum, jamque *Suidas* ac *Lyra* hunc locum eo sensu ceperint, satis demonstratam censet hanc suam sententiam. In subsequenti de usu *Evcharistiæ medico* Dissertatione refellitur *Cornelii a Lapide* aliorumque sententia, putantium, Evcharistiam subinde etiam corpus hominis vegetare & vivificare, morbos sanare, corporis pericula depellere. Hinc Disputatio secularis, in memoriam *Augustanæ Confessionis* habita, primo memorabilia quædam circa ejus exhibitionem persequitur, deinde ejus ostendit cum doctrina Reformationum consensum, atque inde concludit, jure sperari duarum harum Ecclesiarum unionem. Addimus, Autorem nostrum hac oblata occasione paulo post elaborasse lingua Belgica, & Amstelodami A. 1731 edidisse, *Historiam Augustanæ Confessionis*. Quo quidem in libro cum *pag. 177 seq. e Saligii Hist. Aug. Conf. Lib. III Cap. 3 §. 15 & 16* traditionem illam recitans, qua *Lutherus* fertur paulo ante suum ex hac vita discessum abjecisse suam de sacra Coena sententiam, sequentem §. 17 omittit, in quo *Saligius*

gius solide demonstrat, meram hanc esse fabellulam; callide id factum esse, haud injuria existimamus. Sequitur Dissertatio de particulari judicio animarum a corpore separatarum, idque potissimum ex Hebr. IX, 27, & Eccl̄es. XII, 9, probatur, prætereaque ex certis, interque orthodoxos concessis, hypothefibus. Simul diluuntur accurate Scherlokii contra hanc sententiam obiectiunculæ. Claudit Librum hunc tertium, totumque hoc Volumen, Dissertatio acroamatica de usu Prophetarum ad demonstrandam Scripturæ sacre divinitatem, Orationes item duæ inaugurales, quarum prior est de doctâ ignorantia in Theologia, posterior ad 1 Joan. II, 20 & 27, de unctiōe, quæ fideles docet omnia.

MISCELLANEA GRONINGANA, IN MISCELLANEORUM Duisburgensium continuationem publicata.

Fasciculus I – IV.

Amstelodami & Duisburgi, apud A. Wor & G. Böttigerum, Fasc. I & II 1736, Fasc. III 1737, Fasc. IV 1738, 8.

Alph. 2 plag. 2.

Miscellaneorum Duisburgensium duos Tomos cum recensuerimus, & primum quidem eorum, eorumque Fasciculum I & II A. 1734 Mens. Febr. pag. 94, tertium in Suppl. Tom. III Sect. I pag. 32; æquum omnino est, etiam Groninganorum notitiam a nobis accipere Lectores nostros. Utriusque enim Operis unus idemque director est Celeberrimus Theologus, D. Daniel Gerdesius, qui, ex Academia Duisburgensi evocatus, nunc eodem munere fungitur in Groningana. Quatuor nunc exhibemus Sylloges hujus Partes; quarum in prima prodit Jo. Sauberti Explicatio selectorum S. Scripturæ dictorum; Ge. Ulr. Rœmeri Descriptio regni Messia e Psalmo XIX; Jo. Jac. Schillingii Dissertatio ad 1 Cor. XV, 36, 37; Corn. de Witt Dissertatio de veste nuptiali, ad Matth. XXII, 11; Petri Janfenii Observationes in historiam tentationis Christi; Guil. de Water Diss. de Eliezaro, Exod. IV, 24 – 26; Henr. Dodwelli Epistola ad Perizonium, nunc primum edita; Excerpta e Richardi Jamesii Epistolis ineditis; Jo. Jac. Scheuch-

zeri Πορίσματα e Nov. Test. Physica sacra; Dan. Gerdesii Diff. duæ ad Ps. XXII, 23 — 32; ejusdem Oratio de unctiōe, qua fideles docet omnia. Fasciculo in secundo conspicitur Petri Lornii Diff. de Thymiamatis, ad Apoc. XVIII, 13; Corn. de Witt Explicatio phrasæos Deut. XXIX, 19: Ebrium addere sitiēti; Frid. Ad. Lampii ad Genes. III, 8; Jo. Ge. Michaelis ad Lucæ II, 49; J. J. Schillingii ad Rom. III, 13; Bern. Win. Buddei de conflagratione mundi, 2 Petr. III; C. Lud. Runckelii Ζητήματα critica & philologica; Hier. van Alphen Diff. in Epistolam ad Ephesos; Em. Lucii Vriemoetii Specimen e Philologia sacra & orientali. Tertius Fasciculus continet Jo. Christ. Loerlii Observationes ad Matth. X, 12 — 16, Marc. VI, 11, Luc. X, 10, 11, 12, Act. XVIII, 6, Jes. LII, 7, & Jo. XIII, 1 — 10, Jo. Ge. Michaelis Diff. de Crustulis Pontificis maximi quotidianis; Frid. Ad. Lampii Diff. de Nethinæis; Hier. van Alphen Diff. de annis Judicium Hebræorum; Dan. Gerdesii Disp. ad Act. VI, 9, de Synagoga Libertinorum. In quarto Fasciculo exhibetur Lampii secunda Diff. de Nethinæis; Henr. Heissenii Diff. de distinctione inter δόσιν ἀργαθὴν & δώρημα τέλειον, Jac. II, 17; B. W. Buddei altera Diff. de conflagratione mundi, ad 2 Petr. III; Jo. Lulofii Diff. ad Luc. XI, 35; Nic. Gurtleri Oratio de adventu & habitatione Christi in plaga Bremensi; Nova literaria Annorum 1735, 1736, & 1737, ad studium Exegeticum & Historiæ Ecclesiasticæ pertinentia.

Ut pauca hinc producamus specimina, obscurum illum locum 1 Sam. II, 25, pag. 4 hac versione illustrat Saubertus: Si is, qui in proximum suum, hominem aliquem, peccaverit, a Deo judicabitur, quanto magis ille certo & inexorabili Dei judicio subiacebit, qui Deum offenderit ipsum! Jansenius pag. 86 seq. docet, diabolum suasisse quidem Christo, ut secum iret Hierosolymam, et ex ejus urbis templo se daret præcipitem; at, cum Christus id facere recusaret, diabolum eum non duxisse Hierosolymam, sed in deserto manentem alia ratione tentasse Filium Dei. Huic scilicet in montem deducto eum monstrasse omnia mundi regna, sive in charta, sive in arena, linearum ductibus expressa. Pag. 140 suspicatur Jamesius, Christo cruci affixo Marci XV, 23, ideo Judæos propinasse οὐκ ἐν ἑσπερίσιν

vor, ut cohiberent maleolentiam. Tali enim vino hanc proprietatem tribuere *Clementem Alexandrinum* *Padag.* II, 8, ac *Martialem* in quodam Epigrammate testari, male olere condemnatos. Quæ *pag. 150 seq.* profertur analysi *Psalmi XXII*, itemque interpretatio, consideratione oppido digna est, cum Autor ejus inter nobiliores hujus ætatis Exegetas referatur. *Pag. 271 seq.* docetur, *Luc.* II, 49, τὸ τῆ πατρὸς μου esse templum Dei, in quo tum erat Christus. *Pag. 347* *Judic.* XI, 31, verbum וְהַעֲלִיתִיו nova interpretatione sic redditur: & offeram ipsi (Jehovæ) holocaustum: ac ita magna hujus loci tollitur difficultas. *Pag. 358 seq.* copiose disseritur de mandata Apostolis excussione pulveris. *Pag. 528 seq.* verisimillimum redditur, *Libertinos*, *Act.* VI, 9, memoratos, fuisse Judæos, qui Africæ oppidum, nomine *Libertum*, incolerent. Ac indicantur vetera monumenta, in quibus hujus oppidi fit mentio. *Pag. 594 seq.* contenditur, *Petrum* in tertio posterioris suæ Epistolæ Capite describentem mundi conflagrationem, significare judicium Christi in gentem Judaicam, tum exercitum, cum per *Vespasianum* destruxit Hierosolimam, totamque evertit Judæorum rempublicam. *Pag. 683 seq.* *Stephani Viti*, & *pag. 709 seq.* *Jo. Frid. Lackemacheri*, vita & scripta commemorantur.

AN ESSAY UPON THE USEFULNESS OF RE-
velation, &c.

h. e.

OPUSCULUM THEOLOGICUM, QUO UTILITAS Revelationis ostenditur, quantacunque etiam sit rationis humanæ excellentia; octo Sermones sacros complectens. Autore CHRISTOPH. ROBINSON, M. A.

Londini, apud Jo. Pembertonum, 1733, 8.

Plag. 9.

Cum in controversiis, quæ hac nostra ætate inter eruditos de Revelatione divina versantur, dissentientes, uti fieri solet, ad opposita prolabantur, ita, ut altera pars rationis vim & efficaciam extollat magnopere, altera e contrario deprimat; mediam sibi ingrediendam esse viam putavit Autor. Atque ex ea re utilitatem

Revelationis ea commonstrat ratione, nihil ut rationis excellentiæ dignitatique decedat. Quam quidem causam octo meditationibus, in locum *Jo. V, 30*, institutis, complectitur. *Prima* ergo ostendit, rationem excultam, dextreque applicatam, satis equidem mortales condocere, quænam sint eorum officia: injustum enim, quin & temerarium, esse, credere, Deum creaturas liberas ineptas creasse, ad officia sua cognoscenda atque observanda; at enim, quo sæpius homines suis facultatibus abutantur, eo magis bonitati divinæ conveniens esse, ut singulari iisdem revelatione opem ferat. Veræ revelationis character est, ut voluntatem Dei doceat. Hinc Autor primo, quid sit voluntas Dei, commonstrat, eam versari in hoc, quod universe optimum sapientissimumque est, docens; tum vero commoda recenset, ex observatione voluntatis divinæ redundantia. Præcipua fere hæc sunt, hominem Deum, officiaque illi debita, cognoscere, tum vero certiores reddi de bonitate Numinis, quod in creando homine nihil intendit aliud, quam ut facultatibus sibi concreditæ recte utatur, adeoque felicitatem suam consequatur; denique obligari, tam ad iustitiam, quam ad amorem mutuum ac benevolentiam, quæ omnia in Revelatione divina inculcari, breviter monet.

Sermone II inquit, utrum, in quantum, ac ubi, voluntas divina absque revelatione cognosci potuerit. Homines enim, quamvis aptos natos, ut rationi convenienter cogitent, agantque, utrumque non facere, docet. Quanquam etiam natura atque attributa Dei sola ratione facile cognoscantur, non minus ac quædam momenta voluntatis ejus; rationem tamen in his etiam recte applicandam esse: at experientiam docere, longa demonstratione, attentaque meditatione, hæc talia perfici, paucissimosque mortalium ad utramque idoneos esse, sæpius ab ea abhorre, imo tempore excludi, occasioneque destitui. Denique fieri non posse, ut voluntas Dei, utcumque in nonnullis introspi-ciatur, in omnibus tamen momenti summi rebus cognosci queat, nisi succurrat revelatio.

Hoc illud *Sermone III* ad liquidum perducturus, disputat, quousque ratio in detegenda voluntate Numinis procedere possit. Multas ei quidem oportunitates concedit, in pernoscentis officiis,

officiis, quibus Deo, nobis, aliisque, obstricti sumus; attamen plurimis maximisque erroribus, opinionibusque, sæpenumero præjudicatis, implicitam esse dicit, neque facile credi posse, rem tam arduam hominum perversæ indoli infirmitatique mentis relictam esse: imo, quod multo adhuc deterius est, in nonnullis plane rudem esse; ignorare nimirum media reconciliationis cum Deo, nescire, quidnam præcipue precibus suis impetrare velit, insciam esse multorum, quæ ad finem, excellentiam, defectusque, vitæ nostræ pertinent, sine quarum cognitione religionem ipsam, officiaque plurima, defectibus laborare non levibus oportet. Horum omnium veritatem ex imbecillitate humanæ mentis generatim, tum ex dominio affectuum, atque vi perturbationum, quibus agitur, corroborat, atque ex iis concludit, religionem Christianam naturæ rationali convenientem esse; eam ab religione naturali sæpe præter rem distingui; nihil ejus præstantiæ decedere, quamvis ea abutantur homines male feriat; nec excusari posse eos, qui, quamlibet revelatione caruerint, tamen rationis lumen non fuerint secuti.

Ejusmodi autem infirmitate, qualem sæpius jam questus est, hominem vere laborare, ut planum fiat, Autor *Sermone IV* lapsum hominis, ipsis gentibus cognitum, uti in Vet. ac Nov. Test. describitur, considerat, ac, statum hominum præsentem descriptioni huic convenientem esse, commonstrat. Quam in rem inprimis exemplo nimix, ac suis se finibus non continentis, gloriæ cupiditatis utitur, qua sibi ac aliis, quantumlibet ceteroquin mentem excolat, molestus est, veræque felicitatis particeps fieri nequit. Quibus sic disputatis, necessitatem revelationis ob oculos ponit.

Sermone V in eo est, ut evincat, homines, revelatione carentes, sibi que relictos, plurima quidem introspicere posse, quæ ad veram religionem pertinent, imo ad certissimam ejus cognitionem pervenire, sed tamen ineptos esse, ut alios eadem imbuant. Hinc inquit, quid fortissimæ quæque rationes valeant. Requiritur nimirum, si quid efficere debeant, attentio sedula, animus præparatus, ac ita constitutus, uti vi atque efficaciam, qua pollent, nihil adimatur. At enim subtilia argumenta non alligant plurimos, ut animum attendant. Paucissimi, quam vim

habe-

habeant, norunt, adeoque ad assensum non coguntur, quem si præbere debent, majori autoritate ad illum sunt permovendi. Præter ea pauci natura apti sunt, ut philosophicis rationibus locum relinquunt, nec operam impendunt, quam debebant. E contrario præjudicatis capti opinionibus ad cognoscendam veritatem accedunt, & affectibus suis in transversum rapiuntur.

Sermone VI, hominem, docet, libertate donatum, sed ad mala proclivem, divina autoritate necessario a vitiis cohiberi oportere. Præmia igitur ac pœnas non minus absolute necessarias esse, quam publicam earum declarationem. Hinc, quid sit libertas, explicat; tum insignem hominum proclivitatem, ad abutendum hac excellentia, distinctius exponit, in amore voluptatis, ambitione, atque avaritia, quam maxime conspicuam.

Quantis vero cum calamitatibus conflictandum sit bonis, quam necessaria illis ac fructuosa sit revelatio, *Sermone VII* uberius enarrat. Multis enim hi sæpenumero commodis destituti sunt, atque illud minime sua culpa. Integritas vitæ, bonaque mens, cui student, contemnitur a plurimis. Et quid magis in vulgus notum est, quam insuperabilibus propemodum difficultatibus virtutem esse obseptam. Miserrimam adeoque fore conditionem mortalium, existimat, si de futuro olim statu, præter id, quod incertis precariisque humanæ rationis, uti loquitur Autor, conclusionibus innititur, cognoscerent nihil. Denique, quantas revelatio miseris, rudibus, atque illiteratis, ipsis etiam virtuti operam navantibus, commoditates afferat, pauperibus item piisque, recenset.

Tandem *Sermone VIII* modum introducendi religionem, quo Deus usus sit curatius considerat. Usus nempe est rationibus plenis ac simplicibus, iisque perpaucis. Postea autem artibus & literis, quas Ægyptus Græcia, ac Roma, colabant, successus atque incrementa dabat. Qua ratione præparatis hominum animis, quos ut liberos rationeque præditos servare volebat, Sospitorem mittebat. Tum temporis etiam revelatione maxime opus erat. In summa enim literarum luce, artiumque flore insigni, homines tamen superstitionibus dediti de via decedebant. Maxime nihilo minus proni erant ad recipiendam revelationem veramque religionem. Præterea Romanum imperium summa rerum potiebatur, cujus ope veritas propagari latius poterat.

Hæc, & quæ enarravimus, alia, cum in modum proponit Noster, facile ut pateat, magis cum commodis hominum illiteratorum, quam Metaphysicorum, inservire voluisse; id quod instituti ratio requirebat. Nihil enim in hoc Opusculo offendent illi, quod magnopere placeat, qui in demonstrando rigorem atque limatas ubivis meditationes, singulari acumine sese probantes, quaerunt. Ceterum, satis plaue ac commode scriptum esse, haud diffitemur.

NOVA ACTA ERUDITORUM,

publicata Lipsiæ

Calendis Novembris Anno MDCCXXXIX.

*HISTORIA LEODIENSIS, PER EPISCOPORUM
& Principum seriem digesta, ab origine populi usque ad
tempora Ferdinandi Bavari, studio & accurato labore
Rev. Patris FOULLON, e Societate Jesu, quondam de-
ducta, nunc primum ex eruditorum scriniis in lucem
edita, & doctorum quorundam cura ad ætatem no-
stram suppleta.*

Tomus I & II.

Leodii, typis Everardi Kints, 1735 & 1736, fol.

Tom. I Alph. 5 plag. 11, Tom. II Alph. 5 plag. 6½.

Legiam nascentem a gentis origine ad *Notgeri* usque *Præsu-*
lis tempora primum deduxit Plur. Rev. Autor, quibus ea
potissimum in hanc, quam hodie videmus, speciem adolescere
cœpit, deinceps sese confert ad *Erardum Marcanum*, qui *Le-*
gix decora a ruinis denuo excitavit, ac *Notgerum* magnificen-
tia operum publicorum veluti in vitam revocavit. Verita-
tem sibi pro norma proposuit, medium tenens inter longi-
tudinem aliorum ac breviter, ut veritas neque obvolvere-
tur longitudine, neque brevitate exstingeretur. Gens *Leo-*
*dien*sis olim invictam sese præstitit, Christianam doctrinam
avide suscepit, ac aliis diligenter instillavit. *Joannes Erardus*
Fullonius, qui Historiam suam venuste graviterque scripsit, *Leo-*
dii natus est A. 1609, Societatem vero Jesu inivit A. 1625, ab an-

no 1637, quo studiorum curriculum & tertium ex Societatis more Probationis annum absolverat, reliqua deinde vita concionatus est in variis locis, & in sola urbe patria annos 14, præterquam quod Huenſis Collegii Rector exſiſterit per triennium, ac deinde Tornacenſis, quo in munere illum mors A. 1668 occupavit. Fratres habuit *Eraſmum*, Principibus *Ferdinando* & *Maximiliano* a ſanctioribus conſiliis, & alium, qui in aulam Principis *Maximiliani* allectus fuit. Horum gratia ſuiſque benemeritis ſubſidia, Hiſtoriæ ſcribendæ apta, ſibi conciliavit. Compendium hujus Operis, in annos digeſtum, edidit Leodii A. 1655 typis *Joannis Matthiæ Hovii*, item Commentariorum perpetuorum in Machabæos Libros, *II*, *Maximiliano Henrico* Principi inſcriptos, quorum primus prodiit Leodii ex officina ejusdem *Hovii* A. 1670, ac ſecundus A. 1679. Exemplar hujus Hiſtoriæ integrum, accurate & nitide exaratum, a *Fullonio* ipſo quondam recognitum, ejusque ſubſcriptione firmatum, Editor a nobiliſſimo patriæ obtinuit magiſtratu. *Fullonius* Opus ſuum clauſit adminiſtratione Principis *Erneſti*, exhibita duntaxat brevi delineatione rerum ſub *Ferdinando* geſtarum. Viri celebres recentiora jam elaborare ſtudent, quæ in *Tomo III* ut exſtent proxime, providebit Editor. Opus *Fullonii* in duos *Tomos* idem diſtribuit. *Tomi primi Pars prior* exhibet deſcriptionem gentium variarum, quæ Leodiènſe ſolum incoluerunt, poſterior ad *Joannis Valenrodii* adminiſtrationem inde a *Notgeri* Præſulis tempore decurrit. Utraque *Pars* complectitur ſex *Libros*. *Tomi II Pars prior* complectitur res Leodiènſium a *Joannis Valenrodii* adminiſtratione uſque ad *Erardi Marcani* electionem, poſterior concluditur *Erneſti* Bavari e vita exceſſu. Documenta nonnulla publica ad calcem Operis fuerunt ſubjuncta; ſed quam vellemus Diplomata antiquiſſima cum publico fuiſſent communicata! Addidit Editor ſeriem probatiſſimam Conſulum urbis Leodiènſis, a *Fullonio* ipſo ex tabulariis publicis erutam. *Tomus* uterque octo continet *Libros*. Dabimus primum eorum ſummam, ac deinceps unum alterumque ſæculum Lectori apponemus, adjectori judicium æquitate temperatum pro more noſtro. *Libro primo* exponuntur

Leo.

Leodienſis populi initia, vetera Leodienſium nomina, priſci regiones fines, gentis mores & lingua, res ante *Caeſarem* geſtae, urbs Eburonum, Vatuca & Legia, Tongri, Chriſtianæ fidei exordia, Episcopatus Tongrenſis, quindecim Episcoporum, & deinde octo Episcoporum, vitæ, resque civiles Tongrorum. *Libro ſecundo* explanantur varia, vita ſcilicet Divi *Servatii* Episcopi, Tongrorum vaſtatio, Episcoporum novem vitæ, Francorum Saliorum in Tongris rationes, Francorum dominatus, Episcopi *Domitianus*, *Monulphus* & *Gondulphus*, *Perpetuus* & *Ebregiſus*, *Joannes Agnus*, *Amandus*, *Remaclus*, *Theodardus*, ac tandem res variæ gentis Tongrenſis. *Liber tertius* continet vitam, *Lamberti*, Episcopi, cœlitibus adſcripti, *Pipinorum* ſtemma & res, *Huberti* vitam, Leodii urbis & ſedis Episcopalis fata, vitas D. *Floreberti*, *Fulcarii*, *Agilfridi*, *Gerbal di*, *Valcandi*, *Pirardi*, *Hircarii*, *Franconis*, Episcoporum, Nortmannorum vaſtationis deſcriptionem, vitas *Stephani*, *Richardi*, *Hugonis*, *Faraberti*, *Ratherii*, *Baldrici*, & *Eraclii*, Episcoporum. *Liber quartus* complectitur vitas Episcoporum inde a *Notgero* uſque ad *Albertum Cuiquium*, Episcopum LXIV. *Libro quinto* commemorantur Episcopi inde ab *Hugone Petrapontio* uſque ad *Joannem Bavarum*, Episcopum LXXIX, & *Schilina Perviciacenſe*. Et hæc eſt *primi Tomi* ſeries & ſumma. *Tomus II* conſtat *Libris tribus*, *ſexto*, *ſeptimo*, & *octavo*. *Sextus* Episcopis inde a *Joanne Valenrodio* uſque ad *Joannem Horneum*, & bellis Marcanorum, inſcribitur; *ſeptimus* ab *Erardo Marcano* deducitur uſque ad *Gerardum Groſbecanum*. Subjunguntur *Gheuſiorum* turbæ, Leodienſis obſidio, Leodienſium res variæ, bellum *Ordinum Belgicorum*, & obſidio *Trajectenſis*. *Liber octavus* complectitur vitam *Erneſti* Bavarî, conventum imperii, *Aqueniſium* tumultus, *Coloniènſe* bellum, populationes ab externo milite factas, acta pro religione firmanda, *Aquas Spadanæ*, res miſcellaneas, interceptam arcem & urbem *Huenſem*, *Huum* receptum, *veneficorum Stabuletenſium* hiftoriam, motus internos & externos, res varias, ac *Erneſti* ſuprema. Adduntur præterea privilegia *Philippi II*, *Henrici VII*, *Alberti*, duo *Sigismundi*, & unum *Maximiliani I*, ac transactiones,

Tom. I
pag. 3.

- quæ ita denominatæ fuerunt: *Paix des Clercs, Paix de Fexhe, Paix de Vibogne, Paix de Jeneffe, Paix de Flone, Paix de Waroux, premiere Paix des Vingt-deux, seconde & troisieme Paix de Vingt-deux, Paix de Seize, cinquieme Paix des Vingt-deux, Reglement de Hinsberg, Suite du reglement de Hinsberg, Paix de St. Jacques.* Et series Consulum Leodienfium extremo loco fuit recensita. Ex hisce, quid Lector ex Opere ipso proficere queat, satis patescit. Incolæ tractus Leodienfis a *Cesare* vocantur *Eburones*. Ipse *Tongros* non commemorat, *Plinio Tacitoque* cognitos. *Aduatici* tenuerunt ibi loca, ubi nunc est *Hasbania*. *Atuatica* nunc vocatur *Heisdens*. Ex *Condrosis* superest *Condroz*. *Ambivatitorum*, quorum reliquæ hærent in voce *Ampt-van-Rets*, ac *Taxandrorum* provincia fuit una eademque. *Grudii* supersunt in *Lossensibus*, ut patet ex locis *Groot Lonen, Banc van Graet, Gruyters Hoven*. *Segnorum* appellatio mansit in vico *Essencux* ad *Urtam* fluvium. *Caresos* agnoscunt aliqui in nomine vici *Serez, Seraing, Seranium*, primo a *Leodio lapide*. Genuina est *Autoris* confessio: *Prima Ecclesie ætate Episcopus præcipuis urbibus attributos fuisse, lubens quidem concessero, sed, circumscriptos ipsis provincie sue limites, non existimo.* Quæ *Tacitus* de *Tongris, nunc Germanis*, habet, veremur, ne sinistre sint adhuc accepta. *Il*, qui *Gallos* vicerunt *Rheno* trajecto, vocantur sese *alacres & fortes, tanger*, quæ vox *Saxonibus* inferioribus & *Westphalis* adhuc usitata. Deinde eosdem dixerunt vulgo *bellicosos ex guerra, werra*, id est, bello, & *man*, id est, viro. Urbs *Eburonum* ab *Autore* statuitur quarto circiter a *Leodio lapide* ad fluvium *Urtam* fuisse sita in loco, quem accolæ vocant *Embour*. Ipse pro vulgata lectione apud *Cesarem de B. G. Lib. IV Cap. 32* §. 3 *Atuatucam* legit ad *Vatucam*, ac hoc castellum cum *Wendelin* ponit in *Cassella* prope *Vittemiam*, *Trajectum* inter & *Aquisgranum*. *Legia*, seu *Leodium*, unde dicta sit, est satis obscurum. An a *Ligiis, Germaniæ* populis, *Tacito* memoratis? An ex *Lagio*, *Notitiæ Imperii* inserto? An ex vacuo, *ledig, ledick*, quia *Cesar* agrum *Eburonum* in solitudinem redegit? An ex *allodio*, quod *Galli* vocant *Leode*? Nil certi *Autor* determinat. *Augu-*
bus

flus sedem Eburonum dedit Tongris, ac Germaniam secundam vocavit, in qua Ubii & Tongri eminebant. Tongrensis urbis incolæ tradunt, ex plano vallis proximæ sæpius erui malos, ancoras, & conchylia; unde omnino intelligitur, mare ibi olim exstitisse, certe magnum ac navigabilem lacum. Initia Christianæ fidei, Tongros illustrantis, Autor ponit ad annum 52 a Christo nato, ratus, *Petrum*, tunc Romæ Episcopum, misisse Treviros *Eucharium* cum sociis *Valerio* & *Materno*; negat tamen, hunc *Maternum* fuisse viduæ *Naimitidis* filium. Sed, *Sulpitio Severo* invito, hæc creduntur. Necdum videmus, scriptorum coævorum vel illibatæ traditionis documenta hic utramque facere paginam. Episcopatum Tongrensem, a *Materno*, Treviris tunc commorante, institutum esse, *Fullonius* arbitrat, *Navitum* pro primo habens Episcopo, vel *Materni*, Treviros reversi, successore. A *Navito* ad *Servatium* usque grandis patet hiatus, nec constat, quinam fuerint Tongrensis Episcopi intermedii. In eum explendum collocat Noster octo Episcopos, quorum nuda nomina vix sunt cognita. Treviros, Ubios, ac Tongros, unus dicitur Episcopus rexisse ad *Constantini Magni* usque tempora. *Servatius* vocatur *Servation* in subscriptione Concilii Ariminensis, *Sarbatius* in Sardicensi, *Sabatius* in Athanasio. Colonientem Episcopum, *Euphraten*, ipse *Servatius* cum aliis Galliæ Episcopis in Concilio Agrippinensi A. 349 damnavit, ac Episcopatu amovendum censuit, docentem quippe nova, ac inter ea, Christum esse Deum, intrepide negantem. *Servatium* inter & *Athanasium* magna intercessit amicitia. In Ariminensi Concilio circumventus fuit *Arianorum* fraudibus *Servatius*, licet animi sui robur satis ostendisset. Inde Romam divertit, inde ad Vangiones venit, rediit Tongros, ac Trajecti obiit. Plurima vitæ ipsius miracula fuisse a posteris addita, nemo inficiabitur. Ex antiquissimo Ecclesiæ Trajectensis Codice *Wendelinus* docuit tempus mortis *Servatii*, scilicet annum 384, diem 13 Maji. Mortuo *Servatio*, *Harigerus*, aliique, eum secuti, annos 114 Ecclesiam Tongrensem proprio Episcopo caruisse, affirmant. *Fullonius*, hisce desertis, Episcopos novem a *Servatio* ad *Domitianum* numerat, quorum ætate

Pag. 22.

23.

25.

32.

35.

44.

46.

48.

50.

52.

- Tongri in Francorum venerunt potestatem. Salii legibus Romanis in Taxandria, permittente *Juliano*, sedem occuparunt. Eos Autor ex voce Teutonica *sabl*, quasi *aulicos & nobiles*, dictos fuisse credit. Quæ ipse addidit de Saliis cognomen *Quadorum* indeptis, id est, *rabidorum & rebellium*, minus videntur verosimilia. Salii, cum Tongris conjuncti, in unum populum coaluere, ac tenue Lagenesium præsidium, a Romanis relictum, expugnarunt. *Fullonius Wendelinum* in eo etiam affectatur, quod, leges Salicas in eodem Tongrensi solo conditas fuisse Latino sermone, existimet. Hunni Tungrin haud venerunt, licet *Aimoinus* ita tradiderit. *Stabuletum Remaclus* in usus Monachorum paulo ante A. 675 ædificavit & instituit. *Pepinus Landanus*, *Grimoaldi* pater, ita a *Landa* appellatus fuit, oppidulo jam in extrema Brabantiae ora ad Leodienses fines sito. Ad Landam vicus est *Hespen*, qui Hasbaniae ac Haspengowe tractui nomen dedit. Vita divi *Lamberti* inprimis diligenter fuit conscripta, insigne vero gentilitium, ei attributum, commento haud est dispar. Leodii origo ad *Lambertum* est referenda, quippe qui ibi villam tenuit, ac in ea oratorium, *Cosma & Damiano* sacrum, in quo ipse abstinentiae & religioni vacare solebat. In eo satellites *Dodonis Lambertum*, humi decumbentem, telo confixit. Stemma & res *Pipinorum* necem *Lamberti* excipiunt. *Hubertus*, *Lamberti* successor, Leodii duo templa condidit, quibus totidem adjunxit monasteria. Addidit Autor: *Canonicos olim ubique cænobitas fuisse constat, non tamen omnes Monachos Benedictinos, etsi eorum collegia vocentur monasteria.* Ex sepulcro *Lamberti* ac miraculis, ad illud fieri creditis, Legiæ seu Leodio, tenui ante *Hubertum* vico, obtigit incolentium multitudo & civitatis dignitas. *Huberto* Episcopo successit filius ejus, *Florebertus*. Sub *Stephano*, Tongrorum Episcopo, prima fit de duobus Diplomatribus regiis mentio, sed admodum concisa. Ad A. 920 Pontifex Magnus *Joannes* hunc Episcopatum in literis vocavit *Leodiensem*, Ecclesiamque appellavit *Legiam*. Idem *Richario* pallium concessit Romæ, eumque ipse consecravit. *Stephano* jus cudendi numos indultum. Omittimus reliquorum Episcoporum res gestas,

gestas, quæ non semper luculentis Scriptorum coævorum testimoniis sunt superstructæ. *Ægidius* plerumque refellitur. Requiritur autem in hoc Opere stili castitatem, nexum scribendi pragmaticum, consilia & modos, quibus Episcopatum Præsules amplificaverunt, vincula cum dominis finitimis politica, & Diplomatum seriem. Privilegia perpauca, quæ Operi subtextâ comparent, pertinent ad jura & immunitates, quas *Albertus II*, Episcopus Leodiensis, civibus suis concesserat. Singulos *Tomos* singuli Indices claudunt, diligenter elaborati. Charta & diligentia typographorum sunt prorsus eximie.

PRIMORDIA CORCYRÆ, POST EDITIONEM
Lyciensem anni MDCCXXV ab Autore nuperrime
recognita, & multis partibus adaucta.

Brixie, excudebat Joannes Maria Rizzardi, 1738, 4 maj.

Alph. 1 plag. 10, cum Fig. æn. 2.

Autor præclari hujus Operis est Eminentissimus *Angelus Maria Quirinus*, ex Abbate Benedictino-Casinenfi A. 1723 factus Archiepiscopus Corcyrensis, hinc A. 1727 Episcopus Brixienfis, eodemque anno Cardinalis, & postea Bibliothecarius Vaticanus, Vir non tantum generis nobilitate illustris, Dux, Marchio, Comes, sed & literis præsertim humanioribus, & antiquitate sacra pariter ac profana, solide eruditus, in cujus Animadversionibus *Euclideanis*, superiore Anno recensitis, commemorantur scriptis ab eo *Monastici Italici Prodrômus*, & de veteribus *Græciæ orthodoxæ officii* Libri, cui & veterum Brixie Episcoporum, *Philastrii*, *Gaudentii*, *Ramperti*, & *Adelmanni*, Collectionem debemus, Brixie A. 1738 in folio editam, cujus denique auspiciis S. *Ephraemi Syri* nupera editio, a Cl. *Assemano* curata, prodiit, & adhuc prodire pergit. Præsens liber ex reconditæ antiquitatis fontibus omnia tam limato judicio deducit, & tot eruditissimorum virorum hallucinationes critice perstringit, ut optandum esset, eundem integram Thesauro alieni Antiquitatum, vel Thesauri Supplemento, inseri, ac posteritati commendari. Nos hic epitomen ejus tantum contrahiorem dare possumus.

Age-

- CAP. I Δρεπάνη hoc est, Falx, antiquissimum Corcyrae nomen fuit.
- pag. 1. Fabula fert, falcem ibi occultatam fuisse, seu *Cereris* illa fuerit, qua metendi artem Titanas docuit, seu alia, qua *Cæli* genitalia
5. *Saturnus*, ant *Saturni Jupiter*, amputavit. Verisimilius a figura hoc nominis habet, quod agnoscit Scholiastes *Apollonii Lib. IV*, & in Siciliae pariter Drepano vidit *Servius ad Æneid. Lib. III*. Similiter *Macris* dicta Corcyra, non a *Macri*, *Bacchi* nutrice, sed διὰ τὸ τῆς Σέως ἐπιμνησε, ut ejusdem nominis Eubœæ rationem reddit *Eustathius ad Dionysium Periegetem*.
7. *Scheria* posthæc appellata fuit ab Ἰχθυον, quod cursum fluminum, ex Epiro labentium, sisteret. Ita *Aristoteles* apud Scholiasten *Apollonii*. *Bochartus* provocat ad Phœnicium vocabulum *Schara*, emporium. Denique *Corcyra* nominata est, quod Κερκύρα, *Asopi* ac *Metbones* filiam, huc traduxerat scilicet *Neptunus*,
- CAP. II pag. 9. vel secundum *Bochartum*, quod Carcara Orientalibus terra est, in qua pacate vivitur, quod de Corcyra prædicat *Homerus Odyf. VII*, quanquam ipse *Homerus* Corcyrae nomen nondum habet, & apud *Strabonem Lib. I & VII* reprehenditur *Callimachus*, Grammaticus, *Homerica* Scheriam Corcyrae vocabulo exprimens. Quo certius constat, memoria falli *Harduinum*, cum,
10. II. vetus, inquit, est nomen (Κέρκυρα) apud *Homerum*. Κέρκυρα utique, non Κερκύρα, est in numis. Audacius tamen *Ezech. Spanhemius* ad *Callim. pag. 428* apud Autores ubique pro Κέρκυρα, Κερκυραῖος, reponere jubet Κερκύρα, Κερκυραῖος, quod non scripserat Vir doctissimus, si legisset *Eustathium* ad *Dionysii Periegesin v. 494*, ubi ancipitem apud veteres nominis scripturam esse observat, per κ & ο, ipse Κέρκυρα constanter scribens, quod & faciunt *Suidas*, *Hesychius*, *Etymologicon M.* in quos propter ordinem Lexicographorum non cadit mendæ
12. suspicio. *Cercuram* quoque appellatam non dubitamus; unde apud *Plautum* *Cercurus* navis est ab Insula Κέρκυρα, rerum nauticarum scientia nobili, ut frustra sint interpretes, qui vocem *Plauti* vel eliminandam, vel aliunde repetendam, putant. Emen-
13. danda hinc lectio apud *Hesychium* in Σχερίη, qua voce indigita-
ta est insula, καὶ ἡ Κερκύρα, in cuius locum Κέρκυρα restituendum. Hodie nomen *Corfu* non ex vocabulo Corcyrae, ut vulgo
putant,

ant, corruptum, sed natum ex Græco *νορυσφω*, quo medii ævii scriptores Corcyræ arcem designabant, teste *Niceta Choniata Annal. Lib. II.* Ex *Neptuno* atque *Corcyra*, *Asopi* filia, natus *Phæax*, primus Insulæ Rex, unde Corcyræi Phæaces. Altiun de *Phæacis* Regis rebus gestis silentium apud veteres facit, ut, quæ *And. Marmora* in Historia Corcyrensi de ejus legibus & potentia refert, commentitia credamus. *Jasonis* quoque ap-
 pulsus ad Corcyram ad *Alcinoi* tempora, non ad *Phæacis*, spe-
 ctat. Neque *Phæax* apud *Plutarchum* in vita *Thesæi* cum no-
 stro erat confundendus a *Marmora*, nisi & tres alios *Phæaces*,
 quorum apud veteres mentio, Corcyræ Reges vellet constitue-
 re. Fuit *Homeri* Poema *Φαιακίς* a *Tuticano* Latine factum, 19.
 teste *Ovidio Ep. 12, 16, Lib. IV ex Ponto.* Sed *Φαιακίς* *Homeri*
 carmen est in libro de vita *Homeri*, quod cum priore idem
 facit *Jo. Alb. Fabricius Bibl. Gr. Lib. II Cap. 2,* & pro *Φαιακίς*
 apud *Herodotum Halic. Cap. 16* *Φαιακίς* legi posse existimat.
 At, cum ibi *Herodotus* scribat, *Homerum* in Phocæam contendisse, 20.
 ibique Phocaidem suam elaborasse, res procul dubio Phocen-
 sium complexam, multo pronius fuisset *Fabricio*, suspicari,
 corrigendum *Ovidium* potius, quam *Herodotum*, & ibi pro
 Phæacida legendum Phocæada. Forte autem Phæacis *Ovidii*
 fuerit pars *Odyssea Homeri*, quæ narrat ea, quæ *Ulyssi* in Phæacia
 contigerunt. Constat enim vel ex *Æliano Var. Hist. XIII, 14,*
Poemata Homeri, in varias partes olim dissecta, diversis nomi-
 nibus insignita esse. *Ælianus* quidem illam partem, quæ huc
 spectat, inscribit: *Alcinoi Apologi*; sed apud *Allatium de patria*
Homeri Cap. V pro uno sunt tres tituli: *Ulyssis profectio ad*
Phæaces, *Ulyssis accessus ad Alcinoum*, &c. Interpres Latinus 21.
Notitiæ Græcorum Episcopatum voces *Κέρκυρα ἢ Φαιακία*
 reddit *Corcyra*, nunc *Phæacia*, sæpiusque alibi verbum nunc de
 suo addit, ex veteribus vocabulis imperite nova effluens. Unde
 mirum, hunc errorem non animadversum esse a *Jac. Goaro* in 22.
 nova illius *Notitiæ*, defæcata scilicet, editione, ad calcem *Ge. Codi-
 ni*, vel ab *Emman. Schelstratenio T. II Antiquitatum Eccles. in*
Appendice, qui adeo in Indice notavit: *Corcyra, postea Phæacia.*
 Contra *Suidas*: *Κέρκυρα ἢ λεγόμενη, Φαιακία πρότερον ἐκα- 23.*

- ἀέτο. Censuram quoque meretur *Barnesius*, ad *Homeri* verbum Σχέρην initio *Libri V* scribens: *Scheria, quæ post Phæacia, nonnullis Corcyra*, *Herodoto Oasis*, ut *Photius Biblioth.* Nam *Phæacia* *Oasis* ad *Ægyptum* spectat. Unde rectius ad *Photium* num. 80 in margine notatum invenimus: *Alia est Homeri*
- CAP. IV
pag. 25. *Φαιακία, quæ ceteris Corcyra dicitur. Nausithoum* deinde *Corcyræ* Principem exhibet *Homerus Odyss. VII* ex *Neptuno* & *Peribæa* natum, qui adeo a vulgo nec *Phæacis* filius fingi, nec cum *Phæace* confundi, debebat. Hic *Odyss. VI* initio dicitur *Phæacas* ex *Hyperæa* propter rapinas *Cyclopuum* traduxisse in *Scheriam*, quam transmigrationem forte ignorarunt alii, v. g. *Conon* narratione III apud *Photium*, & *Apollonius Argon. IV*, quibus *Phæaces* in *Scheria* insula sunt αὐτοχθόνες. Apud *Nausithoum*, ut autor est *Apollonius*, Rex *Hyllus*, ab *Hercule* ex *Melita* genitus, infans est educatus, sed is postea insulam reliquit, & ductis secum *Phæacibus* quibusdam, ad mare *Saturnium* confedit. Ignoravit hunc *Apollonit* locum *Jac. Gronovius Antiqu. Vol. I*, ad *Hylli* gemmam scribens: Id notabile, quod caput cingatur diademate, cum *Hyllus* Rex legatur *muspiam*. Sed & latere illum non debebat alius *Hyllus Heraclida* Rex, multis laudatus. *Hyperæam*, ex qua *Phæacēs* orti, *Melitam* insulam fuisse, disputat *Cluverius*; cui rei fidem facit mons *Corcyræ Melitejus* apud eundem *Apollonium*, ejusque *Scholiasten*.
27.
28.
29.
30.
33.
CAP. V
pag. 35. 36.
38.
- Phæaciam Hyperæam* memorat præter *Hesychium* & *Stephanus de Urbibus* in Ἄργος, unde & discimus, *Argos* nomine donatum fuisse *Corcyram*. Fallitur vero *Berchelius*, tradens, non alios veteres Scriptores eam *Argos* nominasse. Occurrit enim & apud *Eustathium*, *Dionysii* *Scholiasten*, ad v. 494. *Homerus Odyss. VII* *Nausithoi* liberos, *Rhexenorem Alcinoumque*, refert, quorum hic fratris, ab *Apolline* intereunti, filiam, *Aretam*, duxerit. Sed *Conon* apud *Photium* num. 186, *Rhexenore* omisso, *Alcinoum* & *Locrum Phæacis*, non *Nausithoi*, liberos facit, ex quibus *Locrus*, cum parte populi *Corcyræ* in *Italiam* trajiciens, ducta *Latini* Regis filia, ab *Hercule* sit occisus; unde *Locrensiu* cum *Phæacidis* cognatio. Quæ licet ab *Homero* ac *Latinorum Historicis* dissentiant, non observata reperimus a
- recen-

recentioribus. Occurrit tamen vestigium cognationis inter Corcyrenses & Locrenses in nummo Corcyraeorum, qui, *Harduino*, *Golzio*, & *Marmora*, non memoratus, reperitur in *Gracia antiqua Wolfg. Lazii*, cum navi, quod est insigne Corcyraeorum, & ab altera parte cum spica ac capite coronato, nec non literis ΜΕΤΑΠ. scilicet *Μεταπολίτιον*, qui erant Locrensi-
um finitimi. Venimus nunc ad Argonautas, qui, teste *Apollonio*, cum thesauro & *Medea* rapta ad Corcyram delati & liberaliter excepti sunt. Cumque insecuti Colchi *Medeam* repeterent, & *Alcinous* pronuntiasset, si jam cum *Jasone* rem habuisset *Medea*, reddendam non esse, clanculum effecit *Areta* Regina, ut proxima nocte cum *Medea Jason* in sacro antro concumberet, quod antrum ad *Apollonii* ætatem *Medea* antrum vocatum est. Colchi itaque, votis frustrati, cum sine *Medea* 42.
reverti pueret, in Corcyra manserunt, Argonautæ vero ex ea solverunt. *Jac. Gronovius* ad laudatam supra Corcyrae gem- 45.
mam, perinde ac si ipsi Argonautarum expeditio non comper-
ta fuisset, ait, *Alcinoum* & Corcyram per *Ulyssis* navigationem
inclaruisse apud Græcos, cum tamen jam ante *Ulysses* Argonau-
tica expeditio Corcyram reddere debuerit celebrem. *Ulysses* CAP. VI
tamen non multo post Argonautas ad Corcyram appulit, si- pag. 47.
quidem ab eodem *Alcinoo*, eademque *Areta*, benigne habitus,
postremo a Phæacibus in Ithacam pervectus fuit, quæ pluribus
libris enarrat *Homerus*. Unde lucem accipit vexata inter Chro- 49.
nologos quæstio de epocha expeditionis Argonautarum. Nam, 50.
ut *Alcinous* & *Areta* Argonautis primum, deinde *Ulyssi*,
σύνχερον esse potuerint, non 79 anni interponendi sunt cum
antiquo Chronologo apud *Clementem Alexandrinum* & *Jacobo*
Capello, imo *Eusebio*. Magis ad verum *Petavius* 40 annos, verius
Scaliger 20 circiter, ponit. Sed mirum, Duumviros celebres
in fingenda epocha ad *Alcinoum* & *Aretam*, nomina sexcen-
ties commemorata Argonauticis scriptoribus, non attendisse,
quæ inprimis ante oculos esse debebant, non *Priami* ætas ex
Iliados parvæ supposito scriptore. *Alcinoi* tempore nobilissi- CAP. VII
ma urbs princeps Corcyra, nobile palatium Regis, nobiles *Alci-* pag. 60.
noi horti, quæ *Libro VI & VII Odyss.* describit *Homerus*. Circa

urbem turres & mœnia sublimia, ab utroque latere portus, & singulis navibus statimnes. Ipsa urbs intus plena Principum curiis, eminente tamen palatio Regis, cuius præ foribus aurei & argentei canes, opus *Vulcani*, intus solia cum pulvillis bene netis; tota domus auro, argento, gemmisque, refulgens. Maxime laudantur *Alcinoi* horti, adeo, ut *Bonjourius* in illis Paradisum quærendum duxerit, veteresque per proverbium dicant,

Pag. 65. *Alcinoi poma dare, Martial. Lib. VII Ep. 41*, Ex his *Homericis* præsertim narrationibus intelligitur, cur *Dionysius Perieg.* *Corcyram* dicat λιπαράν, cur eandem πειραὴν *Apollonius Argon. IV*, itemque ἀμφιλαφὴν, hoc est, interprete Scholiaste, utrinque comoda navium statione gaudentem, quanquam tertium portum addit *Scylax in Periplo*, & unum γλυκὺν ὠνομασμένον *Dio Lib. L* propter dulces aquas in eum illabentes. Fertilitate & amœnitate regionis captum quoque mirifice *Atticum*,

CAP. VIII ex pluribus *Ciceronis* Epistolis intelligitur. Ipse *Cicero Lib. V*

pag. 67. *Ep. 9 ad Att.* opipare se epulatum *Corcyrae* Saliarem in modum

68. scribit. Gens fuit religiosa, & cultus Deorum studiosissima.

Jupiter imprimis *Casius* apud eos colebatur, ut ex *Plinio IV, 12*,

discimus, & numis pluribus apud *Marmoram*, in quibus

hæc inscriptio: Ζεὺς Κέσιος, quod cognomen *Jovis* etiam

69. celebrat *Lactantius de falsa religione I, 22*. Sed interpres

Joseph. Isæus ad h. l. a *Casio* monte & urbe *Ægypti* nomen

unice repetens, nescivisse videtur, *Jovem Casium* non in *Æ-*

gypto tantum, sed & *Phæacia*, cultum. *Suetonius* in *Nerone*

Cap. 22: Ut primum *Cassiope* trajecit, statim ad aram *Jovis*

Cassii cantare auspicatus est. *Cassiope* oppidum celebre *Cor-*

70. *cyrae*. *Casius* & *Cassius* promiscue scribebantur. Leguntur

præterea *Corcyraei* *Neptuno*, a quo genus ducebant, ejusque

Nymphæ *Corcyrae*, tum & *Mercurio*, *Minerva*, *Apollini*, *Jano*

bifronti, *Bacchoque*, sacra fecisse, quod & partim numi de-

CAP. IX monstrant. Quod ad reipublicæ conditionem spectat, sceptri-

pag. 73. geros quidem Reges tredecim inducit *Homerus Odyss. VIII*, in

quibus tenius decimus *Alcinous*; sed tamen *Alcinoos Odyss. VI*

κέρτος Βήτοε tribuitur, unde *Eustathius*, regni & aristocratiae

75. apud ipsos mixturam viguisse, colligit. Sceptriferi ceteri, non

quod

quod Reges, sed quod Judices. *Arete* prudens quidem fœmina & honorata; sed tamen ex arbitrio *Alcinoi* pendebant omnia. Plura de Corcyæorum politia dici possent, si exstaret *Aristotelis* liber περί τῆς κερκυραίων πολιτείας. Hospitalitatem Phæacum probat Argonautarum & *Ulyssis* appulsus; hæc tamen laus ad Principes magis, quam ad omnes, pertinet, de quibus potius *Odyss. VII*, quod hospites inclementius accipiant, id quod de nautica plebe exponit *Eustathius*. Unde *Ez. Spanhemius* ad *Callimachi* hymnum in Delum v. 156 non tam confidenter rejicere debebat lectionem κέρκυρα κακοξενωτάτη pro φιλεξενωτάτη, aut præterire tam aperte contraria hospitalitati testimonia *Homeri*. Laudat tamen *Odyss. XIII* in nautis etiam fidem, qui *Ulyssē* salvum in Ithacæ litore exponunt, eique ibi dormienti dona ab *Alcinoo* &c. data omnia asserunt. Fuerunt Corcyræi navigationis peritissimi. Incredibile tamen, quod ex Corcyra in Eubœam & Ithacam die uno trajecerint, *Odyss. XII*; longe portentosius, quod *Alcinous Odyss. VIII* naves suas, quamvis gubernatore & gubernaculis destitutas, scire ait propositum, quo tendant singuli & ipsa in caligine sine ullo damno trajicere. Hinc Corcyræi δολιχῆρες μοι, ναυσίκλυτοι, Φιλήρες μοι, & nomina singulorum pleraque nautica, observante *Eustathio Odyss. VIII*. Numi Corcyræi nave insignes, & Cercurus Corcyræi navigii genus. Vigebant apud Phæaces quoque omnia ludorum genera, cursus, lucta, saltus, jactus, pugilatus; nihil horum vero tantopere admiratus *Ulysses* legitur *Odyss. VIII*, quam agilitatem in saltando, conjunctam interdum cum pilæ lusu. Excellebant etiam cantu Corcyræi, inprimis *Demodocus*, quem Deorum & ipsius *Ulyssis* gesta canentem facit *Homerus*, unde apud *Plutarchum* legitur carmine expressisse Ilii excidium, & *Veneris* cum *Vulcano* nuptias; imo *Veneris* & *Martis* scribere debebat, *Homerum* secutus. Ejusdem *Demodoci* & *Photius Pausaniasque* meminerunt. *Cicero* ex ejus exemplo non dubitandum ait, quin fuerint ante *Homerum* Poetæ; quanquam *Allatius*, ut alia, sic Poetas ab *Homero* confictos esse, non male suspicatur. Male audiunt Phæaces ob luxum & comestationes. Ipse *Ulysses* hæc velut summum bonum

CAP. X

pag. 78.

80.

82.

83.

CAP. XI

pag. 85.

87.

88.

CAP. XII

pag. 89.

CAP. XIII

pag. 97.

101.

102.

CAP. XIV

pag. 104

- Pag. 107. num commendat *Odyss. IX*, quod varie excusatur apud *Athenaeum XII, 1*, ubi *Eratosthenes* etiam pro *εὐφροσύνη μὲν ἔχη κατὰ δῆμον ἅπαντα* legi jubet: *ἔχη, κακότητος ἀπεύσης*. Observavimus, *Athenaeum l. c.* memoria lapsum, cum *Ulyssis* dicta *Alcinoo* tribuit, & cum *Alcinoi* verbis conjungit; nec probandum, quod in *Dalecampii* versione additur *haud recte*, perinde ac si *Athenaeus* ipse *Eratosthenis* emendationem rejecisset, quod ex Graeco minime apparet. Ἀλκινόοιο τράπεζα pro luxuriosa mensa plus semel est apud *Gregorium Nazianzenum*; abfuerunt tamen *Phæaces* ab intemperantia, & certos fines in conviviiis servarunt, quod pluribus ex *Athenaeo* discas. Vinolentos fuisse, existimaret aliquis ex *Dalecampii* versione, qui illud *Alcinoi* apud *Athenaeum I, 11*, μέθυ νεῖμον πᾶσιν ἀνὰ μέγαρον sic reddit: *Fac, ut sint temulenti in nostris adibus omnes*.
108. Reddendum erat: *Vinum distribue omnibus per domum*. Μέθυ cum μέθη confudit *Dalecampius*. Inter vinosos populos apud *Athenaeum X*, & *Ælianum III, 15*, *Phæaces* non reperiuntur; vinum tamen eorum & cellæ vinariæ nobiles apud *Athenaeum*,
- CAP. XV *Xenophontem*, *Pollucem*. Stupidi a plerisque veterum habentur, quod narratiunculis *Ulyssis* de *Lotophagis*, *Cyclopibus*, *Circe*, *bus Solis*, &c. aures præbuerint; unde proverbium,
- pag. 114. *Alcinoi apologi*. Intellige autem *Ulyssis* sermones ad *Alcinoum*; nam falso illud adagium viri docti, & in his *Perizonius* ad *Æl. XIII, 14*, de ipsius *Alcinoi* sermonibus interpretati sunt. Easdem fabellas *Ulysses Penelopi* iterum, sed brevius, narrat, quo respicit *Aristoteles III, 16*, *Rhetoricorum*, *Alcinoi Apologos* ad *Penelopen* referens; in quo loco explicando, *Erasmus*, *Manutius*, aliique, tantopere aberrant a scopo, ut *Alcinoum* quendam Scriptorem commenti sint. Fœminis, v. g. *Nausicaæ*, *Alcinoi* filiae,
- CAP. XVI pag. 122. *Odyss. VI* tribuitur aurigatio, lotio vestium, & interea, dum
126. ficcarentur, pilæ lusus cum ancilla. Testatur *Athenaeus*, *Suidas*, *Eustathius*, ipsam inventionem σφαίρας, pilæ lusoriae, *Nausicaæ*
127. adscribi ab *Anagallide*, Grammatica *Corcyraea*. Celeberrimus vero *Isaacus Newtonus*, ad *Suidam* provocans, ridiculo propemodum lapsu *Nausicaam* constituit inventricem sphaeræ cœlestis, in libro *de la Chronologie des anciens Royaumes* pag. 89, verisimile putans,

putans, ab Argonautis eam didicisse. Ita ex sphaera lusoria fit ei sphaera coelestis, quod tanto magis mirum, quia apud *Suidam* sequitur σφαίριζω, pila ludo. Laudatur quoque in foeminis **CAP. XVII** Corcyrae ars telas texendi *Odyss. VI, VII*, & in *Nausicaa* pu- pag. 131.
dor virgineus. Atque haec ex *Homericis* antiquitatibus, quarum 140.
loco *And. Marmora* plane refragantia *Homericis*, & sine ullius
vetusti scriptoris autoritate conficta ex ingenio, obtrudit. Fa-
cilis quis ignoscat juveni ascetae, Indicis in *Bibliothecam Coisli-*
nianam autori, ubi *Alcinoo*, Phaeacum Regi, *Alcinoi* Platonici,
qui 1300 annis a priori abest, tractatus περὶ τῶν Πλάτωνος δογ-
μάτων adscribitur. Mox post *Ulysses* Phaeacias oras legit **CAP. XVIII**
Aeneas apud *Virgilium Aen. III*, & *Ovid. Metam. XIII*, ubi pag. 142-
iterum *Marmora* fabulas cudit, *Helenum* in Corcyram appu-
lisse dictitans, cum in Epiro descendente faciant veteres, &
Buthroti urbis e regione Corcyrae conditorem. Sed qui factum 144.
dicamus, ut *Buthroti* urbs, quamvis *Virgilio celsa*, se non con-
spiciendam dederit *Nic. Franc. Haymto*, qui in *Thesauro Bri-*
tannico ad *Buthrotorum* numum, qui affertur *Vol. II* pag.
101, fatetur, se prorsus ignorare, qua ea urbs terrarum parte sita
sit. In Corcyram colonia deducta est a *Cherficrate*, expulsis **CAP. XIX**
prioribus incolis, atque ex eo tempore Corcyra dicta, teste pag. 148-
Strabone, *Eustathio*, & *Conone* apud *Photium*. Sexcentis annis 150-
post Troica tempora id factum esse, *Timeus* autor est, alii
aliter, & quanquam *Timei* diligentiam Chronologicam com-
mendat *Diodorus Sic. Lib. V*, tamen *Periandri* aetas, quam
haec deductio antecessit, non patitur, ut tanto intervallo hanc
deductionem a Troicis temporibus removeamus. Corinthiam 153-
originem Corcyraeorum nuni Pegaso notati monstrant, quod
insigne urbis matris pro more colonia retinuit. Hic iterum 155-
urbem, a *Cherficrate* conditam, *Marmora* quoad singulas
partes & aedificia describit sine teste. Vicissim Corcyraeo- **CAP. XX**
rum colonia, *Epidamnus* seu *Dyracchium* & *Apollonia*. De pag. 157-
Dyrachio inter Corinthios & Corcyraeos controversia & bel-
lum Peloponnesiacum ortum. Sic & *Apolloniam*, quam 159-
Strabo, *Scymnus*, & *Pausanias*, a Corcyraeis & Corin-
thiis repetunt, solus Corinthiis adscribit *Thucydides*, *Plinius*,
Dio-

- Diodorus, Stephanus.* Quod igitur apud *Stephanum* pro κορινθίων ἀποικία *Berchellius* legi vult κερκυραίων καὶ κορινθίων, violentum est, falsumque, quod solus præter *Stephanum Thucydides* id asserat. Aliæ etiam fuerunt Corcyæorum coloniae, qui, toto circa mari potiti, Corinthios præ se contemserunt, auctore *Thucydide Lib. I*, unde inter populos θαλαττοκρατῆντας in *Chronici Eusebiani* lacuna num. 13 & 14 forte locum
- Pag. 162. Corcyraei inveniant. Incertæ ætatis sunt Corcyæorum quædam donaria, inprimis flagellum æreum, cum ære seu lebete Dodonæo conjunctum, sic, ut flagelli extrema, a vento agitata, sonum continuo in lebete ederent. Templum Dodonæi Jovis in continente Corcyrae opposita seu Thesprotia fuisse, colligitur ex excerptis ex *Lib. VII Epitomes Strabonis*. Proverbium autem Κερκυραίων μάστιξ, hinc ortum, quamvis aliter a plerisque expositum, videtur perinde ut alterum æris Dodonæi, αἰσγῆ-ταιο λέβητες, pertinere ad hominem improbæ & importunæ
- CAP. XXI pag. 166. loquacitatis. Inferitur alius donarii inscriptio Corcyrae ex
- CAP. XXII pag. 174. *Diario Italico Montsfauconii*, cujus versio obcurior explicatur; item Epigramma Græcum, mendis respersum, & ineditum existimatum in eo *Diario*, assertur absque iis mendis, cum nova
186. versione, ex *Cyriaco Anconitano & Holstenio*. Epigramma pro
- CAP. XXIII pag. 189. ἐπιγραφή poni, multis testimoniis ostenditur. Numi Corcyraei a *Marmoris* imperite explicantur. Nomina propria Νικάνωρ, Φίλων, Φιλωνίδας, conjuncta cum voce κερκυραίων, exponit: *Corcira degli amici, Corcira vedesti, Corcirei vittoriosi*. Somniat & Corcyæorum Reges *Chersicratem, Alcmeum*, alios numos in honorem Corcyæorum cufos, ubi nulla eorum
191. mentio. Ex numo *Philippi* Imperatoris cum templo, argumentatur, Corcyraeos illum pro Christiano habuisse; ex alio *Constantini M.*, in quo mulier cum palma, infert, jam ab eo tempore Corcyram Virginem & Martyrem in honore habitam; quasi nullum unquam apud ethnicos locum habuissent seu
193. templa seu palmæ. Corrigitur explicatio variorum numorum.
- CAP. XXIV pag. 200. De *Pertandro* agitur, Corintho æque ac Corcyrae imperante, ejusque filio, *Lycophrone*, a Corcyraeis interfecto. In bello Græcorum contra *Xerxem* Corcyraei cum auxilium promississent,
- missis

missis 60 triremibus, nihil egerunt, nisi ut eventum belli specularentur; quare, de delenda Corcyra cum Græci consilium cepissent, a *Themistocle* deterriti sunt, qui deinde, velut de Corcyra bene meritus, in eam insulam confugit, quanquam inde ad Molassarum Regem se recipere coactus fuit, unde iterum *Marmora* falso regnum ibi tenuisse scribit. Post *Perian-* CAP. XXV
dri excessum, & *Xerxiani* belli turbinem, Peloponnesiacum bellum atrox anno ante C. N. 431 exarsit. Origo fuit certamen Corinthiorum & Corcyraeorum de Epidamno. Hinc Corcyrae seditio funesta, cum Corcyraeorum 250 capti a Corinthiis, & humaniter tractati, ac deinde dimissi, id egerunt, ut Corcyram Corinthiorum ditioni adjungerent. De *Marmora* notandum, 216.
quod ei ab Italo quodam calamum commodatum comperimus, quodque voluerit in nova editione multa supplere, multa emendare, teste *Sponio Itin. Tom. III.*

Accedit ad *Corcyrae Primordia* Appendix, sacra quædam Corcyrae primordia repræsentans, scilicet recens initam rationem Eminentiſſ. Cardinalis, pro innocue retinenda, quæ ibi viget inter Latinos & Græcos, in sacris consuetudine. In titulo est effigies urbis Corcyrae. Subjunguntur duæ tabulae æneæ, quæ repræsentant sacras quasdam ceremonias, Corcyrae celebratas, quarum archetypa, Græco penicillo adumbrata, in Vaticana Pinacotheca asservantur. Argumentum primæ continetur hac Epigraphe: *Bis in anno Græcus Corcyrae clerus ad aulam palatii Archiepiscopalis solenni pompa accedit, multosque annos Romano Pontifici Græcis cantilenis apprecatur, & ipsi Archiepiscopo, a quo postea generosis vinis & bellariis donatur.* Alterius epigraphe hæc est: *Anno MDCCXXIV die XII Dec. Archiepiscopus Coreyrensis Ecclesiam Græcam S. Spiridionis solenni pompa, urbano Magistratu deducente, (quod nemini ex Prædecessoribus suis contigerat,) ingressus est, & Græco sermone panegyricam ad eum orationem habuit Græcus Orator.* Ipsa Appendix continet, præter allocutiones Emin. Cardinalis ad Corcyrenses & Brixienſes, Epistolas ejus duas ad Papam *Benedictum XIII.*, de ordinationibus Græcorum per Archiepiscopum Latinum, & quibusdam ritibus Græcorum corrigendis, cum Papæ responſo.

Versuch einer Kirchen-Historie, 2c.

h. e.

DELINEATIO HISTORIÆ ECCLESIASTICÆ,
*quatenus ipsa est instar Isagoges ad Jurisprudentiam
 Ecclesiasticam. Seculum II. Autore JO. GEORGIO
 PERTSCHIO, Jcto, Regi M. Britannia & Electori
 Brunsvicensi a Consiliis Aulae, Assessore Dicasterii Aul.
 Hannoverani, Protosyndico Reipublicæ Hildesienfis, Di-
 rectore Dicasterii Ecclesiastici in eadem urbe. Acce-
 dunt Indices in Sec. I & II.*

Lipsiæ, impensis Jo. Mich. Teubneri, 1737, 4.

Alph. 3 plag. 7.

Inest Operi Tabula æri incisa, quæ systema exhibet Valentinia-
 norum ad pag. 322.

Procedit auspiciato Seculum II Historiæ Ecclesiasticæ, quam Ill.
Pertschio debemus. Inscripta hanc Partem Serenissimæ *Elisa-
 bethæ Sopiæ Mariæ*, Viduæ Gloriosiss. Principis *Augusti Wilhelmi*,
 Ducis quondam Brunsvicenses & Luneburgenses. In præ-
 monendis differit de eo, quod in Jurisprudentia est pulchrum,
 imitans exempla *Croße & Jo. Franc. Budder*. Pulchritudinem
 distribuit in idealem & sensualem, atque ad utranque consti-
 tuendam requirit 1) *varietatem* in eis, quæ simul existunt,
 2) *concordiam eorum ad eundem finem*, 3) *regularitatem*, 4)
ordinem, & 5) *proportionem*. Deinde subjiçit exempla & il-
 lustrationes, antequam ad §. 16 pervenit. Quo facto, succincte
 de varietate, concordia, regularitate, ordine, & proportionem
 doctrinarum Juris haud unius differit. An leges civiles uni-
 versæ eundem ad scopum sensumque tendant, ipse videtur du-
 bitare. Id imprimis in tractatione agit, ut Juri Ecclesiastico
 reformando materiam & fundamenta subministraret. Clericis
 & Theologis ubique adversissimum se præbet, horumque nexos
 tam acerbè notat, ut magis vix possit. Jure id, an injuria, factum
 sit, alii inquirent. Tractatio ipsa constat *Capitulis XVIII*. Pri-
 mo exponit de statu religionis & Ecclesiæ Christianæ generatim;
 secundo de corruptela religionis & irrepeni superstitione; ter-

tio de doctoribus Ecclesiæ celeberrimis, eorumque vita, opinionibus, fatis, scriptis, & reliquis momentis, eodem spectantibus; *quarto* de locis Christianarum Congregationum; *quinto* de personis ecclesiasticis, & hierarchia; *sexto* de tempore conventuum Christianorum, de festis & jejuniorum statibus diebus; *septimo* de cultu Dei externo & ceremoniis; *octavo* de Baptismo; *nono* de agapis, sacra cœna, & confessione auriculari; *decimo* de excommunicatione & pœnitentia ecclesiastica; *undecimo* de bonis ecclesiasticis, quæ consislebant nec in decimis, nec in primitiis frugum, nec in agris, stativæ redditibus, sed in eleemosynis & sponte oblatiis; *duodecimo* de Conciliis & judiciis ecclesiasticis; *decimo tertio* de hæresibus, quas subinde excusat, licet munus advocati hæreticorum detrectet; *decimo quarto* de persecutionibus ac calumniis, in Christianos temere conjectis; *decimo quinto* de statu conjugali & œconomico Christianorum; *decimo sexto* de cura pro ægrotis ac defunctis; *decimo septimo* de nonnullis scriptis supposititiis; ac tandem *duodevicesimo* de statu Ethnicorum & Judæorum. Accedunt appendicis loco nonnulla conjectanea. Nunc dabimus ea, quæ Autori sunt maxime propria, nec alibi quærentibus facile offeruntur. Seculo secundo doctrinæ Christianæ puritas & Christianorum vita passim contrahere vitium, damnumque pati, cœpit, si ipsius amplectendum sit judicium. Antillites Ecclesiarum, sibi solis veritates patere, existimabant, per manus & hæreditatem quasi traditas. Ea, quæ in sacro Codice de perpetuitate & firmitate Ecclesiæ a sensibus disjunctæ leguntur perscripta, doctores Ecclesiarum de sese dicta credebant. *Irenæus* successionem doctrinæ verioris ab Episcoporum personali successione derivat. Nemo non ad traditionem Apostolicam provocavit, ac nonnulli ex eodem fonte *ebulliscentium* propugnare haud erubuerunt. De principatu & prærogativis Ecclesiæ ipsæ cœperunt inter se concertare. Ea, quæ videbantur eximiae, reliquas sibi subijcere tentarunt. *Irenæus* Romanam habuit jam pro celsiori, seu *principaliori*. Nec tamen propterea Episcopus Romanus in Ecclesias reliquas potestatem obtinuit, licet eam cœperit anhelare. Viguit ætillimū mutuique nexus consortium inter Ec-

Pag. 3 seq.

4.
5.
7.

- Pag. 11. clesias particulares, adeo, ut spiritus unus eos videretur ani-
 mare. Religio Christiana sese longe lateque diffudit, in Gal-
 lias usque. Disciplina, qua Christiani utebantur, severitas re-
 spuebat coronas in capite, unguenta exotica, spectacula, &
 12. ea, quæ speciem peccati præbere poterant. Minuscula nonnulla
 fuerunt effectui data eo ævo; viguit vaticinandi [divina facul-
 tas; in mortibus crucientissimis subeundis constantia admodum
 13. mirifica eluxit. In scholis elementa religionis Christianæ tra-
 debantur. *Lucium*, Britannorum Regem, nomen Christo
 14. dedisse, merito negatur. Seculo secundo nondum obtinuit
 Symbolum Apostolicum eam formam, qua illud nunc apparet
 instructum. Successio Episcoporum Romanorum difficultatibus
 17. suis laborat, licet *Pearsonus* & *Dodwellus* eam expedire & ex-
 tricare contenderint. Diptycha erant libri, in quibus scribe-
 bantur nomina Episcoporum, bene de cœtu meritorum, & eo-
 19. rum, qui in communione Ecclesiæ fuerant defuncti. Corru-
 ptelarum, in fundum rei Christianæ irrepentium, hi exsistere
 gradus. Episcopi cœperunt affectare dominatum. Doctrinas
 Christianas plerique e Philosophiæ loculis illustrarunt, imo com-
 probarunt. Episcopatum domicilia pro sedibus Apostolorum
 21. reputata. Christiani cœperunt dissentientes, Judæos & Gnosti-
 cos, odisse & insectari. Signo crucis miram vim plerique
 tribuerunt. Martyria seu lavacra sanguinis sustinere vicem Ba-
 23. ptismi, credidere multi. Veneratio, erga Martyres elucens, ju-
 sto major cœpit reddi. Reliquias collegerunt & asservarunt
 Christiani ex corporibus Sanctorum, eisque primo honorem
 tribuerunt nimium, ex quo tandem sequenti tempore adoratio
 25. earum suecrevit. Diebus martyriorum conventus acti, & do-
 na, sponte oblata, reddita, ex quo more officia pro requie &
 sacrificia pro defunctis tandem enata fuerunt. Allegoriis præ-
 tium justo majus fuit tributum. Sex millenniis exactis succes-
 27. surum esse diem extremum, nonnulli sibi persuaserant. *Poly-
 carpum* habuisse pro capite Ecclesiarum Christianarum Episco-
 44. pum Romanum, fabulæ loco habendum. Autor suspicatur,
 locum, quo *Joannes* dicitur in dolium ferventi oleo plenum
 conjectus fuisse, esse in Epistolam *Polycarpi* aliunde intrusum.

Agit hinc Autor de *Ignatio, Polycarpo, Agrippa Castore, Quadra-* Pag. 49
to, Aristide, Aquila, Aristone Pella, Justino Martyre, Hegesippo, 71.
fabuloso rei ecclesiasticæ historiographo, Dionysio Corinthiaco,
cœlibatus obtrnsi refutatore, Philippo, Episcopo Gortyniorum, 76.
Melitone, Episcopo Sardenfi, Athenagora, Pinyto, Episcopo
Cnosensi, cœlibatus patrono, Theophilo, Episcopo Antiocheno,
Tatiano, Encratitarum autore, qui spiritum hominis ab ani-
ma distinxit, Musano, Modesto, Claudio Apollinari, apologeta, 79.
Miltade, Irenao, Historiæ philosophicæ imperito, exigui ju-
dicii homine, Panteno, Alexandrino scilicet catecheta, Apol- 90.
lonio utroque, Rhodone, Serapione, Theophilo, Cæsareensi, Cle-
mente Alexandrino, erroribus variis insigni, Tertulliano, se- 94 seq.
vero morum magistro, Polycrate, Athenogeno, & Abercio, ac
methodo demonstrandi, Patribus usitato. Nec templa, nec 108 seq.
altaria, Christianis tunc erant. Presbyteris patlatim nomen
inditum est Sacerdotum. Populus Christianus per consuetudi- 119.
nem tacitam Clericis peculiarem ordinem, & inde enatam di-
gnitatem, concessit. Episcopi jam ultra Presbyteros eminue- 120 seq.
runt. De origine Episcoporum adduntur haud tralatitia, nec 130 seq.
non de eorum munere. Metropolitani nondum Seculo se- 140.
cundo innotuerunt. Multi Episcopi, Presbyteri, ac Diaconi,
uxoribus erant instructi. De Monachis & Virginibus cœno-
bio inclusis altum ea ætate fuit silentium. Clerici honesto, 153.
communi tamen, vestitu utebantur. Philosophi, ad sacra Chri- 160 seq.
stiana transgressi, pallii gestamen retinebant. Sabbatum ma-
gnum vocabatur id, quod proxime festum Pascha precedebat.
Dies Veneris, quo Christus in crucem fuit sublatus, appellatus 175 seq.
fuit Pascha. De figendo Paschatis die lites fuerunt motæ, quæ 176.
hic copiose recensentur. Oblationes pro defunctis factæ ita 181 seq.
sunt intelligendæ, ut ex quotannis in die martyrii & emortuali-
darentur effectui, constantes ex panis & vino. Cognati illius,
qui mortem suam obierat, in conventum asportabant hæc do-
na, ut ostenderent, illum in comunione Christianæ fidei
decessisse de vita. Dona autem ipsa, sponte oblata, transfe-
rebantur ad usus pios, agaparum, sacre cœnæ, eleemosyna-
rum. Diebus martyrum festis prælegebantur acta martyrii eo

- in loco, quo martyr brabeum constantiz reportaverat, vel sepulchrum nactus erat. Ut Christiani ad dies illos sancte celebrandos se praearent, nocte antecedenti vigilias agebant conjunctim. Hæc *vigiliarum sacrarum* fuit origo. *Processio* tum denotabat populi coitionem & conventum. Deambulationes religiosæ, quæ vocantur *processiones*, penitus ea ætate erant incognitæ. Jejunia pendebant a cujusque arbitrio. *Montanus* primus leges de jejuniorum modo & momenti tulit. Ex *Tertulliano* jejunium quadragesimale nequit comprobari, licet consuetudo ita ferret, ut Christiani ante pascha nonnullis diebus jejunarent. Nonnulli 40 horis, quibus credebant Christum in sepulchro fuisse detentum, jejunarunt continenter. Coitiones, ad preces publicæ & conjunctim dicendas institutæ, vocabantur *stationes*, quæ cum jejniis ad horam pomeridianam tertiam erant connexæ. *Antiphonæ* nondum audiebantur. Christum universi Christiani pro Deo habuerunt, Deum vero trinum esse crediderunt, præter quem nemo fuit adoratus, vel religiose cultus. Sacrificia proprie sic dicta Christianis erant ignota, præter illud unicum & perfectum, semel a Christo peractum, quod non est repetendum. Orationes sacræ ad verba quædam sacri Codicis conformabantur, de reliquo sua simplicitate & artium vacuitate sese commendabant. Infantes tum esse baptizatos, constat ex *Tertulliano*. Episcopus baptizabat, ejusque ex permissione Presbyter vel Diaconus. Sponsores aderant baptismi infantum, ut loco eorum renuntiarent Satanae, & Confessionem fidei ederent. Nomina tum baptizatis fuisse imposita, Ill. Autor inficiatur. Baptizatus ter fuit immersus, præterea unctus, & manuum impositione ornatus. Baptizatis, veluti infantibus recens natis, lac & mel præbeatur. Ipsi novam vestem fuisse indutam, & crucem inter baptizandum impertitam, probabile est, nequaquam vero certum. Exorcismus non nisi obsessis fuit adhibitus. Obitus martyrum existimabatur baptismus secundus. Agapæ erant in usu, ac in abulum jam transierant. Disciplina arcani existit nulla, ne quidem in doctrinis mysteria complexis. Missam Pontificiorum & transubstantiationem, eis approbatam, Christiani

liani ignorarunt. Sub utraque specie & Laici & Clerici sacram sumere cœnam, tum jejuni, tum pransi. De *antidoris* & *eulogiis*, tum privatis, tum publicis, disserit Autor concinne & præclare. Confessionem auricularem, vel ejus speciem, sacre cœnæ candidatis ante epulum illud solenne fuisse imperitam, merito ipse pernegat. Non est opus, ut ejusdem sententiam de *excommunicatione* cum Lectoribus communicemus, quam alibi fusc exposuit. *Pietismi* vocem ferre nequit, hujusque architectos passim reprehendit, commemorans e contrario hæresin quandam, quam vocat *explorantium arterias Veneris*. Seculo secundo certe hæc hæresis non fuit exorta. Illa utrum inter Jureconsultos, an inter Theologos, clanculum serpat, quibusque parentibus ac obstetricibus fuerit procreata, id malumus ex aliis discere, quam assequi conjectando. De Seculorum *tertii* & *quarti* historia, quam & ipsam nuper Ill. Autor prelo exire jussit, proxime dicemus.

Pag. 263.

268.

272.

LA FRIFONNERIE LAIQUE DES PRETENDUS

Esprits forts d'Angleterre, &c.

h. e.

VERSUTIA FRAUDULENTA LAICA INGENIARUM Angliæ fritium, seu Annotationes PHILELEUTHERI Lipsiensis in Cogitata de libertate cogitandi, converse ex Anglico, secundum editionem septimam, opera Anonymi.

Amstelodami, impensis Jo. Wetsteinii & G. Smithi, 1738, 8.

Alph. 1 plag. 3½.

Operæ pretium fecit ille, qui hasce Annotationes in linguam Gallicam, Europæis familiariorẽ, ex Anglica transfudit, egregiisque novis ditavit notarum accessionibus. Annotationum Autor exstitit *Richardus Bentlejus*, primæ magnitudinis in orbe literario sidus, cui assurgunt merito, quicunque a doctrinæ solidæ & elegantis studio non sunt alieni. Ad libri notitiam externam nonnihil est commendandum, præeunte interpreta-

pretat-

pretationis architecto. Hoc enim pacto Lectoribus apponitur promulsis, quæ salivam ad pernoscendam tractationem ipsam potest movere. Londini A. 1713 in publicam lucem exiit Anonymi liber, qui prætulit hanc inscriptionem: *Discours sur la liberté de penser, occasionné par la naissance & l'accroissement d'une Secte, qui en tire son nom.* Destinatio scriptoris, finisque libello præstitutus, versatur in prosternendis religionis universæ, tum naturalis, tum revelatæ, fundamentis, quasi libere cogitare non valeat quisquam, nisi atheismo patefaciat fenestram. Nec tamen Autor tantum audaciæ adhibuit, ut recta ad id endutiandum sit grassatus, quod moliebatur. Profligatum ivit Jus naturale & Christianum, quo homines solent sententias novas sub judicium vocare, antequam eis assensum adjungant. Illusio hæc eo temeritatis processit, ut autoritas Jesu Christi ejusque sanctissimorum Apostolorum in comparisonem cum sacerdotibus religionum quatuorcumque fuerit adducta, quasi religionem inter ac imposturam ecclesiasticam nihil intersit. Nullum certe exstitit scriptum unquam insolentius & periculosius, ac Ecclesiæ Christianæ exitiabilius illo, quod de libertate cogitandi est inscriptum. Editum id fuit primo A. 1712, datumque ad d. 29 Jan. A. 1713. Exempla fuerunt distributa mense Februario. Ordines summatesque Britannicæ eam ob causam coierunt ad concilium. Caput regni, Londinum, stupuit. Procures, tum illi, qui *Wigs*, tum ii, qui *Toris* appellantur, dolebant, Autorem labefactatum ire communionem Episcopalem, ita, ut symbola & fidem omnium Christiani orbis societatum evertere conaretur. Prima omnium cura in eo, ut Autor libri famosi cognosceretur, laboravit. Qui conjecturis nitebantur probabilioribus, *Joannem Tolandum* designabant. Quæ opinio etiam in hæc *Eruditorum Acta* transit A. 1714 *Mens. Maj. pag. 229, & Mens. Jul. pag. 312.* Typographus *Joannes Darby*, ab administris status publici interrogatus autorem, *Antonii Collini* esse manuscriptum, quod in lucem emisserit, fuit professus. *Collinus* successioni Hannoveranæ favebat. Quare ii, qui hanc limis spectabant oculis, animum induxerunt ad credendum, aliisque persuadendum,

dendum, Libertinos, Deistas, ac Arianos, sub ea veluti umbone latitatueros, quæ conjectura, infirmissimo, vel potius nullo, superstructa fundamento, nonnullos eo adegit, ut perperam arbitrarentur, procures, qui vocabantur *Wigs*, fautores successionis Hannoveranæ, favere Deismo ac Libertinismo, eorumque præsidio irreligionem in folio iri collocatum. *Collinus* jam ineunte anno 1710 ediderat librum: *Priestcraft in perfection*, id est, *de impostura ecclesiastica ad umbilicum adducta*. Agebatur in eo de parte ultima Articuli XX Confessionis fidei Anglicanæ, quæ docet, *Ecclesiæ propriam esse potestatem statuendi ritus ac ceremonias, ac definiendi intentatas fidei controversias*. Contendebat Autor, clausulam hanc abuisse ab autographo, A. 1562 a Clericis consignato, A. 1571 ab ordinibus regni approbato, ac eapropter a Clericis primariis dolose intrusam. Turbæ *Sacheverellii*, quibus tum flagrabat Anglia, erant in causa, ut *Collini* ille insultus, quo ipsa in discrimen conjiciebatur religio, a maxima doctorum, certe politicorum, multitudine & approbatione & elogiis ornaretur, licet viri & optimi & autoritate conspicui dissentirent, ac reclamarent audacissimæ & profusæ hominis licentiæ. Quibus momentis circumstantibus ipse *Collinus* adeo fuit accensus, ut majora concupisceret temeritatis præmia, ac de libertate cogitandi commentaretur. Hoc ipso excitavit Theologos ad apologias, religioni Christianæ afferendas, & ad somnia *Colliniana* explodenda. Anonymi ediderunt in contrarium *Pensées libres sur le Discours de la liberté de penser*, paginarum 68, & *la Liberté de penser bien définie*, paginarum 131. *Samuel Bycroftus Colliniani* conatibus opponebat librum, particulatim scribi edique solitum, cui titulus: *le Gardien*, cui & methodus, & perfecta rerum tractatio, deerat. *Whistonus* ille famosus primam dedit operam, ut *Collini* stoliditatem bene depexam daret in libro: *Reflexions sur une Brochure anonyme*, 8, paginarum 55. *Benjamin Hoadly*, tum Rector Ecclesiæ S. Petri Pauperis, postea Episcopus Wintoniensis, scripsit suppresso nomine adversus eundem *Questions adressées aux Auteurs du Discours sur la liberté de penser*. Omittimus Dissertationes Virorum celeberrimorum,

Pag. 13.

morum, *G. S. Treueri, C. D. Kochii, C. M. Pfaffii*, aliorumque, quibus *Collini* licentiosus reique Christianæ inimicus animus fuit repressus ac castigatus. *Richardus* enim *Bentlejus* senior nobis est unus instar omnium, qui ad utrumque paratus, ad Philologi ac Theologi munus obeundum, eo utilis est filio, quo ignorantia & impudentia *Collini* protrahitur quam maxime in lucem. Hic enim *Collinus* ostentavit in libro suo diffusam lectionis varietatem, & undecumque congescit loca & testimonia. *Bentlejus* contra ostendit solidissime, *Collinum* mala fide egisse, truncasse veterum testimonia, ea pervertisse, minus recte intellexisse, scholisque Philologorum debere adhuc didacta. Et, cum *Collinus* in eo sese imprimis exerceat, ut ecclesiastas atro carbone notet, risuique exponat, *Bentlejus* contentum illum Clericis intentatum retorquet, ac in illud caput ridiculum, *Collinum*, materiam vilipendiorum rejicit, licet interpretes ejus de vitis fraudibusque eorum, qui sacris operantur, nonnihil Præfationi intexuerit, quod non ordini, sed hominibus, est attribuendum. *Collinus* non nisi testimonia veterum, fatiris conspersa, repræsentat, a philosophando satis remotus. *Bentlejus* hæc duo ipsius propugnacula ariete eruditionis admoto perfringit & subvertit, & plerumque cornicem *Æsopiceam*, risus aliorum moventem, furtivisque nudatam coloribus, exagitat, par pari relaturus. Deducit ipse antagonistam ad subsellia Criticorum, ad expositiones, quas de autoritate testimoniorum concinnare decet, ad ruborem, ad ignominiam. Trahit adversarium ad inspiciendas fraudes technasque suas, quas ei ostendit, explicat, ac penitus detegit, nihilque sibi reliqui, ut societatem *Collinianam* propriæ stoliditatis, quam ipsa in Episcopis Presbyterisque Angliæ sese inventuram existimat, convincat. Sexcentas admisit *Collinus* imposturas admodum pelluentes, ac audacissimas fraudes, ratus, ea a sese esse comprobata veterum testimoniis, de quibus hi ne quidem per somnium cogitaverant, ut sectam *Collini* haud immerito dixeris *solidam, impudentem, & deceptricem*, complexum vero doctrinarum ejus pulchre solideque appellare liceat *Donquichotismum*. *Bentlejus* initio edidit XXXIII primas annotationes, eas scopo sus-
 — sectu-

fecturas, sibi persuadens. Editæ fuerunt illæ anno ineunte Pag. 19.
 1713, consecratæque Doctori *Hars*, tum Decano Vigornienſi,
 nunc Decano Eccleſiæ S. Pauli Londini ac Epifcopo Ciceſtri-
 enſi. *Harium* inter ac *Bentlejum* ea ætate interceſſit ſumma
 amicitia æmœnitas, quæ poſthæc ſublata fuit æmulationis in-
 petu, quo uterque *Terentium* in publicam emiſit lucem.
Bentlejus ſele vocavit *Phileleutherum Lipſienſem*, ut ea libe-
 rius proferret, quæ Anglum minus decere videbantur. *Ha-*
rius publice per Epistolam gratias egit *Bentlejo*, eumque ad
 opus continuandum obnixè impulit. Hiſce precibus hic addu-
 ctus, *Partem* compoſuit ſecundam, XX annotationibus novis
 conſtantiem, anno 1713 exeunte editam. Et, cum reſtarent
 nonnulla *Collini*, quibus vindiciæ vel reſponſiones videbantur
 opponendæ, ipſe *Bentlejus* denuo calamum arripuit, ac, duo-
 bus tribusve foliis, quæ partem annotationis 54 conſtituunt,
 conſignatis, eum denuo abjecit, vel potius aliis memoratu dignis
 laboribus deſtinavit. In editione ſeptima Anglicana nihil
 præterea occurrit, ad cuius præſcriptum hanc Gallicam editio-
 nem fuiſſe adornatam, ſatis conſtat. Vix apparuerat *Collini*
 Commentatio de Libertate cogitandi, cum ipſe A. 1713 in
 Belgium concederet, ubi in itinere A. 1711 ad notitiam *Joan-*
nis Clerici, aliorumque virorum, laude eruditionis celeberrimum, 22.
 pervenerat, quibus reditum promiſerat proxime futurum.
 Erat ipſi animus in Galliam Italianque proficiſcendi. Cum
 in Flandriam veniſſet, nuntius, ipſi de morte *Trolopii*, pro-
 xima quem cognatione contigit, allatus, mutare conſilia, ac
 ipſum Londinum juſſit redire, quo A. 1713 d. 18 Oct. rever-
 titi. A. 1715 ſeceſſit in prædia ſua, intra Eſſexiam ſita, fun-
 gens muniis Judicis ac Centurionis ſecundarii, ab ea provincia
 delegati. Obiit diem ſupremum Londini A. 1729 d. 13 Dec.
 ſepultus in ſacrario Oxoniënſi, quod ibidem exiſtit, ubi monu-
 mentum in ipſius honorem fuiſſe poſitum, mirantur multi.
 De Libertate cogitandi id, quod *Collinus* conſarcinaverat, Opu-
 ſculum bis Londini, ac tertium Hagæ Comitum, prodiit pu-
 blicis deſcriptum formis. In una editionum exſtat index erra-
 torum, ac nonnullæ in contextu mutationes habentur, quæ ex

annotationibus *Bentleji* fuerunt enatae. Memorandum quoque est illud, ipsum curasse interpretationem Hagæ Comitum Gallicam, quam *T. Johnson* in 12 typis impressam ibi dedit sub titulo: *Discours sur la Liberté de penser, écrit à l'occasion d'une nouvelle Secte d'Esprits forts ou de gens, qui pensent librement; traduit de l'Anglois & augmenté d'une Lettre d'un Médecin Arabe, à Londres, 1714.* In hac interpretatione Autor sapius autographum primum deserit, emendat, truncat, accessionibus locupletat, tam in contextu, quam in notis subjectis, loquendi modulos duriores passim emollit, ac ita se gerit, ut videatur annotationes *Bentleji* hoc pacto elusus fuisse. Nihilominus pag. 131 ad hasce non respexit, repetens vulgatissimam illam cantilenam, quæ, non dari codicem *N. T.* lectionibus variantibus vacuum, dicitur. At pag. 49 admonitionibus *Bentleji* morem gessit, nominatim facta de *Phileleuthero Lipsiensi* mentione. Hic enim, viros Angliæ ecclesiasticos universos narratiunculis, quæ de incantatoribus ac incantatricibus circumferuntur, fidem habere, negaverat. *Collinus*, qui antea secus statuerat, *Bentleji* apologiam facit suam, excusat Anglis sese, ac Clericis Angliæ ad unum omnibus fabulas ac commemorationes de incantationibus probari, inficiatur. *Collinus* vero interpretationem illam ipsam haud composuit, quippe non satis a linguæ Gallicæ peritia instructus. Sunt, qui conjectant, doctissimum *van Effen*, haud ita pridem Silvæ Ducum defunctum, qui instinctu Serenissimi Principis Sabaudia *Eugenii A.* 1712 Hagæ Comitum convertit in Gallicum *D. Jonathanis Swifti Narrationem de dolio* (conte du tonneau), interpretem *Collini* egisse. Inter Germanos *Fabricii*, *Buddei*, *Jablonskii*, ac alia magna nomina, ausus *Collinianos* refrænarunt scriptorum interventu, præfidiisque munitissimis. Inter Gallos contra eos armis induit sese *Joannes Petrus de Crousa* (Croufaz), ediditque Amstelodami A. 1718 *Examen du Traité de la Liberté de penser*, Opus tanto Viro dignum. Insurrexit contra eosdem Autor Pontificius, qui Bruxellis A. 1715, 8, edidit telam araneorum, cui præfixit titulum: *Le parti le plus sûr, ou la Vérité reconnue en deux Propositions &c. au sujet du Discours de*

de la liberté de penser, par le Chevalier, à qui l'Auteur de ce Discours l'avoit adressé. Hic antagonista pro more affectatorum suæ Ecclesiæ contendit, viam examinis, a *Collino* stabilitam, Protestantibus esse indicio ac documento, ipsis, ea veluti incerta & infinita labyrinthi opera repudiata, ad Pontificiam Ecclesiam esse redeundum. Eum scilicet scopum *Collino* fuisse ob oculos versatum, ex matre Pontificia nato, *Bentlejus* suspicatur in annotationibus 13 & 45. Hæc ad *Collini* scriptum. De methodo *Bentleji*, ac Interpretis labore, nunc pauca sunt dicenda. Interpretes usus fuit editione Anglica septima, A. 1737 edita in lucem, præferente adhuc *Phileleutheri* nomen. *Bentlejus* id potissimum agit, ut in Laicos illos, qui hominibus de Ecclesia nil nisi imposturas & pravitates vafferimas obijciunt, missilia retorqueat, ipsosque omnium bipedum stolidissimos, dolosissimos, ac Alcinoos, esse, demonstret. Interpretes verbum verbo haud reddidit, sed, ut orationem repræsentaret, sensus fideliter referentem, lucidam, apteque coherentem, nulli operæ pepercit. *Bentlejus* plerumque sese hominibus, suæ eruditionis apparatu præmunitis, credidit scripsisse. Interpretes vero, ut lectori consuleret, notas addidit exquisitissimas, theologicas, historicas, criticas, & imprimis literarias, quæ controversias & fata aliquot summorum virorum exponunt, locis veterum scænerantur perspicuitatem, & insignem *Bentlejane* refutationi lucem affundunt. Hæc ad genus interpretandi. Dolemus, nos fere jam adeo fuisse longos, ut vela sint contrahenda. Ne tamen de interno *Bentlejane* Commentationis pretio nihil dixisse, vel nucleum prætermisisse, videamur, nonnihil lubet inde delibare. Primo quidem *Collinus* ferre eos non potest, qui aliis, minori peritia instructis, viam ad cœlestem beatitudinem præeunt. Respondet *Bentlejus* false, *Collinum* ex aliorum sententiis verbisque librum suum confarcinasse, ab aliis didicisse, artem gradiendi ab aliorum manu ductione traxisse, ac eo ipso nosse debere, hominem hominis esse ducem, idque voluisse ita fieri naturæ autorem. *Collinus*, sese benefacturum aliis ita, in Epistola pronuntiavit dedicatoria, ne inde quid mali accessat, eoque fine, nomen

- suum suppressere, duxit consultum. Respondet Censor, eam esse virtutem atheis propriam; at Apostolos publicæ salutis cum
- Pag. 17. pernicio sua consuluisse: docens, *Collino* libere cogitare idem esse ac esse audacem, temerarium, & arrogantem in judicando, sectamque *Collinianam* cum Præadamitis, quos probabiliter *Collinus* existimavit existisse, exæquandam esse, nec tamen illam
21. universo hominum generi esse posse communem, siquidem aliter, ac temere audacterque, judicantes ab ea sint exclusi. *Collinus* suis stipendia annua deposcit, quæ hominibus de Ecclesia
27. invidet, sectamque libere cogitantium a tempore, quo *Guilielmus III* sceptrum Britannicum capeffivit, deducere conatur. Idem Iliada *Homeri* pro epitoma omnium artium & scientiarum habuit, haud secus ac ille, qui nuper *incunabula omnium scientiarum* in ea sese pervidisse visus est. Sed false explodit
31. *Bentlejus* id argumentum, quo illud *Collinus* sese demonstraturum sponderat. *Bentlejus* negat, *Homerum* carminibus suis æternitatem perpetuumque ævum tribuisse, quamvis ita visum fuisset *Collino*, qui, omnes simulacrorum cultores, Deum esse similem bovi, feli, vel plantæ, affirmasse, perperam contendit. Ne *Ægyptii* quidem tam infulse ratiocinati fuerunt, qui non *Serapidem* magis, quam strepitus, per pudenda corporis expressos, contremuerunt. *Collinus* Patres Ecclesiæ primæ
- 32 seq. notat, eo quod Deum dixere corporeum & materiale. *Tertullianus* fere solus ita sensit, *incorporale* id esse ratus, quod non existit. Sed vocum potestas est examinanda ratione ejus ætatis, quam Patres illi vivendo attigerunt. *Collinus* detestatur dogma de cujusquam hominis *infalibilitate*, de *cultu imaginum*, ac *reliquiarum*. Sed eis gratias agere recusat, qui libertatem sentiendi, homine dignam, suo sanguine redemerunt. Multos porro errores Patribus sanctis exprobrat, mirumque in modum ac ultra jus fasque eos amplificat. Profligat insultus *Bentlejus* admodum solide universos. Tempora pro Ecclesiis habenda esse ubique apud scriptores, idem inficiatur. *Collini*, ejusque sectatorum, atheismum detegit pag. 70 seq. Superstitiones magicas non ab imposturis religiosorum hominum, sed ab ignorance causarum physicarum, esse deducendas,
34. 40. 43. 48 seq. 56.
- osten-

ostendit. Religionem a superstitione monet differre. Lectiones variantes, a Millio collectas, non pugnare cum contextus stabilitate, disputat. Ciceronem, Platonem, Socratem, Catonem, Livium, aliosque, defendit; eorumque loca a Collino minus dextre intellecta, minusque recte habita esse, demonstrat, idque dat operam, ut omnes, quotquot Bentleji annotationes attente legerunt, Collinum explodant.

Pag. 81.

JOANNIS FRANCISCI LE FEVRE, BISUNTINI,
D. Med. in Academia Vesuntina Medicæ Facultatis
Professoris Regii, Opera, duobus Voluminibus comprehensa, scilicet in Tomo primo Canones de usu missionis sanguinis ac aliarum artificialium sanguinis evacuationum; & cautiones in abusum; quibus accessit Tractatus de natura, usu, & abusu Caffé, Thé, Chocolate, & Tabaci; in Tomo secundo Physiologia medica; in qua ventilantur sententiæ veterum ac recentiorum
Anatomico-Physiologorum circa omnes mentis
& corporis humani functiones.

Tomi II.

Vestitione, apud Joannem Baptistam Charmet, 1737, 4.

Tom. I Alph. I plag. 9½. Tom. II Alph. I plag. 1.

Dividuntur Phlebotomiæ in varias species, nominatim vacuativam, derivativam, revulsivam, averforiam. Evacuativæ usus ad omnes corporis humani partes, siue arteria, siue vena secta fuerit, spectat; fluente tamen sanguine, & aliquo post tempore, antequam distribuatur sanguis superflus, æquilibrium solidorum & fluidorum tollitur. Hanc Plethora vera indicat, qua præsentæ aliæ evacuationes nil quidquam profunt. Plethoræ morbificus effectus, nempe vasorum sanguiferorum ultra naturalem capacitatem distensio, secta vena tollitur, pulsus fit liberior, & circuitus sanguinis acceleratur, inde secretiones & excretiones adaugentur. Hac prævia ipsorum medicamentorum in sanguinem ingressus facilitatur vena secta, ipsius sanguinis, inspectione medica, dignoscitur

scitur conditio. Derivativa majorem sanguinis copiam parti, cuius vena secatur, infert, nec huic tantum, sed intimis etiam, quotquot ab una arteria replentur. Magnum venæ sectæ vulnus & violentior hinc sanguinis influxus fortius & efficacius derivat. Brevis est ejus operatio, nec nisi durante fluxu sanguinis durat. Sectio saphenæ sanguinem derivat in aortam descendentem; inde noxia erit ejus apertura in morbis partium, quæ ab ejus ramis implentur, e. g. in phlegmone pulmonum, &c. Sectio venæ jugularis derivativa equidem est, sed arteriosum sanguinem violentius ad cerebrum ducit, unde, nisi præmissis aliis evacuantibus, non tentanda. Quantum sanguinis secta vena adducitur ad partem vulneratam, tantum a vicinis partibus, quibus arteriæ ejusdem majoris communio intercedit, derivatur. Nam vacuæ venæ arteria prospicit, & interea collaterales partes aliqua sanguinis parte carere sinit. Sic saphena secta derivat a partibus, quibus aorta descendens sanguinem largitur, sed & sanguinis motum in iisdem accelerat, unde in derivatione instituenda opus est, ut adsit obstructio recens, absit inflammatio. Aliarum venæsectionum in remotis partibus eadem est ratio. Non autem sanguine tantum ex vena misso derivamus, sed & alio modo id peragitur, in ipso affecto loco, nempe in varicum incisionibus, hirudinum suctu, scarificationibus. Revulsiva venæsectio a derivativa differt tanquam causa ab effectu. Hæc omnibus inflammationibus singulare est solatium, sed in maxime distantibus ab affecto loco partibus est administranda, & liberalius quidem, imo crebrius, & brevioribus intervallis. Aversoria vel diversoria venæsectio a prioribus differt loco, ubi administratur. Cum enim sanguis, qui mittitur ex vena, respondentem sibi arteriam sollicitet, ut plus sanguinis adducatur, necessario iste sanguinis rivus reliquas partes aliqua illis competente portione privat. Inde sequitur, medianam sectam suppleri ab arteria brachiali, & hanc aortæ descendenti & carotidibus præripere illum, quo ceteroquin turgidæ futuræ erant sanguinæ, hinc averti sanguinem ab istis locis, id quod in hæmorrhagiis variis potissimum salutare est. Hisce canonibus, ex naturali vasorum inter se nexu depromptis, perquam

quam utilia enascuntur confectaria, de usu & abusu venæ sectionis in diversis ætatibus & temperamentis, de quantitate sanguinis definienda, deque vasorum secandorum selectu. Inutilis est venarum in eadem parte selectus; sive basilicam, sive cephalicam, sive medianam, secueris, perinde id est; sed arduum est, pro loci affecti conditione, venam, modo superiorum, modo inferiorum extremitatum, modo ipsum morbi locum, vulnerare cum successu. Adducuntur hinc singuli morbi, &, quid salutis ex vena secta in his expectari debeat, declaratur. Quatuorviratus, Caffée, Thé, Ciocolata, & Tabaci, peculiari Tractatu sub censuram vocatur. Coffe, Cavoveh Orientalibus, ex Jasminorum gente, baccæ arboris ejusdem nominis nucleus, ab ipso inventionis tempore somnum avertisse deprehensus fuit; sale enim volatili & oleo æthereo aromatico gaudere destillatione cognoscitur. Diureticus est potus, ustulati nuclei decocti cum lacte sanguinem temperant, antiscorbuticum sunt, & acido tanquam alcali resistunt. Ast non minora mala hinc incommodo sunt utentibus. Nocet hæmorrhagia viscerumque intemperie affectis, plethoricos excruciat, phthysicos interimit. Thea, *Tsia* Japonensibus, *Tizai* Tataris, est frutex Sinensis, cujus folia prima, ante æquinoctium vernum lecta, magnatibus & imperiali domui destinantur; inde Thea Imperialis. Prout folia tardius, Aprili Majove mense, colliguntur, minori sunt in pretio; inde Thea Boy, viridis, aliæque species. Theæ infusa prosunt vigilas exercentibus, virium defectu laborantibus, obstructionem secretionum solennium passis, ulcerosis, tabidis. Ast pituitosis humidisque, & salium in sanguinis massa pauperie laborantibus, obest Thea. Ciocolata, Indis Cocotle, id est, aqua Cocci, est infusum cocci aliorumque aromaticorum fructuum, in massam compactorum. Præcipuum tamen ingrediens est Cacao. Nostri addunt Vanigliam, aliæque aromata. Agit tanquam aromaticum, adeoque debilibus, atoniam passis, excretionum frequentia exercitatis, rei venereæ intentis, prodest; obest juvenibus plethoricis, scorbuticis, ad hæmorrhagiam proclivibus. Eadem solertia Tabaci, vel pro fumo, vel pro errhino usurpati, laudes canuntur, contumeliæ non reticentur.

Tomus alter doctrinam hominis sani exponit, functionum seriem recenset, & partium solidarum & fluidarum æquilibrium pro vita & sanitate facienda declarat. Præmittuntur principia constitutiva corporum, qualia Peripateticis, Cartesianis, Chymicis, fuerint. Octo esse cupit; a Cartesianis adoptat materiam subtilem, materiem globosam, a Peripateticis aerem, aquam, & terram, a Chymicis sal, sulphur, & mercurium. Omnium existentiam, essentiam, figuras, affectiones, declarat, quorum æquali vel inæquali miscela fiant in humoribus temperamenta, in solidis organorum conformationes. Hominis partes essentielles sunt anima & corpus; illa vel independentes a corpore actiones exercet, vel harmonia ligatas. Motus corporei item sunt vel voluntarii, mente conscia facti, vel mechanici, seu spontanei, quos naturales vocat. Ast vitales appellat omnes reliquos, quicunque mentis imperio non parent. Partes solidas in genere, inde specialius definit, nexumque & mutuas ab humoribus passas affectiones doctrinæ præmittit. De secretionibus, animali æque ac reliquis, ita differit, ut, glandulas nihil aliud esse quam arteriolarum glomeres, supponat, neque glandulas ubique adesse debere largiatur. Inde organorum singulorum œconomiam internam pro hac vel illa actione variam inducit, cutem aggressus primo loco, cujus vel in sudore perficiendo, vel in Sanctoriana transpiratione celebranda, virtutes exponit. Cumque ab inanitate vasorum sensus vacui necessarius oboriatur, de mediis jacturam corpusculorum supplendi cogitat anima, hinc de alimentorum appetitu, gustu, manducatione, deglutione, digestionem, chylicationem, omnibus ad nutritionem facientibus actionibus, proximo loco agitur. Vita, quæ in perenni humorum circulo consistit, declaratur per leges hydraulicas motuum cordis & vasorum, quæ respiratione & actione pulmonum in animalibus atmosphaericis sustinentur & adjuvantur; interea mens objectorum qualitates sensoriis expiscatur pro hauriendis ideis, iisdemque vario modo componendis, ut veri falsique sit cognitio, utque voluntatis arbitrium iudicio reliquarum animæ facultatum constet, harum omnium quies est in somno, major motus in vigiliis & animi pathematibus. Hac omnia non nisi in propria

priam vitam collocantur officia, aut alienæ, id est, sobolis, vitæ prospiciunt actiones plasticæ utriusque sexus, quibus foetus intra ovulum animatur, qui tunc sua simul matrisque vita vivens nutritur, hinc paritur. Hæc omnia breviter, aut methodice, erudite, & jucunde, pertractantur.

SOPRA L' AURORA BOREALE, COMPARSA IL DI
16 Dicembre l' Anno 1737, Osservazione del Sign. Poleni, &c.
h. e.

MARCHIONIS JO. POLENI, MATHEMATUM
Professoris Publici Patavini, Observatio Auroræ bo-
realis, visæ nocte diem 16 Decembris Anni 1737 in-
sequente; Explicatio Abbatis FRANCISCI BOSEL-
LINI; Descriptio Doctoris EUSTACHII
ZANOTTI; &c.

Venetis, apud Petrum Bassaglia, 1738. 4.

Plag. 4.

Aliquot Schediasmatum Syllogen hic exhibemus, quam Vi-
rorum in observandis naturæ phænomenis diligentissimo-
rum cura peperit. Agmen ducit Celeb. *Poleni* Observatio Au-
roræ illius plane insignis, quæ nocte post d. 16 Dec. A. 1737 ef-
fulsit. Aer tum temporis adeo tranquillus erat, ut Anemo-
scopii ope cognosci debuerit, e quamam plaga spiraret ventus,
qui erat borealis. Mercurius in Boreoscopio ad insolitam alti-
tudinem, scilicet ad digit. 30 dec. 24 ped. Anglic. adscende-
rat. In Thermometro *Amontoniano* erat Mercurii altitudo
dig. 48 dec. 78, & in Thermometro, quod a se inventum
& constructum Petropoli Cel. Editori dono misit Cel. *de*
l' Isle, (in quo ex majore vel minore Mercurii densitate altitu-
dines variantur, mensuraque sumitur pone vacuum superius
spatium,) numerabantur partes 42. Hora $5\frac{1}{4}$ prope horizontem
zona nigricans, in superiore suo limbo subobscura cærulea,
conspiciebatur, superque eam alia admodum lucida, quam ter-
tia insequiebatur, ignito colore rubescens. Altitudo zonæ se-
cundæ dupla primæ videbatur, tertiæ dupla secundæ. Pluri-

būs in locis ultra 40 gradus exporrigebatur. In horizonte zonæ occupabant 55 gradus versus orientem, & 70 versus occidentem, initio divisionis in puncto intersectionis meridiani & horizontis borealis facti. Horizonti fere parallelæ erant, nisi quod tertia inæquales habebat altitudine partes limbi sui, ac quædam in eo quasi launæ & virgæ, & a primo grado ad sextum occidentalem quædam velut latior trabs observabatur. Stellæ per inferiorem vix translucebant, per mediam perspicue, per superiorem obscurius. Punctum temporis primum, quo aurora erupit, connotari non potuit. Ab occasu Solis circa horizontem plurimus rubor diffusus, & phænomeno admixtus. Post tres horæ quadrantes contractior zonarum longitudo decem circiter gradibus ab utraque parte. In eo spatio occidentem versus, quod aurora reliquerat, tractus quidam 3 vel 4 graduum remanerat, circumseptus atra nubecula, qui hiatus aliquis esse videbatur. Prope zenith nubes temues, partim subalbidæ, partim admodum rubentes. Paulo post hor. 6 pars superior virgas rubras copiosius evibrare cæpit, admisto tamen colore subalvido subfuscoque. Mox ab ipso æquinoctiali occidente columna prodire rubra, valde lucida, ad trientem cæli exporrecta, & tantillo post in iridis aliquam speciem recurvata. Hora 6½ rubeus color languidior, zonæ non adeo distinctæ; longitudo earum orientalis ad 20 gradus; occidentalis, quæ prius. Hor. 7 Phænomenon interruptum, in duas partes divisum. Extremitatis occidentalis pars rubra curvabatur in arcum desinentem prope horizontem. Prope ab 84 gr. occid. hiatus quidam priori similis. Hora 7. 20' tota aurora dilutior; pars tamen versus occidentem ultima specie ignita micabat. Paulo post hor. 8, quæ tunc tenebant zonæ, nigricans inferior, superque eam albescens splendensque altera, conspectæ, earundemque partes quodammodo agitari, & fluctuare. Hora 8½ extemplo ab 8 gradu occid. ad 50 orient. vividior altiorque reddita clara illa zona; super eam nova, ampla, ignea quodammodo, variis distincta virgis, sursum tendentibus ad 60 usque altitudinis gradum. Pars occidentalis formam nubis tenuioris induerat. Circa finem hor. 8 gradibus 16 ortum versus rubra quædam & recur-

recurva trabs ad zenith usque alata; aliaque similis, ab occidentem ultra 80 gradum egressa, ad idem cœli punctum summum, ei junctæ. Hora 9 divulsæ trabs considerare cœperunt; ubi tamen copulatæ antea fuerant, nubecula quædam rubescens hæsit, figuram & magnitudinem identidem mutans. Totum Phænomenon imminui, dilataque. Hora 9½ occidentalis pars transfigurata in speciem unicæ nubis, bene terminatæ, & valde rubescentis; aliquanto tamen contractior erat, quam ante. Paulo post hor. 10 lucidius fiebat cœlum a gr. 84 occ. ad 18 or. & ad altitudinem 50 grad. & amplius. Post 36' Phænomenon contractius; parte superiore admodum rubente, virgis hastisque distincta; id quod cessabat hor. 11, totaque aurora, in partes suas scissa, lumen debilius reddebat. Post 10' scissura major visa, graduum fere 20; hora 10½ rubeus color intendebat, potius tamen ad occidentem; sed post horæ quadrantem & lumen & rubor languescebant. Hor. 12 Auroræ lumen fere extinctum; post 20' alba quædam & sub lucida trabs apparere visa ad gradum 30 occid. altaque gr. 60, sed mox e conspectu erepta. Post semihorium, supererat in parte occidentali prope horizontem lumen prorsus tenue, quod hor. 13¼ adhuc magis contractum, hora denique 14 prorsus extinctum, observationi finem imposuit. Aeris tranquillitas per totum observationis tempus fere eadem fuit; nullus ex materia objecta strepitus, rumor, sibilus, vel auditus. Et hæc quidem est observationis *Polenianæ* summa, quam cum Lectoribus nostris communicare operæ pretium duximus. Alias quoque species luminosas in cœlo se conspexisse, narrat Vir Cel. quæ ad modo descripti Phænomeni genus ratione aliqua referri queant; plane tamen existimat, diligentius servandam esse memoriam hujusce, quod magnitudine, lumine, figura, coloribus, duratione, priora illa longe superaverit.

Observationem hancce excipit *Explicatio Auroræ borealis*, nocte post 16 Dec. A. 1733 visæ, Autore *Francisco Bosellini*. In eo scilicet is est, ut quatuor hisce quæstionibus faciat satis; nimirum, unde producat aurora; quomodo fiat; an antiquioribus temporibus jam cognita fuerit; quidnam portendat. Ad pri-

nam & secundam quaestionem quod attinet, en Viri theoriam, qua solvere illam aggreditur, quam licet, brevissime propositam. Primo quidem, inquit, ignis nihil aliud est, quam radices solares, iique conferti. Nihil igitur inter lucem ignemque interest, quam radiorum densitates. Sol, ceu luminis ignisque fons unicus, inexhausta semper ejus profluvia emittit, quæ ad ima usque terræ viscera penetrant; in quibus cum tanta sit corporum nitrosorum, sulphureorum, bituminosorum, & similium, copia, eorumque mixtura incredibilis, concludere licet, innumera lucis atomos ibi intercipi, corporumque quasi vinculis contineri, in flammæ atrique erupturas, nisi exhalationibus continuis, aut a ventis quoque, solverentur, abigerenturque. Quin imo ipsum solare corpus detrimentum pateretur, inque nihilum tandem rediret, nisi isthæ lucis particulæ, quas adeo copiose ejicit, ad ipsum resilirent. Lucis igitur ignisque materia, oceani instar, Solem circumfluendo, postquam emissæ fuit, & cæli spatia terrasque pervasit, ad eum redire cogitur. Telle enim *Lucretio*,

- - - *quod missum est ex ætheris oris,*

Id rursus Cæli rellatum templa receptant.

Præterea incredibilis particularum sulphurearum, nitrosarum, &c. e terra, & aquearum e mari fluviiisque, copia exhalat, & in auras disseminatur, tam a ventis, quam a particularis lucis, fontem suum motu perniciosissimo repetentibus, abrepta. Quoties igitur lucis particulæ corpuscula terrestria vel aquea in eam atmosphæræ regionem secum abduxerunt, ut motu revolutionis diurnæ annuæque concitatissimo, pro ratione nimirum distantie a centro terræ, ferantur; accidet, ut corpuscula hæc, quippe segniora, a solaribus atomis destituantur, adeoque recidant, disseminata, aut conglobata, varietate sese permiscendo, corpora quædam majora & graviora effingant. Nihilo tamen minus ea ingentem adhuc particularum solarium numerum continere existimanda sunt, cum omnes omnino ex iis evolare non potuerint. Si aqueæ particulæ prævaleant, ita generabuntur nubes, pluvia, ros, & similia. Quodsi autem terræ quidam

tra-

tractus siccitatem extraordinariam patiatur, particulae nitrosae, sulphureae, oleosae, & similes, majori copia advehentur, & atmosphaera replebitur materia inflammabili, hoc est, quae quamplurimis particulis lucidis igneisque referta est. Quae si deinceps a causa quacunque in statu aequilibrum, hoc est, in aere, suspensa teneatur, accendaturque; videbitur Phaenomenon istud & Meteoron, quod Aurorae borealis nomine appellamus. Ea igitur tota componitur ex particulis lucidis, igneis, solaribus, quae ex corporibus combustilibus, jam antea in altum abreptis, posteaque relapsis, avelluntur, in quorum cellulis subtilissimis inclusa haeserant, ab iis relictis, quae ad solem redierunt. Haec tenus Viri Cl. hanc in rem cogitata, de quibus iudicium sit penes Lectorem. *Tertiam* quaestionem affirmat, adductis *Plinii*, *Senecae*que, testimoniis. *Quartam* ita definit, ut, mali quidquam ex aurorae borealis aspectu praesagiendam esse, neget, moneat tamen, atmosphaerae statui aliquid mutationis eam procul dubio imprimere, ejusque desiccationem aliquam esse.

Tertium Sylloges Schediasma Autorem habet Cl. *Zanottum*, in Acad. Bononiensi Professionis Astronomicae Substitutum. Exhibet & hic accuratam Observationem non minus, quam delineationem, Aurorae ejusdem, quae cum *Poleniana* in multis conspirat. Frequentes tamen Bononiae nubes, cum Patavii caelum semper sudum fuerit. Mercurii quoque altitudo insignis. Die 16 Decembris per aerem diffusa erat nebula subtilissima, diebus item antecedentibus & succedentibus. Crepusculum diei 17 vespertinum ad altitudinem insolitam pertingebat; boream inter & occidentem vapor rubicundus, isque subtilissimus, spargebatur, quem *Polemus* quoque notavit.

Quartum itidem exhibet aliquam de hac Aurora relationem, prout Romae conspecta fuit; quae Autorem habet *Jo. Franc. Baldini*, Clericum regul. Congregat. Somascenae. Hic Auroram gigni statuit ex particulis subtilissimis, quae a fodinis sulphuris, carbonum, ferri, aluminis, &c. avolant, in regionibus praecipue septentrionalibus. Quotus enim quisque est, qui in re dubia suo ingenio non indulgeat?

Quintum tandem de eadem illa Aurora relatio est, ex Observationum literariorum, quæ *Verone* publicantur, *Tomo II* excerpta; de qua proxime suo loco. Itaque hic manum de tabula.

ΑΝΑΚΡΕΟΝΤΟΣ ΘΗΙΟΥ ΜΕΛΗ, &c.

h. e.

ANACREONTIS ΤΕΨΙ CARMINA, ACCURATE edita cum Notis perpetuis, & versione Latina, numeris Elegiacis paraphrastice expressa. Accedunt ejusdem, ut perhibetur, fragmenta, & Poetrie SAPPHUS, quæ supersunt.

Londini, impensis Lawtoni Gilliver, 1733, 12 maj.

Plag. 10.

- Præf. I. Prodiit hac nova facie tener ille ex Græcis quondam Ionibus
 pag. I. lusor amorum, *Anacreon Tejus*. Editorem, præter molle, quod huic inest Lyrico, ingenii dictionisque flumen, etiam castitas major, quam pro lubrica amatorum protervitate, movit, ut hanc editionem studiosis literarum Græcarum adornaret nitidiorem atque commodiorem. Tanto minus dubitavit carmina hæc, mollem *Epicuri* amœnitatem spirantia, verecundæ juvenum ætati transmittere, quanto magis innoxia, imo & frugifera, exemplo ipsius hujus editionis interpretis cognita judicavit. Quam enim olim adolescentulus quidam Anglus domestico labore contexuit versionem, tantum roboris eidem asserit dedisse, ut vir maturioris judicii factus, illam non politam solum, sed etiam ipsum Autorem ita illustratum emendatumque, potuerit exhibere. Et, quantum hic quidem in utraque re præstandum suscepit, Editoris ipsius, quas adjecit, consilii rationes aperiunt. Contextioni Græci sermonis suum stabilemque reddere sensum inprimis conatur. Codicibus hinc collatis, ex variis lectionum notis meliora quæque selegit, vagis obscurisque vel finitis, vel illustratis. Quo quidem in negotio *Barneſium*, *Tanaquil Fabrum*, *Dacierum*, *Baxterum*, se
- VI.
III.

lectum proficitur. Pauciores notas, easque tantum, quæ vocibus insolentioribus inservirent explicandis, subiecit, ne, undecunque corradendo levissima quæque, suffarto libro supervacuum accederet onus. Interpretationi ipsi insolita quædam forma est, & ceteris ejus generis paulo abhorrens. Secundam ab *Henrico Stephano*, quæ dictione ligata, primam, quæ elegis concinna prodierit, affirmat. Verenti enim, ne vivo carmini per versionem solutam corpus quasi exsangue per poemam Mezentii videatur jungi, non verbis verba, sed numeris numeros, reddi placuit. Sic enim, præter mentem, & elegantiam nativam facillime retineri posse, ratus est. Qua ratione id affectus sit, præsertim cum circumloquendo paulo evaserit verbosior, lectoris pro suo cuique arbitrio sit interpretatio. Id tantum vetamus mirari, quod elegos metro lyrico aptaverit. Horum enim blanditiis putat molle illud carminis argumentum non apprime solum congruere, sed etiam elegias tibiis quondam, teste *Horatio*, accini moris fuisse; exinde ipsius etiam *Ovidii* elegos probat fidibus Tejis respondisse, cujus quidem primum carmen ab *Anacreonte* mutuo videatur sumtum. Explicatis hoc modo Odis, quas Autori suo deberi, satis constet, fragmenta & carmina incertiora cum Poetrix *Sapphus* reliquiis lyrico metro interpretatus est, ut se nec ejus artis expertem sisteret. Festinanti demum opus suum absolutum, occurrit editio hujus *Anacreontis Paviæ*. Paucis itaque, quibus dissenserit a se, monitis, hunc vano nomine Critici superbientem, quod obvium quemque nugis laceraverit, suo sibi gladio paucis tentavit jugulandum.

CAROLI FRIDERICI LOEW, NOBILIS
Hungari, Acad. Cæs. Nat. Curiosorum Adjuncti,
Epistola ad Celeberrimos omnium Regionum Botánicos,
qua de Flora Pannonica conscribenda consilium cum
ipsis communicat, & singulos ad commercium Botanicum,
mutuamque variorum plantarum, seminumque,
communicationem, perofficiose & peramanter
invitat.

Tantum mihi audaciz dedit cum vestrae humanitatis fiducia, tum incredibilis illa, qua semper flagravi, *Plantas Pannonicas* describendi, & cum orbe erudito communicandi, cupiditas, ut non sum veritus Vos, in hoc studii genere alioquin occupatissimos, appellare. Pro illa cupiditate, ex Academia in Hungariam redux, A. 1721, frequentissime ad conquiendas & contemplandas plantas excurri, & plantarum varietate motus, *Floræ Sempronienſi* primam manum admovi. Sed intervenerunt consilio cum alia, tum præcipue apud Vindobonenses oblata artis medicæ exercendæ occasio. Igitur Vindobonam vocatus, per decem, & sex annos in aula Cæsarea commorantibus Regum Principumque Legatis non solum, sed ipsis etiam Serenissimis S. R. I. Ducibus plurimis, regnantibus æque, atque aliis, Saxonis, Meinungenſibus, Gothaicis, Hildburghausenſibus, Würtembergicis, Hasso-Cassellanis, Barutho-Brandenburgicis, Onoldinis, aliisque, artis salutaris opera præsto fui, a nonnullis Principibus Consilarii & Archiatri dignitate, cujus gradum etiam nunc teneo, ornatus. Hac occasione describere institui plantas, quæ tum erant in horto Serenissimi Principis, *Eugenii Francisci*, Sabaudia & Pedemontii Ducis, celeberrimo, sed grave impedimentum conatui obstitit atque offecit. Esi enim invictissimus ille Heros, non tantum opinionem famæ horti sui, hac ratione illustrandæ, sed etiam Aulicorum Ministrorum, Legatorum, Consiliariorumque Cæsareorum Aulico-bellicorum, interventu, permotus, facilem mihi & liberum cum in hortum, tum in Bibliothecam, in qua libros Botánicos rariores consulerem, aditum concessit; tantum tamen abest, ut vel Bibliothecæ præfectus, vel horti, hoc tempore fere neglecti, procurator, negotium hoc promoverit, ut potius impediverit. Hæc autem non obstabant, quo minus in aliis elaborarem, sigillatim, per vacui temporis momenta, *Historiam naturalem* illustrarem, *Historiam regni Hungariæ* conscriberem, eamque multis curiosioribus, ad statum naturalem pertinentibus, descriptione item cimeliorum regni Hungariæ, ad exemplar, quod in Augustissimo Cimeliarchio Vindobonensi asservatur, exactissime, cum Gemma Augustea, deline-

lineatorum, Numismatibus etiam, aliisque rarioribus, ad antiquam æque, atque vel medii ævi, vel recentiore, Historiam facientibus, singulari cura collectis, exornarem, mox etiam cum Serenissimo Duce Saxoniz regnante, Coburgico-Meiningensi, Antonio Ulrico, Domino clementissimo, mineralia, & fossilia, inprimisque gemmas, atque lapides, duriores & molliores, opacos & pellucidos, nobiliores & viliores, omnis generis, undique conquirerem. Talium rerum tam limatam politamque varietatem alibi occurrere conspiciendam, induci non possum, ut credam; quæ adeo satis superque doctissimi, & exquisitiore literatura politissimi, Principis hujus curiositate testatur: cujus ego clementiæ, ut multa alia, ita præcipue doctrinæ & cognitionis felicia incrementa, accepta refero. Semper enim, quoties mihi vel in aliis negotiis, vel ad mensam, ejus conveniendi potestas data est, doctiorem a doctissimo Principe, raro sui ordinis exemplo, ætatis suæ phœnice, me recessisse, ingenue prædico. Reversus ante annum in Hungariam, ad *Floram Sempronensem*, cujus conscribendæ initium ante complures annos feci, continuandam accessi, tanto majore libertate in eo negotio occupatus, quo liberior in Sempronensi, quem vocant, Comitatu aditus ad quævis loca patet, quoque major est Sempronii, ubi tonsores, pharmacopœi, & balneatores Medicos, Medici autem nonnulli, sordida avaritia impulsæ, contra antiquorum & cordatorum Medicorum institutum, pharmacopœos, agunt, in liberali otio, a gravioribus impedimentis vacuitas, ad rerum naturalium contemplationem & descriptionem (de qua medicastri illi ne quidem cogitare possunt,) conferenda. Quid patriæ meæ filii in harum rerum studio præstiterint, vel ex Jo. Jac. Scheuchzeri *Bibliotheca Scriptorum Historiæ naturalis omnium terræ Regionum inservientium*, patet, ubi pag. 140 scribit, Hungarorum bellicosam nationem, bellis atque persecutionibus continuis infestam, non tantum habere otii, ut aliquid temporis studio huic impendere possit Historico-Naturali: tam pauca esse, quæ circa hanc materiam proferant, & ab Hungaris ipsis quidem exarata pane

nulla. Etiam *Jac. Tollius* in *Epistolis itinerariis pag. 181* conqueritur, se, cum plurimas in Pannonicis montibus herbas, & in his nonnullas florum elegantia commendabiles, ignotas hactenus, observasset, & ad eos detulisset, quos eas nosse decuerat, nominaque & naturam exquisivisset, nihil nisi doloris incrementum retulisse, quod pictore careret, qui delinearet, cum siccandi, domumque deferendi, tempus & occasio deessent. Tractatus duos, quos *de Gemmis Hungariae*, nec non *de Balsamo Hungariae Carpathico*, scripsit *D. Christ. Aug. ab Hortis*, Vir doctissimus, manu scriptos, cum rarissima Bibliotheca, vicinis Polonis venditos esse, testatur non modo *Phil. Jac. Sachs a Lewenheimb* in *Schol. ad Obs. 28 pag. 57 Eph. Nat. Cur. D. 1 A. 11*, sed & *Jo. Ad. Raymannus*, Physicus Eperienfis celeberrimus, in literis ad me datis confirmat. Negat in illis, se vel de *Procopii Bonani*, Cæs. Camer. in fodinis Regiis Hungariae Archiatri, raro doctissimoque libro *de admirandis rebus Hungariae*, plus quam ducentis tabulis æneis aucto, & sumtibus Archiepiscopi; Palatini Hungariae, & Comitis, *Nadasdi*, faustam Lucinam exspectante, vel de *Chr. Aug. ab Hortis* scriptis, quidquam deprehendisse, cum hujus utrumque scriptum in Poloniam delatum feratur. Unde & *Henr. Christ. Henninius* in *Annotat. & Observ. ad Jac. Tollii Epist. Itin. V pag. 210* ex animo dolet horum librorum doctissimi *Chr. Aug. ab Hortis* interitum, quem Virum, Silesium, Nissa oriundum, atque deinde a S. C. R. Majestate libertate nobilitari Hungarica gratiose donatum, circa annum 1640 Carpathum conscendisse, & balsamum, vel oleum, nemini antea cognitum, ibidem primum destillasse, testis est *D. Jo. Milleter*, Medicus Leutschoviensis famigeratissimus, in doctissima Disputatione medica inaugurali, *de morbo Tsommor*, Hungaris endemio, *pag. 45.* Atque, uti exstat *Hortus Posoniensis*, Hungarico idiomate conscriptus, & A. 1664 editus, in quo erudite, & satis accurate, duobus libris, de floribus & plantis, quarum usus frequentior est, exposuit, ita inter extraneos præcipue commemorandus est *Carolus Clusius*, cujus plane singularem in descri-

describendis plantis Pannonicis laborem non possum non admirari. Eum ego erudito & candido Lectori, instituta quadam perpetua ejus IV Librorum, quos *de Stirpium historia* edidit, recensione, ipsius fere *Clusii* verbis, testimoniam proponam. Collegit Vir eruditissimus & curiosissimus in longis & variis peregrinationibus, sigillatim per Pannoniam, Austriam, & vicinas quasdam provincias, multas plantas, & stirpes rariores, non solum in locis, quæ faciles habent aditus, sed etiam in summis summorum Alpium superciliis, ut in quibusdam per nivem, glaciali duritie constrictam, ferreis uncis ad pedes alligatis, eidem delabendum fuerit. Pannoniam, cum superiorem, tum inferiorem, interamnem etiam, cujus pars tunc *Windischbland* appellabatur, ultra Dravum flumen, cum Illustrissimo Comite *de Battyán* intravit. Et, velut non solum in monte Prellenberg, alteri, qui Haimburgensis dicitur, vicino, Hungariæque, qua Austriam spectat, extremo, sed aliis etiam, jam Altenburgi, jam Petronellæ, jam supra Posonium, & Teben, ultra Danubium, jam etiam supra arcem D. *Georgii*, jam ad oppidum Stamphen, aliquot miliaribus ultra Posonium, jam circa Tirnaviam, singulari studio rariores plantas annotavit, ita in siccis pratis, supra & infra Sempronium, occurrentes plantæ, & in his copiose proveniens Echium, flore rubro eleganti, alibi non observatum, nunc intensiore, nunc dilutiore, colore ludens, ipsi admirationem movit. Multas, a nemine adhuc descriptas, herbas deprehendit ad montem, Eisenberg dictum, & Pinkæ, fluvio, imminentem, qua ad vallem, Pinka Thal, a fluvio nuncupatam, descensus est; plures collegit circa oppidum Zolnok æque atque circa Német Vjvár, Germanice *Gyßing* dictam, arcem munitissimam Illustrissimi Comitis *Baltas. de Battyán*; plurimas descripsit in Pannoniæ interamnis, nunc Slavoniæ, illa silva montosa, ducente ex arce Grebén, inter Savum & Dravum, flumina, versus Varasdinum. His & stirpes addidit, quas vel ad Comitis *de Zrinio* arcem, Csakathurn, vel ad arcem Fridau, vel non procul a Lindwa, Illustrissimi Comitis *de Bámfy* arce, in Comitatu Szaladiensi,

vel ad Chyztreg, ejusdem *Bámfy* oppidum in Pannonia; invenit. Ita vero multum in hoc studio præstitisse existimandus est *Clusius*. Sive enim vias, sive agros, vel segetibus repletos, vel desertos, sive prata, sive silvas, vel cæduas, vel incæduas, sive montes, summorumque Alpium supercilia, saxa, & rupes, hic locorum percurras, sive aprica spectes loca, sive umbrosa, sive sicciora, sive humidiora, & uliginosa, atque ex his vel paludosa saliceta, vel harundineta, juxta piscinas æque, atque stagnantes aquas, aut rivos, fluviosque minores, perlustres, vix plantulam deprehendes, quam solertissimus Autor noster sicco pede præterierit, qui etiam in urbis vallo, fossis, muris vetustis, & ruderibus, ad margines item viarum, agrorum, silvarum, vinearum, occurrentes plantas libro suo inservit. Icones plantarum, occurrunt numero 359, satis accuratæ, plantarum, si cum iis conferantur, naturali formæ ut plurimum respondentes. Herbarum adeo quamque, pro illorum temporum ratione, non modo apto nomine donavit, sed & accuratissime descripsit. In imponendis autem nominibus tantam solertiam & cautionem adhibuit, ut sæpe anonymam relinquere plantam maluerit, quam nomen ei, non satis aptum, ponere. Curiosus librorum *Clusii* lector, iconem plantæ alicujus non oscitanter contemplan, illico agnoscat ejus genus, radicem, ramulos, folia, flores, semen, locum natalem, aliaque plura. Autor enim curiosus & solers etiam temporis rationem habuit, quove mense planta vel florem, vel fructum, aut semen, ferat, annotavit, & de peregrinis etiam nominibus, sigillatim Hungaricis & Germanicis, cognoscendis sollicitus fuit, atque adeo de his & rhizotomas mulieres Austriacas, & venatores, & pastores montanos, & alios rusticos incolas, sæpius in consilium vocavit. Hungarica quidem nomina in hoc Opere *Clusii* pleraque mendose expressa occurrunt; quod tamen magis typographi, quam *Clusii*, culpa accidisse censeo, hoc magis, quod ipse omni cogitatione curaque in eam rem incubuerit, ut non solum accurata nomina communicaret, verum etiam adderet, quid hoc vel illo nomine Hungari significantius exprimere voluerint.

irint. Hujus tantæ solertiæ, quam in hoc studio adhibuit eruditissimus *Clusus*, gloria sempiterna apud nos memoria conservabitur: cujus posteris prodendæ vix commodiorem mihi occasionem relictam esse arbitror, quam si nobile ejus, quod diu noctuque flagravît, in plantis Pannonicis, imprimis vero Sempronienſibus, quas admiratus est *Clusus*, cum tamen eas vix a limine salutarit, describendis studium æmuler, & idem institutum sedulus urgeam, similibusque monumentis plantas Sempronienſis territorii, indigenas æque, atque alias rariores, sollicitius ad posteros transmittam. Fructum ex hoc labore imprimis Sempronienſes meos percepturos spero, quibus hac ratione non modo salubriores, sed & pestiferæ vitandæque, plantæ innotescant. Illud etiam futurum confido, ut alii quoque patriæ filii hoc exemplo ad parem plantas, in aliis Hungariæ Comitatus occurrentes, describendi solertiâ incendantur. Tale quid certe in animo habuit eruditissimus vir juvenis, *Samuel Wachsmannus*, Leutschovia-Hungarus, quem socium in Botanicis, apud Saxones cum ageremus, indefessum semper habui. Sed mors conatibus intervenit præmatura, quæ mihi desideratissimum laboris socium, cum in Belgio commoraretur, eripuit; cujus immaturum obitum etiam nunc eo acerbius fero, quo plura & exquisitiora in hoc studii genere ab ipso expectanda fuissent. Vos igitur, Viri Celeberrimi, perofficiose compellandos duxi, & vel illo *Ciceronis*, in omni honesto nihil tam illustre, nec quod latius pateat, esse, Libro V de Fin. statuentis, quam conjunctionem inter homines hominum, & quasi quandam societatem, & communicationem utilitatum, ad benevolam conspirationem consensumque invitandos. In hoc benevolentiae genere præstando si Vos habuero faciles, cerno jam animo, quanto mihi, tot tantorumque Victorum autoritate & benevolentia etiam contra invidorum malevolentiam munito, totius operis decursus faciliior sit futurus. Equidem, cum hæc scribebam, non deerant, quæ instituto operi moram & impedimentum illatura videbantur. Armorum enim strepitu, & pestilentiae, quæ per quosdam Hungariæ tractus inciderat, metu, cives mei

mei suspensi erant. Ego tamen, spe gratiæ & præsidii divini confirmator, ærem etiam Sempronii, dum hæc addo, saluberrimum, & cives ita bene valentes, ut vix quisquam infirmus fores meas pulset, aut opem imploret, sentiens, nunquam vel adverforum, vel publicæ calamitatis, metu ita animum despondi, ut, seria omittenda, & ignavo dolori indulgendum esse, putaverim. Hoc igitur, studio nunquam interrupto, per hæc tempora egi, ut describentis plantis Pannonicis curiosorum votis satisfacerem. In hoc instituto adhuc occupatum, ut vos, Viri Celeberrimi, consiliis & opera perbenigne juvetis, oro atque obtestor. Vobis ego vicissim non semina solum plantarum Pannonicarum rariorum, rarioresque plantas, sed & vera atque genuina, multumque a *Clusianis*, *Mentzelianis*que, diversa, verbo, accuratiora plantarum nomina Hungarica in *Flora Sempronienfi* spondeo. Studium, & operam promptissimam, quantam quidem ad hos conatus, feliciter provehendos, præbere possit, mecum liberaliter spondet, omni meo præconio, quod ad humanitatem, stili elegantioris, rei herbariæ, studium, omnivariamque literaturam, major, D. Jo. Christoph. Deccardus, Scholæ Sempronienfis Rector Clarissimus, qui graviores curas, quas in scholis publice docentibus vana sterisque cathedra affert, ceterasque molestias, quas in pistrinum scholasticum compacti quotidie capiunt, vel vinearum, vel horti, florumque, cultura, vel etiam plantarum indigenarum studio, quo non vulgariter delectatur, lenire solet. Agite igitur, Viri Celeberrimi, date non inviti locum precibus, vos ad commercium Botanicum, & rariorum seminum, plantarumque, communicationem mutuam peramanter invitantis, & laborem meum, typis destinatum, conciliata etiam cordati alicujus Bibliopolæ voluntate, (cum talium Virorum apud nos copia non sit,) cujus opera cum orbe literato feliciter communicetur, prompti facilesque promoveate. Reliquum est, ut vestro favori me studiaque mea commendem, nihil dubitans, quin de hoc meo instituto recte benigneque sitis existimaturi. Dabam Sempronii in Hungaria

d. 25 Aug. A. O. R. clc lccc xxxix.



NOVA ACTA ERUDITORUM,

publicata Lipsiæ

Calendis Decembris Anno MDCCXXXIX.

BIBLIOTHECA BENEDICTINO - CASINENSIS;
sive Scriptorum Congregationis Casinensis, alias S. Justine Patavine, qui in ea ad hæc usque tempora floruerunt, operum ac gestorum notitiæ; Autore Reverendissimo Patre, D. MARIANO ARMELLINI, ejusdem Congregationis S. Petri de Assisio Abbate.

Partes II.

Assisi, typis Feliciani & Philippi Campitelli, fratrum,
1731 & 1732, fol.

Pars I Alph. 2 plag. 14, Pars II Alph. 2 plag. 10,
Appendix, Fulginei, 1732, plag. 3.

Benedictinorum nomen non in Ecclesiastica solum, sed & in Literaria, Historia celebre est. Quis enim est, qui Gregorii M., Cassiodori, Ildefonsi, Bedæ, Alcuini, Walafri di Strabonis, Rabani Magnentii Mauri, Adonis, Ussuardi, Hermani Contracti, Amularii Fortunati, Haymonis, Lanfranci, Anselmi, Ruperti, Damiani, Bernardi, Dacherii, Mabillonii, Bona, Aguirrii, Sfondrati, aliorumque Benedictinorum, nomina ignoret? Quorum quidem Ordinis sui sociorum merita cum Bedæ, Tritheimii, Wion, Jhesus, Bucelinus, Mabillonius, & Bernardus Pezsius, scriptis editis celebrarint; tantum abest, ut diligentissimo D. Armellini vitio vertamus, quod tantorum virorum vestigiis insistas, ut singularem ejus solertiam laude utique dignissimam censeamus. Neque enim ejus institutum est,

ea repetere, quæ illi literis atque memoriæ prodidere; sed eorum tantum, qui tribus hisce postremis Seculis, quibus Congregatio S. *Justina Patavina* subsistit, in ea claruerunt, opera & res gestas describere constituit. Cujus quidem Congregationis hæc est ratio. Cum sub initium Seculi quinti atque decimi ob varia Infortunia nobilissima quæque in Italia Ordinis Benedictini, nedum inferiora, Cœnobia, protrita regulari disciplina, & dissipata re familiari, in ruinis jacerent, paucissimis duntaxat monachis in aliquibus illorum relictis, repente ex *Ludovici Barbo*, Nobilis Veneti, S. Georgii in Alba olim Canonici, per *Gregorium XII* in D. *Justina Patavina* Abbatem insperata electione mutata prorsus rerum facies apparuit. *Ludovici* enim *Barbo* auspiciis atque solertia non antiqua solum disciplina restituta, sed & status Benedictinorum æconomicus ad pristinum rediit splendorem. Quin imo hoc exemplo permoti, tum aliquot Commendatarii Abbates, tum Pontifices maximi, alique Principes, plura per totam Italiam Cœnobia *Justina* monachis simili ratione reparanda & administranda certatim tradidere: non quidem omnia, quæ adhuc in Italia supererant, imo, si cum antiquis conferantur, valde pauca, tot tamen, taliaque, ut amplissimam ac celeberrimam Congregationem efficere potuerint. Nam monasticæ disciplinæ instauratæ fama *Nicolaum Guasconum*, Nobilem Florentinum, impulit, ut insignem in patria Abbatiam, quam in Commendam obtinebat, ab *Hugone*, Etruriæ Principe, olim erectam, Patribus *Justina Patavina* cederet. Deinceps *Guido Gonzaga* Cœnobiū Benedictinum in agro Mantuano amplissimum, favente *Martino V*, Pontifice maximo, Congregationi S. *Justina* adjunxit, quo eodem Pontifice Patriarchalis D. *Pauli* Romæ Basilica, Monasteriumque, eidem Congregationi accessit. In cujus vastissimi templi & antiquissimi Cœnobii instaurationem strenuam operam contulit Cardinalis *Condelmerius*, qui postea *Eugenius IV* Congregationem hanc impense coluit, fovit, ac propugnavit. Crevitque Congregatio Cœnobiorum numero ac dignitate per universam Italiam, cum A. 1505 *Casinenſe* Archisterium, totius monastici ordinis fons & origo, sub

Joanne Cardinali Mediceo, qui postea *Leo X*, opera Magni *Consalvi*, *Justiniana* Congregationi annexum fuit. Ex quo tempore *Congregatio Casinensis*, alias *S. Justina de Padua*, appellata est. Neque ita multo post A. 1506 *Sicula* Congregatio, quæ pluribus Monasteriis constabat, inter quæ tria nobilissima numerabantur, *Panormitanum S. Martini*, *Messanense S. Placidi*, *Catanense S. Nicolai de Arenis*, haud parvum eidem Congregationi incrementum addidit. Dum autem Cl. *Armellinus* Bibliothecam Scriptorum hujus Congregationis exhibet, omnes sine discrimine Scriptores Alphabetico ordine recenset. Neque enim illos prætereundos censuit, qui exigui momenti libros luci exposuere. Videlicet *Gerb. Jo. Vossii* exemplo hanc methodum tuetur. Is in Præfatione in *Partem II Lib. III de Historicis Latinis incertæ ætatis*, Lugd. Batav. 1651, pag. 689, inque his ipsis, inquit, cam institui viam, ut non contentus exponere majorum gentium Historicos, comites iis dederim, quos putarem quomodocunque in Historicorum grege tueri nomen suum posse. Imo etiam affectas hic videre est minutos aliquos, qui profecto longius etiam abessent ab historica rei principibus, quam a Diis Consentibus distare ii olim credebantur, quos Patellarios dixere. Neque in eo peccasse mihi vel minimum videor. Siquidem ita semper animus fuit meus, ut ubique veritas grata esset & accepta; eoque, ut eos inprimis æstimo, qui & multa, & eleganter, de rebus antiquis prodiderunt, ita nec eos aspernari soleo, qui minora, ut potuere, modo sciri ea ullo modo interesset, in literas retulissent. Quod consilium meum optimo me cuique probaturum penitus confido. Summam igitur in recensendis omnibus iis, quæ ad Monachos eruditos Congregationis *S. Justina Patavina* pertinent, servat anxiosam, nihilque eorum omittit, quæ ad eorum laudem & notitias, quas quidem nancisci licuit, facere possunt. Præter varias Operum editiones, undique conquisitas, Autorum etiam, qui illorum mentionem faciunt, testimonia affert, totidemque verbis recenset. Atque, ut jucundior hujus Bibliothecæ lectio reddatur, Epitaphiis, Inscriptionibus, Elogiis, ceterisque profaicis encomiis, poeticos etiam flores adjecit, quibus Scriptores hujus

Congregationis a nonnullis Poetis exornantur. Appendicis autem loco *de Viris literis illustribus e Congregatione Casinensi, de quibus tamen non liquet, an aliquid scriptis consignaverint*, Commentationem attexuit. Quo quidem labore suo illud se effecisse sibi persuadet, ut publice jam constet, e *Casinensi*, seu *S. Justina Patavina*, Congregatione Philologos, Historicos, Literatores, Philosophos, & Mathematicos excellentissimos, prodiisse. Ad quod quidem, de sententia Cl. *Armellini*, plurimum contulit, ac in præsens etiam confert, *Collegium Anselmo-Benedictinum*, sub *Innocentio XI* in monasterio monachorum Casinensium Romæ erectum. In quo, sub egregiis præceptoribus, bonæ spei juvenes, ex tota Congregatione delecti, multa eruditione imbuti, post ingenii ac doctrinæ plura exhibitata in alma Urbe specimina, aliorum magistri variis in locis constituti, rem literariam strenuè promovent, & amplificant.

JACOBI GRETSERI, SOCIETATIS JESU Theologi, Opera omnia, antehac ab ipsomet Autore accurate recognita, Opusculis multis, Notis, & Paralipomenis pluribus, propriis locis in hac editione insertis, aucta & illustrata, nunc selecto ordine in certos titulos revocata.

Tomus IX & X.

Ratisbonæ, sumptibus Jo. Conradi Peez & Felicis Bader,
1736 & 1737, fol.

Tomus IX Alph. 10, Tomus X Alph. 11.

Diximus nuper de Operum *Gretseri* Tomo septimo & octavo; jam, quid novus ac decimus secum ferant, docebimus. Et novus quidem exhibet primo loco *Defensionis Controversiarum* Roberti Bellarmini, *S. R. E. Cardinalis amplissimi*, Tomum secundum, *de Christo, Christi que vicario, Pontifice Romano, adversus Junium, Danæum, Sibrandum, Sutlivium, Witackerum, Chamierum, Abbatum, Povelum, Dreserum, aliosque Sectarios*. Præmissa est huic Tomo Præfatio *Gret-*

Gretseri, quomodo Hæretici Scripturas tractent, citent, incautosque illaqueant, deque sectariis, qui secundam & tertiam Illustrissimi Cardinalis Bellarmini Controversiam de Christo, & Christi vicario, allatrarunt. Præter scripta, priore jam Tomo refutata, Gretseri impetum hic sustinent Matthæi Sutlivi, Angli, Decani (Pseudodecanum vocat Gretserus) Exoniensis, liber de Antichristo, Danielis Chamieri de Oecumenico Pontifice Libri sex, Sam. Huberi Antibellarminus, Roberti Abbati Demonstratio Antichristi, Gabrielis Povelii Disputationes Theologicae de Antichristo, & ejus Ecclesia, ut ceteros taceamus. Controversiæ Bellarminianæ de Christo cum sint Libri quinque, totidem Libris ipsa ejus defensio decurrit. Accessit vero Libro secundo Disputatio de Sacrosanctæ Trinitatis mysterio, in qua potissimum de processione Sancti Spiritus contra Græcos dissertitur, ejusque defensio; Libro tertio Digressio contra Hunnium, ejusque Hyperaspisten Mævium; porro Refutatio Mæviani libelli contra Judicium Bellarmini de Libro Concordiæ, & Notationes in Disputationem Ergasili Augustani de Christo; Libro quarto Digressiuncula contra Mævium. Inde ad defendendam Controversiarum Bellarmini tertiam progreditur Gretserus, in cujus Operibus jam legitur Reverendissimi & Illustrissimi Roberti Bellarmini, S. R. E. Cardinalis amplissimi, tertia Controversia generalis de summo Pontifice, quinque Libris explicata, & nunc per Jac. Gretserum, Societatis Jesu Theologum, a Sæctariorum calumniis vindicata. Implet hæc ipsa Voluminis hujus partem maximam, quippe ad præcipuum doctrinæ Pontificiæ momentum spectans. Appendicem ei Gretserus dedit de mirifico & honorifico Opere Samuelis Huberi, Lutherani Prædicantis, in qua, dici vix potest, quantam in Huberi Antibellarminum petulantiam exercent. Sed longior & gravior quodammodo hæc ipsa est Appendix alia, Apologiam sistens trium Librorum de Translatione Imperii Romani a Græcis ad Francos, adversus Franciscum Junium, Calvinistam, & Matthæum Dresserum, Lutheranum. Prodierat olim Marfilii de Padua liber eruditus de Translatione Imperii Romani ad Germanos, in quo de-

fenderat veram illam, & certissimis monumentis innixam, sententiam, translationem Imperii Romani ad Francos seu Germanos non esse factam a Pontifice. Id graviter ferens *Bellarminus*, opposuit *Marsilio-Libras tres*, quos deinde data opera *Franc. Junius & Matth. Dresserus* refutarunt. Cum his igitur Duumviris digladiatur *Gretserus*, sed iis, ne quid dissimulemus, armis, quæ ridiculum inspicienti cuique spectaculum faciant. Subjicitur opellæ huic *Admonitio de Animadversionibus Junii in libellum Bellarmini, quem adversus Anonymum quendam Calvinistam edidit*. Omnium postrema est *Satyra in Christi, & ejusdem in terris vicarii, Romani Pontificis, Satyricos, & plus quam Hipponacteos insectatores*, versu hexametro effusa, *Juvenalis* cujusdam aut *Persii* sales sapiens, scilicet.

Pergimus ad *Tomum decimum*, amplissimis cœlestium animarum, quibus gloriosum Sanctorum nomen Ecclesia Romana tribuit, vitis, tanquam tot gemmis, exornatum. Primum suo jure in hoc sacrario locum tenet *Vita D. Mariae Virginis, Dei que genitricis, in gratiam Congregationis & Virginis annuntiate* edita. Virginem Deiparam e vestigio sequitur *Innatius Loyola*, auctor quippe Ordinis illius, cui nomen addixerat *Gretserus*. Jam enim legimus *Libros quinque Apologeticos pro Vita Ignatii Loyolæ, Societatis Jesu fundatoris, edita a Petro Ribadeneira, contra calumnias cujusdam Christiani Simonis Lithi Miseni, Calvinistæ*. Est hic *Simon Lithus Misenus*, quem petit *Gretserus*, clarissimus ille Seculi XVI Philologus, *Simon Stenius*, natione Misnensis, cujus tunc in *Vitam Ignatii*, a *Petro Ribadeneira* scriptam, *Scholia* prodierant. Idem deinde ad *Apologiam Jac. Gretseri Responsiones* edidit, quibus denuo opposuit *Gretserus Libros quinque Apologeticos pro Vita B. P. Ignatii, Societatis Jesu fundatoris, adversus iteratas calumnias cujusdam Christiani Simonis Lithi Miseni, Calvinistæ*. Nec sic satis fuit controversiarum. Nam, cum *Stenii* prodiret *Jacobus Gretserus demudatus*, excepit hunc *Gretseri Lithus Misenus Calvinista*, nunc *tertio Libris quinque dedolatus, pro defensione B. P. Ignatii, qui Societatem eandem instituit ac fundavit*.

davit. Inde ad auctiores Sanctorum Vitas reducimur. Jam enim meriturus optime de *Divis Bambergensibus Gretserus*, exhibet primo incerti Autoris *Vitam S. Henrici Imperatoris*, jam olim *Tomo VI Lectionum antiquarum Canisii* publicatam, sed jam denuo ex optimis Codicibus plenius & correctius editam, & annotationibus *Gretseri* instructam. Commode huic jungitur *Vita S. Kunegundis, Imperatricis, quæ cum sancto suo conjuge Henrico Imp. Episcopatum Bambergensem condidit ac fundavit*, a *Gretsero* ex variis Codicibus auctior & emendatior, quam antea exstabat, edita, ejusdemque Notis illustrata. Tum sequuntur *Vita S. Ottonis, Babenbergensis Episcopi, ac Pomeranica gentis Apostoli, Libri quatuor, scripti ab Andrea, Monasterii S. Michaelis prope Bambergam Abbate*, a *Gretsero* partim nunc primum in lucem prolati, partim annotationibus ornati. Subjiciuntur his *varia Epistolæ, ad rerum Bambergensium illustrationem pertinentes*, a *Gretsero* primum ex antiquis Codicibus editæ, ejusdemque passim notulis conspersæ, quarum nonnullæ ad ipsum illum *Othonem* ab *Henrico IV Imp.* datæ sunt. Ad ejusdem *Othonis* quodammodo historiam spectant, quæ jam leguntur, *varia Imperatorum, Regum, ac Principum, Diplomata, res Ratisbonenses illustrantia*, ex Codice antiquo Viennensi a *Gretsero* exscripta. *Divis Bambergensibus* in hoc Volumine comites dati sunt *Divi Eystettenses*, quorum ut memoriam æternitati consecraret *Gretserus*, publicavit, quem primo loco hic conspiciamus, *Philippi, Ecclesiæ Eystettensis XXXIX Episcopi, de ejusdem Ecclesiæ Divis tutelaribus, S. Richardo, S. Willibaldo, S. Wunibaldo, S. Walpurga, Commentarium*, eundemque locupletavit *S. Solæ, S. Deochari, & S. Sebaldi*, vitis, explicata tumul Episcopatus Eystettensis origine. Adjecit idem *Observationum* in hunc *Philippi* Commentarium *Libros duos*, ad illustrandam partim, partim etiam emendandam, hanc Historiam conscriptos, nec non *Catalogum historicum omnium Episcoporum Eystettensium, usque ad Reverendiss. Prasulem & Illustrissimum Principem, Joannem Christophorum a Westerstetten*, satis, ut videtur, diligenter contextum. Claudit hunc *Tomum Fons olei Walpurgini*

gini apud Eystettenses explicatus atque defensus a Jac. Gretsero, seu Dissertatio de Oleo S. Walpurgis, Virginis apud Eystettenses sepultæ, cui Appendicis loco accessit recentium quorundam miraculorum, quæ Deus per oleum S. Walpurgis patravit, recensio.

Huc usque processit Operum *Gretseri* Collectio, quam commodus librorum ordo, & amplissimi rerum notabiliorum Indices, singulis subjecti *Voluminibus*, satis Lectori, inprimis aliena a nostris sacra sectanti, commendant.

DE SERENISSIMÆ DOMUS AUSTRIACÆ ADVOCATIA Provinciali superioris atque inferioris Sueviæ Disquisitio historica LUDOVICI BARTHOLOMÆI HERTTENSTEINII, J. U. L. & Reip. Ulmanæ Consilarii.

Notum est & percelebre Præfecturæ Provincialis Sueviæ in Annalibus, veterumque Chartarum monumentis, nomen; at ignota plerisque eius historia, nec satis perspecta ratio, frequentesque proinde de ea eruditorum errores, nec minores de Suevorum in explicandis ejusmodi argumentis negligentia querelæ. Equidem non penitus contemnenda sunt quorundam Scriptorum in nobilissimam hancce historię patrem studia, sed tantam ubivis invenies sententiarum & opinionum ambiguitatem, quin imo contrarietatem, ut difficile sit, distinctam exinde ideam elicere, ne dicam, solidi quid concludere. Ut igitur, illustratis hæcenus hac ratione *Ducatus & Principatus* Suevici vicissitudinibus, etiam summa clarissimi hujus thematis obscuritas, dissipatis, quibus undique involutum est, incertitudinis nebulis, clarior aliquando evaderet, ac conterranei mei leviuscule hocce conatu ad diligentiorẽ ejus investigationem sollicitarentur, præsens conscripsi meletema, in cujus evolutione ea, qua fieri potuerit, perspicuitate ita versabor, ut ex optimis quibusque documentis, editis, ineditis, primo quidem Præfecturæ hujus nomen, divisionem, & originem, postea ejusdem fata, munera, ac appertinentias, & denique illius successionem, breviter ac succincte sum delineaturus.

I. Quod

I. Quod igitur ad nomen *Landvogtia* attinet, patrii sermonis, & ex vocabulis *Vogt*, Advocatus, Præfectus, & *Land*, provincia, sive terra, compositum, illud esse, nemo facile negaverit. Quem enim Romani Præfectum vel Præsidem provincie dixerunt, illum Germani *einen Land-Vogt oder Land-Pfleger*, regionem autem, ejusmodi Advocatis commissam, *Terram Advocatorum*, *ein Land der Vagten*, oder *ein Vogt-Land*, nominarunt, quæ appellatio etiam Præfecturæ cuidam Franciæ orientalis ad nostra usque tempora permansit. Quemadmodum autem ex hac ipsa nominis etymologia per se constat, hosce Advocatos provinciales cum Advocatis Ecclesiarum & Civitatum, *denen Kasten-Vagten und Reichs-Schultheissen*, non esse confundendos, ita etiam horum Advocatorum Provincialium in Suevia varia olim fuerunt genera, sollicite proinde a se invicem distinguenda. Ut enim taceam insulsam illam *Lazii* de universa olim Suevia abrogatis Pagis in Landvogtias divisa fabulam, extra omnem certe dubitationis aleam positum est, & *Ergoviam*, & *Brigoviam*, & *Turgoviam*, imo, ut Cl. *Bruckerus* nuper scite explicavit, & civitatem *Augustanam*, suos olim peculiare habuisse Advocatos Provinciales, id quod inter alia ex *Crusii* imprimis testimonio patet, qui expresse refert, A. 1300 aut circiter ab *Alberto* Rege tres fuisse *Advocatos provinciales* constitutos, in *Suevia Comitem Württembergicum*, in *Brigovia filium Domini Ochsensteinensis*, & trans Rhenum in *Alsatia Dominum Henricum de Liechtenberg*. Et, quamvis harum una vel altera interdum etiam una cum Præfectura Sueviæ, de qua hic nobis sermo est, eidem Advocato simul administranda concessa fuerit, qua ratione A. 982 *Wernerus a Seldenecca*, & A. 1284 *Albertus Comes ab Hohenberg*, *Sueviam & Augustam Vindelicorum*, A. 1360 *Fridericus, Dux Teccensis*, *Sueviam & Alsatiam*, A. 1367 *Joannes, Episcopus Brixensis*, *Sueviam, Turgoviam, Ergoviam, & Alsatiam*, & A. 1409 *Hermannus, Comes a Sulz*, *Sueviam, Ergoviam, & Brigoviam*, simul gubernarunt, unaquævis tamen distinctas suas habuit rationes, distinctos limites, & distincta etiam suo modo officia, ita tamen, ut hæc nostra, de qua loquimur, Præfectura ma-

ter quasi reliquarum fuerit, easdemque & dignitate, & antiquitate, & terrarum latitudine, quam longissime superaverit, proinde etiam per excellentiam *Advocatia Provincialis Suevia*, cujus tamen etiam reliquæ partes fuerant, appellata, & ab *Heidero* passim *Archi-Præfectura* encomio insignita.

II. At nec ipsa hæc, quam modo innuimus, *Archi-Præfectura* Sueviæ distinctione carebat, sed ad imitationem ipsius provincie in duas partes distinguebatur, *Suevia* scilicet *superioris*, quæ, ut *F. Fabri* verbis utar, contra Alpes porrigitur, & *inferioris*, quæ contra Rhenum protenditur; quapropter etiam in Annalibus & Chartis antiquis frequens *Advocatorum provincia superioris Sueviæ* fit mentio, quales inprimis A. 1010 *Henricus a Weissenborn*, A. 1275 *Hugo Comes a Werdenberg*, A. 1333 *Henricus de Sweiningen*, A. 1347 *Joannes Henricus de Struwingen*, A. 1353 *Ulricus Comes de Helffenstein*, A. 1373 *Joannes Comes a Lotheim*, & A. 1430 *Fridericus Burggravius de Nüremberg*, prædicantur; qui, ut reliqui eorum successores, in arce Ravenspurgenfi, A. 1647 a Suecis deleta, sedem suam habuerunt. Ex *inferioris* autem *Sueviæ Advocatis*, ut ingenne rem fatear, nullum hactenus inveni, hac distinctione usum; probabile tamen est, & inferiorem Sueviam peculiaribus Præsidibus fuisse rectam: unde etiam *Albertus I* A. 1305 *Advocatis suis Provincialibus*, *Ludovicus IV* A. 1331 *des Reichs getreuen Land-Vogten*, & *Carolus IV* *seinen und des Reichs-Land-Vogten* in plurali numero mandarunt, quamvis non negandum, etiam superiorem Sueviam a pluribus interdum Advocatis simul rectam fuisse, qua ratione *Carolus IV*, teste *Crusio*, A. 1353 *Ulricum Comitem de Helffenstein*, & *Eberhardum Dapiferum de Waldpurg*, Præfectos provinciales Sueviæ superioris nominavit. Quamvis autem hoc argumentum hac ratione per se evidenter non concludat; clarissime tamen thesin nostram comprobatur testimonium *Wenceslai*, qui A. 1379 *sein und des Reichs beede Land-Vogteyen in Obern und Niedern Schwaben* *Leopoldo Austriaco* oppignoravit, quarum fines sic distinguuntur, ut superior *Advocatia* loca circa villam *Altorfensein* & versus lacum *Bodamicum*, inferior autem loca cir-

ca Ileram & Danubium sita, comprehendat. Qui vero utrique huic Præfecturæ simul præfuerunt, aut κατ' ἐξουσίαν *Advocati*, *Præsides*, vel *Præsides*, *Sueviæ* audiebant, aut *Procuratores Imperatoris universales in Suevia*, qualis jam A. 1197 occurrit *Degenbardus ab Hellenstein*, aut *Advocati Provinciales superioris atque inferioris Sueviæ*, qualis a *Carolo IV*, teste *Datio*, *Fridericus Palatinus* constitutus fuit, & hi ob latitudinem provinciæ, causarumque dirimendarum multitudinem, plerumque sub se habuerunt suos Vicarios, *Unter-Land-Vægte*, ex quibus primus fuisse videtur *Henricus Rüeder*, Eques, qui A. 1373 floruit. Nostreis autem temporibus illi, qui illustri hoc munere funguntur, *Kayserliche Land-Vægt in Ober- und Nieder-Schwaben*, eorumque Vicarii *Land-Vogtey-Verwalter*, nominantur.

III. Hisce præmissis, ulterius jam pergo ad originem hujus Præfecturæ, quam alii, ut aniles illas *Lyreri* nugas silentio præteream, cum *Walzio* a Romanis, eorumque Imperatore *Valerio Probo*, alii cum *Ludewigio* a Francis, alii cum *Heidero* a reliquiis Comitatus Guelphici Altorffensis, alii cum *Schwedero* ab extincta Ducum Hohenstauffensium Familia, alii denique cum *Lazio* a proscriptione *Joannis Parricidæ*, repetunt; at, cum jam diu ante excidium Familix Welficæ & Hohenstauffensis in veteribus chartis Præsidum Sueviæ mentio injiciatur, mea quidem qualicunque sententia initia Præsidatus Suevici a Gothis, forma a Francis, incrementa autem a Guelphorum (quorum olim arx Ravenspurgenfis, antiqua Advocatorum sedes, nativum domicilium fuerat,) exuviis repetenda erunt. Primus enim absque dubio, teste *Cassiodoro* & *Agathia*, *Theodoricus* Præsides provinciales in Sueviam misit, *Chlodoveus* autem ab initio Sueviam etiam per Præfectos Provinciales gubernavit; postquam vero ejus in regno successores Sueviam in Ducatum converterunt, pars quidem Provinciæ ex observatione *Schilteri* feudi jure Ducibus cessit, quod autem reliquum erat, per Advocatos Provinciales administrabatur, ex quo, observante *Kælero*, per se patet, Ducatum & Landvogtiam Sueviæ coævus quidem, sed ratione potestatis, jurisdictionis, ori-

ginis, & acquisitionis, admodum inter se distinctas fuisse dignitates. Iterum iterumque ergo errat *Heiderus*, dum, Imperatores non prius de constituendis in Suevia Advocatis Provincialibus sollicitos fuisse, asserit, quam, assertis Imperio juribus occasu Ducum vacuis, haberent, in quo eorum cura occupari posset.

IV. Sed pedem jam moveo ad fata hujus Advocatiæ, quæ, Ducatu Sueviæ sub stirpe Carolingica sublato, una cum hoc per satis longum temporis spatium a *Camera Nuntiis* recta fuit, quorum alter, uti videtur, bona, ad Ducatum Sueviæ pertinentia, alter autem bona, ad fiscum Regium spectantia, procuravit, proinde etiam, teste *Spelmanno* & *Goldasto*, haud raro *Advocati Imperiales* dicti. Ex quo autem Ducatus Sueviæ per *Conradum I* iterum fuit instauratus, etiam Advocatia Provincialis, quam *Moserus* frustra patrimonio veterum Welforum accenset, iterum separatas rationes habere cœpit, neque alia, post extinctam Hohenstauffensium Familiam, illius facies fuit. Licet enim Cel. *Schwederus* cum personato illo *Burgoldensi* & Ill. *Mosero* existimet, Præfecturam Sueviæ A. 1283 in Comitibus Augustanis, una cum Ducatus Suevici Domaniis, *Rudolpho* juniori tanquam feudum regale vexilliferum a parente fuisse concessam; constat tamen ex optimorum Scriptorum testimoniis, Serenissimam domum Austriacam non feudi, sed pignoris, titulo illam acquisivisse, unde etiam, teste *Burgmeistero*, Imperator *Maximilianus II* agnatis suis, investituram de hac Præfectura, tanquam de feudo Imperii principali, aliquando postulantibus, repulsam dedit, ex quo sponte sua corruit illud doctissimi alias *Heideri* confectarium, quod scilicet Præfecti Provinciales veterum Ducum partes sustineant, quamvis ipse cum Ill. *Ludewigio* non assequar, quare *Rudolphus I* eo ipso, quo Sueviam ab ordinibus pro filio suo demandavit obtinuitque, non simul Imperiali autoritate vel adjunxit Landvogtiæ, vel hanc ipsam eidem pariter rogaverit, perpetuo deinceps a Principe Sueviæ exornandam atque instruendam. Quicquid autem hujus rei sit, certum tamen est, Advocatiæ istam etiam extinctis Ducibus Suevorum penes Imperium perman-
sisse, id quod inter alia ex eo quoque patet, quod *Carolus IV*

A. 1359

A. 1359 civitatibus Sueviæ sollemnissime permiserit, *die Land-Vogtey in Schwaben niemanden mehr zu verpfänden*, quamvis filius ejus *Wenceslaus* illam haud diu post annum 1379 *Leopoldo* Austriaco oppignoraverit, a quo tempore frequentibus vicissitudinibus obnoxia, ac a variis varie dilacerata fuit; quare etiam *Fridericus III* Imperator A. 1482 Statibus Advocatiæ vicinis turbationem jurium, & injustam occupationem bonorum, ad eandem pertinentium, teste *Ottone*, serio prohibuit, *Carolus V* autem eam A. 1548, accedente Electorum consensu, provida cura fratri Augustissimo *Ferdinando I* reluendam, & sub lege reversionis perpetuo possidendam, tradidit, qui deinceps A. 1562 Judicio provinciali novam Ordinationem præscripsit, & eandem una cum aliis in Suevia bonis ad posteros suos transmisit, inter quos quidem Statusque immediatos Sueviæ variz super ejus reversione, & Judicii provincialis abrogatione, annis præcipue 1585 & 1646, ortæ fuerunt controversiæ, a *Lunigio, Burgmeistero, & Pistorio*, latius explanatæ, & dudum in Comitibus tam universalibus, quam circularibus, agitatæ, quin imo ad solennes pacis Westphalicæ deliberationes delatæ. At, cum meum non sit, tantas componere lites, præstat judicium de iis suspendere, quam tantorum Principum controversiis imprudenter se immiscere; quare etiam bella, inter Civitates Sueviæ & Comites Württembergicos ob jura Advocatiæ Seculo XIV orta, & non nisi gravi ære soluto, multoque sanguine effuso, sedata, silentii peplo involvo, curiosum Lectorem ad *Nauclerum & Grusum* remittens.

V. Ceterum Præfecti illi ab initio a Regibus Gothorum, postea a Regibus Francorum, & demum a Regibus Germanorum, ex primaria gentis nobilitate immediate fuerunt constituti. Quare etiam *Degenhardus ab Hellenstein* A. 1197 *Procurator Imperatoris in Suevia*, & *Rudolphus de Homburg* A. 1362 *deß Heil. Röm. Reichs-Pfleger in Schwaben*, imo eorum successores hodiernum *Kayserl. Land-Vogte*, audiunt, quorum haud pauci apud *Magerum & Burgmeisterum Dei & Imperatoris*, quemadmodum *Judices Provinciales Imperatoris & Advocati gratia*, tales se scripserunt; qua ratione A. 1378 *Conra-*

dux Stæffer von des Rœm. Kayfers und Herzog Friederichs von Bayern als Land-Vogts in Schwaben Gnaden freyer Land-Richter in der Pürst audit. Ex quo autem Præfectura Sueviæ certis familiis oppignorata fuit, etiam jus constituendi Advocatum Provinciale simul eis cessit, id quod exempla *Rudolphi Comitæ ab Hohenburg A. 1379, Conradi Stein a Reichenstein A. 1384, Hermannii Comitæ a Sulz A. 1409*, aliorumque, clarissime docent.

VI. Fuit autem olim summa horum Advocatorum, tanquam Imperatoris & Imperii in terra Suevica Vicariorum, auctoritas. Quapropter etiam antiquissimis jam temporibus titulo *nobilium* atque *strenuorum* condecorati, & non minori fere, quam Duces, loco habiti fuerunt, insignibus etiam veteris Ducatus Suevici usi, & a *Goldasto* inter quatuor Advocatos Imperii relati. Quin tantus illis olim exhibitus fuit honos, ut monasteriorum civitatumque Imperii, quibus Imperatores quam optime cupiebant, defensio illorum patrocinio commendata fuerit, id quod, præter alia innumera exempla, inprimis monasterii *Pfullingensis* de anno 1296, *Denckendorffensis* de anno 1342, & *Kœnigsbrunnensis* anno 1384, apud *Besoldum*, nec non civitatis *Campidunensis* de anno 1355 & 1361, testantur. In civitatibus autem Imperii, eorum defensioni commissis, tanta quoque illorum fuit existimatio, ut *Wenceslaus A. 1383* illis expresse mandaverit, *Herzog Leopolden zu Oesterreich als Ihrer Majestat und des Reichs Land-Vogt gehorsam zu seyn*, quare etiam multæ ex illis Præfecto provinciali olim homagium præstiterunt. Postquam autem & monasteria & civitates illæ durius interdum a Præfectis habitæ fuerunt, sensim sensimque Imperiali auctoritate illorum jugo & exactionibus, ut verba Diplomatum sonant, fuerunt exemptæ, id quod in specie, *Besoldo & Burgermeistero* autoribus, A. 1305 Monasterio *Bebenhusano*, A. 1309 Monasterio *Pfullingensi*, A. 1377 *Erlinga*, *Reutlinga*, *Rothwila*, & *Wila*, accidit; unde etiam est, quod Præfecturæ jura hodie longe arctioribus, quam jurisdictio Judicii provincialis Suevici, limitibus constricta sit, eique, recte id observante *Schwedero*, nulla amplius in monasteria ac civitates Sue-

Sueviæ, cum Status Imperii, superioritas competat, unde etiam *Fridericus III.*, apud *Dattium*, A. 1489 expresse declaravit, *dass dasselb Land Schwaben und die Unterthanen darinn allein dem Röm. Kayser und dem H. Reich zugehörig und unterworffen seyen, und sonst keinen andern Herrn, dann den Kayser, hatten, &c.* Et, quatinvis cœnobîa quædam, v. g. *Weingartense*, *Owense*, *Salmonis Villanum*, *Schuffenriedense*, *Ochsenbusanum*, *Münchbrodense*, *Buxheimense*, *Lindaviense*, *Læwenthalense*, *Bairndense*, *Guttenzellense*, una cum civitatibus *Buchhornensi*, *Wangensi*, *Überlingensi*, *Biberacensi*, *Memmingensi*, *Kauffburana*, *Tsullendorffensi*, *Reutlingensi*, *Erlingensi*, *Wilensi*, &c. Advocatiæ Provinciali hodiernum certum aliquod tributum annuum persolvere teneantur, illud tamen non tam in signum subjectionis, quam in honorem protectionis, *wegen des Schutz und Schirms und als eine Ehrung wegen der Stadt - Steuer und ihrer Ammann-Aembler*, ut & in recognitionem banni sanguinis, *wegen des Blut-Banns*, fieri solet, id quod *Joannes Dapifer a Waldpurg*, apud *Burgmeisterum*, A. 1473 ipse agnovit, & in causa etiam fuit, quod Status A. 1523, a *Nicolao Zieglero* ad Comitata Provincialia Altorffensia citati, suavis *Fœderis Suevici* non comparuerint.

VII. Quod autem officium horum Præfectorum provincialium spectat, illud in eo maxime consistebat, ut census & redditus Imperii Imperiali nomine exigere, negotiis judicialibus formam legemque præscriberent, provinciæ securitati invigilarent, pacem publicam sua autoritate firmarent, Monasteriorum, Civitatum, & Judæorum, curam gererent, viarum publicarum securitatem persecutione latronum promoverent, vassallos imperii in officio continerent, & denique Decreta Judicialia executioni mandarent; quem in finem etiam, præter *Vicarium*, *den Landvogtey-Verwalter*, *Scribam*, *den Land-Schreiber*, *Fisci Patronum*, *den Landgerichtlichen Fiscal*, aliosque officiales bene multos, *Landwaibel*, *Ambtleuth*, *Forstmeister*, *Überreuter*, *Ambts-Knecht*, &c. sub se habet, dum e contrario *Judex Provincialis*, *der Kayserl. Land-Richter*, teste vetere quodam MSto, immediate a *Regimine Oenipontano* dependet,

det, neque Advocati Provincialis jurisdictioni subiectus est, quamvis eodem cum illo loco, in villa scilicet Altorffensi, commoretur, & suo modo ejus inspectioni sit obnoxius.

VIII. Ipsa vero Landvogtia non tantum potestatem judicariam exercet, sed satis etiam amplum territorium in Algovia, & in illo diversa castra, pagos, villas, Serenissimæ domui Austriacæ, partim quoad proprietatem, ut v. g. *der Flecken Altorff, die Burg und Vestin ob Ravenspurg, der Lebenhoff zu Oepffingen*, partim autem tantum quoad jurisdictionem, sive altam, sive bassam, sive utramque simul, subiectas, cum omnibus regalibus, *an hoher Obrigkeit, Herrlichkeit, Gerechtigkeiten, Lehen-schafften, Mannschafften, Gültten, Aembter, Ebrungen, Zellen, Zwingen, Bannen, Vogteyen, Vogt-Recht, Fall, Gelaß, Frevel, Straffen, Bussen, Steuern, Forst, Wildbahn, Gleich, &c.* ut verba *Wenceslai, Sigismundi, & Caroli V* apud *Lunigium* sonant, comprehendit, ex quibus etiam Præfectus provincialis per suos officiales *Ambts-Knecht und Gefell-Einnehmer*, quorum in superiori Landvogtia 15, in inferiori autem 3, constituuntur, haud contemnendos redditus percipit, id quod inter alia ex eo præcipue patet, quod non tantum *Wenceslaus* ex redditibus *Leopoldo* Austriaco annuam pensionem 6526 florenorum assignaverit, sed etiam, teste vetere MSto, 2727 subditi collectabiles in Landvogtia superiore reperiantur, quorum plurimi peculiares dominos habent, sed tamen quoad jurisdictionem altam Præfecturæ provinciali subiecti sunt, ut jam honoraria, a Statibus in ea, quin imo etiam extra eam, sitis quotannis Advocatis persolvi solita, silentio præteream. Manifestus exinde est eruditissimi alias *Schragii* error, existimantis, Præfecturam provincialem Sueviæ nihil aliud unquam fuisse, quam jus Advocatiæ, ab Imperio dependentis, minime vero territorium significare, &, quicquid forte bonorum, rerum, hominum, prædiorum, &c. pertinentiarum nomine cum Landvogtia ipsa, seu potestate judicaria, ab Imperio Serenissimæ domui Austriacæ fuerit concessum, non alio jure, quam domini utilii, illi obtigisse, cui effato certe Literæ oppignorationis una cum quotidiana experientia e diametro contrariantur.

IX. Por-

IX. Porro etiam ad Præfecturam hancce Provinciale ex sensu dictorum Diplomatum olim pertinebant, & ex parte adhuc hodie pertinent, Judicium provinciale Sueviæ, *das Frey-Kayserliche Land-Gericht in Schwaben, auf der Leutkircher Heyde und in der Gepürfs*; item Advocatia Civitatum Imperialis Augustensis & Giengensis, *des Reichs Städte Augspurg und Giengen*, nec non reliquarum Civitatum & Monasteriorum in limitibus ejus sitarum, *mit den anderen des Reichs Städten daselbst, Clästeren, &c.* porro defensio Judæorum, quam A. 1431 in inferiori Suevia *Conradus Dominus in Weinsperg* vicario nomine exercuit, *alle Juden in Ober- und Nieder-Schwaben*, tutela hominum liberorum in campis Leut-Kirchensibus, *die freye Leuth auff der Leutkircher Heyde und in der Gepürfs*, quorum transactiones, cum Advocatia provinciali super diversis gravaminibus initas, *Burgmeisterus* late recenset, potestas reluendi bona Imperii in Suevia oppignorata, & denique spes succedendi in Feuda Suevica in Landvogtia Suevica Imperio aperta, vulgo *Schwaben-Lehen*, item *Herzog-Lehen*, dicta, quorum sat magnus est numerus, & quorum, teste eodem MSto supra citato, imprimis pertinent *Waschenburg, Habsperg, Justorff, Widenstein, Unter-Sulmatingen, Cronburg, Schwarzach, Erolzheim, Gleiffenburg, Laupheim, Bussingen, Laubenberg, Eisenburg, Honburg, Grüningen, Graben, Stauffen, Fridingen, Hasenstein, Nieder-Marchtall, Hofheim, Reckbergsbausen, Warthausen, Achburg, Freyberg, Ebenhofen, Stadion, Alberweiler, Wehrwag, Ellerbach, Brandenburg, Trauchburg, Vehringer, Sigmaringen, Währstein, Rietheim, Blaubeuren, &c.*

X. Tandem coronidis loco adjungam catalogum Advocatorum provincialium Sueviæ, quotquot eorum hætenus in Chartis, Diplomatribus, Annalibus, apud *Goldastum, Bruschium, Stumpfium, Crusium, Heiderum, Dattium, Besoldum, Petri, Ottonem, Burgmeisterum, Ludewigium, Lehmannum, Königsbosen, Münsterum, Bucelinum, Lunigium, Zeilerum*, aliosque, invenire licuit, quorum nomina, Chronologico ordine disposita, sunt sequentia: A. 499 Emericus, Comes Stabuli, *Suevia Præfectus*, A. 500 Fridiladus, *Rektor provincialis in*

Suevia, A. 600 Romulphus, *Comes provincialis Suevia*, A. 718 Sindelfius, *Alemannia Praefectus*, A. 718 Ottwinus, *Praeses Suevia*, A. 764 Syllachus, *Comes Illergoviz, Praefectus Suevia*, A. 766 Gozbertus, *Praeses Ranckwilanus, Landgravius Suevia*, A. 788 Gewoldus *Comes a Bussen, Praefectus Suevia*, A. 994 Wernherus a Seldenecca, *Advocatus Suevia*, A. 1010 Henricus a Weissenhorn, *Advocatus Provinciae superioris Suevia*, A. 1197 Degenhardus ab Hellenstein, *Procurator Imperatoris universalis in Suevia*, A. 1227 Conradus Pincerna a Winterstetten, *Gubernator Suevia*, A. 1258 Rudolphus Dux, *Advocatus Terrae in Suevia*, A. 1274 Albertus *Comes ab Hohenberg, Advocatus Terrae in Suevia*, A. 1275 Hugo *Comes a Werdenberg, Landgravius superioris Suevia*, A. 1296 Lutherus de Isenburg, *Advocatus provincialis Suevia*, A. 1300 Eberhardus *Comes de Württemberg, Praefectus provincialis Suevia*, A. 1309 Conradus a Winsberg, A. 1313 Ulricus de Schellenberg, A. 1320 Ulricus *Comes de Montfort*, A. 1333 Henricus de Schweiningen, *Kaysser Ludwigs und seines Sohns Herzog Steffans Land-Vogt in Oberrn Schwaben*, A. 1336 Ulricus *Comes de Württemberg*, A. 1346 *Comes a Werdenberg*, A. 1347 Jo. Henricus a Struwingen, *Unsers Herrn des Kayssers Land-Vogt in Oberrn Schwaben*, A. 1353 Ulricus *Comes de Helffenstein, superioris Suevia Praefectus*, A. 1354 Eberhardus Dapifer de Waldpurg, A. 1355 Ulricus *Comes de Helffenstein*, A. 1360 Fridericus, *Dux Teccensis, Herzog Rudolphi von Oesterreich Land-Vogt in Schwaben und Elsass*, A. 1362 Rudolphus ab Homburg, *Pfleger des Heil. Röm. Reichs in Schwaben*, A. 1366 Joannes Dapifer de Waldpurg, A. 1367 Joannes, *Episcopus Brixensis, Land-Vogt in Schwaben, Turgaw, Ergaw, und Elsass*, A. 1370 Fridericus, *Burggravius a Nürnberg*, A. 1372 Burcardus Münch a Landscron, A. 1373 Joannes *Comes a Lotheim, Land-Vogt in Oberrn Schwaben*, A. 1378 Fridericus, *Dux Bavariae*, A. 1379 Leopoldus, *Dux Austriae*, ejusque nomine Rudolphus *Comes ab Hohenburg, Land-Vogt in Schwaben*, A. 1380 Sigbertus, *Landgravius a Leichtenberg*, A. 1381 Albertus *Comes de Heiligenberg*, A. 1384 Conradus Stein a Reichenstein,

stein, *Herzog Leopolds zu Oesterreich Land-Vogt in Schwaben*, A. 1385 Joannes Dapifer a Waldpurg, A. 1386 Wilhelmus Fronberger, *Land-Vogt in Schwaben*, A. 1388 Eberhardus de Freyberg, Eques, A. 1389 Ernestus, Dux Bavariz, A. 1391 Wurleboy a Swynacc, A. 1392 Petrus Losinger, Eques, A. 1397 Stephanus, Dux Bavariz, A. 1398 Waltherus a Königseck, A. 1400 Ulricus Comes ab Helfenstein, A. 1406 Joannes Comes a Werdenberg, A. 1407 Joannes Dapifer de Waldpurg, *desi Heil. Röm. Reichs Land-Vogt in Schwaben*, A. 1409 Hermannus Comes a Sulz, *Herzog Friederichs von Oesterreich Land-Vogt in Schwaben, Ergaw, und Breisgaw*, A. 1413 Burcardus de Mannsberg, A. 1414 Rudolphus Comes a Montfort, *desi Heil. Röm. Reichs Land-Vogt in Schwaben*, A. 1415 Joannes Dapifer a Waldpurg, A. 1417 Stephanus, Dux Bavariz, A. 1429 Jacobus & Eberhardus, Dapiferi de Waldpurg, *Land-Vogt in Ober-und Nieder-Schwaben*, A. 1430 Fridericus, Burggravius de Nürnberg, *desi Heil. Röm. Reichs Land-Vogt in Obern Schwaben*, A. 1431 Wilhelmus, Dux Bavariz, *König Sigmunds und desi Reichs Land-Vogt in Schwaben*, A. 1433 Eberhardus Dapifer de Waldpurg, A. 1440 Jacobus Dapifer de Waldpurg, *desi Heil. Röm. Reichs Land-Vogt in Obern und Niedern Schwaben*, A. 1446 Georgius Dapifer a Waldpurg, A. 1452 Albertus, Dux Austriæ, ejusque nomine Lucas de Landau, Eques, A. 1453 Jacobus Dapifer de Waldpurg, *Herzog Albrechts von Oesterreich Land-Vogt in Schwaben*, A. 1464 Joannes Dapifer de Waldpurg, *Herzog Sigismunds von Oesterreich Land-Vogt in Schwaben*, A. 1484 Henricus de Schellenberg, A. 1486 Henricus Horber, *Herzog Sigismunds zu Oesterreich Verweser der Landvogtey in Schwaben*, & post eum Marquardus de Schellenberg, Eques, A. 1490 Joannes Comes de Sornenberg, A. 1500 Jacobus a Landau, Eques, A. 1518 Nicolaus Ziegler de Bahr, ejusque nomine Reichart Speth de Sultzburg, A. 1527 Joannes de Fridingen, *König Ferdinands und Georg Truchsessens Land-Vogt in Schwaben*, A. 1544 Georgius Gienger & Joannes Wilhelmus de Laubenberg, A. 1551 Georgius Ylsing, Eques, A. 1581 Maximilia-

nus Baro ab Ylsing, A. 1583 Fridericus Baro ab Ylsing, A. 1589 Christophorus Jacobus Lidl, A. 1597 Georgius Fugger, Baro de Kirchberg & Weissenhorn, A. 1644 Joannes Georgius Comes a Kœnigseck, A. 1679 Antonius Eusebius Comes a Kœnigseck, A. 1692 Franciscus Maximilianus Comes a Kœnigseck, & denique ab A. 1710 modernus Illustrissimus ac Cellissimus Dominus, Carolus Sigfridus Comes de Kœnigseck in Aulendorff, &c. Heros togatus, singulari in literas literatosque amore non minus, quam reliquis virtutibus, quæ tanto muneri conveniunt, coruscus, & proinde immortalī laude dignissimus.

D. Anton Balthasar Waltheri Juristisch. Historische Betrachtungen über das Leiden und Sterben Jesu Christi, &c.
h. e.

D. ANTONII BALTH. WALTHERI, SERENISSIMO Principi Würtembergo-Oelsnensi a Consiliis Regiminis, Meditationes Juridico-historicæ in passionem & mortem Jesu Christi; in quo Opusculo res hujus historie notatu digniores, prout a quatuor Evangelistis consignatæ fuerunt, ex Jure & Antiquitatibus, cum Romanis, tum Judaicis, illustrantur. Accedit notitia præliminaris de statu Judæorum politico sub regimine Romanorum, una cum duplici Appendice: 1) de vitiis in hoc processu criminali Pilato partim merito, partim sine causa, objectis, 2) de suppositis Actis judicialibus, huc pertinentibus.

Vratislaviæ & Lipsiæ, apud Danielem Pietzsch, 1738, 8.

Alph. 1 plag. 8.

Amplissimus Autor nec ingenium, quod ei politissimum natura dedit, in nobiliori, quam est illud de Servatoris nostri morte, exercere argumento, nec elegantiori libello, quam quem nostris jam versamus manibus, publicum dare specimen doctrinæ suæ, potuit. Non sane crambem hic Lectori bis ac sæpius recoctam apposuit, nec, ex nostra quidem sententia, inter tot viros eruditos, Jureconsultos maxime, qui in illustranda

da Christi patientis historia operam collocarunt, inveniatur ullas, qui vel perspicuitate, vel selectæ doctrinæ copia, vel iudicii acumine, Præclarissimo Autori anteposendus jure videatur. Atque id ipsum luculentis probabimus exemplis, demonstraturi simul, quantam asferre possit utilitatem hoc Opusculum non studiosis modo Jurisprudentiæ, sed iis etiam, qui sacrarum literarum se profitentur cultores. Proinulsidis quasi loco, & antequam ad eum, quem sibi constituerat, scopum accederet Vir laudatissimus, statum Judæorum politicum sub Romanorum imperio strictim carptimque describendum suscepit. Scilicet, cum *Hircanus* & *Aristobulus*, fratres, ex Asmoniorum gente oriundi, post patris *Alexandri Jannæi* obitum de successione in regno Judaico certarent, hæc controversia *Scauro*, qui *Pompeji* præfectus copiis erat, invadendæ Judææ præbebat occasionem. *Aristobulus*, oblata grandi æris summa, efficiebat, ut *Scaurus* ejus faveret consiliis, donec ipse mox *Pompejus* in Judæam veniret, &, splendidissimo munere ab *Aristobulo* frustra ipsi dato, *Hircani* partibus accederet; Hierosolymam templumque occuparet, *Aristobulum* caperet, Pontificatus dignitatem *Hircano* restitueret, urbi tributum imponeret, *Scaurumque* Syriæ pariter ac Judææ præficeret. *Julius Cæsar*, acerrimus quippe *Pompeji* adversarius, *Aristobulum* tuebatur, eumque, duabus tectum legionibus, in Judæam mittebat; at in itinere constitutum veneno interfecerunt *Pompeji* fautores, & filio ejus natu maximo, cui nomen *Alexandri*, *Scipionis* jussu, caput gladio derantum. Alter ejusdem filius, *Antigonus*, Romæ quidem de *Antipatro*, *Herodis M.* parente, qui purpuratorum in *Hircani* aula primarius majus Principe suo imperium sibi arrogaverat, graviter querebatur, sed *Antipater*, ad *Casarem* deductus, cicatrices monstrabat suas, & servitia Romanis exhibita tam vivis repræsentabat coloribus, ut augeret *Cæsar* illius potestatem, civisque Romani jura, & Procuratoris in Judæa dignitatem, ei tribueret. Quo facto Romani in Senatusconsulto, a *Josepho Lib. XIV Cap. 16* servato, Judæos amicos suos ac socios declarabant, quod ipsum fundamentum jecit fortunæ, qua deinceps *Herodes M.* emittit. *Antipater* enim *Cæ-*

saris benevolentiae, & *Hircani* languori, confusus, Judaicae provinciae regimen inter suos distribuebat filios, & *Phasaclum* urbi praeficiebat Hierosolymitanæ, *Herodem* autem, natu minorem filium, in Galilæam ablegabat, ubi, sumto de *Ezechia*, pessimo latrone, supplicio, populi sibi favorem conciliavit. Cunque annis subsequen-
 tibus *Antigonus*, *Aristobuli* filius, Parthorum suffultus praesidio, occupasset templum, & non *Phasaclum* modo, cui, ut ad gerendum regni sceptrum inhabilis redderetur, aures abscindi jussisset, sed ipsum etiam *Hircanum*, cepisset, *Herodes* commigrabat Romanum, & *Aristobulo* juniore, *Hircani* filio, solium communire studens, præter spem ab *Antonio*, qui post *Cæsaris* fatum *Cassium* vicerat, multis ornatus honoribus, regnum ipse accipiebat. Revertebatur igitur in Judæam, Romanoque exercitu urbem Hierosolymitanam oppugnabat, tanto sane successu, ut non urbs modo & templum, multo effuso sanguine, sed *Antigonus* quoque, in manus ejus traderetur, quem deinceps *Antonius* Antiochiae interfecit. Sic, ut Poeta canit, omnia verti cernimus, atque illas gentes assumere robur, has concidere. Nullum nunc erat Asmonæorum imperium, & *Hircanus*, qui *Herodis* parentem in summo dignitatis fastigio collocaverat, qui ipse antea imperantis fulserat insignibus, jam *Herodis* Regis potestati erat subjectus, & prima in Senatu magno sede contentus esse debebat, quæ tamen lætitia (si lætitia potius est, quam dolor,) minus ei fuit diuturna, propterea, quod conjurationis cum *Malcho*, Arabe, suspectus, ab *Herode*, aliquot annis post, e medio tollebatur. Cum deinceps *Augustus*, commisso apud Actium prælio, nobilem retulisset victoriam, *Herodis* maximi, quippe *Antonii* affec-
 tæ, inclinata & prope jacens videbatur fortuna. Sed conferebat se Rhodum ad Imperatorem, & quæ erat ingenii calliditate, coram ipso exhibita *Antonio* pro beneficiis suis officia ostentabat, corona-
 que ad pedes *Augusti* demissa pollicebatur, eadem se in eum fide futurum, si hanc ex manibus ejus reciperet. Ejusmodi imperterriti animi, erectæque indolis, signis pariter atque egregiis, quæ vincere mortalium plerosque solent, muneribus, & Imperatoris, & totius Romani exercitus, gratiam ac favorem
 aucu-

aucupabatur *Herodes*, ita quidem, ut in regni possessione ex voto maneret, & acceptis præter hoc locis, quæ *Cleopatra* suæ donaverat *Antonius*, Procurator quoque in Syria constitueretur, imo paulo post Arabia, quam dono ei *Augustus* dederat, fines suos extensos conspiceret. Ne vero *Herodes* collectam Romanorum gratiam effunderet temere, incredibilem æris summam erogabat, complures in *Augusti* & *Agrippæ* honorem urbes condebat, eidem dedicabat Cæsaream, quæ Turris ante Stratonica vocabatur, ludisque, ad pompam & magnificentiam quam maxime comparatis, Romanorum imitari consuetudinem studebat, quod ipsum tamen ægre ferebant Judæi, a paganorum moribus alieni. Quo major igitur erat, qua Romani eum complectebantur, benevolentia, eo sane acerbius gentis suæ odium in se derivaverat, partim propter summam in Asinonæorum, & suam ipsius, familiam, infantesque Bethlemiticos, crudelitatem, partim ob sublatam majoris Synedrii potestatem, ac membrorum in eo cædem, quibus accedebant causæ aliæ, quarum jam paulo supra mentionem injeciimus. *Herodes* simulata quidem in Judæorum sacra religione, splendidissima templi, bellorum frequentia propemodum destructi, renovatione, manuque, ingravescente annona, liberali & plena, conciliari rursus amorem posse civium, sibi persuaferat, sed nimis altis infixæ radicibus hærebat crudelitatis memoria, ansamque conjurationum dabat, donec morbo tandem decederet *Herodes*, tam molesto gravique, ut sibi ipse cultro violentas inferre manus voluisse dicatur. Ex his, de quibus Amplissimus Autor uberiori sermone exposuit, miræ Judaici regni mutationes facile perspicui possunt, quæ hæ sunt: primo, quod Romani illud quidem suo subjecerint imperio, hac tamen ratione, ut Judæi socii, amici, & confederati Quiritium haberentur, tum, quod jura regia ab Asinonæorum gente ad ignobilem Judæisque incognitam familiam fuerint translata, denique, quod Judæis tributum solvendi necessitas a Romanis sit imposita. Adjecit Vir Clarissimus, præter succinctam de filiis *Herodis* M. notitiâ, (inter quos *Herodes Antipas*, Tetrarcha, non confundi cum parente suo debet,)

Pag. 46 seq.

bet,) plures observationes, ad hæc pertinentes capita, & notatu dignissimas, quas vero, instituti nostri non est, in medium proferri. Convertimur potius ad ipsas in historiam patientis Christi meditationes elegantissimas, profecto, & non minoris utilitatis, quam jucunditatis. *Meditatione IV ad Cap. 26 v. 50 Matth.* duo notat Vir præstantissimus. Dum enim Servator divinus *Judam* amicum suum vocat, magnum ipsi honorem habuit, quoniam ejusmodi compellatio non communi tantum salutationi, sed nominibus etiam eorum, ad quos literas exarabant veteres, adjungi solebat. Longe illud honorificentius erat, si voce hac erga inferiores uterentur superiores, id quod ex multis Imperatorum Rescriptis patet, in quibus cum Magistratus, tum Jctos, quorum summa erat in aula autoritas, amicorum nomine insignitos legimus. Sed & Christus nominatim appellat proditorem suum, quod non minus honoris & amicitiae declarandæ causa apud veteres erat receptum. Illi proinde, qui in Romano imperio munera ambiebant publica, hisce blanditiis favorem populi & vota captabant, servis eam in rem stipati nomenclatoribus, qui in tanta civium multitudine uniuscujusque nomen in aurem dicerent domino. Occurrit quoque ejusmodi consuetudo in materia hæreditatum, & hæredes cum primis honorari dicuntur ideo, quod nomen eorum in testamento sit repertum, *l. 3 §. 2 D. de Legat. præstat. l. 15 D. ad L. Corn. de Fals. &c.* Filius sane, in patria constitutus potestate, vel nominatim hæres scribi, vel nominatim exhæredari, debebat. Imo exhæredatio nominatim facta non tam ignominiosa videbatur, quam præteritio, ceu ex *Ulpiano l. 3. pr. D. de Liber. & posth.* intelligitur. Generatim vero maximi instar opprobrii erat præteritio nominis. Argumentum suppeditant Censores, Senatorum nomina recitantes, qui, si quod prætermitterent, non solum id exstimationis læsio, sed signum quoque certissimum, habebatur, non vocatum Senatorem ex senatu ejectum, nomenque illius in albo Senatorum deletum plane fuisse. Qui delicta commiserant, eorum supprimebantur nomina, nec a quopiam gentis suæ amplius gerebantur, cujus moris vestigia & nostris

nostris temporibus in perduellionis crimine conspiciamus. Quodsi igitur accurate perlustremus patientis Christi historiam, statim observare licet, Phariseos ex odio & invidia Servatorem rarissime nomine suo, tanquam abominando, appellasse; vid. *Matth. XXVI, 61, 65, 66, Luc. XXIII, 2, 18. Meditatione XI ad Pag. 79 seq. Jo. XVIII, 24*, leges neglexisse monetur Judæos, 1) quod Christum, ante causam cognitam, & nondum damnatum, vinxerint, cum alias judicem tale quid facere non deceat, nisi adsint indicia proxima, vel reus crimen factus sit, aut in flagranti delicto fuerit deprehensus, idque non Romanis modo, sed Judaicis etiam, repugnasse Constitutionibus, quippe quæ, dicta demum sententia, in vincula duci reum permiserint; 2) quod vinctus in judicio respondere debuerit Christus, cum & hoc neque cum Romanis, neque Judaicis, legibus conveniat; 3) quod Servator in vinculis fuerit circumactus, qui procedendi modus non sine dedecore fuerit apud Romanos, *l. 10 D. ex quib. caus. major.* Præclara sunt, quæ *Meditatione XIX ad Matth. XXVII, 2, de Pontio Pilato* disseruit doctissimus Autor. Variæ sunt de patria ejus & nomine eruditorum sententiæ, ridiculæ partim, partim a minimo probabilitatis gradu alienæ. *Chytraeus*, eum Germanicæ fuisse originis, asseruit, alii Lugduni Batavorum, alii Glogaviæ in Silesia, natum perhibuerunt, si detestabili viro, qui id sine teste ullo affirmavit, *Jo. Steller*o in *Pilato defenso Cap. I* fidem habere velimus; plurimi vero doctorum, patria Romanum fuisse, contendunt. Nomen ejus a matre *Pila*, & patre, *Ato*, compositum esse, inepte somniat *Aureæ Legendæ* Autor, quem licet scriptorem nominatus modo *Stellerus* cum *Ludovico Vive* ferrei oris, & æneæ frontis, hominem dicat, ipse tamen non minus explodi meretur, dum *Pilati* nomen a pilo, quod armorum apud Romanos genus erat, deducit. *Tiberius* Imperator eum Procuratorem, seu, ut alii volunt, Præsidem, in Judæa constituerat, ubi vero multas excitavit turbas, de quibus *Josephus de Bell. Jud. II, 8, & Antiqu. Jud. XVIII, 4*, evolvi potest. *Philo de Legat. ad Cajum pag. 1034* eum hominem iracundum & ancipitem animi appellat, eidemque objicit venditatas sententias, rapinas, injurias, clades, tor-

menta, crebras cædes indemnatorum, & crudelitatem sævissimam. Quem habuerit *Pilatus* vitæ exitum, tantum sane abest, ut expeditum sit, ut multis commaculata fabulis universa hæc legatur historia. *Joannes Antiochenus* in *Excerptis Peirescianis* pag. 809 commemorat, *Pilatum*, *Hannam*, & *Caipham*, *Neronis* jussu, Romam concessisse, ut de Christo capitis damnato sese defenderent, quo facto dimissum quidem ab Imperatore *Hannam* & *Caipham* sine pœna, *Pilatum* vero in carcerem coniectum, & gladii deinceps affectum supplicio, eam plane ob causam, quod Christum, virum magnum & celebrem, inscio *Nerone*, interficiendum tradiderit. Sed confutavit hanc narrationem *Bæclerus* in *Histor. universali IV primor. Secul. pag. 9*. Alii, quod ad sacra Christianorum transierit, martyrium passum esse *Pilatum*, sibi persuaferunt, quæ fabula natales debet suos Christiano ejusdem nominis Coptico. Plurimi opinantur, *Pilatum* a *Caligula* in exilium missum, in quo, peractis duobus annis, ipse sibi mortem intulerit. Quæ ejus in Judæa fuerit dignitas, non minus disceptatur. *Lactantii* sententia, quod Legati instar Syriam rexerit, arrisit paucissimis. Procuratorem fuisse, non uno argumento probant celeberrimi JCI, *Jac. Cujacius*, *Ge. Frantzkius*, & *Christ. Thomafius*. Ab his omnibus, aliis innixi rationibus, longissime recedunt *Jo. Robertus*, & *Ge. Casp. Kirchmaierus*, qui *Vitembergæ* quondam *de Pontio Pilato* Dissertationem ventilavit, cum pluribus aliis, qui *Pilatum* Præsidem Provinciæ faciunt. In tanto dissentientium numero Ampliss. Autor, pensitato argumentorum pondere, nec ordinarium Provinciæ Præsidem, nec solum Procuratorem, vocat *Pilatum*, sed eum potius Procuratorem fuisse Syriæ, & in Judæa Procuratoris cum Præsidis potestate conjunctum gessisse munus, existimat, idque infra

Pag. 158 seq. pag. 279 uberiori sermone evincit. *Meditatione XXV ad Jo. XVIII, 31*, de jurisdictione Judæorum, tempore Servatoris, cruci affixi, docte exponitur. *Augustinus*, *Baronius*, *Goodwinus*, alique, affirmant, habuisse quidem Judæos superiorem, quam vocant, jurisdictionem, sed tum, instante Paschatos festo, (cujus etiam causa in locum juri dicundo destinatum non abie-

abierunt,) uti eadem haud potuisse. Quid vero? Nonne, mo-
nente id Autore Clarissimo, Judæi sine exceptione ulla faten-
tur: *nobis hominis interficiendi potestas non competit.* Et sa-
ne, si merum iis concessum fuisset imperium, sine dubio vel
longe ante festum, vel peracto demum eodem, Processum
hunc Criminalem instituissent, ne per traditionem Christi in
Pilati manus suo renuntiare juri viderentur. Quid? quod Ju-
dæorum ipsi quidam scriptores, *Zach. Hubero* teste, disertis re-
ferant verbis, blasphemix reos, cujus & Christus accusatus,
festo Paschatos ultimo affectos esse supplicio, ut eo major ho-
minum turba conflueret. Plane singularis est *Edmundi Mc-*
rillii in *Notis ad h. l.* conjectura, vocem ἀποκτείναι de
cruce tantum esse intelligendam, qua significare voluisse pu-
tat Judæos, Christum jam dudum mortis suæ genus indicasse,
sed, cum alia in blasphemiam pœna apud eos sit statuta, cru-
cis supplicium de eo sumi non posse, quanquam alias jure gla-
dii non sint destituti. Verum enim vero tanti momenti ratio-
nes opposuit Autor, ut ipsum forte *Merillium*, si in erudito-
rum redire posset rempublicam, jam suæ pœniteret senten-
tiæ. Aliter judicat *Jac. Guthrius* in egregio de *Officiis Au-*
gusta Domus opere, & Judæorum mentem ita interpretatur:
Nos interficere debemus neminem, præsentem *Pilato*, Provinciæ
Procuratore, & Christo, præter blasphemiam, læsæ quoque ma-
jestatis criminis postulato. Nec id vero placet Amplissimo
Walthero, qui concedit quidem, Judæis eam ob causam, quod *Pi-*
latus summum habuerit imperium, nullam, ad mortem, damnan-
di quemquam, potestatem fuisse; sed, absente Procuratore supe-
riorem iis competiisse jurisdictionem, ex Jure Romanorum pu-
blico recte negat. Quodsi enim, inquit, hæc ad neminem per-
tineat, nisi lege, vel constitutione speciali sit concessa, *l. 1. D.*
de Offic. ejus, cui mandata jurisd. quo titulo Judæi, vel ab-
sente, vel mortuo, Procuratore, tantum sibi sine lege, sine con-
stitutione ulla, sumere potuissent? Præter mortis autem casum
Jure Romano nullum existere monstrat alium, ex quo pro-
bari queat, tam diu abfuisse a provincia Procuratorem, ut Sena-
tus interea Municipalis criminale constituerit judicium. Pro-

curator enim sub pœna Legis Juliæ Majestatis integra nocte abesse vetabatur, *l. 15 D. de Offic. Pras. Nov. 95*, nec ei ex provincia recedere licebat, donec advenisset successor, *l. 12 D. de Offic. Procons. l. 12 D. de Offic. Pras. Aug.* Tam ad nonnulla *Gutherii* argumenta respondet Autor, & succincte opponit alia, quæ sententiæ ejus, sub Procuratorum regimine nihil superfluisse meri imperii Judæis, fidem roburque concilient. In promptu nobis erant plura elegantiora docti libelli capita: de candida Christi veste; de ritu Judæorum, dimittendi reos festo Paschato; de ortu & progressu Constitutionis Romanæ, quæ uxores habere secum, vel interficere, Magistratibus provincialibus non permisit; de more lavandi manus, innocentiae signo; de cruribus mortuorum delinquentium suffringi solitis; & de quæstionibus illis: an crucis supplicium apud Judæos fuerit usitatum, & quo jure *Pilatus* Christum sepeliri passus sit; sed, ne in amplum nimis excurramus campum, præstat, de his omnibus tacere, quam pauca dicere. Satis ex his specimenibus cognoscitur doctrina Autoris Præclarissimi, quem in posterum aliis quoque ejusdem pretii scriptis hos nostros Annales esse ornaturum, non tam speramus, quam plane confidimus.

**D. JOANNIS ERNESTI HEBENSTREIT, ANAT.
& Chir. in Acad. Lips. Prof. Publ. Ord. Acad. Imp. Na-
tur. Curios. Sodalis, de Usu partium Carmen, seu Physio-
logia metrica, ad modum Titi Lucretii Cari, in gra-
tiam Auditorum, concinnata.**

Lipsiæ, apud Jo. Christian. Langenhemium, 1739, 8 maj.
Plag. 8.

Etiam nostra ætate fuerunt docti quidam homines, qui, ad exponendas disciplinas liberales perperam adhiberi Poesin, ipsumque adeo *Lucretium* probabilem futurum fuisse Physicum, modo non carmine philosophatus esset, aut vicissim, modo non de natura rerum disputasset, versus componendi gloria non parum præstiturum fuisse, sibi persuaderent. At hi ipsi tum aliis veteris recentiorisque ævi exemplis, tum ipsa hac,

hac, quam nunc collaudandam suscepimus, Cel. *Hebenstreitii*, Collegæ nostri omnium amore dignissimi, Physiologia metrica, satis refelluntur, qua omnem de usu partium corporis humani doctrinam tam apte, clare, & concinne, versibus hexametris edisserit, simul vero tam scite ad artis poeticæ leges exigit, & tam pulchre ingenii luminibus distinguit, ut lectio libelli maximam animi voluptatem afferat. Meminerint tantum illi, aliud atque aliud carminis genus alijs atque alijs ornamentis opus habere, nec, quæ epico carmini conveniunt, in carmen dogmaticum cadere, aut, quæ Oden commendant, Satyram quoque decere. *Lucretium*, quod vel ex libelli inscriptione patet, imitatur Cel. *Hebenstreitius*, sed re vera superat, non rerum tantum præstantia, & scientiæ naturalis divitijs, sed ipsius quoque carminis pulchritudine, quod cum omnibus alijs veterum, de simili argumento compositis, ordine, perspicuitate, facilitate, elegantia, decore, suavitate, & concinnitate, cunctisque illis ornamentis, quæ artis poeticæ præceptiones requirunt, facile certat. Ita vero Cel. Autor in toto Opere procedit, ut cum partes ipsas accurate describat, tum earum functiones docte explanet, interdum quoque, ubi notabili dissensu inter se doctores hujus scientiæ divelluntur, varias sententias in medium adducat. Et idoneus admodum prælectionibus Academicis videtur hic libellus, ut singula fusiori sermone deduci, explicari, rationibusque & experimentis confirmari, queant. Opus suum præstantissimus Autor in *Capita* divisit, singulorumque *Capitum* versus numeravit, locos *παράλληλους* ex *Lucretio* præcipue, interdum quoque ex alijs Poetis Latinis, textui subjecit, atque in calce demum Indicem rerum præcipuarum instruxit. Initio Carminis, quod *de Physiologia in genere* agit, totam velut ejus summam exponit, & omne argumentum, de quo dicere instituit, complectitur. Hinc *Capite I, de ortu humano*, ad conceptionem, nutritionem, partumque foetus describendum convertitur. *Cap. II, de homine nato*, ea, quæ infanti post partum accidunt, lactationem, item nutritionem, & incrementa, exponit, dataque hac occasione varias variarum ætatum mutationes vicissitudinesque naturales describit. *Cap. III, de*

actione organorum in alimenta, sitim, famem, masticationem, deglutationem, actionem ventriculi in alimenta, functionem pancreatis, hepatis, lienis, omenti, intestinorum, transitum chyli per vasa lactea, & ductum thoracicum ad sanguinem, excretionemque fecum alvinarum, explicat. Cap. IV circuitum sanguinis, actionemque cordis, Cap. V actionem pulmonum, atque hinc omnem respirationis rationem, explanat. Cap. VI, de circuitu sanguinis, mirificam vasorum sanguiferorum structuram, & per omne corpus distributionem, sanguinisque in illis ad quascunque, minimas etiam, corporis partes itum reditumque, neque minus cruoris ex chylo ortum, quem sanguificationem vocant, vasa etiam lymphatica, & omnem nutritionis rationem, evolvit. Cap. VII, de actione cerebri & nervorum, tum has partes, earumque usum, tum fluidum nerveum, vasa lymphatica, glandulas, eorumque omnium officia, pertractat. Cap. VIII, de secretionum humorum, præcipue de sanguinis menstrui, urinæ, transpiratione, & sudore, disquirat. Cap. IX, de operatione mentis, quinque sensus externos decantat. Cap. X, de sensibus internis, vires facultatesque mentis, quatuor temperamenta, animi affectus, eorumque indicia externa, & loquelam, persequitur. Capite demum XI de motu, eademque occasione de ossibus generatim, & de his, quæ nondum alio loco descripta fuerant, speciatim, posthæc de motu in genere, & de iis musculis in specie, quorum non antea facta erat mentio, ad extremum de somno, exponit. Quæ superius de carminis pulchritudine diximus, ea vel ex aliqua ejus parte satis intelligentur, ut exinde facilius de toto Opere existimare possint Lectores. Dabimus itaque, nullo selectu habito, ea ex doctrina de visu speciminis loco, quæ ad tunicas humoresque oculi, & ipsam visionis rationem, pertinent:

CAP. IX
pag. 98 seq.

*Tendo tenet bulbum, circumque locatur eundem,
Hinc albugineæ tunica celebratur origo.
Densa subest illi sclerotica, cornea dicta,
Anteriore loco, quo pellucente foramen
Effingit tunica; subtensa Ruyschia bulbum
Succingit, choroides ei subtenditur, illa*

Pupil-

*Pupillam facit & fibris fit mobilis iris.
Hac radios lucis patefacta foramine quodam
Accipit, atque ligamento, ciliare vocato,
Efficit, ut lenti coalescat vitreus humor.
Mobilis est iris, quae fulgida lumina motu
Dirigit, & strictam pupillam tendine fulcit
Et referat, lucis fuerit si parciore usus,
Uvea quam circum choroidis germina flectit.
Circulus est illi quidam de tendine factus,
Ex vasis alius. Choroidis denique quadam
Lamina pigmento spissa nigredine tincto
Circumducta subest; bulbo facit illa colores.
Retina subsequitur, qua vitreus humor ubique
Cingitur; hanc praestant tenuissima nervea vasa.
Humor inest oculo varius, tunicisque tenetur.
Est aqueus quidam meliori sanguine natus,
Fomite perpetuo stillans, quem parvula vasa
In cameras plorant oculi, bulbumque rotundum
Efficiunt, lentemque rigant; his iris in undis
Fluctuat, haec veniunt propriis ex fontibus intus.
Uvea perpetuos latices e sanguine stillat,
Diversisque viis repetit; circumfluus humor
Surgit, & absorptus per vasa renascitur idem,
Fitque novus; nam circuitum celebrare putatur.
Lens fluor est clausus crystallina, limpida vasa
Intertexta sibi tenet; haec, plenissima luce,
Corpore convexo coeunt, crystallina theca
Includit lentem, quam vitreus excipit humor,
Amplexuque fovet. Claris pellucidus undis
Vitreus efficitur circumductaque locatus
Membrana, vasis unus fit millibus humor.
Exit ab objecto rebus conformis imago,
Seu propriam fundant rutilantia corpora lucem,
Sive superficiem peregrini luminis usus
Depingat radiis, faciatve reflexa colores
Lux oculis veros alios & imaginis umbra*

*Prægnantes, alios simulato lumine falsos,
 Quales iris habet vel pennis picta palumbes.
 Hos a corporibus missos pellucidus æther
 Diffundit late, qua cornea pervia lucem
 Suscipit, & triplices, pupilla ductilis usu,
 Humores oculi radiis lucentibus implet.
 Retina, nervifluis vasis & sanguine turgens,
 Distinctis rerum formis depingitur intus,
 Inde tremuit, cerebroque facit de lumine sensum,
 Corpora mensuris, numeris propiusve proculve
 Stantia designat, desiderat inde vel odit
 Res animus, formans visis meditamina rebus.*

ELEMENS DES MATHEMATIQUES, &c.

h. e.

*ELEMENTA MATHÉSEOS, QUÆ CONTI-
 nent Geometriæ, Arithmeticæ, Algebrae, & Analyseos,
 rudimenta; Autore P. DUCLOS, Soc. Jesh. Math.
 Profess. in Collegio Lugdunensi, & Academiæ
 Artium Socio.*

Lugduni, apud Claudium Perrot, 1737, 8.

Alph. 1 plag. 4, Tabb. æn. 5.

Quæ ætatis nostræ felicitas est, an infelicitas, nihil hodie Ele-
 mentis Mathematicis frequentius. Unus enim quisque
 fere, cui Matheseos docendæ provincia demandata est, profe-
 ctibus Auditorum suorum egregie consultum iri existimat, si
 ab *Euclidæa* prolixitate abstrahantur, medulla tamen Geome-
 triæ, cum Analyseos vel Algebrae principiis conjuncta, ipsis
 exhibeatur, quam fieri possit brevissime, methodoque maxi-
 me naturali. Cumque plures jam viri præstantes ejusmodi
 Epitomas in lucem emisserint; sæpiusculum tamen accidit, ut alii
 pro genio Auditorum suorum rem adhuc melius confici posse
 sibi persuadeant, novaque eorum usibus Elementa accommo-
 dent. Ea quoque causa fuit, cur Rev. Autor hæc sua Elementa
 publicare in animum induxerit, in quibus, ut verum fatea-
 mur,

mur, nec ordinem, nec claritatem, desideres. Nullique dubitamus, ex eorum lectione eos intra breve temporis spatium plurimum profecturos, qui ad Mathesin accedunt, incensumque iri ad altiora investiganda. Exhibentur hic scilicet principia Geometriæ, & cum demonstrationum brevitatem talis rigor conjungitur, qualem quidem ferre possunt discipuli. Arithmetica speciosa cum numerosa connectitur, uti fieri oportet. In Algebra, quicquid ad tractandas æquationes spectat, enucleatur, & illustratur. Ultra æquationes tamen secundi gradus non ascenditur. Problemata Geometrica, per Analysin hodiernam soluta, comparent, elicitis quoque eorum constructionibus ex calculo analytico. Quæ cum ita sint, nullum est dubium, quin hæc Elementa inter ea, quæ sunt melioris notæ, connumerari possint. Ne tamen *Euclides* ipse ex memoria Auditorum suorum deleatur, (id quod sæpiissime accidere intelligimus, ex quo Elementorum conscribendorum mos invaluit,) in margine annotavit Autor, quæ propositiones *Euclidæ* suis respondeant.

CHRISTIANI BREITHAUPTI, PROF. LOG. ET
*Metaphys. Pub. Ord. Ars deciffratoria, sive scientia
 occultas scripturas solvendi & legendi. Præmissa est
 Disquisitio historica, de variis modis occulte scribendi,
 tam apud veteres, quam recentiores, usitatis.*

Helmsladii, apud Christ. Frider. Weygand, 1737, 8.

Plag. 13.

Qui Commentationem præsentem, ante decem hos annos a doctissimo Autore promissam, avide expectarunt, horum spei nunc tandem, ea in lucem edita, egregiisque ejus dotibus, docendi fide, perspicuitate, ordine, & dictionis elegantia, satis esse factum, nulli plane dubitamus. Quamvis enim multa ipsum ab hoc labore absterrere valuissent, tum quod huc usque non solum juvenes splendido loco natos, sed viros etiam in amplissimis jam dignitatibus constitutos, intra sindonem in hac arte non sine magno lucro instituit, quo se post publicatum artificium cariturum esse,

esse, facile videt, tum quod illi, qui hæc quondam edocti fuerunt, viliori nunc pretio absconditam ante scientiam omnibus propalari, ægrius aliquantum ferent; movit tamen eum ad edendum Opus ipsorum quorundam auditorum incuria, qui, promissam silentii fidem non servantes, quælibet, quæ sub conditione taciturnitatis iis tradita ad describendum fuerunt, ita inter familiares suos disseminarunt, ut nunc præcepta Autoris tanquam schedæ dissolutæ huc atque illuc circumvolitent, & timere ipse habeat, ne, si manum huic rei admove-
 porro cesset, reperiatur alius, qui observationes eas in publicam lucem producat. Accedebat & hoc, quod, cum non omnia, quæ hoc Opusculo continentur, ex se nata esse, sed plurima ejusmodi Autoribus, quorum opera aut plane nondum impressa fuerunt, aut exempla non amplius exstant, aut difficulter habentur, deberi, agnosceret, licet ea, magno & indefesso studio collecta, in meliorem ordinem redegerit, invidi atque inhumani animi esse putarit, ea pro rebus abstrusissimis & nemini cognitis venditare, atque occultatione morosa scrutatores rerum curiosarum ab earum cognitione prohibere. Sissit vero in præsentī velut quoddam tantum speciem artis decifratōræ, qua illud occultarum scripturarum genus, quod vel per commutationem literarum vulgaris formæ, vel literas diversæ admodum ac novæ figuræ, quales sunt characteres arithmetici, chemici, astronomici, & id genus alii, scriptum fuit, solvi intelligique possit. Restant vero innumerabiles occulte scribendi modi, nulli arti, nullique ingenii humani solertiæ, pervii, nec a quopiam nisi clavis artificii conscio solubiles, quos si quis artis decifratōræ beneficio enodare omnes atque explicare sustineret, næ is vanam atque irritam suscepturus esset operam. Quamvis & illud Cl. Autor contendat, inter mille occulte scribendi modos, quibus dissolvendis neminem fore parem nostra ætate creditur, vix unum vel alterum ejus generis occurrere, id quod exemplis aliquot declarat. Primo igitur loco exstat Disquisitio historica atque critica, de variis modis occulte scribendi, tam apud veteres, quam recentiores, usitatis, olim jam edita, de cujus & nos argumento videamus.

mus. Quamvis origo literarum & scribendi, ratione & auto- 6. 1.
 ris & temporis, ignoretur, inventis tamen literis in hoc etiam
 omni cura elaboratum fuit, ut occultum quoddam scripturæ
 genus, sublimioribus doctrinæ capitibus, aut aliis quibusvis ar-
 canis celandis, idoneum, excogitaretur. Qui labor tam feliciter 2.
 etiam cessit, ut omnis fere ævi memoria testetur, plerisque
 gentibus peculiares suos describendi modos fuisse. Ex antiquio-
 ribus magna & præcipua hanc ob causam Ægyptiorum est ce-
 lebritas. Primus illorum occulte scribendi modus, partim
 ex certis sententiis & argutis symbolis, partim ex historicis fi-
 ctionibus, secretiori docendi methodo accommodatis, alter
 partim ex vulgaribus literis, partim ex symbolicis, compo-
 situs erat. Tertium vero occultarum literarum genus voca-
 batur sacrum, quo sublimia quævis de Deo, spiritibus, mun-
 do, homine, aliisque naturæ secretis, mysteria, symbolis ex-
 pressa, obeliscis, pyramidibus, templorum valvis, exedris,
 aris, tabulis, ad illa æternitati commendanda, insculpebant, unde
 postea hieroglyphicorum nomen acceperunt. Quæ hierogly-
 phica scriptura duplex erat, altera *κυριολογική*, quando quæli-
 bet res propria imagine exprimebatur, altera *συμβολική*, quan-
 do similium imagine mentis cogitata adumbrabant, quæ po-
 sterior huc potissimum pertinet. Ab Ægyptiis ad omnes to- 3.
 tius fere orbis populos hæc per symbola mentem occultandi
 ratio, si *Clementi Alexandrino* fides est habenda, dimanavit.
 Veteres Judæos symbolis impense fuisse deditos, ex *Philone*
 atque Cabala confirmatur, multaque etiam Alphabeti secretio-
 ris atque scripturæ occultioris vestigia hinc inde exstant. Apud 4.
 Græcos duo illi celeberrimi Philosophi, *Pythagoras*, cujus ad-
 huc celebrantur symbola, atque *Plato*, omnium primi, litera-
 turam hieroglyphicam ex Ægypto in Græciam intulerunt. Ha-
 bebant & Græci suos *ταχυγράφες*, & *συμειογράφες*, quo-
 rum erat, præter scribendi compendium, res etiam scribendas
 ignotis characteribus involvere. Frequenti apud Lacones in
 usu erat Scytala illa, cujus rationem tantum non omnes postea
 probaverunt, ut de aliis apud Græcos occulte scribendi modis
 taceamus. Romanis non ante ea ars cognita fuisse videtur, quam 5.

- Tiro*, *Ciceronis* libertus, ipso *Tullio* autore, notas quasdam *ταχυγραφίας* potissimum causa primum adhiberet, quarum numerus ultra quinquaginta fere millia augebatur, ut in literatas ea & illiteratas dividerentur, & qui iis utebantur, hinc notarii cognominarentur. Habuerunt & *Julius Caesar* atque *Augustus* suas occulte scribendi rationes. Imo & veteres Christiani suos habuerunt notarios, quorum etsi præcipuum munus erat, Episcoporum, reliquorumque doctorum, conciones, vel alios sermones, calamo excipere, minime tamen dubitat Noster, quin illorum etiam opera ad negotia gravioris momenti occultanda, ne profanis mentibus innotescerent, adhibita fuerit. Imo exemplum Steganographiæ ipsi esse videntur obscurissimæ illæ atque horrifonæ prorsus veterum *Basilidianorum* voces, de quarum arcano sensu ne hodie quidem inter eruditos convenit. Saltem decantatissimum illud *Abracadabra* non ex meris tantum literis, nihil significantibus, constare, sed integras voces arcanum quendam sensum, quicumque is fuerit, in se continere, arbitrat. Apud Germanos veteres, ut refert *Tacitus*, surculis ad edendas sortes amputatis, certæ quædam notæ, quibus a se invicem distinguerentur, fuerunt inscriptæ, & deinde soli sacerdotes, hoc est, nostro loquendi more, eruditi, & patresfamilias, scientiam illas interpretandi habuerunt. Ex quibus Noster concludit, notas has non vulgares fuisse literas, sed peculiare quoddam obscurissimorum signorum genus, ad res gravioris momenti occultandas accommodatum. *Carolus* quoque *Magnum* studium cryptographicum in deliciis habuisse, multumque in eo consumsisse temporis, muki, & imprimis *Tritheimius*, memorant. In *Osfride* tamen, Monacho *Weissenburgensi*, ad quem *Tritheimius* provocat, nihil ejus rei Autor invenit. Normanni etiam, a literarum studiis ceteroquin alieni, impetu in Galliam facto, Gallorum vero viribus nondum adeo prostratis, ut inter hos sine metu secure vivere liceret, clandestinis literis, ne consilia sua proderentur, inter se agere cœperunt, Græcis literis loco Latinarum usi, sed non ita, ut eadem litera Græca Latinæ responderet, sed alio singulari modo, pluribus hic indicato. Cimbri atque Dani literas invenerunt
- Runi-

Runicas, quæ mysticæ etiam atque occultæ appellantur. Post *Caroli M.* tempora inter Germanos *Rudolphus* Imperator singulare arcanum, occulte scribendi, excogitasse fertur. Neque Scholastici etiam cryptographiæ ignari prorsus fuisse videntur, quod ex ipsorum *Barbara*, *Celarent*, &c. patet. Omnibus vero, qui ex Germanis inde a *Carolo M.* de studiis Steganographicis præclare meruerunt, palmam secisse dubiam videtur *Jo. Trithemius*, qui se genio quodam ad eam rem suscipiendam excitatum fuisse asseverat, duoque Opera condidit, Steganographiam nempe, septem Libris constantem, quorum quatuor priores, mirificis artibus, secundum pollicitationes ipsius Autoris, in quadam ad *Joannem Bostium*, Ordinis Carmelitani Monachum epistola, referti, temporum injuria perierunt, reliqui vero tres hodieque supersunt, nihil aliud, quam varios & diversos occulte scribendi modos, continentes; & Polygraphiam, in sex Libros minores divisam, cujus argumentum a Steganographiâ non est diversum, sed alio tantum ordine tractatum. *Trithemius*, pro genio illius Seculi, ob hæc, quæ jactitabat, mysteria, præcipue, quod, ad ea magis obscuranda, variis spirituum ac dæmonum nominibus usus esset, non solum ipse apud multos magiæ suspicionem incurrit, sed *αὐτορροπία* etiam librorum Steganographiæ id accidit, ut jussu Electoris Palatini *Friderici II* flammis addiceretur. Ipse autem nefandij hujus sceleris suspicionem gravissima detestatione a se amolitur, tum vero alios habuit famæ vindices, & *Gustavum* præcipue *Selenium*, qui hanc labem a nomine *Trithemiano* absterferunt. Recentiori ætate quidam *Trithemium* emendarunt, atque obscure ab ipso dicta illustrarunt, inter quos principatum merito tenet *Gustavus Selenus*, sive Sereniss. Dux Brunsvicensis & Luneburgensis, *Augustus*, in Cryptographia sua, sub initium Seculi proxime elapsi typis exscripta, quæ novem Libris constat, & unguis admosos sapit. Alii meliora artificia, saltem *Trithemianis* non inferiora, reperire laborarunt, ex quibus *Cardanus* abjectissime de *Trithemio* judicat, quæ vero ab ipso excogitata essent, reliquis omnibus longissime antecire, sibi ex arroganti & stulto fastu persuasit, variasque Cryptographiæ ra-

- tiones proposuit, sed vel jejunas, frigidasque, & ineptas, vel adeo obscuras, ut nemo eas intellectu & mentis acumine assequatur. Posthæc *Athanasius Kircherus*, suasu inprimis Illustriss. Comitis de *Martiniz* eo tempore Proregis Regni *Bohemiæ*, magnique literatorum Mæcenatis, in id incubuit, ut arcana illa, quæ *Trithemius* in Epistola ad *Joannem Bostium* pollicitatus quidem erat, sed, sinistra metuens eruditorum judicia, ipse etiam suppresserat, pervestigaret atque detegeret, quibus artificiiis inventis & ipse *Caspar Schottus* mirum quantum gloria-
14. tur. Denique & hic ipse & *Caspar Schottus* in *Magia cryptographica*, *Jo. Baptista Porta* in *Magia naturali*, *Daniel Swenterus*, sub ficto nomine *Jani Herculis de Sunde*, in *Steganologia* & *Steganographia nova*, & *Joannes Balthasar Friderici* in *Cryptographia*, artem hanc magis amplificare contenderunt. Anglorum *Cryptographiam* Noster non attingit, quoniam horum libri ipsi non ad manus fuerunt. Absoluta igitur *Cryptographiæ* historia, ad ipsam denique, quam hoc Opusculo pandere & explicare instituit, artem decifratoriam progreditur, ita, ut *Cap. I* originem, fata, & præcipuos ejus cultores, commemoret.
9. 1. Artis autem decifratoriæ nomine intelligit scientiam, quæ rationem, scripturam occultam, sive abstrusis characteribus, sive cifris, aliisque obscuris signis, involuta fuerit, vel quodcumque aliud antiquum monumentum, perobscuris & obsoletis literarum ductibus refertum, solvendi legendique explicat.
2. Quamvis autem nonnulli artis hujus inventæ gloriam ad Prophetam *Danielem* tanquam primum autorem referunt, quod solus ille reconditæ scripturæ, qua Deus *Babyloniorum* Regi *Belsazari* interitum prænuntiavit, legendæ interpretandæque par fuerit; temere tamen hoc artis præceptis effectum esse dicitur, cum potius vates, divino collustratus lumine, id ope immediatæ cujusdam revelationis præstituisse videatur. Longius autem illorum Criticorum procedit audacia seu temeritas, qui figuras ipsas literarum determinare e sacris literis conantur.
3. In *Ægyptiorum*, *Græcorum*, *Romanorumque*, historia vix artis ejus vestigia exstant.
4. Medio etiam ævo prorsus ignota & neglecta fuisse videtur.
5. Recentiori autem ætate a celeberrimis viris

viris magis exulta fuit, & ab iis ipsis præcipue, qui & Cryptographiæ operam aliquam navarunt, ex quibus inter Germanos nominatim hic *Daniel Siverterus*, *Caspar Schottus*, *Gustavus Selenus*, *Athanasius Kircherus*, *Ludovicus Henrius Hillerus*, & *Ludov. Ernestus Neuburgius*, cujus eximiam in hac arte peritiam Epistola Rev. Abbatis Loccumensis, *Bæhmcri*, in fine hujus Opusculi subnexa, pluribus prædicat, inter Anglos *Joannes Wallisius*, inter Italos *Anton. Maria Caspi*, & demum novissime inter Germanos *Nic. Seelanderus*, & Medicus quidam adhuc ignotus, laudantur. Mancam tamen & imperfectam esse hanc Historiæ literariæ particulam, Noster fatetur, quod ars ea a majoribus tam parum exulta, neque ejus utilitas perspecta fuerit. *Cap. II* requisita ad artem decifratoriam feliciter exercendam necessaria generatim proponit, ubi quidem ingenium ad hoc negotium idoneum, linguarum, imprimis Grammaticæ, notitiam, patientiamque, postulat, ac præterea in conditionem, nomen, & mores scriptoris, aliasque circumstantias, diligenter inquirendum, nec minus temporis rationem habendam, scripturæ autem nimis brevi operam nulla ratione dandam, regulas quoque non separatim, sed omnes simul & conjunctim, sumendas, & denique exercitationis assiduitatem adjungendam esse, inculcat. *Caput III* de fundamentis & regulis ejus artis agit, & scripturam occultam investigaturo ad duo potissimum monet attendendum esse, literarum scilicet frequentiam, & illarum, quem inter se habent, nexum, & ratione frequentiarum quidem in omnibus linguis frequentiores esse vocales consonantibus; ratione nexus autem generatim geminatas esse consonantes, quas præcedat vocalis & sequatur, paucis exceptis, in quibus res aliter se habeat. Quibus præmissis, singulares quasdam regulas de linguis hodieque usitatis, nimirum Germanica, Latina, Italica, Hispanica, Gallica, Anglicana, denique & Græca, exponit. Criteriâ autem, ex quibus, scripturam aliquam lingua Germanica consignatam esse, dignosci queat, constituit 1) raritatem vocum, quæ ex una litera constant, 2) frequentiam geminarum, præcipue in fine vocum, 3) frequentem recursum in vocibus prolixioribus, & denique 4) viginti quatuor di-

versos

§. 6.

7.

8. 9.

10.

11.

12.

CAP. II

§. 2, 3.

4.

5.

6.

7.

8.

9.

CAP. III.

§. 1.

2.

3.

4-10.

12-17. 19-21.

23-39.

41-43.

II.

- §. 18. versos characteres. Inter criteria Latinæ linguæ refert 1) raritatem duplicatarum, 2) frequentiam vocum, tres literas tantum habentium, & 3) viginti duo diversa alphabeti signa.
22. Criteriis linguæ Italicæ assignat 1) nimiam duplicatarum frequentiam, 2) longiora vocabula, 3) viginti diversas alphabeti notas.
29. Linguæ Hispanicæ criteria esse dicuntur 1) voces prolixiores, 2) copia duplicatarum literarum mediocris, 3) viginti sex diversa alphabeti signa.
34. Inter criteria linguæ Gallicæ numerantur 1) frequentia vocum, quæ unam, duas, tres, vel quatuor, habent literas, 2) e frequenter finale, 3) viginti tres diversi characteres.
40. Linguæ Anglicanæ criteriis adscribuntur 1) viginti quatuor diversi characteres, 2) finales duplicatæ, 3) paucitas vocum, quæ ex una tantum litera constant. Linguæ
44. Græcæ criteria ponuntur in frequentia trium aut quatuor, vocalium, in una voce se immediate sequentium, 2) in multitudine vocum, unam, duas, vel tres, literas tantum habentium, & 3) viginti quatuor diversis literarum figuris.
- CAP. IV. *Capite IV* modum occultam scripturam investigandi solvendique docturus, §. 1. proposito ejusmodi scripturæ exemplo, per singulas partes declarat, qua ratione lingua, in qua consignata fuerit, investigari, 2. quo pacto vocales detegi, qua ratione consonantes perquiri, 4. & quæ alia observari, debeant.
- CAP. V. *Capite denique V* de usu hujus artis diplomatico & critico exponit, qui etsi nostra ætate ob nimis perplexam occulte scribendi rationem, nunc usitatam, quodammodo cessare videatur, multa tamen ab hac arte 2. supersunt commodâ, in historicis monumentis, medii inprimis ævi, recte intelligendis atque illustrandis. Exempli loco hic ex Codice pervetusto Bibliothecæ Augustissimæ Imperatoris perobscura & perplexa scriptura repetitur, quam *Lambecius* nulla ratione intelligere potuit, Noster autem explanat; neque minus initium Diplomatis Imperatoris *Henrici III*, & 3. Bullæ item papalis *Sixti II*, P. R. cujus utriusque literæ majusculæ fere omnes, qua figuram, sibi similes esse videntur, verus tamen sensus Nostro eruitur. Denique proponit quæstionem, 4. beneficione artis deciftratoræ lingua etiam prorsus ignota & peregrina legi ac detegi queat, idque negotium sibi non plane videri

videri ἀδύνατον respondet, modo lingua hæc ignota cum linguis jam notis multa habeat communia. Ad extremum, exercitationis causa, aliquot occultarum scripturarum exempla, characteribus, literis item Latinis, Germanicis, Græcis, Hebræis, mixtis quoque characteribus, literis, & numeris, contexta, subjungit, quibus res quædam arcanæ, eademque curiosissimæ, continentur, quæ, si veræ essent, efficere sane, ne operæ horum solutioni impensæ quemquam pœniteret. Docent enim super aqua ambulare; longitudinem maris invenire; e ferro, quod in metalli fodinis silvæ Herciniæ reperitur, aurum, in eo latens, magno cum lucro extrahere; plantas in typum futuræ mortuorum resurrectionis resuscitare. Quorum itaque, hæc explorare, interest, huc accedant, & in solvendis iis ingenii industriæque nervos contendant, ac, detecta clave, id, præter lucrum, quod inde expectare licet, præmii loco ferant, ut non tam Oedipi nobis, quam magni Apollines, videantur. Ipse autem Cl. Autor illa, quorum nunc se primas veluti lineas duxisse ait, accuratius aliquando expendet, editisque Supplementis ad suam maturitatem perducet. §. 5.

D. JO. ANDREÆ DE ASTESATIS, BRIXIANI,
*Benedictino-Cassinensis, Epistola, in qua annus decimus
 septimus supra octingentesimum Bernardi, Regis Italiæ,
 emortualis ostenditur, & aliæ Lotharii Imperatoris ac
 Ludovici junioris, ejus filii, a vulgatis noviter ob-
 servatæ Epochæ exhibentur.*

Mediolani, uti conjectamus, 1733, 4.

Plag. 6½.

Venerandus Autor Epistolæ subjecit hæc verba: *Mediolani, ex adibus S. Simpliciani, prid. Id. Januarii A. 1733.* Ex ea lacinia annum locumque impressionis divinavimus, siquidem prima libri pagina utrumque momentum prætermittit. Typographus Lectorem in limine statim docet, sibi forte fortuna hanc Epistolam oblatam fuisse, dignam utique, quæ edatur. Autor ipse videtur hoc pacto cessisse dissidentium invidiæ.

X x x x

No-

Nomen ejus de reliquo est celeberrimum, quippe qui publicæ jam luci donavit *Opusculum Evangelistæ Manbelmi de obsidione Brixie*, commentariis suis atque annotationibus apprime exornatum, ediditque artis criticæ specimen singulare, cujus ope tenebras obscuriorum temporum dispulit, restituta Diplomatum serie & Chronologiæ ratione. Posthæc nonnulla objecit Anonymo Autori *Dissertationis de Italia mediæ ævi*, quæ A. 1729 cum responsis ejusdem Anonymi recusa fuerunt Mediolani. Hæc vero Epistola est instar corollarii ad annotata in *Dissertatione de Italia ævi mediæ*. Controversus fuit huc usque inter eruditos verus *Bernardi*, Regis Italiæ, annus emortualis, quem hic fuisse inventum & confirmatum lætamur. Patescunt ita simul nonnulla, ad Epocham *Lotharii* Imperatoris ac *Ludovici* junioris spectantia. Hæc ad notitiam libri externam. Videamus nunc, quid Musæ intra velum recondiderint, postquam Italiæ gratulati fuerimus, quod ibi liceat Theologis quoque excolere & perquirere historiam patriæ, quæ libertas haud ita pridem a nonnullis in Germania attentari cœpit. Annalista *Lambecianus*, *Bertinianus*, *Cæsareus*, nec non *Eginhardus*, *Hermannus Contractus*, ac recentiores, *Sigonius*, quem *Joseph. Antonius Saxius*, Vir incomparabilis doctrinæ, notis illustratum nuper edidit, *Baronius*, *Pagius*, nec non novissime inclyti Mediolanenses Socii Palatii in *Rer. Ital. Script. Tom. II ad Pasch. Bull. pag. 220*, aliique, obitum *Bernardi*, Italiæ Regis, ad annum vulgaris *Æræ* 818 referunt. Noster eum affigit anno 817, nec tamen exagitat dissentientes more, vilissimis tenebrionibus tantum solenni. Testem laudat Epigraphen illam insignem, obviam in lapide penes perantiquam Ambrosianam Basilicam, quæ habet, *Bernardum* post regnum quatuor annorum & mensium quinque, XV Cal. Maji, (id est, XVII Aprilis die,) Indictione X, decessisse. Accedit *Ludovici Pii* testimonium, in Capitularibus apud *Baluzium* ad annum 817 dicentis, regnum Italiæ fore subjectum filio suo *Lothario*, uti sibi *præsenti tempore subjectum maneat*. Hæc protulit in procerum regni conventu *Ludovicus*, utique defuncto *Bernhardo*. *Bernardi* non una fuit Epochæ. Prima ab 8 Julii A. 910, nempe emortualis anni patris *Pipi-*

Pag. 6.

7.

Pipini, deducitur. Anni tamen regiminis inde non supputantur. Secunda exordium capit ab anno 912 inter 8 ac 18 Pag. 8.
 Novembris diem, cum *Bernardus* sub *Vale* tutela ab avo *Carolo* in Italiam fuit missus. Hinc omnia privata documenta, tum conscripta, deducuntur, exordiumque sumunt, uti ex *Farsensis Cœnobii Regesto* comprobatur, nondum evulgato. *Ludovici Pii* auspicia regiminis in eis inchoantur ab anno 814, & in nonnullis chartis ab anno 813, quo pater eum in Comitibus 9.
Aquisgranensibus consortem Imperii allegit, & *Bernhardum* nepotem nuncupavit Italix Regem. Hæc est tertia *Bernhardi* Epochæ. Quarta deducenda est ab anno 814, quo ipse a patre *Ludovico Pio* palam confirmatus fuit. Anni *Bernhardi* in monumentis constanter numerantur ab anno 812. Id evincitur quoque ex libris editis. Indictiones curiæ Ecclesiasticæ Mediolanensis a regibus distinxerat triennali anomalia *Puricellus*; alii eas venditaverant pro vagis & inconstantibus. Utrumque repudiat Noster, nec id sine ratione. *Sigonius* & *Pagius* errarunt in minutis momentis haud raro. Cujus rei proferuntur exempla. In *Regesto Farsensi* post 29 Martii diem A. 817 nulla amplius *Bernardi* occurrit mentio, cum tamen anni *Ludovici Pii* ac *Lotharii* memorentur. Regesti certe ejus fides est incorrupta. De initio *Æræ Christianæ*, in Diplomata Imperatorum Regumque recepto, ita Noster: Id negamus unum, in Diplomatum datis ante *Crassum* eam usurpata fuisse. Quapropter *Æram* hanc, quoties in editis monumentorum datis apparebit, interpolatam perpetuo censuimus & dicemus. Amanuenses postea Diplomatum, a se descriptis, eam sæpius ex more sequentis ævi intruserunt, ita, ut de cetero sinceritati Diplomatum nil decedat, dummodo nulli alii traluceant nævi. Epochæ *Lotharii* ab anno 843 hic extra dubium ponitur. Prima ab anno 839 initioque Maji est inchoanda, cum *Ludovicus* pater in Wormatiensi conventu Gallias inter filios divisit. *Ludovici junioris*, ex *Lothario* nati, 12 epochas hic allatas intelligimus, cujus *Pagius* tantum assignaverat quatuor. Qui arti diplomaticæ student, suis hic pascentur ferculis, & a promo condo tam largo ac diligenti complura expectent consimilia. 10 seq. 14. 18. 19. 24. 25 seq. 29. 47 seq.

DECADES DUÆ CASUUM CLINICO-MEDICORUM, ex propria praxi enatorum, cura atque diligentia debita observatorum, collectorum, & nunc ad publicam rei medicæ utilitatem editorum, a Doctore quodam Medico, circa Herciniæ silvas habitante.

Nordhusæ, apud Jo. Henricum Grossium, 1738. 8.

Dec. I plag. 7½, Dec. II plag. 10½.

Bona mente, rectoque consilio, ignotus nobis Autor, Vir non indoctus, nec in morborum curatione infelix, in notando autem eorum decursu eventumque diligens, atque in veterum recentiorumque Medicorum monumentis versatus, ad consignandas has Observationes accessit, ut, cum, magnam esse earum utilitatem, omnium consensu constet, ipsemet rei medicæ incrementa dignitatemque pro sua etiam virili adjuvaret. Neque vero casus, quos dicunt, curiosos rarosque hic pollicetur, sed eos, qui Medico Pragmatico sæpius obveniunt, ut ex illorum accurata & assidua descriptione majus ad rem medicam emolumentum redundet. Refert igitur ægrotantis ætatem, sexum, temperamentum, vitæ rationem, consuetudinem, corporis habitum, vasorum capacitatem, vultus colorem, vires, caloris corporis mutationem, pulsum, dispositionem hæreditariam, ad animi pathemata proclivitatem, ægrotanti propriam, victum potumque consuetum, vitam desideram vel laboriosam, excretorum retentorumque rationem, morbos, quantum quidem indagare licuit, prægressos, & complicatos, somni conditionem, urinæ colorem, coctionem, præcipitationem, aliaque ejusmodi phænomena, notat, in dies data & applicata remedia, diætetica, pharmaceutica, chirurgica, eorumque successum, formulasque medicamentorum, candide exprimit, & cuivis historiæ moimenta quædam pathologica & practica subnectit, aliosque scriptores, qui vel similes Observationes conscripserunt, vel de morbo generatim egerunt, commendat. De dicendi autem genere excusat se, quod de rebus agere medicis, non vero stilum Romanum docere, sibi esset constitutum. In *Præiori Decade* 1) affectus convulsivus singularis, qui est opistho-

tonos

tonos cum tetano alternans, a prætenſa philtri propinatione, aut potius ab alia re venenata, ore accepta, vel intus concepta; 2) aſthma hypochondriaco-ſpaſmodico-cachecticum, cum hepatis vaſorumque meſenterii infarctu; 3) apoplexia ſpaſmodico-hyſterica, a purpura chronica ſcorbutica neglecta & retrocedente; 4) affectus ſpaſmodico-hyſterico-lipothymicus in ſœmina quoad corpus, & præcipue quoad animam, ſenſibili; 5) motus ſpaſmodico-convulſivi hyſterici ex tinea ſponte ſicceſcente; 6) aſthma ſpaſmodico-convulſivum cachecticum, ex polypo cum pectoris hydrope, in hydropem terminatum cum lethali eventu; 7) paſſio iliaco-colico-ſpaſmodica; 8) colica ſpaſmodico-flatulenta hæmorrhoidalis in nobili ſœmina ſene; 9) ſingularis ſpermatis virilis profuſio a debilitato veſicularum ſeminalium tono ex manuſupratione reiterata cum ſpaſmo dolorifico vaſorum ſpermaticorum & teſtium; 10) affectio hypochondriaco-ſpaſmodica cum hepatis infarctu; in *Decade poſteriori* 1) melancholia curata; 2) delirium melancholicum hypochondriaco-hyſtericum furioſum; 3) cachexia cum tumore & inflammatione eryſipelaceo-phlegmonordea; 4) cachexia ſcorbutica; 5) cachexia variis morbis & ſymptomatibus, præcipue autem podagra, item febre intermittente, cardialgia, atque colica ſpaſmodico-flatulenta, ſtipata & complicata; 6) cachexia incipiens; 7) icterus gravis, ad nigrum fere accedens, in vetula ſeptuagenaria curatus; 8) aſthma ſiccum ſpaſmodicum, ſæpius recurrens; 9) cardialgia ſpaſmodico-hyſterica cum colica ſpaſmodico-convulſiva complicata, in virgine alias aſthmate convulſivo graviore laborante; & 10) cholera, exponuntur, quas adeo Obſervationes junioribus præcipue Medicis profuturas eſſe, plane nobis perſuademus.

ELOGIUM JOANNIS ORTWINI WESTENBERGII, Jcti Batavi.

Amiſit ante biennium, & quod excurrit, Academia Lugdunensis Joannem Ortwinum Weſtenbergium, Virum magnum, & ſolidioris Jurisprudentiæ fama celeberrimum, cujus vitam, & præclara in artem Themidos merita, paucis enarrabimus. In

lucem editus fuerat d. 28 Maji A. 1667 Neohusii, quod oppidum, non adeo notum, Comitatus Benthemienfis, in Westphalia, portio est. Patrem habuit ejusdem nominis, Medicum doctum, & Benthemienfium Comiti a valetudinis cura; matrem vero *Gertrudem, Joannis a Gesseler*, in Ulfensi apud Benthemienfes territorio Quæstoris, & in oppido Neohusiano mercatoris florentissimi, filiam. Prima literarum fundamenta, præter parentem, publicæ Benthemienfi, & deinceps Lingensi, scholæ accepta retulit. Anno ætatis decimo quarto, raro modestiæ, diligentæ, ac doctri-næ, testimonio ornatus, ad Steinfurtenfe Gymnasium commigravit, & Philosophiæ morali pariter ac civili, duce *Sim. Gerlaco Ebelio*, nec non Jurisprudentiæ, doctore avunculo, *Jodoco a Gesseler*, operam strenue dedit. Bene ita præparatus, decimum septimum agens annum ad illustrem Frisorum Academiam alacri pede contendit, ubi cum primis *Jacobum Gronovium* secutus est, ejusque auspiciis pleniorẽ Latini sermonis notitiã sibi comparavit, in altum Historiarum Antiquitatumque oceanum sese immisit, & magistri sui præsidio sussultus, Dissertationem philologicam, de duobus maxime insignibus *Lucii Flori* locis, in cathedra publica defendit. Et, cum persuasum sibi haberet, rectius longe atque felicius Juris tractari posse disciplinam, si Theologiæ studium præcesserit, scholas frequentavit *Campegii Vitringæ*, Theologi summi, quibus ad finem perductis, in Themidos castra transiit, saluberrimis *Gerardi Noodtii & Ulrici Huberi* doctrinis, veluti armis, instructus. Gravi morbo, studiorum causa, implicitus, relinquere istam Musarum sedem, & in patriam reverti, cogebatur; quamprimum tamen convaleverat, Harderovicenses adiit, & intermissum paulisper studiorum cursum, qua decet, diligentia continuavit, ac, postquam semel atque iterum, præsidente avunculo suo, *Jodoco a Gesseler*, de *Succeffione ab intestato* publice disputando, dexteritatis iple-cimina edidisset, Groningam secessit, hic quoque subsidia conquisiturus, quibus collectus præclaræ doctrinæ thesaurus augeri posset locupletarique. Nec felici destituebantur successu tot ejus sudores, totque lucubrationes, discendis Juribus perpetuo consecratæ. Harderovicensis enim Academia ei A. 1687, defensa solenni

verat, eidemque, Rectoris dignitate fulgens, aliquando præfue-
rat, Academia Lugdunensis A. 1723 ordinariam Juris Civilis Ro-
mani & hodierni Professionem ipsi detulit, quam lubens quoque
suscepit, recitata *de Philosophia Jctorum, & imprimis ea, quæ
circa legum collisionem versatur*, gravi elegantique Oratione.
Implevit ibi spem, quam de ipso conceperat Academia, imo lon-
gissime superavit, & sceptrum Academicum bis deposuit, publi-
ce habitis Orationibus, primum *de jure Rhadamanthi*, deinde
de Jurisprudencia Quinti Cerebidi Scævola. Matrimonium A.
1697 iniiit cum *Mathilde a Gesseler*, amitina sua, quæ cum alte-
ro statim anno eriperetur ipsi, A. 1710 conciliavit sibi *Annam
Gertrudim, Gerhardi de Witt*, apud Vesalienses Judicis & mer-
catoris primarii, filiam, & diuturna ejus consuetudine gavissus est.
Liberi, quos sustulit ex eo matrimonio, in ipsis vitæ principiis
fuerunt demortui. Sanguinis humorumque intemperies, quæ
usitata Medicis appellatione scorbutus dicitur, & nimix lucu-
brationes, quas ne senex quidem intermisit, effecerunt, ut Vir
eximius inopinato prosterneretur, & convulsivi motus tantum
non omnia ejus membra concuterent, omnemque sensuum
usum ad longum temporis spatium ipsi adimerent. Quam licet ca-
lamitatem superasset favente Numine, & idoneorum remediorum ope,
consimili tamen morbi furore iterum correptus, ultima mensis Junii
nocte anni hujus Seculi septimi & trigesimi, septuagesimo primo æ-
tatis anno, vitam cum morte commutavit. Scripta reliquit egregia,
quæ summo cum applausu exceperunt Jcti elegantioribus literis pro-
be instructi. Nos, præter ea, quorum jam mentionem iniecimus, il-
lorum indicem damus: *Diss. de Usuris*, Harderovici, 1687; *de Ser-
vitutibus*; *de Emphyteusi*; *de Querele inofficiosi testamenti*; *de Fru-
ctuum perceptione*; *de Consuetudine*; *de Foro competenti*, quæ omnes
in Gymnasio Steinsurtensi prodierunt; *de Portione legitima, parenti-
bus, liberis, & fratribus, relinquenda*, Dissertationes quatuor; & no-
vem *de Causis obligationum*, Harderovici defensæ; *Oratio de Jurispru-
dencia Pauli, Apostoli*, ibidem recitata, & superiore anno Baruti re-
culta; *Principia Juris secundum ordinem Institutionum*, Amstelodami,
1699, 8; *Principia Juris secundum ordinem Pandectarum*, Hardero-
vici, 1712, 8; *Dissertationes ad Constitutiones Marci Aurelii Antonini,
Imperatoris*, Lugduni Bat. 1736, 4, de quibus proxime dicemus. Me-
moriam Viri optimi, & Jurisprudentiæ bono nati, Clarissimus Lugdu-
nensium Jctus, *Joannes Georgius Ruckerus*, publica Oratione, vitam
& merita *Westenbergii* eleganter commemorante, d. 23 Sept. A. 1737
recitata, posteaque typis commissa, seræ posteritati commendavit.



INDEX AUTORUM,

quorum Libri, aut Inventa, in hoc
Volumine recensentur.

I. *Libri Theologici, & ad Historiam Ecclesiasticam spectantes.*

- A**nonymi Ritus sacri omnium totius orbis gentium, representati Figuris splendidis, in æs incisus manu Bernardi Picardi. Tomus III. 529
- Boston (Thomæ) Tractatus Stigmatologicus Hebræo-Biblicus, quo accentuum Hebræorum doctrina traditur. 390
- Butleri (Joseph.) Analogia Religionis naturalis & revelatæ cum constitutione & cursu, naturæ. 211
- Gerdesii (Dan.) Exercitationum Academicarum Libri tres. 616
- Gregorii, Episcopi Nyssæ, Epistola septem, Latine versa, & Notis illustrata a J. B. Caracciolo. 337
- Gretseri (Jac.) Opera omnia. Tomus VII & VIII. 534
Tomus IX & X. 676
- Hare (Franc.) Psalmorum Liber, in versiculos metricè divisus. 109
Diff. de antiqua Hebræorum poesi. ibid.
- Heumannii (Christoph. Aug.) Primitiæ Gottingenses Academica. 464
- Lamii (Jo.) de recta Christianorum in eo, quod mysterium divina Trinitatis attinet, sententia Libri VI. 400
- Langii (Joach.) Urim & Thummim Prophetarum. 339
- de Longueval (Jac.) Historia Ecclesiæ Gallicæ. Tomus V & VI. 589
- Lowmanni (Mosis) Paraphrasis & Notæ in Revelationem S. Joannis. 297
- Martene (Edmundi) de antiquis Ecclesiæ ritibus Libri. Tomi III. 433
- Miscellanea Groningana, in Miscellaneorum Duisburgensium continuationem publicata. Tomus I. 619
- Moshemii (Jo. Laur.) Theologia moralis S. Scripturæ. Pars II. 343
- van der Muelen (Guil.) Dissertationes philologicae de die mundi, & rerum omnium natali. Partes II. 154
- Pertschii (Jo. Ge.) Delineatio Historiæ Ecclesiasticæ. Seculum II. 642

I N D E X

- Phileutheri *Lipsiensis* *Annotationes in Cogitata de Libertate cogitandi, seu versutia fraudulenta laica ingeniorum Angliæ sortium.* 647
- Robinsoni (Christoph.) *Opusculum Theologicum, quo utilitas Revelationis ostenditur, quantacunque etiam sit rationis humanæ excellentia.* 621
- Schlichteri (Christian. Lud.) *de Mensa facierum, ejusque mysterio, Libellus singularis.* 139
- Vindiciæ Crucis, panibus facierum im-*
- pressæ, & phræses Paulinæ, καὶ ὑπερῶν, Hebr. VII, 27.* ibid.
- Schlosseri (Jo. Lud.) *Lutherus Lutheranus, Luthero Reformato Jo. Mauriti Mommers oppositus.* 350
- Schræderi (Nic. Guil.) *Quatuor prima Capita Genesios, Turcice & Latine, Notulis adpersa.* 424
- a Seelen (Jo. Henr.) *Meditationum Exegeticarum Pars tertia.* 473
- Vignolii (Alphonfi) *Chronologia Historiæ sacræ & profanæ. Tomi II.* 97.
438. 494. 595
- Waltheri (Ant. Balib.) *Meditationes Juridico-historicæ in passionem & mortem Jesu Christi.* 692
- Waterlandi (Dan.) *Recognitio doctrinæ de Eucharistia, ex Scriptura & antiquitate repetita.* 24

II. Libri Juridici.

- Conradi (Franc. Car.) *Parerga, in quibus Antiquitates & Historia Juris illustratur. Liber II.* 133
- Liber III.* 312
- Crameri (Jo. Georg.) *Commentarii de Juribus & prærogativis Nobilitatis avita, ejusque probatione. Tomus L* 314
- Engau (Jo. Rud.) *Elementa Juris Criminalis Germanico-Carolini.* 175
- Estor (Jo. Ge.) *Specimen Juris Germanici de Jure devolutionis.* 273
- Hoffmanni (Jo. Guil.) *Collectio Documentorum ineditorum, Historiam, Jurisprudentiam publicam, ac feudalem, aliaque S. R. L. Jura, illustrantium. Pars L* 36
- Observationum Juris Germanici Libri duo.* 406
- Maslovii (Geihofredi) *Notitia Juris & Judiciorum Brunsvico-Luneburgicorum.* 554
- Meril-

A U T O R U M.

Merillii (Edmundi) in quatuor Libros Institutionum Imperialium Commentarii principales, cum Praef. C. H. Trotz. 451

van der Muelen (Guil.) Defensio Dissertationis de Origine Juris Naturalis, opposita Simonis Henr. Musaei Vindictis Juris naturalis paradisiaci. 154

Verrii (Jani Bassanensis) Examen Juris Canonici & praxis fori Ecclesiastici Protestantium in causa raptus & affnibus. 304

Waltheri (Ant. Balib.) Meditationes Juridico-historicae in passionem & mortem Jesu Christi. 692

III. Libri Medici & Physici.

Alefeld (Jo. Lud.) de Fungis ex silice nascentibus Observatio. 324

Anonymi Opusculorum variorum, quae ad lites & contentiones, inter Medicos & Chirurgos Parisienses de dubia utriusque partis dignitate motas, spectant, brevior recensio. 560

Animalis rarioris, Chimpanzee dicti, ex regno Angola Londinum advecti, brevior descriptio. 564

Decades duae Casuum Clinico-Medicorum, ex propria praxi enatorum. 716

Browallii (Jo.) de Necessitate Historiae naturalis Discursus. 455

Butleri (R.) Tractatus de Venesectione. 610

Cattani (Nic. Ant.) Brevis Expositio de Natura & qualitatibus aquarum, quibus vulgo Affisiensium Mojanarum nomen est. 459

Colbatini Medicus generosus, seu Medicina facile parabilem. 220

le Fevre (Jo. Franc.) Opera medica. Tomi II. 655

de Gorter (Jo.) Exercitationes medicae quatuor. 516

Halleri (Alberti) Descriptio fatus bicipitis, ad pectora connati. 318

Harris (Thomae) Tractatus de Virtute & energia Mercurii crudi. 402

Hebenstreit (Jo. Ern.) de Usu partium Carmen, seu Physiologia metrica. 700

Hoffmanni (Frid.) Medicus Politicus. 479

Kochii (Christian. Andr.) Affectus in libris & praxi rarissimi, ab Herm. Berhaave in Nosocomio Lugduno-Batavo sanati, descriptio. 412

Langguthii (Ge. Aug.) Antiquitates plantarum feralium apud Graecos & Romanos. 45

I N D E X

Linnæi (Caroli) <i>Hortus Clyffortianus.</i>	256
<i>Classes Plantarum, seu Systemata Plantarum omnia.</i>	353
<i>Critica Botanica.</i>	455
Lœw (Caroli) <i>Epistola ad Celeberrimos omnium regionum Botanicos, qua de Florâ Pannonica conscribenda consilium cum ipsis communicat.</i>	665
Nicholls (Franc.) <i>Compendium Anatomico-Oeconomicum.</i>	316
Pastæ (Andr.) <i>Epistolæ ad Alethophilum duæ, altera de Motu sanguinis post mortem, altera de cordis polypo in dubium revocato.</i>	79
Perry (Caroli) <i>Scrutinium naturæ & principiorum Soterii fontis Spadani.</i>	514
Quesnayi (Franc.) <i>Ars medendi per venæsectionem.</i>	180
de Reaumur <i>Observationes, Historiæ Insectorum inservientes. Tomus III.</i>	112
Robinsoni (Nic.) <i>Novus Tractatus de Morbo venereo.</i>	607
Soame (Jo.) <i>Fons soterius Hampstedensis.</i>	221
de Vilars (Eliæ Col) <i>Curfus Chirurgicus, in Schola medica Parisiensi dictatus.</i>	122

IV. Libri Mathematici.

Algarotti (Franc.) <i>Philosophia Newtoniana, ad usum sexus sequioris accommodata, sive Dialogi de Luce & Coloribus.</i>	612
Anonymi <i>Eclipsis Solis, die 15 Aug. A. 1738 observata Viennæ Austriæ post ejus initium.</i>	131
<i>Postremæ aliquot Eclipses primi & secundi Satellitis Jovis, observatæ Viennæ Austriæ tubo ped. 17.</i>	133
Bernoulli (Jo.) <i>Dissertatio de Ancoris.</i>	125
(Dan.) <i>Hydrodynamica, sive de viribus & motibus fluidorum Commentarii.</i>	265
Bosellini (Franc.) <i>Explicatio Auroræ borealis, visa nocte diem 16 Dec. A. 1737 insequente.</i>	659
a Brixia (Fortunati) <i>Philosophia sensuum Mechanica. Tomi II.</i>	323
Desaguliers (J. T.) <i>Curfus Philosophiæ Experimentalis. Volumen I.</i>	462
Duclosi, Soc. Jesu, <i>Elementa Matheseos, quæ continent Geometria, Arithmetica, Algebra, & Analyseos, rudimenta.</i>	704
Frezierii <i>Theoria & praxis sectionis Lapidum & Lignorum. Tomus II.</i>	506
Hodgso-	

A U T O R U M.

- Hodgsoni (Jac.) *Doctrina fluxionum, methodo Is. Newtoni superstructa.* 460
- Leadbetteri (Caroli) *Gnomonica mechanica, sive Ars nova Umbrarum.* 565
- de Maupertuis *Figura Terræ determinata per Observationes sub ipso circulo polari factas.* 40
- Poleni (Jo.) *Observatio Auroræ borealis, visæ nocte diem 16 Dec. A. 1737 insequente.* 659
- Rowe (Jac.) *Omne genus vehiculorum & machinarum, rotis instructarum, perfectius redditum.* 613
- Squarii (Eusebii) *Diss. de Auroris borealibus.* 89
- Sully (Henr.) *Temporis regula artificialis, sive Tractatus de divisione temporis naturali & artificiali, denuo editus & auctus a Juliano le Roy.* 222
- Walzii (Jo. Theoph.) *Investigatio Analytica Theorematis Bernoulliani, pro rectificatione Curvarum, absque Analysis & Demonstratione propositi in Actis A. 1697 pag. 463.* 413
- Zanotti (Eustachii) *Descriptio Auroræ borealis, visæ nocte diem 16 Dec. A. 1737 insequente.* 659

-V. Libri Historici, Geographici, &c.

- Anonymi *Elogium Joannis Henrici Lederlini, Philologi Argentoratensium clarissimi.* 428
- Jo. Saltzmanni, Medici Argentoratensis. 521
- Jo. Ortwinii Westenbergii, J.Cti Batavi. 717
- Vita Imperatoris Juliani. Partes II. 540
- Historia Norimbergensis Diplomatica. 547
- Armellini (Mariani) *Bibliotheca Benedictino-Casinenfis, sive Scriptorum Congregationis Casinensis, alias S. Justine Patavine, notitia. Partes II.* 673
- de Astefatis (Jo. Andr.) *Epistola, in qua annus decimus septimus supra octingentesimum Bernardi, Regis Italia, emortualis ostenditur.* 713
- Belii (Matthiæ) *Notitia Hungariæ novæ Geographico-historica. Partis primæ, Cis-Danubianæ, Tomus tertius.* 49
- de Büchau (Henr.) *accurata & copiosa Germaniæ cum Imperatorum, tum Imperii, historia. Pars III.* 241

I N D E X

- Foulloni *Historia Leodiensis, per Episcoporum & Principum seriem digesta. Tomus I & II.* 625
- Hausfritz (Ge. Laur.) *de Casare, designato successore imperii antiqui, Commentarius.* 227
- Hergott (Marquardi) *Genealogia diplomatica Augusta gentis Habsburgicae. Volumen II.* 385
- Herttensteinii (Lud. Bartholom.) *de Serenissimæ Domus Austriacæ Advocatia provinciali superioris atque inferioris Sueviæ Disquisitio historica.* 680
- Hoffmanni (Jo. Guil.) *Collectio Documentorum ineditorum, Historiam, &c. illustrantium. Pars L* 36
- Lackmanni (Adam. Henr.) *Introductio in Historiam Slesvico-Holsaticam. Pars III.* 571
- Livii (T.) *Historiarum ab Urbe condita Libri XXXV, ex recens. J. B. L. Crevierii. Tomus L* 193
- Maffæi (Scip.) *Verona illustrata. Partes IV.* 145
- Majansii (Greg.) *vita Emmanuelis Martini, Ecclesiæ Alonensis Decani.* 253
- Marchandi (Prosperi) *Historia originis & primorum progressuum artis typographica.* 577
- van der Muelen (Guil.) *Dissertationes philologicæ de die mundi, & rerum omnium natali. Partes II.* 154
- Muratorii (Lud. Ant.) *Rerum Italicarum Scriptores. Tomus XXIII.* 202
Tomus XXIV. 481
- Niceronii *Commentarii, historiæ celeberrimorum in Republica literaria Virorum inservientes. Tomus XXVIII & XXIX.* 375
Tomus XXX & XXXI. 566
- Quirini (Angeli Mariæ) *Primordia Corcyre.* 631
- Rau (Jo. Eberh.) *Monumenta vetustatis Germanicæ.* 277
- Rollini *Historia antiqua Ægyptiorum, Carthaginiensium, Assyriorum, &c. Tomus VI — X.* 171
- Stegeri (Adriani) *de Viis militaribus Romanorum in veteri Germania Liber singularis.* 91
- Vignolii (Alphonst) *Chronologia Historiæ sacre & profanæ. Tomi II.* 97.
438. 494. 595.

A U T O R U M.

VI. *Libri Miscellanei.*

Anacreontis <i>Teji Carmina, Græce & Latine.</i>	664
Anonymi <i>Tabula argentea antiqua, ante aliquod tempus in agro Ducis Sommerfettensis effossa, brevior descriptio.</i>	273
<i>Ufus Theatri scenici in Ecclesia & Republica.</i>	420
<i>Parerga, sive Accessiones ad omnis generis eruditionem. Tomus I.</i>	470
Bargei (Petri Angelii) <i>Ixeuticon, seu aucupium per viscum, cum Commentar. G. P. Bergantini.</i>	96
Boston (Thomæ) <i>Tractatus Stigmatologicus Hebræo-Biblicus, quo accentuum Hebræorum doctrina traditur.</i>	390
Breithaupti (Christiani) <i>Ars deciffratoria, sive scientia occultas scripturas solvendi & legendi.</i>	705
Cinelli (Jo.) <i>Bibliotheca volans, continuata a Dionys. Andr. Sancesiani. Tomus I.</i>	381
<i>Tomus II.</i>	468
de Claville (le Maître) <i>Tractatio de vero merito hominis, considerati secundum singulas ætates & conditiones.</i>	514
Conradi (Franc. Car.) <i>Parerga, in quibus Antiquitates & Historia Juris illustrantur. Liber II.</i>	133
<i>Liber III.</i>	312
Conringii (Herm.) <i>de Antiquitatibus Academicis Dissertationes septem, denovo editæ a Christoph. Aug. Heumanno.</i>	614
Corfini (Eduardi) <i>Institutiones philosophicæ. Tomi VI.</i>	184
Dorvillii (Jac. Phil.) <i>Critica vannus in inanes Jo. Cornelii Pavonis palcas.</i>	65
Gerdesii (Dan.) <i>Exercitationum Academicarum Libri tres.</i>	616
Gorii (Ant. Franc.) <i>Museum Etruscum, exhibens insignia veterum Etruscorum monumenta. Tomi II.</i>	1
Heumanni (Christoph. Aug.) <i>Primitiæ Göttingenses Academicæ.</i>	464
<i>Bibliotheca historica Academica.</i>	614
Hoffmanni (Frid.) <i>Medicus Politicus.</i>	479
Holbergii (Lud.) <i>Opuscula quadam Latina; Epistolæ duæ; quinque Libri Epigrammatum.</i>	232
	Hugo

I N D E X

- Hugo (Herm.) de prima scribendi origine, & universa rei literaria antiquitate, ex ed. C. H. Trotz. 8
- Kiesenwetteri (Jo. Christ.) de re militari veterum praecipue Romanorum, Syntagma. 425
- Langguthii (Ge. Aug.) Antiquitates plantarum feralium apud Gracos & Romanos. 45
- Libanii, Sophista, Epistola, Latine conversa, & Notis illustrata a Jo. Christoph. Wolfio. 289
- Martini (Eman.) Epistolarum Libri XII, cum Praef. Petri Wesselingii. 253
- Miscellanea Groningana, in Miscellaneorum Duisburgensium continuationem publicata. Tomus L. 619
- Musæi, Grammatici, de Herone & Leandro Carmen, cum Scholiis Gracis, ex ed. Matthiae Röveri. 61
- Scarfo (Jo. Chrysost.) Carmina varia. 286
- Schlichteri (Christian. Lud.) de Mensa facierum, ejusque mysterio, Liber singularis. 139
- Vindiciae Crucis, panibus facierum impressae, & phraeos Paulinae, καὶ ἡμετέρας, Hebr. VII, 27. ibid.
- Thuani (Jac. Aug.) Res accipiendarum, ex hexametro Latino in Hendecasyllabum Latinum translata a G. P. Bergantini. 96
- Trotz (Christian. Henr.) Opusculum de scribis. 8
- Apologia pro Wachtlero. ibid.
- Virgilii Opera, recens in sermonem Gallicum translata, cum Notis Abbatis de la Landelle de S. Reiny. Tomi IV. 48

I N D E X

RERUM NOTABILIORUM.

<p>Abrech, nomen, unde? 473</p> <p>Academiae vera notio explicata. 471</p> <p style="padding-left: 40px;">Osnabrugensis Historia edita. 615</p>	<p>Academiarum ortus. 615</p> <p>Academicarum Antiquitatum Scriptores collecti. 616</p> <p>De Accentibus Biblicis quid sentiendum? 390</p> <p style="text-align: right;">Accen-</p>
--	---

RERUM NOTABILIORUM.

Accentuatio <i>an sit inventum humanum?</i>	397	Aeris elasticitas in diversis atmosphaera altitudinibus.	269
<i>quotuplex?</i>	398	Æsculani (Cicci) vita & scripta.	567
Accentuum usus <i>quotuplex?</i>	393	Ætheris definitio.	327
De Accipitraria re Carmen <i>an sit Thuani?</i>	96	Alberti Ursi vita errore historico liberata.	472
Acoſtæ (Joſephi) vita & scripta.	567	Albigensium ecclesia descripta.	534
Adami creatio descripta & illustrata.	157	Alcuini doctrina & scripta.	591
<i>lapsus quomodo contigerit?</i>	163 seq.	Alexandri M. Macedonum Regis, vita descripta.	171
Addisoni (Lanceloti) vita & scripta.	567	Allatii (Leonis) scripta recensita.	383
(Joſephi) vita & scripta.	ibid.	De Allegretis (Allegreti) Ephemerides Senenses edita.	208 seq.
Adrichomii (Christiani) vita & scripta.	377	vita.	209
Adſcenſus potentialis deſcenſusque actualis equalitas.	265	Amalthei (Hieron.) vita & scripta.	567
Adverſaria unde dicta?	15	Amboinenſes plantas colligendi inſtitutum.	524 seq.
Advocatia provincialis Sueviæ, Austriacæ domui competens, illustrata.	680 seq.	Amphitheatrum Veronenſe illustratum.	152 seq.
Advocatorum provincialium Sueviæ catalogus.	689 seq.	Anacreontis Carmina in Anglia edita.	664
Ægyptiorum Regum historia descripta.	173. 499	Ancoꝝ virtutes & maxime idonea figura.	126
Æquilibrium inter aquas fluentes & stagnantes.	270	vim experiendi ratio.	130
Æræ Nabonassaræ vera ratio descripta.	595 seq.	Anatomia in compendio tradita.	317
Æri incidendi ars a quo inventa?	17	Animæ humanæ ortus unde?	191
Aeris pressio aliter, quam huc usque, demonstrata.	268	Annales & historia in quo differant?	19
		Anni Sabbathici & Jubilæi qui fuerint?	449
		antiquissimi forma descripta.	603
		Annulus antiquissimus explicatus.	472

I N D E X

- Anthologię Epigrammata nonnulla emendata.* [69](#)
- Apocalypsis an obscuritate laboret?* 298
quenam tempora respiciat vaticiniis suis? *ibid.*
- Aquę in medicina usus.* [460](#)
- Aquarum Affisienſium virtus.* [459](#) *ſeq.*
montis Jani preſtantia. [460](#)
Capellandarum virtus. [515](#)
per canales quorvis fluentium preſſio. [271](#)
- Ara Ubiorum illustrata.* [227](#) *ſeq.*
- Arabes an olim fuerint Logices periti?* [185](#)
- Arbor ſcientię boni & mali unde dicta?* [161](#)
- Architecturę Gothica inventores an ſint Gothi?* 150
- Aretinę urbis Annales editi.* [489](#)
- Argenterii (Jo.) vita & ſcripta.* [376](#)
- Artes & ſcientię veterum populorum deſcriptę.* [174](#)
- Aſcaridum, vermium minutulorum, natura explicata.* [113](#)
- Aſſiſienſium aquarum virtus.* [459](#)
- Aſſyriorum Regum Chronologia ſtabilita.* [500](#)
- De Aſſeſatis (Jo. Andr.) laudatus.* [715](#) *ſeq.*
- Attractiones & repulſus non ſunt occultę qualitates.* [463](#)
- D' Aubigné (Theod. Agrippa) vita & ſcripta.* [376](#)
- Auguſtanę Confeſſionis hiſtoria deſcripta.* [618](#)
- Aurorę borealis explicandę ſyſtema.* 90. 333. [661](#)
altitudo. [90](#)
obſervatio. [659](#)
- Ex Aurora boreali quid præſagendum?* [663](#)
- Auſtriacę domus Advocatia provincialis Suevię illustrata.* [680](#)
- Des Autels (Guil.) vita & ſcripta.* [566](#)
- Autores veteres edendi quę ſit ratio optima?* [197](#)
- B** *B.*
Babylonię Regum Chronologia. [595](#) *ſeq.*
- Balduini (Franc.) vita & ſcripta.* 377
- De Baluzio (Steph.) ſingularia nonnulla.* [383](#)
- Baptiſmi veteris ritus deſcripti.* [646](#)
- Barometricarum mutationum cauſę eſſe ſubitanę debent.* [268](#)
- Baronii (Caſ.) Annales Eccleſiaſtici demuo editi.* [141](#)
- Bartholomęi Ferrarienſis Polyhiſtoria edita.* [488](#) *ſeq.*
vita & ſcripta. [489](#)
- Beckeri (Balthaſ.) vita & ſcripta.* 567
- Belius (Matthias) laudatus.* 49
- Bellaquei (Remigii) vita & ſcripta.* [567](#)
- Bellarmini (Roberti) vita & ſcripta. ib. deſenſio a Gretſero inſtituta.* [676](#) *ſeq.*
S. Be-

RERUM NOTABILIORUM.

- S. Benedicti Ordinis historiam edendi institutum.* [235](#) seq.
- Beneventanorum Ducum stemma illustratum.* [253](#)
- Bennonis, Episcopi Misnensis, vita.* [469](#)
- Bentlejus (Rich.) laudatus.* [647](#)
- fortissimus Collini adversarius.* [650](#) seq.
- Bernardi (Caroli) vita & scripta.* [377](#)
- (Eduardi) vita & scripta.* [567](#)
- Regis Italia, annus mortualis.* [713](#) seq.
- Bertii (Petri) vita & scripta.* [567](#)
- Bettebur, jus singulare, in quo consistat?* [386](#)
- Bianchini (Franc.) vita & scripta.* [379](#)
- Bibliorum antiqua versio Germanica descripta.* [474](#)
- Bibliotheca Matthiae Corvini laudata.* [53](#)
- ejus facta.* [57](#)
- Pauli Apostoli descripta.* [472](#)
- Bobovius (Alb.) Pentateuchum Turcice convertit.* [424](#)
- Bodini (Jo.) Heptaplomeres descriptum.* [470](#)
- Bœrhaavii (Herm.) methodus plantarum descripta.* [358](#)
- Bohemorum Fratrum ecclesia descripta.* [534](#)
- Bonanni (Phil.) vita & scripta.* [566](#)
- S. Bonifacii Epistola visionalis emendata.* [472](#)
- Bononienses Annales editi.* [209](#)
- Bosli (Matthaei) vita & scripta.* [377](#)
- Botdingici lapidis Stadenfis historia.* [472](#)
- Britonis (Guil.) vita & scripta.* [376](#)
- La Brosse (Josephi) vita & scripta.* [378](#)
- Brunsuico-Luneburgicorum Jurium & Judiciorum notitia.* [555](#) seq.
- Bruta an vera sint automata?* [334](#)
- Buckel, vox Germanica, quid denotet?* [476](#)
- Buda unde dicta?* [54](#)
- alia vetus, alia nova.* [54](#) seq.
- Budæi (Guil.) vita.* [380](#)
- Budensis urbis historia descripta.* [54](#)
- varia sub Hungaris, Turcis, & Austriacis, fata.* [55](#) seq.
- Budensium adversus Pontificem molitiones.* [55](#)
- Bugenhagii in historiam ecclesiasticam Danorum & Holsatorum merita.* [373. 375](#)
- De Bulæi Historia Academiae Parisiensis judicium.* [616](#)
- Bulla unde dicta?* [15](#)
- Bullengeri (Henr.) vita & scripta.* [376](#)
- Bumeda, vox, quid denotet?* [407](#)
- De Bünaui (Henr.) laudatus.* [242](#) seq.
- Burmanni (Jo.) consilium edendi* [Lzz z 2](#)
- Rum-*

I N D E X

<i>Rumphii Herbarium Amboinense.</i>	<i>Caloris dupli vel tripli definitiones an arbitraria?</i>
524 seq.	269
<i>In Burmannum (Petr.) Epistola Lud. Holbergii.</i>	<i>Calvinianæ Ecclesiæ ritus descripti.</i>
275	534
<i>De Bursellis (Hieron.) Annales Bononienses editi.</i>	<i>Camulati (Nic.) vita & scripta.</i>
209	567
vita. ibid.	<i>Canteri (Guil.) vita & scripta.</i>
<i>Buxtorfii (Jo.) patris & filii, vita & scripta.</i>	381
568	<i>Capellanæ aquæ virtus.</i>
C.	515
<i>Cæsalpini (Andr.) methodus plantarum descripta.</i>	<i>Capitis minima deminutio quid fuerit?</i>
354	135
<i>Cæsareæ dignitatis origo.</i>	<i>Cappadociæ Regum historia descripta.</i>
228	174
quæ olim insignia?	<i>Caraccioli (J. B.) in Gregorii Nyseni Epistolas septem merita.</i>
230	337
quæ olim jura?	seq.
ibid.	<i>Caramuelis (Jo.) vita & scripta.</i>
<i>Cæsaris nomen a quibus olim usurpatum?</i>	380
228 seq.	<i>Caroli V abdicatio muneris Imperatorii descripta.</i>
in regimine olim potestas.	37
231	<i>VIII, R. Gall. in Italia bellum descriptum.</i>
<i>Cæsaris (Franc. Maria) Carmen ad Belium laudatum.</i>	483
54	<i>Caroli M. historia descripta.</i>
<i>Cæsarum (Caji & Lucii) Cenotaphium explicatum.</i>	590
281 seq.	<i>Sub Carolo M. quis fuerit Ecclesiæ status?</i>
<i>Cæsuræ quæ sit ratio in carmine?</i>	ibid.
76	<i>Cartesii (Renati) vita & scripta.</i>
<i>Caffé potus usus & abusus.</i>	567
657	<i>Casinenfis Congregatio descripta.</i>
<i>Cajetani (Constantini) scripta recensita.</i>	675
469	<i>ejus Scriptores recensiti.</i>
<i>Caji, Jcti, vera atas.</i>	ibid.
137	<i>Catherinoti (Nic.) vita & scripta.</i>
<i>Calderinus (Domitius) literarum in Italia instaurator.</i>	567
15	<i>Catulli locus illustratus.</i>
<i>ejus vita & scripta.</i>	146
567	vita. 150
	<i>Cenotaphiorum ratio explicata.</i>
	284
	<i>origo unde?</i>
	285
	Ceno-

RERUM NOTABILIORUM.

Cenotaphium C. & Lucii Caesarum descriptum. 282	Cinelli (Jo.) vindicta adversus Bernb. Ramazzinium. 468
Cepponis vox quid denotet? 386	Ciocolatæ potus usus & abusus. 657
Cevallerii (Ant. Rud.) vita & scri- pta. 376	Per Circulum scribendi modus jocu- laris. 19
Charta bombycina quando maxi- me in usu fuerit? 11	Clangoris Festum quale olim fuerit? 617
unde dicta? ibid.	Claramontii (Scipionis) vita & scripta. 567
Chemnitius defensio. 591	Clavos figendi mos illustratus. 14
Chimpanzee, animal rarissimum, de- scriptum. 564	Clementis Alexandrini Chronologia emendata. 106
Chirurgicorum morborum genera quæ? 122 seq.	XII, P. M. Oratio Consisto- rialis, de bonis Ecclesiasticis in di- tione Saxonica, publicata. 470
Chirurgorum & Medicorum Pari- sienſium lites descriptæ. 560 seq.	Clusii (Caroli) vita & scripta. 566
Christianæ religionis veritas testi- moniis Judæorum caute munien- da. 472	Clyfforti (Georg.) hortus descriptus. 256 seq.
Christiani unde dicti? 466	Cœlestia corpora ex quo systemate explicanda? 190
Christus cum Lycurgo comparatus. 347	Coemptio sacrorum apud Romanos explicata. 134
ejus passio majestatica. de- scripta. 461	Cœna S. an sit nudum officium? 26
historice & juri- dice descripta. 696 seq.	quomodo olim dicta? ibid.
Chronologia sacra a Vignolio emen- data. 100 seq.	ejus finis qualis? ibid.
Clementis Alexandrini emendata. 106	an sit epulum sacrificiale? 34
ad regulas reda- cta. 100. 107	frequenter utendi obligatio. 35
Chymicorum elementa sunt princi- pia mixtorum interna secunda- ria. 327	De S. Cœna sententia Benj. Hoadleyi refutata. 25 seq.
Cifarum origo unde? 15	In S. Cœna corpus Christi an sit vere præsens? 29
Cinelli (Jo.) vita & scripta. 381	Collini (Ant.) liber nefandus recen- ſitus. 648 seq.
	mors. 651

I N D E X

- Colorum *theoria*. [328](#). 612
 Columbi *navigatio descripta*. [206](#)
 Cometarum *ratio explicata*. [333](#)
 Comitum *Augustana anni 1582 descripta*. [39](#)
 Comitum (Nic.) *vita & scripta*. [380](#)
 Commercii inter animam & corpus *quæ ratio?* [192](#)
 Compositum *naturale quodque unde exsurgat?* [226](#)
 Condicere *quid sit Jctis?* [19](#)
 Conradi (Franc. Car.) *laudatus*. [134](#). [316](#)
 Conringii (Herm.) *scripta recensita*. [470](#)
 Diff. de studiis liberalibus urbis Romæ & Constantinopolis denuo edita. [615](#)
 Corcyræ *Insula antiquitates illustrata*. 631 seq.
 nomen unde? [632](#)
 incola veteres descripti. [637](#) seq.
 Cornelii Nepotis *vita*. [150](#)
 Corporis *physici ratio formalis*. [325](#)
 Corficarum *rerum historia edita*. [484](#)
 Corsinus (Eduard.) *laudatus*. [184](#)
 De Corvaria (Guidonis) *Historia Pisana edita*. [487](#)
 vita & scripta. [ibid.](#)
 Corvini (Matthia) *Bibliotheca laudata*. [53](#)
 monumentum bonorarium. [54](#)
 Corvini (Matthia) *virtutes & vitia descripta*. [56](#) seq.
 Cramerus (Jo. Georg.) *laudatus*. 214
 Creatio mundi & hominis *illustrata*. [155](#) seq.
 quid sit? [156](#)
 Creechii (Thom.) *vita & scripta*. [567](#)
 Pro Crepitu ventris *Oratio Martini edita*. [255](#)
 Crespeti (Petri) *vita & scripta*. [380](#)
 Crescimbeni (Jo. Marii) *vita & scripta*. [567](#)
 Crevierii (J. B. L.) *in Livium merita*. [197](#) seq.
 in Livio illustrando inutilis diligentia, 200
 Cribelli (Leodrisii) *de expeditione Pii II in Turcos Libri II editi*. [203](#)
 Criminalis *Juris Germanorum Elementa tradita*. 175 seq.
 necessitas & usus. 176
 fontes. [ibid.](#)
 jurisdictio quibus olim competierit? [179](#)
 Criminum *varia genera recensita*. [178](#)
 Cryptographiæ *historia descripta*. [706](#) seq.
 Curvarum *rectificatio*. 413
 Cycloidis *ad pendula applicata inutilitas*. [226](#)
 Cyr-

RERUM NOTABILIORUM.

- Cyrnæi (Petri) *Historia rerum Corsicarum edita.* [484](#)
vita & scripta. [485](#)
 Cyrus quo tempore regnauerit? [602](#) seq.
- D.**
Danicæ gentis adversus Burmannum vindicia. [235](#)
 Dartis (Jo.) *vita & scripta.* [566](#)
 Davides ab accusatione Balii liberatus. [471](#)
 De Davila (Henr. Catharino) singularia. [470](#)
 Daumius (Christian.) laudatus. *ibid.*
ejus vita & scripta. [567](#)
 Deciffratorix artis origo & vera ratio. [710](#) seq.
usus diplomaticus. [712](#)
 Delictum quid sit? [177](#)
 Dempsteri (Thom.) *vita & scripta.* [377. 470](#)
 Devolutionis jus in quo consistat? [274](#)
 Dies civilis quando olim initium cepit? [441](#)
 Digestorum vox a quo primum usurpata? [19](#)
 Dillenii (Jo. Jac.) *methodus Plantarum descripta.* [369. 370](#)
 Dionysius, Sicilia Rex, an sit puerorum magister factus? [472](#)
 Diplomata nonnulla Habsburgica vitiose exscripta. [388](#) seq.
- Distinctionum in scribendo antiquitas illustrata. [20](#)
 Doctores Academici an gaudeant nobilitatis jure? [218](#)
 Dodwelli (Henr.) *Epistola ad Perizonium edita.* [619](#)
 Dorvillii (Jac. Phil.) in Museum merita. [61. 63](#) seq.
cum Jo. Corn. Paw contentiones enarrata. [66](#) seq.
scripta promissa. [67](#)
 Dramatis in Ecclesia & Republica usus. [420](#) seq.
 Duvallii (Andr.) *vita & scripta.* [568](#)
- E.**
Ecclesiastica Ordinatio Danie descripta. [373](#) seq.
ejus autor quis? [373](#)
historia Seculi II illustrata. [642](#) seq.
 Ecclesiastici ritus antiqui descripti. [434](#) seq.
 Eclipses aliquot primi & secundi Satellitis Jovis, Vienna observata [A. 1738.](#) [133](#)
 Eclipsis Solis d. 15 Aug. A. 1738 Vienna observata. [131](#)
 Elasticitas corporum unde oriatur? [329](#)
 De Eliezaro Diff. [619](#)
 Elogium in quo consistat? [16](#)
 Engavii (Jo. Rud.) laudatus. [176](#)
 In

I N D E X

<i>In Episcopo quid olim requisitum fuerit?</i>	593	<i>Fabulæ antiquæ quid denotent in Institut. Juris?</i>	452
<i>Epistolæ tractoriæ descriptæ.</i>	12	<i>Faida quid sit?</i>	177 seq.
<i>Epistolarum origo unde?</i>	<i>ibid.</i>	<i>Falconia (Proba) quæ fuerit?</i>	468
<i>Equi cursuales descripti.</i>	13	<i>Fames in quo consistat?</i>	520
<i>Equites creandi ritus antiquus descriptus.</i>	219	<i>Fermentatio quomodo fiat?</i>	329
<i>Eratosthenis catalogus Regum Aegypti Thebanorum illustratus.</i>	606	<i>Ferrariense Diarium editum.</i>	483
<i>Eremitæ (Dan.) vita & scripta.</i>	378	<i>Ferrarii (Franc. Bernardini) vita & scripta.</i>	377
<i>Erucarum natura explicata.</i>	113 seq.	<i>Feudalis Juris universalis padia explicata.</i>	472
<i>Eltheræ historia illustrata.</i>	466	<i>Feudum, vox, a Romanis deductum.</i>	149
<i>Estor (Jo. Ge.) laudatus.</i>	274	<i>Flodiardi vita & scripta.</i>	595
<i>Etruria an ab Homero perlustrata?</i>	2	<i>Fluentium & stagnantium aquarum æquilibrium.</i>	270
<i>Etruscarum antiquitatum fragmenta descripta.</i>	1 seq.	<i>Fluidi in planum directe impingentis impetus.</i>	271
<i>Etruscorum veterum Alphabetum explicatum.</i>	2 seq.	<i>Fluidorum particula perpetuo motu intestino agitantur.</i>	266
<i>nummi explicati.</i>	6	<i>motus qualis sit?</i>	<i>ibid.</i>
<i>De Etruscorum veterum mythologia Diff.</i>	5	<i>pressio ex motu desinenda.</i>	270
<i>physiologia</i>	<i>ibid.</i>	<i>ex vasis effluentium reactio.</i>	271
<i>Diff.</i>	6	<i>vis repellens.</i>	<i>ibid.</i>
<i>Diff.</i>	<i>scriptura</i>	<i>Fluxionum methodus explicata.</i>	451
<i>Diff.</i>	<i>ibid.</i>	<i>Focichalta, vox, quid denotet?</i>	408
<i>Eucharistiæ usus medicus.</i>	618	<i>Folia omnis generis ad classes redacta.</i>	257 seq.
<i>Eugubina tabula explicata.</i>	2 seq. 4	<i>Fontis Soterii Hampstedensis virtutes descriptæ.</i>	222
<i>Exodi annus quibus characteribus insignis fuerit?</i>	442	<i>Spadani virtus & præstantia.</i>	514
F <i>Fabrics (Jo. Alb.) laudatus.</i>	479	<i>A Foris dictæ urbes nonnullæ.</i>	147
<i>Fabroti (Car. Annib.) vita & scripta.</i>	381	<i>For.</i>	

RERUM NOTABILIORUM.

Fornerii (Guil.) <i>Diff. de Antinomiis pigistorum edita.</i>	137	Gaurici (Luca) <i>vita & scripta.</i>	ibid.
Fornicum <i>varia genera quomodo solide construenda?</i>	508	Gazæ (Theodor.) <i>vita & scripta.</i>	380
Forojuliensis <i>Chronici fragmenta edita.</i>	494	Gebhardi (Brand. Henr.) a Joach. Langio <i>refutatus.</i>	342
Forojulensium <i>Principum stemma illustratum.</i>	253	Generatio <i>substantialis mixtorum.</i>	329
Foullonii (Jo. Erb.) <i>vita.</i>	625	Genesios <i>quatuor prima Capita Turcice & Latine edita.</i>	424
Fracaetorius (Hieron) <i>laudatus.</i>	152	In Genesios <i>tria priora Capita Commentarius luculentus.</i>	155
Frictiones <i>corporum quomodo rite aestimanda?</i>	614	Genuensis <i>populi res gesta descripta.</i>	206
Friderici III Imp. <i>ad Paulum II Pont. adventus descriptus.</i>	205	<i>historia edita.</i>	485
In Funere <i>quem olim usum præstiterint plantæ?</i>	46	De S. Georgio (Benevenuti) <i>Historia Montisferrati edita.</i>	206
Fungi <i>e silice nascentes.</i>	334	<i>vita & scripta.</i>	208
Furtum <i>per lancem & licium quale olim fuerit?</i>	454	Gerdesii (Dan.) <i>Dissertationes conjunctim edita.</i>	616
Gallæ <i>arborum & herbarum explicata.</i>	221	Germanorum <i>veterum historia cur in obscuro lateat?</i>	277
Galli (Ant.) <i>Opuscula historica edita.</i>	206	<i>Jurisprudentia illustrata.</i>	406
Galliæ <i>Scriptorum nova Collectio promissa.</i>	568	<i>lingue addiscenda necessitas.</i>	545
Gallicæ <i>Ecclesiæ sub Carolo M. status.</i>	590	Gesneri (Jo. Matthiæ) <i>institutum demum edendi Plinii Historiam naturalem cum Notis Harduini.</i>	143
Gallinsectorum <i>historia descripta.</i>	121	le Givre (Petri) <i>vita & scripta.</i>	378
Gallorum <i>Sec. V elogia ex Sidonio Apollinari excerpta.</i>	467	Glabri (Rud.) <i>vita & scripta.</i>	376
Gannare, <i>vox, unde?</i>	281	Gladii <i>Academici origo unde?</i>	461
Garassi (Franc.) <i>vita & scripta.</i>	568	Glossæ <i>Malbergica illustrata.</i>	406
Gaudentii (Paganini) <i>vita & scripta.</i>	567	Aaa aa	Gno-

I N D E X

- Gnomonica Mechanica explicata.** 565
Goldasti (Melch.) vita & scripta. 381
Gorii (Anton. Franc.) in antiquitates Etruscas merita. 1 seq.
Gottingensis Gymnasii Exauguratio descripta. 468
 historia illustrata. 472
Goulartii (Sim.) vita & scripta. 381
Græcæ Ecclesiæ historia descripta. 529 seq.
Grataroli (Guil.) vita & scripta. 568
Gratia Dei universalis adversus Reformatos demonstrata. 342 seq.
Gravinæ (Jan. Vinc.) vita & scripta. 380
Gravitas primitiva. 45
 major in regionibus polo magis vicinis. ibid.
Gravium theoria. 330
B. Gregorii Nysseni Epistola septem edita. 337 seq.
Gretseri (Jac.) vita & scripta. 376
 scripta junctim edita. 534 seq. 676 seq.
Gronovii (Jo. Frid.) in Livium merita. 195
Guarini, senioris, vita. 151. 379
 junioris, vita & scripta. 379
Guichenonii (Sam.) vita & scripta. 568
Guntherus, scriptor Ligurini, pro suppositio habitus. 472
Gutenberg (Jo.) primus artis typographica inventor. 580
Guttenbergio (Jo.) Inscriptio Morguntiae posita. 584
Gyraldi (Lil. Greg.) vita & scripta. 378
 Epitaphium. 379
 (Jo. Bapt.) vita & scripta. ibid.
- H**
- Habsburgicæ gentis antiquitas ex Diplommatibus illustrata.** 385 seq.
Hafniæ incendium descriptum. 234
Hampstadenſis fontis ſoterii virtutes descriptæ. 222
Hare (Franc.) in emendandis Psalmis audacia. 110 seq.
Hafæus (Theodor.) refutatus. 476
Hebenſtreit (Jo. Ern.) laudatus. 701
Hebræorum veterum poeſis illustrata. 110 seq.
 Musica illustrata. 112
Hemerxi (Jo.) vita Edm. Merillii denuo edita. 138
Hemmerlini (Felicis) vita & scripta. 377
Hergott (Marqu.) institutum, edendi Historiam Ordinis S. Benedicti, commendatum. 236 seq.
 laudatus. 385 seq.
Hermæ cur olim quadratæ fuerint? 16
Hermanni (Pauli) methodus plantarum descripta. 357
Heumannii (Christoph. Aug.) in colligendis Antiquitatum Academicarum Scriptoribus industria. 615
 De

RERUM NOTABILIORUM.

- De Hiltenio (Jo.) tres veteres *Epistole* edita. 472
Hinemari, *AEpiscopi Rhemensis*, vita & scripta. 593 seq.
S. Hippolytus ubi & qualis *Episcopus* fuerit? 467
Historia Philosophica in compendio tradita, 185
Hoadleyi (Benj.) de S. Cæna sententia. 25
a Waterlando refutata. ibid.
Hœschelii (Dav.) vita & scripta. 376
Hoffmannus (Jo. Guil.) laudatus. 36. 406
Holbergii (Lud.) vita & scripta. 232 seq.
Epigrammata edita. 235
ad Burmannum *Epistola* edita. ibid.
Hollatorum *historia* descripta. 371 seq.
Holstenii (Luc.) vita & scripta. 568
Homerus an *Etruriam* perlustraverit? 2
Hominis *sani theoria* explicata. 658
theoria carmine explicata. 701 seq.
van den Honert (Jo.) refutatus. 351
Hor, *antiqua vox Saxonica*, quid denotet? 475
Horologia, rotis & ponderibus instructa, a quo inventa? 151
emendandi modus. 227
Horologica artis historia. ibid.
Horologiorum ratio & constructio. 223
potentia directrix. 224
Hort, *antiqua vox Saxonica*, quid denotet? 475
Hortus Clyffortianus descriptus. 256 seq.
Hospitalii (Mich.) vita & scripta. 568
Hospitalitatis *jus* qua ratione olim constitutum? 14
Huetii (Petr. Dan.) & Christoph. Sandii *Epistolæ aliquot amæbæ* edita. 472
Hugenot, *nomen*, unde ortum? 590
Hugonis (Herm.) vita descripta. 9
Hungariæ *Comitatus tres* descripti. 51
plantas colligendi consilium. 666 seq.
Hydraulicarum machinarum ultimus perfectionis gradus. 268
Hydraulico-Statica Bernoulliana. 270
Hydrodynamicæ principia. 265
Hyvani (Ant.) de *Bello Volaterrano* *Commentarius* editus. 262
Jablonskii in *Eratosthenis Catalogum Annotationes*. 606
E Jamelii (Rich.) *Epistolis ineditis Excerptum*. 619
Jani Montis *aqua* laudata. 460

I N D E X

<i>Ignium militare ratio explicata.</i>	172	<i>Juris Criminalis necessitas & usus.</i>	176
<i>Ignorantia docta in Theologia.</i>	618	<i>fontes.</i>	ibid.
<i>Incisura, vox, quid denotet?</i>	386	<i>Jurisdictio criminalis quibus olim</i>	
<i>Indicis librorum prohibitorum editio</i>		<i>competierit?</i>	179
<i>rarissima.</i>	472	<i>Jurisprudencia veterum Germanorum</i>	
<i>Institutionum Juris loca nonnulla</i>		<i>illustrata.</i>	406 seq.
<i>emendata.</i>	453. seq.	<i>In Jurisprudencia quid sit pulchrum?</i>	612
<i>De Joannis Apostoli Pontificatu ma-</i>		<i>Jus Naturale an primo homini coe-</i>	
<i>ximo quid sentiendum?</i>	464	<i>vum fuerit?</i>	170
<i>Jocundi (Jo.) vita & scripta.</i>	566	<i>S. Justinæ Patavinæ Congregatio de-</i>	
<i>Jodelli (Steph.) vita & scripta.</i>	377	<i>scripta.</i>	674
<i>Josephi Chronologia sacra vindica-</i>		<i>ejus</i>	
<i>ta.</i>	104	<i>Scriptores recensiti.</i>	ibid.
<i>Ischuria singularis descripta.</i>	411 seq.	K.	
<i>Isidori Pelusiota vita & scripta.</i>	466	<i>Kiesenwetterus (Jo. Christ.) no-</i>	
<i>Italica lingua unde orta?</i>	150	<i>tatus.</i>	425
<i>Ittigii (Thom.) vita & scripta.</i>	380	<i>Knautii (Christoph.) methodus Plan-</i>	
<i>Jucundus, primus Vitruvii illustra-</i>		<i>tarum descripta.</i>	356
<i>tor.</i>	151	<i>(Christian.) methodus Plan-</i>	
<i>Judæorum historia descripta.</i>	174	<i>tarum descripta.</i>	361
<i>sub imperio Romano sta-</i>		<i>Kœcheri (Jo. Christoph.) historia Aca-</i>	
<i>tus politicus.</i>	693	<i>demie Osnabrugensis edita.</i>	615
<i>tempore Christi quæ ju-</i>		<i>Kœlerus (Jo. Dav.) refutatus.</i>	584
<i>risdictio?</i>	698	<i>Kohlreiffii hypotesis Chronologica re-</i>	
<i>De Judicum Hebræorum annis Diss.</i>		<i>futata.</i>	104
	620	<i>Kortholti (Christ.) vita & scripta.</i>	567
<i>Juliani, Canonici Civitatenfis, Chronici</i>		L.	
<i>Forojulienfis fragmenta edita.</i>	494	<i>Lackemacheri (Jo. Frid.) vita &</i>	
<i>Imperatoris vita descripta.</i>		<i>scripta.</i>	621
	540 seq.	<i>Lackmanni (Adam. Henr.) in Histo-</i>	
	genealogia. 541	<i>riam Holfatorum merita.</i>	371
<i>Junckerrath, nomen, quid denotet?</i>		<i>Lactantii variae lectiones ex Codice</i>	
	285	<i>MSto Gothano.</i>	472
<i>Juris Criminalis Germanorum Ele-</i>		<i>Lambecii (Petri) vita & scripta.</i>	567
<i>menta tradita.</i>	175 seq.	<i>La-</i>	

R E R U M N O T A B I L I O R U M.

Lamius (Jo.) laudatus.	401	Lilius (Lud.) an fuerit Veronensis?	152
Landvogtiæ munus in quo consistat?	681	Linnæi (Car.) in hortum Clyffortia-	256
Langius (Joach.) quibus subsidiis		num merita.	365. 369
suos in Scripturam S. Commenta-		methodus Plantarum	
rios pepererit?	340	descripta.	365. 369
ejus opus novum		de plantarum nomi-	
promissum.	343	nibus judicium.	456 seq.
Langobardicorum Regum historia		Lipsii duæ Epistolæ editæ.	471
luculenter descripta.	252	Literæ an ab Adamo vel Setho in-	
Lazii (Wolfg.) vita & scripta.	568	ventæ?	17
Lectii (Jac.) vita & scripta.	567	Gothica quomodo primum in-	
Lectio Autorum quomodo rite insti-		ventæ?	19
tuenda?	546	Litonicum officium descriptum.	471
Lederlini (Jo. Henr.) vita & scri-		Livii loca nonnulla emendata.	201
pta.	432	De Livii editionibus judicium.	195
Lelandi (Jo.) vita & scripta.	377	seq.	
Lenonibus quæ in Jure pænæ statu-		Lobkowitzii (Jo. Caramuelis) vita &	
ta?	178	scripta.	380
Leodiensium Episcoporum & Princi-		Lœwii (Car. Frid.) plantas Hun-	
pum historia descripta.	625 seq.	gariæ colligendi consilium.	666
Leodii antiquitates illustratæ.	628	seq.	
Leonini versus unde dicti?	467	Logices doctrina in compendio tra-	
Leusdenii (Jo.) vita & scripta.	381	dita.	185 seq.
Lex antiqua de recensu populi illu-		Lotharius Imp. quo Anno decesserit?	
strata.	314 seq.	251. 388	
Libanii Epistola conjunctim editæ.	289	ejus vera epocha.	715
seq.		Lowmann (Moses) in explicanda	
barum editores re-		Apocalypsi quid præstiterit?	299
censiti.	290 seq.	Lubini (Augustini) vita & scripta.	
Libonis (Scribonii) puteal illustra-		567	
tum.	314	Lucis, cum primaria, tum secunda-	
Librorum veterum ornamenta quæ?		riæ, natura.	327
17		propagatio.	328
Licinæ Legis sumptuaria monimen-		& colorum theoria.	612
tum in numo antiquo.	312 seq.	Aaa aa 3	L2-

I N D E X .

Ludorum equeſtrium antiquitas in- veſtigata. 250	Magnoli (Petri) methodus Planta- rum deſcripta. 363
Ludovici Pii Imp. hiſtoria deſcri- pta. 243 ſeq.	Magnanii (Eman.) vita & ſcripta. 568
filiorum & ne- potum res geſta deſcripta. 250 ſeq.	Maji (Jo. Henr.) vita & ſcripta. 379
Sub Ludovico Pio Imp. quis fuerit Eccleſiæ Gallicæ ſtatus? 592 ſeq.	Majoli (Sim.) vita & ſcripta. 377
Ludwigii (Chriſt. Gottl.) methodus plantarum deſcripta. 360	Malbergicæ Gloſſæ illuſtrata. 406
Lunares incola & atmofphæra nega- ta. 333	Malleoli (Felicis) vita & ſcripta. 377
Luneburgi etymon & primordia unde? 472	Manſcriptorum Codicum menda unde? 23
Luneburgica quadam Documenta edita. 39	Marcaſſi (Petri) vita & ſcripta. 567
Luneburgicorum Jurium & Judi- ciorum notitia. 555 ſeq.	Marchandus (Proſper) laudatus. 578
Luneburgicum Inſtrumentum Pacis editum. 38	ejus ſcri- bid.
Lutheranæ Eccleſiæ ortus ac progres- ſus deſcriptus. 534	pta.
Lutherus an cum Calvinianis ſenſe- rit? 350 ſeq.	Ad Mare rubrum iter Iſraelitarum deſcriptum. 443
Lycollhenis (Conr.) vita & ſcripta. 568	Maris rubri recedentis miraculum explicatum. 445 ſeq.
	Mareſii (Sam.) vita & ſcripta. 376
	Martelli (Hieron.) de Aquis Montis Jani Epistoſa. 460
	Martini (Eman.) Epistoſe denuo edi- ta. 254
	pro crepitu ventris
	Or. edita. 255
	Malcovius (Gothofr.) laudatus. 555
	Materia prima qualis? 327
	Materiæ diviſibilitati limites conſti- tuere mens noſtra nequit. 325
	Mathematica ſcientia in compendio tradita, 192. 704
	Maturatio quomodo fiat? 329
	Mechanica Gnomonica explicata. 556
	Mediæ

RERUM NOTABILIORUM.

- Mediæ Regum historia & chronologia.* 501
Medicamenta facile parabilia commendata. 221
Medici quæ sint officia? prudentia quibus in rebus adhibenda? studia quæ esse debeant? 479 seq. ibid. 480
Medicina Jurisprudentia prælata. 383
Medicorum Observationes, sacras colligendi institutum. 473
& Chirurgorum Parisiensium lites descriptæ. 560 seq.
Melchisedeci historia illustrata. 472
Membrarum antiquitates illustratæ. 11
Menckenii (Ottonis) vita & scripta. 568
(Jo. Burch.) vita & scripta. ibid.
Mensæ Facierum antiquitates illustratæ. 139 seq.
De Merbes (Boni) vita & scripta. 566
Mercurii crudi virtus & usus. 409 seq.
in morbo venereo usus. 609
Meridiani terrestris accurata dimensio. 41
Merillii (Edmundi) vita. 138 seq.
Commentarius in Institutiones Juris denuo editus. 452
Metaphysices doctrina in compendio tradita. 192
Micheli (Petr. Ant.) methodus Plantarum descripta. 368. 370
De Middendorpii Historia Academiæ universalis judicium. 615
Milcini (Jo.) Cardinalis, vita descripta. 469
Militaris res veterum Romanorum descripta. 425 seq.
Minnike (Henr.) ob hæresin combusti, memoria instaurata. 472
Minutius Felix numero Actorum exemptus. 471
Miracula in Scriptura S. quomodo sint explicanda? 213
Missioni (Maximil.) errores in Itinere Italico admissi. 153
Molierii (Jo. Bapt.) vita & scripta. 379
Mommers (Jo. Mauriti.) refutatus. 350 seq.
Monini (Jo. Eduardi) vita & scripta. 568
Monstrorum ortus unde? 320
Monstrum fætus bicipitis descriptum. 319
Montani (Bened. Ariæ) vita & scripta. 376
Montisferrati historia edita. 206 seq.
Moralis doctrina in compendio tradita. 192
Morborum chirurgicorum genera quæ? varia genera adducta. 122 seq. 716 seq.
De

I N D E X

- De Morborum transplantatione*
sententia Cinellii. [383](#)
Morisoni (Rob.) methodus planta-
rum descripta. [355](#) [367](#)
Moshemius (Jo. Laur.) laudatus. [31](#)
defensus. [32](#)
Motus quid sit? [189](#)
vitalis explicatus. [516](#)
velocitas & tarditas in quo
consistat, incertum. [326](#)
van der Muelen (Guil.) cum Sim.
Henr. Museo controversia. [170](#)
Mülleri (Jo.) de Ruxneri libro de
Torneamentis Opusculum editum.
[215](#)
Mundi creatio descripta. [155](#) seq.
an sit annihilatio expectan-
da? [157](#)
Muratorius (Lud. Ant.) laudatus.
[481](#) seq.
Musæus qua ætate vixerit? [61](#)
ejus editio nova. *ibid.*
editiones omnes recen-
sitæ. [62](#) seq.
locæ quædam emendata.
[63](#) seq.
Muscarum natura explicata. [113](#) seq.
Musica veterum Hebræorum illu-
strata. [112](#)
Musicæ Academia Veronæ instituta.
[152](#)
N.
Naldii (Naldi) *Epistola & Carmen*
de Laudibus Augustæ Bibliothecæ
edita. [53](#)
De Nangis (Guil.) vita & scripta. [376](#)
- Nastaid, vox, quid denotet?* [407](#)
Natalitiorum Actorum apud veteres
quæ ratio? [18](#)
Naturæ cursus cum religionis prin-
cipiis convenientia. [211](#) seq.
Naugerii (Andr.) Historia Veneta
edita. [210](#)
Navigatio sine velis remisque. [272](#)
Neandri (Mich.) vita & scripta. [567](#)
Neapolitana Historia edita. [205](#)
Nebucadnezaris res gestæ descriptæ.
[598](#)
Neritinum Chronicon editum. [489](#)
Nerlii (Ant.) Chronicon Monasterii
Mantuanæ S. Andree editum. [491](#)
De Nethinæis Diff. [620](#)
Newtoniana Philosophia ad usum
sexus sequioris accommodata. [612](#)
Nichollsi (Franc.) in Anatomiam me-
rita. [317](#) seq.
Nicolai (Jo.) notatus. [13](#)
Nicolii (Petri) vita & scripta. [380](#)
Nobilissimi titulus olim principi ju-
ventuti datus. [229](#)
Nobilitatis jus in quo consistat? [210](#)
vera origo. *ibid.*
jura quæ? [217](#)
veteris jura an Nobilibus
novis ab Imperatore concedi pos-
sint? *ibid.*
jure an gaudeant Docto-
res Academici? [18](#)
Nomina plantis quæ imponenda?
[456](#)
Nominis præteritio olim ignominio-
sa. [666](#)
No-

RERUM NOTABILIORUM.

Nominum *impositio quomodo ab Adamo facta?* 162

Norimbergensi urbi inter civitates Imperii antiquissimas locus asser-
tus. 549

Norimbergensis *historia ex Diplo-*
matibus descripta. 548 seq.

urbis privilegia il-
lustrata. 550 seq.

Notæ veterum libraria descripta. 13
serviles & judicia-
ria descripta. ibid.

Grammaticorum de-
scripta. 20

Novilunia cur celebraverint Israeli-
ta? 442

Numi veterum Etruscorum explica-
ti. 6

Puteal Libonis indicantes. 314

Corcyra antiquitates illustran-
tes. 639. 640

Ad Numos singulos formandos an
novo typo usi sint Romani? 471

Numus Maximiani Cesaris, Vero-
nam representans. 148

gentis Licinia descriptus. 313

O *blationum pro defunctis olim*
factarum vera ratio. 645

Oculi tunica & humores carmine
descripti. 702 seq.

De Orationibus, quæ sunt veterum
Historicorum scriptis immixtae,
judicium. 194 seq.

Ordinatio ecclesiastica Danie descri-
pta. 373 seq.

Osnabrugensis *Academia Historia*
edita. 615

P *ack (Otto) an formulam fæde-*
ris inter Principes quosdam, &
Philippum, Hassia Landgr. sin-
xerit? 38

Panis & vini in S. Cæna consecratio
quomodo fiat? 27

Panvinii (Onuphr.) in literas meri-
ta. 152

Papilionum natura explicata. 113 seq.

Paradisus ubi situs fuerit? 159 seq.

Parthorum Regum historia descri-
pta. 174

de Passlerani (Alb. Radicatus) Comes,
refutatus. 347

Pastrengi (Guil.) Operum editio pro-
missa. 151

Patavii laudes descripta. 493

Patriarcharum historia illustrata. 616

Patricii (Augustini) Descriptio adven-
tus Friderici III Imp. ad Pau-
lum II edita. 205

vita & scripta. ibid.

Pauli Apostoli Bibliotheca descripta.
472

Paw (Jo. Cornel.) notatus. 65 seq.
ejus in Dorvilli-
um iniquitas. ibid.

gatus. 69 seq.

editio Anacreon-

tis notata. 665

Pellicani (Conr.) vita & scripta.
381

Bbb bb

Pen-

I N D E X

<i>Pendulorum acceleratio in latitudine 66°. 48'.</i>	45	<i>Pisanæ Historia Fragmenta edita.</i>	486
<i>Pergamenæ membrane an ab Eumenio, Pergami Rege, inventa?</i>	17	<i>Plagiarii exemplum.</i>	13
<i>Perigardi (Claudii) vita & scripta.</i>	567	<i>Plagii accusatus Lud. Holbergius.</i>	234
<i>Pestienſis urbis historia descripta.</i>	52	<i>Planetarum gravitates versus solem non satis certa.</i>	270
<i>Petrarchæ (Franc.) vita & scripta.</i>	377	<i>Plantarum feralium antiquitates illustrata.</i>	45 seq.
<i>Petri (Ant.) Diarium Romanum editum.</i>	491	<i>disponendarum methodi omnes recensite.</i>	354
<i>(Suffridi) vita & scripta.</i>	567	<i>Plantas Amboinenses colligendi institutum.</i>	524 seq.
<i>Petroni (Pauli) Miscellanea historica edita.</i>	492	<i>Hungaria colligendi consilium.</i>	666 seq.
<i>Peutingeriana Tabula descripta.</i>	95	<i>Plantis quæ nomina imponenda?</i>	456
<i>Phaath, vox, quid denotet?</i>	386	<i>Platoni an dogma de S. Trinitate fuerit cognitum?</i>	405
<i>Phalaridis Epistola forſan omnes Libanio tribuende.</i>	296	<i>Platonis vita & doctrina enarrata.</i>	402 seq.
<i>Philippi, Macedonum Regis, vita descripta.</i>	171	<i>Plinii (C. Sec.) Historiam Naturalem cum notis Harduini ædendū institutum.</i>	143 seq.
<i>Philosophia sensuum exposita.</i>	323	<i>patria quæ?</i>	151
<i>sectaria explosa.</i>	ibid.	<i>locus explicatus.</i>	471
<i>Philosophica Historia in compendio tradita.</i>	185	<i>Pœnitentia peccatoris in quo consistat?</i>	344
<i>Phlebotomiæ varia genera.</i>	655	<i>ad eam quid requiratur?</i>	345
<i>Physicæ doctrina in compendio tradita.</i>	187	<i>ejus fructus.</i>	346
<i>Physicorum sectæ notabiliores.</i>	324	<i>Pœſis Hebraica in Psalmis demonstrata.</i>	110 seq.
<i>Physiologia carmine explicata.</i>	701	<i>Politiani (Angeli) versus retrogradus.</i>	469
<i>Pignorum doctrina illustrata.</i>	137		Poly-
<i>Pii II Pont. in Turcas expeditio descripta.</i>	203		
<i>Pilatus (Pontius) quis fuerit?</i>	697		

RERUM NOTABILIORUM.

Polypi an ante mortem generentur?

83

unde generentur?

84

Pomponii (Sec.) vita.

150

Pontederæ (Julii) methodus Plantarum descripta.

363. 366

In Pontifice creando jus suffragii Cæsarei quando ortum?

247

Postarum origo unde?

13

Præcocis ingenii exemplum.

61

In Prædestinationis doctrina an omnes inter se consentiant Protestantes?

353

Princeps olim legibus solutus.

454

Probabilitatis ratio explicata.

211

In Prophetas Commentarius novus editus.

341 seq.

Psalmorum liber in versiculos metricè divisus.

109

Psalterii, in Saxoniæ inferioris linguam translati, Codex rarissimus descriptus.

473 seq. 475

Codex MSus Capellianus descriptus.

477

Ptolemæi Canon descriptus.

596

Pulchrum in Jurisprudentia descriptum.

642

Pulicis arborei natura explicata.

118

hostes qui?

120

Punctorum Ebraicorum quot sint genera?

392

Puteal Libonis explicatum.

314

Putealia cui olim usui inservierint?

ibid.

Pyrgus, instrumentum in tesseriis jactandis usitatum.

74

Quilleti (Claudii) vita & scripta.

376

Quintiliani loca aliquot emendata.

472

Quirinus (Angelus Maria) Cardinalis, laudatur.

631

Raji (Jo.) methodus Plantarum descripta.

356. 368

De Raino (Lud.) Historia Neapolitana edita.

205

Raptori an Jure Canonico rectè cum rapta matrimonium permittatur?

311

Raptus crimen in quo consistat?

305

cur Jure divino nulla

pana coerceatur?

306

quomodo puniatur

Jure humano?

310 seq.

Ratherii, Episcopi Veronensis, vita & scripta.

595

Ratio quousque in rerum divinarum cognitione procedere possit?

622

seq.

Rau (Jo. Eberh.) laudatur.

286

Ravennense Instrumentum plenarie securitatis illustratum.

136 seq.

315 seq.

De Recensu populi, frumentationis causa agendo, Lex antiqua illustrata.

315

Refractiones an majores in regionibus polo magis vicinis?

44

Regii (Lud.) vita & scripta.

379

Reinesii (Thom.) vita & scripta.

567

Bbb bb 2

Reli-

I N D E X

- Religionis naturalis & revelata cum
naturæ cursu convenientia. [211](#)
 seq.
- de S. Remy (de la Londelle) in Car-
 mina Virgilii annotationes lauda-
 ta. [48](#)
- Revelationis sacrae utilitas demon-
 strata. [622](#) seq.
- Revii (Jo.) vita & scripta. [566](#)
- Riccoboni (Ant.) vita & scripta. [376](#)
- Ringerus (Jo. Henr.) refutatus. [353](#)
- Rinuccini (Alemanni) vita & scri-
 pta. [566](#)
- Ritus antiqui ecclesiastici descripti. [434](#) seq.
- Rivini (Aug. Quir.) methodus plan-
 tarum descripta. [359](#)
- Rœveri (Matthiæ) in Museum meri-
 ta. [61](#) seq.
- Romanum Diarium editum. [491](#)
- Rotis instructæ machine quomodo
 perficienda? [613](#)
- Rudbeckii (Olai) vita & scripta. [567](#)
- Rumphii (Georg. Eberh.) Herbarium
 Amboinense edendi institutum. [524](#) seq.
- Runicæ literæ unde dictæ? [19](#)
- Ruppii (Henr. Bernh.) methodus
 Plantarum descripta. [360](#)
- Russiæ & adjacentium terrarum
 Annales literarii promissi. [383](#) seq.
- De Rûxneri libro de Torneamentis
 judicium. [215](#)
- S.
 Sacrorum apud Romanos coemptio
 explicata. [134](#)
- Sadoleti (Jac.) vita & scripta. [377](#)
- Salii unde dicti? [630](#)
- Saltzmänni (Jo.) vita & scripta. [521](#)
- Sanctorum aliquot vita a Gretsero
 edita. [678](#) seq.
- Sandii (Christoph.) & Huetii Episto-
 lae aliquot amabæ. [472](#)
- Sanguis an post mortem ab arteriis
 in venas pellatur? [80](#)
 ejus evacuatio quibus modis
 fiat? [656](#)
- Sanuti (Marini) de Bello Gallico
 Commentarius editus. [483](#)
- Sapphus Fragmenta edita. [665](#)
- Saul an filius anni vocetur in Chro-
 nologia sacra? [104](#)
- Scaligeri (Jul. Cas.) vita. [152](#)
 (Jof. Just.) duæ Epistolæ edi-
 ta. [471](#)
- Scarfi (Jo. Chrysost.) Carmina con-
 junctim edita. [286](#)
 vita & scri-
 bta. [ibid.](#)
- Scheuchzeri (Jo.) methodus Planta-
 rum descripta. [368](#)
- Schiloh, nomen, unde? [465](#)
- Schisma Ecclesiæ Orientalis & Occi-
 dentalis descriptum. [529](#) seq.
- Schlosserus (Jo. Lud.) laudatus. [350](#)
- Schoiffero (Petro) vera inventæ ty-
 pographiæ gloria debetur. [583](#)
 ejus poster. [588](#)
- Schræ-

RERUM NOTABILIORUM.

Schrœderus (Nic. Guil.) laudatus.	424	Gen. X, 8.	161
ejus scri-	424	21.	617
pta quadam promissa.	425	XI, 4.	ibid.
Scribarum munus quale olim fuerit?	21	XII, 12 - 15.	308
Scribendi occulte modi varii.	706	17.	309
Scripturæ antiquitates illustrata.	10	XIV, 14.	617
seq.		XV, 13.	396
S. loca explicata aut illu-		XX, 2 - 7.	308. 309
strata:		16.	396. 617
Gen. I.	424	18.	309
2.	399	XXI, 6.	617
3.	404	8.	ibid.
4. 5.	442	12.	ibid.
29.	157	XXII, 1 - 17.	ibid.
27.	395	XXIV, 63.	ibid.
30.	158	XXV, 11.	ibid.
II.	424	18.	ibid.
L.	158	21.	ibid.
4.	159	XXVI, 11.	163
III.	424	XXXI.	441
1.	162	3.	479
8.	398. 620	42.	617
20.	616	XXXIV, 1 seq.	309
22.	395. 399	2.	29. 308
IV.	424	XXXV, 5.	309
L.	434	XLI, 43.	473
7.	616	XLVI, 27.	617
13.	434	XLIX, 5 - 7.	309
26.	616. 617	10.	405
VI, 2.	36	17.	165
VII.	441	Exod. IV, 24 - 26.	619
VIII, 21.	616. 617	XII, L.	440. 443
IX, 3.	158	3.	443
4.	617	40.	3
		XIII, 4.	439
		12.	397
		Bbb bb 3	Exod.

I N D E X

Exod. XIV, 2.	444	Deut. XXIX, 19.	620
19, 20.	446	XXXI, 10, 11.	449
XVI.	441	Jos. V, 10.	ibid.
XVIII, 6, 7.	12	XI, 23.	450
XXI, 6.	308	XIV, 6.	449
16.	306	XVIII.	ibid.
XXII, 7, 8.	308	XXIV, 31.	100
15, 16.	307. 311	Judic. II.	101
27.	308	XI, 26.	ibid.
28.	307	31.	621
XXV, 2.	398	XIII, 3.	102
XXXI, 13.	448	5.	466
17.	ibid.	XIX.	309
XXXIV, 16.	308	XXI, 25.	ibid.
Levit. X, 7.	163	Ruth IV, 6.	163
XIX, 28.	13	18.	159
XXIV, 7.	27	1 Sam. II, 25.	620
XXV, 2.	450	III, 3.	399
8.	449	IV.	103
Num. V.	15	8.	396
X, 21.	27	15.	102
XI, 7.	160	18.	ibid.
XIII.	100	VII, 2.	ibid.
XV, 32 — 36.	308	6.	ibid.
XXIV, 17.	616. 617	X, 1.	104
XXVII, 1 — 7.	308	17.	ibid.
XXX, 4 seq.	311	24.	ibid.
XXXI, 17, 18.	307	XIII, 1.	104. 105
XXXVI.	308. 309	XIV, 14.	104
Deut. V, 15.	448	2 Sam. V, 1 — 9.	496
VII, 7.	397	VIII.	498
XII, 19.	ibid.	5, 6.	ibid.
XIV, 15.	13	9.	ibid.
XXI, 10 — 14.	307	XIII, 14.	307
XXII, 22 — 29.	ibid.	XVII, 27 — 29.	396
XXIV, 7.	306. 310	XXIII, 1.	397
		1 Reg.	

RERUM NOTABILIORUM.

<i>1 Reg. VI.</i>	106	<i>Pf. XI, 3.</i>	399
1.	100. 105	XIX.	619
VIII, 1.	450	5 - 7.	474. 475
X	160	XXII.	621
XI, 25.	498	23 - 32.	618. 620
42.	105	XXV, 11.	474
XIV, 25.	499	XXVII, 1.	478
XV, 98.	ibid.	XXXVII, 25.	476
XVI, 31.	497	XL, 3.	475
XVIII, 13.	451	7 - 9.	476
<i>2 Reg. IV, 39.</i>	399	XLV, 5.	395
VIII, 16.	108	XLIX, 3.	308. 475
25.	ibid.	9.	399
XVI, 8, 9.	499	L, 22.	163
XVII, 36.	500	LI, 5, 6.	345
XXI, 13.	10	LII, 9.	395
XXIII.	ibid.	LIII, 2.	474
XXV.	600	LXVIII, 5.	395
27.	439	17.	476
<i>1 Chron. VII, 21, 22.</i>	617	28.	ibid.
<i>2 Chron. II, 13.</i>	496	LXXVI, 5.	476
IX.	160	LXXVIII, 14.	477
XIV.	499	LXXXI, 4 - 6.	443
XV, 19.	108	LXXXII, 1.	308
XXII, 2.	ibid.	6.	ibid.
<i>Ezra IV.</i>	597	LXXXIV, 12.	478
<i>Esther. V, 7, 8.</i>	397	XCI, 7.	447
<i>Job I, 28.</i>	395	XCIII.	431
VII, 7.	158	CXIII, 2.	395
X, 8.	394	CXIV.	431
XIX, 23, 24.	10	CXVI, 13.	475
XXXVI, 24.	158	CXIX, 109.	477
<i>Pf. I.</i>	110	<i>Prov. VIII, 4.</i>	308
II.	476	X, 1.	478
12.	163	XXII, 1.	479
VI, 2.	345	XXXI, 14.	478
		<i>Ecclef.</i>	

I N D E X

<i>Ecclef.</i> VIII, 2.	397	<i>Ezech.</i> XVI, 6.	396
5.	394	20, 21.	397
XII, 9.	619	XXVI.	599
<i>Cant.</i> VII, 29.	478	XXVII.	ibid.
<i>Ef.</i> X.	505	22.	160
XVI, 1.	394	XXVIII.	599
XX.	505	2.	600
XXIII, 7.	495	12.	ibid.
XXVI, 14.	471	XXIX, 17 — 20.	600
19.	ibid.	XXXI.	599
XXXIII, 22.	478	<i>Dan.</i> II.	ibid.
XL, 3.	395	VI, 18.	139
XLI, 19.	140	<i>Hof.</i> V, 13.	505
XLIX, 3.	395	XI, 7.	397
LII, 7.	620	XII, 4, 5.	617
LXI, 10.	478	XIV, 3.	345
LXIII, 7.	397	<i>Amos</i> VI, 6.	399
LXV, 11.	139	<i>Habacuc</i> II, 4.	396
<i>Jerem.</i> III, 15.	478	<i>Malach.</i> III, 1.	465
X, 16.	ibid.	<i>Liber Sap.</i> XVIII.	403
XII, 14.	163	<i>Matth.</i> II, 23.	466
XIV, 7.	345	III, 8.	346
XVII, 1.	10	13 — 17.	617
XXV, 1.	599	V, 6.	346
XXXI, 12.	467	13.	431
19.	395	VII, 20, 21.	349
XXXIV, 8 <i>seq.</i>	451	X, 12 — 16.	620
XXXIX, 3.	601	XVIII, 3.	349
13.	ibid.	XX, 1 — 16.	618
XLIV, 30.	500	22.	475
LI, 19.	478	XXII, 11.	619
<i>Thren.</i> III, 1.	395	XXVI.	27
40.	345	50.	696
42.	ibid.	61.	697
<i>Ezech.</i> VI, 9.	595	65, 66.	ibid.
XV, 2.	399	<i>Matth.</i>	

RERUM NOTABILIORUM.

<i>Matth.</i> XXVII, 2.	697	<i>Act.</i> XIII, 20, 21.	104
52, 53.	466	51.	471
XXVIII, 11 — 15.	ibid.	XVI, 1.	477
<i>Marc.</i> X, 38.	475	31.	396
XIV.	27	XVIII, 6.	620
41.	479	XIX, 24.	431
XV, 23.	472. 620	35.	22
XVI, 11.	620	XX, 28.	27
<i>Luc.</i> II, 49.	620. 621	XXVII, 9.	431
VII, 38 seq.	346	<i>Rom.</i> III, 13.	620
X, 10 — 12.	620	20.	345
XI, 35.	ibid.	24, 25.	346
XII, 29.	472	IV, 24, 25.	ibid.
XVIII, 13.	345	VII, 7.	345
XXII, 19.	27	22.	346
<i>Jo.</i> V, 30.	622	24.	ibid.
35.	478	VIII, 14.	349
VI.	27	37.	346
29.	396	X, 9.	ibid.
69.	346	XIII, 6.	477
IX, 41.	345	XIV, 17.	346
XIII, 1 — 10.	620	<i>1 Cor.</i> X, 16 seq.	27, 30. 34
XIV, 11.	395	XI, 20.	27
XVII, 3.	346. 396	24 — 26.	ibid.
XVIII, 24.	697	27.	25
31.	698	29.	ibid.
<i>Act.</i> II, 4 seq.	431	31.	345
37.	345	XV, 9.	476
III, 17.	ibid.	36, 37.	619
19.	ibid.	<i>2 Cor.</i> IV, 6.	395
VI, 9.	618. 620	V, 15.	346
VIII, 13.	349	17.	349
X, 43.	346	VI, 14.	33
XI, 26.	466	VII, 10.	345
XIII.	106	<i>Gal.</i> III, 16.	617
14.	103	<i>Ccc cc</i>	<i>Gal.</i>

I N D E X

<i>Gal.</i> V, 6.	346	<i>Hebr.</i> I, 2, 3.	27
<i>Eph.</i> I, 18, 19.	ibid.	II, 14.	166
III, 13, 14.	346	VII, 27.	141
18, 19.	346. 466	IX, 13, 14.	27
IV, 18.	166	27.	619
VI, 13 <i>seq.</i>	431	X, 19.	346
<i>Phil.</i> I, 9 <i>seq.</i>	346	XI, 3, 4.	616
II, 5 — 8.	27	13.	617
IV, 13.	346	14.	476
<i>Coloss.</i> I, 14 — 20.	27	19 — 22.	617
1 <i>Thess.</i> IV, 1.	346	<i>Jac.</i> I, 23.	345
3.	ibid.	II, 17.	620
1 <i>Tim.</i> IV, 8.	348	III, 17.	465
V, 7.	466	<i>Juda</i> v. 14.	616
VI, 12 — 14.	477	16.	ibid.
2 <i>Tim.</i> II, 19.	349	<i>Apoc.</i> I, 1.	298
IV, 13.	472	3.	ibid.
1 <i>Petr.</i> III, 5.	479	19.	298. 300
19, 20.	616	III, 17, 18.	345
2 <i>Petr.</i> I, 8.	346	IV, 1.	298
II, 5.	616	VI.	299
III.	620	2.	395
1 <i>Jō.</i> II, 20.	619	VII, 4 <i>seq.</i>	299
27.	ibid.	VIII, 1 <i>seq.</i>	299. 302
III, 3.	349	9.	299
6, 7.	ibid.	X.	ibid.
10 <i>seq.</i>	ibid.	• 5 — 6.	298
18 — 20.	ibid.	7.	298. 341
23.	396	XI, 3.	298
24.	349	15 <i>seq.</i>	302. 341
IV, 13.	ibid.	XII, 14.	298
18, 19.	346	XIII, 5.	ibid.
V, 2.	ibid.	XVIII, 13.	620
2 <i>Jō.</i> v. 1.	477	XXI, 7.	477
12.	ibid.	XXII, 2.	161
		6 <i>seq.</i>	304
			Secken-

RERUM NOTABILIORUM.

Seckendorffii (<i>Viti Lud.</i>) <i>vita</i> & <i>scripta</i> .	378	Spadani <i>fontis foterii virtus</i> & <i>præstantia</i> .	514
a Seelen (<i>Jo. Henr.</i>) <i>laudatus</i> .	473	Spanhemii (<i>Frid.</i>) <i>utriusque vita</i> & <i>scripta</i> .	378
Senaregæ (<i>Barthol.</i>) <i>Historia Genuensis edita</i> .	485	Spoletanorum <i>Ducum stemma illustratum</i> .	253
<i>vita</i> & <i>scripta</i> .	ibid.	Stephani, <i>Monachi Benedictini, Chronicon Neritinum editum</i> .	489
Senenses <i>Ephemerides edita</i> .	208	Stereotomica <i>scientia explicata</i> .	506
Sensuum <i>philosophia exposita</i> .	323	Stigmata <i>inurendi morem quis primus abrogaverit?</i>	13
Serpentis <i>in corrumpendo Adamo calliditas</i> .	162 seq.	Sturmii (<i>Jo.</i>) <i>vita</i> & <i>scripta</i> .	379
Severi (<i>Cassii</i>) <i>vita</i> .	150	Sublacense <i>Chronicon editum</i> .	490
Siculæ <i>Historia Fragmentum editum</i> .	492	Sueviæ <i>Advocatia provincialis, Austriæ competens, illustrata</i> .	680 seq.
Siderum <i>motus causæ quæ?</i>	191	<i>Advocatorum provincialium catalogus</i> .	689 seq.
Ex Sidonio Apollinari <i>Elogia Gallorum Sec. V. excerpta</i> .	467	Sumptuariæ <i>Legis Liciniæ monumentum in numo antiquo</i> .	312 seq.
Siglum, <i>vox, unde dicta?</i>	18	Surii (<i>Laur.</i>) <i>vita</i> & <i>scripta</i> .	377
Simleri (<i>Jos.</i>) <i>vita</i> & <i>scripta</i> .	377	Sylvii (<i>Jac.</i>) <i>vita</i> & <i>scripta</i> .	379
Sitis <i>in quo consistat?</i>	520	Synagoga <i>Libertinorum illustrata</i> .	618
Slavonicæ <i>Bibliothecæ edenda consilium</i> .	472	Syracusana <i>historia descripta</i> .	174
Sol, <i>æternitatis symbolum</i> .	156	Syriæ <i>Regum historia descripta</i> .	173.
Solaris <i>atmosphæræ origo</i> .	90		498
<i>volumen auctum</i>			
<i>an ad terram usque pertingere, & auroram borealem efficere, possit?</i>	ibid.		
Somnus <i>in quo consistat?</i>	518		
Soni <i>propagatio & celeritas</i> .	328		
Sorelli (<i>Caroli</i>) <i>vita</i> & <i>scripta</i> .	568		
Savanorolæ (<i>Mich.</i>) <i>de laudibus Patavii Commentarius editus</i> .	493		
<i>vita</i> & <i>scripta</i> .	ibid.		
<i>pta.</i>			

T.	
Tabaci <i>usus & abusus</i> .	657
Tabula <i>argentea antiqua descripta</i> .	273
Taciti <i>locus explicatus</i> .	285
Tafari (<i>Angeli</i>) <i>belli Veneti descriptio edita</i> .	490
Taurini <i>de bello Pestliensi Carmen editum</i> .	52

I N D E X


Teleſii (Bernardini) vita & ſcripta.	567	Trotzii (Chriſtian. Henr.) in librum Hugonis de origine ſcribendi me- rita.	10 ſeq. doctrina
Terræ vera figura.	40. 332	laudata.	22
Teſtamenti inofficioſi querela unde orta?	454	in Meril- lii Commentarium in Inſtitutio- nes Juris merita.	452
Theæ potus uſus & abuſus.	657	De Triphone, Juſtini Martyris col- locutore, Diſſ.	472
Theatri ſcenici in eccleſia & repu- blica uſus.	420 ſeq.	Tubæ ſeptem in Apocalypſi quid de- notent?	301
Theologus a Jacobo Apoſtolo deſcri- ptus.	465	Tubi capillares vitrei deſcripti.	472
Thermometrum mercuriale, quod ſit ex barometro clauſo.	269	Tumorum quot ſint genera?	123
Thuani (Jac. Aug.) vita.	96	Turriani (Franc.) vita & ſcripta.	379
ei Carmen de re accipitraria tribuitur.	ibid.	Typographia ubi primum inventa?	16
Tinearum natura explicata.	114	Typographiæ ars nova deſcripta.	473
a pellibus abigendarum remedium.	115	Typographicæ artis quis primus in- ventor?	580 ſeq. prima ſpecimi- na qua?
varia genera.	114 ſeq.	Typographis qua olim jura conceſ- ſa?	16
Tomaſini (Jac. Phil.) vita & ſcri- pta.	379	Tyriorum Regum Chronologia ſta- bilita.	495
Tomotechnia, ſeu ars ſecandi lapi- des & ligna pro fornicibus, expli- cata.	506	De Tyrrenorum veterum origine Diſſ.	5
Torneæ urbis longitudo & latitudo.	44	V U. aillantii (Sebaſt.) methodus Plan- tarum deſcripta.	366
Torneamenti, vocis, origo.	219	Vallée (Goſkoſfr.) vita & ſcripta.	378
Tournefortii (Joſeph. Pitton.) me- thodus Plantarum deſcripta.	362	De	
De Trinitate doctrina ex antiquita- te illuſtrata.	400 ſeq.		
Triffini (Jo. Ge.) vita & ſcripta.	379		

RERUM NOTABILIORUM.

<i>De Vasallorum vestitu Observ.</i>	472	<i>Vix militares Romanorum in Germania olim conspicua.</i>	93 seq.
<i>Ubiorum ara illustrata.</i>	277 seq.	<i>De Viarum publicarum cura Lex antiqua illustrata.</i>	315
<i>fines ac regio descripta.</i>	278	<i>Vida (M. Hier.) vita & scripta.</i>	381
<i>De Vectigalium, a publicanis conductorum, usufructu Lex antiqua illustrata.</i>	315	<i>Vigilia in quo consistat?</i>	518
<i>Vehiculorum omne genus quomodo perficiendum?</i>	613	<i>Vigiliarum sacrarum origo.</i>	646
<i>Venælectio quibus in morbis locum habeat?</i>	183	<i>Vignolii (Alphonfi) Chronologia sacra & profana laudata.</i>	97 seq.
<i>Venæsectionis usus & effectus.</i>	181	<i>vita.</i>	98 seq.
<i>seq. 610 seq. 656</i>		<i>Vineti (Elia) vita & scripta.</i>	567
<i>varia genera.</i>	181	<i>Virgilii Ecloga secunda cur in Sicilia fingatur recitata?</i>	48
<i>indicationes varia.</i>	182	<i>opéra illustrata.</i>	ibid.
<i>Veneriei morbi inter Europæos ortus & progressus.</i>	608	<i>patria quæ?</i>	150
<i>natura & cura.</i>	ibid.	<i>Virium vivarum conservatio.</i>	265
<i>Veneta Historia edita.</i>	210	<i>corporearum æstimatio.</i>	330
<i>Veneti belli, A. 1484 gesti, descriptio edita.</i>	489	<i>Visionis ratio carmine descripta.</i>	702 seq.
<i>Pro Ventris crepitu Oratio Martini edita.</i>	255	<i>Viti (Steph.) vita & scripta.</i>	621
<i>De Vermiculis seu animalculis seminalibus Observ.</i>	471	<i>Vitringa (Campeg.) a Joach. Langio refutatus.</i>	342
<i>Veronæ origo unde?</i>	146	<i>Ab Ulphila an inventa sint literæ Gothicae?</i>	19
<i>antiquitates illustrata.</i>	146	<i>Volaterrani belli ortus unde?</i>	202
<i>seq. 153 seq.</i>		<i>(Jac.) Diarium Romanum editum.</i>	203
<i>Scriptores recensui.</i>	150 seq.	<i>vita.</i>	204
<i>Versus retrogradus picturæ sacre adscriptus.</i>	469	<i>Vorticum hypothesis explicata.</i>	270
<i>Vix, ab Antonino & Peutingero memorata, an fuerint perpetuis mutationibus producta?</i>	92	<i>Urforum nomen cur olim omnibus animantibus ferocioribus datum?</i>	48
		<i>Vulnerum æstimatio apud veteres Germanos usitata.</i>	408

INDEX RERUM NOTABILIORUM.

W.	
W achtleri (<i>Christfr.</i>) <i>Apologia edita.</i> 10	Westenbergii (<i>Jo. Ortwin</i>) <i>vita & scripta.</i> 717 seq.
Waldensium <i>Ecclesia descripta.</i> 534	Wolfii (<i>Jo. Christoph.</i>) <i>in Libanii Epistolas merita.</i> 289 seq.
Waltherus (<i>Ant. Balib.</i>) <i>laudatus.</i> 692	Wollii (<i>Christoph.</i>) <i>de S. Cæna liber promissus.</i> 35
<i>De Werde Comitum occasus unde?</i> 471	Z. Zambicarius (<i>Franc.</i>) <i>quis fuerit?</i> 290
Werenfelsii (<i>Sam.</i>) <i>de absoluto prædestinationis ac reprobationis decreto scriptum editum.</i> 343	Zate-Bock, <i>Luneburgicum Instrumentum pacis, editum.</i> 38
Wesselingius (<i>Petr.</i>) <i>laudatus.</i> 254 seq.	S. Lenonis <i>vita.</i> 151 <i>Operum editio promissa.</i> <i>ibid.</i>




Errores Operarum.

Pag. 15 lin. 14 pro adulteria lege adulterii; pag. 58 l. ult. pro et leg. ut;
pag. 71 l. 33 dele eum; pag. 76 l. 3 pro Hephæstione leg. Hephæstio-
ne; pag. 108 l. 3 pro imputandum lege imputandam; pag. 154 l. 24
pro liberrima leg. liberrima; p. 170 l. 19 pro experti leg. expertes;
pag. 211 l. 23 pro redenti leg. redeunt; pag. 235 l. 19 pro commemo-
rabimus leg. commemorabimus; pag. 278 l. 32 pro Uliorum leg. Ubio-
rum; pag. 282 l. 2 pro aram leg. arcam; pag. 309 l. 33 pro desi-
gnasse leg. designasse; ibid. l. 34 pro nnium lege lennium; pag. 386
l. 10 pro visus leg. visus; pag. 409 l. 1 pro 809 leg. 409; pag. 415
l. 16 pro $\frac{A}{q^n}$ leg. $\frac{A}{p^n}$; pag. 416 l. 19 lege $\frac{Z dy^n}{dx^n}$; pag. 417 l. 22
lege $2nx dx^n dy ddy (dx^2 + dy^2)^{\frac{n-1}{2}}$; pag. 432 l. 23 pro per-
traheret leg. protraheret; ibid. l. 24 pro postulabant leg. postulabat;
ibid. l. 25 pro merebatur leg. merebantur; pag. 446 l. 11 pro ex tem-
plo leg. extemplo; pag. 465 l. 5 pro Jacobi leg. Jacobi; pag. 494
l. ult. pro geueralis lege generalis.



Österreichische Nationalbibliothek



+Z171844700

